


# माओ त्से तुंग

## ना संकलित रचनांग

### ग्रंथ 2



अनुवाद - जनी



दुनिया ता मजदूरलोर उंदी आयमूट!



दुनिया ता मजदूरलोर उंदी आयमूट!

माओ त्सेतुंग  
ना  
संकलित रचनांग  
ग्रंथ-2

पहली गोड़ी संस्करण 2021



## **पहिला हिंदी संस्करण - 1976 पेकिंग**

इद ग्रंथ पीपुल्स पब्लिसिंग हाउस पेकिंग तल 1968 लोप्पा  
छपेमाता “माओ त्से तुंग ता संकलित रचनांग” ग्रंथ 1 ता  
चीनी संस्करण ता हिंदी अनुवाद आंदू विदेशी भाषा ता  
संस्करण अनुसार तिना लोप्पा इचुन बदलाव कित्ताद मंता।

हिंदी संस्करण तल पहली बेरा गोंडी अनुवाद – 2021

**अनुवाद - जनी**

**जंगोम प्रेस**



毛泽东



## प्रकाशक ना पोल्लो

“माओ त्सेतुंग ना संकलित रचनांग” पोरोल ते छपेमात्ता इंजेटा संस्करण (Edition) लोप्पा कामरेड माओ त्सेतुंग ना चीनी क्रांति लोप्पा अलग-अलग कालम ते रास्ता महत्वपूर्ण लेख शामिल मंतांग। इगे उचुक सालकुने वेल्ले जागाने “माओ त्सेतुंग” ना बचुको चीनी संस्करण छपेमात्तांग। मति लेखक (रासानोर) इविनगडल बदे संस्करण तुन छपेमायना मुन्ने पढेमायवा मत्तोरा। छापे कित्ता लेख बेस कीतद हिल्वा मत्ता, प्रिंटिंग लोप्पा उचुन शब्दकु गलत मत्तांग, ओसो उचुक महत्वपूर्ण लेख किन विड़स्ताद मत्ता। इंजेटा पुस्तक ता विषय किन समय हिसाबते, 1921 ते चीन कम्युनिस्ट पार्टी ता स्थापना आतस्केडल ताना इतिहास ता मुख्य कालम अनुसार सुधेर कित्ताद मंता। इद संस्करण लोप्पा इदिनकु मुन्ने बदे संस्करण लोप्पा हिल्वा महत्वपूर्ण लेख किन वेन्ने परताचोन शामिल कीतद मंता। लेखक इद संस्करण ता सब्बे लेख किन पढे मातोर, ओसो उचुक जागा ने शब्द कुना बदलाव कित्तोरा। ओसो उंदी-रेंडु लेख कुना लोप्पा बदलाव ओसो संशोधन वेन्ने कीतद मंता।

इद प्रकाशन ता संबंध ते दोड़ रास्ता पोल्लोंग किन स्पष्ट कियाना जरूरी मंता।

- 1) वर्तमान संकलन (रचना) पूरा आत्ताद हिल्ले। बारांकु इत्तेके क्रांतिकारी दस्तावेज किन क्वोमिंगतांग प्रतिक्रियावादी लोर नष्ट कित्तोर लेवेके वेल्ले समय एकनल ताकता युद्ध लोप्पा मायतांग, अदिन के माटु कामरेड माओ त्सेतुंग ना सबे रचनांग किन संकलित किया परवोम, खासकर ओना रास्ता लेकका हिल्वा चिंडिंग किन ओसो टेलिग्राम किन शामिल किया परतद हिल्ले। इद ओरु रास्ता लेख कुना लोप्पा बेहरा हिस्सा मत्ता।

- 2) वेल्ले प्रचार आत्ता उचुक लेख कुन (उदा. “नाहकुना जांच-पडताल” लेककटा) लेखक ना सुझाव अनुसार ते इद संकलन लोप्पा शामिल कीताद हिल्ले, ओसो अदिन काजे “आर्थिक ओसो वित्तीय समस्यांग” पोरोल ता लेख ता पहला अध्याय (“मावा मुन्ने कित्ता कबस्कुना बुनियादी सार”) किने इगा शामिल कीतद मंता।
- 3) इंजेटा संकलन लोप्पा उचुक व्याख्यात्मक (विस्तारते वेहना) नोट किन जोडे कीतद मंता। हेडिंग किन स्पष्ट कियाना उचुक नोट्स लेख ता पहली पन्ना ता दोडे हितद मंता, ओसो पिस्ता राजनीतिक लेवेके दूसरा नोट्सकु हर लेख ता आखरी ते हितद मंता।
- 4) इंजेटा चीनी संस्करण उंदी पुस्तक ता रूप ते हिल्वेके नातुंग पुस्तक कुना उंदी सेट ता रूप ते मंता। सेट ता पहली पुस्तक लोप्पा पहली क्रांतिकारी गृहयुद्ध ता कालम ओसो दूसरी क्रांतिकारी गृहयद्ध ता कालम शामिल मंता, दूसरा ओसो तीसरा पुस्तक लोप्पा जापानी-आक्रमण-विरोधी युद्ध ता कालम शामिल मंता, ओसो चौथा पुस्तक लोप्पा तीसरी क्रांतिकारी गृहयद्ध ता कालम शामिल मंता।

चीन कम्युनिस्ट पार्टी केंद्रीय कमेटी ता  
माओ त्सेतुंग ना संकलित-रचनांग प्रकाशन समिति

25 अगस्त 1951

## अनुवादक ना बगिल तल

11-12 साल उमर ते मंदानास्केटल बेहरोर वड़कना पोल्लोंग केंजसोरे बेरसतान। बेरसोरे दायना संगे इव पोल्लोंग कुन पाटांग ओसो भाषण कुना लोप्पा वेने केंजा वात्ता। नन्ना सुडलास्केटल मंदाना नाटे ओसो नावा नालुंग बगिल ता वातावरण लोप्पा इद्रम ता बेहरा-बेहरा ओसो मावा रोज ता पिस्वल संगे जुडेमासी मत्ता पोल्लोंग केंजवा मत्तांकु, नावा लोप्पा इविन पुंदाना गिर्दा बेरससोर हत्ता। नावा काजे इव वेल्ले पूना पोल्लोंग मत्तांग।

सिर्फ केंजसिए बदे पोल्लो तुन पुंदाला कोशिश कियाना वेल्ले मुश्किल मंता। बारांकु इतेके हर बेरा, हर विषय, हर सवाल ता जवाब हियाला काजे वरोर सही मानेय संगे मदाना मुश्किल मंता। अदिनके नन्ना उचुन पढेमायला अनि रासिला करियतान।

नावा इद यात्रा लोप्पा वेल्ले लोकुरा योगदान मंता। सबसे मुन्ने नावा यायाल मंता, अदु नाकिन कम से कम साईन कियानाचोन स्कूल करियाना इंजी सपना हूँडता। मति अदिना सपना अदु हूँडता लेकका पूरा आया परवो आत्ता। बारांकू इतेके उंदी पेरके अरसी मत्ता इलाका ओसो नाटे स्कूल-कालेज पढाई ता रिवाजे हिल्ले। इदिनकु बेहरा समस्या गरीबी ते पिस्वल पिस्नदु मंता।

इद्रम ता परिस्थिति ते मंदानास्के नावा पिस्वल लोप्पा वरोर गुरुजी वात्तोर, नावा जीवा ता ‘दादाल’, नावा गुरुजी। ओरा नाकिन ओरा वेल्ले कीमती समय तिंची नावा काजे समय तेंडानोर, नाकिन प्राथमिक शिक्षा हियानोर, नाकिन जीवा कियानोर। नावा जीवा गरे मत्ता ‘मीना’ दीदी नाकिन हिंदी भाषा रास्ला ओसो पढेमायला करिहत्ता। इदे आयवा ‘गेडा ते ताकना स्कूल’ ता वेल्ले योगदान मंता। इदे आयवा बच्चोनो दादा-दीदीरा योगदान मंता। इव सब्बे पुस्तकिंग अनुवाद कीसोरे ओर सब्बे तोरकिन नन्ना सुरता कींदान। ओरा लोप्पा बच्चोनो जन इंजे माकिन विडिसी हत्तोर। वेर सब्बेतोर इद यात्रा लोप्पा नावा संगे मंदानोर, ओसो वायना कालम ते वेने नावा संगे मंदानोर। ओरा बारे ते बच्चोने पुस्तकिंग रासमुङ्ग आयरा।

माटांग ओसो पाटांग लोप्पा केंजता पोल्लोंग, पुस्तक पढ़ेमायनास्के पुस्तक लोप्पा दोरकतास्के नावा गिर्दा तुकू हंदी हिल्ले आत्ता। नावा लेक्का पूना पोल्लोंग करियाला आल्सानोर ओसो केंजता पोल्लोंग कुन पुंदाला कोशिश कियानोर वेल्लेतोर मंतोरा। मति पोरो नन्ना वेहता लेक्का हर बेरा, हर विषय, हर सवाल ता जवाब हियाला सही मानेय ‘जीवा ता दादाल’ दोरकना मुश्किल मंता। अदिनके इद साहित्य ता परताचोन हिंदी तिंची गोंडी भाषा ते अनुवाद कियाना इंजी आल्सताना।

मावा गोंडी भाषा वड़कानोर आंध्रा, ओडिशा, छत्तीसगढ़, महाराष्ट्र, मध्यप्रदेश, उत्तरप्रदेश लेक्कटा राज्यकुने अलग-अलग जागा ने पिस्सा मंतोरा। अदिनके मावा गोंडी भाषा पोरो अलग-अलग राज्यकुना भाषांग ना वेल्ले प्रभाव मंता। नावा गोंडी पोरो हिंदी, मराठी ओसो छत्तीसगढ़ी ता प्रभाव ज्यादा मंता। अनुवाद कियानास्के नाकिन पूना शब्द बने कियाना वेल्ले कटला वात्ता, इत्तेके गोंडी लोप्पा पारिभाषिक शब्द कुन वेहाला शब्द हिल्ले, अदिनके वेल्ले शब्द हिंदी ता इस्तेमाल कित्ताना। वायना कालम ते जनता लोप्पा हंजी ओसो ज्यादा गोंडी ता शब्दकु करियसी इदिन उच्चन सुधरे कीमुड़ आयर। मति भाषा ता प्राकृति अनुसार दूसरा भाषा तल शब्द पोयाए लागिंता। अनुवाद कियानास्के नन्ना अंग्रेजी ओसो हिंदी रेंडु पुस्तकिंग ना मदद एतिताना।

नावा इद कब्बड़ लोप्पा संगे-संगे ताकसोर मत्ता नावा जीवन साथी ना वेन्ने योगदान मंता। वीरु नाकिन इद काम कियाला गिर्दा कींतोरा। नावा लोप्पा जीवा मत्तादु सुरता किसींतोर, नावा कै पोयसी ताकिंतोरा वीरु इदिन पुस्तक लेक्का डिजाईन कियाना ओसो प्रूफ कियाला मदद हितोरा।

इव सब्बे पुस्तकिंग जनता नड़मा ओयला काजे जंगोम प्रेस पोरोल ते उंदी प्रकाशन पोरोल हितोमा इद पोरोल मावा वीर पडियोर, गोंड जनता ना हीरो, गड़चिरोली भूमि ता मर्री वीर बाबूराव शेडमाके ना सेना तल पोयत्तोमा। सब्बे शहीदार किन सुरता कीसोरे इव सब्बे पुस्तकिंग इंजे मीवाव आत्तांग।

इद यात्रा जारी मंदियर.... इव पुस्तकुना गोंडी अनुवाद, डिजाईन पोरो सब्बेतोरा सुझाव ओसो आलोचनाकुना वेल्ले जरूरत मंता। मीटू ओसो बदे पुस्तक ता अनुवाद कीतेके बेस आयर इंजी वेने सुझाव हीतेके बेस आयर।

जीवा ता जोहार  
मीवा - जनी

## विषय सूची

जापान -हमला-विरोधी युद्ध कालम (1)	
जापानी-आक्रमण प्रतिरोध कियाना नीतिंग, तरीकांग ओसो संभावनांग	18
रेडु नीतिंग .....	18
रेड रकम ता तरीका .....	21
रेडु संभावनांग .....	27
निष्कर्ष.....	27
नोट .....	29
प्रतिरोध-युद्ध लोप्पा सफलता दोरकी कियाला काजे राष्ट्र ता पूरा ताकत किन उंदीकट्टु कियाना कोशिश कीमुट <sup>2</sup> .....	30
नोट .....	38
उदारतावाद ता विरोध कीमुट.....	39
क्वोमिंगतांग-कम्युनिस्ट सहयोग ता स्थापना पेरके फौरी कार्य .....	43
नोट .....	55
ब्रिटिश पत्रकार जेम्स ब्रांम किन इन्टरव्यू.....	56
चीनी कम्युनिस्ट पार्टी ओसो .....	56
जापानी-आक्रमण विरोधी युद्ध.....	56
जापानी-आक्रमण-विरोधी युद्ध ता स्थिति ओसो ताना सबक.....	57
जापानी-आक्रमण-विरोधी युद्ध लोप्पा आठवीं राह सेना .....	62
जापानी-आक्रमण-विरोधी युद्ध लोप्पा आत्मसमर्पणवाद.....	66
जनवाद ओसो जापानी आक्रमण-विरोधी युद्ध.....	67
शांघाई ओसो थाएख्वान ता पतन पेरके जापानी आक्रमण विरोधी युद्ध ता परिस्थिति ओसो काम <sup>3</sup> .....	72
1. वर्तमान परिस्थिति आंशिक प्रतिरोध संगे पूर्ण प्रतिरोध लोप्पा संक्रमण कियाना आंदू.....	72

2. पार्टी ओसो पूरा देश लोप्पा, रेडासी जागाने आत्मसमर्पणवाद ता विरोध कियाना.....	77
पार्टी लोप्पा वर्ग-आत्मसमर्पणवाद ता विरोध कीमुट .....	77
पूरा देश लेवल ते राष्ट्रीय आत्मसमर्पणवाद ता विरोध कीमुट.....	82
वर्ग-आत्मसमर्पणवाद ओसो राष्ट्रीय आत्मसमर्पणवाद ता आपसी संबंध....	84
नोट .....	84
<b>शेनशी-कानसू-निंगश्या बार्डर एरिया सरकार ओसो आठवीं राह सेना ता पृष्ठभागीय कार्यलय ता ऐलान<sup>4</sup> .....</b>	<b>92</b>
नोट .....	95
<b>जापान-विरोधी छापामार युद्ध ता रणनीति विषय संबंधी समस्यांग .....</b>	<b>96</b>
अध्याय 1 .....	96
छामापार युद्ध लोप्पा .....	96
रणनीति विषय संबंधी समस्यांग बारांकु तेहाना? .....	96
अध्ययन 2 .....	99
युद्ध ता बुनियादी उसूल खुद किन सुरक्षित तासना ओसो दुश्मन किन नष्ट कियाना मंता .....	99
अध्याय 3 .....	100
जापान-विरोधी छापामार युद्ध ता छः विशेष रणनीतिक समस्यांग .....	100
अध्याय 4 .....	101
खुद ता पहलकदमी पोर्चे, लचीला तरीका ते ओसो योजना ता अनुसार रक्षात्मक युद्ध लोप्पा आक्रमणात्मक लडाईंग लडेमायाना,.....	101
दीर्घकालीन युद्ध लोप्पा तुरंत निर्णय ता लडाईंग लडेमायाना,.....	101
ओसो आंतरिक सैन्य-पंक्ति वाले कार्फाईंग लोप्पा बाहरी सैन्य-पंक्ति वाले कार्फाईंग कियाना .....	101
अध्याय 5 .....	112
नियमित युद्ध संगे तालमेल .....	112
अध्याय 6 .....	115
आधार-इलाका ता स्थापना .....	115
1. आधार-इलाका ता रकमकु .....	117
2. छापामार इलाकांग ओसो आधार इलाकांग .....	119

3. आधार इलाकांग ना स्थापना ता शर्तकू.....	121
4. आधार इलाका किन सुदृढ़ बने कियाना ओसो विकसित कियाना .....	124
5. दुश्मन ओसो मना फौज कु कियाना घेराबंदी ता रकमकु .....	126
अध्याय 7 .....	127
छापामार युद्ध लोप्पा रणनीतिक रक्षा ओसो रणनीतिक आक्रमण .....	127
1. छापामार युद्ध लोप्पा रणनीतिक रक्षा .....	128
2. छापामार युद्ध लोप्पा रणनीतिक आक्रमण .....	130
अध्यायन 8 .....	132
छापामार लड़ाई ता चलायमान लड़ाई ता रूप ते विकास .....	132
अध्याय 9 .....	135
कमांड कुना आपस ता संबंध .....	135
नोट .....	139
<b>दीर्घकालीन युद्ध ता बारे ते<sup>६</sup> .....</b>	<b>141</b>
समस्या ता विवरण .....	141
समस्या ता आधार .....	153
राष्ट्रीय गुलामी ना सिद्धांत ता खंडन .....	157
समझौता या प्रतिरोध? पतन या प्रगति? .....	162
राष्ट्रीय गुलामी ता सिद्धांत गलत मंता ओसो जल्दी जीत ता सिद्धांत वेने गलत मंता .....	167
दीर्घकालीन युद्धे बारांकु? .....	171
दीर्घकालीन युद्ध ता मूँड मंजिल .....	175
चौखटी-आरी” प्रणाली ता युद्ध .....	188
स्थाई शांति काजे युद्ध .....	192
युद्ध लोप्पा मानेय ना गत्यात्मक भूमिका .....	196
युद्ध ओसो राजनीति .....	199
जापानी-आक्रमण-विरोधी युद्ध काजे राजनीतिक जत्थेबंदी .....	201
युद्ध ता उद्देश्य .....	203
रक्षात्मक कार्वाई ताकनास्के आक्रमणात्मक कार्वाई, दीर्घकालीन युद्ध ताकनास्के तुरंत निर्णय ता लड़ाईंग ओसो लोप्पाटा सैन्य पंक्ति कुना लोप्पा बाहारी सैन्य पंक्ति .....	206

पहलकदमी, लचीलापन ओसो योजना .....	214
चलायमान लड़ाई, छापामार लड़ाई ओसो मोर्चाबद लड़ाई .....	229
एरिया-दोगना लड़ाई ओसो विनाश ता लड़ाई .....	235
दुश्मन ता गलतिंगनगडल फायादा एतना संभावनांग .....	240
जापानी-आक्रमण-विरोधी युद्ध लोप्पा निर्णयिक मुठभेड़कुना सममस्यांग ..	243
फौज ओसो जनता जीत ता आधार आंदु .....	248
निष्कर्ष .....	253
नोट .....	257
<b>राष्ट्रीय युद्ध लोप्पा चीनी कम्युनिस्ट पार्टी ता भूमिका'</b> .....	<b>263</b>
राष्ट्रीय युद्ध लोप्पा कम्युनिस्ट लोर किन आदर्श हीयाना .....	265
पूरा राष्ट्र किन एकताबद्ध कियाना ओसो अदिना लोप्पा मंदाना दुश्मन लोरा दलाल लोरा विरोध कियाना .....	267
कम्युनिस्ट पार्टी ता विस्तार कियाना ओसो दुश्मन ना दलाल लोरा घुसपैठ रोमी कियाना .....	268
संयुक्त मोर्चा बने कीसि तासना ओसो पार्टी ता स्वतंत्रता किन निल्पी कीसि तासना .....	269
संपूर्ण परिस्थिति किन ध्यान ते तासना, बहुसंख्यक लोकुर ध्यान तासाटू, ओसो अपना संश्रयकारी लोरा संगे कलियसी काम कीमुट .....	270
पार्टी-अनुशासन .....	273
पार्टी लोप्पा जनवाद .....	274
रेहु मोर्चाकुना पोरों संघर्ष ताकि कीसि मना पार्टी सुदृढ़ ओसो शक्तिशाली बने माताद मंता .....	275
रेहु मोर्चांग ने वर्तमान संघर्ष .....	278
अध्ययन .....	279
एकता ओसो जीत .....	281
नोट .....	283
<b>संयुक्त मोर्चा लोप्पा स्वतंत्रता ओसो पहलकदमी ता सवाल</b> .....	<b>285</b>
सहायता ओसो रियायत सकारात्मक मंदाना, नकारात्मक आयो .....	285
राष्ट्रीय संघर्ष ओसो वर्ग-संघर्ष ता एकरूपता .....	287
“सब्बे संयुक्त मोर्चा संगेने कियना” ता नारा गलत मंता .....	287

नोट .....	289
<b>युद्ध ओसो रणनीति ता समस्यांग.....</b>	<b>290</b>
1. चीन ता विशेषतांग ओसो क्रांतिकारी युद्ध .....	290
2. क्वोमिंगतांग ता युद्ध-इतिहास .....	295
3. चीनी कम्युनिस्ट पार्टी ता युद्ध-इतिहास.....	298
4. गृहयुद्ध ओसो राष्ट्रीय युद्ध ताकनास्के पार्टी ता फौजी रणनीति लोप्पा आयना बदलाव.....	300
5. जापान-विरोधी छापामार युद्ध ता रणनीतिक भूमिका .....	303
6. फौजी समस्यांग ना अध्ययन बगिल ध्यान हीमूट.....	306
नोट .....	308
<b>4 मई आंदोलन .....</b>	<b>312</b>
नोट .....	314
<b>नौजवान आंदोलन ता दिशा .....</b>	<b>315</b>
नोट .....	325
<b>आत्मसमर्पणवादी कार्बाईंग ना विरोध कीमुट.....</b>	<b>326</b>
नोट .....	331
<b>प्रतिक्रियावादिर किन सजा हियालाए लागियर.....</b>	<b>334</b>
नोट .....	338
<b>पूना अंतर्राष्ट्रीय परिस्थिति बारे ते “नव चीन दैनिक” ता संवाददाता किन इन्टरव्यू .....</b>	<b>340</b>
नोट .....	347
<b>केन्द्रीय समाचार-एजेन्सी, “साओतांग पाओ” ओसो “शिनमिन पाओ”! ना मुव्वूर संवाददाता लोर किन इंटरव्यू .....</b>	<b>349</b>
नोट .....	356
<b>सोवियत संघ ओसो पूरा मानव जाति ता हित कुना एकरूपता.....</b>	<b>357</b>
नोट .....	367
<b>“कम्युनिस्ट” पत्रिका ता परिचय.....</b>	<b>369</b>
नोट .....	382
<b>वर्तमान परिस्थिति ओसो पार्टी ता कार्य.....</b>	<b>384</b>
<b>बुद्धिजीवी लोर किन बेहरा संख्या ते भर्ती कियाना<sup>14</sup> .....</b>	<b>387</b>

चीनी क्रांति ओसो चीनी कम्युनिस्ट पार्टी <sup>15</sup>	391
अध्याय 1	391
चीनी समाज	391
1. चीनी राष्ट्र	391
2. पाइना सामंती समाज	393
3. नेटा औपनिवेशिक, अर्ध-औपनिवेशिक	396
ओसो अर्ध-सामंती समाज	396
अध्याय 2	403
चीनी क्रांति	403
हत्ता सौ साल ता क्रांतिकारी आंदोलकु	403
2. चीनी क्रांति ता हमला ता लक्ष्य	404
2. चीनी क्रांति ता काम	408
3. चीनी क्रांति ता प्रेरक शक्तिंग	409
1. जर्मींदार वर्ग	409
2. पूँजीपति वर्ग	410
3. किसान लोर किन विड़सी निम्न-पूँजीपति वर्ग ता विभिन्न हिस्सांग	412
4. किसान वर्ग	414
5. सर्वहारा वर्ग	416
6. आवारा	417
5. चीनी क्रांति ता स्वरूप	418
2. चीनी क्रांति ता वायना कालम	422
7. चीनी क्रांति ता दोहरा काम ओसो चीनी कम्युनिस्ट पार्टी	423
नोट	424
चीनी जनता ना दोस्त स्तालिन	431
नोट	432
नार्मन बेथ्यून ना स्मृति ते	433
नोट	435
नवजनवाद ता बारे ते	436
1. चीन बेके?	436
2. माटु उंदी पूना चीन ता निर्माण कियाला आल्सा मंतोम	437

3. चीन ता ऐतिहासिक प्रधानतांग .....	437
4. चीनी क्रांति विश्व क्रांति ता अंग आंदू .....	439
5. नव-जनवाद ता राजनीति .....	446
6. नवजनवादी आर्थिक व्यवस्था .....	452
7. पूंजीपति वर्ग ता अधिनायकत्व ता खंडन .....	454
8. “वामपंथी” पोंगड़िंग ना खंडन .....	458
9. कट्टरपंथिरा खंडन .....	461
10. पाड़ना ओसो पून मूँदू जन-सिद्धांतकु.....	465
11. नवजनवाद की संस्कृति.....	472
12. चीन ता सांस्कृतिक क्रांति ता ऐतिहासिक विशेषतांग .....	474
13. नालुंग कालमकु .....	476
14. संस्कृति ता स्वरूप ता बारे ते उचुन गलत विचारकु.....	482
15. उंदी राष्ट्रीय, वैज्ञानिक ओसो लोक संस्कृति.....	485
नोट .....	488
<b>आत्मसमर्पण ता खतरा किन दूर किमुट ओसो परिस्थितिकुन बेस बने कियाला कोशिश किमुट.....</b>	<b>491</b>
नोट .....	495
<b>सब्बे जापान-विरोधी ताकत कुन एकता कीमुट ओसो कम्युनिस्ट-विरोधी कट्टरतावादिरा खिलाफ संघर्ष कीमुट<sup>16</sup> .....</b>	<b>496</b>
नोट .....	501
<b>क्वोमिंगतांग तिंची दस मांगकु<sup>17</sup> .....</b>	<b>505</b>
नोट .....	513
<b>“चीनी मजदूर” पत्रिका ता परिचय .....</b>	<b>514</b>
नोट .....	515
<b>माटु एकता ओसो प्रगति पोर्झ जोर हियाना<sup>18</sup> .....</b>	<b>516</b>
नोट .....	518
<b>नवजनवादी कानूनी सरकार<sup>19</sup> .....</b>	<b>519</b>
नोट .....	528
<b>जापान-विरोधी आधार इलाकांग ता राजनीति सत्ता ना सवाल बारे ते<sup>20</sup></b>	<b>531</b>

जापान-विरोधी संयुक्त मोर्चा लोप्पा कार्यनीति संबंधित वर्तमान समस्यांग <sup>21</sup>	.....	535
जापान-विरोधी ताकत कुना वेल्ले विकास कीमुट ओसो कम्युनिस्ट-विरोधी कटूरतावादिरा हमलांग ना प्रतिरोध कीमुट <sup>22</sup>	.....	547
नोट .....	.....	554
आखरी एवनल एकता बने कीसि मंदाना .....	.....	556
नीति ता बारे ते <sup>23</sup> .....	.....	560
नोट .....	.....	571
दक्षिण आनहेड घटना ता बारे ते आदेश ओसो स्टेटमेंट .....	.....	572
चीनी कम्युनिस्ट पार्टी ता केंद्रीय कमेटी ता क्रांतिकारी फौजी कमीशन ता आदेश .....	.....	572
चीनी कम्युनिस्ट पार्टी ता केंद्रीय कमेटी ता क्रांतिकारी फौजी कमीशन ता प्रवक्ताल शिनह्हा समाचार एजेन्सी ता संवाददाता किन हीता स्टेटमेंट...573	.....	573
नोट .....	.....	580
दूसरा कम्युनिस्ट-विरोधी हमला किन हरे कित्ता पेरकेटा परिस्थिति <sup>24</sup> ..582	.....	582
नोट .....	.....	584
दूसरा कम्युनिस्ट-विरोधी हमलांग किन विफल कियाना ता बारे ते निष्कर्ष <sup>25</sup> .....	.....	587
नोट .....	.....	593

## **जापान -हमला-विरोधी युद्ध कालम (1)**

# जापानी-आक्रमण ता प्रतिरोध कियाना नीतिंग, तरीकांग ओसो संभावनांग<sup>1</sup>

23 जुलाई 1937

## रेड नीतिंग

8 जुलाई ते लुकओछ्याओ घटना<sup>1</sup> तुकू उंदी दिया पेरके चीनी कम्युनिस्ट पार्टी ता केंद्रीय कमेटी पूरा राष्ट्र ता पोर्नोल ते उंदी घोषणापत्र जारी कित्ता ताना लोप्पा

---

<sup>1</sup> 7 जुलाई 1930 ते जापानी साम्राज्यवाद सशस्त्र शक्ति संगे पूरा चीन किन लूटे कियाला कावे लुकओछ्याओ घटना किन अंजाम हितोरा पूरा चीनी जनता उंदी लैंग ते जापान ता खिलाफ युद्ध कियाना मांग कित्तोरा मति इद पोल्लो दस दिया पेरके च्यांग काई-शेक लूशान लोपा वेल्लेजोम गोमिसी, उंदी सार्वजनिक स्टेटमेंट संगे जापान सशस्त्र प्रतिरोध कियाना इंजी ऐलान कित्तोरा ओरु पूरा जनता ना दबाव ता कारण ते, चीन लोपा जापानी आक्रमण संगे ब्रिटिश, अमेरिका साम्राज्यावादीरा हित ते ओसो प्रत्यक्ष रूप ते च्यांग काई-शेक प्रतिनिधित्व कियाना बडे जर्मांदार वर्ग, बेहरा पूंजीपति वर्ग ता हित ते कित्ता दबाव कुना कारण ते कित्तोरा मति सोनेने च्यांग काई-शेक सरकार जापानी आक्रमणकारीरा संगे वार्ता वेने जारी तास्तोर अनिं इगाने रोमवा लेवा ओरु जापानी आक्रमणकारीरा लोकल अधिकारीरा संगे कित्ता सब्बे शांतिपूर्ण समझौतांग किन वेने माने मत्तोरा जापानी आक्रमणकारीरा 13 अगस्त ते शांघाई पोरो उंदी बेहरा हमला कित्तोर, अट्रमासी च्यांग काई-शेक ना काजे दक्षिण-पूर्वी चीन लोपा तन्ना शासन किन बचे कीया परवा लेका कित्तोर, अस्केने च्यांग काई-शेक किन मजबूर (विचार हिल्वाए) आसी सशस्त्र प्रतिरोध किया लागता: मति 1944 एवनल च्यांग काई-शेक जापानी आक्रमणकारीरा संगे कुस्क-कुस्के समझौता कियाना कोशिश कीसोरे मत्तोरा पूरा प्रतिरोध-युद्ध कालाम ते च्यांग काई-शेक पूरा जनता किन उंदीकडू कियाना व्यापक लोकयुद्ध ता विरोध कित्तोर, ओसो जापान ता निष्क्रिय (बेकार, विफल) प्रतिरोध कियाना ओसो कम्युनिस्ट पार्टी, जनता ना सक्रिय विरोध कियाना प्रतिक्रियावादी नीति लागू कीतोर: इद्रम ओना कबरकु लूशान स्टेटमेंट ता पूरा उल्लंघन कीतांग, इट स्टेटमेंट लोपा “उंदी बेरा बगाने युद्ध तेदता, इतेके हर व्यक्ति, इतेके ओर जवान आई, मुख्यतोराई, उत्तर आई दक्षिण आई, जापान ता प्रतिरोध कियाना ओसो मना यायोभ्यि ता रक्षा कियाना जिम्मेदारी एतना” इंजी कामरेड माओ त्सेतुग इद लेख लोपा रेड नीतिंग, रेड रकम ता तरीकांग ओसो रेड संभावनांग ना चर्चा कित्तोर, अव प्रतिरोध-युद्ध ताकनास्के कम्युनिस्ट पार्टी ता कार्यदिशा ओसो च्यांग काई-शेक ना कार्यदिशा नडमा ता संघर्ष किन तोहिंता।

प्रतिरोध-युद्ध ताकी कियाला आह्वान कित्ताद मत्ता। घोषणा ता उंदी अंश दोड़ रास्ता लेकका मत्ता:

देशम ता जनता! पेंगिंग ओसो थ्येनचिन खतरा ते मंता! उत्तरी चीन खतरा ते मंता! चीनी राष्ट्र खतरा ते मंता! पूरा राष्ट्र प्रतिरोध-युद्ध ताकी कियाना विडचसी दूसरा हर्फी हिलले। मना मांग तुरंत आक्रमणकारी जापानी सेना ता दृढता ते प्रतिरोध कियाना ओसो सब्बे रकम ता संकटपूर्ण परिस्थिति ना सामना कियाला काजे तुरंत तैयारिंग कियाना इंजी मंता। पोर्हे तल दोड़ एवनल पूरा राष्ट्र किन जापानी आक्रमणकारीरा मुन्ने तल्ला वरहची दोरकी कित्ता शांति ता परिस्थिति ते मंदाना विचार किन तुरंत विडसना इंजी मंता। प्रिय देशवासीर! माटु फंग च-आन ता फौजकु कित्ता वीरतापूर्ण प्रतिरोध ता प्रशंसा कियाना ओसो अदिना समर्थन कियाना। मनम उत्तरी चीन ता लोकल अधिकारी लोरा आखरी एवनल तन्ना यायोभूमि ता रक्षा कियाकोम इंजी कित्ता ऐलान ता सम्मान कियाना ओसो अदिना समर्थन कियाना इंजी मांग कींतोमा। माटु जनरल सुंग चे-य्वान पूरा 29वीं फौजी कोर<sup>२</sup> किन तुरंत उंदीकडू कियाना ओसो तानकिन कार्रवाई काजे लोहाना इंजी मांग कींतोमा। नानकिंग लोप्पा मंदाना सरकार तल माटु मांग किया मंतोम:- 29वीं फौजी कोर ता हर संभव रूप ते मदद कियाना इंजी। जन-समुदाय ता देशभक्ति आंदोलन कुना पोर्हे वाटता प्रतिबंध तुरंत हटे कियाना ओसो सशस्त्र प्रतिरोध काजे जनता किन उत्साहपूर्ण विकसित कियाना इंजी मांग कींतोमा। देश ता पूरा पैदल-सेना ओसो वायु-सेना किन कार्रवाई काजे तुरंत उंदीकडू कियाना। चीन लोप्पा मकसी मत्ता सब्बे देशद्रोही ओसो जापानी एजेंट लोरकिन तुरंत खत्म कियाना ओसो मना इलाका किन मजबूत कियाना। माटु पूरा देश ता जनता किन जापान ता विरुद्ध आत्मरक्षा काजे ताकी कियाना युद्ध लोप्पा पूरा जोर वाटना इंजी आह्वान किंतोमा। मना नारा:- पेंगिंग, थ्येनचिन ओसो उत्तरी चीन ता हथियार तेहची रक्षा कियाना! जीवा मंदान जोमु यायोभूमिता रक्षा कियाना! पूरा जनता, सरकार ओसो सशस्त्र सेनांग उंदी आयाना ओसो जापानी आक्रमण ता प्रतिरोध कियाला काजे सुदृढ़ दीर्घकालीन रूप ते उंदी राष्ट्रीय संयुक्त मोर्चा बने कियाना! क्वोमिंगतांग ओसो कम्युनिस्ट पार्टी नडमा घनिष्ठ (गर्ऱे ता संबंध) संबंध बनेकियाना ओसो जापानी आक्रमणकारी लोरा पूना हमलांग ना प्रतिरोध कियाना! जापानी आक्रमणकारी लोर किन चीन तल बाहर पूँडना!

इद पहली नीति संबंध ते ऐलान आंदू।

17 जुलाई ते श्री च्यांग काईशेक लूशान लोप्पा उंदी स्टेटमेंट जारी कित्तोरा। प्रतिरोध-युद्ध काजे तैयारिंग ना नीति पेश कियाना इद स्टेटमेंट वेल्ले सालकुने विदेशी समस्या ना बारे ते क्वोमिंगतांग ता पहिला ओसो सही घोषणापत्र आंदू, तीना कारण ते मना सब्बे देशवासिर ओसो खुद माटु वेने स्वागत कित्तोमा स्टेटमेंट लोप्पा लूकओछ्याओ घटना ता हल कियाना ता बारे ते दोड रास्ता नालुंग शर्तकु हीताद मंता।

1. चीन किन प्रभुसत्ता, प्रादेशिक अखण्डता ता उल्लंघन कियाना लेक्काटा बदे हल मंदानायोः 2. हपे ओसो छाहाड प्रांतकुना प्रशासनिक ढांचा कोर्ट गैर-कानूनी बदलाव आयनायोः 3. दूसरोरा मांग ते, केंद्रीय सरकार नियुक्त कित्ता स्थानीय अफसर लोर किन बरखास्त (dismissed) कियानायो। ओरा जागा ते दूसरोर किन नियुक्त कियानायोः 4. बद क्षेत्र लोप्पा इस्साल 29वीं फौजी कोर तैनात मंता, अगा दूसरोर किन हस्तक्षेप कियाना अनुमती मंदानायो।

स्टेटमेंट ता आखरी ते वेहत्ताद मंता।

लुकओछ्याओ घटना ता बारे ते सरकार उंदी नीति ओसो उंदी दृष्टिबिंदु किन लागू कित्ता, हमेशा ताना पोर्ने ताकिंता। माटु पूरा राष्ट्र युद्ध लोप्पा शामिल आंता इंजी समझेमातास्के, आखरी एवनल बलिदान हियाना काजे तैयार मंदा लागियर, ओसो मनम इद हर्री पोर्ने ताकना हल्को मंता इंजी इनपडे आशा कियानायो। बेगाने उंदी बेरा युद्ध तेदता इतेके अगा हर मानेय किन इतेके ओरु जवान आई, मुयतोर आई, उत्तर ते आई या दक्षिण ते, जापान ता प्रतिरोध कियाना ओसो मना यायोभूमि ता रक्षा कियाना जिम्मेदारी एताना।

इद दूसरी नीति संबंधित ऐलान आंदू।

इगा लुकओछ्याओ घटना ता बारे ते मना मुन्ने रेंडु ऐतिहासिक राजनीतिक ऐलानकु मंतांग, उंदी कम्युनिस्ट पार्टी ता ओसो दूसरा क्वोमिंगतांग ता। इविना लोप्पा उंदी पोल्लो समान रूप ते मंता। अदु इव रेंडासी प्रतिरोध-युद्ध किन दृढता ते ताकि कियाना पक्ष एतिंतांग। ओसो सुलह-समझौता कियाना ओसो कमी कियाना विरोध कींतांग।

जापानी आक्रमण ता मुकाबला कियाला काजे इद उंदी रकम ता नीति आंदू इतेके इद सही नीति आंदू।

मति उंदी दूसरा रकम ता नीति लागू कियाना संभावना वेने मंता। हत्ता उचुक महिनांग लोप्पा पेफिंग-थ्येनचिन क्षेत्र ता देशद्रोही, जापान-परस्त (जापानी समर्थक)

लोर वेल्ले जोश तोहतोर, ओरु स्थानीय अधिकारी जापान ता मांग मुने तल्ला  
वरिहना इंजी कोशिश कियानोर, ओरु प्रतिरोध-युद्ध किन दृढ़ता ते ताकी कियाना  
नीति किन मोदोल तिंची कोयसी सुलह-समझौता कियाना छूट हियाना ता समर्थन  
किसोर मत्तोर। इव वेल्ले खतरनाक लक्षणकु आंदुंग।

सुलह-समझौता कियाना ओसो रियायत (छूट) हियाना नीति प्रतिरोध-युद्ध  
किन दृढ़ता ते ताकि कियाना नीति ता बिल्कुल विपरित (उल्टा) मत्ता। इद नीति किन  
जल्दीए बदले कीवेके पेंफिंग, थ्येनचिन ओसो पूरा उत्तरी चीन दुश्मन ता कब्जा ते  
दांता ओसो पूरा राष्ट्र गंभीर खतरा ते अरिंता। हर मानेय तीनगडल सतर्क मंदाना।

29वीं फौजी कोर ता देशभक्ती अफसर, सिपाही लोर उंदी आयमूट! सुलह-  
समझौता कियाना ओसो रियायत हियाना ता विरोध कियाना ओसो दृढ़ता ते सशस्त्र  
प्रतिरोध कियाना!

श्री च्यांग काई-शेक ओसो क्वोमिंगतांग ता सब्बे देशभक्त सदस्य लोर! माटु,  
मीटु मीवा नीति पोरो दृढ़ता ते नितसी मंदाकिर, मीटु कित्ता किरिया किन पूरा किंतिर,  
सुलह-समझौता कियाना ओसो रियायत हियाना ता विरोध कींतिर, दृढ़ता ते सशस्त्र  
प्रतिरोध किंतिर ओसो दुश्मन ता जुल्म ता जवाब तना कबस्कुने हींतिर इंजी आशा  
किया मंतोम।

देश ता सब्बे सशस्त्र सेनांग, इतेके लाल सेना वेने, श्री च्यांग काई-शेक ना  
ऐलान ता समर्थन कियाना, सुलह-समझौता कियाना ओसो रियायत हियाना ता  
विरोध कियाना ओसो दृढ़ता ते सशस्त्र प्रतिरोध कियाना!

माटु कम्युनिस्ट लोर जीवा कीसि ओसो ईमानदारी ते मना घोषणा पत्र किन  
अमल किया मंतोम, ओसो संगेने माटु श्री च्यांग काई-शेक ना ऐलान ता वेने दृढ़ता  
ते समर्थन कींतोम: क्वोमिंगतांग सदस्य ओसो मना सब्बे देशभक्त लोरा संगे कलियसी  
माटु मना जीवा मंदान जोमु यायोभूमि ता रक्षा कियाला तैयार मंतोम: माटु हर रकम  
ता पेरके-मुने आयना, ढुलमुल आयना, सुलह-समझौता या रियायत ता विरोध  
कींतोम ओसो दृढ़ता ते सशस्त्र प्रतिरोध कीसोर मंदिंतोम।

## रेंड रकम ता तरीका

प्रतिरोध-युद्ध किन दृढ़ता ते ताकी कियाना नीति ता लक्ष्य पूरा कियाला काजे उंदीन पेरके उंदी वेल्ले रकम ता तरीकांग लागू कियाना जरूरता मंता।

अव तरीकांग बवु? अविना लोप्पाडल मुख्य तरीकांग दोड़ रास्ता लेकका मंतांग:

1. पूरा देश ता सब्बे सशस्त्र ताकत किन उंदीकट्टु कियाना। मना 20 लाख तुकू ज्यादा स्थानीय सशस्त्र सेना किन, ताना लोप्पा स्थल-सेना, नौसेना ओसो वायु-सेना, केंद्रीय सेना, स्थानीय ओसो लाल सेना शामिल मंता, उंदीकट्टु कियाना, ओसो मुख्य सेना किन राष्ट्रीय प्रतिरक्षा-पंक्ति ने तुरंत लोहाना ओसो उचुन सेनांग किन पेरके मंदना इलाका लोप्पा व्यवस्था तुन सही हिसाब ते ताकि कियाला तासना। विभिन्न लड़ाईंग ना नेतृत्व राष्ट्रीय हित काजे ईमानदारी मंदना जनरल लोरा कैदे हियाना। उंदी राष्ट्रीय प्रतिरक्षा परिषद केयना ताना लोप्पा रणनीति संबंधित फैसला कियाना ओसो फौजी कार्यवाईंग लोप्पा उद्देश्य ता एकता बने कियाना। फौज लोप्पा राजनीतिक काम ता बदलाव कियाना, अस्केने अफसर ओसो सिपाही लोरा नडमा, सेना ओसो जनता नडमा एकता कीयमूँदांता। छापामार युद्ध किन रणनीतिक काम ता उंदी पहलू ता भूमिका निभे कियाना लेक्काटा सिद्धांत बने कियाना, ओसो छापामार युद्ध ओसो नियमित युद्ध नडमा पूरा तालमेल तासना गारंटी एतना। सेना लोपडल देशद्रोही लोर किन बाहर वाटसियाना। रिजर्व सैनिक लोर किन सही संख्या ते केयाना ओसो अदिन मोर्चा ता सेवा कियाला काजे ट्रेनिंग हियाना। सशस्त्र सेना ता साजो-सामान ओसो सप्लाई ता पूरा नुकसान ता भरपाई कियाना। दृढ़ता ते प्रतिरोध-युद्ध ताकी कियाना आम नीति लेक्काटा पोल्लोंग पोर्रे आधार आसी मना फौजी योजनांग बने कियाना। चीन ता फौजी संख्या कम हिल्ले, मति बस्के एवनल इव योजनांग किन अमल कियमूँदायो अस्के एवनल अवु दुश्मन किन होरे कीवोंग। राजनीतिक ओसो भौतिक तत्व किन कलियी कित्तेके, मना सशस्त्र सेनांग कुन पूर्वी एशिया लोप्पा बोरे होरे किया परवोरा।

- पूरा जनता किन उंदीकट्ट कीमुटा देशभक्तीपूर्ण आंदोलन पोर्टो वाटता प्रतिबंध गुची कीमुट, राजनीतिक बंदी लोरकिन रिहा कीमुट, “गणराज्य किन खतरा ते वाटना कार्यवाहींगनगडल बाहर पेसाला काजे आपात्कालीन आदेश”<sup>3</sup> ओसो “प्रेस सेन्सरशिप विनिमय”<sup>4</sup> किन रद्द कियाना, मंदना देशभक्तीपूर्ण संगटन किन कानूनी दर्जा हीमुट, इव संगटन किन मजदूर, किसान, व्यापारी ओसो बुद्धिजीवी लोरा लोप्पा फैले कीमुट, आम जनता किन आत्मरक्षा कियाला काजे ओसो सेना संगे तालमेल बनेकीसि, दुश्मन खिलाफ कियाना कार्यवाहींग काजे हथियारबंद कीमुटा संक्षिप्त ते, जनता किन तन्ना देशभक्ती तोहाना आजादी हीमुटा जनता ओसो सेना तन्ना संयुक्त ताकत संगे जापानी साप्राज्यवादा पोर्टो बेहरा हमला कींता। तीना लोप्पा बदे डावुट हिल्ले विशाल जन-समुदाय पोर्टो निर्भर आयवा लेवा बदे वेने राष्ट्रीय युद्ध लोप्पा सफलता दोरकी कियमूळायो। अबीसीनिया खत्म आतास्के<sup>5</sup> मनम होशियार आयाना। बोराई दृढ़ता ते प्रतिरोध-युद्ध ताकी कियाना लोप्पा ईमानदार मंतोर ओरु इद पोल्लो किन नजरअन्दाज किया परवोरा।
- सरकारी ढांचा लोप्पा सुधार कीमुटा राष्ट्रीय समस्यांग ना संयुक्त रूप ते संचालन कियाला काजे सब्बे राजनीतिक पार्टिंग, ग्रुप कुना प्रतिनिधि लोर ओसो सार्वजनिक नेता लोरकिन सरकार लोप्पा शामिल कीमुट ओसो सरकार लोप्पा मकसी मंदाना जापान-परस्त तत्व ओसो देश-द्रोही लोर किन निकाल बाहर कीमुट, अस्के ने सरकार जनता संगे एकरूप आंता। जापान ता प्रतिरोध कियाना उंदी वेल्ले बहरा काम आंदू अद केवल उच्चन मुल संगे पूरा किया परमूळायो। ओरु इद काम किन केवल तन्नाए कैदे तास्तेके, इद काम किन बिल्कुल खत्म कींसिंतोर। सरकार किन उंदी सही राष्ट्रीय प्रतिरक्षा कियाना मत्तेके, अदिन आम जनता पोर्टो निर्भर मंदाना ओसो जनवादी केंद्रीयता पोर्टो अमल कियाना। ताना लोप्पा जनवादी वेने मंदाना ओसो केंद्रीयता वेने: केवल इद्रमताए सरकार वेल्ले शाक्तिशाली मंदिंता। राष्ट्रीय ऐसेम्बली किन जनता ना सही प्रतिनिधि मंदाना: अदिन सत्ता ता सर्वोच्च संगटन मंदाना, राज्य ता मुख्य नीतिंग किन निर्धारित कियाना ओसो जापान ता प्रतिरोध कियाना ओसो देश किन विनाश तल बचे कियाला काजे नीतिंग ओसो योजनांग ना निर्णय कियाना।

- जापान-विरोधी विदेशी नीति लागू कीमुट। जापानी साम्राज्यवादीरा काजे बदे अनुकूल परिस्थिति ओसो सुविधा बने कियाना आयो, तीना विपरित ओरा संपत्तिकुन जब्त कीमुट, ओरागडल एतता कर्ज किन रद्द कीमुट। सोवियत संघ संगे तुरंत उंदी फौजी, राजनीतिक एकता ओसो उंदी वेल्ले विश्वासनीय, वेल्ले शक्तिशाली ओसो जापान ता प्रतिरोध कियाना लोप्पा चीन ता मदद कियाना लोप्पा सबसे ज्यादा तैयार मंदाना देश लेक्काटा सोवियत संघ संगे घनिष्ठ एकता बने कियाना। जापान ता प्रतिरोध कियाना मना काम काजे ब्रिटिश, अमेरिका ओसो फ्रांस ता समर्थन दोरकी कीमुट, ओसो ओरा मदद दोरकी कीमुट, इद्रम कित्तेके मना प्रादेशिक भूमित ओसो प्रभुत्वाधिकार किन बदे नुक्सान आयो आयारा। मनम जापानी आक्रमणकारी लोर किन होरे कियाला काजे मुख्य रूप ते तन्ना खुद ता ताकत पोर्णे निर्भर मंदाना, मति विदेशी सहायता किन विड्समूङ्डायो, ओसो उंदी अलगाववादी नीति बने कित्तेके इदिनगडल सिर्फ दुश्मन किने फायदा आयारा।
- जनता ना रहन-सहन लोप्पा सुधार कियाला काजे उंदी प्रोग्राम ता ऐलान कीमुट, ओसो अदिन पोर्णे तुरंत अमल कियाना शुरू कीमुट। दोड रास्ता लेक्का पूना पोल्लोंग नगडल शुरू कीमुटः टैक्स ओसो रक-रकम ता लेवि किन खत्म कीमुट, जमीन ता लगान कम कीमुट, सूदखोरी रोमी कीमुट, मजदूर लोरा वेतन बेरसी कीमुट, सिपाही, जूनियर अफसर लोरा रहन-सहन लोप्पा सुधार कीमुट, दफ्तर ता सुडला कर्मचारी लोरा रहन-सहन लोप्पा सुधार कीमुट, ओसो प्राकृतिक समस्यानल पीडित मंदानोर कियन सहायता कीमुट। इव पूना कदम तेहतेके जनता ना सामान अस्सना ताकत, इदिनगडल व्यापारिक ओसो वित्तीय क्षेत्र लोप्पा बेश ता परिस्थिति पुटिता, देश ता वित्त-व्यवस्था घोटाला लोप्पा अरिंता इंजीए आयो, उचुन मुल तर्क कित्ता लेक्का। पूना कदम किन तेहतेके जापान ता प्रतिरोध कियाना मना ताकत वेल्ले बेरसियर ओसो सरकार ता बुनियाद मजबूत आयारा।
- शिक्षा किन राष्ट्रीय प्रतिरक्षा ता सेवा ते वाटाटु। वर्तमान शिक्षा-नीति ओसो शिक्षा-व्यवस्था लोप्पा अमूल बदलाव कीमुट। फौरी हिल्वा सब्बे काम ओसो हिल्वा सब्बे तरीका किन विड्सना। समाचार पत्र, पुस्तक, पत्रिका, फिल्म, नाटक, साहित्य, कला इव सब्बे किन राष्ट्रीय प्रतिरक्षा ता सेवा कियाना। देशद्रोही पूर्ण प्रचार पोर्णे पाबंदी वाटना।

- जापान ता प्रतिरोध कियाना वित्तीय, आर्थिक नीति किन लागू किमुट। वित्तीय नीति ता आधार, बोनगा धन मंता ओरु धन हियाना ओसो जापानी साप्राज्यवादीरा ओसो चीनी देशद्रोही लोरा संपत्ति किन जब्त कियाना उसूल मंदाना, ओसो आर्थिक नीति ता आधार, जापानी माल ता बहिष्कार कियाना ओसो स्वदेशी माल किन बेरसी कियाना उसूल मंदाना। हर चीज ता लक्ष्य जापान ता प्रतिरोध कियाना मंदाना। वित्तीय बोजा गलत तरीकानल पुटिंता ओसो जनता ना हितकुना सेवा कियाना पूना नीतिंग किन लागू कीसि ताना पोर्हे जरूर काबू किया परमूडांता। अचोन बेहरा प्रदेश ओसो अचोन बेहरा आबादी मंदाना देश वित्तीय ओसो आर्थिक दृष्टि ते कमजोर मंता इंदाना पोल्लो अंगडम आंदू।
- उंदी अभेद्य लम्बा दिवार ता रूप ते राष्ट्रीय मोर्चा ता निर्माण कियाला काजे पूरा चीनी जनता, सरकार ओसो सशस्त्र सेना किन एकताबद्ध कीमुट। सशस्त्र प्रतिरोध कियाना नीति ओसो पोर्हे रास्ता तरीका पोर्हे अमल कियाना संयुक्त मोर्चा पोर्हे निर्भर मंता। इदिना कुंजी क्वोमिंगतांग ओसो कम्युनिस्ट पार्टी नडमा घनिष्ठ सहयोग। सरकार, सशस्त्र सेना, सब्बे राजनीतिक पार्टिंग ओसो पूरा जनता किन रेंडु पार्टिंग नडमा इद्रम ता सहयोग पोर्हे आधार आसी एकताबद्ध आयना मंदिंता। इद नारा किन “राष्ट्रीय संकट ता मुकाबला कियाला काजे वेल्ले जीवा कीसि एकता बने कियाना” इदिन केवल नारा एवनले सीमित तासानायो, तीनकिन कीसि वेने तोहाना। एकता सही मंदाना: धोखाधडी कियानायो। राजकीय समस्या ना संचालन कियाना लोप्पा वेल्ले बेहरा जीवा कीसि ओसो वेल्ले जिम्मेदारी ते काम कियाना। जोड़तोड़, तिकडम, नौकरशाही ओसो आहक्यू-वाद तल बिल्कुल बदे फायदा आयो आयरा। इव सब्बे दुश्मन ता खिलाफ बेकार मंता, मना देशवासी लोरा खिलाफ इविना पोर्हे अमल कियाना इनपडे कब्बना लेक्का पोल्लो मंता। हर चीज लोप्पा सुडला-बेहरा उसूल मंदिंता ओसो सब्बे सुडला-बेहरा उसूल कुना अनुसार मंदिंतांग। मना देशवासी लोर किन अब चीजकुना बारे ते बेहरा उसूल कुना वेडच ते सावधानी ते विचार कियाना, बारांकु इतेके केवल अस्केने खुद ता विचार ओसो मना कार्रवाईंग किन सही दिशा ते ओया परितोम। नेंदु बोना विचार लोप्पा एकता ता सही दृष्टिकोण हिल्ले, ओनकिन

सिमसानम हीकट ते खुद किन पूछेमायना ओसो ओनकिन उचुन लज्जा  
वायना, दुसरोर ओना निंदा कितेकाई किवेकाई।

दृढ़ता ते सशस्त्र प्रतिरोध कियाला काजे बद तरीका ता पोर्णे चर्चा किताद मंता,  
अविन आठ-सूत्री कार्यक्रम ता पोर्णेल वेने हियमूळांता।

दृढ़ता ते प्रतिरोध-युद्ध ताकी कियाना नीति संगे इव तरीकांग किन वेने लागू  
कियाना, लेवेके इनपडे जीत दोरकी किया परवोम ओसो जापान ता विरोध कियाना  
लोप्पा चीन किन मनम तैयार दोरकोम आंतोम ओसो अद वेने अबीसीनिया लेक्काट  
परिस्थिति लोप्पाटल बचेमायमूळायो।

बोरे वेने दृढ़ता ते प्रतिरोध-युद्ध ताकी कियाना नीति किन जीवा कीसि लागू  
कियाला आल्सिंतोर, ओरु अद तरीकांग वेने अमल कियाना। ओसो दृढ़ता ते  
सशस्त्र प्रतिरोध कियाना काम जीवा कीसि कियाला आल्सिंतोर लेवेके आल्सोर,  
इंदाना जांच कियाना परीक्षा वेहत्ता तरीकांग किन मानेमांतोर लेवेके मानेमायोर  
ओसो अमल ते तत्तिंतोरा तव्वोर इंदाना मंता।

ओसो उचुन दूसरा तरीकांग वेने मंता, अद सब्बे तरीकांग इदना विपरित मंता।  
इत्तेके सशस्त्र ताकत किन पूरा उंदीकट्ठ किवा लेवा अदिन निषक्रिय कियाना लेवेके  
पेरके गुच्छी कियाना।

जनता किन आजादी हियवा लेवा ताना उत्पीडन कियाना।

जनवादी केंद्रीयता पोर्णे आधार आसी राष्ट्रीय प्रतिरक्षा सरकार लेवा  
नौकरशाह, दलाल-पूंजीपति ओसो बडे जर्मींदार लोरा तानाशाही सरकार निल्पी  
कियाना।

जापान ता प्रतिरोध कियाना विदेशी नीति आयवा जापान ता चापलूसी  
कियाना नीति लागू कियाना।

जनता ना रहन-सहन किन सुधरे कियाना आयवा इदिना लूट-खसोट जारी  
तासना, अद्रम कित्तेके जापान ता प्रतिरोध किवो आयारा।

शिक्षा किन राष्ट्रीय प्रतिरक्षा ता सेवा किवा लेवा अदिन राष्ट्रीय गुलामी काजे  
इस्तेमाल कियाना।

जापान ता प्रतिरोध कियाला काजा वित्तीय, आर्थिक नीतिंग बने कियाना  
आयवा पाड़ना ओसो मना देश किन आयवा दुश्मन किन फायदा कियाना वित्तीय,  
आर्थिक नीतिंग किन जारी तासना।

जापान-विरोधी राष्ट्रीय संयुक्त मोर्चा ता उंदी लम्बा दिवाल ता रूप ते निर्माण कियाना आयवा अदिन मुट्ठी कियाना ओसो पोल्लोंग एकाता कियाना मंदना मति अविन बेसी कियाला काजे बस्के ने कोशिश कियानायो।

तरीकांग ना जन्म नीतिनगडल आंता। नीति प्रतिरोध कियाना हिल्वा मत्तेके, सब्बे तरीकांगनगडल प्रतिरोध कियानायो आंता। इद शिक्षा माटु हत्ता छः साल लोप्पा एतताद मंता। नीति दृढता ते प्रतिरोध-युद्ध ताकी कित्तेके, जरूर पूरा तरीका ना श्रृंखला-आठसूत्री कार्यक्रम किन लागू कियाना।

## रेंडु संभावनांग

संभावनांग इत्तेके बातल? हर मानेय इदे पोल्लो ता बारे ते आल्सड ते मंदिंतोर।

पहली नीति लागू कित्तेके ओसो तरीकांग ना पहली श्रृंखला लागू कित्तेके, संभावना निश्चित मंता कि जापानी साम्राज्यवाद किन हारे कियमूङ्डायर ओसो चीन किन मुक्त किमुङ्ड आयारा तीना बारे ते इंजे वेने डावुट मंता? नावा हिसाब ते हिल्ले।

दूसरा नीति लागू कियमूङ्डायर ओसो तरीकांग ना दूसरा श्रृंखला लागू कियमूङ्डायर, अस्के चीन पोर्झो जापानी साम्राज्यवादीरा कब्जा आयना संभावना निश्चित मंता ओसो चीनी जनता किन गधा जानवर ओसो गुलाम बने कियमूङ्डायरा इदिना बारे ते इंजे वेने डावुट मंता? नावा हिसाब ते तीना लोप्पा वेने बदे डावुट हिल्लो।

## निष्कर्ष

पहली नीति लागू कियाना जरूरत मंता, तरीकांग ना पहली श्रृंखला लागू कियाना ओसो पहली संभावना काजे कोशिश कियाना।

दूसरा नीति ता विरोध कियाना, तरीकांग ना दूसरी श्रृंखला किन ठुकरे कियाना ओसो दूसरा संभावना तल बचेमायना कोशिश कियाना जरूरत मंता।

क्वोमिंगतांग ता सब्बे देशभक्त सदस्य ओसो कम्युनिस्ट पार्टी ता सब्बे सदस्य लोर उंदी आयना ओसो दृढता ते पहली नीति पोर्झो ताकना, तरीकांग ना पहली श्रृंखला किन लागू कियाना ओसो पहली संभावना काजे कोशिश कियाना अविन

दृढ़ता ते दूसरा नीति ता विरोध कियाना, तरीकांग ना दूसरा श्रृंखला किन ठुकरे  
कियाना ओसो दूसरा संभावना तल बचेमायना कोशिश कियाना।

सब्बे देशभक्त, देशभक्त सशस्त्र सेना ओसो देशभक्त पार्टिंग, ग्रुप उंदी आयना  
ओसो दृढ़ता ते पहली नीति पोरों ताकना, तरीकांग ना पहली नीति श्रृंखला किन  
लागू कियाना ओसो पहली संभावना काजे कोशिश कियाना अविन दृढ़ता ता दूसरा  
नीति ता विरोध कियाना, तरीकांग ना दूसरा श्रृंखला किन ठुकरे कियाना ओसो दूसरा  
संभावना तल बचे मायना कोशिश कियाना।

राष्ट्रीय क्रांतिकारी युद्ध जिन्दाबाद!

चीनी राष्ट्र ता मुक्ति जिंदाबाद!

## नोट

1. 7 जुलाई 1937 ते जापानी आक्रमणकारी फौज पेकिंग नगर ता दक्षिण-पश्चिम ते 10 किलोमीटर जेक लूकओछयाओ मंदाना चीनी फौज पोर्हे हमला कित्तोरा पूरा देश ता जनता ना जापान-विरोधी आंदोलन तल प्रभावित आसी चीनी फौज प्रतिरोध कित्ता। इद घटना तल जापानी-आक्रमण-विरोधी युद्ध ता शुरूआत आंता, अद्रमासी चीनी जनता आठ साल एवनल वीरतापूर्क ताकी कित्ता।
2. 29वी फौजी कोर, मुने फंग घ्वी-श्यांग ता अधीन क्वोमिंगतांग ता उत्तर-पश्चिम सेना ता उंदी अंग मत्ता, अस्के हपे ओसो छाहाड़ प्रान्त लोप्पा तैनात मत्ता सुंग चे-घ्वान अदिना कमांडर ओसो फंग च-आन अदिना डिवीजनल कमांडर मत्तोरा।
3. क्वोमिंगतांग सरकार “गणराज्य किन खतरा ते वाटना कार्रवाई तल हल कियाला काजे आपात्कालीन आदेश” 31 जनवरी 1931 ते जारी आसी मत्ता, ताना लोप्पा “गणराज्य काजे खतरा पुटी कियाना” ता झूठा आरोप ता इस्तेमाल देशभक्त, क्रांतिकारी लोरा पोर्हे जुल्म कियाना ओसो ओरकिन हौकना काजे कित्ताद मत्ता। इद आदेश लोप्पा जुल्म कियाना वेल्ले खतरनाक तरीका लागू कित्ताद मत्ता।
4. “प्रेस सेन्सरशिप विनिमय” “प्रेस सेन्सरशिप ता आम तरीकांग” ना दूसरा पोर्हेल मत्ता, अद्रमासी क्वोमिंगतांग सरकार अगस्त 1934 लोप्पा जनता ना आवाज कि दबे कियला काजे कित्ताद मत्ता। ओरु “सब्बे अखबार कुना सेन्सरशिप काजे लोहना”। इद विनिमय लोप्पा, क्वोमिंगतांग क्षेत्र ता अखबार लोप्पा प्रकाशित आयना सब्बे पांडुलिपी ता जांच कियाला काजे क्वोमिंगतांग ता सेन्सर विभाग ते लोहा लागता। अविन मनमानी तरीका ते काट-चांट या बेरसी कियाना अधिकार मंदिंता।
5. “जापानी-आक्रमण-विरोधी समय ते चीनी कम्युनिस्ट पार्टी ता काम” ता आठवा अंश (“माओ त्सेतुंग ता संकलित रचनांग”, ग्रन्थ 1)।

## प्रतिरोध-युद्ध लोप्पा सफलता दोरकी कियाला काजे राष्ट्र ता पूरा ताकत किन उंदीकट्ट कियाना कोशिश कीमुट<sup>2</sup>

25 अगस्त 1937

1. 7 जुलाई ता लूकओछ्याओ घटना लोप्पा लम्बा दिवाल ता दक्षिण ते जापानी साम्राज्यवाद ता भरपूर आक्रमण शुरू मत्ता। लूकओछ्याओ लोप्पा चीनी फौज ता दुश्मन संगे डेटेमासी लड़ेमायना चीन ता राष्ट्रव्यापी प्रतिरोध-युद्ध ता शुरूआत मत्ता। जापानी ता हमला कियाना, पूरा जनता ना गढ़िक मंजी संघर्ष कियाना, राष्ट्रीय पूंजीपति वर्ग ता जापान-प्रतिरोध बगिल झुकाव मंदाना, चीनी कम्युनिस्ट पार्टी ता उंदी जापान-विरोधी राष्ट्रीय संयुक्त मोर्चा ता नीति ता जोरदार निर्माण कियाना ओसो अदिन दृढ़ता ते लागू कियाना ओसो इद नीति किन राष्ट्रव्यापी समर्थन दोरकी कियाना - इव सब्बे पोल्लोंग चीनी अधिकारी लोर किन मजबूर कित्तोर कि ओरु 18 सितम्बर 1931 ता घटना पेरके तल ताकसोर वाता प्रतिरोध किवा मंदाना नीति किन लूकओछ्याओ घटना पेरके सशस्त्र प्रतिरोध कियाना नीति ते बदलेमांता, ओसो चीनी क्रांति किन 9 दिसम्बर आंदोलन पेरकेटा मंजिल तल, इतेके गृहयुद्ध बंद कियाना ओसो प्रतिरोध-युद्ध ता तैयारी कियाना मंजिल तल मुन्ने हंजी वास्तविक प्रतिरोध-युद्ध ता मंजिल लोप्पा एवसी कित्ताद मंता। क्वोमिंगतांग ता नीति लोप्पा बदलाव शीआन घटना पेरके शुरू आता ओसो क्वोमिंगतांग ता केंद्रीय कार्यकारिणी कमेटी ता तीसरा पूर्ण अधिवेश मत्ता,

जापान ता प्रतिरोध कियाना सबाल ता बारे ते श्री च्यांग काई-शेक ना 17 जुलाई ते लूशान लोप्पा जारी कित्ता स्टेटमेंट ओसो ओना राष्ट्रीय प्रतिरक्षा काजे लागू कित्ता बचोनो तरीकांग, इव सब्बे तारीफ कियाना लेकका मंतांग। मोर्चा ते तैनात मंदाना सब्बे सैनिक, अद पैदल सेना ओसो वायु-सेना ता ओसो स्थानीय फौजी यन्निट ता, वेल्ले हिम्मत संगे प्रतिरोध-युद्ध कित्तोर ओसो चीनी राष्ट्र ता मान किन पहचान हीता। राष्ट्रीय क्रांति ता पोर्णेल ते चीनी<sup>2</sup> कम्युनिस्ट पार्टी पूरा चीन ता देशभक्त सैनिक ओसो तना दादाल लोरा हार्दिक अभिवादन कींता।

2. मति दूसरा बगिल, 7 जुलाई ता लूकओछ्याओ घटना पेरके वेने, क्वोमिंगतांग अधिकारी 18 सितम्बर ता घटना तल ताकसोर मत्ता गलत नीति ता अमल किया मंतोर, सुलह-समझौता किया मंतोर ओसो छूट हिय मंतोर<sup>1</sup>, देशभक्त सेना ता गिर्दा पोर्णे तोड़यो वाटा मंतोर ओसो देशभक्त जनता ना राष्ट्रीय पुनरुद्धार आंदोलन ता दमन किया मंतोरा। तीना लोप्पा उचुन वेने डावुट हिल्ले कि पेंकिंग ओसो थ्येनचिन पोर्णे कब्जा कित्ता पेरके जापानी साप्राज्यवाद, तना खुद ता बर्बर सेन्य-शक्ति पोर्णे निर्भर मंजोरे जर्मन ओसो इटालियन साप्राज्यवाद ता समर्थन दोरकी किसोरे ब्रिटिश साप्राज्यवाद ता दुलमुलमन ओसो व्यापक मेहनतकश जन-समुदाय संगे क्वोमिंगतांग ता अलगाव ता फायदा एतसी, बेहरा स्तर ते आक्रमणात्मक कार्रवाई कियाना नीति किन मुन्ने ओंता, तना मुन्नेटल बने कित्ता युद्ध-योजना ना दूसरा ओसो तीसरा कदम, ओसो पूरा उत्तरी चीन ओसो दूसरा क्षेत्र पोर्णे वेल्ले हमलांग कींता। छाहाड़ ओसो शांघाई लोप्पा युद्ध ता ज्वाला भड़केमाता। मना यायोभूमि किन बचे कियाला काजे, शक्तिशाली आक्रमणकारी लोरा हमला ना प्रतिरोध कियाला काजे, उत्तरी चीन, समुद्रतट ता रक्षा कियाला काजे ओसो पेंकिंग, थ्येनचिन, उत्तर-पूर्वी चीन किन वापस पोयला काजे पूरा जनता ओसो क्वोमिंगतांग अधिकारी लोर उत्तर-पूर्वी चीन, पेंकिंग, थ्येनचिन किन पोहना घटना तल सबक एतना जरूरत मंता, अबीसीनिया ता पतन तल

<sup>2</sup>\*इद प्रचार-काम, आंदोलन-काम ता रूपरेखा आदू, इदिन कामरेड माओ त्सेतुग ना चीनी कम्युनिस्ट पार्टी ता केंद्रीय कमेटी ता प्रचार-संगठन काजे अगस्त 1937 लोपा तैयार कीसि मत्तोरा। इदे उत्तरी शेनशी ता लोछ्वान पोर्णेल ता जागा ते आता केंद्रीय कमेटी ता राजनीतिक व्यूरो ता विस्तृत भीटिंग लोपा स्वीकार कीसि मत्तोरा।

करियाना ओसो चेतावनी एतना, सेवियत संघ ता हत्ता कालम ते तन्ना विदेशी दुश्मन पोर्हे कित्ता सफलता<sup>2</sup> ताल किरियाना, मैड्रिड ता सफलतापूर्वक रक्षा कियाना<sup>3</sup> लोप्पा स्पेन ता वर्तमान अनुभव तल करियाना, ओसो यायोभूमि ता रक्षा कियाला काजे आखरी एवनल लड़ेमायला काजे दृढ़ता ते एकताबद्ध आयाना। इंजेटल मना काम “प्रतिरोध-युद्ध लोप्पा सफलता हासिल कियाला काजे राष्ट्र ता पूरा ताकत किन उंदीकट्ठ कियाना”, ओसो इदिन पूरा कियाना कुंजी क्वोमिंगतांग ता नीति लोप्पा संपूर्ण ओसो आमूल बदलाव कियाना मंता। प्रतिरोध-युद्ध ता बारे ते क्वोमिंगतांग तेहता कदम बेसतांग मंता। इदिनाए चीनी कम्युनिस्ट पार्टी ओसो पूरा देश ता जनता वेल्ले साल तल केपा मंता, ओसो माटु तीना स्वागत कीतोमा। मति क्वोमिंगतांग जन-समुदाय किन उंदीकट्ठ कियाना ओसो राजनीतिक सुधार कियाना लेक्काटा समस्या ना बारे ते तन्ना नीति इंजे एवनल बदले कीवोए। अद इंजे वेने बुनियादी रूप ते जापान-विरोधी जन आंदोलन पोर्हेटल पाबंदी गुच्छ कियाना पोलो तल सहमत हिल्ले। ओसो सरकारी ढांचा लोप्पा उसूल कुना बदलाव कियाला काजे वेने तैयार हिल्ले, अद इंजे वेने जनता ना रहन-सहन किन सुधरे कियाना नीति लागू कित्ता ओसो इंजे वेने कम्युनिस्ट पार्टी संगे सहयोग कियाना लोप्पा वेल्ले ईमानदारी तोहतद हिल्ले। मना राष्ट्र काजे पिस्वल ओसो हानड (मौत) ता नाजुक कालम ते क्वोमिंगतांग तना पाड़ना हर्रि पोर्हे ताकसोर मत्ता ओसो अद तन्ना पोर्हे रास्ता नीति किन तुरंत बदले कीवेके प्रतिरोध-युद्ध किन वेल्ले बेहरा नुक्सान आयारा क्वोमिंगतांग ता उचुन सदस्य लोर: “राजनीतिक सुधार सफलता पेरके कियाना इंतोर”। ओरु आत्संतोर कि जापानी आक्रमणकारी लोर किन केवल सरकार ता सशस्त्र प्रतिरोध कीसिए हारे कियामूळांता, मति ओरा विचार गलत मंता। केवल सरकार संगे लड़ेमायना प्रतिरोध-युद्ध लोप्पा उचुन लडाईंग जीड़मूळांता, मति जापानी आक्रमणकारी लोर किन पेरके अरहना मुश्किल आंता। इद केवल पूरा राष्ट्र पूर्ण सशस्त्र प्रतिरोध कियाना मुश्किल आंता। मति इद्रम ता युद्ध ता मांग क्वोमिंगतांग ता नीति लोप्पा संपूर्ण ओसो अमूल बदलाव कियाना मंता, ओसो जापान ता प्रतिरोध कियाना प्रोग्राम किन इत्तेके राष्ट्रीय पुनरुद्धार ता उंदी प्रोग्राम किन डा. सुन यात सेन ना क्वोमिंगतांग-कम्युनिस्ट सहयोग ता मुनेटा कालम ते व्यक्तिगत रूप ते बनेकित्ता मूळ जन-सिद्धांत ओसो

महान नीतिंग ना भावना ता अनुरूप तैयार कित्ताद मत्ता, लागू कियाला काजे  
पोर्टेटल दोड़ पूरा राष्ट्रीय ता संयुक्त रूप ते कोशिश कियाना।

3. चीनी कम्युनिस्ट पार्टी जीवा कीसि क्वोमिंगतांग ता मुन्ने, पूरा देश ता जनता  
मुन्ने, पूरा राजनीतिक पार्टिंग, ग्रुप मुन्ने, सब्बे व्यवसाय ता जनता ना मुन्ने  
ओसो पूरा सेना मुन्ने, जापानी आक्रमणकारी लोर किन पूरा हारे कियाना  
लक्ष्य ते, देश किन बचे कियाना उंदी दससूत्री कार्यक्रम पेश कींता। अदिन  
पक्का विश्वास मंता कि इद कार्यक्रम किन पूर्ण रूप ते, ईमानदारी ते ओसो  
दृढ़ता ते लागू कीसि मना यायोभूमि ता रक्षा किया परिंता ओसो जापानी  
आक्रमणकारी लोरकिन हारे कियमूङ्डायरा लेवेके पेरके-मुन्ने आयोनेर किन  
ओसो परिस्थिति किन बिगड़े कियानोर किन जिम्मेदार मानेयमायमूङ्डायर।  
उंदि बेरा देश ता ओडा कस्सा ते मुङ्दंता पेरके अलस्सी तल्ला पोयतेके  
बातले फायदा मन्नो आयरा दस सूत्री कार्यक्रम दोड़ रास्ता लेक्का मंता।

### 1. जापानी साम्राज्यवाद ता तख्ता पलट कीमुट।

जापान संगे राजनीतिक संबंध तोडे कीमुट, जापानी अफसर लोर  
किन बाहर कीमुट, जापानी एजेन्ट किन गिरफ्तार कीमुट, चीन लोप्पा  
जापानी जायदाद कि जब्त कीमुट, जापान तल पोयता कर्ज किन रद्द  
कीमुट, जापान संगे कित्ता समझौता किन रद्द कीमुट ओसो जापानी लोर  
किन पट्टा ते हीता सब्बे नाहकिन वापस पोयाटु।

उत्तरी चीन ओसो समुद्रतट ता रक्षा कियाला काजे आखरी जीवा मंदान जोम  
लड़ेमायमूट।

पेफिंग, थ्येनचिन ओसो उत्तर-पूर्वी चीन किन वापस पोयला काजे आखरी  
एवनल लड़ेमायमूट।

जापानी साम्राज्यवादीर किन चीन तल बाहर पृँडना।

हर रक्म ता ढुलमुलपन ओसो सुलह-समझौता ता विरोध कीमुट।

### 2. पूरा देश ता फौजी ताकत किन उंदीकट्ट कीमुट।

पूरा पैदल सेना, नौसेना ओसो वायु सेना किन राष्ट्रव्यापी प्रतिरोध काजे  
उंदीकट्ट कीमुट।

विशुद्ध रक्षा कियाना निष्क्रिय सामरिक नीति ता विरोध किमूट ओसो सक्रिय,  
स्वतंत्र सामरिक नीति किन लागू कीमुट।

उंदी स्थाई राष्ट्रीय प्रतिरक्षा परिषद ता स्थापना कीमुट, अस्के प्रतिरक्षा योजनांग ओसो सामरिक नीति ता बारे ते विचार-विमर्श ओसो निर्णय कींतोरा।

जनता किन हथियार हीमुट ओसो मुख्य सेना शक्ति ना कार्यवाहींग संगे तालमेल बने कियाला काजे जापान-विरोधी छापामार युद्ध ता विकास कीमुट।

संसाख सेना लोप्पा अफसर, सिपाही लोरा नडमा एकता बने कियाला काजे राजनीतिक कार्य लोप्पा सुधार कीमुट।

सेना ओसो जनता नडमा एकता बने कीमुट ओसो सेना ता गतिविधिकुना विकास कीमुट।

उत्तर-पूर्व ता जापान- विरोधी संयुक्त सेना ता समर्थन कीमुट ओसो दुश्मन ता पृष्ठभाग किन तहस-नहस कीमुट।

प्रतिरोध-युद्ध लोप्पा लड़ेमायना सब्बे सेना संगे समानता व्यवहार किमूट।

देश ता सब्बे हिस्सा लोप्पा फौजी क्षेत्र बने कीमुट, पूरा राष्ट्र किन युद्ध लोप्पा शामिल कियाला काजे उंदीकट्ट कीमुट ओसो इद्रम कीसि सैनिक लोरा व्यवस्था किन उंदि पेरके उंदि अनिवार्य भर्ती ता व्यवस्था ते बदले कीमुट।

### 3. पूरा देश ता जनता किन उंदीकट्ट कीमुट।

देशद्रोही लोर किन विडचसी, देश ता पूरा जनता किन जापान ता प्रतिरोध कियाना ओसो देश किन बचे कियला काजे भाषण हियाना, प्रकाशन कियाना, सभा ओसो संगटन बने कियाना ओसो हथियार पोयसी दुश्मन ता मुकाबला कियाना आजादी मंदाना।

जनता ना देशभक्तीपूर्ण आंदोलन किन रोमी कियाना सब्बे कानून किन, आदेशकुन रद्द कियाना। ओसो पूना क्रांतिकारी कानून, आदेशकु जारी कियाना।

सब्बे देशभक्त ओसो क्रांतिकारी राजनीतिक बंदी लोर किन रिहा कीमुट ओसो राजनीतिक पार्टिंग पोर्टल प्रतिबंध गुच्ची किमूट।

पूरा देश ता जनता किन उंदिकट्ट आयना जरूरत मंता, हथियार पोयना जरूरत मंता ओसो प्रतिरोध-युद्ध लोप्पा शामिल आयना जरूरत मंता। बोनगा श्रम-शक्ति मंता ओरु श्रम-शक्ति हियाना ओसो बोनगा धन मंता ओरु धन हियाना, बोनगा बंदूक मंता ओरु बंदूक हियाना ओसो बोनगा ज्ञान मंता ओरु ज्ञान हियाना।

राष्ट्रीय आत्मनिर्णय ओसो स्वायत्त-शासन ता नियम अनुसार, मंगोल, ह्वेइ ओसो दूसरा अल्पसंख्यक जातिंग किन जापान ता खिलाफ लड़ाई लोप्पा शामिल कियाला काजे उंदीकट्ट कीमुट।

#### 4. सरकारी ढांचा लोप्पा सुधार कीमुटा।

जनताना सच्चे प्रतिनिधि शामिल मंदाना ओसो उंदी सही जनवादी संविधान किन मानेमायना, जापान ता प्रतिरोध कियाना ओसो देश किन बचे कियाला काजे नीतिंग ना निर्णय कियाना ओसो उंदी राष्ट्रीय प्रतिरक्षा सरकार चुने कियाना लेक्काटा राष्ट्रीय एसेम्बली केयाना।

राष्ट्रीय प्रतिरक्षा सरकार किन सब्बे राजनीतिक पार्टींग, ग्रुप ओसो जन-संगटन कुना क्रांतिकारी लोर किन तम्मा लोप्पा शामिल कियाना ओसो जापान-समर्थक मानेकुन बाहर तेंडना।

राष्ट्रीय प्रतिरक्षा सरकार जापान ता प्रतिरोध कियाना ओसो देश बचे कियाना क्रांतिकारी नीतिंग किन लागू किंता।

स्थानीय स्वशासन बने कीमुट, भ्रष्टाचारी अफसर लोर किन बाहर तेंडाटु ओसो ईमानदार सरकार ता स्थापना कीमुटा।

#### 5. जापान-विरोधी विदेशी नीति लागू कीमुटा।

जापानी आक्रमण ता विरोध कियाना सब्बे देश किन आक्रमण-विरोधी एकता बने कियाना ओसो जापान-विरोधी पारस्परिक फौजी सहायता समझौता कियाना, इद्रम कितेके मना किन मना प्रदेश ओसो प्रभुत्वाधिकार किन बचे कियमूङ्डायारा।

अंतर्राष्ट्रीय शांति मोर्चा ता समर्थन कीमुट ओसो जर्मनी, जापान, इटली ता आक्रमणकारी मोर्चा ता विरोध कीमुटा।

जापानी साप्राज्यवाद ता मुकाबला कियाला काजे कोरिया, जापान ता मजदूर, किसान जन-समुदाय संगे एकता किमूटा।

#### 6. युद्धकालीन वित्तीय, आर्थिक नीतिंग किन लागू कीमुटा।

वित्तीय नीति ता आधार प्रतिरोध-युद्ध ता खर्चा ताकी कियाला काजे, बोनगा धन मंता ओरु धन हीतेके, ओसो देशद्रोही लोर किन संपत्ति किन जब्त कियाना नियम मंदाना। आर्थिक नीतिंग लोप्पा प्रतिरक्षा उत्पादन किन सकले कीसि ओसो ताना विस्तार कियाना, नाहकुना अर्थव्यवस्था ता विकास कियाना ओसो युद्धकालीन माल ता दृष्टि ते आत्मनिर्भर बने कियाना गारंटी हीयाना। चीनी वस्तु ना इस्तेमाल किन प्रोत्साहन हीमूट ओसो स्थानीय उत्पादन किन सुधेरे कियाना कोशिश कीमुटा जापानी माल पोर्ँे पूरा पाबंदी वाटना, मुनाफाखोरी व्यापारी लोर किन दबे कीमुट ओसो हाटुम लोप्पा सहेबाजी, तिकडमबाजी पोर्ँे पाबंदी वाटाटु।

#### 7. जनता ता रहन-सहन लोप्पा सुधार कीमुटा।

मजदूर, दफतर ता कर्मचारी ओसो अध्यापक लोरा ओसो जापान ता खिलाफ लड़ेमायना सैनिक लोरा स्थिति सुधरे कियाना।

जापान ता खिलाफ लड़ेमायना सैनिक लोरा परिवार किन मान हीमूटा।

ज्यादा टैक्स ओसो रक-रकम ता लेवी किन खत्म किमूट।

लगान, सूद कम कीमुट।

बेरोजगार लोकुरा सहायता कीमुटा।

अनाज ता सप्लाई ता नियमन कीमुट।

प्राकृतिक समस्यानगडल परेशान मंदानोर किन मदद किमूट।

8. जापान-विरोधी शिक्षा नीति लागू कीमुट।

वर्तमान शिक्षा-व्यवस्था ओसो पाठ्यक्रम किन बदले कीमुट ओसो पूना शिक्षा-व्यवस्था ओसो पाठ्यक्रम किन अमल कीमुट, अदिना लक्ष्य जापान ता प्रतिरोध कियान ओसो देश किन बचे कियाना मंदाना।

9. देशद्रोही ओसो जापान-समर्थक तत्व किन खत्म कीमुट ओसो पृष्ठभाग किन मजबूत कीमुट।

10. जापान खिलाफ राष्ट्रीय एकता बने कीमुट।

क्वोमिंगतांग-कम्युनिस्ट सहयोग पोर्टे आधार आसी, सब्बे राजनीतिक पार्टींग, ग्रुप, सब्बे उद्योग ना जनता ओसो सब्बे सेना, जापान-विरोधी राष्ट्रीय संयुक्त मोर्चा ता निर्माण कीमुट, अस्के प्रतिरोध-युद्ध ता नेतृत्व कियमूडायर, बिना स्वार्थ ते जीवा कीसि एकता बने कियमूडायर ओसो राष्ट्रीय संकट ता मुकाबला कियमूडायर।

4. केवल सरकारे सशस्त्र प्रतिरोध कियाना इंजी इद नीति किन विडिसियाना जरूरत मंता, ओसो पूरा राष्ट्र ता पूर्ण सशस्त्र प्रतिरोध कियाना नीति किन लागू कियाना जरूरत मंता। सरकार किन जनता संगे एकता कियाना, डा. सुन यात-सेन ना क्रांतिकारी भावना किन पूर्ण रूप ते पुनर्स्थापना कियाना, दस सूत्री कार्यक्रम किन लागू कियाना ओसो जापानी-आक्रमण-विरोधी युद्ध लोप्पा पूर्ण सफलता हासिल कियाना कोशिश कियाना। तन्ना नेतृत्व लोप्पा ताकना जन-समुदाय ओसो सशस्त्र सेना संगे कलियसी, चीनी कम्युनिस्ट पार्टी इद कार्यक्रम पोर्टे दृढ़ता ते नितसी मंदिता ओसो प्रतिरोध-युद्ध ता दूसरा लाइन लोप्पा नितसी मंदिना ओसो तन्ना जीवा मंदान जोमु यायोभूमि ता रक्षा कींता। तन्ना गट्टिक मंजी नीति ता अनुसार चीनी कम्युनिस्ट पार्टी अपराधी जापानी आक्रमणकारी लोर किन हरे कियाना ओसो उंदी

स्वाधीन, स्वतंत्र, खुशहाल पूना चीन ता निर्माण कियाला काजे उंदी राष्ट्रीय संयुक्त मोर्चा ता सुदृढ़ लम्बा दिवार बने कियाना लोप्पा क्वोमिंगतांग ओसो दूसरा राजनीतिक पार्टिंग कै संगे कै काल्पसी नित्तना ओसो अविना संगे एकता कियाला तैयार मंदिंता। इद लक्ष्य किन पूरा कियाला काजे मना किन जापानी आक्रमणकारी लोर किन हारे कियाना मुश्किल मंता इंदाना आत्मसमर्पण, सुलह-समझौता ता देशद्रोहपूर्ण सिद्धांत किन दृढ़ता ते खंडन कियाना, ओसो राष्ट्रीय पराजयवाद ता दृढ़ता ते मुकाबला कियाना। चीनी कम्युनिस्ट पार्टी किन पक्का विश्वास मंता कि जापानी आक्रमणकारी लोर किन निश्चित रूप ते हारे कियमूळांता इंजी, दससूत्री कार्यक्रम किन लागू कियाना। मना देश ता पूरा 45 करोड़ बंधु भरपूर ताकत वाटसी कोशिश कियानूर, अस्के चीनी राष्ट्र ता आखरी सफलता निश्चित मंता!

जापानी साप्राज्यवाद ता नाश आयना!

राष्ट्रीय क्रांतिकारी युद्ध जिन्दाबाद!

स्वाधीन, स्वतंत्र ओसो खुशहाल पूना चीन जिन्दाबाद!

## नोट

1. “जापानी आक्रमण ता प्रतिरोध कियाला काजे नीतिंग, तरीकांग ओसो संभावनांग” पोर्टेल ता लेख ता हेडिंग-नोट।
2. “सोवियत संघ ता कम्युनिस्ट पार्टी (बोल्सेविक) ता इतिहास, संक्षिप्त कोर्स”, अध्याय 8।
3. 1936 ते कम्युनिस्ट जर्मनी ओसो इटली स्पेन ता फासीवादी युद्ध-सरदार फ्रैंको ना इस्तेमाल कीसि स्पेन ता खिलाफ उंदी आक्रमणकारी युद्ध शुरू कित्तोरा स्पेनी जनता जन-मोर्चा सरकार ता नेतृत्व लोप्पा, लोकशाही ता रक्षा कियाना ओसो आक्रमण ता मुकाबला कियाला काजे वेल्ले बहादुरी ते प्रतिरोध-युद्ध कित्तोरा इद पूरा युद्ध लोप्पा स्पेन ता राजधानी मैड्रिड ना रक्षा ता लड़ाई सबसे ज्यादा भीषण मत्ता, अद अक्टूबर 1936 लोप्पा शुरू आता ओसो रेंडु साल पांच महीना एवनल जारी मत्ता। मार्च 1939 ते मैड्रिड ता पतन आता बारांकु इत्तेके ब्रिटिश, फ्रांस ओसो दूसरा साम्राज्यवादी देश “हस्तक्षेप कीवा मंदाना” नीति पाखंडपूर्ण नीति काजे आक्रमणकारी लोग मदद कित्तोर ओसो जन-मोर्चा लोप्पा फूट वाटता।

## उदारतावाद ता विरोध कीमुट

7 सितम्बर 1937

माटु सक्रिय विचारधारात्मक संघर्ष ता समर्थन कींतोम बारांकु इतेके इद उंदी हथियार आंदू, अद मना संघर्ष ता हित ते पार्टी ता एकता ओसो क्रांतिकारी संगटन ता एकता ता गारंटी हींता। हर कम्युनिस्ट ओसो क्रांतिकारी किन अद हथियार ता इस्तेमाल कियाना।

मति उदारतावाद विचारधारात्मक संघर्ष तल इनकार कींता ओसो सिद्धांत हिलवा शांति ता समर्थन कींता: इद्रम अद उंदी कडियता-पुडियता, रुझान किन पुडि कींता ओसो पार्टी, क्रांतिकारी संगटन ता उचुन इकाईंग ओसो मानेय किन राजनीतिक पतन बगिल आंता।

उदारतावाद रकरकम तरीका ते मुन्ने वांता।

संबंधित मानेय स्पष्ट रूप ते गलत मंदितोर इंजी पुतेकाई, ओरु पाड़ना जान-पहचान मंदानोर आंदुर, उंदी इलाका तल आंदुर, स्कूल ता दोस्त आंदुर, पक्का दोस्त आंदुर, वेल्ले जीवात्तोर आंदुर, मुन्ने संगे काम कितोर इंजी, लेवेके तना दौड़ काम कितोर इंजी, अदिन काजे ओना संगे सिद्धांत पोर्रे आधार आसी विचार किवा लेवा शांति ओसो दोस्ती तासला काजे समस्या किन वेल्ले जोम ताकला हियाना। लेवेके समस्या किन केवल पोर्रे-पोर्रे हल कियाना, तन्ना बेसता संबंध मंदाना इंजी ताना पूरा समाधान किवा मंदाना। इद्रम कितेके संगटन ओसो संबंधित मानेय किन नुकसान आंता। इद पहली रकम ता उदारतावाद आंदू।

संगटन ता मुन्ने सक्रिय रूप ते तन्ना सुझाव पेश किवा लेवा गैर-जिम्मेदारी संगे आलोचना कियाना। लोकुरा मुन्ने उंदी ओरा पेरके उंदी पोल्लो वडकना, या सभा लोप्पा चुप मंजी पेरके अंगड़म पोल्लोंग वडकना। सामूहिक पिस्वल ता सिद्धांत किन नजरअंदाज कीसोरे खुद तन्ना मर्जी ते ताकला। इद दूसरा रकम ता उदारतावाद आंदू।

बदे पोल्लो संगे तना सीधा संबंध हिल्वेके तना बगिल तल बिल्कुल चुपचाप मंदना, बाता गलत मंता इंजी पूंजी वेने ताना बारे ते कम वडकना: बदम-अदम ताकसोरे हियना ओसो तनकिन बचे कियाला कोशिश किसोरे मंदना इत्तेके तना पोर्हो बदे आरोप वायनायो इंजी कोशिश कियाना। इद तीसरी रकम ता उदारतावाद आंदू।

आदेश ता पालन किवा लेवा खुद ता विचार किन मुने तासना। संगटन तल तना काजे विशेष व्यवहार ता मांग कियाना, मति ताना अनुशासन किन मानेमायवा मंदाना। इद चौथा रकम ता उदारतावाद आंदू।

एकता बेरसी कियाना, विकसित कियाना या काम सही तरीका ते ताकि कियाना इंजी लक्ष्य ते गलत विचार कुना विरुद्ध संघर्ष या वाद-विवाद किवा लेवा व्यक्तिगत आरोप वाटना, मुंडाड़ कियाना, व्यक्तिगत रूप ते नाराज आयना लेवेके बदला तेंडना कोशिश कियाना, इद पांचवी रकम ता उदारतावाद आंदू।

गलत विचार किन केंजसी वेने ताना विरोध किवा मंदाना ओसो क्रांति-विरोधी पोल्लोंग कियाना केंजतेके वेने अविना बारे ते नेतृत्व किन बेहवा मंदाना। इद छठी रकम ता उदारतावाद आंदू।

जनता नडमा मंजी वेने प्रचार ओसो आंदोलन किवा मंदाना, ओसो भाषण हिवा मंदाना या जांच-पड़ताल ओसो पूछताछ किवा मंदाना, जनता संगे बदे संबंध तासवा मंदाना, ओरा सुख-दुःख पोर्हो ध्यान हिवा मंदाना। ओरु कम्युनिस्ट आंदुर मति मामूली गैर-कम्युनिस्ट लेकका व्यवहार कियाना। इद सातवी रकम ता उदारतावाद आंदू।

जनता ना अधिकार जनताना हितकुना नुकसान आतेकाई होंग आयवा मंदाना, अद्रम तोर किन विरोध वेने कियानायो, ओसो अदिन समझे किवा लेवा इद्रम कियला हियाना। इद आठवी रकम ता उदारतावाद आंदू।

बदे निश्चित योजना लेवा या बदे निर्देशन हिल्वा विचार लेवा काम कियाना लापरवाही ते काम कियाना, केवल तना डिव्युटी पूरा कियाला काम कियाना ओसो समय दायला हियाना-“पूजारी मंदना जोम पूजा किसोरे मंदाकान इंजि!” लेकका मंदना इद नौवी रकम ता उदारतावाद आंदू।

तना बारे ते, नना क्रांति काजे वेल्ले योगदान कित्तान इंजी समझेमायना, नाकिन वेल्ले अनुभव मंता इंजी वेहाना, बेहरा काम किया परवेकाई सुडला काम

किन सुडला हूडाना, काम ता बारेते लापारवाह मंदाना ओसो अध्ययन लोप्पा  
कमजोरी वायला हियाना। इद दसवी रकम ता उदारतावाद आंदू।

तना गलती किन पुंजी वेने सुधरे कियाना कोशिश किवा मंदाना ओसो खुद  
ता बारे ते उदार दृष्टिकोण पोयना। इद घ्यारहवी रकम ता उदारतावाद आंदू।

माटु उदारतावाद ता वेल्ले रकम ता रूप किन वेहा परितोम। मति इव घ्यारह  
मुख्य मंतांग। इव सब्बे उदारतावाद ता रूप आंदुंग।

क्रांतिकारी संगटन काजे उदारतावाद वेल्ले नुक्सानदायक मंदिंता। उदारतावाद  
नुस्स लेक्का मंता, पूरा एकता किन तिंता, भाईचारा किन कमजोर कींता, काम लोप्पा  
निष्क्रियता तत्तिंता ओसो मतभेद पट्टी कींता। इद क्रांतिकारी कार्यकर्तालोर किन ठोस  
संगटन, कठोर अनुशासन तल जेक कींता, नीतिंग किन सही लागू आयला हिवो  
ओसो पार्टी ता नेतृत्व लोप्पा ताकना जनता किन पार्टी-संगटनकुनगडल अलग  
कींता। इद उंदी पक्काए गलत रुझान आंदू।

उदारतावाद निम्न-पूंजीपति वर्ग ता स्वार्थ बुद्धि तल पुटिता। इद व्यक्तिगत हित  
किन मुन्ने तासनोर ओसो क्रांति ता हित किन पेरके तासनोर, ओसो इद परिस्थिति  
तल विचारधारात्मक, राजनीतिक, संगठनात्मक उदारतावाद पुट्टिंता।

उदारतावादी लोकुर मार्क्सवादी सिद्धांत किन केवल खोखला जड़सूत्र रूप ते  
हूडिंतोरा ओरु मार्क्सवाद कि मानेमांतोर, मति तानकिन पूरा अमल कियाला तैयार  
मन्नोर आंतोरा ओरु तन्ना उदारतावाद किन दूर कीसि मार्क्सवाद किन लागू कियाला  
तैयार हिल्वेके, ओरा लोप्पा मार्क्सवाद मत्ता संगे-संगे ओरा लोप्पा उदारतावाद वेने  
मंदिंता - ओरु पोल्लोंग मार्क्सवाद ता कींतोर मति अमल उदारतावाद ता कींतोरः  
ओरु दूसरोर पोर्रो मार्क्सवाद लागू कींतोर ओसो खुद काजे उदारतावाद लागू कींतोरा  
ओरा जोरा (झोला) ते रेंडासी रकम ता माल मंदिंता, ओरु बेगा मौका दोरकिंता अगा  
ताना इस्तेमाल किंतोरा उचुन मुल ता दिमाग इद्रमे काम कींता।

उदारतावाद अवसरवाद ताए उंदी रूप आंदू। ओसो मार्क्सवाद ता ताना संगे  
बुनियादी विरोध मंदिंता। ताना स्वरूप नकारात्मक मंता ओसो वस्तुगत रूप ते इद  
दुश्मन काजे सहायक बनेमांता: अदिन काजे दुश्मन मना नड़मा उदारतावाद मंदाना  
इंजी आलिसंतोरा। इद अचोन खतरनाक मंता इत्तेके अदु क्रांतिकारी कार्यकर्ता लोरा  
लोप्पा तानकिन बदे जागा मंदानायो।

उंदी नकारात्मक भावना लेक्का मंदाना उदारतावाद पोर्रो सफलता दोरकी  
कियाला काजे मना किन सकारात्मक भावना मंदाना मार्क्सवाद ता इस्तेमाल किया

लागिंता। वरोर कम्युनिस्ट ना जीवा बेहरा मंदाना ओसो अदिन समर्पित, सक्रिय मंदाना, क्रांति ता हित किन तन्ना जीवा तुकू ज्यादा महत्व हियाना या समझेमायना ओसो तन्ना व्यक्तिगत हित किन क्रांति ता हित ता अनुसार तासना ओरु हर जागा ओसो हमेशा सही सिद्धांत पोरो डटेमासी मंदाना सब्बे गलत विचार ओसो काम ता विरुद्ध रोमवा लेवा संघर्ष ताकि कियाना, पार्टी ता सामूहिक पिस्वल ओसो वेल्ले ठोस बनेमायना ओसो जन-समुदाय नड़मा ता कड़ी ओसो वेल्ले मजबूत मंदाना: ओनकिन व्यक्ति-विशेष तुकू ज्यादा पार्टी ओसो जन-समुदाय ता बारे ते आल्सना ओसो खुद तुकू ज्यादा दुसरोरा ध्यान तासना। केवल अस्केने ओनकिन कम्युनिस्ट मानेमायमूळायरा।

सब्बे वफादार, ईमानदार, सक्रिय व सच्चे कम्युनिस्ट लोर किन एकताबद्द आसी मना नड़मा ता उचुन मुल लोप्पा पुटता उदारतावादी रुझान ता विरोध कियाना ओसो ओरकिन सही हर्री ते तत्ताना। इद विचारधारात्मक मोर्चा लोप्पा मना काम लोप्पाटल उंदी आंदू।

## क्वोमिंगतांग-कम्युनिस्ट सहयोग ता स्थापना पेरके फौरी कार्य

29 सितम्बर 1937

वेल्ले मुने 1933 लोप्पा ने चीनी कम्युनिस्ट पार्टी क्वोमिंगतांग सेना ता बदे वेने हिस्सा संगे, मूँड शर्त कुना पोर्रो आधार आसी, जापान-विरोधी समझौता कियाला तैयार मंता इंजी घोषणा किस मत्ता - अद शर्त इद्रम मत्ता लाल सेना पोर्रो हमलांग बंद कियाना, जनता किन आजादी हियाना ओसो जनता किन हथियारबंद कियाना इंजी। इद घोषणा बारांकु कित्ताद मत्ता इत्तेके 18 सितम्बर 1931 ता घटना पेरके जापानी साप्राज्यवादी आक्रमण ता प्रतिरोध कियाना चीनी जनता ना प्राथमिक काम आसी मत्ता। मति माटु मना उद्देश्य ते सफल आया परवो आतोमा।

अगस्त 1935 लोप्पा चीनी कम्युनिस्ट पार्टी ओसो चीनी लाल सेना सब्बे राजनीतिक पार्टिंग, ग्रुप ओसो सब्बे देशभक्त लोरकिन आह्वान कीसि मत्ता कि ओरु उंदी कडृ आसि जापानी साप्राज्यवाद ता मुकाबला कियाला काजे उंदी जापान-विरोधी संयुक्त सेना ओसो राष्ट्रीय प्रतिरक्षा सरकार संगठित कियाना।<sup>1</sup> ओसो अदे साल दिसंबर लोप्पा चीनी कम्युनिस्ट पार्टी राष्ट्रीय पूँजीपति वर्ग संगे कलियसी जापान-विरोधी राष्ट्रीय संयुक्त मोर्चा बने कियाना इंजी प्रस्ताव<sup>2</sup> एतसि मत्तोरा मई 1936 लोप्पा लाल सेना उंदी खुला तार<sup>3</sup> प्रकाशित कित्ता ताना लोप्पा नानकिंग सरकार तल गृहयुद्ध बंद कियाना ओसो जापान ता प्रतिरोध कियाना मांग कित्ताद मत्ता। अदे साल अगस्त लोप्पा चीनी कम्युनिस्ट पार्टी ता केंद्रीय कमेटी, क्वोमिंगतांग ता केंद्रीय कार्यकारिणी कमेटी किन उंदी चिट्ठी<sup>4</sup> लोहतोर ताना लोप्पा क्वोमिंगतांग किन मांग कितोर कि जापानी साप्राज्यवाद ता कलियसी प्रतिरोध कियाला काजे गृहयुद्ध बंद कियाना ओसो रेंडासी पार्टिंग ना उंदी संयुक्त मोर्चा बने कियाना इंजी। अदे साल सितम्बर लोप्पा कम्युनिस्ट पार्टी चीन लोप्पा एकीकृत जनवादी गणराज्य ता स्थापना ता बारे ते उंदी प्रस्ताव<sup>5</sup> पास कित्ता। पोर्रो कित्ता घोषणा, खुला चिट्ठी,

ओसो प्रस्ताव आयवा माटु वेल्ले बेरा क्वोमिंगतांग संगे वडकला काजे मना प्रतिनिधि लोहतद मता। मति इव सब्बे अंगडम आतांग। शीआन घटना पेरके 1936 ता आखरी ता चीनी कम्युनिस्ट पार्टी ता पूर्णाधिकार प्रतिनिधि ओसो क्वोमिंगतांग ता मेन जिम्मेदार मंदाना मानेय ना नडमा अद समय ता उंदी महत्वपूर्ण राजनीतिक समस्या पोर्हे इत्तेके रेंडासी पार्टिंग ना नडमा गृहयुद्ध किन बंद कियाना सवाल पोर्हे समझौता आया परता ओसो शीआन घटना ता शांतिपूर्ण हल तेंडमूङाता। चीन ता इतिहास लोप्पा इद वेल्ले महत्व ता पोल्लो मत्ता। तीना कारण तेरेंडासी पार्टिंग नडमा दोबारा सहयोग बने कियला काजे शर्त बनेमात्ता।

इदे साल 10 फरवरी ते क्वोमिंगतांग ता केंद्रीय कार्यकारिणी कमेटी ता तीसरा पूर्ण अधिवेशन तुकु मुन्ने, चीनी कम्युनिस्ट पार्टी ता केंद्रीय कमेटी रेंडासी पार्टिंग नडमा ठोस सहयोग बने कियाला काजे उंदी तार<sup>6</sup> संगे पूर्ण अधिवेशन मुन्ने उंदी सुव्यवस्थित प्रस्ताव तास्तोरा। अद तार लोप्पा माटु क्वोमिंगतांग कम्युनिस्ट पार्टी किन दोड रास्ता पांच पोल्लोंग ना आश्वासन हियाना इंजी मांग कीतोमः गृहयुद्ध बंद कियाना, जनवादी आजादी हियाना, राष्ट्रीय एसेम्बली केयाना, जापान ता प्रतिरोध कियाना तैयारी किन तेज कियाना ओसो जनता ना पिस्वल किन सुधरे कियाना। संगे ने कम्युनिस्ट पार्टी क्वोमिंगतांग ता दोड रास्ता नालुंग पोल्लोंग ना आश्वासन हीताः रेंडु शासन-व्यवस्था कुना नडमा ता दुश्मनी खत्म कियाना, लाल सेना ता दोबारा पोर्हेल तासना, क्रांतिकारी आधार-क्षेत्र लोप्पा नव-जनवादी व्यवस्था किन लागू कियाना ओसो जर्मीदार लोरा जमीन जब्त कियाना रोमी कियाना। इद वेने उंदी महत्वपूर्ण राजनीतिक कदम मत्ता, बारांकु इत्तेके तीनी लेवा रेंडु पार्टिंग नडमा सहयोग बने लेट आसोरे मंदियर, इदिनगडल जापान ता प्रतिरोध कियाना तैयारी तेज कियाना लोप्पा वेने नुक्सान आस मंदियर।

ताना पेरके रेंडु पार्टिंग तन्ना समझौता-वार्ता लोप्पा उंदी दूसरा किन ओसो गर्हे वाता। कम्युनिस्ट पार्टी रेंडु पार्टिंग ना राजनीतिक कार्यक्रम ता संबंध ते, जन-आंदोलन पोर्हेटल प्रतिबंध गुची कियाना ओसो राजनीतिक बंदी लोरकिन रिहा कियाना संबंध ते ओसो लाल सेना ता दोबारा पोर्हेल तासना संबंध ते ओसो वेने ठोस सुझाव हीतद मत्ता। इंजे एवनल साझा कार्यक्रम जारी कित्ताद हिल्ले, ओसो जन-आंदोलन पोर्हेटल प्रतिबंध वेने गुची कित्ताद हिल्ले ओसो क्रांतिकारी आधार-क्षेत्र लोप्पा स्थापना आता पूना व्यवस्था किन वेने मानेमातद हिल्ले। मति पेरिंग ओसो थ्येनचिन घटना ता उंदी महीना पेरके राष्ट्रीय क्रांतिकारी सेना ता आठवी हर्रि

सेना तासना इंजी (जापान-विरोधी युद्ध-व्यवस्था लोप्पा इदिन अठारहवी ग्रुप-सेना वेने इंतोर) आदेश तेंडोरा रेंडु पार्टिंग नडमा सहयोग ता स्थापना संबंध ते मना पार्टी ता केंद्रीय कमेटी, क्वोमिंगतांग किन 15 जुलाई ते लोहता घोषणा, ओसो चीनी कम्युनिस्ट पार्टी किन कानूनी मानेमायना संबंध ते च्यांग काई-शेक ना मुनेटा सहमति अनुसार घोषणांग उंदि बेराने प्रकाशित आयना मत्ता, मति इव रेंडासी किन पक्काए जोम रोमि कीसि मत्तोर, इद्रम रोमि कियाना इतेके पक्काए खेदजनक मंता - अवु आखिर ते सीमा पोरों परिस्थिति पक्काए कमजोर आतास्के क्वोमिंगतांग ता केंद्रीय समाचार-ऐजेन्सी 22 ओसो 23 सितम्बर ते प्रकाशित कित्तोर। कम्युनिस्ट पार्टी ता घोषणा ओसो च्यांग काई-शेक ना स्टेटमेंट रेंडु पार्टिंग नडमा सहयोग स्थापना ता ऐलान कित्तोर ओसो रेंडु पार्टिंग ना संयुक्त रूप ते राष्ट्र किन बचे कियाना महान लक्ष्य काजे जरूरी बुनियाद वाटतोर। कम्युनिस्ट पार्टी ता घोषणा लोप्पा केवल रेंडु पार्टिंग नडमा ता एकता ता सिद्धांते आयवा ताना लोप्पा पूरा देश ता जनता ना महान एकता ता बुनियादी सिद्धांत वेने मंता। च्यांग काई-शेक तन्ना स्टेटमेंट संगे पूरा चीन लोप्पा कम्युनिस्ट पार्टी किन कानूनी मानेमातद ओसो राष्ट्र किन बचे कियला काजे एकता ता जरूरत मंता इंदाना बेसता पोल्लोंग कीतोरः मति अद क्वोमिंगतांग ता घमण्ड किन विडसत्ताद हिल्ले, बदे आत्मालोचना कित्ताद हिल्ले ओसो माकिन इद बेस लागो। मति रेंडासी पार्टिंग नडमा संयुक्त मोर्चा स्थापना कियाना घोषणा कित्तोरा चीनी क्रांति ता इतिहास लोप्पा इद पूना युग ता निर्माण आता। चीनी क्रांति पोरों तीना व्यापक ओसो गहरा प्रभाव अरिता ओसो जापानी साम्राज्यवाद किन हारे कियाना लोप्पा निर्णयिक भूमिका निभे कींता।

1924 तले क्वोमिंगतांग ओसो चीनी कम्युनिस्ट पार्टी नडमा ता संबंध चीनी क्रांति लोप्पा निर्णयिक भूमिका निभे कित्ता। 1924-27 ता क्रांति उंदी निश्चित कार्यक्रम पोरों आधार आसी रेंडु पार्टिंग नडमा ता सहयोग ता परिणाम आंदू। केवल रेंडु-मूँड साल लोप्पा ने अद राष्ट्रीय क्रांति महान सफलतांग दोरकी कित्ता, ताना काजे डा. सुन यात सेन तन्ना पिस्वल ता चालीस साल हिसी मत्तोर मति अद इंजे वेने अधुरा मत्ता। क्वांगतुंग लोप्पा क्रांतिकारी आधार-क्षेत्र ता स्थापना ओसो उत्तरी अभियान लोप्पा दोरकी कित्ता सफलसता अदे क्रांति ता सफल ता आंदू। इव सफलतांग रेंडु पार्टिंग ना संयुक्त मोर्चा ता स्थापना ता नतीजा आंदू। मति असल मौका ते क्रांति सफल आयना गर्ने एकतास्के, उचुन मुल इतेके क्रांतिकारी उद्देश्य हिल्वोर रेंडु पार्टिंग ना संयुक्त मोर्चा किन तोडे कित्तोर ओसो क्रांति किन असफल

कित्तोर ओसो विदेशी आक्रमण काजे हर्री हीतोरा इव रेंडु पार्टिंग नडमा बनेमात्ता पूना संयुक्त मोर्चा चीनी क्रांति काजे उंदी पूना सिद्धांत बने कित्ता। इंजे वेने उचुन मुल संयुक्त मोर्चा ता ऐतिहासिक भूमिका ओसो ताना महान भविष्य किन समझेमायवा लेवा ओरु इदिन केवल परिस्थिति पुट्टी कियाना काम चले कियाना साधन लेकका समझेमांतोरा मति, इद संयुक्त मोर्चा संगे इतिहास ता रथ-चक्र चीनी क्रांति किन उंदी बिल्कुल पूना मंजिल एवसी कींता। चीन तना किन वेल्ले गंभीर राष्ट्रीय सामाजिक संकट तल तेंडा परिता या परवो, इंदाना पोल्लो इद संयुक्त मोर्चा ता विकास बद्रम आंता ताना पोरों आधार आसी मंदिता। इद पोल्लो ना संभावनांग ना संबंध ते पूना तथ्य मुन्ने वातांग। पहला तथ्य चीनी कम्युनिस्ट पार्टी संयुक्त मोर्चा ता नीति पेश कीत्ता इत्तेकेने पूरा देश ता जनता ताना समर्थन कित्ता। इदे जनता ना प्रभावी आकांक्षा ता स्पष्ट इशारा आंदू। दूसरा तथ्य शीआन घटना ता शांतिपूर्वक हल कियाना ओसो रेंडु पार्टिंग नडमा गृहयुद्ध बन्द कित्ता तुरंत पेरके, देश ता सब्बे राजनीतिक पार्टिंग ओसो ग्रुप, सब्बे उद्योग कुना लोकुर ओसो सब्बे सेनांग नडमा अभूतपूर्व एकता बनेमात्ता। मति इद एकता जापान ता प्रतिरोध कियाना जरुरत किन हूडेके इंजे वेने हालो, बारांकु इत्तेके खास रूप ते सरकार ओसो जनता नडमा एकता ता समस्या इंजे वेने बुनियादी रूप ते हल आत्ताद हिल्ले। तीसरा तथ्य, सबसे ज्यादा उल्लेखनीय मंता अदु राष्ट्रव्यापी प्रतिरोध-युद्ध शुरू आतादु आंदू माटु प्रतिरोध युद्ध ता वर्तमान परिस्थिति तल खुश हिल्लेम, बारांकु इत्तेके तीना स्वरूप राष्ट्रीय आंदू, मति इद इंजे एवनल सरकार ओसो सशस्त्र सेना ता दायरा एवनले सीमित आसी मंता। माटु मुन्ने वेहत्ता लेकका इद्रम ता प्रतिरोध युद्ध संगे जापानी साप्राज्यवाद किन हारे किया परमूळायो। मति अद्रम आतेकाई हत्ता सौ सालकुने चीन पहली बेरा बदे विदेशी आक्रमण ता विरुद्ध उंदी सही राष्ट्रव्यापी प्रतिरोध युद्ध कीया मंता, ओसो इद्रम ता परिस्थिति लोपटा शांति ओसो रेंडु पार्टिंग ना सहयोग लेवा वाया परवो आसी मनवडा। रेंडु पार्टिंग ना संयुक्त मोर्चा ता विघटन आयानास्के जापान आक्रमणकारी उंदी वेने फैरिंग किवा उत्तर-पूर्व ता नालुंग प्रांत पोरों अधिकार किया परसी मत्तेके, इंजे संयुक्त मोर्चा ता पुनर्स्थापना पेरके ओरु बिना नेतुरु पोहवा लडाई ना चीन ता भूमि पोरों उचुन वेने अधिकार किया परमूळायो आयरा चौथा तथ्य, अंतर्राष्ट्रीय स्तर ते संयुक्त मोर्चा ता प्रभावा। चीनी कम्युनिस्ट पार्टी जापान-विरोधी संयुक्त मोर्चा ता स्थापना कियाना बद सुझाव तास्तद मत्तायो अदिना पूरा दुनिया ता मजदूर ओसो कम्युनिस्ट पार्टिंग ताना समर्थन कीतांग। कम्वोमिंगतांग ओसो कम्युनिस्ट पार्टी

नड़मा सहयोग स्थापना पेरके विभिन्न देशकुना जनता ओसो विशेषकर सोवियत संघ चीन ता ओसो वेल्ले सक्रिय सहायता कींतांग। चीन ओसो सोवियत संघ आक्रमण ता समझौता' कित्ता, ओसो इविना नड़मा ता संबंध ओसो वेने बेस आंता इंजी आशा कियमूळांता। इव सब्बे तथ्य पोरों आधार आसी माटु गट्ठिक मंजी वेहा परिंतोम कि संयुक्त मोर्चा ता विकास चीन किन उंदी वेडच लेक्का ओसो महान भविष्य बगिल ओंता, इत्तेके जापानी साम्राज्यवाद ता पराजय ओसो एकीकृत जनवादी गणराज्य ता स्थापना बगिल ओंता।

मति, संयुक्त मोर्चा इद महान काम किन मना नेटा परिस्थिति लोप्पा पूरा किया परमूळायो रेंडु पार्टिंग ना संयुक्त मोर्चा किन ओसो वेल्ले विकसित कियाना, बारांकु इत्तेके मना वर्तमान परिस्थिति लोप्पा इद वेल्ले व्यापक ओसो सुदृढ़ मन्नो आंता।

जापान-विरोधी राष्ट्रीय संयुक्त मोर्चा किन क्वोमिंगतांग ओसो कम्युनिस्ट पार्टी एवनले सीमित आसी मंदानाया? आयो, इदिन पूरा राष्ट्र ता संयुक्त मोर्चा बनेमायना ओसो इव रेंडासी पार्टिंग किन केवल इदिना हिस्सा मंदाना। जापान-विरोधी राष्ट्रीय संयुक्त मोर्चा किन सब्बे पार्टिंग, ग्रुप, सब्बे उद्योग कुना मानेय ओसो सब्बे सशस्त्र सेनांग ना संयुक्त मोर्चा आयना, सब्बे देशभक्त-मजदूर, किसान, सैनिक, बुद्धिजीवी ओसो व्यापारी-लोरा संयुक्त मोर्चा बनेमायना। असल ते इंजे एवनल इद संयुक्त मोर्चा रेंडु पार्टिंग एवनले सीमित आसी मत्ता, ओसो व्यापक मजदूर, किसान, सैनिक, शहरी निम-पूंजीपति ओसो दूसरा वेल्ले देशभक्त लोर किन इंजे एवनल जागृत कीतद हिल्ले, ओरकिन इंजे एवनल आंदोलित, संगठित या हथियारबंद कित्ताद हिल्ले। वर्तमान काल ते इद सबसे गंभीर समस्या आंदू। गंभीर बारांकु मंता इत्तेके लडाई ता मोर्चा पोरों जीत हासिल कियाना असंभव आंता। उत्तरी चीन ओसो च्यांगसू व च्च्यांग प्रान्त लोप्पा लडाई ता मोर्चा ता गंभीर परिस्थिति किन इंजे ओसो मकी कियमूळायो, तानकिन मकी कियाना जरूरते हिल्ले: समस्या परिस्थिति किन बद्रम सम्भाले कियाना इंजी। सम्भाले कियाना केवल उंदे हर्ही मंता, डा. सुन या-सेन ना वसीयतनामा पोरों अमल कियाना-“व्यापक जन-समुदाय किन जागृत कियाना”। तन्ना मुन्ने रास्ता इद वसीयतनामा लोप्पा डा. सुन यात-सेन, 40 सालकुना अनुभव पोरों आधार आसी ओनकिन सिर्फ इदे तरीका ते क्रांति ता लक्ष्य किन पूरा किया परमूळांता इंजी पक्का विश्वास आता। इद वसीयतनामा पोरों अमल कियाना तुकु इनकार कियाना बाता कारण मंदियर? राष्ट्र खतरा ते मत्तास्के इदिन पोरों अमल कियाना किरिया तेहवा मंदाना बाता कारण मंदियर? तानाशाही ओसो दमन

“व्यापक जन-समुदाय किन जागृत कियाना” उसूल ता विरुद्ध मंता इंजी हर मानेय पुत्तोरा केवल सरकार ओसो सेना संगे आयना प्रतिरोध तले जापानी साप्राज्यवाद किन इनपड़े हरे किया परमूड़ायो। इद साल मई लोप्पा माटु सत्ता ते मंतोर क्वोमिंगतांग किन पूरा गंभीरता ते चेतावनी हीताद मत्ता कि प्रतिरोध काजे व्यापक जन-समुदाय किन आंदोलित कीवेके चीन वेने अबीसीनिया ता लेक्का विनाश ता हरदे दांता। इद केवल चीनी कम्युनिस्ट लोरे आयवा देशमेटा प्रगतिशील लोकुर ओसो खुद क्वोमिंगतांग ता वेल्ले समझदार सदस्य लोर वेने इतोरा मति उंदी शासन ता नीति गट्टुक बनेमात्ता। अद्रमासी सरकार जनता तल अलग मंता, सेना जनता तल अलग मंता ओसो सैनिक कमांड साधारण सैनिक लोरगडल अलग-थलग मंता। संयुक्त मोर्चा लोप्पा आम जनता किन शामिल कीसि अदिन पूना ताकत हियाना जोम अग्रिम मोर्चा पोरों संकट घटेमायना जागा ते अनिवार्य रूप ते ओसो गहरा आंता।

क्वोमिंगतांग ता एकतंत्री शासन ता नीति ता जागा एतना उंदी राजनीतिक कार्यक्रम ता कमी इंजे वेने जापान-विरोधी संयुक्त मोर्चा ता मुन्ने मंता-रेंदु पार्टिंग ना सहमति मंदाना लेक्काटा ओसो जरूरी तौर ते जारी कित्ता कार्यक्रम मंदाना। जन-समुदाय ता बारे ते क्वोमिंगतांग ता व्यवहार हत्ता 10 साल कुनल उंदे लेक्का मंता। खास रूप ते, सरकार ढांचा, सेना व्यवस्था ओसो नागरिक लोरा बारे ते नीति तल पोयसी वित्तीय, आर्थिक ओसो शिक्षा सम्बन्धित नीतिंग एवनल इव सब्बे क्षेत्र लोप्पा हत्ता 10 सालकुनल बदे परिवर्तन आत्ताद हिल्ले ओसो सब्बे क्षेत्र मुन्ने लेक्काने इंजे वेने मंता। परिवर्तन तो आता ओसो अब वेल्ले बेहरा बदलाव वेने मत्ता-गृहयुद्ध किन बंद कित्ताद मंता ओसो जापान विरुद्ध एकता कित्ताद मंता। रेंदु पार्टिंग ना गृहयुद्ध किन बंद कीतांग ओसो जापान ता विरुद्ध राष्ट्रियी प्रतिरोध युद्ध किन शुरुआत वेने आता-इव शीआन घटना पेरके चीन ता राजनीतिक मंच पोरों महान परिवर्तन ता निशानी आंदू। मति इंजे एवनल व्यवहार लोप्पा पोरों वेहत्ता चेन ते बदे परिवर्तन आत्ताद हिल्ले, ओसो बद चीज बदलेमात्ता ओसो बद बदलेमायो अविना लोप्पा तालमेल हिल्ले। पाड़ना अमल विदेशी ताकत कुना संगे समझौता कियाना ओसो देश लोप्पा क्रांति किन दबे कियाला काजेने बेसे मंता, मति जापानी साप्राज्यवादी आक्रमण ता मुकाबला कियाला काजे इद बिल्कुल बेस हिल्ले ओसो तीना लोपा रक-रकम ता कमी तोहमूडांता। माटु जापान ता प्रतिरोध कियाला आल्सोम इंदानास्के कहानी दूसराए मंजी मनवडा। मति माटु प्रतिरोध कियाला

आलिसंतोम ओसो असल ते अद शुरू वेने आता इंदानास्के उंदी गंभीर संकट मुन्ने वांता, अदिन काजे पूना अमल कियाना तुक इनकार कियाना उंदी आल्सा परवा, पक्काए गंभीर खतरा किन तत्तिंता। जापान ता प्रतिरोध कियाना मांग ते उंदी विशाल संयुक्त मोर्चा बने कियाना, ओसो अदिन काजे ताना लोप्पा शामिल आयला काजे पूरा देश ता जनता किन उंदि कट्टु कियाना। जापान ता प्रतिरोध कियाना मांग, उंदी साझा कार्यक्रम ता मांग मंता। साझा कार्यक्रम संयुक्त मोर्चा ता अमल ता मार्गदर्शक आयर, ओसो संगेने ताना अनुशासन वेने आयर। उंदी रस्सी लेक्का, संयुक्त मोर्चा लोप्पा शामिल आयना सब्बे पार्टिंग, ग्रुप, सब्बे उद्योग कुना लोकुर ओसो सब्बे सशस्त्र सेनांग किन इतेके सब्बे संगटन ओसो मानेय किन मजबूती ते तोहसि तासिंता। सिर्फ इद्रम कित्तेकेने माटु सुदृढ़ एकता ता पोल्लोंग कियाना परितोमा माटु पाड़ना रकम ता अनुशासन ता विरोधी आंदुम बारांकु इतेके अव राष्ट्रीय क्रांतिकारी युद्ध काजे सही हिल्लो पाड़ना अनुशासन ता जागा ते माटु पूना अनुशासन ता आशा किया मंतोम-इतेके साझा कार्यक्रम किन जारी कियाना ओसो क्रांतिकारी व्यवस्था ता स्थापना कियाना। दूसरा बदे वेने प्रतिरोध युद्ध काजे सही मन्नो आयारा।

साझा कार्यक्रम बाता मंदाना? इद कार्यक्रम डा. सुन यात-सेन ना मूँड जन-सिद्धांत आंदू ओसो इदे साल 25 अगस्त ते कम्युनिस्ट पार्टी कित्ता प्रस्ताव जापान ता प्रतिरोध कियाना ओसो देश किन बचे कियाना दससूत्री कार्यक्रम<sup>५</sup> आंदू।

क्वोमिंगतांग-कम्युनिस्ट सहयोग ता बारे ते तना घोषणापत्र लोप्पा चीनी कम्युनिस्ट पार्टी “डा. सुन यात-सेन ना बव मूँड जन-सिद्धांत कुना जरूरत नेंदु चीन किन मंतायो, अविन पूर्ण रूप ते लागू कियाला काजे संघर्ष कियाला मना पार्टी तैयार मंता इंजी इत्ता।” उचुन मुल किन कम्युनिस्ट पार्टी क्वोमिंगतांग ता मूँड जन सिद्धांत किन अमल कियाला तैयार मंतोर इंदाना पोल्लो पोरो आश्र्य आंता। उदाहरण काजे शांघाई ता चू छिंग-लाई<sup>६</sup> उंदी स्थानीय पत्रिका लोप्पा इद पोल्लो पोरो डावुट कित्तोरा। वीरु कम्युनिज्म ओसो मूँड जन-सिद्धांत कुना नडमा बदे मेल हिल्ले इंजी आलिसंतोरा। इद केवल औपचारिक स्टेंड आंदू कम्युनिज्म किन क्रांति ता विकास ता वायना मंजिल लोप्पा अमल ते तम्भूदायरः अदिन वर्तमान मंजिल लोप्पा हासिल आयना बदे डाउट कम्युनिस्ट लोरकिन हिल्ले, ओसो इंजे इतेके ओरु राष्ट्रीय जनवादी क्रांति किन, बद इतिहास ता जरूरत मंतायो, इदिन पूरा कियाना कोशिश किया मंतोरा। कम्युनिस्ट पार्टी ता जापान-विरोधी राष्ट्रीय संयुक्त मोर्चा ओसो एकीकृत जनवादी गणराज्य ता स्थापना ता प्रस्ताव पेश कियाना बुनियादी कारण इदे

आंदू। इत्तेके तीन जन-सिद्धांत कुना पोल्लो, दस साल मुन्ने वेने रेंडु पार्टिंग ना पहला संयुक्त मोर्चा आयनास्के कम्युनिस्ट पार्टी, क्वोमिंगतांग, क्वोमिंगतांग ता पहला राष्ट्रीय कांग्रेस लोप्पा अविन लागू कियाना इंजी संयुक्त निर्णय कित्ताद मत्ता, ओसो हर ईमानदार कम्युनिस्ट ओसो क्वोमिंगतांग ता हर ईमानदार सदस्य ना व्यक्तिगत कोशिश ते 1924-27 नडमा देश ता उंदी बेहरा हिस्सा लोप्पा अविन पोर्रे अमल कित्ताद वेने मत्ता। मति दुर्भाग्य ते अद संयुक्त मोर्चा 1927 लोप्पा देगता ओसो कम्वोमिंगतांग पेरकेटा दस साल लोप्पा मूँड जन-सिद्धांत कुना पोर्रे अमल कियाना विरोध कित्ता। मति कम्युनिस्ट पार्टी हत्ता दस साल लोप्पा बद नीति लागू कित्ताद मंतायो, अब मूल रूप ते डा. सुन यात-सेन ना मूँड जन-सिद्धांत ओसो मूँड महान नीतिंग ना क्रांतिकारी भावना ता अनुकूल मत्तांगा। कम्युनिस्ट पार्टी साम्राज्यवाद ता विरुद्ध संघर्ष किवा मंदाना बदे दिय्या हिल्वा मत्ता- इत्तेके राष्ट्रवाद ता महान सिद्धांत ता पूर्ण रूप ते पालन कियाना आंदू। मजदूर-किसान लोरा जनवादी अधिनायकत्व ओसो बदे आयवेके जनवाद ता सिद्धांत ते पूरा पालन कित्ता। भूमि-क्रांति जन-जीविका ता सिद्धांत ताए पूर्ण रूप ते पालन कित्ता। मति कम्युनिस्ट पार्टी मजदूर-किसान लोरा जनवादी अधिनायकत्व किन समाप्त कियाला ओसो जर्मांदार लोरा जमीन ता जब्ती किन बंद कियाना घोषणा इंजे बारांकु कित्ताद मंता? उचुन समय मुन्ने माटु स्पष्ट कित्ता लेकका, इदिना कारण इद सिलसिला लोप्पा इंजे बदे गलती पोल्लो आत्ताद मंता इंजी आयो, मति जापानी साम्राज्यवाद ता सशस्त्र आक्रमण ता कारण ते देश लोप्पा वर्ग-संबंध लोप्पा बदलाव आता, अद्रमासी जापानी साम्राज्यवाद ता खिलाफ देश ता सब्बे वर्ग कुना एकता केवल जरूरते आता इंजी आयो, इद्रम किया परना संभावना वेने पुटता। फासीवाद ता विरुद्ध साझा संघर्ष कियाला काजे फासीवादी-विरोधी संयुक्त मोर्चा बने कियाना केवल चीन लोप्पाने आयवा पूरा दुनिया स्तर ते जरूरत ओसो संभव मंता। अदिन काजे माटु चीन लोप्पा राष्ट्रीय, जनवादी संयुक्त मोर्चा ता स्थापना तल सहमत मंतोमा। इदिना पोर्रे आधार आसीए माटु मजदूर-किसान लोरा जनवादी अधिनायकत्व ता जागा ते सब्बे वर्ग कुना एकता पोर्रे आधार आसी जनवादी गणराज्य ता स्थापना ता प्रस्ताव तास्तद मंता। भूमि-क्रांति “पुहतानोनके जमीन दोरकना” उसूल पोर्रे अमल कित्ता ओसो बिल्कुल इदे प्रस्ताव डा. सुन यात-सेन वेने तास्तोरा। इंजे माटु जापानी साम्राज्यवाद ता विरुद्ध ओसो वेल्ले संख्या ते लोकुर किन एकताबद्ध कियाना दृष्टिकोण ते अदिन विडस्तोर, मति इद्रम इत्तेके चीन किन तन्ना भूमि-समस्या हल कियाना ता जरूरते

हिल्ले इंजी आयो। नीति लोप्पा बदलाव ता वस्तुगत कारणकु ओसो समय ता संबंध ते माटु मना दृष्टिकोण बिना तोड़-मरोड़ किवा लेवा स्पष्ट कित्ताद मंता। मार्क्सवादी उसूल कुना आधार ते चीनी कम्युनिस्ट पार्टी लगातार प्रथम क्वोमिंगतांग-कम्युनिस्ट संयुक्त मोर्चा ता साझा कार्यक्रम-क्रांतिकारी मूँडु जन-सिद्धांत-कुना पोरों नित्सि मत्ता ओसो अद अविन विकसित कित्ता। कम्युनिस्ट पार्टी उंदी राष्ट्रीय संकट ते मत्तास्के इतेके शक्तिशाली हमलावर दुश्मन मना देश पोरों हमला किया मंतोर इंदानास्के देश किन बचे कियाना केवल नीति ता रूप ते राष्ट्रीय, जनवादी संयुक्त मोर्चा बने कियाना प्रस्ताव समय अनुकूल तासला तैयार आता ओसो अद इदिन पोरों अमल कियाना लगातार कोशिश कित्ता। सवाल कम्युनिस्ट पार्टी क्रांतिकारी मूँडु जन-सिद्धांत कुना पोरों विश्वास कींता या कीवो या अविना पोरों अमल कींता या कीवो इंजी हिल्ले, अद क्वोमिंगतांग अव सिद्धांत कुना पोरों विश्वास कींता या किवो अविना पोरों अमल कींता या किवो इंजी मंता। नेटा काम पूरा देश लोप्पा डा. सुन यां-सेन ना मूँडु जन-सिद्धांत कुना क्रांतिकारी भावना किन दोबारा तेहाना ओसो तीना पोरों आधार आसी निश्चित कार्यक्रम ओसो नीतिंग बने कीसि अविन पोरों अमल कियाना-विचार हिल्वा लेवा, पोरों-पोरों आयवा ईमानदारी ते ओसो जीवा कीसि कियाना। चीनी कम्युनिस्ट पार्टी नरका-पिय्यल इदिना काजे प्रार्थना कित्ता। अदिन काजे, लूकओछयाओ घटना पेरके चीनी कम्युनिस्ट पार्टी जापान ता प्रतिरोध कियाना ओसो देश किन बचे कियाना दससूत्री कार्यक्रम पेश कित्ता। दससूत्री कार्यक्रम मार्क्सवाद ता अनुरूप मत्ता ओसो सही क्रांतिकारी मूँडु जन-सिद्धांत कुना अनुरूप वेने मत्ता। इद चीनी क्रांति ता वर्तमान मंजिल, इतेके जापान-विरोधी राष्ट्रीय क्रांतिकारी युद्ध ता मंजिल ता शुरूआती कार्यक्रम आंदू केवल इदे कार्यक्रम पोरों अमल कीसिए चीन किन बचे किया परमूँडांता। इद कार्यक्रम पोरों बाधा वायना हर्दे ताकना जिद कियानोर किन इतिहास सजा हियरा।

इद कार्यक्रम पोरों क्वोमिंगतांग ता सहमति लेवा पूरा देश लोप्पा अमल आया परवो, बारांकु इतेके नेंड वेने देश ता सबसे बेहरा पार्टी क्वोमिंगतांग पार्टिए मंता ओसो राजसत्ता वेने अदिना कैदेने मंता। क्वोमिंगतांग ता समझदार सदस्य लोर इद कार्यक्रम ता बस्कानाई समर्थन कींतोर इंजी माकिन विश्वास मंता। बारांकु इतेके ओरु इदिन ठुकरे कींतोर अस्के मूँडु जन-सिद्धांत केवल अंगडम ता पोल्लोंग आयनूंग, ओसो डा. सुन यां-सेन ना क्रांतिकारी भावना किन ओसो उंदि बेरा तेहाना असंभव आयर, जापानी साप्राज्यवाद किन पराजित कियाना असंभव आयार ओसो चीनी

जनता ना काजे विदेशी सत्ता ता गुलामी तल बचे मायना असंभव आयार।  
क्वोमिंगतांग ता बोराई वास्तविक समझदार सदस्य बिल्कुन इद्रम आयला हीवोर  
आयनूर ओसो पूरा देश ता जनता बस्के वेने तन्ना किन गुलाम बनेमायला हीवो  
आयार। इदे आयवा, 23 सितम्बर ता तन्ना स्टेटमेंट लोप्पा च्यांग काई-शेक दोड़  
रास्ता लेका घोषणा कीतोर:

नावा विचार हिसाब ते माटू इत्तेके क्रांति कियाला तैयार मंदानोर व्यक्तिगत  
झगड़ा ओसो पूर्वाग्रह किन विडिसियाना ओसो मूँड जन-सिद्धांत कुना सफलता  
काजे लगन ते काम कियाना। हायना पिस्सना संकटपूर्ण समय ते माटू “पाड़ना गलती  
विडिचसी, मुन्ने दायना” पोर्रे अमल कियाना ओसो पूरा राष्ट्र संगे कलियसी ओसो  
इंदि बेरा पूना शुरूआता कियाना। मना देश ता पिस्वल ओसो अस्तित्व किन बचे  
कियाला काजे एकता कियाला पूरा कोशिश कियाना।

इद बिल्कुल सही मंता। इद समय ते सबसे फौरी कार्य मूँड जन-सिद्धांत कुना  
सफलतांग काजे कोशिश कियाना आंदू व्यक्तिगत या गुटबंदी ता कर्मींग किन दूर  
कियाना, पाड़ना अमल किन बदले कियाना, तुरंत तीन जन-सिद्धांत किना अनुरूप  
क्रांतिकारी कार्यक्रम पोर्रे अमल कियाना ओसो सब्बे राष्ट्र कुना संगे कलियसी  
बिल्कुले पूना शुरूआत कियाना। नेंडु केवल इदे हर्री मंता ओसो लेट कित्तेके, इद  
वेने अंगडम आयार।

मति मूँड जन-सिद्धांतकु ओसो दससूत्री कार्यक्रम पोर्रे अमल कियाला काजे  
बदे साधन ता जरूरत आयार-सरकार ओसो सेना लोप्पा सुधार ता समस्या  
इदिनगडले तेदिंता। इंजेटा सरकार इंजे वेने क्वोमिंगतांग ता उंदी पार्टी ता  
अधिनायकत्व मंदना सरकार आंदू, राष्ट्रीय जनवादी संयुक्त मोर्चा ता सरकार आयो।  
राष्ट्रीय जनवादी संयुक्त मोर्चा ता सरकार लेवा मूँड जन-सिद्धांतकु ओसो दस सूत्री  
कार्यक्रम पोर्रे अमल कियाना असंभव मंता। क्वोमिंगतांग ता इंजेटा सेना व्यवस्था  
इंजे वेने मुन्नेटा लेकाने पाड़ना आता ओसो इद व्यवस्था लोप्पा संगठित सेनांग ना  
जापानो साम्राज्यवाद किन होरे कियाना असंभव मंता। सब्बे सेनांग इदे प्रतिरोध  
लोप्पा एंगेज आतांग ओसो अब सब्बे काजे मना लोप्पा वेल्ले आदर ओसो सम्मान  
मंता, विशेषकर मुन्ने हंजी लड़मायनोरा काजे। मति हत्ता मूँड महीनांग लोप्पा  
प्रतिरोध-युद्ध ता सबक एतत्तानगडल स्पष्ट आता कि क्वोमिंगतांग ता सेना व्यवस्था  
किन बदले कियाना जरूरी मंता, बारांकु इत्तेके जापानी आक्रमणकारी लोर किन पूरा  
पराजित कियाना ओसो मूँड जन-सिद्धांत ओसो क्रांतिकारी कार्यक्रम पोर्रे

सफलतापूर्वक अमल कियाला काजे अद बिल्कुले सही हिल्लो। इद बदलाव अफसर ओसो सैनिक लोरा नड़मा एकता ओसो सेना ओसो जनता नड़मा एकता ता उसूल कुना पोर्णे आधार आसी कियाना। क्वोमिंगतांग ता वर्तमान सेना व्यवस्था बुनियादी रूप ते इव रेंडु उसूल कुना विरुद्ध मंता। वफादारी ओसो साहस मत्तेकाई, इद व्यवस्था ता प्रभाव ते वासी व्यापक अफसर ओसो सैनिक प्रतिरोध कार्य लोप्पा तन्ना मंदापरव योगदान हिया परवोर आंतोर, अदिन काजे इद व्यवस्था किन सुधारे कियाना काम किन तुरंत शुरू कियाना जरूरत मंता। इद्रम इतेके बस्के एवनल व्यवस्था लोप्पा सुधार आयो अस्के एवनल लड़ाई किन बंद कियाना इंजी आयो: लड़ाई ताकसोरे मत्तेके वेने व्यवस्था लोप्पा सुधार किया परमूङांता। इदिन लोप्पा केंद्रीय कार्य सेना ता राजनीतिक चेतना ओसो ताना राजनीतिक कार्य लोप्पा बदलाव तत्ताना मंता। उत्तरी अभियान ताकनास्के राष्ट्रीय क्रांतिकारी सेना इदिन उंदी बेसता उदाहरण आंदू, बारांकु इतेके आम रूप ते अद सेना लोप्पा अफसर ओसो सिपाही लोरा नड़मा ओसो सेना ओसो जनता ना नड़मा एकता ता स्थापना आसी मत्ता। अद समय ता चेतना किन वेंडे तेहाना वेल्ले जरूरत मंता। चीन किन रिपब्लिक सेना ता निर्माण वेल्ले प्रतिकूल परिस्थिति आता स्पेन ता युद्ध तल सबक एतना जरूरत मंता। चीन स्पेन तुकू वेल्ले बेसता परिस्थिति ते मंता, मति चीन लोप्पा उंदी व्यापक आधार मंदाना ओसो सुदृढ़ मोर्चा ता कमी मंता, संयुक्त मोर्चा ता कमी, संपूर्ण क्रांतिकारी कार्यक्रम किन लागू कियाना परना लेक्काटा सरकार ता कमी आंदू, ओसो पूना व्यवस्था ता अनुरूप गठन कित्ता बेहरा संख्या मंदाना सेना ता वेने कमी आंदू। चीन किन इव कमि किन दूर कियाना जरूरत मंता। पूरा प्रतिरोध-युद्ध ता सवाल लोप्पा चीनी कम्युनिस्ट पार्टी ता नेतृत्व लोप्पा ताकना लाल सेना इंजे वेने केवल हिरावल भूमिकाए निभे किया परिता, देशव्यापी स्तर ते निर्णायक भूमिका निभे किया परवो। अद्रम आत्तेकाई लाल सेना ता राजनीतिक, सामरिक ओसो संगठनात्मक श्रेष्ठता पूरा देश ता मना दोस्त-सेना काजे ग्रहण कियाना लेक्का मंता। शुरूआती कालम ते लाल सेना वेने इंजे मत्ता लेक्का हिल्वा मत्ता। अद वेने वेल्ले सुधार कुनगडल वेडंसी वाता ओसो इव सुधार कु मुख्य रूप ते सेना लोप्पा सामंती रकम ता व्यवहार खात्म कियाना ओसो अफसर, सिपाही लोरा नड़मा ओसो सेना, जनता नड़मा ता एकता स्थापना कियाना मत्ता। पूरा देश ता दोस्त सेना इद अनुभव ता फायदा एता परिंता।

सत्ता ते मंदना क्वोमिंगतांग पार्टी ता जापान-विरोधी कामरेड्स! राष्ट्र किन विनाश तल बचे कियाला ओसो अदिन जिंदा तासना भूमिका ते माटु मीवा संगे

मंतोमा मीटु मावा संगे जापान-विरोधी संयुक्त मोर्चा बने कीतिरा इद वेल्ले बेस आता। मीटु जापान ता प्रतिरोध कियाना शुरू कीतिरा इद वेने वेल्ले बेसता पोल्लो आंदू मति पाड़नाए हर्रि पोर्टो ताकना मीवा दूसरा नीतिंग ना माटु समर्थन कीवोमा माटु सब्बे तोरोम संयुक्त मोर्चा ता समर्थन कितेके बेस आयरा मनम सब्बेतोर किन संयुक्त मोर्चा किन ओसो विकसित ओसो विस्तार कियाना ओसो ताना लोप्पा जनता किन शामिल कियाना। संयुक्त मोर्चा किन सुदृढ़ बने कियाना ओसो उंदी हूंडा कार्यक्रम पोर्टो ताकना वेल्ले जरूरत मंता। राजनीतिक व्यवस्था ओसो सेना व्यवस्था लोप्पा दृढ़तापूर्वक सुधार कियाना वेल्ले जरूरत मंता। उंदी पूना सरकार ता निर्माण कियाना वेल्ले जरूरत मंता, केवल इद्रम ता सरकारे क्रांतिकारी कार्यक्रम पोर्टो अमल किया परिंता ओसो पूरा देश लोप्पा सेना किन सुधरे किया परिंता। मना इद प्रस्ताव नेटा समय ता मांग आंदू मीवा पार्टी ता वेने वेल्ले लोकुर इदिन पोर्टो अमल कियाना समय इदे इंजी आलिसंतोरा। तन्ना जमाना ते डा. सुन यात-सेन उंदी बेरा फैसला कीसि राजनीतिक व्यवस्था ओसो सेना व्यवस्था लोपा सुधार कीसि मत्तोर अनि 1924-27 ता क्रांति ता नींव वाटसी मत्तोरा। इंजे इद्रम ताए सुधार किन लागू कियाना जिम्मेदारी मीवा हट्टा पोर्टो मंता। मावा क्वोमिंगतांग ता बोरे वेने वफदार ओसो देशभक्त सदस्य मना प्रस्ताव किन अंगडम मानेमायोर इंजी विश्वास मंता। मावा दृढ़ विश्वास मंता कि इद प्रस्ताव नेटा वस्तुगत जरूरत कुना अनुकूल मंता इंजी।

मना राष्ट्र ता पिस्वल ता परीक्षा आंदू-क्वोमिंगतांग ओसो कम्युनिस्ट पार्टी किन घनिष्ठ रूप ते उंदिकट्ट आयना! सब्बे देशवासी लोर किन, इतेके बोर गुलाम बनेमायल आल्सोर ओरु क्वोमिंगतांग-कम्युनिस्ट एकता पोर्टो आधार आसी घनिष्ठता ते उंदिकट्ट आयना! नेंडु चीनी क्रांति ता सबसे फौरी कार्य सब्बे मुश्किल कुना पोर्टो काबू कियाला काजे हर जरूरी सुधार किन लागू कियाना मंता। इद कार्य किन पूरा कीसि माटु जरूर जापानी साम्राज्यवाद किन पराजित किया परिंतोम। माटु मंदपरवा कोशिश कितेके मना भविष्य मांजसोरे मंदारा।

## नोट

- “जापानी-आक्रमण-विरोधी कालम ते चानी कम्युनिस्ट पार्टी ता कार्य”, नोट 2 (“माओ त्सेतुंग ना जमा कित्ता रचनांग”, पुस्तक 1)। हूँडाटू
- अदे, नोट 3।

3. अदे, नोट 4।
4. हूङ्गाटूः “च्यांग काई-शेक ना स्टेटमेंट ता बारे ते स्टेटमेंट”, नोट 7 (“माओ त्सेतुंग ना चुने कित्ता रचनांग”, पुस्तक 1)।
5. हूङ्गाटूः “जापानी-आक्रमण-विरोधी कालम ते चीनी कम्युनिस्ट पार्टी ता कार्य”, नोट 6 (“माओ त्सेतुंग ना चुने कित्ता रचनांग”, ग्रन्थ)।
6. अदे नोट 7।
7. चीन गणराज्य ओसो सोवियत समाजवादी लोकतंत्र संघ नडमा इद आक्रमण समझौता 21 अगस्त 1937 ते सम्पन्न आसी मत्ता।
8. दससूत्री कार्यक्रम काजे हूङ्गाटू इदे पुस्तक लोप्पो “प्रतिरोध-युद्ध लोपा जीत हासिल कियाला काजे राष्ट्र ता पूरा ताक किन उंदीकट्टू कियाना कोशिश कीमुट” इंदाना हेडिंग ता रचना।
9. चू छिंग-लाई “नेशनल सोशलिस्ट पार्टी” (प्रतिक्रियावादी जर्मांदार, नौकरशाही ओसो बेहरा पूँजीपति वर्ग ता संगठित उंदी मुडला गुट) ता डाकू लोरा लोप्पाटल वरोर मत्तोरा। पेरके ओरु गद्दार वांग चिंग-वेइ सरकार ता सदस्य बनेमातोरा।

# ब्रिटिश पत्रकार जेम्स ब्रांम किन इन्टरव्यू

25 अगस्त 1937

## चीनी कम्युनिस्ट पार्टी ओसो जापानी-आक्रमण विरोधी युद्ध

**जेम्स ब्रांम:** चीन-जापान युद्ध शुरू आयना मुन्ने ओसो पेरके चीनी कम्युनिस्ट पार्टी बद-बद विशिष्ट ऐलान कित्ता?

**माओ त्सेतुंग:** युद्ध शुरू आयना मुन्ने चीनी कम्युनिस्ट पार्टी पूरा राष्ट्र किन बार-बार चेतावनी हिस्सोरे मत्ता कि जापान संगे युद्ध जरूर आयर ओसो “शांतिपूर्ण समझौता” ता जापानी साप्राज्यवादीरा सब्बे पोल्लोंग ओसो जापान ता कूटनीतिंग बने कियानोरा सब्बे बेसता शब्दावली युद्ध ता ओरा तैयारी कियाला काजे कित्ता गति आंदू माटु बार-बार इद पोल्लो पोर्रो जोर हीतोम कि संयुक्त मोर्चा किन सुदृढ़ बने कीवा लेवा ओसो क्रांतिकारी नीति किन लागू किवा लेवा सफलता हिसाब ते राष्ट्रीय मुक्ति युद्ध ताकी किया परमूडायो। इद क्रांतिकारी नीति ता सबसे प्रमुख पोल्लो आंदू कि आम जनता किन जापान विरोधी मोर्चा लोप्पा शामिल आयला काजे उंदीकट्टु कियाना लक्ष्य ते चीन सरकार किन जनवादी सुधार किन लागू कियाना। माटु बार-बार, जापान ता “शांति-प्रतिज्ञा” पोर्रो विश्वास कियनोरा ओसो युद्ध तल बचेमाया परमूडांता इंदानोरा, लेवेके आम जनता किन उंदीकट्टु किवा लेवाए जापानी आक्रमणकारी लोरा प्रतिरोध किया परमूडांता इंजी समझेमांतोरा गलती किन तोहसोरो वात्तोमा युद्ध शुरू आयना ओसो विकसित आयना तल मावा अद विचार सही मत्ता इंजी साबित आता। लूकओछयाओ घटना ता उंदी दिय्या पेरके कम्युनिस्ट पार्टी पूरा देश ता पोर्रोल ते उंदी घोषणापत्र जारी कित्ता। इद घोषणा पत्र लोपा माटु देश ता सब्बे राजनीतिक पार्टिंग ओसो ग्रुप ओसो सब्बे सामाजिक

तबकांग किन आह्वान कित्तोम कि ओरु उंदी जीवा आसी जापानी लोरा आक्रमण ता प्रतिरोध कियाना ओसो राष्ट्रीय संयुक्त मोर्चा किन मजबूत कियाना। तीन तुरंत पेरकेने माटु “जापान ता प्रतिरोध कियाना ओसो देश किन बचे कियाना दससूत्री कार्यक्रम” ता ऐलान कित्तोम, तीना लोप्पा माटु जापानी-आक्रमण-विरोधी युद्ध लोप्पा चीन सरकार किन लागू कियाना जरूरत मंदाना नीतिंग किन मुन्ने तास्तोमा क्वोमिंगतांग-कम्युनिस्ट सहयोग ता स्थापना कियानास्के माटु उंदी दूसरा महत्वपूर्ण घोषणा जारी कित्तोम। इव सब्बे माटु संयुक्त मोर्चा किन मजबूत कीसि क्रांतिकारी नीति पोरों अमल कीसि प्रतिरोध युद्ध किन ताकि कियाना उसूल ता दृढ़ समर्थक मंतोम इंदाना पोल्लो ता प्रमाण आंदू वर्तमान काल ते मावा बुनियादी नारा “पूरा राष्ट्र ता संपूर्ण प्रतिरोध” इंजी मत्ता।

### जापानी-आक्रमण-विरोधी युद्ध ता स्थिति ओसो ताना सबक

**सवाल:-** नीवा हिसाब ते युद्ध ता इंजे एवनल वात्ता नतीजा बाता आतांग?

**उत्तर:-** तीना रेंडु मुख्य पहलू मंतांग। उंदी बगिल, मना नगर कुना पोरों अधिकार कीसि, मना भूमि किन ऊंदसी, बलात्कार, लूट आगजनी ओसो कत्तेआम कीसि जापानी साप्राज्यवादीर चीनी जनता किन राष्ट्रीय गुलामी ता खतरा किन्न मुन्ने तच्ची तासता। ओसो दूसरा बगिल तीना कारण ते चीनी जनता ना बहुमत बिना ओसो ज्यादा एकता किवा लेवा ओसो पूरा राष्ट्र ता प्रतिरोध किवा लेवा इद संकट पोरों काबू किया परम्पूर्यायो इंजी वेल्लेय जागरूक आता। संगेने दुनिया ता शांतिप्रिय देश जापानी खतरा ता विरुद्ध प्रतिरोध ता जरूरत ता बारे ते जागरूक आया मंतांग। इंजे एवनल युद्ध तल इदे नतीजा पेसता।

**सवाल:** मीवा हिसाब ते जापान ता उद्देश्यकु बातल आंदू ओसो अदू इंदिना लोप्पा औरु बच्चोन सफल आतोर?

**उत्तर -** जापान ता योजना मुन्ने डाका वाटना रूप ते उत्तरी चीन ओसो शांघाई पोरों अधिकार कियाना ओसो वेंडे चीन ता दूसरा इलाका पोरों अधिकार कियाना आंदू जापानी आक्रमणकारी लोर तन्ना योजना किन बेगा एवनल पूरा कित्तोर इंदाना सवाल किन हूँडकेते, ओरु तेजी ते हपे, छाहाड़ ओसो स्वेच्छान पोरों अधिकार कित्तोर ओसो इंजे शानशी पोरों ओरा खतरा आया मंता। तीना कारण चीन ता प्रतिरोध-युद्ध इंजे एवनल सरकार ओसो सेना ता आयना प्रतिरोध एवनले सीमित

आसी मत्ता। इद संकट पोर्टे आम जनता ओसो सरकार ता संयुक्त रूप ते प्रतिरोध कितेकेने काबू किया परमूँडांता।

**सवाल:-** मीवा हिसाब ते, चीन लोप्पा मीवा प्रतिरोध-युद्ध लोपा उचुन सफलतांग दोरकता या? ओसो अदिनगडल सबक एतना मंता, अबु बवू आंदुंग?

**जवाब:-** नन्हा इद सवाल ता संबंध ते नीकिन उचुन विस्तार ते वेहाकाना। सबसे मुन्ने, सफलतांग दोरकातांग ओसो महान सफलतांग वेने दोरकतांग। अविन इव पोल्लोंग ना रूप ते हूँमूँडांता: 1. चीन ता विरुद्ध साम्राज्यवादी आक्रमण ता शुरूआत समय ते इंजे एवनल, जापानी-आक्रमण - विरोधी युद्ध ता मुकाबला ते बंदे युद्ध आत्ताद हिल्लो। भौगोलिक दृष्टि ते इद युद्ध उंदी असली देशव्यापी युद्ध आंदू। इद युद्ध ता स्वरूप क्रांतिकारी आंदू। 2. इद युद्ध ता कारण उंदी राष्ट्र आंदू ताना लोप्पा एकता ता कमी मत्ता, अपेक्षाकृत एकताबद्ध आता। क्वोमिंगतांग-कम्युनिस्ट सहयोग इद एकता ता आधार आंदू। 3. विश्व-लोकमत ता इद युद्ध तुकू सहानुभूति मंता। बोरु बस्केने चीन किन अदिना प्रतिरोध हिल्लवा कारण नजरंदाज किंदू, ओरू इंजे अदिना प्रतिरोध कित्ता कारण ते ताना आदर सम्मान किया मंतोरा। 4. इद युद्ध जापानी आक्रमणकारी किन वेने वेल्ले नुकसान कित्ता। इत्तेके, संगेने ओरकिन दो करोड़ येन ता साधन-सामग्री खर्च किया लागिंता, ओसो सही संख्या पुनवा कारण ते वेने ओरा घटनांग ना संख्या जरूर वेल्ले बेहरा मत्ता। मति जापानी आक्रमणकारीलोर बिना कष्ट किवा हल्कोए मावा नालुंग उत्तर-पूर्वी प्रांत पोर्टे अधिकार कित्तोर, मति इंजे ओरू नेतृत्व लडाई लेवा चीन ता भूमि पोर्टे अधिकार किया परमूँडायो। जापानी आक्रमणकारी चीन लोप्पा तन्ना लालच पूरा कियाला आलिसंतोर, मति चीन ता दीर्घकालीन प्रतिरोध जापानी साम्राज्यवाद किन डोलना लेकका कित्ता। इद्रम चीन केवल तन्नाए रक्षा कियाला आयवा अद पूरा दुनिया ता फासीवादी-विरोधी मोर्चा ता बारे ते वेने तन्ना महान कर्तव्य किन पूरा किया मंता। इद युद्ध ता क्रांतिकारी स्वरूप इगा वेने स्पष्ट मंता। 5. इद युद्ध संगे माटु उचुन सबक हासिल कित्तोम। इविना काजे माकिन मना प्रदेश ओसो नेतृत्व पोहत्ता लागता।

सबक कूना बारे ते हूँडतेके, अव वेने वेल्ले गंभीर मंतांग। कई महीनांग ते ताकसोरे मत्ता युद्ध चीन लोप्पा मंदना कमजोरीकुनु तोहता। इव कमजोरिकु सबसे मुन्ने राजनीतिक क्षेत्र लोप्पा दिसतांग। भौगोलिक दृष्टि ते पूरा देश युद्ध लोप्पा सम्मिलित मंता, मति पूरा राष्ट्र युद्ध किसोरे हिल्लो। मुनेटा लेककाने इंजे वेने सरकार व्यापक जन-समुदाय किन युद्ध लोप्पा हिस्सा एतला हीवो, अद्रमासी इद युद्ध

जनताना युद्ध बनेमात्राद हिल्ले। व्यापक जन-समुदाय कुना हिस्सा एतवा लेवा जापानी साम्राज्यवादी आक्रमण ता विरुद्ध प्रतिरोध-युद्ध बिल्कुल सफल आया परवो आयरा उचुन मुल इंतोरः “इद युद्ध उंदी संपूर्ण युद्ध ता रूप एतता!” मति इद पोल्लो केवल देश ता विशाल हिस्सा इद युद्ध लोप्पा सम्मिलित मंता इंदानस्केने सही आंता। युद्ध लोप्पा शामिल आयना मानेय कुना रूप ते इद प्रतिरोध-युद्ध इंजे वेने आंशिक मंता बारांकु इत्तेके इदिन इंजे वेने केवल सरकार ओसो सेना संगेने ताकी कियमूळाया मंता, जनता संगे आयो। हत्ता उचुक महिनांग लोप्पा वेल्ले फौजी पराजय ओसो भूमि ता उंदी बेहरा हिस्सा दायना ता मुख्य कारण इदे आंदू। अदिन काजे वर्तमान सशस्त्र प्रतिरोध तन्ना स्वरूप लोप्पा क्रांतिकारी आंदू मति ताना स्वरूप संपूर्ण रूप ते क्रांतिकारी हिल्ले बारांकु इत्तेके एद इंजे वेने जनता ना युद्ध बनेमात्रद हिल्ले। एकता ता समस्या इगा वेने मंता। राजनीतिक पार्टिंग ओसो ग्रुप मुन्नेटा मुकाबला ते अपेक्षाकृत एकताबद्ध आतांग, मति एकता ता बचोन जरूरत नेंडु मंतायो ताना हिसाब ते इद वेल्ले कम मंता। ज्यादातर राजनीतिक कैदी लोरा रिहाई इंजे वेने आताद हिल्ले ओसो राजनीतिक पार्टिंग पोर्रो तल पाबंदी गुच्ची कित्ताद हिल्ले सरकार ओसो जनता, सेना ओसो जनता, अफसर ओसो सैनिक लोरा नडमा ता संबंध इंजे वेने वेल्ले खराब मंता ओसो इगा एकता ता जागा ते अलगाव दिसिंता। इद उंदी बुनियादी समस्या आंदू। इदिन हल किवा लेवा सफलता दोरकी कियाना पोल्लोये तेदो आंता। इदे आयवा, फौजी गलतिंग वेने जनता ना नुकसान आयना ओसो मावा देश कैदल दायना ता उंदी बेहरा कारण आदू बद युद्ध लडेमात्रद मंता अब ज्यादातर नकारात्मक मत्तांग-फौजी भाषा लोप्पा इविन “निष्क्रिय रक्षा” इंतोरा। इद्रम ता लडाईनगडल माटु बस्केने जीडोमा। जीडला काजे राजनीतिक ओसो फौजी रेंडासी क्षेत्र लोप्पा नेटा नीतिंगनगडल जरूर अलग नीतिंग लागू कियाना। माटु इवे सबक दोरकी कित्तोम।

**सवाल:-** जरूरी राजनीतिक ओसो फौजी पूर्वशर्तकु बातल मंता?

**जवाब:-** राजनीतिक क्षेत्र लोप्पा मुन्ने, वर्तमान सरकार किन संयुक्त मोर्चा ता उंदी सरकार लोप्पा रूपान्तरित कियाना अदिना लोप्पा जन-प्रतिनिधिलोरा खुद ता भूमिका मंदाना। इद सरकार किन जनवादी ओसो केंद्रीयतावादी रेंडासी मंदाना। अदिन जरूरी क्रांतिकारी नीतिंग किन लागू कियाना। दूसरा, भाषण हियाना, प्रकाशन कियाना, सभा कियाना, संगटन बने कियाना ओसो दुश्मन ता विरुद्ध सशस्त्र प्रतिरोध कियाना आजादी जनता किन दोरकना, इद्रम आतेके इद युद्ध उंदी जनता ना युद्ध

बनेमांता। तीसरा, वेल्ले टैक्स ओसो रक-रकम ता लेवींग किन खत्म कीसि, लगान ओसो सूद किन कम कियाना, मजदूर, सुडला अफसर ओसो सैनिक लोरा हालात किन सुधरे कीसि, जापान-विरोधी सैनिक लोरा परिवार संगे विशेष व्यवहार कीसि प्राकृतिक प्रकोप ता शिकार आयनोर ओसो युद्ध-शरणार्थी लोरकिन सहायता कीसि, जनता ना रहन-सहन ता हालत लोप्पा सुधार कियाना जरूरी मंता। सरकार ता वित्तीय व्यवस्था आर्थिक बोजा ता सही तरीका ते बंटवारा आयना, इतेके बोनगा धन मंता ओरु धन हियाना, इंदाना उसूल पोरों आधार आसी मंदाना। चौथा, विदेश नीति सकारात्मक मंदाना। पांचवा, संस्कृति ओसो शिक्षा संबंधित नीति लोप्पा बदलाव कियाना। छठवा, गद्वार लोरकिन सख्ती ते दबे कियाना। इद समस्या वेल्ले गंभीर आत्तद मंता। गद्वार लोरु बेलगाम आत्तोर। युद्ध-क्षेत्र लोप्पा ओरु दुश्मन ता सहायता किया मंतोर पृष्ठभागीय क्षेत्र लोप्पा ओरु तोड़फोड़ किया मंतोर। वीरा लोप्पा उचुन मुल तो जापान-विरोधी गेतलेंग करसी मंतोर ओसो ओरु देशभक्त लोर किन गद्वार इंजी वेहा मंतोर, ओरकिन गिरफ्तार कियाना इंजी वेहिंतोर। जनता बस्के सरकार संगे सहयोग काजे स्वतंत्र मंदार अस्केने गद्वार लोर किन सख्ती ते खत्म कियमूँडांता। फौजी क्षेत्र लोप्पे वेने सर्वांगीण सुधार कुना जरूरत मंता। अविना लोप्पा मुख्य रूप ते इव बदलावकु कियाना रणनीति ओसो कार्यनीति लोप्पा निष्क्रीय रक्षा तल बदलेमासी सक्रिय आक्रमण ता उसूल लागू कियाना, पाड़ना रकम ता सेनांग ना जागा ते पूना रकम ता सेनांग ना गठन कियाना, जबरदस्ती भर्ती तरीका किन बदले कीसि जनता किन मोर्चा ते दायला काजे आंदोलन कियाना तरीका लागू कियाना, विकेंद्रित कमांड ता जागा ते एकीकृत कमांड बने कियाना, सेना किन जनता तल अलग कियाना अनुशासनहीनता ता जागा ते जनहित ता उल्लंघन कियाना बिल्कुल रोक वाटना सही अनुशासन तत्त्वाना, ओसो नियमित सेना ता वरोरे लड़ेमायना परिस्थिति किन बदले कीसि इद्रम ता परिस्थिति तत्त्वाना ताना लोप्पा नियमित सेना ता फौजी कार्रवाईंग संगे तानमेल बने कीसि बेहरा स्तर ते जनव्यापी छापामार युद्ध किन विकसित कियाना, लेक्काटवा इव सब्बे राजनीतिक ओसो फौजी पूर्वशर्त कुना तालिका मना जारी कित्ता दससूत्री कार्यक्रम लोप्पा हीत्तद मंता। इव सब्बे डा. सुन यात-सेन ना मूँड जन-सिद्धांतकु, ओना मूँड महान नीतिंग ओसो ओना वसीयतनाम ता अनुरूप मंतांग। इविना पोरों अमल कित्तेकेने युद्ध लोप्पा सफलता दोर्की कियमूँडांता।

**सवाल:-** इद कार्यक्रम पोर्टे अमल कियाला काजे कम्युनिस्ट पार्टी बाता किया मंता?

**उत्तर:-** रोमवा लेवा वर्तमान परिस्थिति ता स्पष्टीकरण किसोरे दायना ओसो जापान-विरोधी संयुक्त मोर्चा किन विस्तृत कियाना, अदिन सुदृढ़ बने कियाला काजे ओसो सब्बे शक्तिंग किन उंदीकट्ठ कियाना ओसो प्रतिरोध-युद्ध लोप्पा सफलता दोरकी कियाला काजे क्वोमिंगतांग ओसो दूसरा देशभक्त राजनीतिक पार्टिंग ना ओसो ग्रुप कुना संगे एकता कियाना-इदिन माटु मना काम समझेमांदुमा। जापान-विरोधी राष्ट्रीय संयुक्त मोर्चा ता सीमा इंजे वने वेल्ले संकुचित मंता ओसो अदे विस्तृत कियाना जरूरत मंता, इत्तेके डा. सुन यात-सेन तन्ना वसीयतनामा लोप्पा “व्यापक जन-समुदाय किन जागृत कियाना” आह्वान कीत्ता लेक्काने दोडता सामाजिक तबकांग ना आम जनता किन संयुक्त मोर्चा लोप्पा शामिल आयाला काजे उंदीकट्ठ कियाना। संयुक्त मोर्चा किन सुदृढ़ बने कियाना इत्तेके साझा कार्यक्रम पोर्टे अमल कियाना अदिन पोर्टे सब्बे राजनीतिक पार्टिंग ओसो ग्रुप तन्ना कार्हवाईंग आयानास्के दोहची मंदिंतांग। डा. सुन यात-सेन ना क्रांतिकारी मूँड जन-सिद्धांतकु, मूँड महान नीतिंग ओसो वसीयतनामा किन माटु सब्बे राजनीतिक पार्टिंग ओसो सामाजिक तबकांग ना संयुक्त मोर्चा ता साझा कार्यक्रम मानेमायला तैयार मंतोमा। मति इंजे एवनल सब्बे पार्टिंग इद कार्यक्रम किन मानेमातद हिल्ले। ओसो सबसे बेहरा पोल्लो क्वोमिंगतांग इद संपूर्ण कार्यक्रम ता ऐलान ता संबंध ते मना सहमति तोहतद हिल्ले। जापान ता प्रतिरोध कित्तेके क्वोमिंगतांग डा. सुन यात-सेन ना राष्ट्रवाद ता सिद्धांत पोर्टे आंशिक रूप ते अमल कित्ताद मंता इंजी दिसिंता। मति डा. सुन यात-सेन ना जनवाद ता सिद्धांत ओसो जनता ना पिस्वल ता सिद्धांत पोर्टे अमल आत्तद हिल्ले, ओसो प्रतिरोध-युद्ध लोप्पा पुटन्ना गंभीर संकट इदिनाए नतीजा आंदू युद्ध परिस्थिति ता इच्छेन गंभीर आता कारण ते इंजे इदे मौका मंता क्वोमिंगतांग किन मूँड जन-सिद्धांत कुना पोर्टे पूरा अमल कियाना जरूरत मंता, लेवेके पेरके किलतेकाई बदे फायदा आयो। कम्युनिस्ट पार्टी ता काम तन्ना आवाज तेहाना ओसो क्वोमिंगतांग ओसो संपूर्ण राष्ट्र किन रोमवा लेवा समझे कियाना काम कियाना, इद्रम कित्तेके सही क्रांतिकारी मूँड जन-सिद्धांतकु, मूँड महान नीतिंग ओसो डा. सुन यात-सेन ना वसीयतनामा किन पूरा देश लोप्पा संपूर्ण रूप ते ओसो बेस लागू किया परना ओसो जापान-विरोधी राष्ट्रीय संयुक्त मोर्चा किन विस्तृ ओसो सुदृढ़ बने किया परना इंजी।

## जापानी-आक्रमण-विरोधी युद्ध लोप्पा आठवीं राह सेना

सवालः- नाकिन आठवीं राह सेना ता बारे ते, बच्चोन वेल्ले मुल अदिन लोप्पा गिर्दों तोहानोर मंतोर, अदिना रणनीति ओसो कार्यनीति ता बारे ते ओसो अदिना राजनीतिक काम ता बारे वेहाटू।

उत्तरः- जरूर, बस्केटल लाल सेना किन आठवीं राह सेना ता पोर्नेल हीताद मंता ओसो बस्केटल अद लडाई ते हत्ता अस्केटल वेल्ले लोकुरा गिर्दा अद गतिविधिंग लोप्पा बेरसता। इंजे नन्ना नीकिन ताना बारे ते आम उदाहरण हींतन।

मुने ताना युद्ध कार्यवाईंग ना बारे ते वेहिंताना। रणनीतिक दृष्टि ते आठवीं राह सेना ता कार्यवाईंग शानशी लोप्पा केंन्द्रित मंता। मीटु सब्बे तोर पुता लेक्का, अद वेल्ले जीत हासिल कित्ता। उदाहरण काजे फिंगशिंगक्वान ता लडाई, चिंगफिंग, फिंगलू ओसो निंगऊ पोर्ने दोबारा अधिकार, लाएच्वान ओसो क्वांगलिंग किन दोबारा हासिल कियाना, चिचिंगक्वान पोर्ने अधिकार, जापानी सेनांग ना मूँड मुख्य सप्लाई-मार्ग (ताथुंग ओसो येनमनक्वान नडमा, वेर्झयेन ओसो फिंगशिंगक्वान नडमा ओसो श्वोश्येन ओसो निंगऊ ता नडमा) किन देहना, येनमनक्वान ता दक्षिण ते जापानी सेनांग ना पृष्ठभागीय क्षेत्र पोर्ने हमला, फिंगशिंगक्वान ओसो येनमनक्वान पोर्ने रेंडु-रेंडु बेरा, शानशी लोप्पा आठवीं राह सेना ओसो दूसरा चीनी सेनांग जापानी सेनांग किन धेरे किया मंता। माटु जापनी सेनांग ना उत्तरी चीन लोप्पा जोरदार प्रतिरोध ता सामना किया लागिंता इंजी पक्का इंदा परितोम। ओरु शानशी लोप्पा लोकुर किन ताकी कियाना कोशिश कींता, इत्तेके ओरकिन जरूर मुनेटले बचोनो बेहरा मुश्किल कुना सामना किया लागियरा।

इंजे नन्ना रणनीति ओसो कार्यनीति ता बारे ते वेहिंताना। बद काम किन चीनी सेना किवोयो अद काम किन माटु किया मंतोम। इत्तेके मुख्य रूप ते दुश्मन ता फ्लैंक ओसो रेयर क्षेत्र लोप्पा कार्यवाईंग कियाना। मुनेटा निष्क्रीय रक्षा ता तुलना ते इद्रम ता युद्ध-कौशल वेल्ले अलग मंदिता। मुनेटले लडेमायला काजे सेना उंदी अंश किन तासना ता माटु विरोध किवोमः इद जरूरी मंता, मति मना मुख्य सेना किन माटु दुश्मन ता फ्लैंक लोप्पा इस्तेमाल कियाना ओसो दुश्मन पोर्ने स्वतंत्रतापूर्वक ओसो पहलकदमी संगे आक्रमण कियाला काजे मनाकिन ता धेरेबंदी कियाना ओसो फ्लैंक नल वेरियसी पेसिस दायना कार्यनीति लागू कियाना। दुश्मन ना सेना किन नष्ट

कियाना ओसो मना सेना किन सुरक्षित तासना तरीका इदे आंदू इदे आयवा, मना सेना ता उंदी अंश किन दुश्मन ता पृष्ठभागीय क्षेत्र लोप्पा वाटना विशेष रूप ते प्रभावशाली मंदिता, बारांकु इत्तेके अद दुश्मन ता सप्लाई ता सुविधा ओसो डेरांग किन तोड़-फोड़ किया परिता। मुन्नोटल लड़ेमायना सेना किन वेने मुख्य रूप “हमला ता जवाब हमला संगेने विफल कियाना” पोर्हे निर्भर मंदाना, निष्क्रीय रक्षा पोर्हे आयो। हत्ता उचुक महिनांग लोप्पा फौजी पराजय कुना मुख्य कारण लड़ाई ना गलत तरीका ना इस्तेमाल कियाना मत्ता। आठवीं राह सेना ता लागू कित्ता लड़ाई ता तरीका किन माटु स्वतंत्र रूप ते ओसो पहलकदमी संगे लागू कित्तद मत्ता छापामार ओसो चलायमान युद्ध-कौशल इंतोरा। इद तरीका उसूली रूप ते बदिना इस्तेमाल माटु गृहयुद्ध ताकानास्के कीतोमो अद इदे आंदू मति उचुन अंतर वेने मत्ता। उदाहरण काजे, विशाल इलाका लोप्पा दुश्मन ता फ्लैंक ओसो पृष्ठभागीय क्षेत्र पोर्हे अचानक आक्रमण कियाना सुविधा काजे इंजे माटु मना सेना ता केंद्रिकरण कियाना तुकू ज्यादा ताना बंटवारा किंता। मति देश ता सेना ता संख्या ता दृष्टि ते विशाल मंता, अदिन काजे ताना लोप्पा उचुन किन मुन्नेटा रक्षात्मक मोर्चा काजे इस्तेमाल कियाना ओसो उचुन किन छापामार कार्रवाईंग काजे बिखरे कियाना, मति मुख्य सेना किन बराबर दुश्मन ता फ्लैंक ना विरुद्ध केंद्रित तासना। युद्ध लोप्पा पहली महत्वपूर्ण पोल्लो आंदू खुद किन सुरक्षित तासना ओसो दुश्मन किन नष्ट कियाना ओसो ताना काजे स्वतंत्रपूर्वक ओसो पहलकदमी संगे छापामार ओसो चलायमान युद्ध ताकी कियाना ओसो सब्बे रकम ता निष्क्रिय ओसो गैर-लचकीली कार्यनीति तल बचे कियाना। सैनिक लोरा वेल्ले बेहरा संख्या चलायमान युद्ध ताकि कियाना ओसो आठवीं राह सेना छापामार युद्ध संगे ताना सहायता कियाना, अस्के जरूर माटु सफल आंतोमा।

इंजे रणनीतिक काम ता बारे ते वेहिंताना। आठवीं राह सेना ता राजनीतिक काम ताना उंदी दूसरा वेल्ले महत्वपूर्ण ओसो अलग विशिष्टता मंता। तीना मूँड बुनियादी उसूलकु मंतांगा। पहला, अफसर ओसो सैनिक लोरा नड़मा एकता ता उसूल, इत्तेके सेना लोप्पा सामन्ती व्यवहार कुना खात्मा कियाना, झगड़ा कियाना ओसो मार-पीट ता रीति पोर्हे रोक वाटना, सही अनुशासन ता निर्माण कियाना ओसो सुख-दुख ते भागीदार बनेमायना-इद्रम कित्तेके पूरा सेना पूर्ण रूप ते एकताबद्ध आता। दूसरा, सेना ओसो जनता ना नड़मा एकता ता उसूल, इत्तेके जनहित कुना उचुन वेने उल्लंघन पोर्हे रोक वाटना, जनता ना नड़मा प्रचार काम कियाना ओसो अद संगठित, सशस्त्र

कियाना, ताना आर्थिक बोजा किन हल्को कियाना ओसो सेना, जनता किन नुकसान कियाना गद्दार लोर ओसो देशद्रोही लोर किन खत्म कियाना अनुशासन किन बचे कियाना-इद्रम कित्तेके पूरा सेना जनता ना संगे पूर्ण रूप ते एकताबद्द आता ओसो हर जागा ते ताना स्वागत आंता। तीसरा, दुश्मन सेना किन विघटित कियाना ओसो युद्धबंदी लोरा संगे नरम व्यवहार कियाना इंजे वेने उचक स्पष्ट परिणाम पेस्तद हिल्ले, मति वायना कालम ते इदिना परिणाम जरूर पेसियरा इदे आयवा, मूँड उसूल कुना लोप्पाटल दूसरा उसूल ता अनुरूप आठवीं राह सेना तन्ना ताकत बेरसी कियाला लोप्पा जनता पोर्चे जोर-जबरदस्ती ता तरीका लागू ए किवो, लड़ाई ते दायला काजे वेने जनता किन आंदोलन कियाला तैयार कियाना वेल्ले प्रभावशाली तरीका लागू कींता।

हपे, छाहाड ओसो स्वेच्छान ओसो शानशी ता उंदी अंश हत्ता, मति माटु उचुन वेने दुःखी आत्ताद हिल्ले। माटु दृढ़तापूर्वक पूरा सेना ता आद्वान कींतोम किन अद दोस्त सेना संगे मना कार्वाईंग ना तालमेल बने कियाना ओसो शानशी ता दृढ़तापूर्वक रक्षा कियाना ओसो हत्ता भूमि किन वापिस पोयना काजे आखरी सफलता एवनल लड़ेमायना। शानशी लोप्पा प्रतिरोध जारी तासला काजे आठवीं राह सेना दूसरा चीनी सेनांग संगे तन्ना कार्वाई ना तालमेल बने किंता। इद पूरा युद्ध काजे ओसो खास रूप ते उत्तरी चीन युद्ध काजे वेल्ले महत्वपूर्ण पोल्लो आयारा।

**सवाल:-** मीवा हिसाब ते आठवीं राह सेना ता इव खूबिंग चीन ता दूसरा सेनांग संगे लागू कियमूँडांता?

**उत्तर:-** जरूर ओरु इविन लागू किया परितोरा 1924-27 ते क्वोमिंगतांग सेना ता मुख्य भावना नेटा आठवीं राह सेना ता भावना मत्ता लेककाने मत्ता। अद समय ते उंदी पूना रकम ता सेना ता गठन कियाला काजे कम्युनिस्ट पार्टी ओसो क्वोमिंगतांग इव रेंडासी आपस ते सहयोग किसोरे मत्तांग-शुरू ते इद सेना केवल रेंडु रेंजीमेंट मत्ता, मति अद तन्ना आसपास वेल्ले सशस्त्र सेनांग किन तास्ता ओसो छन च्युंग-मिंग किन हरे कीसि तन्ना पहली जीत हासिल कित्ता। ताना पेरके इद सेना उंदी फौजी कोर ता रूप एत्ता ओसो मुन्ने तुकू ओसो ज्यादा सेनांग ताना प्रभाव ते वांतांग। अस्के ने उत्तरी अभियान ताक परता। अद समय ते सेना लोप्पा पूना भावना मत्ता, आम रूप ते अफसर ओसो सिपाही लोरा नड़मा, सेना ओसो जनता ना नड़मा एकता मत्ता ओसो सेना लोप्पा क्रांतिकारी जुझारूपन ता भावना निदंसी मत्ता। चीनी लोप्पा पहली बेरा सेना लोप्पा पार्टी-प्रतिनिधि ओसो राजनीतिक विभाग कुना व्यवस्था स्थापित

आता कारण ते सेना ता रंगरूपे बदलेमासी मत्ता। 1927 ते स्थापना आता लाल सेना ओसो नेटा आठवी राह सेना इद व्यवस्था किन विरासत ते दोरकी कित्ता ओसो अदिन विकसित कित्ता। 1925-27 ता क्रांतिकारी काल ते पूना भावना संगे निंदसी मंदाना सेना स्वाभाविक रूप ते तन्ना राजनीतिक दृष्टिकोण ते सुसंगत लड़ाई ना तरीका लागू कित्ता-निष्क्रिय ओसो गैर-लचकीला रूप ते कार्रवाई कियानदु आयवा पहल कीसि ओसो गिर्दा ते आक्रमणात्मक कार्रवाई कियाना तरीका आंदू अद्रमासी उत्तरी अभियान लोप्पा अद सफलता दोरकी कित्ता। नेंदु प्रतिरोध-युद्ध ता रणभूमि ते माकिन इद्रमताए सेना ता जरूरत मंता। इद्रमतोरा दसियों लाख संख्या ता जरूरत हिल्ले, इद्रमता इचुन लाख सैनिक वेने उंदी ताकत बनेमातेके, जापानी साम्राज्यवाद किन पराजित कियमूळांता। प्रतिरोध-युद्ध ता शुरूआत तले देशमेंड कित्ता सेना ता वीरतापूर्ण कुरबानिंग ना कारण ते ओरु मावा गहरी श्रद्धा ता हकदार मंतोर। मति नेतृत्व लड़ाई ताकनास्के हासिल कित्ता अनुभवकुनगडल मना किन सबक एतना जरूरत मंता।

**सवाल:-** जापानी सेना लोप्पा बद्रम ता अनुशासन मंतायो, अदिन हूऱसोरे युद्धबंदी लोरा संगे नरम व्यवहार कियाना मिवा नीति प्रभावहीन साबित आयो आयरा? उदाहरण काजे, जापानी कमांड मीटु रिहा कित्ता युद्धबंदी लोरकिन हौकते ओसो पूरा जापानी सेना मीवा नीति ता मतलब समझेमायवेके?

**जवाब:-** इद असंभव मंता। ओरु बचोन ज्यादा हौकिंतोर, जापानी सिपाही लोरा मन ते चीनी सिपाही लोरा पोरों अचोने सहानुभूति पुटमुड आयारा। इद्रम ता विचार व्यापक सिपाही लोरागडल मककी कियमूळायो। मना इद नीति पोरों माटु मुट्टवा लेवा नित्सी मंदाकोमा। उदाहरण काजे जापानी सेना आठवी राह सेना ता विरुद्ध जहरीला गैस ता इस्तेमाल कियाना घोषणा किन अमल कींता, अस्के वेने माटु इद नीति किन बदले कीवोमा। जापानी युद्धबंदी लोरा लोप्पा मावा संगे लड़ेमायला मजबूर कित्ता जूनियर अफसर वेने शामिल मंतोर माटु नरम व्यवहार कीसोर मंदाकोमा। माटु ओरकिन अपमान किवोम, ओसो ओरकिन झगड़ा वेने किवा लेवा, रेंडु देशकुना जनता ना हित कुना एकरूपता ता पोल्लोंग स्पष्ट कीसि माटु ओरकिन रिहा कियाकोमा बोरु वापिस दायला तैयार हिल्लेर, ओरु आठवी राह सेना लोप्पा सेवा किया परितोरा प्रतिरोध-युद्ध ता रणभूमि लोप्पा बदे “अंतर्राष्ट्रीय ब्रिगेड” वातेके ओरु ताना लोप्पा शामिल आसी जापानी साम्राज्यवाद ता विरुद्ध हथियार तेहा परितोर।

## जापानी-आक्रमण-विरोधी युद्ध लोप्पा आत्मसमर्पणवाद

**सवालः-** जापान युद्ध ताकि कियाना संगे-संगे सांघार्ड लोप्पा शांति-समझौता सम्बंधित गलत प्रचार वेने किया मंता, ताना वास्तविक उद्देश्य बाता मंता?

**उत्तरः-** जापानी साप्राज्यवादीर तना उचुक योजनांग लोप्पा सफल आता पेरके मूँड उद्देश्य किन पूरा कियाला काजे ओसो उंदी बेरा शांति ता उम्मा निल्पी कींतोरा अविना मूँड रकम ता उद्देश्य रास्ता लेकका मंतांगः 1. जीड़ता लड़ाईंग किन सुदृढ़ बने कियाना, अस्केने वायना आक्रमण कुना काजे रणनीतिक आधार ता रूप ते अविना इस्तेमाल किया परना इंजीः 2. चीन ता जापान-विरोधी मोर्चा लोप्पा फूट वाटना: ओसो 3. चीन ता समर्थक अंतर्राष्ट्रीय मोर्चा किन तोड़े कियाना। वर्तमान शांति संबंधित अफवाह केवल उम्मा-बम वाटना ता शुरूआत आंदू खतरा बातल इत्तेके चीन लोप्पा ढुलमुल मानेय मंतोर ओरु दुश्मन ता चाल ते फसेमायला तैयार मंदितोर, ओसो गदार, देशद्रोही मानेय ओरा नड़मा सक्रिय आसी जापानी आक्रमणकारी लोरा मुन्ने चीन ता आत्मसमर्पण कियाना कोशिश ते रक-रकम ता प्रचार कींतोरा

**सवालः-** मीवा विचार ते इद खतरा ता परिणाम बाता आया परिंता?

**जवाबः-** इदिना केवल रेंडु परिणाम आया परिंता। चीन ता जनता आत्मसमर्पणवाद किन परास्त कींता, लेवेके आत्मसमर्पणवाद खुद ताना पोरो उदिता, ताना कारण ते चीन ता जापानी-विरोधी मोर्चा लोप्पा फूट वायार ओसो चीन अव्यवस्था ता शिकार आयारा।

**सवालः-** इव रेंडु ना लोप्पा बदिना ज्यादा संभावना मंता?

**जवाबः-** पूरा चीनी जनता जापान ता विरुद्ध आखरी एवनल युद्ध कियाना मांग कीसोरे मन्ता। शासक ग्रुप ता उंदी हिस्सा आत्मसमर्पणवाद ता हर्फी पोतेके बाकी तोरो जरूर दृढ़तापूर्वक तीना विरोधी कियानूर ओसो जनता संगे कलियसी प्रतिरोध युद्ध जारी तासनूरा जरूर, चीन ता जापान-विरोधी मोर्चा काजे इद उंदी दुर्भाग्यपूर्ण पोल्लो आयारा। मति नावा विश्वास मंता कि आत्मसमर्पणवादी जन-समर्थन हासिल किया परमूडायो ओसो जनता आत्मसमर्पणवाद किन परास्त कीसि युद्ध लोप्पा डेटमासी मंदियर ओसो सफलता दोरकी कियरा।

**सवालः-** नना आत्मसमर्पणवाद किन बद्रम परास्त किया परना आयर इंजी पुंदा परिंताना?

**जवाब:-** वडकना ओसो कियाना रेंडिना संगे: वडकना संगे इतेके आत्मसमर्पणवाद ता खतरा ता पर्दाफाश कीसि ओसो कियाना संगे इतेके आत्मसमर्पणवादी कार्यकर्तालोर किन रोमी कियला काजे जनता किन संगठित कीसि आत्मसमर्पणवाद ता मङ्गलांग राष्ट्रीय पराजयवाद इतेके राष्ट्रीय निराशावाद लोप्पा मंता-इतेके इद विचार लोप्पा उचुन लडाईं लोप्पा पराजित आता पेरके इंजे चीन लोप्पा जापान संगे लडेमायाना ताकत हिल्लो। वीरु निराशावादी लोकुर असफलताए सफलता किन पुट्टी कींता इंजी समझेमायोर ओसो असफलतांग नगडल दोरकना सबके बेहरा जीत ता बुनियाद बनेमांतांग। ओरु प्रतिरोध युद्ध लोप्पा परायजय किने हूडिंतोर, अदिना सफलता किन हूडोर, ओसो खास रूप ते मावा पराजय लोप्पा विजय मंदिंता इंजी समझेमायला तैयार मन्नोर आंतोर, मति असल इतेके दुश्मन ता सफलता लोप्पा ओरा पराजय मंदिंता। जन-समुदाय ता मुन्ने माकिन युद्ध ता विजयपूर्ण संभावना किन स्पष्ट कियाना ओसो ओरकिन इद समझेमायला काजे सहायता कियाना कि मावा हार ओसो मुश्किलकु अस्थाई मंदिंता ओसो सब्बे पराजय आतेकाई माटु संघर्ष जारी तास्तेके आखरी सफलता मावाए आयारा जन-आधार हिल्वा लेकका आसी आत्मसमर्पणवादीरगा तिकडम कियाना बदे मौका मन्नो आयार ओसो जापान-विरोधी मोर्चा सुदृढ बनेमायारा।

### जनवाद ओसो जापानी आक्रमण-विरोधी युद्ध

**सवाल:-** कम्युनिस्ट पार्टी ता कार्यक्रम लोप्पा वेहता “जनवाद” ता अर्थ बातल आंदू? इदिना अर्थ “युद्धकालीन सरकार” ता धारणा संगे टकरेमायना आंता?

**जवाब:-** बिल्कुल आयो। अगस्त 1936 तेने कम्युनिस्ट पार्टी “जनवादी गणराज्य” ता नारा हीसी मत्ता। राजनीतिक ओसो सांगठनात्मक दृष्टि ते इद नारा ता महत्व: 1) राज्य ओसो सरकार किन उंदे वर्ग ता आयवा जापान-विरोधी सब्बे वर्गकुना सहयोग पोर्ये आधार आसी मंदाना, ताना लोप्पा गद्दार ओसो देशद्रोही लोरकिन शामिल कियानयो ओसो मजदूर, किसान ओसो निम्न-पूंजीपति वर्ग ता दूसरा हिस्सा किन जरूर शामिल कियाना। 2) जनवाद ता संगे-संगे केंद्रीयता वेने मंदाना ओसो अविना लोप्पा जनवाद ओसो केंद्रीयता इव रेंडु आपसी विरोधी दिस्सना चीज उंदी निश्चित रूप ते दोहची मंदाना सरकार ता संगठनात्मक रूप जनवादी केंद्रीयता पोर्ये आधार आसी मंदाना। 3) इद सरकार जनता किन सब्बे रकम

ता जरूरी राजनीतिक आजादी हियर, खासकर संगठ बने कियाना, प्रशिक्षण दोरकी कियाना ओसो आत्मरक्षा काजे हथियारबंद आयना आजादी। इव मूँड पोल्लोंग लोप्पा जनवादी गणराज्य ता अर्थ “युद्धकालीन सरकार” ता धारणा संगे टकरेमायना आयो, ताना अर्थ राज्य ओसो सरकार ता इदे व्यवस्था प्रतिरोध युद्ध काजे फायदा मंता।

**सवाल:-** “जनवादी केन्द्रीयता” खुद उंदी अन्तरविरोधपूर्ण चिन्हा आयो या?

**जवाब:-** मनम केवल चिन्हा पोरों ने आयवा वास्तविकता पोरों ध्यान हियाना। जनवाद ओसो केन्द्रीयता नडमा बदे वेंडा परवा लेक्काटा गुमिया हिल्ले, चीन काजे इव रेंडासी जरूरी मंतांग। उंदी बगिल माटु जनमत ता वास्तविक प्रतिनिधि मंदाना, अदिन किन देश ता विशाल जन-समुदाय ता समर्थन मंदाना ओसो अदिना समर्थन कियाला काजे जनता स्वतंत्र मंदाना ओसो अदिना नीतिंग किन प्रभावित कियाला काजे अदिन हर रकम ता मौका दोरकना। जनवाद इत्तेके इदे आंदू दूसरा बगिल प्रशासन ता केन्द्रीकरण वेने जरूरी मंता। उंदी पेरके जनता मांग कित्ता नीतिंग सम्बन्धित तरीका तन्ना प्रतिनिधि संस्थांग ना तन्ना चुने कीत्ता सरकार एवनल लोहतेके, सरकार खुद अविन पोरों अमल कियर ओसो निश्चित रूप ते अद बस्के एवनल जनमत पोरों आधार आसी मंदाना नीति ता विरुद्ध हन्नो आंता अस्के एवनल अद हल्कोए अविना पोरों अमल कीसोर मंदियरा केन्द्रीयता ता अर्थ इदे आंदू केवल जनवादी केन्द्रीयता किन लागू कीसिए सरकार निज्जम ता ताकतवर सरकार बनेमाया परिंता। ओसो जापानी-आक्रमण-विरोधी युद्ध लोप्पा चीन ता राष्ट्रीय प्रतिरक्षा सरकार किन निश्चित रूप ते इद्रमताए व्यवस्था लागू कियाना जरूरत मंता।

**सवाल:-** इद व्यवस्था युद्धकालीन मंत्रिमंडल संगे कलियंता या कलियो?

**जवाब:-** इद व्यवस्था हत्ता जमाना ता उचुक युद्धकालीन मंत्रिमंडल संगे कलियो।

**सवाल:-** बस्केनाई इद पोल्लो संगे कलियाना लेक्काटा युद्धकालीन मंत्रिमंडल वेने बनेमात्ताया?

**जवाब:-** इंगो, युद्धकाल ता प्रशासन-व्यवस्थांग किन आप रूप ते रेंजु रकम ता व्यवस्थांग ने तूसमूँडांता- इद युद्ध ता स्वरूप संगे निर्धारित मंदिता- उंदी रकम ता व्यवस्था जनवादी केन्द्रीयता आंदू ओसो दूसरा रकम ता व्यवस्था निरंकुश केन्द्रीयता आंदू। इतिहास लोप्पा आता सब्बे युद्ध किन अविना स्वरूप ता अनुसार रेंडु रकम

ता युद्ध ते तूसमूळांता- न्यायपूर्ण युद्ध ओसो अन्यायपूर्ण युद्ध। उदाहरण काजे लगभग बीस साल मुने योरोपीय महायुद्ध उंदी अन्यायपूर्ण, साप्राज्यवादी युद्ध मत्ता। साप्राज्यवादी देशकुना सरकारकु जनता किन साप्राज्यवाद ता हित काजे लडेमायला मजबूर कीसि मत्ता ओसो इद्रमे अद युद्ध जनहित ता विरुद्ध मत्ता। इव परिस्थितिंग ना अनुसार ब्रिटेन ते लायड जार्ज लेक्काटा सरकार बनेमात्ता। लायड जार्ज ब्रिटिश जनता ना दमन कितोर, साप्राज्यवादी युद्ध विरुद्ध उचुन वेने वडकना पोर्णे रोक वाटतोर ओसो युद्ध ता विरुद्ध जनमत किन चिन्हित कियाना संगटन ओसो सभांग किन गैरकानूनी घोषित कितोरा। इद्रम कीतेकाई पार्लियामेंट नितसी मत्ता, ओसो केवल अदे उंदी युद्ध बजट पोर्णे मोहर वाटना लेक्काटा पार्लियामेंट मत्ता ओसो अद साप्राज्यवादीरा उंदी ग्रुप ता हथियार वेने मत्ता। युद्ध ताकनास्के सरकार ओसो जनता नडमा एकता हिल्वा मंदाना स्थिति ते निरंकुश केंद्रीयता मंदाना सरकार ता उदय आंता, ताना लोप्पा पूर्ण केंद्रीयता मंदिता, जनवाद बिल्कुल मन्नो आंता। मति इतिहास लोप्पा क्रांतिकारी युद्ध वेने आतांग, इतेके फ्रांस, रूस ओसो नेटा स्पेन लोप्पा ताकना युद्ध लेक्कटवा। इद्रम ता युद्ध कुना लोप्पा सरकार किन जनता ना विरोध ता वेर्ण मन्नो आंता, बारांकु इतेके इद्रम ता युद्ध किन ताकी कियाला काजे जनता पूरा तैयार मंदिता। इद्रम ता सरकारकु जनता ना स्वेच्छापूर्ण समर्थन पोर्णे आधार आसी मंदितांग, अदिन काजे अविन जनता नगडल वेर्ण मन्नो आंता अनि वेर्ण ता जागा ते जनता किन जागृत कियाना ओसो अदिन तन्ना विचार किन वेहाला काजे प्रोत्साहित कियाना, अद्रम कितेके अद जनता युद्ध लोप्पा सक्रिय रूप ते शामिल आंता। चीन ता राष्ट्रीय मुक्ति युद्ध किन जनता ना पूर्ण समर्थन दोरकसी मत्ता ओसो अद जनता शामिल आयवा लेवा इद युद्ध लोप्पा जीडा परमूळायोः अदिन काजे जनवादी केन्द्रीयता ता वेल्ले जरूरत आंता। 1926-27 ता उत्तरी अभियान ताकनास्के वेने इदे जनवादी केंद्रीयता संगे जीडताद मंता। इद्रम इद जनहित प्रत्यक्ष रूप ते युद्ध ता उद्देश्य लोप्पा दिस्सानास्के स्पष्ट आंता, अस्के सरकार बचोन ज्यादा जनवादी मंदिता, अचोने ज्यादा प्रभावशाली तरीका ते युद्ध किन ताकी किया परमूळांता। इद्रमता सरकार किन जनता युद्ध ता विरोध कियर इंजी वेर्ण मंदानायो, तीना उल्टा अद सरकार किन जनता युद्ध ता बारे ते निष्क्रिय या उपेक्षापूर्ण मंदानायो इंजी आल्सना। युद्ध ता स्वरूप सरकार ओसो जनता ना संबंध किन निर्धारित कींता-इद इतिहास ता उंदी नियम आंदू।

**सवाल:-** सरकार ता इद्रम ता व्यवस्था ता स्थापना कियाला काजे मीटू बाता कियाला आल्सा मंतिर?

**जवाब:-** मुख्य समस्या क्वोमिंगतांग ओसो कम्युनिस्ट पार्टी नड़मा ता सहयोग मंता।

**सवाल:-** बारांकू?

**जवाब:-** चीन लोप्पा हत्ता 15 साल लोप्पा क्वोमिंगतांग ओसो कम्युनिस्ट पार्टी ता संबन्ध कुना स्थिति उंदी निर्णायिक राजनीतिक तत्व मत्ता। 1924-27 ते रेंडासी पार्टिंग लोप्पा सहयोग ता कारण ते प्रथम क्रांति लोप्पा जीड़ताद मत्ता। 1927 लोप्पा रेंडासी पार्टिंग नड़मा दरार पुटता कारण ते 10 साल कुना खराब स्थिति वाता। मति इद फूट ता जिम्मेदारी मावा पोर्हो हिल्ले। माकिन इतेके क्वोमिंगतांग कियाना दमन ता मजबूरी ते प्रतिरोध किया लागता। माट इतेके चीन ता मुक्ति ता गैरवशाली झंडा किन पोर्हो तेहची तासला काजे डेटेमासी मत्तोम। ओसो इंजे तीसरी मंजिल वाता, जापान ता प्रतिरोध कियाना ओसो राष्ट्र किन बचे कियाला काजे उंदी निश्चित कार्यक्रम पोर्हो आधार आसी रेंडासी पार्टिंग किन पूरा सहयोग कियाना। मावा लगातार कोशिशकुना कारण ते पेरेके सहयोग ता स्थापना ता ऐलान कियमूळाता। मति मुख्य माटा रेंडु पक्ष ता उंदी साझा कार्यक्रम किन स्वीकार कियाना ओसो ताना पोर्हो अमल कियाना मत्ता। इद्रम ता कार्यक्रम ता महत्वपूर्ण अंग उंदी पूना व्यवस्था ता स्थापना पोर्हो आधार आसी मंदाना सरकार ता स्थापना कियाना आंदू।

**सवाल:-** इव रेंडासी पार्टिंग ना सहयोग ते पूना व्यवस्था ता स्थापना बद्रम कियमूळायर?

**जवाब:-** माटु सरकारी ढांचा ओसो सेना व्यवस्था ता पुनर्गठन ता प्रस्ताव पेश किया मंतोम। इंजे मंदाना संकटकालीन स्थिति ता मुकाबला कियाला काजे मावा सुझाव उंदी अस्थाई राष्ट्रीय एसेम्बली केयना इंजी मंता। इद एसेम्बली काजे प्रतिनिधि अलग-अलग जापान विरोधी राजनीतिक पार्टिंग, जापान विरोधी सेना ओसो जापान विरोधी जन-संगटनकु ओसो व्यापारिक संगटनकुनगडल सही तुलना ता अनुसार चुनेमायना, खासकर 1924 ते डा. सुन यात-सेन हीता सुझाव लेक्काने मत्ता। इद एसेम्बली किन सत्ताधिकार ता राष्ट्र किन बचे कियाना नीति निर्धारित कियाना, कानूनी कार्यक्रम किन मानेमायना, ओसो सरकार चुने कियाना लेक्काटा सर्वोच्च संस्था ता रूप ते काम कियाना। मावा विचार प्रतिरोध युद्ध उंदी नाजुक परिस्थिति ते वाता ओसो केवल सत्ताधिकार-सम्पन्न मंदाना संगे-संगे जनता ना

विचार ता प्रतिनिधि वेने मंदाना, तुरंत केयसीए चीन ता राजनीतिक पिस्वल ता पुनर्जीवित कियमूळांता ओसो वर्तमान संकट पोर्हे काबू कियमूळांता। माटु इद सुझाव ता संबंध ते क्वोमिंगतांग संगे विचारकुना आदान-प्रदान किया मंतोम ओसो माटु आशा किया मंतोम किन अदिना सहमति हासिल कियकोम इंजी।

**सवाल:-** राष्ट्रीय सरकार राष्ट्रीय एसेम्बली केयना पोल्लो किन त्यागे कियाना ऐलान किवो या?

**जवाब:-** ताना त्याग कियाना सही मत्ता। बद राष्ट्रीय एसेम्बली किन केयना पोल्लो त्यागे कीतद मंता अदिना तैयारी क्वोमिंगतांग किसोरे मत्ता। क्वोमिंगतांग ता शर्तुकुना अनुसार इद एसेम्बली कैदे उचुन वेने अधिकार हिल्ले आसी मनवड ओसो ताना चुनाव ता नियम जनता ना विचार ता बिल्कुल विरुद्ध मत्ता। माटु ओसो समाज ता अलग-अलग पेशा ना मानेय उंदी आसी इद्रम ता राष्ट्रीय एसेम्बली ता विरोध कित्तोरा। माटु बद अस्थाई राष्ट्रीय एसेम्बली किन केयना पोल्लोंग किया मंतोम, अद इदिनकू बिल्कुल अलग मंता इदिन केयना विचार त्यागे कीतद मंता। इद अस्थाई राष्ट्रीय एसेम्बली ता केयना बदे डावुट हिल्वा पूरा देश लोप्पा उंदी पूना जीवा पुढ्ही कीयर ओसो सरकारी ढांच ओसो सेना व्यवस्था ता पुनर्गठन कियाना ओसो पूरा जनता किन उंदीकट्ट कियाला काजे उंदी जरूरी शर्त बनेमायरा। प्रतिरोध युद्ध ता स्थिति ता अनुकूल दिशा बगिल मलना इदिना पोर्हेने निर्भर मंता।

# शांघाई ओसो थाएच्वान ता पतन पेरके जापानी आक्रमण विरोधी युद्ध ता परिस्थिति ओसो काम<sup>3</sup>

12 नवम्बर 1937

## 1. वर्तमान परिस्थिति आंशिक प्रतिरोध संगे पूर्ण प्रतिरोध लोप्पा संक्रमण कियाना आंदू

1. जापानी साप्राज्यवाद ता आक्रमण ता विरुद्ध हर रकम ता प्रतिरोध युद्ध ता माटु समर्थन कींतोम, अदु आंशिक मत्तेकाई ताना समर्थन किंतोमा बारांकु इत्तेके आंशिक प्रतिरोध ता स्थिति प्रतिरोध किवा मंदाना स्थिति तुकु उंदी डाका मुन्ने मंता, ओसो इदिना स्वरूप उचुन क्रांतिकारी मंता ओसो इद यायोभूमि ता रक्षा काजे कियाना युद्ध आंदू
2. मति सरकार ताकि किसोरे मंता आंशिक प्रतिरोध युद्ध, बदिना लोप्पा व्यापक जन-समुदाय शामिल आज्ञाद हिल्ले अदु निश्चित रूप ते विफल आंता, इदिना बारे ते माटु मुन्ने वेने वेहतोमा (इदे साल अप्रैल ते येनान लोप्पा आता पार्टी ता सक्रिय कार्यकर्ता लोरा मीटिंग लोप्पा, मई ते आता पार्टी ता राष्ट्रीय सम्मेलन लोप्पा ओसो अगस्त ते केंद्रीय कमेटी ता राजनीतिक ब्यूरो मानेमात्ता प्रस्ताव<sup>1</sup> लोप्पा)। बारांकु इत्तेके इद उंदी पूर्ण राष्ट्रीय क्रांतिकारी युद्ध मन्नो आंता, इद उंदी लोकयुद्ध मन्नो आंता।
3. बद राष्ट्रीय क्रांतिकारी युद्ध लोप्पा पूरा जनता किन उंदीकट्ट कीमुङ आंता अद युद्ध ता माटु समर्थन किंतोम, दूसरा हिसाब ते वेहना इत्तेके माटु पूर्ण प्रतिरोध ता समर्थन कींतोमा बारांकु इत्तेके केवल इद्रमताए प्रतिरोध किन

लोकयुद्ध इंतोर ओसो अदे यायोभूमि ता रक्षा कियाना लक्ष्य किन हासिल किया परिंता।<sup>3</sup>

4. मति क्वोमिंगतांग समर्थन कियाना आंशिक प्रतिरोध युद्ध ता स्वरूप वेने उचुन क्रांतिकारी मंता इदिन किन राष्ट्रीय युद्ध वेने इंतोर, मति ताना क्रांतिकारी स्वरूप पूर्णता तुकू जेक मंता; आंशिक प्रतिरोध तल होरेमायमुडे आंता। अद्रमासी यायोभूमि ता रक्षा कियाना लोप्पा बिल्कुले सफलता दोरको आंता।
5. प्रतिरोध ता बारे ते कम्युनिस्ट पार्टी ता दृष्टिकोण ओसो क्वोमिंगतांग ता वर्तमान दृष्टिकोण नडमा इदे सैद्धांतिक फर्क मंता। कम्युनिस्ट लोरु इद उसूल ता फर्क किन मरंगतेके ओरु प्रतिरोध युद्ध ता सही मार्गदर्शन कियाना लोप्पा सफल आयोर आंतोर, क्वोमिंगतांग ता एकांगीपन पोर्चो काबू किया परवोर आयनूर ओसो ओरु इद हर्री तिंचि लेससी तन्ना उसूल किन विड्सना परिस्थिति ते वायनूर ओसो तन्ना पार्टी किन मुट्ठी कीसि क्वोमिंगतांग ता स्तर ते एवसी कियानूर इद बेसता राष्ट्रीय क्रांतिकारी युद्ध ओसो यायोभूमि ता रक्षा कियाना काम ता खिलाफ उंदी अपराध आयार।
6. उंदी पूर्ण राष्ट्रीय क्रांतिकारी युद्ध लोप्पा, उंदी पूर्ण प्रतिरोध युद्ध लोप्पा कम्युनिस्ट पार्टी पेश कित्ता जापाना प्रतिरोध कियाना ओसो देश किन बचे कियाना दससूत्री कार्यक्रम किन लागू कियाना जरूरत मंता, ओसो इद कार्यक्रम किन सही तरीका ते लागू कियाना लेक्काटा सरकार ओसो सेना ता जरूरत मंता।
7. शांघाई ओसो थाएख्वान खत्म आता पेरकेटा परिस्थिति दोड रास्ता लेक्का मंता।

- 1) उत्तरी चीन लोप्पा क्वोमिंगतांग ता मुख्य भूमिका मंदाना रेगुलर युद्ध मारता ओसो कम्युनिस्ट पार्टी ता मुख्य भूमिका मंदाना छापामार युद्ध मुख्य जागा पोयता। च्यांगसू ओसो च्च्यांग प्रान्त लोप्पा जापानी आक्रमणकारी लोर क्वोमिंगतांग

3

इद कामरेड माओ त्सेतुग ना नवम्बर 1937 ते येनान लोप्पा आता पार्टी ता सक्रिय कार्यकर्ता लोरा मीटिंग लोप्पा पेश कित्ता रिपोर्ट ता रूपरेखा आंदू पार्टी लोप्पा मंदाना दक्षिणपंथी अवसरवादिर इदिन तुरंत विरोध कित्तोर, ओसो अकुबर 1938 लोप्पा आता छठी केंद्रीय कमेटी ता छठवा पूर्ण अधिवेश लोप्पे इद दक्षिणपंथी भटकाव पोर्चो बुनियादी रूप ते काबू कियमूँदाता।

ता युद्ध तारेंक किन देहतोर अनि ओरु नानकिंग ओसो यांगत्सी  
घाटी बगिलत दाया मंतोरा क्वोमिंगतांग कियाना आंशिक  
प्रतिरोध इंजे वेल्ले दिथ्या एवनल टिके मायो आयार इंजी स्पष्ट  
आता।

2) खुद ता साम्राज्यवादी हित किन हूडसोरे, ब्रिटिश, अमेरिका ओसो  
फ्रांस ता सरकारक चीन ता मदद कींतोम इंजी इशारा कीतांग, मति इंजे  
एवनल केवल पोल्लोनाए सहानुभूती दोरकता, बदे वास्तविक सहयोग  
दोरकद हिल्ले।

3) जर्मन ओसो इटली फासीवाद, जापानी साम्राज्यवाद ता हर रकम ता  
मदद किया मंता।

4) क्वोमिंगतांग आंशिक प्रतिरोध कियाना तन्ना उंदी पार्टी ता तानाशाही  
ओसो जनता पोर्रे तन्ना एकतंत्री शासन लोणा इंजे वेने बदे बुनियादी  
बदलाव कियाला तैयार हिल्ले।

इद परिस्थिति ता उंदी पहलू आंदू  
दूसरा पहलू दोड़ रास्ता लेका मंता।

1) कम्युनिस्ट पार्टी ओसो आठवीं राह सेना ता राजनीतिक प्रभाव वेल्ले तेज  
आसी जेक-जेक एवनल फैलेमाया मंता, ओसो “राष्ट्र ता रक्षा कियाना”  
लोणा ओरा पूरा देश लोणा सराहना आया मंता। कम्युनिस्ट पार्टी ओसो  
आठवीं राह सेना पूरा देश किन रक्षा कियाना, जापानी आक्रमणकारी लोर  
किन लेसी कीसि तासना ओसो ओरकिन मध्यवर्ती मैदानकु ओसो उत्तर-  
पश्चिम पोर्रे हमला कियाना तुकू रोमी कियाना इंजी उत्तरी चीन लोणा  
छापामार युद्ध जारी तासना काजे वेल्ले साहस तोहता।

2) जनांदोलन उंदी डाका ओसो मुन्ने हत्ता।

3) राष्ट्रीय पूंजीपति वर्ग वामपक्ष बगिल हत्ता।

4) क्वोमिंगतांग लोणा समकालीन परिस्थिति लोणा सुधार कियाना ता  
समर्थन कियाना ताकतकु बेरसा मंतांग।

5) जापान ता विरोध कियाना ओसो चीन ता मदद कियाना आंदोलन दुनिया  
ता जनता लोणा फैलेमासोर मंता।

6) सोवियत संघ चीन किन वास्तविक सहयोग हियाना तैयारी किया मंता।

इद परिस्थिति ता दूसरा पहलू आंदू।

8. अदिन काजे वर्तमान परिस्थिति आंशिक प्रतिरोध तुकू पूर्ण प्रतिरोध लोप्पा संक्रमण कियाना मंता। बेगा उंदी बगिल आंशिक प्रतिरोध युद्ध वेल्ले दिया टिकेमाया परियर अगा दूसरा बगिल पूर्ण प्रतिरोध इंजे शुरू आत्ताद हिल्लो। उंदी परिस्थिति तल दूसरा परिस्थिति लोप्पा संक्रमण कियाना इद समय ता दूसरी वेल्ले खतरा ता मंता।

9. इद कालम ते चीन ताकी कियाना आंशिक प्रतिरोध इव मूँड दिशांगनगडल बदे उंदी दिशा ते मुन्ने दायर:

पहली दिशा आंशिक प्रतिरोध किन समाप्त कियाना मंता ओसो ताना जागा ते पूर्ण प्रतिरोध पोर्रे अमल कियाना मंता। राष्ट्र ता ज्यादातर लोकुरा इदे मांग मंता, मति क्वोमिंगतांग इंजे एवनल तीना बारे ते बदे फैसला कितद हिल्लो।

दूसरा दिशा प्रतिरोध किन खत्म कियाना ओसो ताना जागा ते आत्मसर्पण कियाना मंता। जापानी आक्रमणकारी लोर, चीनी गद्दार लोर ओसो जापान-परस्त मानेय ना इंदे मांग मंता, मति ज्यादातर चीनी लोकुर तीना विरोध किंतोर।

तीसरा दिशा चीन लोप्पा प्रतिरोध ओसो आत्मसर्पण ता सह-अस्तित्व मंता। इद जापानी आक्रमणकारी लोर, चीनी गद्दार लोर ओसो जापान-परस्त लोकुरा चीन ता जापान-विरोधी लडाई लोप्पा दरार पुट्टी कियाना काजे अद समय ते तासना षड्यंत्र ता परिणाम आंदू ओरा काजे दूसरा दिशा ते दायना असंभव आयनास्के, ओरु इद्रमताए षड्यंत्र किया मंतोरा निज्जमे इद खतरा वेल्लेय गंभीर मंता।

10) वर्तमान परिस्थिति किन हूडतेके आत्मसर्पणवाद ता दबाव किन रोमी कियाना घेरेलू ओसो अंतर्राष्ट्रीय मानेय ना दबाव ज्यादा मंता। इविना लोप्पा इव शामिल मंतांग: जापान ता चीन किन गुलाम बने कियाना नीति पोर्रे अडेमासी मंदाना, अदिना कारण ते चीन ता मुन्ने लडेमायना विडसी दूसरा बदे हर्ही हिल्ले; कम्युनिस्ट पार्टी ओसो आठवीं राह सेना मंदाना; चीनी जनता ना महत्वकांक्षांग; क्वोमिंगतांग ता आत्मसर्पण नीति तल ब्रिटिश, अमेरिका ओसो फ्रांस तोरा हित किन आयना नुक्सान; सोवियत संघ तल चीनी जनता वेल्ले उम्मीद कियाना (अव निराधार हिल्लेंग)। इव तत्व किन पूर्ण रूप ते ओसो संयुक्त रूप इस्तेमाल कीसि केवल आत्मसर्पणवाद ओसो फूटपरस्ती किने विफल कियमूळायवा आंशिक प्रतिरोध तल मुन्ने दायना हर्दे वायना अडचन किन वेने दूर कियमूळायरा।

11. अदिन काजे आंशिक प्रतिरोध तल पूर्ण प्रतिरोध लोप्पा संक्रमण कियाना संभावना जरूर मंदिता। इद संभावना काजे कोशिश कियाना सब्बे चीनी कम्युनिस्ट लोरु, क्वोमिंगतांग ता सब्बे प्रगतिशील सदस्य ओसो पूरा चीनी जनता ना फौरी कार्य आंदू।

12. चीन ता जापान-विरोधी राष्ट्रीय क्रांतिकारी युद्ध इंजे उंदी गंभीर संकट ता सामना किया मंता। इद संकट वेल्ले समय एवनल ताकियर लेवेके वेल्ले जल्दी वेने हल आयना लेक्का मंता। निर्णयात्मक तत्व इव मंतांगः देश लोप्पा क्वोमिंगतांग-कम्युनिस्ट सहयोग ओसो इद सहयोग पोर्णे आधार आसी क्वोमिंगतांग ता नीति लोप्पा बदलाव, ओसो मजदूर, किसान जन-समुदाय ता ताकतः देश ता बाहर सोवियत संघ ता मदद।

13. क्वोमिंगतांग लोप्पा राजनीतिक, संगठनात्मक सुधार कियाना जरूरत ओसो संभावना वेने मंता<sup>2</sup> तीना मुख्य कारण जापान ता दबाव, चीनी कम्युनिस्ट पार्टी ता संयुक्त-मोर्चा नीति, चीनी जनता ना महत्वकांक्षांग ओसो क्वोमिंगतांग लोप्पा पूना ताकतकुना विकासा। मावा काम सरकार ओसो सेना लोप्पा सुधार कियाला काजे उंदी आधार बनेमायना इंजी क्वोमिंगतांग लोप्पा इद सुधार काजे कोशिश कियाना मंता। तीना लोप्पा सुधार काजे क्वोमिंगतांग ता केंद्रीय कार्यकारिणी कमेटी ता सहमति जरूरत मंता ओसो माटु केवल मना सुझावे हिया परिंतोम इंदाना डावुट हिल्ले।

14. सरकार लोप्पा सुधार आयना। माटु उंदी अस्थाई राष्ट्रीय एसेम्बली केयना प्रस्ताव तास्तोम, अद जरूरी ओसो संभव वेने मत्ता। तीनो लोप्पा सुधार काजे क्वोमिंगतांग ता सहमति जरूरत मंता इंजी बदे डावुट हिल्ले।

15. सेना लोप्पा सुधार कियाना कार्य लोप्पा पूना सेना ता निर्माण कियाना ओसो पाड़ना सेनांग लोप्पा सुधार कियाना काम वांता। उंदी पूना राजनीतिक भावना संगे लैस मंदाना सेना ता इतेके ताना लोप्पा 2,50,000 तल 3,00,000 एवनल सैनिक मंदाना, छः तल बारह महीनांग लोप्पा निर्माण कियमूडातास्के जापान-विरोधी रणभूमि ता परिस्थिति बदलेमायना शुरू आयारा इद्रम ता पूना सेना सब्बे पाड़ना सेनांग पोर्णे प्रभाव वाटियर ओसो अविन किन तन्ना नालुंग बगिल उंदीकडू कियरा। इद्रम कितेके जापानी-आक्रमण-विरोध युद्ध लोप्पा रणनीतिक प्रत्याक्रमण शुरू कियाला काजे फौजी आधार तैयार आयारा। इद सुधार काजे वेने क्वोमिंगतांग ता

सहमति हासिल कियाना जरूरी मंता। इद सुधार आयानास्के आठवीं राह सेना ता खुद ता वेने विस्तार कियाना।

## 2. पार्टी ओसो पूरा देश लोप्पा, रेंडासी जागाने आत्मसमर्पणवाद ता विरोध कियाना

### पार्टी लोप्पा वर्ग-आत्मसमर्पणवाद ता विरोध कीमुट

16. 1927 लोप्पा छन तू-श्यू ना आत्मसमर्पणवाद ता कारण ते क्रांति विफल आता। नेतृत्व संगे रास्ता इद ऐतिहासिक सबक किन मावा पार्टी ता बोराई सदस्य इदिन बिल्कुल मरंगनायो।

17. पार्टी ता जापान-विरोधी राष्ट्रीय संयुक्त मोर्चा ता कार्यदिशा किन हूँडतेके, लूकओछ्याओ घटना मुने पार्टी लोप्पा मुख्य खतरा “वामपंथी” अवसरवाद इत्तेके दरवाजा-बंद-नीति मत्ता, ताना मुख्य कारण क्वोमिंगतांग अस्के एवनल जापान ता प्रतिरोध कियाना शुरू कित्ताद हिल्वा मंदानदु मत्ता।

18. लूकओछ्याओ घटना पेरके, पार्टी लोप्पा मुख्य खतरा “वामपंथी” दरवाजा-बंद-नीति आयवा दक्षिणपंथी अवसरवाद इत्तेके आत्मसमर्पणवाद बनेमात्ता, ताना मुख्य कारण क्वोमिंगतांग जापान ता प्रतिरोध कियाना शुरू कित्तादु मत्ता।

19. अप्रैल लोप्पा पार्टी ता सक्रिय कार्यकर्ता लोरा येनान लोप्पा कीत्ता मीटिंग ते ओसो ताना पेरके मई लोप्पा पार्टी ता राष्ट्रीय सम्मेलन ते ओसो खासकर अगस्त लोप्पा अत्ता केंद्रीय कमेटी ता राजनीतिक ब्यूरो ता मीटिंग (लोछ्वान मीटिंग) लोप्पा माटु मुने रास्ता सवाल किन पेश कीतोमः संयुक्त मोर्चा लोप्पा पूँजीपति वर्ग ता नेतृत्व सर्वहारा वर्ग किंता या सर्वहारा वर्ग ता नेतृत्व पूँजीपति वर्ग कींता? ओसो क्वोमिंगतांग कम्युनिस्ट पार्टी किन तन्ना बगिल पिंडगिंता या कम्युनिस्ट पार्टी क्वोमिंगतांग किन तन्ना बगिल पिंडगिंता? इंजेटा ठोस राजनीतिक काम ता दृष्टि ते इद सवाल ता अर्थ इद्रम मंता। कम्युनिस्ट पार्टी समर्थन कियाना क्वोमिंगतांग किन जापान ता प्रतिरोध कियाना ओसो देश किन बचे कियाना ता दससूत्री कार्यक्रम ता स्तर एवनल, पूर्ण प्रतिरोध ता स्तर एवनल, पोर्ने तेहाना या? लेवेके कम्युनिस्ट पार्टी

किन क्वोमिंगतांग ता जर्मीदार वर्ग ओसो पूंजीपति वर्ग ता तानाशाही ता स्तर एवनल, आंशिक प्रतिरोध ता स्तर एवनल मुड्डी किसियाना?

20. असल ते बारांकु माटु इद सवाल किन इचोन दुःसाहसी रूप ते पेश कित्तोम? इदिना जवाब इद्रम मंता?

उंदी बगिल तो मावा मुन्ने इव चीजकु मंतांग-चीनी पूंजीपति वर्ग ता सुलह-समझौता कियाना रुझान; भौतिक शक्ति ता दृष्टि ते क्वोमिंगतांग ता बेरसना स्तर ते मंदाना; क्वोमिंगतांग ता केंद्रीय कार्यकारिणी कमेटी ता तीसरा पूर्ण अधिवेशन ता ऐलान ओसो ताना फैसला, ताना लोप्पा कम्युनिस्ट पार्टी पोर्टे ओरोप वाटाद मंता ओसो ताना अपमान कित्ताद मंता, “वर्ग-संघर्ष किन खत्म कियाना” ता कोलार कित्ताद मंता; क्वोमिंगतांग ता “कम्युनिस्ट पार्टी आत्मसमर्पण कियाना” इंदाना लालसा ओसो इद उद्देश्य काजे ताना कियाना व्यापक प्रचार; च्यांग काई-शेक ना कम्युनिस्ट पार्टी किन तन्ना कब्जा ते तासला काजे कियाना कोशिशकु; लाल सेना ओसो जापान-विरोधी जनवादी आधार-क्षेत्र पोर्टे कंट्रोल कियाना ओसो अविन कमजोर बने कियाना क्वोमिंगतांग नीति; जुलाई ते क्वोमिंगतांग ता लूशान ट्रेनिंग कोर्स<sup>3</sup> ताकनास्के बने कित्ता इद “जापानी-आक्रमण-विरोधी युद्धताकनास्के कम्युनिस्ट पार्टी ता ताकत किन पांच लोप्पाडल रेंडु हिस्सांग घटे कियाना” षड्यंत्रकारी योजना; कम्युनिस्ट कार्यकर्ता लोरकिन मान-सम्मान ओसो दौलत, दाङ्गो ओसो महिला लोरा संगे आचरण भ्रष्ट कियाना क्वोमिंगतांग ता कोशिशकु; चांग नाए-छी<sup>4</sup> प्रतिनिधित्व कियाना निम्न-पूंजीपति वर्ग ता उचुन उग्रवादीरा राजनीतिक आत्मसमर्पण; लेक्काटवु।

दूसरा बगिल मावा मुन्ने इव चीजकु मंतांग-कम्युनिस्ट लोरा असमान सैद्धांतिक स्तर; मावा वेल्ले पार्टी-सदस्य लोरा लोप्पा उत्तरी अभियान ताकनास्के रेंडु पार्टिंग नडमा ता सहयोग हासिल आता अनुभव कुना कमी; पार्टी-सदस्य लोरा उंदी बेहरा संख्या निम्न-पूंजीपति वर्ग तल वायाना; उचुन पार्टी-सदस्य लोरा लोप्पा कठिन संघर्ष ता पिस्वल पिस्सना तुकू तैयार मनवा मंदाना; संयुक्त मोर्चा लोप्पा क्वोमिंगतांग संगे गैरउसूली समझौता कियाना रुझान; आठर्वीं राह सेना लोप्पा उंदी पूना रकम ता युद्धपतिवाद ता रुझान ना पुड्डना; जापान-विरोधी जनवादी आधार-क्षेत्र लोप्पा वेल्ले सुलह-समझौता कियाना रुझान पुटना; लेक्काटवु।

पोर्टो गंभीर परिस्थितिंग किन हूँडसोरे माटु इद नेतृत्व बोना कैदे मंदाना, ओसो आत्मसमर्पणवाद ता दृढ़ता ते विरोध कियाना इंदाना सवाल किन वेल्ले दुःसाहसी रूप ते तेहाना।

21. हत्ता बचोको महिनांगनल ओसो खासकर प्रतिरोध-युद्ध शुरू आता पेरेकेटल, कम्युनिस्ट पार्टी ता केंद्रीय कमेटी ओसो ताना सब्बे स्तर कुना पार्टी-संगटनकु आत्मसमर्पणवादी रुझानकुना खिलाफ, अब वास्तविक मत्तेकाई ओसो सम्भावित मत्तेकाई, उंदी निश्चित ओसो गट्टिक संघर्ष ताकी कीतांग, अविना खिलाफ विभिन्न रकम ता जरूरी सावधानी एततांग ओसो बेसता रिजल्ट हासिल कीतांग।

कम्युनिस्ट लोरगडल सरकार लोप्पा शामिल आयाना सवाल ता बारे ते केंद्रीय कमेटी उंदी सवाल ता मसौदाँ जारी कित्ता।

आठवीं राह सेना लोप्पा पूना युद्धपतिवाद ता रुझान ता खिलाफ संघर्ष शुरू कित्ताद मंता। इद रुझान लाल सेना ता पोर्टोल बदले कित्ता पेरेके पूरा कम्युनिस्ट पार्टी ता नेतृत्व ते ताकला तैयार हिल्वा मंदानोर, व्यक्तिगत बहादुरी भावना ता शिकार आसी मंदानोर, क्वोमिंगतांग कियाना नियुक्तिना पोर्टो (इतेके अफसर मायना पोर्टो) गर्व कियानोरा लोप्पा दिसिंता, लेक्काट्वु। इद पूना रकम ता युद्धपतिवाद ता रुझान ता मोदोल वेने अदे आंदू (कम्युनिस्ट पार्टी किन दोड मुट्ठी कीसि क्वोमिंगतांग ता स्तर ते एवसी कियाना) ओसो तीना परिणाम वेने अदे आंदू (जन-समुदाय तल अलग आयाना), इतेके पाड़ना रकम ता युद्धपतिवाद रुझान, अद जनता किन होकना-पिटाई कियाना ओसो रांगना, अनुशासन भंग कियाना लेक्कटविना रूप ते प्रकट आंदूः अद्रमातेकाई रुझान खासकर खतरनाक मत्ता बारांकु इतेके इद क्वोमिंगतांग-कम्युनिस्ट संयुक्त मोर्चा ता काल ते प्रकट आया मंता, ओसो अदिन काजे तीना बगिल विशेष ध्यान हियाना ओसो तीना डेटेमासी विरोध कियाना जरूरी मंता। राजनीतिक कमिसार व्यवस्था, इदिन क्वोमिंगतांग ता हस्तक्षेप ता कारण ते खत्म कित्ताद मत्ता, ओसो राजनीतिक विभाग व्यवस्था, इदिना पूना पोर्टोल इदिना कारण “राजनीतिक ट्रेनिंग कार्यलय” तास्तद मत्ता, इंजे वेंडे निल्पी कित्ताद मंता। माटु “पहलकदमी मना कैदे ताससोरे स्वतंत्र रूप ते मेड्वा इलाका लोप्पा छापामार युद्ध ताकि कियाना” पूना रणनीति उसूल पंडतोम ओसो दृढ़ता ते ताना पोर्टो अमल कित्तोम, ओसो इद्रमे फौजी कार्यवाईंग लोप्पा ओसो दूसरा काम लोप्पा आठवीं राह सेना ता सफलता ता बुनियादी गारंटी हीतोम। माटु क्वोमिंगतांग ता इद आठवीं राह सेना ता यूनिटकुना लोप्पा कार्यकर्तमालोरा रूप ते क्वोमिंगतांग ता सदस्य लोर किन

लोहना, ओसो माटु आठवी राह सेना पोरों केवल कम्युनिस्ट पार्टी ता पूर्ण नेतृत्व निल्पी कियाना उसूल पोरों नित्सी मंदाना मांग किन ठुकरे कित्तोमा अद्रमे माटु क्रांतिकारी जापान-प्रतिरोध आधार-क्षेत्र लोप्पा ‘संयुक्त मोर्चा लोप्पा स्वतंत्रता ओसो पहलकदमी’ ता उसूल ता प्रतिपादन कित्तोमा माटु ‘संसदवाद’ (बदे डावुट हिल्ले, चीनी पार्टी लोप्पा हिल्वा मंदाना दूसरा इन्टरनेशनल ता संसदवाद आयो) ता रुझान<sup>6</sup> किन सुधरे कीतद मंता; माटु डाकु, दुश्मन ता जासूस ओसो तोड़-फोड़ कियानोरा खिलाफ मना संघर्ष लोप्पा वेने नित्सी मत्तोमा।

शीआन लोप्पा माटु क्वोमिंगतांग संगे मना संबंध कुना क्षेत्र लोप्पा बेउसूली ता रुझान (वेल्ले सुलह-समझौता कियाना रुझान) किन सुधरे कित्तोम ओसो जन-संघर्ष ता पूना (शुरूतल) विकास कित्तोम।

पूर्वी कानसू लोप्पा माटु कुल मिले कीसि उचुन शीआन लोप्पा कित्ता लेक्काने कित्तोम।

शांघाई लोप्पा माटु “कम आह्वान कियाना ओसो ज्यादा सुझाव हियाना” ता चांग नाए-छी ना कार्यदिशा ता आलोचना कित्तोम ओसो देश किन विनाश आयना तल बचे कियाना आंदोलन ता काम ते वेल्ले सुलह-समझौता कियाना रुझान किन सुधरे कियाना शुरू कित्तोम।

दक्षिण ता छापामार क्षेत्र लोप्पा-इव क्षेत्र क्वोमिंगतांग ता खिलाफ मावा दस साल ता नेतुर युद्ध ता कामकाजकुना उंदी अंश, दक्षिण ता सब्बे प्रांतकुना लोप्पा मना जापान-विरोधी राष्ट्रीय क्रांतिकारी युद्ध ता रणनीतिक गढ़कु ओसो मावा सैन्य शक्ति ता प्रतिनिधित्व किंता बदिन क्वोमिंगतांग शीआन घटना पेरके वेने “धेराव कियाना ओसो विनाश कियाना” ता कार्रवाई संगे पूराए खत्म कियाना कोशिश कित्तोर, ओसो बदिन क्वोमिंगतांग लूकओछ्याओ घटना पेरके वेने “डुब्बल किन लालच हिसी मेड्वांग नगडल बाहार तेंडना” पूना तरीकांग संगे कमजोर कियाना कोशिश कित्तोर - अदिनके माटु इद पोल्लो ता विशेष सावधानी बरते कित्तोम 1. परिस्थिति ता परवाह किवा लेवा मना सेना किन केंद्रित कियाना (अद्रम कित्तेके क्वोमिंगतांग किन मावा इद गढ़ किन नष्ट कियाना लोप्पा सहायता दोरकिंता) तुकू बचेमायाना, 2. क्वोमिंगतांग लोहता मानेय किन नेंगला हियाना आयो ओसो 3. उंदी दूसरा हो मिंग घटना ता खतरा ता बारे ते ( इतेके क्वोमिंगतांग किन धेराबंदी लोप्पा फसेमायना ओसो खाली कै कियाना खतरा ता बारे ते)<sup>7</sup> सावधान मंदाना।

“मुक्त सासाहिक”<sup>8</sup> लोप्पा माटु लगातार गंभीरतापूर्क ओसो पूर्ण रूप ते आलोचना कियाना ता रुख लागू किताद मंता।

22. सशास्त्र प्रतिरोध लोप्पा मुटवा लेवा नित्सी मंदाला ओसो अन्तिम विजय दोर्की कियाला ओसो संगेने आंशिक प्रतिरोध किन पूर्ण प्रतिरोध ते बदले कियला काजे जापान-विरोध राष्ट्रीय संयुक्त मोर्चा ता कार्यदिशा पोर्रो नित्सी मंदाना ओसो संयुक्त मोर्चा ता विस्तार कियाना ओसो अदिन सुदृढ़ बने कियाना जरूरत मंता। क्वोमिंगतांग-कम्युनिस्ट संयुक्त मोर्चा किन तहस-नहस कियाना बदे वेने विचार किन सहन कियाना आयो। माटु इंजे वेने “वामपंथी” दरवाजा बंद मंदाना नीति तल होशियार मंदाना मति संगेने माटु संयुक्त मोर्चा संबंधित मना पूरा काम लोप्पा स्वतंत्रता ओसो पहलकदमी ता उसूल पोर्रो मजबूती ते नित्सी मंदाना। क्वोमिंगतांग ओसो दूसरा बदे वेने पार्टी संगे मावा संयुक्त मोर्चा उंदी निश्चित प्रोग्राम किन अमल कियाना पोर्रो आधार आसी मंता। इद आधार लेवेके बदे संयुक्त मोर्चा निल्पी किया परमूडायो, ओसो इद्रम ता परिस्थिति लोप्पा सहयोग गैर उसूली आंता ओसो आत्मसमर्पणवाद ता विचार पुटिता। इद्रम “संयुक्त मोर्चा लोप्पा स्वतंत्रता ओसो पहलकदमी” ता उसूल किन समझेमायना, अदिन लागू कियाना ओसो ताना पोर्रो नित्सी मंदानादु जापान-विरोधी राष्ट्रीय क्रांतिकारी युद्ध लोप्पा जीड़ना कुंजी आंदू।

23. इव सब्बे कियाना मावा लक्ष्य बातल मंता? उंदी हिसाब ते मावा लक्ष्य माटु दोर्की किता आधार-भूमि पोर्रो नित्सी मंदाना मंता, बारांकू इत्तेके इद आधार-भूमि मावा रणनीतिक प्रस्थान-बिन्दु (प्रारंभिक स्थान) आंदू ओसो इदिना मावा कैदल दायाना इत्तेके सब्बे हत्ता लेकवा आंता। मति मावा मुख्य लक्ष्य मना आधार-भूमि ता विस्तार कियाना ओसो “जापान-विरोधी राष्ट्रीय संयुक्त मोर्चा लोप्पा शामिल आयला काजे ओसो जापानी साम्राज्यवाद ता तख्ता पलट कियला काजे कोटि-कोटि जनता किन उंदीकट्ठ कियाना” ता सकारात्मक उद्देश्य किन हासिल कियाना मंता। मना आधार-भूमि पोर्रो नित्सी मंदा ओसो ताना विस्तार कियाना, इव रेंडासी उंदीकु उंदी संगे देगवा हिल्वा जुड़ेमासी मंतांग। हत्ता उचुक महिनांग लोप्पा, निम-पंजीपति वर्ग ता वेल्ले दूसरा वामपंथी सदस्य मावा प्रभाव ते वासी एकताबद्द आत्तोर, क्वोमिंगतांग ता गुट लोप्पा मंदाना पूना ताकतकु बेरसतांग, शानशी लोप्पा जन-संघर्ष ता विकास आता ओसो मावा पार्टी-संगठन ता वेल्ले जागा ने विस्तार आता।

24. मति माटु पूरा देश लेवल ते मावा पार्टी ता संगठनात्मक ताकत आम रूप ते इंजे वेने वेल्ले कम मंता इंदाना पोल्लो किन स्पष्ट रूप ते समझेमायाना। पूरा देश ता स्तर ते जन-समुदाय ता ताकत वेने कम मंता, मजदूर-किसान जन-समुदाय ता बुनियादी हिस्सा-इंजे संगठित आत्ताद हिल्लो। इव सब्बे पोल्लोंग ना कारण उंदी बगिल मावा काम ता कमी मंदाना, इतेके बिल्कुले कम मंदाना। इंजेटा जापान-विरोधी राष्ट्रीय क्रांतिकारी युद्ध लोप्पा इद मावा पार्टी ता बुनियादी कमजोरी आंदू बस्के एवनल माटु इद कमजोरी किन दरू किवोम अस्के एवनल जापानी साप्राज्यवाद किन हरे किया परमूडायो। इद लक्ष्य किन हासिल कियाला काजे माकिन “संयुक्त मोर्चा लोप्पा स्वतंत्रता ओसो पहलकदमी” ता उसूल पोरो ताकना जरूरत मंता ओसो आत्मसमर्पण ओसो वेल्ले समझौता कियाना सब्बे रुझान कुना पोरो काबू कियाना जरूरत मंता।

### पूरा देश लेवल ते राष्ट्रीय आत्मसमर्पणवाद ता विरोध कीमुट

25. पोरो वेहता पोल्लोंग वर्ग-आत्मसमर्पणवाद ता बारे ते आंदुंगा। इद रुझान सर्वहारा वर्ग किन पूँजीपति वर्ग ता सुधारवाद ओसो अपूर्णता व्यवहार बगिल ओयर। बस्के एवनल इद रुझान पोरो काबू कियमूडायो, अस्के एवनल माटु जापान-विरोधी राष्ट्रीय क्रांतिकारी युद्ध किन मुने ओयना ओसो आंशिक प्रतिरोध किन पूर्ण प्रतिरोध ते बदलेमायना ओसो यायोभूमि ता रक्षा कियाना लोप्पा सफलता हासिल किया परवोमा।

मति उंदी दूसरा रकम ता आत्मसमर्पणवाद, इतेके राष्ट्रीय आत्मसमर्पणवाद वेने मंता, अद चीन किन जापानी साप्राज्यवाद ता हितकुना अनुरूप बनेमायना बगिल ओयर, चीन किन जापानी साप्राज्यवाद किन उपनिवेश बने कियर ओसो सब्बे चीनी लोर किन विदेशी राष्ट्र ता गुलाम बने कियर। इद रुझान इंजे जापान-विरोधी राष्ट्रीय संयुक्त मोर्चा ता दक्षिण पक्ष ते प्रकट आया मंता।

26. जापान-विरोधी राष्ट्रीय संयुक्त मोर्चा ता वाम पक्ष लोप्पा कम्युनिस्ट पार्टी ता नेतृत्व ते ताकना जन-समुदाय मत्ता, ताना लोप्पा सर्वहारा वर्ग, किसान ओसो शहरी निम्न-पूँजीपति वर्ग शामिल मंता। मावा काम इद पक्ष ता विस्तार कियाना ओसो इदिन सुदृढ़ बनाने कियाना भरपूर कोशिश कियाना मंता। इद काम किन सम्पन्न कियाना क्वोमिंगतांग लोप्पा, सरकार लोप्पा ओसो सेना लोप्पा सुधार कियाना काजे, उंदी एकीकृत जनवादी गणराज्य ता स्थापना कियाना काजे आंशिक

प्रतिरोध किन पूर्ण प्रतिरोध लोप्पा बदले कियाला काजे ओसो जापानी साम्राज्यवाद ता तख्ता पलट कियाला काजे बुनियादी पूर्वशर्त आंदू

27. जापान-विरोधी राष्ट्रीय संयुक्त मोर्चा ता मध्यवर्ती भाग लोप्पा राष्ट्रीय पूँजीपति वर्ग ओसो निम्न-पूँजीपति वर्ग ता उच्च श्रेणी आंदू बोरा आवाज शांघाई ता प्रमुख समाचारपत्र बनेमातांग, ओरु इंजे वाम पक्ष बगिल हत्तोर,<sup>9</sup> ओसो फू शिंग सोसायटी ता उचुन सदस्य लोर ढुलमुलपन तोहाना शुरू कित्तोर अनि सी.सी.गुट ता उचुन सदस्य वेने डांवाडोल आया मंतोरा<sup>10</sup> जापान ता प्रतिरोध कियाना सेनांग गंभीर सबक एततांग, ओसो अविनागडल उचुक इगा सुधार कियाना शुरू कितांग, ओसो ताना तैयारी शुरू कितांग। मावा काम उद मध्यवर्ती हिस्सा किन मुन्ने ओयना ओसो अपना दृष्टिबिन्दु किन बदले कियाना लोप्पा मदद कियाना मंता।

28. जापान-विरोधी राष्ट्रीय संयुक्त मोर्चा ता दक्षिण पक्ष ते बेहरा जर्मींदार लोरा वर्ग ओसो बेहरा पूँजीपतिरा वर्ग मंता, ओसो राष्ट्रीय आत्मसमर्पणवाद ता नाड़ी-केंद्र मंता। वीरा सुझाव आत्मसमर्पणवाद दायना जरूरी मंता, बारांकु इत्तेके वीरु युद्ध लोप्पा तन्ना संपत्ति ता नुक्सान आयना ओसो जन-समुदाय ता तेदाना तुकू वेरियंतोरा। वीरा लोप्पा वेल्ले टोर मुन्नेटले गद्दार बनेमासी मंदिंतोर वेल्ले टोर जापान-परस्त बने मासी मंदिंतोर ओसो बनेमायला तैयार मंतोर, वोल्लेटोर ढुलमुलपन तोहा मंतोर, ओसो केवल उचुन मुले इव परिस्थिति ना कारण ते दृढ़ता ते जापान-विरोधी बनेमातोरा। वीरा लोप्पा उचन मुल दबाव ता कारण ते विचार लेवाए राष्ट्रीय संयुक्त मोर्चा लोप्पा अस्थाई रूप ते शामिल आत्तोरा। आम रूप ते वेल्ले समय आयना मुन्ने ने वीरु राष्ट्रीय संयुक्त मोर्चा तल अलग आयनूरा। इंजे बेहरा जर्मींदार लोरा वर्ग ओसो बेहरा पूँजीपति लोरा वर्ग ता वेल्ले खराब मानेय जापान-विरोधी राष्ट्रीय संयुक्त मोर्चा लोप्पा फूट वाटना षड्यंत्र बने किया मंतोरा। ओरु गलत प्रचार किया मंतोर ओसो ओरा “कम्युनिस्ट बगावत फैले किया मंतोर” ओसो “आठवीं राह सेना ता पेरेके गुचा मंता” इंदाना तन्ना-तन्ना पुट्टी कीसि प्रचार कियाना पोल्लोंग दिय्या-दिय्या तुकू बेरसा मंतांग। मावा काम राष्ट्रीय आत्मसमर्पणवाद ता दृढ़ता ते विरोध कियाना ओसो इद संघर्ष ताकनास्के वाम पक्ष ता विस्तार कियाना ओसो अदिन किन सुदृढ़ बने कियाना अनि मध्यवर्ती हिस्सा किन मुन्ने ओयना अपना दृष्टिबिन्दु बदलेमायना लोप्पा मदद कियाना मंता।

## वर्ग-आत्मसमर्पणवाद ओसो राष्ट्रीय आत्मसमर्पणवाद ता आपसी संबंध

29. वर्ग-आत्मसमर्पणवाद असल ते जापान-विरोधी राष्ट्रीय क्रांतिकारी युद्ध लोणा राष्ट्रीय आत्मसमर्पणवाद ता रिजर्व ताकत आंदू; इद उंदी वेल्ले निंदनीय रुझान आंदू अद दक्षिणपंथी गुट ता समर्थन कींता ओसो युद्ध किन पराजय बगिल आंता। चीनी राष्ट्र ओसो मेहनतकश जनता ना मुक्ति दोरकी कियाला ओसो राष्ट्रीय-आत्मसमर्पणवाद-विरोधी संघर्ष लोणा पूना जीवा वाटला काजे, माकिन कम्युनिस्ट पार्टी ओसो सर्वहारा वर्ग लोणा वर्ग-आत्मसमर्पणवाद ता रुझान ता विरोध कियाना ओसो अपना काम ता हर क्षेत्र लोणा तीना विरोध कियाना।

### नोट

1. इगा “वर्तमान परिस्थिति ओसो पार्टी ता कमा ता बारे ते वेहताद मंता, इदिन चीनी कम्युनिस्ट पार्टी ता केंद्रीय कमेटी ता राजनीतिक ब्यूरो ता उत्तरी शेनशी ता लोछवान लोणा 25 अगस्त 1937 ते कीत्ता तन्ना मीटिंग लोणा मानेमात्तादु मत्ता। प्रस्ताव दोड़ रास्ता लेक्का मंता।
  - i. लूकओच्याओ लोणा जापानी हमला कियानोरा उक्से कियाना ओसो पेफिंग, थ्येनचिन पोर्रो ओरा कब्जा कियाना, लम्बा दिवाल ता दक्षिण ते ओरा बेहरा स्तर ता आक्रमण ता शुरूआत आता। जापानी हमला कियानोर युद्ध काजे तन्ना राष्ट्रीय लामबंदी शुरू कित्तोरा। ओरा प्रचार “परिस्थिति किन बिगड़े कियाना विचार हिल्ले”, इद केवल मना हमलांग काजे तैयार कित्ता नकाब आंदू।
  - ii. जापानी हमलावर लोरा हमलांग ओसो जनता ना होंग ता दबाव ता कारण ते नानकिंग सरकार प्रतिरोध कियाना काजे राजी आयना शुरू आता। आम प्रतिरक्षा व्यवस्था ता ओसो उचुन जागाने वास्तविक प्रतिरोध ता शुरूआत आता। चीन ओसो जापान ता नड़मा बेहरा स्तर

- ता युद्ध आयाना जरूरी आता। 7 जुलाई ते लूकओछ्याओ लोप्पा कित्ता प्रतिरोध चीन ता राष्ट्रव्यापी प्रतिरोध-युद्ध ता शुरूआत आंदू।
- iii. इद्रम चीन ता राजनीतिक परिस्थिति लोप्पा इंजे उंदी पूना मंजिल ता इतेके प्रतिरोध-युद्ध ताकी कियाना ता मंजिल ता शुरूआत आता। प्रतिरोध-युद्ध ता तैयारी ता मंजिल खत्म आता। इंजेटा मंजिल ता केंद्रीय काम प्रतिरोध-युद्ध लोप्पा जीता हासिल कियाला काजे राष्ट्र ता सब्बे शक्तिंग किन उंदीकडू कियाना मंता। जनवाद दोर्की कियाना काम किन मुनेटा मंजिल लोप्पा क्वोमिंगतांत ता विचार लेवा ओसो जनता ना पर्याप्त रूप ते उंदीकडू आयवा कारण ते पूरा किया परतद हिल्ले, प्रतिरोध-युद्ध लोप्पा जीत हासिल कियाला काजे ताकी कियाना संघर्ष ताकतास्के जरूर पूरा कियाना।
- iv. इद पूना मंजिल लोप्पा, क्वोमिंगतांग ओसो दूसरा जापान-विरोधी ग्रुप संगे मावा मजभेद ओसो विवाद इंजे प्रतिरोध-युद्ध ताकी कियाना आयो इंजी आयवा, जीत बद्रम हासिल कियाना इंदाना ता बारे ते मंता।
- v. प्रतिरोध-युद्ध लोप्पा जीत हासिल कियाना चाबी इंजेटा प्रतिरोध-युद्ध तुन पूरा राष्ट्र ता पूर्ण प्रतिरोध-युद्ध लोप्पा विकसित कियाना मंता। केवल इद्रामे प्रतिरोध-युद्ध संगे अन्तिम जीत हासिल कियमूळांता। जापान ता प्रतिरोध कियाना ओसो मावा पार्टी इंजे पेश कित्ता देश किन बचे कियाना दससूत्री कार्यक्रम लोप्पा प्रतिरोध-युद्ध लोप्पा अन्तिम जीत हासिल कियाना हर्री ठोस रूप ते वेहतद मंता।
- vi. प्रतिरोध-युद्ध ता वर्तमान स्थिति लोप्पा उंदी बेहरा खतरा मंता। इद खतरा ता मुख्य कारण क्वोमिंगतांग इंजे वेने युद्ध लोप्पा शामिल आयला काजे पूरा जनता किन जागृत कियाला तैयार हिल्ले। तीना विपरित, युद्ध सिर्फ सरकार ताये समस्या आंदू, जनता किन बस्के ने युद्ध लोप्पा शामिल कियाना आयो, ओसो युद्ध लोप्पा शामिल आयना तुक रोके कियाना इंजी कोमिंगतांग ना विचार। अद सरकार, सेना किन जनता संगे घनिष्ठ संबंध बने कियाना तुक रोमी कींता, जनता किन जापान ता प्रतिरोध कियाना ओसो देश किन बचे कियाना जनवादी अधिकार हियाना तुक इनकार कींता, ओसो सरकारी ढांचा लोप्पा पूरा सुधार कियाना ओसो सरकार किन पूरा राष्ट्र ता उंदी राष्ट्रीय प्रतिरोध

सरकार ता रूप ते बदले कियाना तुकू इनकार कींता। इद्रम ता प्रतिरोध-युद्ध आंशिक जीत हासिल कीतेकाई, आखरी जीत बिल्कुल हासिल किया परवो। तीना उल्टा, तीना खात्मा उंदी गंभीर होरेमायना रूप ते आंता।

vii. इंजेटा प्रतिरोध-युद्ध लोणा गंभीर कमजोरिंग मत्ता कारण ते अदिना हर्दे नुकसान आयना, पेरके गुचना, आंतरिक फूट वाटना, विश्वासघात, अस्थाई व आंशिक सुलह-समझौता, लेक्काटवु वेल्ले प्रतिकूल परिस्थितिंग ना सामना किया लागियर। अदिन काजे मनम इद युद्ध उंदी कठिन ओसो दीर्घकालीन युद्ध आया मंता इंजी समझेमायना। मति इद युद्ध शुरू आता, अद मावा पार्टी ओसो सब्बे जनता ना कोशिश कुना संगे निश्चित रूप ते बाधांग किन पार कीसि तन्ना प्रगति ओसो विकास किन जारी तासियर इंजी माटू विश्वास किंतोम। मनम सब्बे मुश्किल किन दूर कियाना ओसो मना पार्टी संगे प्रतिरोध-युद्ध ता जीत काजे पेश कीता दसमूत्री कार्यक्रम किन लागू कियाला काजे दृढ़ता ते संघर्ष कियाना। मन इद कार्यक्रम ता विपरित मंदाना सब्बे गलत नीतिंग किना दृढ़ता ते विरोध कियाना, संगेने निराशा ओसो उत्साह लेवा मंदाना राष्ट्रीय पराजयवाद ता विरोध कियाना।

viii. कम्युनिस्ट पार्टी ता सदस्य ओसो पार्टी ता नेतृत्व लोणा ताकना जन-समुदाय ओसो सेनांग सक्रियतापूर्वक संघर्ष ता सबसे मुन्नेटा लाईन ते नित्ताना, राष्ट्र ता प्रतिरोध ता केंद्र बनेमायना ओसो पूरा ताकत वाटसी जापान-विरोधी जन-आंदोनल ता विकास कियाना। जन-समुदाय नडमा प्रचार कियाना ओसो अदिन संगठित ओसो हथियारबंद कियाना काजे उचुन वेने लेट कियानायो ओसो उंदी वेने मौका कैदल दायाला हियानायो। जापानी-आक्रमण-विरोधी युद्ध लोणा जीत जरूर हासिल आयार, इद्रम ता परिस्थिति ते कोटि-कोटि जनता किन राष्ट्रीय संयुक्त मोर्चा लोणा निज्जम तेने संगठित कियाना।

ix. प्रतिरोध-युद्ध ता शुरूआत ते क्वोमिंगतांग ओसो च्यांग काई-शेक जनता ना दबाव ते रक-रकम ता सुधार कियाना काजे वेल्ले क्रियांग कित्तोर, मति जल्दीए ओरू इव क्रियांग किन तोड़े कित्तोरा। इद पोल्लो ता “संभावना” इत्तेके क्वोमिंगतांग पूरा जनता ना जरूरत मंदाना सुधार

किन लागू कियार, पूरा आयो। कामरेड माओ त्सेतुंग पेरके “मिलेजुलेमात्ता सरकार ता बारे ते” पोर्रेल ता लेख लोप्पा वेहत्ता लेकका:

पूरा जनता, ताना लोपा कम्युनिस्ट ओसो जनवादी मानेय वेने शामिल मत्तोर, सब्बे तोर क्वोमिंगतांग सरकार राष्ट्र खतरा ते मंदानास्के ओसो जनता वेल्ले गिर्दा ते मत्तास्केटा मौका तेहचची जनवादी सुधार कियार ओसो डा. सुन यात-सेन ना क्रांतिकारी मूँड जन-सिद्धांत कुना पोर्रो अमल कियार इंजी आशा किसोरे मत्तोर। मति ओरा इद्रम आल्सना अंगडम आता।

2. लूशान ट्रेनिंग कोर्स किन च्यांग काई-सेक च्यांगशी प्रान्त ता लूशान लोप्पा कीसि मत्तोर, ताना संगे क्वोमिंगतांग पार्टी ओसो सरकार ता प्रतिक्रियावादी शासन ता अस्कुङ मत्ता उच्च ओसो मध्यम रेंक ता आफिसर लोर किन प्रशिक्षित कियानोर।
3. चांग नाए-छी अद समय ते “कम आह्वान कियाना ओसो ज्यादा सुझाव हियानादु अंगडम आसी मनवड बारांकु इत्तेके अद जनता ना उत्पीडन कियाना नीति पोर्रो ताकसोरे मत्ता। इद्रम ता परिस्थिति लोप्पा क्वोमिंगतांग ता खिलाफ संघर्ष कियाला काजे तेदना इंदाना पोल्लो किन जन-समुदाय ता सीधा आह्वान कियाना जरूरत मत्ता। लेवेके जापान ता खिलाफ युद्ध जारी तासना या क्वोमिंगतांग ता प्रतिक्रियावाद ता प्रतिरोध कियाना मुश्किल आसी मनवडा इदिना संबंध ते चांग नाए-छी गलत मत्तोर ओसो पेरके वेने ओरु कदम-ब-कदम तन्ना किन आल्सोरे मत्तोर।
4. इगा “सरकार लोपा कम्युनिस्ट पार्टी ता शामिल आयना सवाल ता बारे ते चीनी कम्युनिस्ट पार्टी ता केंद्रीय कमेटी ता प्रस्ताव ता मसौदा” ता बारे ते वेहत्ताद मंता, इदिन 25 सितम्बर 1937 ते तैयार कित्ताद मत्ता। पूरा प्रस्ताव दोङ रास्ता लेकका मंता।
  1. जापानी-आक्रमण-विरोधी युद्ध ता वर्तमान परिस्थिति ता फौरी मांग जापान-विरोधी राष्ट्रीय संयुक्त मोर्चा ता सरकार, पूरा राष्ट्र ता प्रतिनिधित्व कियाना सरकार निल्पी कियाना इंजी मत्ता, बारांकु इत्तेके इद्रमताए सरकारा असल हिसाब ते जापान-विरोधी राष्ट्रीय क्रांतिकारी युद्ध ता नेतृत्व किया परिता ओसो जापानी साप्राज्यवाद किन हारे

किया परम्भूदांता। कम्युनिस्ट पार्टी इद्रम ता सरकार लोप्पा शामिल आयला तैयार मंता, इतेके इद्रम ता सरकार लोप्पा प्रत्याक्ष रूप ते ओसो पोयता रूप ते प्रशासनिक जिम्मेदारिंग सम्भाले कियाला ओसो ताना लोप्पा सक्रिय भूमिका निभे कियाला तैयार मंदिंता। मति नेंडु इद्रम ता सरकार अस्तित्व ते हिल्लो। अद इंजे वेने क्वोमिंगतांग ता उंदी पार्टी ता तानाशाही मंदाना सरकारे मंता।

2. चीनी कम्युनिस्ट पार्टी इद सरकार लोप्पा सिर्फ क्वोमिंगतांग ता उंदी पार्टी ता तानाशाही मंदाना सरकार तल बदले कीसि पूरा राष्ट्र ता संयुक्त मोर्चा सरकार बने कितेकेने शामिल आया परिता, इतेके वर्तमान क्वोमिंगतांग सरकार (क) मावा पार्टी पेश कित्ता जापान ता प्रतिरोध कियाना ओसो देश किन बचे कियाना दससूत्री कार्यक्रम-ता बुनियादी पोल्लो किन मानेमायर ओसो ताना अनुसार उंदी प्रशासनिक प्रोग्राम ता ऐलान कियार अस्के: (ख) तन्ना व्यवहार लोप्पा इद प्रोग्राम ता लागू कियाना लोप्पा ईमानदारी ते कोशिश कींता, ओसो निश्चित नतीजा हासिल कींता: (ग) कम्युनिस्ट पार्टी ता संगटन पोर्टे वाटता कानूनी प्रतिबंद हटे कियाना ओसो कम्युनिस्ट पार्टी तुक जन-समुदाय किन उंदीकडु कियाना, संगठित कियाना ओसो शिक्षित कियाना आजादी हियार।
3. पार्टी ता केंद्रीय कमेटी सरकार लोप्पा शामिल आयना फैसला कियाना तुकु मुन्ने, कम्युनिस्ट पार्टी ता सदस्य लोर साधारण रूप ते सरकार ता केंद्रीय या स्थानीय प्रशासनिक संगटन कुना संगे संबंध मंदाना बदे वेने स्थानीय सरकार लोप्पा या बदे प्रशासनिक परिषद या कमेटी लोप्पा शामिल आयनायो। बारांकु इतेके ओरा इद्रम शामिल आतेके कम्युनिस्ट पार्टी ता सुस्पष्ट विशेषतांग मिंजनुंग, क्वोमिंगतांग ता तानाशाही शासन वेल्ले दिय्या एवनल नित्ता परिता ओसो एकीकृत जनवादी सरकार ता स्थापना कियाना लोप्पा सहायता दोरकना जागा ते बाधा वांता।
4. मति कम्युनिस्ट पार्टी ता सदस्य बदे खास क्षेत्र, इतेके बेगा पाड़ना अधिकारी लोरा काजे मुनेटा लेकका शासन ताकी कियाना हल्को मंदाना युद्ध-क्षेत्र ना स्थानीय सरकार कुना लोप्पा शामिल आया परितोर

ओसो ओरु बुनियादी रूप ते कम्युनिस्ट पार्टी ता नीतिंग पोर्हो ताकला तैयार मंदिंतोर, बेगा कम्युनिस्ट पार्टी किन खुलेआम गतिविधिंग ताकी कियाना आजादी मंता ओसो बेगा जनता ओसो सरकार रेंडासी ना विचार ते वर्तमान संकटपूर्ण परिस्थिति लोप्पा कम्युनिस्ट सरकार लोप्पा शामिल आयना जरूरत मंता। जापान-पोयता क्षेत्र लोप्पा, कम्युनिस्ट पार्टी काजे जापान-विरोधी संयुक्त मोर्चा सरकार किन संगठित कियाना काजे खुलेआन मुन्ने वायना वेल्ले जरूरत मंता।

5. कम्युनिस्ट पार्टी सरकार लोप्पा औपचारिक रूप ते शामिल आयना तुकू मुन्ने, पार्टी सदस्य लोर किन जनवादी संविधान पोर्हो ओसो देश किन बचे कियाना नीतिंग पोर्हो विचार-विनिमय कियाना प्रतिनिधि संगटनकु ना लोप्पा इतेके अखिल चीन राष्ट्रीय एसेम्बली लेककाटाविना लोप्पा शामिल आयना अनुमति मंता। इद्रम कम्युनिस्ट पार्टी इद्रम ता एसेम्बलिंग किन पार्टी ता विचार कुना प्रचार कियाना माध्यम ता रूप ते इस्तेमाल कियाना, इद्रम कित्तेके जनता किन उंदीकडू कियमूङांता ओसो पार्टी ता नालुंग बगिल एकता कियमूङांता ओसो उंदी एकीकृत जनवादी सरकार ता स्थापना ता काम किन मुन्ने ओयमूङांता।
6. उंदी निश्चित साधारण प्रोग्राम ओसो पूर्ण समानता सिद्धांत पोर्हो आधार आसी कम्युनिस्ट पार्टी ता केंद्रीय कमेटी ओसो ताना स्थानीय पार्टी-संगटन, क्वोमिंगतांग ता केंद्रीय कार्यकारिणी कमेटी ओसो ताना स्थानीय हेडक्वार्टर कुना संगे संयुक्त मोर्चा संगटन, इतेके विभिन्न संयुक्त कमेटिंग ( उदाहरण काजे राष्ट्रीय क्रांतिकारी लीग कु, जन-आंदोलन कमेटिंग ओसो युद्ध-क्षेत्र लोप्पा लामबंदी काजे बनेमान्ता कमेटिंग) ना स्थापना किया परितोर, ओसो कम्युनिस्ट पार्टी किन इद्रम ता संयुक्त कार्रवाईंग संगे क्वोमिंगतांग संगे सहयोग बने कियाना।
7. लाल सेना ता दोबारा पोर्होल तासिसी अदिन राष्ट्रीय क्रांतिकारी सेना ता उंदी अंग बने कियमूङायर अस्के ओसो लाल राजनीतिक सत्ता ता संगटन किन विशेष क्षेत्रीय सरकार लोप्पा बदले कियमूङायर अस्के अविना प्रतिनिधि कानूनी रूप ते जापान ता प्रतिरोध कियाना ओसो

देश किन बते कियाना काम किन मुने ओयना सब्बे संगटन किन ओसो  
जन-संगटन कुना लोप्पा शामिल आया परिंतोर।

8. मुनेटा लाल सेना लोप्पा ओसो सब्बे छापामार यूनिटकुना लोप्पा  
कम्युनिस्ट पार्टी ता बिल्कुन स्वतंत्र नेतृत्व तासाना ओसो इद सैद्धांतिक  
समस्या लोप्पा कम्युनिस्ट लोर किन उचुन वेने ढुलमुलपन तोहवा लेवा  
मंदाना वेल्ले जरूरी मंता।
  
5. “संसदवाद” इत्तेके इगा उचुन पार्टी-कामेरेड्स लोरा इद प्रस्ताव आंदू इत्तेके  
क्रांतिकारी आधार- क्षेत्र लोप्पा राजनीतिक सत्ता ता व्यवस्था-जन-प्रतिनिधि  
सम्मेलन कुना व्यवस्था किन बदले कीसि अदिन पूंजीवादी देश कुना  
संसदीय व्यवस्था ता रूप हियाना इंजी आंदू।
  
6. अक्टूबर 1934 लोप्पा केंद्रीय लाल सेना उत्तर बगिल एडवान्स आतास्के  
लाल सेना ता छापामार यूनिट कू दक्षिण ता च्यांगशी, फूच्येन, क्वांगतुंग,  
हूनान, हुपे, हनान, चच्यांग ओसो आनहेइ पोर्ऱोल ता आठ प्रान्त कुना 14  
क्षेत्र लोप्पा पिसिस मत्तांग ओसो अब वेल्ले कठिन परिस्थिति ते छापामार  
युद्ध जारी तास्तांग। जापानी-आक्रमण-विरोधी युद्ध शुरू आतास्के, इव  
युनिटकु चीनी कम्युनिस्ट पार्टी ता केंद्रीय कमेटी ता आदेश ते गृहयुद्ध बंद  
कियाला काजे क्वोमिंगतांग संगे समझौता-वार्ता शुरू कीतांग ओसो खुद  
किन उंदी फौजी कोर लोप्पा इत्तेके ( पूना चौथी सेना लोप्पा संगठित कित्ता,  
अद पेरके च्यांगत्सी डोड्डा ता दक्षिण ओसो उत्तरी बगिल जापानी लोरकिन  
पूँडता) ओसो जापान ता प्रतिरोध कियाला काजे लडाई शुरू कित्ता। मति  
च्यांग काई-शेक इद समझौता-वार्ता ता फायदा तेहची छापामार यूनिट किन  
खत्म कियाना साजिश कित्तोरा हा मिंग, फूच्येन-क्वांगतुंग बार्डर एरिया ता  
वरोर छापामार नेताल मत्तोर, इद इलाका अब 14 छापामार इलाकांग  
लोप्पाडल उंदी मत्ता। ओरु च्यांग काई-शेक ना साजिश कुनागडल सर्तके  
हिल्वा मत्तोर अदिन काजे ओना नेतृत्व ते मत्ता हजार तुकू ज्यादा छापामार  
सैनिक लोरकिन ओरु उंदी आता पेरके क्वोमिंगतांग फौज घेरे कीसि ओरा  
हथियार किन ऊंदता।

- “मुक्ति साम्राज्यिक” ता स्थापना 1937 लोप्पा येनान ते कित्ताद मत्ता ओसो इद चीनी कम्युनिस्ट पार्टी ता केंद्रीय कमेटी ता मुख्यपत्र मत्ता। 1941 लोप्पा तीना जागा ते “मुक्ति दैनिक” मुख्यपत्र वाता।
- इद राष्ट्रीय पूऱ्जीपति वर्ग ता हिस्सा आंदू इदिना विचारकुना प्रतिनिधित्व शांघाई ता “शान पाओ” लेक्काट अखबार कु कियानावु।
- फू शिंग सोसायटी ओसो सीसी गुट क्वोमिंगतांग लोप्पा मंदाना रेडु फासीवादी संगटन मत्तांग, अविना मुखिया च्यांग काई-शेक ओसो छन ली-फू मत्तोरा। इव बेहरा जर्मांदार लोरा वर्ग ओसो बेहरा पूऱ्जीपति लोरा वर्ग ता अल्पतंत्री शासन का हितकुना सेवा कियानवु। मति इविना लोप्पा वेल्ले निम्न-पूऱ्जीपति वर्ग तोर मजबूर आसी या धोखा तिंजी शामिल आता मानेय वेने मत्तोरा। लेख लोप्पा फू शिंग सोसायटी ता इत्तेके कैदे सत्ता हिल्वा मंदानोरा लोप्पा मुख्य रूप ते क्वोमिंगतांग सेना ता सुडला ओसो मध्यम स्तर ता आफिसर शामिल मंदानोरा बारे ते वेहत्ताद मंता, ओसो सीसी गुट ता सदस्यलोर शामिल मंदानोरा बारे ते वेहत्ताद मंता।

# शेनशी-कानसू-निंगश्या बार्डर एरिया सरकार ओसो आठवीं राह सेना ता पृष्ठभागीय कार्यलय ता ऐलान<sup>4</sup>

15 मई 1938

इद ऐलान कीसोरे मंतोम - लूकओछ्याओ घटना पेरेकेटल मावा सब्बे देशतुक जीवा  
कियानोर गट्टिक मंजि प्रतिरोध-युद्ध ताकी किया मंतोर। लड़ाई लोप्पा अफसर ओसो  
सैनिक तन्ना नेतुर पोहा मंतोर ओसो तन्ना जीवा हिया मंतोर। सब्बे राजनीतिक  
पार्टिंग ओसो ग्रुप जीवा कीसि उंदिकट्टु आतांगा राष्ट्र किन बचे कियाला काजे जनता  
ना सब्बे तबका मिलेजुलेमासी कोशिश किया मंता। इद चीनी राष्ट्र ता मंजसोरे मंदना  
भविष्य ता इशारा आंदू ओसो जापान पोर्रो जीत हासिल कियाना पक्का गारंटी आंदू  
मावा सब्बे स्वदेश-बंधुलोर किन इदे प्रगति-पथ पोर्रो ताकसोर मंदाना जरूरत मंता।  
शेनशी-कानसू-निंगश्या बार्डर एरिया<sup>1</sup> ता सेना ओसो जनता सरकार ता नेतृत्व  
मानेमासोरे राष्ट्रीय पुनरुद्धार ता लक्ष्य किन हासिल कियाला काजे भरपूर ताकत  
वाटतद मंता। ओरु सब्बे काम न्यायोचित ओसो मान हियना लेकका मत्ता। वेल्ले  
कठिन परिस्थिति ते वेने ओरु दोगवा लेवा ओसो बदे शिकायत किवा लेवा संघर्ष  
ताकी कित्तोरा पूरा देश ता जनता उंदी लेंग ते ओरा प्रशंसा किया मंता। ओसो बार्डर  
एरिया सरकार ओसो पृष्ठभागीय कार्यलय किन हूँडितेके, अद पूरा क्षेत्र ता जनता किन  
इद उद्देश्य हासिल आयना जोम कोशिश किसोर मंदाला काजे गिर्दा किसोरे मंदिता।<sup>4</sup>

<sup>4</sup> \*च्यांग काई-शेक गुट ता फूटपरस्त कार्हवाईंग ना विरोध कियाला काजे शेनशी-कानसू-  
निंगश्या बार्डर एरिया ता सरकारा ओसो आठवीं राह सेना ता पृष्ठभागीय कार्यलय ता इद ऐलान किन  
कामरेड माओ त्सेतुंग रासिस मत्तोरा। क्वोमिंगतांग-कम्युनिस्ट सहयोग ता स्थापना ता उचुन दिय्या  
पेरेके च्यांग काई-शेक गुट कम्युनिस्ट पार्टी नेतृत्व ते ताकना क्रांतिकारी ताकत किन नष्ट-भ्रष्ट कियाना  
साजिश कियाना शुरू कित्तोरा। सेनशी-कानसी-निंगश्या बार्डर क्षेत्रे किन नष्ट कियानादु इद साजिश ता  
हिस्सा मत्ता। कामरेड माओ त्सेतुंग ना विचार क्रांति ता हितकुना रक्षा काजे उंदी सुदृढ नीति लागू

बोनके बेने कर्तव्य हिलवा मंदला हिवोर ओसो बोनकिने बेने राष्ट्रीय पूनरुद्धार ता काम लोप्पा नुक्सान कियला हियमूळायो अयर। बार्डर एरिया लोप्पाटा इंजेटा जांच-पड़ताल तल उचुन मुल हूँडा हितकुना उपेक्षा कीसि विभिन्न साधनकुना संगे किसान लोर किन ओरा लोप्पा तूसुता जमीन ओसो लोन वापिस कियाला काजे मजबूर किया मंतोर,<sup>2</sup> जनता पोरों निर्माण कीता जनवादी व्यवस्था किन बदले कियाला काजे दबाव वाटा मंतोर, ओसो स्थापित किता सैनिक, आर्थिक ओसो सांस्कृतिक संगठनकु ओसो जन-संगठन कुना मोदोल कोया मंतोर इंदाना पोल्लो मुन्ने वाता। उचुन मुल तो भेडिया लेकका काम कींतोर, डकैती लोरा संगे कै काल्पा मंतोर, मावा सैनिक लोर किन विद्रोह काजे उक्से किया मंतोर, मावा क्षेत्र ता सर्वे किया मंतोर ओसो नक्शा बने किया मंतोर, गुप्त रूप ते खबर जम्मा किया मंतोर ओसो बार्डर एरिया सरकार ता विरुद्ध खुलेआम प्रचार किया मंतोर। इव सब्बे गतिविधिंग जापान ता प्रतिरोध कियाला काजे एकता ता बुनियादी उसूल ता उल्लंघन किंता ओसो बार्डर एरिया ता जनता ना इच्छा ता विरुद्ध मंता, ओसो वीरा उद्देश्य आंतरिक विवाद किन उक्से कियाना, संयुक्त मोर्चा किन तोड़े कियाना, जनता ना हितकुन नुक्सान कियाना, बार्डर एरिया सरकार ता इज्जत किन नुक्सान कियाना ओसो जापान ता प्रतिरोध कियाला काजे कियाना सांगठन लोप्पा मुश्किलकुन बेरसी कियाना लेकका मंता। बारांकु इत्तेके मुद्दामेंड कट्टरतावादीर लज्जा हिल्वा लेवा राष्ट्रीय हितकुना विरुद्ध काम किया मंतोर ओसो तन्ना षड्यंत्रकारी गतिविधिंग किन मक्की कियाला काजे रेक-रकम ता बहानांग बने किया मंतोर। हत्ता उचुन महिनांग तिंची विभिन्न काउनिंग ना जनता ना लोहता रिपोर्ट रोज वांता अविना लोप्पा इद्रम ता गतिविधिंग किन रोमी कियाना मांग कित्ताद मंदिंता। जापान-विरोधी ताकत किन मजबूत कियाना, जापान-विरोधी पृष्ठभाग किन सुदृढ़ बने कियाना ओसो जनता ना हित कुना रक्षा कियाना दृष्टि ते मावा सरकार ओसो पृष्ठभागीय कार्यालय पोरों वेहत्ता गतिविधिंग किन अवैध घोषित कियाना जरूरी समझेमांतोर। इदिना अनुसार माटु डाउट हिलवा ऐलान किंतोम

कियाना जरूरत मंता इंजी मत्ता। जापान-विरोधी संयुक्त मोर्चा लोप्पा उचुन पार्टी-सदस्य च्यांग काई-शेक गुट ता साजिश बारे ते लागू कित्ता अवसरवादी दृष्टिबिंदु किन इदे ऐलान संगे धक्का दलगता।

1. जनता दोर्की कित्ता अधिकार कुना रक्षा कियाला सरकार पृष्ठभागीय कार्यालय आन्तरिक शांति स्थापित आयाना जोम, बार्डर एरिया सरकार लोप्पा मंदाना इलाकांग लोप्पा कित्ता जमीन ओसो लोहकुना बंटवारा ओसो कर्ज कुना रद्द कियाना तुक कानूनी रूप ते बदली कियाना तुक गैर कानूनी घोषित किंता।
2. सरकार ओसो पृष्ठभागीय कार्यालय अब सब्बे सैनिक, राजनीति, आर्थिक ओसो सांस्कृतिक संगटन ओसो जन-संगटन कुन, बदो आंतरिक शान्ति ता स्थापना तुक मुन्ने मत्ता ओसो पेरके संयुक्त मोर्चा ता उसूल ता अनुसार विस्तृत ओसो विकसित आसी मत्तांग, तना गतिविधिंग ना रक्षा कियार, अविना विकास लोप्पा मदद कियार ओसो अविना विरुद्ध कियाना सब्बे साजिश ओसो फूटपरस्त गतिविधिंग पोर्हो प्रतिबंद वाटिता।
3. “सशस्त्र प्रतिरोध ओसो राष्ट्रीय पुनर्निर्माण ता कार्यक्रम” दृढ़तापूर्वक लागू किसोरे, सरकार ओसो पृष्ठभागीय कार्यालय खुशी-खुशी जापान ता प्रतिरोध कियाना ओसो राष्ट्रीय पुनरुद्धार ता लक्ष्य ता अनुकूल मंदाना काम लोप्पा पहल ओसो सहयाता किंता। मति अनधिकृत मानेय ना प्रति सर्तकता मंदाना ओसो गद्दार लोर किन जेक तासना दृष्टि ते, माटु बिना सरकार ओसो पृष्ठभागीय कार्यालय ता अनुमति ते ओसो लिखित अधिकार-पत्र लेवा बोनाई इतेके ओरु बदे वेने काम कित्तेकाई बार्डर एरिया लोप्पा नेंगना ओसो रोमना तुक अवैध घोषित किंतोमा।
4. सशस्त्र प्रतिरोध ता इद कठिन समय लोप्पा जनता अद बार्डर एरिया ता सीमा लोप्पा तोडफोड कियाला साजिश कियानोरा बारे ते, बदे गडबड फैले कियनोरा बारे ते, राजद्रोह भडके कियानोरा बारे ते या सैनिक लोरा पता कियानोरा बारे ते रिपोर्ट कित्तेके जनता काजे सही ओसो बेश मंदिंता। सही सबूत पोर्हो आधार आसिये ओरा खिलाफ आरोप वाटसी मत्तेके ने ओरकिन गिरफ्तार कियमूङांता। दोषित साबित आतास्के अपराधी लोर किन सख्त सजा हियमूङायरा।

पूरा बार्डर एरिया लोप्पा सब्बे सैनिक ओसो नागरिक लोरा काजे इव चार आदेश कुना पालन कियाना जरूरत मंता ओस बद वेने परिस्थिति ते अविना उल्लंघन कियाना अनुमति हिल्लो। बोराई कानून-विरोधी मानेय साजिश कीसि गडबड कियाना कोशिश किंतोर, ओरकिन बार्डर एरिया सरकार ओसो पृष्ठभागीय

कार्यालय इव आदेशकुना अनुसार सख्त कदम तेहिंयर ओसो इव आदेशकुना गैर-  
जानकारी ता बहाना किन बिल्कुले मानेमायो आयार।  
इद ऐलान कानून ता संपूर्ण शक्ति संगे जारी कियमुडाया मंता।

## नोट

1. शेनशी-कानसू-निंगश्या बार्डर एरिया उंदी क्रांतिकारी आधार-क्षेत्र मत्ता, अदिन उत्तरी शेनसी लोप्पा क्रांतिकारी छापामार युद्ध संगे 1931 पेरके तीरम-तीरम निर्मित कितद मत्ता। केंद्रीय लाल सेना लम्बा अभियान कीसि उत्तरी शेनशी एवतास्के इद आधार-क्षेत्र क्रांति ता केंद्रीय आधार-क्षेत्र ओसो चीनी कम्युनिस्ट पार्टी ता केंद्रीय कमेटी ता कार्य-स्थल बनेमात्ता। 1937 लोप्पा जापान-विरोधी राष्ट्रीय संयुक्त मोर्चा ता गठन पेरके तीना पोर्णेल शेनशी-कानसू-निंगश्या बार्डर एरिया तास्तद मत्ता। तीना लोप्पा मूँड प्रान्त कुना आपस ते कलियाना हंदींग पोरो मंदाना बीस तुकु ज्यादा काउन्टिंग शामिल मंतांग।
2. 1936 एवनल शेनशी-कानसू-निंगश्या बार्डर एरिया ता वेल्ले जागा ने जमीदार लोरा जमीनकु जब्त कियाना ओसो अविन किसान लोपा तूसना ओसो किसान लोरा पाडना कर्जा किन रद्द कियाना नीति लागू किताद मत्ता। 1936 पेरके, जापान-विरोधी विशाल राष्ट्रीय संयुक्त मोर्चा ता गठन ता दृष्टि ते कम्युनिस्ट पार्टी देशव्यापी स्तर ते इद नीति किन लगान ओसो सूद कम कियाना नीति ता रूप ते बदले कित्ता। इद्रम कितेकाई भूमि-सुधार संगे किसान लोर किन दोरकना फायदांग ना दृढतापूर्वक रक्षा कित्ता।

# जापान-विरोधी छापामार युद्ध ता रणनीति विषय संबंधी समस्यांग

मई 1938

## अध्याय 1 छापामार युद्ध लोप्पा रणनीति विषय संबंधी समस्यांग बारांकु तेहाना?

जापानी-आक्रमण-विरोधी युद्ध लोप्पा नियमित युद्ध ता भूमिका मुख्य ओसो छापामार युद्ध ता भूमिका सहायक आंदू माटु इद समस्या किन मुन्नेसे सही तरीका ते हल कित्तोम। अदिन काजे हूडतेके छापामार युद्ध ता केवल कार्यनीतिक समस्यांगे पिसिंतांग। अद्रम आतास्के रणनीतिक समस्यांग बारांकु तेहाना?

चीन उंदी सुडला देश मत्तेके ताना लोप्पा छापामार युद्ध ता भूमिका केवल अभियान कुनास्के नियमित सेना ता कार्वाईंग लोप्पा प्रत्यक्ष रूप ते कम दूरी लोप्पा तालमेल बने कियाना एवनले सीमित मत्तेके बदे डावुट हिल्वा केवल कार्यनीतिक समस्यांगे मुन्ने वासी मनवांग, रणनीतिक समस्यांग वायो आसी मनवांग। दूसरा बगिल, चीन लोप्पा वेने सोवियत संघ लेक्काने उंदी शक्तिशाली देश<sup>१</sup> मत्तेके ओसो

५

जापानी-आक्रमण-विरोधी युद्ध ता शुरुआत ते पार्टी लोप्पाटा ओसो पार्टी ता बाहर वेल्ले मुल छापामार युद्ध ता महत्वपूर्ण रणनीतिक भूमिका किन कम कीसि आंकलन कियोरो ओसो केवल नियमित युद्ध पोरो ने खासकर क्वोमिंगतांग ता फौज ता कार्वाईंग पोरो ने आशा किसोर मंदानोर। कामेड माओ त्सेतुग ओरा इद्रम ता दृष्टिकोण कुना खंडन कित्तोर ओसो संगेने जापानी-आक्रमण-विरोधी युद्ध ता विकास ता सही दिशा तोहाना काजे इद लेख किन रास्तोप। तीना कारण ते आठवीं राह सेना ओसो पूना चीथी सेना, अदिना संख्या 1937 लोप्पा जापानी-आक्रमण-विरोधी युद्ध ता शुरुआत आतास्के केवल 40,000 तुकू ज्यादा मत्ता, 1945 लोप्पा जापान ता आत्मसमर्पण कियाना समय एवनल बेरसिसी 10 लाख संख्या ता बेहर सेना बने मान्ना। इव सेनांग वेल्ले क्रांतिकासी आधार-क्षेत्र बने कीतांग ओसो जापानी-आक्रमण-विरोधी युद्ध लोप्पा महान भूमिका निभे किता, ओसो अदिन काजे मैं च्यांग काई-शेक इद कालम ते पूरा जापान ता मुन्ने तल्ला वरिहाना या देशब्यापी गृहयुद्ध शुरु कियाना तुकू वेरियसोरे

92 माओ संकलित रचनाकु, भाग 2

दुश्मन ता अतिक्रमण कियाना पोर्हे अदिन जल्दिए पूँडना स्थिति ते मंजी मनवड, लेवेके अदिन पूँडना तुकू उचुन लेट आतेकाई दुश्मन ता कब्जा ते मंदाना इलाका बेहरा हिल्वा मंजी मनवड, अस्के वेने छापामार युद्ध केवल अभियान कुनास्के ने तालमेल बने कियाना भूमिका निभे कीसि मनवड ओसो अस्के स्वाभाविक रूप ते केवल कार्यनीतिक समस्यांगे मुन्ने वांता, रणनीतिक समस्यांग वायो आंतांग।

छापामार युद्ध ता रणनीतिक समस्यांग इव परिस्थितिंग लोप्पा तेदितांगः चीन सुडला देश हिल्ले ओसो सेवियत संघ लेकका वेने हिल्ले मति उंदी बेहरा ओसो कमजोर देश जरूर मंता। इद बेहरा ओसो कमजोर देश पोर्हे उंदी सुडला ओसो शक्तिशाली देश हमला कित्ता, मति इद बेहरा ओसो कमजोर देश प्रगति ता युग लोप्पा मंता। इदे समस्या ता पूरा मोदल आंदू इवे परिस्थितिंग लोप्पा बेहरा इलाकांग पोर्हे दुश्मन ता कब्जा आता ओसो इद युद्ध उंदी दीर्घकालीन युद्ध बनेमात्ता। मावा बेहरा देश ता बेहरा इलाका पोर्हे दुश्मन अधिकार किया मंतोर, मति जापान उंदी सुडला देश मंता, ताना सेनिक लोर कम मंतोर ओसो अदिन तन्ना कब्जा लोप्पा मंदाना इलाका लोप्पा वेल्ले जागांग किन बिना फौज तेने तासा लागिंता: अदिन काजे जापान-विरोधी छापामार युद्ध लोप्पा मावा मुख्य काम लोप्पटा सेना रैक कुना लोप्पा अभियान ताकनास्के नियमित सेनांग ना कार्रवाईंग संगे तालमेल कीसि लडेमायना आयवा बाहरी सेना रैक लोप्पा स्वतंत्र रूप ते लडेमायना मंदिंता। इदे आयवा, चीन उंदी प्रगतिशील देश आंदू, इत्तेके तानगा उंदी शक्तिशाली फौज ओसो बेहरा जन-समुदाय मंता, अदिना नेतृत्व कम्युनिस्ट पार्टी कींता: अदिन काजे मावा जापान-विरोधी छापामार युद्ध उंदी सुडला स्तर ता युद्ध आयवा बेहरा स्तर ता युद्ध बनेमांता। इदिना कारण ते क्रम अनुसार सब्बे समस्यांग, इत्तेके रणनीतिक रक्षा, रणनीतिक आक्रमण लेक्कटवु, मावा मुन्ने वासी नितितांग। युद्ध ता दीर्घकालीन ओसो इदिनगडल पैदा आयाना क्रूरता कारण छापामार युद्ध ता वेल्ले असाधारण कार्य किन मना कैदे पोट्या लागिंता: अदिन काजे आधार-क्षेत्र ता समस्या ओसो छापामार लडाई किन चलायमान युद्ध लोप्पा विकसित कियाना समस्या वांता। इव सब्बे पोल्लोंग कुना कारण ते चीन ता जापान-विरोधी छापामार युद्ध कार्यनीति ता हंदी तुकू बाहर पेसिस रणनीतिक हर्हि पोट्या लागिंता, ओसो छापामार युद्ध समस्यांग कुना रणनीतिक दृष्टि जांच कियाना मांग कींता। विशेष ध्यान हियाना लेक्काटा

---

मजोर ओसो 1946 लोप्पा ओरु देशब्यापी गृहयुद्ध शुरू कित्तोर, अस्के आठवीं राह सेना ओसो पूना चौथी सेना किन कालपिसी बने कित्ता जन-मुक्ति सेना ओना हमालांग ना मुकाबला कियाला काजे वेल्ले शक्तिशाली बनेमासी मत्ता।

पोल्लो व्यापक ओसो दीर्घकालीन छापामार युद्ध पूरा मानव जाति ता युद्ध ता इतिहास लोप्पा उंदी पक्काए पूना चीज आंदू। इद पोल्लो मावा इद जमाना बीसवी सदी ता चौथा ओसो पांचवा दशक लोप्पा एवता इंदाना तथ्य तुकू अलग आया परवो, ओसो इंजे मावगा कम्युनिस्ट पार्टी ओसो लाल सेना मंता। पूरा समस्या ता सार इदे पोल्लो पोर्रे आधार आसी मंता। मावा दुश्मन इंजे वेने सुंगवंश पोर्रे व्यान वंश ता जीत, मिंग वंश पोर्रे छिंग वंश ता जीत, उत्तरी अमरीका ओसो भारत पोर्रे अंग्रेज तोरा अधिकार, मध्य ओसो दक्षिणी अमरिका पोर्रे लेटिन देश कुना अधिकार लेक्काटा हवाई किला बने कियाना लेक्काटा सपनांग हूडा मंतोर बहे। मति नेटा चीन लोप्प इद्रम ता सपनांग ना बदे व्यवहारिक महत्व हिल्ले, बारांकु इत्तेके ऐतिहासिक काल ते हिल्ला मत्ता उचुन तत्व नेटा चीन लोप्पा मंता। इविना लोप्पा वेल्ले पूना वस्तु छापामार युद्ध आंदू। मावा दुश्मन इद तत्व किन नजरअंदाज कींतोर इत्तेके ओनकु जरूर हार ता सामना किया लागियरा।

अदिन काजे ने मना जापान-विरोधी छापामार युद्ध पोर्रे रणनीति ता दृष्टि ते विचार कियाना जरूरत मंता, लेवेके पूरा जापानी-आक्रमण-विरोधी युद्ध लोप्पा अदिना स्थिति उंदी सहायक लेक्काने मंता।

इद स्थिति इद्रम मंता इत्तेके जापानी-आक्रमण-विरोधी युद्ध ता आम रणनीतिक उसूल कुन छापामार युद्ध पोर्रे बारांकु लागू कियानायो?

जापान-विरोधी छापामार युद्ध ता रणनीतिक समस्यांग पूरा जापानी-आक्रमण-विरोधी युद्ध ता रणनीतिक समस्यांग ना संगे घनिष्ठ रूप ते जुडे मासी मंता इंदना पोर्रे बदे डावुट हिल्ले, बारांकु इत्तेके रेंडासीना लोप्पा वेल्ले समान पोल्लो मंतांग। दूसरा बगिल छापामार युद्ध नियमित युद्ध तल अलग मंता ओसो ताना खुद ता विशेषतांग मंतांग, ओसो अदिन काजे छापामार युद्ध ता रणनीतिक समस्यांग ना वेने वेल्ले विशेष तत्व मंतांग। जापानी-आक्रमण-विरोधी युद्ध ता आम रणनीतिक उसूल कुना लोप्पा बिना हेरफेर किवा लेवा अविन छापामार युद्ध पोर्रे बिल्कुल लागू किया परमूङ्गायो, बारांकु इत्तेके अदिना वेने खास विशेषतांग मंतांग।

## अध्ययन 2

युद्ध ता बुनियादी उसूल खुद किन सुरक्षित तासना ओसो दुश्मन  
किन नष्ट कियाना मंता

छापामार युद्ध ता रणनीतिक समस्यांग ना ठोस रूप ते चर्चा कितेके मुन्ने युद्ध ता बुनियादी समस्यांग ना बारे ते मार्गदर्शक उसूल उंदे बुनियादी उसूल तल पेसिंतांगः इतेके संभव आताचोन खुद ता ताकत किन सुरक्षित तासना ओसो दुश्मन ता ताकत किन नष्ट कियाला कोशिश कियाना। क्रांतिकारी युद्ध लोप्पा इद उसूल सीधा बुनियादी राजनीतिक उसूलकुना संगे जुडमासी मंदिता। उदाहरण काजे चीन जापानी-आक्रमण-विरोधी युद्ध ता बुनियादी राजनीतिक उसूल, इतेके ताना राजनीतिक उद्देश्य जापानी साप्राज्यवाद किन बाहर पूँडाना ओसो उंदी स्वाधीन, स्वतंत्र ओसो खुशहाल पूना चीन ता निर्माण कियाना मंता। फौजी कार्यवाईंग ना क्षेत्र लोप्पा इद उसूल ता अर्थ तन्ना यायोभूमि ता रक्षा कियाना ओसो जापानी हमालवर लोर किन बाहर पूँडना काजे हथियारबंद फौज ता इस्तेमाल कियाना इंजी मंता। इद उद्देश्य किन हासिल कियाला काजे फौजी यूनिट कुना कार्यवाईंग रेंडु रकम ते दिसिंतांग- उंदी बगिल बचोन आया परिंता अचोन खुद ता ताकत किन सुरक्षित तासना ओसो दूसरा बगिल दुश्मन ता ताकत किन नष्ट कियाला कोशिश कियाना। इद्रम ता स्थिति ते माटु युद्ध लोप्पा कियाना शौर्यपूर्ण बलिदान किन प्रोत्साहन हियाना योग्यता किन बद्रम साबित किया परिंतोम? हर युद्ध तन्ना-तन्ना कीमत एतिंता, बस्के-बस्के इद कीमत वेल्ले ज्यादा मंदिता। अस्के इदिना ओसो “खुद ता सुरक्षित तासना” ता नडमा बदे अंतरविरोध हिल्ले या: लेवेके इदिनकु ज्यादा सही तरीका ते वेहतेके आत्म-बलिदान ओसो खुद बचाव कियानादु उंदी कु उंदी विपरित मंता, उंदीकु उंदी ता कमी वेने पूरा कींतांग। इदिना कारण इद्रम ता आत्म-बलिदान केवल दुश्मन किने विनाश कियाला काजे जरूरी आयावा मना सुरक्षा काजे वेने जरूरी मंता - आंशिक ओसो अस्थाई “असुरक्षा” (आत्म-बलिदान हियाना या कीमत भरपाई कियाना) चौतरफा ओसो स्थाई सुरक्षा काजे जरूरी मंता इद बुनियादी उसूल तल सब्बे फौजी कार्यवाईंग ना मार्गदर्शन कियाना उसूल कुना उंदी श्रृंखला ता जन्म आंता। निशानेबाजी ता उसूल तल पोयसी (खुद ता सुरक्षित तासला कवर पोयना ओसो दुश्मन किन नष्ट कियाला फैरिंग कियाना ताकत ता मुन्ने इस्तेमाल कियाना) रणनीति ता उसूल एवनल सब्बे उसूल इदे बुनियादी उसूल ता भावना तल पुटता। टेकनिकल, कार्यनीति, अभियान ओसो रणनीति विषय ता सब्बे उसूल इदे बुनियादी उसूल किन अमली रूप हियाना जरूरी शर्तकु मंतांगा। खुद किन सुरक्षित तास्ना ओसो दुश्मन किन नष्ट कियाना उसूले सब्बे फौजी उसूल कुना बुनियाद आंदू।

### अध्याय 3

#### जापान-विरोधी छापामार युद्ध ता छः विशेष रणनीतिक समस्यांग

इंजे माटु जापान-विरोधी छापामार युद्ध ता फौजी कार्हवाईंग लोप्पा खुद किन सुरक्षित तासना ओसो दुश्मन किन नष्ट कायना उद्देश्य हासिल कियाला काजे बद-बद नीति लेवेके उसूल किन लागू कियाना इंजी हूडाना? मति जापानी-आक्रमण-विरोधी युद्ध लोप्पा (ओसो सब्बे क्रांतिकारी युद्ध लोप्पा) छापामार दस्ता आम रूप ते बिल्कुल हिल्ले इत्तपे आता लेक्काटा स्थिति पुटिता ओसो सुडला ताकत तल विकसित आसी बेहरा ताकत लोप्पा बदले मांता, अदिन काजे अविन खुद किन सुरक्षित तासनाए आयवा तन्ना ताकत किन विस्तार कियाना वेने जरूरत मंता। अदिन काजे सवाल खुद किन सुरक्षित तासना खुद ता ताकत कुना विस्तार कियाना ओसो दुश्मन किन नष्ट कियाना ता उद्देश्य हासिल कियाना काजे बद नीति या उसूल किन लागू कियाना इंजी मंता?

मुख्य उसूल: 1) खुद ता पहल कदमी पोर्हे, लचीला तरीका ते ओसो योजना ता अनुसार रक्षात्मक युद्ध लोप्पा आक्रमणात्मक लड़ाई लड़ेमायना, दीर्घकालीन युद्ध लोप्पा तुरन्त निर्णय ता लड़ाईंग लड़ेमायना ओसो लोप्पटा सेना ता रैंक वाले कार्हवाईंग लोप्पा बाहरी सेन्य रैंक वाले कार्हवाईंग कियाना 2) नियमित युद्ध संगे तालमेल कियाना 3) आधार-क्षेत्र कुना स्थापना कियाना 4) रणनीतिक रक्षा ओसो रणनीतिक आक्रमण कियाना 5) छापामार लड़ाई किन चलायमान लड़ाई लोप्पा विकसित कियाना ओसो 6) कमांड कुना नड़मा सही संबंध बने कियाना। जापान-विरोधी छापामार युद्ध ता पूरा रणनीतिक कार्यक्रम लोप्पा इव छः पोल्लोंग शामिल मंतांग, ओसो खुद ता ताकत किन सुरक्षित तासना ओसो ताना विस्तार कियाना, दुश्मन ता विनाश कियाना ओसो अदिन पूँडाना, नियमित युद्ध संगे तालमेल बने कियाना ओसो आखरी जीत हासिल कियाला काजे इवे पोल्लोंग जरूरी साधन कुना रूप ते काम वांतांग।

### अध्याय 4

खुद ता पहलकदमी पोर्हे, लचीला तरीका ते ओसो योजना ता अनुसार रक्षात्मक युद्ध लोप्पा आक्रमणात्मक लड़ाईंग लड़ेमायना, दीर्घकालीन युद्ध लोप्पा तुरंत निर्णय ता लड़ाईंग लड़ेमायना,

## ओसो आंतरिक सैन्य-पंक्ति वाले कार्रवाईंग लोप्पा बाहरी सैन्य-पंक्ति वाले कार्रवाईंग कियाना

इद विषय किन नालुंग भाग कुने तूसिसी विचार कियमूङांता: 1) रक्षा ओसो आक्रमण ता नडमा ता संबंध, दीर्घकालीनता ओसो तुरंत निर्णय नडमा ता संबंध ओसो आंतरिक सैन्य पंक्ति ओसो बाहरी सैन्य पंक्ति नडमा ता संबंध: 2) सब्बे कार्रवाईंग लोप्पा पहलकदमी: 3) लचीला तरीका ते ताकत ता इस्तेमाल कियाना ओसो 4) सब्बे कार्रवाईंग किन योजना ता अनुसार ताकी कियाना।

मनम मुनेटा पोल्लो तल शुरू कींतोमा

माटु जापानी-आक्रमण-विरोधी युद्ध ता बारे ते पूरा विचार कित्तेके - जापान उंदी मजबूत देश मंता ओसो अद हमला कित्तोर, ओसो चीन उंदी कमजोर देश मंता ओसो अदु तना रक्षा किया मंता। इद परिस्थिति मावा युद्ध किन रणनीतिक दृष्टिकोण ते उंदी रक्षात्मक ओसो दीर्घकालीन युद्ध ता रूप हीतद मंता। सैन्य पंक्तिकुना संबंध ते हूङतेके बाहरी सैन्य पंक्ति पोर्रो कार्रवाई किया मंतोर ओसो माटु लोप्पाटा सैन्य पंक्ति पोर्रो किया मंतोमा। इद स्थिति ता उंदी पहलू आंदू मति दूसरा पहलू इदिना उल्टा मंता। दुश्मन ता फौज मजबूत मंता (हथियारकु, सैनिक लोरा उचुन विशेषतांग ओसो उचुन दूसरा तत्वा कुना दृष्टि ते), मति अव संख्या लोप्पा कम मंतांग: ओसो मावा फौज कमजोर मंता (अद्रमे, हथियारकु, सैनिक लोरा उचुन विशेषतांग ओसो उचुन दूसरा तत्व ता दृष्टि ते), मति अव संख्या लोप्पा वेल्ले ज्यादा मंता। इदे आयवा, ओसो उंदी सच्चाई मंता, विदेशी दुश्मन मावा देश पोर्रो हमला कित्ताद मंता ओसो माटु मना भूमि पोर्रो ओरा हमला ता प्रतिरोध किसोरे मंतोमा। इव सच्चाई मावा काजे बद रणनीतिक उसूल निर्धारित कींतांग अव इद्रम मंतांग: इद रणनीति ता दृष्टि ते रक्षात्मक युद्ध लोप्पा अभियान ओसो लडाईंग ना लोप्पा आक्रमणात्मक लडाईंग ताकी कियाना संभव ओसो जरूरी मंता। रणनीति ता दृष्टि ते दीर्घकालीन युद्ध लोप्पा अभियान ओसो लडाईंग ताकनास्के तुरंत निर्णय ता लडाईंग ताकी कियाना ओसो रणनीति ता दृष्टि ते लोप्पाटा सैन्य पंक्ति वाले कार्रवाईंग ना लोप्पा अभियान ओसो लडाईंग लोप्पा बाहरी सैन्य पंक्ति वाले कार्रवाईंग कियाना। पूरा जापानी-आक्रमणकारी-विरोधी युद्ध लोप्पा इदे रणनीतिक उसूल किन लागू कियाना। इद पोल्लो नियमित युद्ध ओसो छापामार युद्ध रेंडासी ना पोर्रो लागू आंता। छापामार युद्ध नियमित युद्ध तल केवल बाहरी रूप तेने अलग मंता। छापामार युद्ध लोप्पा

आक्रमण कुना रूप ते आम तौर ते आकस्मिक प्रहार मंदिंता। नियमित युद्ध लोप्पा आकस्मिक प्रहार ता कार्यनीति लागू कियमूळांता ओसो लागू कियाना जरूरी वेने मंता। मति इद्रम ता युद्ध लोप्पा दुश्मन पोरों कित्ता हमलांग ना आकस्मिकता अपेक्षाकृत कम मंदिंता। छापामार लडाई लोप्पा फौजी कार्बवाईंग ना तुरंत निर्णय ता जरूरत वेल्ले ज्यादा मंता, मति अभियान ओसो लडाईंग लोप्पा दुश्मन किन घेराव कियाना काजे मावा बाहरी सैन्य पंक्ति वाले चक्रव्यूह वेल्ले सुडला मंदिंता। इव सब्बे पोल्लोंग इवे नियमित लडाई तल अगल बने किसिंता।

इद्रम हूळतेके छापामार दस्ता किन मना फौजी कार्यवाहिंग लोप्पा आया परताचोन ज्यादा सेना किन केंद्रित कियाना, गुप्त रूप ते ओसो तेजी ते कार्बवाई कियाना, दुश्मन पोरों अचानक हमला कियाना ओसो लडाईंग किन उब्बय खत्म कियाना जरूरत मंदिंता ओसो अविन निष्क्रिय रक्षा कियाना, टालमटोल कियाना ओसो मुठभेड़ तुकू मुन्ने सेना किन विकेंद्रिकरण कियाना तुकू बचेमायना। तीना लोप्पा बदे शक हिल्ले, छापामार युद्ध लोप्पा केवल रणनीतिक रक्षाए शामिल आयवा कार्यनीतिक रक्षा वेने शामिल आंता। छापामार युद्ध कार्यनीतिक रक्षा लोप्पा लडाई ताकनास्के दुश्मन किन रोमी कीसि तासना ओस चौकी बने कियाना कार्बवाई कियाना, कोंदा हर्री, फौजी महत्व ता डेरा, डोड्डांग लेवेके नाहकु इद्रम ता जागांग लोप्पा प्रतिरोध काजे सेना तैनात कियाना, इद्रम इतेके दुश्मन किन ज्यादा से ज्यादा नुकसान कियाना लेक्काटावु शामिल मंतांग। मति छापामार युद्ध ता बुनियादी उसूल आक्रमण कियाना मंदाना, ओसो इद युद्ध ता स्वरूप नियमित युद्ध तल बचोनो ज्याद आक्रमणात्मक मंदिंता। इदे आयवा इद आक्रमण आकस्मिक हमला ना रूप ते कियाना, ओसो छापामार लडाई लोप्पा पोंगडिंग तरीका ते खुद ता ताकत किन प्रदर्शन कियाना ओसो खुद किन प्रकट कियाना नियमित लडाई लोप्पा इद्रम कियाना तुकू बचोनो ज्यादा गलत मंदिंता। बारांकु इतेके दुश्मन ताकतवर मंता ओसो माटु कमजोर मंतोम, अदिन काजे छापामार कार्बवाईंग लोप्पा लडाईंग ना तुरंत निर्णय कियाना जरूरत आम रूप ते नियमित लडाई तुकू वेने ज्यादा बेरसिंता, उचुन मौकांग पोरों छापामार लडाई बचोनो दिय्या एवनल ताकतेके, इतेके दुश्मन ता टीम सुडला ओसो अलग-थलग अरता टुकडी पोरों हमला कियानास्के संभव आता लेक्का मंता। छापामार लडाई किन अदिना विकेंद्रिकरण स्वरूप ता कारण ते हर जागा फैले किययमूळांता। ओसो अदिना वेल्ले काम लोप्पा, इतेके उक्का-बक्का कियाना, रोमी कियाना, तोडफोड कियाना ओसो मास वर्क कियाना लोप्पा अदिना उसूल खुद ता

सेना किन विकेंद्रिकरण कियाना मंदिता। मति उंदी छापामार यूनिट या उंदी छापामार फारमेशन दुश्मन ता सफाया कियाना विशेषकर दुश्मन ना हमला किन तहस-नहस कियाना कोशिश मंदानास्के अदिन तन्ना मुख्य सेना किन जरूर केंद्रित कियाना। “दुश्मन ता सुडला टीम पोर्टे हमला कियाला काजे बेहरा ताकत किन केंद्रित कियाना”-इद छापामार युद्ध ता रणभूमि लोप्पा कियाना कार्रवाईंग ना उंदी उस्ल आंदू।

इद्रम इद वेने हूडतेके पूरा जापानी-आक्रमण-विरोधी युद्ध किन ध्यान ते तासतेके, नियमित ओसो छापामार रेंडासी रकम ता लड़ाईंग ताकानास्के अभियान कु ओसो लड़ाईंग लोप्पा वेल्ले आक्रमणात्मक लड़ाईंग ना कलिसि मंदना प्रभाव संगेने माटु रणनीतिक रक्षा ता मना लक्ष्य किन पूरा किया परिंतोम ओसो आखिर ते जापानी साप्राज्यवाद किन हारे किया परिंतोम। अभियान ओसो लड़ाईंग लोप्पा तुरंत निर्णय ता वेल्ले लड़ाईंग ना कलिसि मंदना प्रभाव संगेने, इतेके वेल्ले अभियान कु ओसो लड़ाईंग लोप्पा ताकी कित्ता आक्रमणात्मक लड़ाईंग लोप्पा तुरंत निर्णय ता कारण ते दोरकी कित्ता जीत कुना संगेने माटु युद्ध किन दीर्घकालीन बने कियाना रणनीतिक उद्देश्य लोप्पा सफल आया परिंतोम, इतेके मना प्रतिरोध ताकत बेरसी कियाला काजे समय दोरकी किया परिंतोम, ओसो संगेने अंतर्राष्ट्रीय परिस्थिति बदलेमायना ओसो दुश्मन ता अन्दरूनी रूप खत्म आयना प्रक्रिया किन तेज किया परिंतोम, लेवेके इदिना हर्गी हूडा परिंतोम, इद्रम कित्तेके माटु रणनीतिक प्रत्याक्रमण किया परिंतोम ओसो जापानी हमलावर लोर किन चीन तल बाहर पूँडा परिंतोम। अदु रणनीतिक रक्षा ता काल मत्तेकाई ओसो रणनीतिक प्रत्याक्रमण ता काल मत्तेकाई माटु हर लड़ाई लोप्पा मना विकेंद्रित सेना किन केंद्रित कियाना, अस्के माटु दुश्मन किन धेरे किया परिंतोम ओसो खत्म किया परिंतोम, ओसो दुश्मन किन पूरा धेरे किया परवेकाई अदिना उंदि हिस्सा किन जरूर धेरे कियाना धेरे कित्ता दुश्मन किन पूरा खत्म कियाना परवेकाई अदिना उंदी हिस्सा किन जरूर खत्म कियाना ओसो धेराव ते वाता सिपाही लोरकिन वेल्ले संख्या ते बंदी बने किया परवेके कम से कम वेल्ले संख्या ते हौकना लेवेके धायल जरूर कियाना। दुश्मन ता विनाश कियाना इद्रम ता बचोनो लड़ाईंग ना कलिसि मंदना प्रभाव संगे ने माटु खुद ता ओसो दुश्मन नड़मा ता स्थिति लोप्पा परिवर्तन तत्ता परिंतोम, दुश्मन ता रणनीतिक धेरबंदी किन पूरा नष्ट किया परिंतोम, इतेके बाहरी सैनिक स्तर ता फौजी कार्रवाईंग ना योजना किन पूरा तहस-नहस किया परिंतोम, ओसो आखिर ते अंतर्राष्ट्रीय ताकत कु ओसो जापानी

जनता ना क्रांतिकारी संघर्ष संगे तालमेल बने कीसि जापानी साप्राज्यवाद ता घेराव किया परिंतोम ओसो उंदे बेरा ध्वस्त किया परिंतोम। इव सफलतांग मुख्य रूप नियमित लड़ाई संगेने हासिल किया परिंतोम, ओसो छापामार लड़ाई केवल गौण भूमिका निभे कियार। मति नियमित लड़ाई ओसो छापामार लड़ाई लोप्पा समान मंदाना पोल्लोंग बचोनो मुडला जीत किन उंदी बेहरा जीत लोप्पा बदले कीयनवु। जापानी-आक्रमण-विरोधी युद्ध लोप्पा छापामार युद्ध ता महान रणनीतिक भूमिका इदे आंदू।

इंजे छापामार युद्ध लोप्पा पहलकदमी, लचीलेपन ओसो योजना ता सवाल पोरों विचार कियाकाल।

छापामार युद्ध लोप्पा पहलकदमी इत्तेके बाताल?

बदे वेने युद्ध लोप्पा रेंडु आपसी विरोधी पक्ष रणभूमि लोप्पा, रणक्षेत्र लोप्पा, युद्ध-क्षेत्र लोप्पा ओसो पूरा युद्ध लोप्पा पहलकदमी खुद ता कैदे तासना कोशिश किंतोर, बारांकु इत्तेके पहलकदमी कैदे मंदाना इत्तेके सेना काजे फौजी कार्रवाई ता स्वतंत्रता मंदाना आंता। बद फौज ते पहलकदमी मनो आंता, तन्ना कार्रवाई काजे ताना कैदे स्वतंत्रता मनो आंता अद मजबूर आसी निष्क्रिय स्थिति लोप्पा फसे मांता, ओसो नष्ट आयना लेवेके हारेमायना खतरा ते अरिंता। स्वभावतः रणनीतिक रक्षात्मक ओसो लोप्पटा सैनिक पंक्ति ता कार्रवाईंग लोप्पा पहलकदमी हासिल कियाना अपेक्षाकृत कठिन मंता, ओसो बाहरी सैनिक पंक्ति ता आक्रमणात्मक कार्रवाईंग लोप्पा पहलकदमी हासिल कियाना अपेक्षाकृत हल्कोए मंदिंता। मति जापानी साप्राज्यवाद लोप्पा रेंडु बुनियादी कमोजोरिंग मंतांग, इत्तेके तनगा फौज ता कमी मंता ओसो अद उंदी विदेशी भूमि पोरों लडेमाया मंता। इदे आयवा जापान लोर चीन ता ताकत किन कम कीसि हूडाना ओसो जापानी युद्ध-सरदार लोरा अन्दरूनी अन्तरविरोध कुना कारण ते अद सैन्य-संचानल लोप्पा वेल्ले गलतिंग कित्ता, फौजी ताकत किन उचुन-उचुन कीसि एवसी कियाना, रणनीति लोप्पा तालमेल ता कमी मंदाना, उचुन मौकांग ने हमला किन मुख्य दिशा हिल्वा मंदाना, उचुन फौजी कार्रवाईंग लोप्पा बेसता मौकांग कैदल दायला हियाना ओसो घेराव लोप्पा अरता मना सेना किन नष्ट कियाना लोप्पा असफल आयाना। इव सब्बे पोल्लोंग साप्राज्यवाद ता तीसरी कमजोरी समझेमायमूड़ांता। इद्रम ता आक्रमणात्मक कार्रवाईंग ओसो बाहरी सैनिक पंक्ति ता कार्रवाईंग ना अनुकूल स्थिति ते मत्तेकाई जापानी युद्ध-सरदार लोरा कैदे पहलकदमी तीरम-तीरम दाया मंता, बारांकु इत्तेके

ओर फौज ता कमी मंता (जापानी सुडला प्रदेश ओसो कम जनसंख्या मंदा देश आंदू, लेकटवि), बारांकु इत्तेके ओरु विदेशी भूमि पोर्रे लड़ेमाया मंतोर (ओरा ताकी कियाना युद्ध उंदी साप्राज्यवादी ओसो बर्बरतापूर्ण युद्ध आंदू, लेक्काट), ओसो बारांकु इत्तेके ओरा सेना ता संचालन बक्कवाल मंता। इंजे जापान युद्ध खत्म कियाला आल्सो ओसो इद्रम कियाला वेने तैयार हिल्लो। ओसो अद मना रणनीतिक आक्रमण किन वेने रोमी किसोर हिल्लो। अद्रम आतेकाई आम रुझान कुनगडल अदिना मूँड कमोजोरिंग ना कारण ते आक्रमण उचुन सीमित आता लेकका दिसिंताः अद असीमित रूप ते पूरा चीन किन कब्जी कियाला तैयार हिल्लो। इंजेटले इद पोल्लो ता लक्षण दिस्सा मंतांग। इत्तेके बस्केनाई जापान खुद किन बिल्कुल निष्क्रिय स्थिति लोप्पा अरियरा दूसरा बगिल चीन युद्ध ता शुरुआती चरण ते वेल्ले निष्क्रियता ता स्थिति लोप्पा मंता, मति अनुभवो दोरकी कित्ता पेरके इंजे अद चलायमान लड़ाई कियाना पूना नीति बगिल, तुरंत निर्णय ता लड़ाईंग लड़ेमायना ओसो बाहरी सैन्य पंक्ति ता कार्वाईंग कियाना नीतिंग बगिल मल्ला मंता, अद व्यापक रूप ते छापामार लड़ाई ताकी कियाना नीति संगे कलियसी चीन किन कदम-ब-कदम पहलकदमी खुद ता कैदे पोयना स्थिति लोप्पा एवसी कियाला मदद किया मंता।

छापामार युद्ध काजे पहलकदमी ता सवाल ओसो वेने महत्वपूर्ण मंता। बारांकू इत्तेके छापामार दस्ता किन ज्यादातर बदे पृष्ठभाग हिल्वा कठिन परिस्थिति लोप्पा कार्वाई किया लागिंता, दुश्मन ता मजबूत ताकत ता मुकाबला ते ओरा खुद ता ताकत कमजोर मंदिंता, अविना लोप्पा (पूना गठित आता छापामार दस्तांग लोप्पा) अनुभव ता कमी मंदिंता, अद एकीकृत हिल्लवा मंदिंता, लेककाटवु। अद्रम मत्तेके वेळेने छापामार युद्ध लोप्पा माटु पहलकदमी दोरकी किया परिंतोम, मति इदिना मुख्य शर्त बाता मंता इत्तेके माटु पोर्रे वेहत्ता दुश्मन ता मूँड कमजोरिंग ना फायदा तेहाना। दुश्मनग फौज कुना कमी मंदाना ता (पूरा युद्ध ता दृष्टि ते) फायदा तेहाना, छापामार दस्ता साहस ता संगे विशाल इलाका किन तन्ना कार्वाईंग क्षेत्र ता रूप ते इस्तेमाल किया परिंता: मना दुश्मन उंदी विदेशी हमलावर आंदुर ओसो अद वेल्ले बर्बरतापूर्ण नीतिंग पोर्रे अमल किया मंता इंदाना पोल्लो ता फायदा तेहची, छापामार दस्ता साहस संगे कोटि-कोटि जनता ना समर्थन दोरकी किया परिंता: ओसो दुश्मन ता सेना ता संचालन लोप्पा मंदाना बक्कवाल बुद्धि ता फायदा तेहची छापामार दस्ता तन्ना होशियारी ते तन्ना बुद्धि ता पूरा इस्तेमाल किया परिंतांग। दुश्मन किन होरे कियाना काजे नियमित सेना किन वेने अदिना इव सब्बे कमजोरिंग ना

फायदा तेहाना, मति छापामार दस्ता काजे इद्रम कियाना ओसो वेने वेल्ले जरूरी मंता। खुद छापामार दस्ता ना कमजोरी कुना बोरे ते हूँडतेके अविन संघर्ष ताकानास्के तीरम-तीरम कम किया परमूँडांता। इदे आयवा बस्के-बस्के छापामार दस्ता ना कमजोरिंगे पहलकदमी दोरकी कियाला काजे सही परिस्थिति पुट्टी कींतांग उदाहरण काजे छापामार दस्ता सुडला मंदाना कारण ते एव दुश्मन ता पृष्ठभाग लोप्पा तन्ना कार्रवाईंग लोप्पा गुप्त तरीका लागू किया परितांग ओसो अगाटल गायब आया परितांग अद्रमासी दुश्मन अदिना बाता किया परवोर आंतोरः इद्रम अविन कार्रवाईंग कियाना ता बचोन ज्यादा आजादी मंदिंता अचोन बेहरा नियमित सेना किन बस्केय मन्नो आंता।

दुश्मन बस्के छापामार दस्ता पोर्रो नालुंग बगिल तल हमला किसोरे मंतोरो अस्के छापामार दस्ता पक्काए मुश्किल ते पहलकदमी तना कैदे तासा परितोर ओसो अदिन पोहमुङ्ग वेने आंता। इद्रम ता परिस्थिति लोप्पा गलत अनुमान वाटतेके, गलत तरीका ते सेना ता तैनाती कित्तेके छापामार दस्ता निष्क्रियता ता स्थिति ते फसे माया परिता। अद्रम आसी दुश्मन ता कई बगिल तल कियाना हमलांग किन तहस-नहस कियाना लोप्पा असफल आया परिता। दुश्मन रक्षात्मक ओसो माटु आक्रमणात्मक स्थिति ते वांतोम अस्के वेने इद्रम ता परिस्थिति वाया परिता। इद्रम ता स्थिति बारांकु वाया परिता इतेके, मना ओसो दुश्मन ता परिस्थिति ता सही तरीका ते आंकलन कीसि सही तरीका ते सेना ता तैनाती ओसो राजनीतिक तैनाती कीसि पहलकदमी कैदे पोयवेके। वस्तुगत परिस्थिति अनुरूप हिल्वा निराशापूर्ण आंकलन कित्तेके, ओसो अदिना कारण ते निष्क्रिय तरीका ते तैनाती कित्तेके डावुट हिल्वा पहलकदमी कैदल दांता ओसो माटु खुद निष्क्रियता ता परिस्थिति ते अरिंतोमा। दूसरा बगिल वस्तुगत परिस्थिति अनुसार हिल्वा वेल्लेय आशापूर्ण आंकलन कीसि खतरनाक तरीका ते सैन्य तैनाती कित्तेके वेने पहलकदमी कैदे मन्नों आयर ओसो आखरी ते निराशावादिर बद परिस्थिति लोप्पा फंसे मांतोरो अदे परिस्थिति लोप्पा माटु वेने फंसे मांतोम। पहलकदमी बोरे निपुण मंदाना मानेय किने पेन हिता प्राकृतिक चीज आयो, पहलकदमी उंदी बुद्धिमान नेता किन खुल्ला दिमाग ते अध्ययन कीसि, वस्तुगत परिस्थिति ता सही तरीका ते आंकलन कीसि ओसो सही तरीका ते सेना ता तैनाती ओसो राजनीतिक तैनाती कीसिए दोरकिंता। अदिन काजे पहलकदमी बदे मुन्ने ने पंडता बदे चीज आयो अदिन दोरकी कियाला सचेत आसी कोशिश किया लागिंता।

बस्के छापामार दस्ता बदे गलत आंकलन ओसो गलत तैनाती ता कारण ते लेवेके असहनीय दबाव ता कारण ते निष्क्रियता ता परिस्थिति ते फसेमांता असके अद स्थिति तिचि बाहर पेसला कोशिश कियाना। इद काम बद्रम कियाना इंदानदु अद परिस्थिति पोर्ह निर्भर आसी मंदिंता। अदिन काजे वेल्ले परिस्थितिंग लोप्पा “ताकना” जरूरी मंदिंता। ताकना लोप्पा तैयार मंदाना छापामार दस्तांग ना उंदी विशेषता मंदिंता। निष्क्रियता ता परिस्थिति तल पेसला ओसो दोबारा पहलकदमी दोरकी कियाना उंदी मुख्य तरीका ताकना आंदू मति इदे उंदी इंजी आयो। बद समय ते दुश्मन सबसे ज्यादा सक्रिय मंदिंतोर ओसो माटु सबसे कठिन परिस्थिति ते मंतोम, अदे समय ते दुश्मन काजे प्रतिकूल परिस्थिति ओसो मना काजे अनुकूल परिस्थिति ता शुरूआत वेने आंता। ज्यादातर “उचुन कालम काजे टिकेमासी मंदाना” ता कोशिश तुकू अनुकूल परिस्थिति दोबारा वाया परिता ओसो पहलकदमी वेने दोबारा दोरकी किया परमूङ्ठांता।

इंजे माटु लचीलापन ता बारे ते विचार कियाकाल।

लचीलापन पहलकदमी ता ठोस रूप आंदू ताकत कुन लचीला तरीका से इस्तेमाल कियाना नियमित युद्ध तुकू छापामार युद्ध लोप्पा बचोनो जरूरी मंदिंता।

उंदी छापामार कमांडर किन तन्ना ओसो दुश्मन नडमा ता परिस्थिति किन बदले कियाना ओसो पहलकदमी दोरकी कियाना सबसे ज्यादा महत्वपूर्ण तरीका मना ताकत कुना लचीला तरीका ते इस्तेमाल कियाना आंदू इंजी समझेमायाना। छापामार युद्ध ता स्वरूपे मुने मंदाना काम ओसो दुश्मन, धरातल ओसो स्थानीय निवासी लोरा परिस्थिति ता अनुसार छापामार ताकत कुना लचीला तरीका ते इस्तेमाल कियाना जरूरी आंता, ओसो अविन काम ते वाटना मुख्य तरीका अविन विकेंद्रिकरण कियाना, केंद्रित कियाना ओसो स्थानान्तरित कियाना आंदू मना ताकत कुना इस्तेमाल कियाना लोप्पा छापामार कमांडर किन वद्दी किन जेक एवनल फैले किया परना ओसो अदिन जम्मा वेने किया परना लेक्काटोर वरोर जाल वाटसी कीके पोयनोरा लेक्का मंदाना। वद्दी वाटनास्के कीके पोयानोर किन मुने एर बचोन गुंडा, बचोन स्पीड पोंगिता ओसो ताना बदे समस्या मंता या हिल्ले इंदानदु समझेमाया लागिंता। अद्रमे कमांडर किन वेने तन्ना दस्तांग किन विकेंद्रित कियानास्के परिस्थिति ता गैर-जानकारी या गलत पहलकदमी कित्ता कारण ते दलम किन बदे नुकसान आयनायो इंदानदु ध्यान तासना। बद हिसाब ते किके पोयनोर वद्दी किन मूटा कियाला काजे डोरी ता उंदी कोना किन मंजबूत पोयसी मंदा लागिंता,

अद्रमे छापामार कमांडर किन वेने तन्ना सब्बे ताकत कुना संपर्क तासना ओसो सूचना ता आदान-प्रदान कियाना जारी तासना ओसो तन्ना मुख्य ताकत कुना जरूरी हिस्सा किन तन्ना कैदे तासना। बद हिसाब ते कीके पोयनोर हमेशा तन्ना जागा बदली किया लागिंता, अद्रमे छापामार दस्ता किन वेने हमेशा तन्ना जागा बदले किसोर मंदाना। विकेंद्रित, केंद्रित कियाना ओसो स्थानान्तरित कियाना, छापामार युद्ध लोप्पा ताकत कुना लचीला तरीका ते इस्तेमाल कियाना मूँड तरिकांग आंदुंगा।

आम रूप ते छापामार दस्ता किन वेकेंद्रित कियाना तरीका, इतेके “संपूर्ण किन हिस्सांग कियाना” ता तरीका मुख्य रूप ते इद्रम ता परिस्थिति लोप्पा लागू कियमूँडांता: 1. माटु मुन्नेटल व्यापक हमला कीसि दुश्मन किन धमकी हियाला आल्सा मंतोम अस्के, बारांकि इतेक अद रक्षात्मक परिस्थिति लोप्पा मंता ओसो कार्रवाई कियाना काजे तन्ना फौज किन केंद्रित कियाना मौका इंजे मन्ना कैदे मंता इंदानास्के: 2. माटु उंदी दुश्मन ता ताकत कमजोर मंदाना इलाका लोप्पा दुश्मन किन व्यापक रूप ते उक्का-बक्का कियाना ओसो तोडफोड कियाला आल्सा मंतोम अस्के: 3. माटु दुश्मन ता धेरेबंदी किन तोडे किया परवास्के ओसो अदिना धेराव तल पेसला काजे खुद किन एक्सपोज आयवा लेवा मंदाला कोशिश कियानास्के: 4. माटु बदे इलाका ता टैरैन या रसद-सप्लाई ता कारण ते अटके मात्तास्के: लेवेके 5. माटु बदे विशाल क्षेत्र लोप्पा मास वर्क कियाला लोप्पा व्यस्त आतास्के। मति हर परिस्थिति लोप्पा, कार्रवाई कियाला काजे विकेंद्रित कियानास्के माटु इव पोल्लोंग पोर्टोंध्यान हियाना: 1. माटु मना ताकत कुना बिल्कुल समान रूप ते बस्केने विकेंद्रित कियवा, अविना उंदी अपेक्षाकृत बेहरा हिस्सा किन बदे फौजी दांवपेंच काजे सुविधा मंदाना जागा ते तासना, अद्रम कित्तेके बद्रमाई पुडुना एमजैंसी परिस्थिति ता सामाना किया परमूँडांता ओसो विकेंद्रित कियानास्के कियाना काम ता केंद्र-बिन्दु निल्पी कियमूँडांता: ओसो 2. विकेंद्रित आयना दस्तांग काजे स्पष्ट रूप ते काम, कार्रवाईंग ना इलाका, कार्रवाईंग ना समय, दोबागा कलियाना जागा ओसो संपर्क तासना तरीकांग तय कियाना।

ताकत कुन केंद्रित कियाना इतेके “हिस्सांग किन जोडे कीसि संपूर्ण रचना कियाना” ता तरीकांग आम रूप ते दुश्मन आक्रमणात्मक परिस्थिति लोप्पा मंदानास्के अदिना विनाश कियाला काजे, ओसो बस्के-बस्के अद रक्षात्मक परिस्थिति लोप्पा मंदानास्के अदिना उचन स्थिर मंदाना टीम कुना विनाश कियाला काजे लागू कियमूँडांता। ताकत कु केंद्रित कियाना इतेके अविन किन निरपेक्ष रूप ते

केंद्रित कियाना आयवा बदे उंदी महत्वपूर्ण दिशा ते इस्तेमाल कियाला काजे मुख्य ताकत किन केंद्रित कियाना ओसो दूसरा दिशा ते दुश्मन किन रोमी कीसि तासना, उक्का-बक्का कियाना, तोडफोड कियाना या मास वर्क कियाना काजे अविना उंदी हिस्सा किन बचे कियाना, लेवके लोहचियाना मंदिता।

बद्रमाई परिस्थिति ता अनुसार लचीला तरीका ते ताकत किन विकेंद्रित लेवेके केंद्रित कियाना छापामार युद्ध ता मुख्य तरीका मंदिता, मति मनम अविन लचीला तरीका ते बद्रम गुची कियाना (या स्थानान्तिरित कियाना) इंदानदु पुंदाना। दुश्मन किन छापामार लोरा बगिल तल गंभीर खतरा मत्ता लेक्का आंता, अस्के ओरु अविन खत्म कियाना या अविन पोरो हमला कियाला काजे तन्ना फौज किन लोहिंतोरा अदिन काजे छापामार दस्ता किन तन्ना परिस्थिति पोरो विचार कियाना जरूरत मंदिता। ओरा काजे लड़ेमायना सही मतेके, ओरकिन ओरु मत्ता जागा ते मंजीए लड़ेमायना: ओसो लड़ेमायना सही हिल्वेके ओरकिन दूसरा जागा ते तुरंत बदली कियाना मौका किन कैदल दायला हियानायो। बस्के-बस्के दुश्मन ता टीम किन उंदी-उंदी कीसि तहस-नहस कियाना, अस्के छापामार दस्ता उंदी जागा ते दुश्मन ता फौज किन खत्म कित्ता तुरंत पेरके दुश्मन ता दूसरा फौज किन खत्म कियाला काजे बदे दूसरा जागा ते दाया परिता: बस्के-बस्के बदे लड़ेमायला काजे सही हिल्वा मंदाना जागा ते दुश्मन संगे तुरंत लडाई बंद कीसि दूसरा जागा ते लड़ेमायला काजे दाया लागिंता। बदे खास जागा ते दुश्मन ना बगिल तल विशेष रूप ते गंभीर खतरा पुटातास्के छापामार यूनिट किन वेल्ले टाईम एवनल अगा रोमवा लेवा बिजली लेक्का तेजी ते अगाटल पेरके गुचना। आम रूप ते फौजी ताकत कुना स्थानान्तरण गुप्तरूप ते ओसो तेजी ते आयाना। दुश्मन ता कोंडा ते मंडुल वाटसी, अदिन लालच हियाना ओसो भ्रम ते वाटना काजे लगातार डांवपेंच कुना इस्तेमाल किसोरे मंदना, पूरब लोप्पा हमला ता दिखावा कीसि पश्चिम ते हमला कियाना, बस्केने उत्तर ते बस्के ने दक्षिण ते दिस्साना, हौकता पेरके तुरंत वित्तना, नरका कार्रवाईंग कियाना लेक्काटवु।

छापामार युद्ध लोप्पा फौज किन विकेंद्रित कियाना, केंद्रित कियाना ओसो अविना स्थानान्तरण कियाना लोप्पा लचीलापन ता पहलकदमी ता ठोस चिन्हा मंता, ओसो गैर-लचीलापन ओसो गतिहीन ता फलस्वरूप निष्क्रियता ता परिस्थिति पुटना ओसो अंगडम ता नुक्सान जरूर आंता। मति बोराई कमांडर होशियार मतेके केवल ओरु तन्ना दस्तांगनाए लचीलापन ते इस्तेमाल कियाना ता महत्व किन

समझेमातोर या मायोर इंजिए हूडमूडायवा ओरु विशेष परिस्थिति ता अनुसार सही समय ते तना दस्तांग किन विकेंद्रित, केंद्रित कियाना ओसो स्थानान्तरिक कियाना लोप्पा बचोन बेस मंतोर इंजी हूडाना। बदलाव किन मुनेटले समझेमायना ओसो सही कार्रवाई कियला काजे मौका ता चुनाव कियाना क्षमता हासिल कियाना हल्को हिल्ले: बोर इदिन जीवा कीसि अध्ययन कींतोर ओसो मेहनत कीसि जांच-पड़ताल किंतोर ओसो समस्यांग पोर्हे विचार कींतोर केवल ओरा लोप्पाने इद्रम ता क्षमता मंदिता। लचीलापन किन मनमानी कार्रवाई ता रूप एतला मौका हियाना आयो इदिनगडल बचे मायला हमेशा परिस्थितिंग पोर्हे गंभीरता ते विचार कियाना जरूरी मंदिता।

आखिर ते माटु योजना पंडना सवाल किन हूडाकाल।

बिना योजना छापामार युद्ध लोप्पा जीत हासिल कियाना मुश्किल मंता। छापामार युद्ध किन योजना हिलवा ताकि कियाना लेवेके छापामार युद्ध किन केवल उंदी खेल समझेमायना इतेके छापामार युद्ध बारे ते जानकारी हिल्वा मंदाना ता चिन्हा आंदू। बदे पूरा छापामार इलाका ता कार्रवाईंगे लेवेके उंदी छापामार यूनिट या छापामार फारमेशन ता कार्रवाई तुकू मुन्ने, आया परताचोन वेल्ले विस्तार ते योजना बने कियाना, इदिन किने हर कार्रवाई कियाना तुकू मुन्ने तैयारी कियाना इंतोरा परिस्थिति किन समझेमायाना, काम किन निश्चित कियाना, सेना ता तैनाती कियाना, फौजी ओसो राजनीतिक प्रशिक्षण हियाना, रसद-सप्लाई ता व्यवस्था कियाना, साजो-सामान ता बेस व्यवस्था कियाना, जन-समुदाय तल दोरकना मदद किन सही तरीका ते इस्तेमाल कियाना लेक्काटवु सब्बे छापामार कमांडर लोरा काम आंदू ओरु इविना पोर्हे वेल्ले गहराई ते विचार कियाना, इविन गंभीरता ते पूरा कियाना ओसो इविना जांच किसोरे मंदाना। ओरु बस्के एवनल इद्रम कीवोर अस्के एनवल पहलकदमी दोरकी किया परवोर, लचीलापन लागू किया परवोर ओसो हमला किया परवोरा छापामार युद्ध ता लोप्पा नियमित युद्ध लोप्पा संभव मंदाना अचोने पोर्हे स्तर ता योजना बनेमाया परवो ओसो छापामार युद्ध लोप्पा वेल्ले विस्तृत योजना बने कियाना वेंने गलत आंता। मति अस्के वेने वस्तुगत परिस्थितिंग किन हूडसी परताचोन विस्तृत योजना बने कियाना, बारांकु इतेके दुश्मन संगे लडेमायना बदे हंसी-मजाक ता खेल आयो।

पोर्हे वेहता पोल्लोंग छापामार युद्ध ता रणनीतिक उसूल कुना लोप्पा मुनेटा उसूल किन तोहिंता- इतेके मना पहलकदमी पोर्हे लचीला तरीका ता ओसो योजना

ता अनुसार रक्षात्मक युद्ध लोप्पा आक्रमणात्मक लड़ाईंग लड़ेमायना, दीर्घकालीन युद्ध लोप्पा तुरंत निर्णय ता लड़ाईंग लड़ेमायना ओसो लोप्पाट सैन्य पंक्ति ता कार्रवाईंग लोप्पा बाहरी सैन्य पंक्ति ता कार्रवाईंग कियाना नीति किन कार्य रूप ते बदले कियाना मत्ता। उंदी बेरा समस्या हल आता इतेके फौजी कमांड ता संबंध किन हूँडतेके, छापामार युद्ध लोप्पा जीत हासिल कियाना पक्का गारन्टी आंता।

बद्रमाई इग्गा विभिन्न समस्यांग ना बारे ते चर्चा किताद मंता, मति इव सब्बे पोल्लोंग अभियानकु ओसो लड़ाईंग लोप्पा आक्रमणात्मक कार्रवाई किन केंद्र बने कीसिए वडकताद मंता। आखरी रूप ते पहलकदमी बदे आक्रमणात्मक कार्रवाई लोप्पा सफलता दोरकी कित्तास्केने दोरकी कियमूँडांता। मना सब्बे आक्रमणात्मक कार्रवाईंग बदे मजबूरी कारण ते आयवा लेवा मनाए पहलकदमी ते आयना। ताकतकुना लचीला इस्तेमाल आक्रमणात्मक कार्रवाई कियाना कोशिश कुना आसपास वेलियंता, ओसो इद्रमे, आक्रमणात्मक कार्रवाई लोप्पा जीत हासिल कियाला काजे योजना बने कियाना जरूरी मंदिंता। कार्यनीतिक रक्षा ता तरीका किन बदे आक्रमणात्मक कार्रवाई लोप्पा प्रत्यक्ष या परोक्ष रूप ते मदद कियाना भूमिका ते अलग कितेके, अब बेकार आंता। तुरंत निर्णय इतेके आक्रमणात्मक कार्रवाई ता समय आंदू ओसो बाहरी सैन्य पंक्ति इतेके आक्रमणात्मक कार्रवाई ता लोप्पा मंदाना आंदू। दुश्मन किन ध्वस्त कियाना ता केवल साधन आक्रमणात्मक कार्रवाईए आंदू ओसो तन्ना रक्षा ता वेने इदे मुख्य साधन आंदू। विशुद्ध रक्षा ओसो पेरके गुचना तन्ना रक्षा कियाना ता बारे ते केवल अस्थाई ओसो आंशिक भूमिका निभे कींता, ओस दुश्मन किन नष्ट कियाला काजे इतेके बिल्कुल बेकार साबित आंतांग।

इद उसूल नियमित युद्ध ओसो छापामार युद्ध रेंडासी ना काजे बुनियादी रूप ते उंदी लेकका मंता। केवल इदिना बाहरी रूप कुना लोप्पाने भेद मंता। मति छापामार युद्ध लोप्पा इद भेद पोर्रो ध्यान हियाना महत्वपूर्ण ओसो जरूरी मंता। मना बाहरी रूप कुना इदे भेद कुना कारण ते छापामार युद्ध कुना कार्रवाई ता तरीकांग नियमित युद्ध कुना कार्रवाई ना तरीकांग नगडल अलग मंदिंतांग। माटु इव रेंडु अलग-अलग बाहरी रूप किन उंदी-दूसरा संगे लेसी कींतांग अस्के छापामार युद्ध लोप्पा जीत हासिल कियाना मुश्किल आयार।

## अध्याय 5

### नियमित युद्ध संगे तालमेल

नियमित युद्ध संगे तालमेल बने कियाना छापामार युद्ध ता दूसरा रणनीतिक विषयकुना समस्या आंदू। इद छापामार कार्रवाईंग ना वास्तविक स्वरूप अनुसार कार्रवाई ता स्तर ते छापामारा युद्ध ओसो नियमित युद्ध नडमा मंदना संबंध किन स्पष्ट कियाना समस्या आंदू। दुश्मन किन सही तरीका ते हारे कियाना संबंध किन समझे मायना वेल्ले महत्वपूर्ण मंता।

छापामार युद्ध ओसो नियमित युद्ध नडमा मूँड रकम ता तालमेल मंदिंतांगः रणनीति लोप्पा, अभियान लोप्पा ओसो लड़ाईंग लोप्पा।

पूर्ण रूप ते दुश्मन ता पृष्ठभाग लोप्पा ताकी कियाना छापामार युद्ध, इतेके दुश्मन किन कमजोर किसिंता, युद्ध किन रोमी कीसि तासिंता, अदिना सप्लाई किन रोमी कींता, ओसो पूरा देश ता नियमित सेनांग ओसो जनता ना उत्साह किन पोरों तेहाना आंदू, इद्रम आसि छापामार युद्ध रणनीतिक दृष्टि ते नियमित युद्ध संगे तालमेल बने किंता। उदाहरण काजे देशव्यापी प्रतिरोध युद्ध शुरू आयना तुकू मुने मूँडु उत्तर-पूर्वी प्रान्त लोप्पा ताकी कियाना छापामार युद्ध लोप्पा तालमेल बने कियाना समस्या वायो, मति पोरों वेहता युद्ध शुरू आता ऐरेके तालमेल बने कियाना महत्व स्पष्ट रूप ते मुने वातदु मंता। अगाटा छापामार दलम दुश्मन ता वरोर वेने ज्यादा सिपाही किन हौकतेके दुश्मन तल उंदी वेने ज्यादा टूटा अंगडम फैरिंग कियाना लेकका कितेके, लम्बा दीवार ता दक्षिण बगिल दायना दुश्मन वरोर वेने ज्यादा सिपाही किन रोमी कितेके, इदिन प्रतिरोध युद्ध ता कुल ताकत लोप्पा अदिना बगिल तल कियाना योगदान इंजी समझेमायमूडायारा। ओरा इद कार्रवाई तल दुश्मन ता हारेमायनदू पूरा सेना लोप्पा ओसो अदिना देश लोप्पा फैले मात्ता ओसो मना पूरा सेना ओसो मना जनता पोरों इदिना प्रेरणादायक प्रभाव अरता पेंगिंग-स्वेच्छान, पेंगिंग-हानखओ, थ्येनचिन-फूखओ, ताथुंग-फूचओ, चंगतिंग-थाएट्वान ओसो शांघाई हांडचओ रेलवे-लाइन कुना ओदा रणनीतिक तालमेल बने कीसि छापामार युद्ध संगे निभे कियाना भूमिका ओसो वेने हल्कोए समझेमांता। नियमित सेना संगे तालमेल बने कीसि छापामार दस्ता इंजेटा कालम ते रनणीतिक रक्षाताए भूमिका निभे किसोरे मंतोर ओसो दुश्मन इंजे रणनीतिक आक्रमण किया मंता, ओरु दुश्मन ता रक्षात्मक कोशिश कुना लोप्पा बाधा वाटसोरे मंतोर, दुश्मन तना रणनीतिक आक्रमण किन खत्म कीसि ओरु पोयता क्षेत्र ता रक्षा बगिल मल्लिंतोर, असके छापामार दस्तांग, नियमित सेना रणनीतिक प्रत्याक्रमण शुरू कियानास्के ओरु नियमित सेनांग संगे

तालमेल बनेकीसि दुश्मन ता सेनांग किन पेरके गुची कियानोर ओसो सब्बे पोहता राज्य किन वापस पौयनोरा रणनीतिक तोलमेल बने कियाना लोप्पा छापामार युद्ध संगे निभे कियाना भूमिका किन नजरअंदाज कियानायो। छापामार दलम ओसो नियमित सेना ता कमांडर लोर किन भूमिका स्पष्ट रूप ते समझेमायना जरूरत मंदिता।

इदे आयवा, छापामार युद्ध अभियानकु ताकनास्के नियमित युद्ध संगे तालमेल बने कियाना काम वेने कींता। उदाहरण काजे थाएऱ्वान ता उत्तर बगिल मंदाना शिखओ ता अभियान लोप्पा येनमनक्वान ता उत्तर ओसो दक्षिण लोप्पा आयना छापामार युद्ध ताथुंग-फुचओ रेलवे लाईन किन ओसो फिंगशिंगक्वान ओसो यांगफांगखओ तल दायना मोटर-सड़क किन काटे कियाना काम संगे तालमेल बने कियाना उल्लेखनीय भूमिका निभे किता। दूसरा उदाहरण फंगलिंगतू पोर्रो दुश्मन कब्जा कित्ता पेरके पूरा शानशी प्रान्त लोप्पा व्यापक रूप ते ताकी कित्ता छापामार युद्ध (मुख्य रूप ते नियमित सेना ताकी कीसि मत्ता) शेनशी प्रान्त लोप्पा पीली डोड्डा ता पश्चिम बगिल ओस हनान प्रान्त लोप्पा पीली डोड्डा ता दक्षिण बगिल ताकी कित्ता रक्षात्मक अभियानकुना संगे तालमेल बने कीसि ओसो वेल्ले बेहरा भूमिका निभे किता। ओसो, दुश्मन दक्षिण शानतुंग पोर्रो हमला कित्तास्के उत्तरी चीन ता पांच प्रान्त कुना लोप्पा आयना छापामार युद्ध दक्षिण शानतुंग लोप्पा मना नियमित सेना ता अभियान कुना संगे तालमेल बने कियाना लोप्पा बेहरा योगदान किता। इद्रम ता काम कियानास्के दुश्मन ता पृष्ठभाग लोप्पा मंदाना हर छापामार आधार-क्षेत्र ता नेता लोर लेवेके उचुन कालम काजे अगा लोहता हर छापामार फारमेशन ता कमांडर किन तन्ना ताकत ता सही वितरण कियाना जरूरत मंदिता, ताल्कालिक ओसो स्थानीय परिस्थितिंग ना अनुसार अलग-अलग कार्यनीतिक इस्तेमाल कियाना जरूरत मंदिता, दुश्मन ता सबसे तबाह आता ओसो सबसे कमजोर जागाना खिलाफ जोरदार कार्रवाई कियाना, इद्रम कित्तेके दुश्मन किन कमजोर बने कियाना, ओरकिन रोमी कीसि तासना, अदिना सप्लाई किन रोमी कियाना ओसो लोप्पाटा सैन्य पंक्ति ता अभियान कुना लोप्पा कार्रवाई कियाना तन्ना फौज ता उत्साह बेरसी कायना लोप्पा ओरु सफल आंतोर, ओसो इद्रम ता अभियान कुना संगे तालमेल कियाना तन्ना जिम्मेदारी किन पूरा किया परितोरा हर छापामार इलाका या हर छापामार दलम तन्ना कार्रवाई किन सिर्फ तन्ना वरोरे ताकी कित्तेके ओसो नियमित सेना ता अभियान कुना संगे तालमेल कायना कार्रवाई किन नजरअन्दाज कींतोर, अस्के मति आम रणनीतिक कार्रवाईंग लोप्पा वेने ओरु उचुन

भूमिका निभे किया परिंतोर, मति अभियान कुना संगे तालमेल कियाना कार्यावाही लेवा रणनीतिक तालमेल लोप्पा ओना भूमिका ता महत्व कम आयरा इद उंदी पोल्लो किन सब्बे छापामार कमांडर लोरकिन गंभीर रूप ते सीता तासना जरूरत मंता। अभियान कुना लोप्पा तालमेल कियाला काजे सब्बे अपेक्षाकृत बेहरा छापामार यूनिट्कु ओसो छापामार फारमेशन किन रेडियो ता सुविधा मंदाना लेक्का हूँडाना।

अखिर ते नियमित सेना संगे लड़ाई लोप्पा तालमेल कियाना, इतेके रणनीति ता वास्तविक लड़ाईंग लोप्पा तालमेल कियाना लोप्पाट सैन्य पंक्ति ता रणभूमि ता आसपास ता सब्बे छापामार दलम कियाना काम आंदू डावुट लेवा इद काम नियमित सेना ता वेल्ले गरे मंदाना लेवेके नियमित सेना संगे अस्थाई छापामार कार्रवाईंग काजे लोहता छापामार दलमकु एवनले सीमित आसी मंदियरा इद्रम ता परिस्थिति ते छापामार दलम किन नियमित सेना ता कमांडर संगे वेहत्ता काम किन पूरा कियाना, अद आम रूप ते दुश्मन ता उंदी हिस्सा किन रोमी कियाना, अदिना सप्लाई किन रोमी कियाना, अदिना फौजी रेक्की कियाना, मना नियमित सेना किन हर्ही वेहाना लेक्काटव मंदितांग। छापामार दलम किन नियमित सेना ता कमांडर ना आदेश लेवा वेने तना पहलकदमी ते इव सब्बे काम कियाना। अंगडमे उदसी मंदाना, उंदी जागा तल मलियवा लेवा मंदाना, लडेमायवा लेवा मंदाना ओसो लडेमायवा लेवा इक्के-आक्के वेलियसोर मंदाना - इद रुझान ता अनुमति छापामार दलम किन इन्याडे हिल्लो।

## अध्याय 6

### आधार-इलाका ता स्थापना

जापान-विरोधी छापामार युद्ध ता तीसरा रणनीतिक विषकुना समस्या आधार-इलाका ता स्थापना आंदू। इद समस्या किन तेहाना जरूरी ओसो महत्वपूर्ण मंता, बागांकु इतेके इद युद्ध उंदी दीर्घकालीन ओसो निर्मम युद्ध आंदू माकिन पोहता राज्य वापिस दोरकना इतेके देशव्यापी रणनीतिक प्रत्याक्रमण शुरू किया लागियर, अस्के एवनल दुश्मन ता मोर्चा चीन ता मध्य भाग लोप्पा एवनल देश ता उत्तर तिंचि दक्षिण एवनल विभाजित किसोरे फैलेमायना संभावना मंता, मना राज्य ता उंदी हिस्सा, इतेके ज्यादातर हिस्सा दुश्मन ता अधिकार ते दायर ओसो अदिना पृष्ठभाग

बनेमायर। माकिन छापामार युद्ध दुश्मन पोयता इद पूरा बेहरा इलाका लोप्पा फैले किया लागियर, दुश्मन ना पृष्ठभाग किन ओरो मोर्चा लोप्पा परिवर्तित किया लागियर, ओसो ओरकिन इद पोयता इलाका लोप्पा लगातार लड़ेमायला काजे मजबूर किया लागियर। बस्के एवनल मावा रणनीतिक प्रत्याक्रमण शुरू आयो ओसो माटु मना पोहता राज्य किन वेंडे पोयोम आंतोम अस्के एवनल माकिन दुश्मन ता पृष्ठभाग लोप्पा दृढ़ता ते छापामार युद्ध ताकी कीसोर लागियर, बारांकु इत्तेके इंजे माटु इद्रम ता युद्ध बस्के एवनल ताकी किया लागियर इंजी वेहा परवोम, मति अद वेल्ले लम्बा समय एवनल ताकियर इंजी जरूर वेहा परिंतोम। इदिना संगेने दुश्मन तन्ना पोयता इलाकांग लोप्पा तन्ना सफलतांग ना रक्षा काजे छापामार लोरा खिलाफ तना कार्वाईंग किन दिय्या-दिय्या तुकू तेजा कियर ओसो छापामार लोरिन निर्मम रूप ते खत्म कियाला काजे कार्वाईंग कियर, खासकर ओरा रणनीतिक आक्रमण रोमतास्के। बारांकु इत्तेके इद युद्ध दीर्घकालीन ओसो निर्मम रेंडासी आंदू, अदिन काजे आधार-इलाका लेवा दुश्मन ता पृष्ठभाग लोप्पा छापामार युद्ध ताकी कीसोर मंदाना मुश्किल आंता।

इद छापामार युद्ध काजे आधार इलाका बातल आंदू? इव आधार इलाकांग छापामार ताकत कुना रणनीतिक काम पूरा कियाला, खुद किन सुरक्षित तासला, विकसित कियाला, दुश्मन किन नष्ट कियाला ओसो अदिन बाहर पूँडना उद्देश्य ता सफलता काजे निर्भर आसी मंदाना रणनीतिक मुकाम आंदुंग। इव रणनीतिक मुकाम हिल्वेके सब्बे रणनीतिक काम किन पूरा कियाना ओसो युद्ध ता लक्ष्य किन पूरा कियाला काजे बदे आधार मन्नो आयारा। दुश्मन ता सैन्य पक्कि पेरेके ताकना छापामार युद्ध ता विशेषता पृष्ठभाग हिलवा कार्वाईंग मंदिता, बारांकु इत्तेके छापामार दलम ता देश ते मंदना आम पृष्ठभाग तल संबंध देगसी मंदिता। मति बिना आधार इलाका लेवा छापामार युद्ध वेल्ले दिय्या एवनल ताका परवो ओसो विकसित वेने आया परवो। असल ते आधार इलाकाए अद पृष्ठभाग आंदू।

इतिहास लोप्पा “घूमन्तू विद्रोही” लोरा लेकका वेल्ले किसान युद्ध ताकतांग। मति अव सब्बे असफल आतांग। विकसित आता दायना-वायना साधन ओसो टेकनिकलोजी ता वर्तमान युग लोप्पा घूमन्तू विद्रोही लोरा तरीका लागू कीसि जीत हासिल कियाना मुन्ने तुकू ज्यादा आधार हिलवा डाउट मंदियर। मति घुमन्तू विद्रोही लोरा धारणा बर्बाद आता किसान लोरा लोप्पा इंजे वेने मंता ओसो इद धारणा छापामार कमांडर लोरा दिमाग ते नेंगतास्के अद आधार इलाका ना जरूरत हिल्ले

ओसो ताना बदे महत्व हुल्ले इंदाना विचार ता रूप एतिंता। अदिन काजे आधार इलाका किन निल्पी कियाना नीति निर्धारित कियाना मुने छापामार कमांडर लोरा दिमाग तल इद्रम ता विचार किन बाहर तेंडाना। इद सवाल आधार इलाका बने कियाना या आयो इंजी मंता, अविन बदे महत्व हियाना या हियानायो, दूसरा हिसाब ते आधार इलाका निल्पी कियाना ओसो घुमन्तू विद्रोही लेककाटा कार्खाईंग कियाना विचार कुना नडमा ता संघर्ष, सब्बे छापामार युद्ध लोप्पा पुढिंतांग ओसो उंदी समय एवनल मना जापान-विरोधी छापामार युद्ध वेने इदिना अपवाद हिल्ले। अदिन काजे घुमन्तू विद्रोही लोरा विचार ता विरुद्ध संघर्ष कियाना उंदी जरूरी प्रक्रिया आंदू घुमन्तू विद्रोही लोरा विचार किन पूराए दूर कित्तेके ओसो आधार इलाका निल्पी कियाना नीति किन पेश कित्तेके अदिन पोरों अमल कियमूऱायर, अस्केने दीर्घकालीन छापामार युद्ध काजे अनुकूल परिस्थिति वाया परिंता।

आधार इलाका ना जरूरत ओसो महत्व किन स्पष्ट रूप ते समझेमात्ता पेरके आधार इलाका ना स्थापना कियानास्के दोड़ रास्ता समस्यांग किन समझेमायना ओसो अविन हल कियाना। समस्यांग दोड़ रास्ता लेक्का मंतांग - आधार इलाका ना स्थापना ता शर्त, आधार इलाका किन सुदृढ़ बने कियाना ओसो विस्तृत कियाना, दुश्मन ओसो मना फौज कियाना घेराबंदी ता रकम आंदू।

## 1. आधार-इलाका ता रकमकु

जापान-विरोधी छापामार युद्ध लोप्पा मुख्य रूप ते आधार इलाका ता मूऱ रकमकु मंतांग - अबु मेड्वांग लोप्पा मंदना आधार इलाका, मैदानकु लोप्पा मंदना आधार इलाका, नदी-नाला ता आखिरी सिरा (डोड्डा समुद्र ते कलियाना जागा) ना ओदा मंदाना प्रदेश कुना लोप्पा मंदना आधार इलाकांग।

मेड्वा इलाकांग लोप्पा आधार इलाकांग ना स्थापना ता फायदांग सब्बे तोर पुत्तोर, ओसो छांगपाए,<sup>1</sup> ऊथाए,<sup>2</sup> थाएहांग<sup>3</sup>, येनशान<sup>4</sup> ओसो माओशान<sup>6</sup> मेड्वांग पोरों बने कित्ता आधार इलाकांग या, बने किसोर मत्ता या वायना कालम ते बने कियाना आधार इलाकांग सब्बे इद्रमवे आंदुंग। इव सब्बे आधार इलाकांग जापान विरोधी छापामार युद्ध सबसे लम्बा ताकी किया परना जागाने मंतांग ओसो इव जापानी आक्रमण-विरोधी युद्ध ता मगहत्वपूर्ण गढ़ आंदुंग। दुश्मन ता सेना ता पेरके सब्बे मेड्वा

इलाकांग लोप्पा माकिन छापामार युद्ध किन विकसित कियाना ओसो आधार इलाका बने कियाना जरूरत मंदिंता।

तीना लोप्पा बदे डावुट हिल्ले, मेड्हांग ना मुकाबला ते मैदान कम अनुकूल साबित आंता इंजी। मति मैदान कुना लोप्पा छापामार युद्ध किन बेर्सी कियाना ओसो बदे आधार इलाका ता स्थापना कियाना इन्पडे असंभव आयो। हपे ओसो उत्तरी, उत्तर-पश्चिमी ता मैदानकुना लोप्पा बेहरा स्तर ते ताकी कित्ता छापामार युद्ध तल मैदान कुना लोप्पा वेने छापामार युद्ध विकसित कियमूङांता इंजी साबित आंता। मैदानी इलाकांग लोप्पा लम्बे समय एवनल टिकेमायाना आधार इलाकांग ना स्थापना कियाना संभावना मंताया हिल्ले इदिना बारे ते इंजे एवनाल बाताए अनुभव दोरकताद हिल्लो। मति अस्थाई आधार इलाकांग ना स्थापना ता अनुभव दोरताद मंता, ओसो सुडला यूनिट कुन काजे लेवेके मौसम ता इस्तेमाल पोर्रो आधार आसी आधार इलाकांग स्थापित आयना संभव जरूर मंदियर। उंदी बगिल दुश्मन नगा तैनात कियाला काजे वेल्ले फौज हिल्ले ओसो अद मानव इतिहास लोप्पा वेहत्ता परवा लेक्काट बर्बरता ता नीतिंग लागू किया मंता, ओसो दूसरा बगिल चीन लोप्पा विशाल भू-भाग मंता ओसो ताना विशाल जनता जापान ता प्रतिरोध किया मंता, अदिन काजे मैदानी इलाका लोप्पा छापामार युद्ध किन विकसित कियाना ओसो संगेने अगा अस्थाई आधार इलाकांग निल्पी कियाना वस्तुगत शर्तकू मंतांग। इदिना संगेने पक्काए बेसता फौजी कमांड वेने मंदाना, अस्के सुडला यूनिट कुना काजे दीर्घकालीन मति अस्थिर आधार इलाकांग ना स्थापना कियाना डावुट लेवा संभव मंता<sup>7</sup> आम रूप ते दुश्मन तन्ना रणनीतिक आक्रमण किन रोमी कींतोर अस्के ओसो तन्ना पोयता इलाकांग किन सुरक्षित तासना मंजिल लोप्पा वांतोर अस्के डावुट लेवा ओरु छापामार युद्ध ता सब्बे आधार इलाकांग पोर्रो निर्मम हमला कींतोर, ओसो मैदान लोप्पा मंदाना छापामार आधार इलाकांग किन स्वाभाविक रूप ते इद हमला ता सामना सबसे मुन्ने किया लागिंता। इद्रम आतास्के मैदान कुना लोप्पा कार्रवाई कियाना बेहरा छापामार फारमेशन कुना काजे उंदे जागा ते लम्बा समय एवनल लडाई ताकी कियाना मुश्किल आंता। इद्रम ता परिस्थिति लोप्पा ओरकिन परिस्थिति ता अनुसार तीरम-तीरम मेड्हा इलाकांग लोप्पा दायना जरूरत आंता- उदाहरण काजे ओरु हपे ता मैदानी इलाका ताल ऊथाए ओसो थाएहांग मेड्हा लोप्पा दायना, लेवेके शानतुंग ता मैदानी कुनगडल थाएशान मेड्हा ओसो पूर्व ता शानतुंग प्रायद्वीप ते दायना। मति राष्ट्रीय युद्ध ता परिस्थिति लोप्पा वेल्ले सुडला-सुडला छापामार यूनिट

कुना विशाल मैदान कुना लोप्पा मंदाना विभिन्न काउन्टिंग लोप्पा फैले मायाना ओसो लड़ाई ता चलायमान तरीका किन लागू कियाना, इतेके उंदी जागा तल दूसरा जागा ते मना आधार इलाका किन बदले किसोर दायाना मुश्किल आंता। एदी कालम ते “गेड़ा ता (दड़मी)” ओसो इरंगम कालम ते बर्फ संगे जम्मेमासी मत्ता डोड्डांग ना फायद एतसी मौसमी छापामार युद्ध ताकी कियाना निश्चित रूप ते संभव मंता। बारांकु इतेके नेंड दुश्मन नगा मना संगे लड़ेमायना ताकत हिल्ले ओसो वायाना कालम ते वेने ओरिगा हालना लेकका ताकत मन्नो आयार, अदिन काजे मावा काजे नेंडु मैदान कुना लोप्पा छापामार युद्ध किन व्यापक रूप ते विकसित कियाना ओसो अगा अस्थाई आधार इलाका निल्पी कियाना ओसो वायना कालम काजे सुडला-सुडला यूनिट कुना संगे छापामार युद्ध, कम से कम मौसमी छापामार युद्ध जारी तासला काजे तैयारी कियाना ओसो अस्थिर आधार इलाका निल्पी कियाना नीति किन मानेयाना वेल्ले जरूरी मंता।

वस्तुगत स्थिति किन हूइतेके डोड्डांग-झीलकु-समुद्र ओदा ता प्रदेशकुना लोप्पा छापामार युद्ध किन विकसित कियाना ओसो आधार इलाकांग निल्पी कियाना संभावनांग मैदान कुना तुलना ते ज्यादा मंतांग, मति मेड्हा इलाकांग ना तुलना ते कम मंतांग। मावा इतिहास लोप्पा “समुत्री डाकु” ओसो “जल-दस्युओं” लोरू वेल्ले बेसता युद्ध कित्तोर, ओसो लाल सेना वेने हुंगू हुंगू झील हेरै वेल्ल साल एवनल छापामार युद्ध ताकी कीसोर मत्तोर। इव सब्बे पोल्लोंग डोड्डांग-झील-मूहाना (समुद्र ते डोड्डा कलियाना जागा) ओदा ता राज्य लोप्पा छापामार युद्ध ता विकास कियाना ओसो आधार इलाका ता स्थापना कियाना संभव मंता इंजी साबित कीतांग। मति जापान-विरोधी राजनीतिक पार्टिंग, ग्रुप ओसो जन-समुदाय इंजे वेने इद बगिल वेल्ले कम ध्यान हीता। मनोगत परिस्थितिंग इंजे परिपक्व हिल्वेकाई, मनम इदिना बगिल ध्यान हियाना ओसो इद सिलसिला लोप्पा काम शुरू कियाना जरूरत मंता इंदाना लोप्पा बदे डावुट हिल्ले। छापामार युद्ध किन राष्ट्रीय स्तर ते विकसित कियाना उंदी पहलू ता रूप ते मनम यांगत्सी डोड्डा ता उत्तर बगिल मंदाना हुंगत्से झील इलाका लोप्पा, यांगत्सी डोड्डा ता दक्षिण लोप्पा मंदाना याएहू झील इलाका लोप्पा ओसो डोड्डांग, समुद्र ओदा-ओदा डोड्डांग- झीलकु- मूहाना ता ओदा दुश्मन पोयता सब्बे इलाकांग लोप्पा, इद्रम ता युद्ध किन पक्काए बेस ताकी कियाना ओसो इव्वे इलाकांग लोप्पा लेवके इविना गरे मंदाना इलाकांग लोप्पा दीर्घकालीन आधार इलाकांग निल्पी कियाना। इद पहलू किन नजरअंदाज कियानादु दुश्मन किन जल-

यातायात (समुद्र हर्दे दायना-वायना) ता सुविधा हियाना लेकका आंता। इद जापानी आक्रमण विरोधी युद्ध लोप्पा रणनीतिक योजना ता उंदी कमजोरी आंदू, इदिन माटु समय मत्तास्केने दूर कियाना।

## 2. छापामार इलाकांग ओसो आधार इलाकांग

दुश्मन ता पृष्ठभाग लोप्पा ताकना छापामार युद्ध लोप्पा छापामार इलाका ओसो आधार इलाका ना नड़मा अंतर मंता। इद्रम ता इलाका लोप्पा नालुंग बगिल दुश्मन ता कब्जा मंदिंता मति अविना नड़मा ता हिस्सा दुश्मन ता अधिकार ते हिल्ले, लेवेके ओरिगाडल वापिस पोयतद मंता- इतेके ऊथाए मेड्हा इलाकांग (इतेके शानशी-छाहाड़-हपे बार्डर एरिया) ता उचुन काउन्टिंग ओसो थाएगहांग ओसो थाएशान मेड्हा इलाकांग ना उचुन जागा-इद्रम बनेमात्ता आधार इलाकांग मंतांग अविना भरोसा ते छापामार दलम हल्कोए छापामार युद्ध किन विकसित किया परिता। मति इव इलाकांग ना दूसरा हिस्सांग लोप्पा परिस्थिति अलगे मंता - ऊथाए मेड्हा इलाका ता पूर्वी हिस्सांग लोप्पा इतेके पश्चिमी हपे ओसो दक्षिणी छाहाड़ ता उचुन हिस्सांग ओसो पाओतिंग ता पूर्व ओसो छांहचऊ ता पश्चिम लोप्पा मंदाना वेल्ले जागाने मत्ता लेकका। इव इलाकांग किन छापामार युद्ध ता शुरूआत ते छापामार दलम तन्ना कब्जा ते तत्ता परवो आसी मत्ता, छापामार दलम इविना पोर्ँे केवल बार-बार आक्रमण किसोरे मत्ता। इव इलाकांग छापामार लोरा आधार इलाकांग आयवा छापामार इलाकांग इंतोरा इद्रम ता छापामार इलाकांग छापामार युद्ध ता जरूरी प्रक्रिया तल वेंडतास्केने आधार इलाका ते बदलेमाया परितांग, इतेके दुश्मन ता फौज कुना उंदी बेहरा संख्या किन नष्ट या परास्त कित्ता पेरके, कठपुतली शासन किन नष्ट कित्ता पेरके, जन-समुदाय ता सक्रियता जागृत आतास्के, जापान विरोधी जन संगटन बनेमात्ता पेरके, जन समुदाय ता स्थानीय हथियारबंद ताकत ता विकास आतास्के ओसो उंदी जापान विरोधी राजनीतिक सत्ता बनेमात्ता पेरके। मावा आधार इलाका ना विस्तार कियाना इतेके मुने स्थापना आता आधार इलाकांग लोप्पा इद्रम ता इलाकांग किन जोडे कियाना।

उचुन जागा ने उदाहरण काजे पूर्वी हपे लोप्पा छापामार युद्ध ता कार्रवाई किन पूरा इलाका शुरू तिंचिए छापामार इलाका बनेमात्ता। पूर्वी हपे लोप्पा लम्बा समय एवनल उंदी कठपुतली सरकार बनेमात्ता। स्थानीय बगावत कुनागडल पुटन्ना जन समुदाय ता हथियारबंद ताकतकु ओसो ऊताए मेड्हा तल लोहता छापामार दस्ताकुना कार्रवाई ता छापामार इलाका बने मात्ता। तन्ना कार्यवाहींग ना शुरू ते ओरु इद इलाका लोप्पा केवल अनुकूल जागांग किन चुने कीसिए तन्ना अस्थाई पृष्ठभाग या अस्थाई आधार इलाका बने किया परतोर। बस्के एवनल दुश्मन ता फौज नष्ट कियमूळायो ओसो जन समुदाय किन जागृत कियाना काम जोरशोर ते कियमूळायो अस्के एवनल इद्रम ता छापामार इलाकांग किन अपेक्षकृत स्थिर आधार इलाका लोप्पा तब्दील किया परमूळायो।

अदिन काजे छापामार इलाका किन आधार इलाका लोप्पा बदले कियाना उंदी पक्काए कठिन सृजनात्मक प्रक्रिया आंदू। बदे छापामार इलाका किन आधार इलाका लोप्पा बदले कियानादु दुश्मन किन बचोन नुक्सान कित्ताद मंता ओसो जन समुदाय किन बचोन जागृत कित्ताद मंता इंदाना पोर्ये आधार आसी मंता।

वेल्ले इलाकांग लम्बा समय एवनल छापामार इलाका बनेमासी मंदानुंग। इव इलाकांग लोप्पा दुश्मन तन्ना नियंत्रण बने कियाला काजे पूरा ताकत वाटिंता, मति अद बदे स्थिर कठपुतली सरकार बने किया परवो आंता, अद्रम आतेककाई मादु अगा जापान विरोधी राजनीतिक सत्ता निल्पी कियाना लोप्पा सफल आया परिंतोमा। इदिना उदाहरण दुश्मन पोयता इलाका लोप्पा रेलवे लाईन कुना गर्ये ता इलाकांग, बेहरा शहर कुना नालुंग बगिल ता इलाकांग ओसो उचुन मैदानी इलाकांग।

बेहरा शहर कुना, रेलवे लाईन कुना ओसो उचुन मैदानी इलाकांग ना संबंध ता बारे हूँडतेके, बगा कठपुतली सरकार वेने अपेक्षाकृत स्थिर मंदिंता, अगा दुश्मन ता मजबूत सुरक्षा सेनांग संगे कब्जा कींतोर, अदिन काजे छापामार युद्ध किन इव जागा ना गर्ये एवनल विकसित कियमूळांता, मति एकदम लोप्पा एवनल आयो। इद उंदी दूसरा रकम ता परिस्थिति आंदू।

मावा लोप्पा बदे गलत नेतृत्व या दुश्मन ता ज्यादा दबाव ता कारण ते पोर्ये वेहता परिस्थिति उल्टा रूप वेने एता परिंता, इत्के बदे छापामार आधार इलाका छापामार इलाका लोप्पा बदले मातेके ओसो बदे छापामार इलाका दुश्मन ता अपेक्षाकृत स्थिर कब्जा मंदाना इलाका लोप्पा बदलेमायना। इद्रम ता बदलाव संभव

मंता ओसो छापामार कमांडर किन इदिना बारे ते विशेष सतर्कता तासना जरूरत मंता।

अदिनके छापामार युद्ध, दुश्मन ओसो मना नडमा ताकना संघर्ष ता कारण ते दुश्मन पोयता इलाका दोडता तूसता रकम लोप्पा वांतांग – पहली रकम लोप्पा मावा छापामार यूनिट कुना ओसो मना राजनीतिक सत्ता ता अनुसार जापान-विरोधी आधार इलाका वांतांग, दूसरा रकम लोप्पा जापानी साप्राज्यवाद ओसो अदिना कठपुतली सरकार पोयता इलाका वांतांग, ओसो तीसरी रकम लोप्पा रेंडु पक्ष कुना ऊंदना-पिंडंगना कियाना नडमा ता इलाका, इत्तेके छापामार इलाका वांतांग। छापामार कमांडर लोरा काम पहली ओसो तीसरी श्रेणी ता इलाकांग किन बेरसी कियाना ओसो दूसरा श्रेणी ता इलाकांग किन घटे कियाला हर संभव कोशिश कियाना मंता। इद छापामार युद्ध ता रणनीतिक काम आंदू।

### 3. आधार इलाकांग ना स्थापना ता शर्तकू

आधार इलाका ना स्थापना काजे बुनियादी शर्त जापान विरोधी सशस्त्र सेना मंदाना, ओसो इद सशस्त्र सेना किन दुश्मन किन हारे कियाना ओसो जन समुदाय किन कार्वाई काजे जागृत कियाना काम लोप्पा भीडे मायना। छापामार युद्ध लोप्पा नेता लोर किन तम्मा ताकत किन उंदी या वेल्ले छापामार यूनिटकु बने कियाना लोप्पा वाटना, ओसो संघर्ष ताकानास्के ओरकिन कदम-ब-कदम छापामार फारमेशन कुना रूप ते विकसित कियाना, अगा अविन नियमित सेना ता यूनिट कु ओसो फारमेशन कुना रूप हियाना। आधार इलाका निल्पी कियाना ता वेल्ले जरूरी बुनियादी चाबी सशस्त्र सेना ता निर्माण कियाना आंदू सेना हिल्वेके या सशस्त्र सेना कमजोर मतेके इदु उचुन वेने कियमूङ्डायो। इद पहली शर्त आंदू।

आधार इलाका निल्पी कियाना काजे दूसरा जरूरी शर्त सशस्त्र सेना ता इस्तेमाल जन समुदाय संगे तालमेल बने कीसि दुश्मन किन हारे कियाला काजे मंदाना। दुश्मन ताकि कियाना सब्बे जागांग दुश्मन ता अडडा आंदुंगा। छापामार आधार इलाकांग आयो, ओसो अदिन हारे कियावा लेवा अदिन छापामार इलाका बने कियमूङ्डायो। माटू ताना हमला किन पूँडवेके ओसो तानकिन हारे किवेके छापामार लोर नियंत्रण ते मंदाना जागांग वेने दुश्मन नियंत्रित कियाना जागांग लोपा बदले मांता। अस्के आधारा इलाका ता स्थापना वेने असंभव आयारा।

आधार इलाका निल्पी कियाना काजे तीसरी जरूरी शर्त मना सब्बे ताकतकु, अदिना लोप्पा मावा सश्व सेना वेने शामिल मंता, जापान ता विरुद्ध संघर्ष कियाला काजे जन समुदाय किन जागृत कियाना लोप्पा वाटना। इद्रम ता संघर्ष ताकनास्के माटु जनता किन हथियारबंद कियाना, इत्तेके आत्मरक्षा कोर ओसो छापामार दलम ता संगटन कियाना। इद संघर्ष ताकनास्के माटु जन संगटन कुना निर्माण कियाना मना किन मजदूर-किसान, नौजवान, महिला, पिल्ला-पेकोर, व्यापारी ओसो आजाद पेशा नोर किन ओरा राजनीतिक चेतना ओसो ओरा जुङ्गारू उत्साह स्तर ता अनुसार जापान ता खिलाफ संघर्ष कियाला काजे विभिन्न रकम ता जरूरी मंदना जन संगटनकुना लोप्पा संगठित कियाना ओसो इव जन संगटन किन कदब-ब-कदम विकसित कियाना। जन समुदाय असंगठित मंदिता अस्के जापान ता खिलाफ लडाई लोप्पा अग तन्ना ताकत ता प्रदर्शन किया परवो आयारा। इद्रम ता संघर्ष ताकनास्के माटु खुला या गुप्त रूप ते गद्दारी कियानोर किन खत्म कियाना, इद केवल जन समुदाय कुना ताकत पोरो निर्भर आसीए पूरा किया पस्ना लेकका काम आंदू। इद संघर्ष लोप्पा जापाना विरोधी राजनीतिक सत्ता ता स्थानीय संगटन कुन निल्पी कियाना या अविन सुदृढ़ बने कियाना काजे जन समुदाय किन जागृत कियाना विशेष रूप ते महत्वपूर्ण मंता। बगा मुन्ने मत्ता चीनी राजनीतिक सत्ता ता संगटन दुश्मन तोर नष्ट कित्ताद हिल्ले अगा मनम व्यापक जन समुदाय ता समर्थन ता आधार ते अविना सुधार कियाना ओसो अविन मजबूत कियाना; बगा मुन्नेटाले मत्ता चीनी राजनीतिक सत्ता ता संगटन दुश्मन तोर नष्ट कीतोरो अगागा मनम व्यापक जन समुदाय ता कोशिश कुना पोरो आधार आसी दोबारा निल्पी कियाना। राजनीतिक सत्ता ता इद्रम ता संगटन जापान विरोधी राष्ट्रीय संयुक्त मोर्चा ता हित पोरो अमल कींता ओसो अविन तम्मा दुश्मन, जापानी साम्राज्यवादी ओसो अदिना गोती तोर-गद्दार लोर ओसो प्रतिक्रियावादिरा खिलाफ लडेमायना काजे जनता ना सब्बे ताकत कुन एकताबद्ध कियाना।

पोरो वेहत्ता मूँड बुनियादी शर्त कुन कदम-ब-कदम पूरा कीसि सही तरीका ते छापामार युद्ध काजे आधार इलाका बने कियमूँडांता, इत्तेके जापाना विरोधी सशस्त्र सोना ता निर्माण कियाना, दुश्मन किन हारे कियाना ओसो जन समुदाय किन जागृत कित्ता पेरकेने इद काम पूरा आया परिंता।

इदे आयवा, भोगोलिक ओसो आर्थिक शर्त कुना बगिल वेने ध्यान हियाना जरूरत मंता। “आधार इलाकांग ना रकम” वाले अध्याय लोप्पा माटु मुन्ने ने भौगोलिक परिस्थिति ता बारे ते विभिन्न रकम ता मूँड परिस्थितिंग ना बारे वोहतोमा।

इगा माटु केवल उंदी प्रमुख जरूरत ता चर्चा कियाकाल, इतेके इलाका ता विस्तृत आयाना जरूरी मंता इंजी चर्चा कियाकाला नालुंग बगिल तल या मूँड बगिल तल दुश्मन ता धेराव लोप्पा अरता जागांग लोप्पा मेड्हा इलाकांग इद्रम ता आधार इलाकांग ना स्थापना काजे सबसे बेस मंदिंता, ओसो लम्बा समय एवनल टिकेमाया परिंतांग। मति मुख्य रूप ते छापामार लोरगा दांवपेंच पंडला काजे वेल्ले जागा, इतेके विस्तृत इलाका मंदाना जरूरत मंदिंता। विस्तृत इलाका मत्तेके छापामार युद्ध मैदान लोप्पा वेने विकसित कियमूळांता ओस जारी तासमूळांता। डोड्डांग-झीलकु मूहानांग ओदा ता इलाकांग ना बारे ते बाता वेहा परमूळायो। चीन लोप्पा विस्तृत भूमि मत्तेके ओसो दुश्मननगा अपर्याप्ति सेना मत्ता कारण ते इगा छापामार युद्ध ता काजे आम रूप ते इद शर्त मंता। पहली महत्वपूर्ण शर्त बेलजियन लेक्काटा सुडला देशकुना लोप्पा इदिना संभावना वेल्ले कम या बिल्कुले हिल्ले, बारांकु इतेके अगा विस्तृत इलाका वाले शर्त हिल्लो। चीन लोप्पा इद शर्त पूरा कियाला काजे कोशिश कियाना जरूरी हिल्ले, ओसो इद बदे समस्या तेहवा लेवा प्राकृतिक रूप ते दोरकना चीज आंदू ओसो केवल माटु अदिना इस्तेमाल कियाना इंदाना पोल्लो ता हर्ही हूडा मंता।

माटु आर्थिक शर्त पोर्ऱे अदिना प्राकृतिक पहलू ता बारे ते आल्सतेके माटु भौगोलिक शर्त लेक्काने कलियंता, बारांकु इतेके माटु बदे दुश्मन हिल्वा मत्ता रेगिस्तान लोप्पा, आधार इलाका निल्पी कियाना चर्चा किवा लेवा दुश्मन ता पृष्ठभाग लोप्पा आधार इलाका बने कियाना ता चर्चा किया मंतोम। दुश्मन बेगा वेने एविंतोर अगा मुनेटले चीनी लोकुर जरूर मंदिंतोर ओसो संगेने जिन्दा मंदाना बदे आर्थिक आधार वेने जरूर मंदिंता। अदिन काजे आधार इलाका ता स्थापना काजे आर्थिक शर्तकुना अनुसार जागा चुने कियाना सवाल तेदो आंता। आर्थिक शर्तकु बद मत्तेकाई अव सब्बे जागांग लोप्पा बगा चीनी लोकुर ओसो दुश्मन इखुरासी मंतोर, मनम छापामार युद्ध ता विकास कियाना ओसो स्थाई या अस्थाई आधार इलाका निल्पी कायना ता हर संभव कोशिश कियाना। मति राजनीतिक दृष्टि ते आर्थिक शर्त एकदम दूसरा पहलू पेश कींता। इद दृष्टि ते आर्थिक शर्त उंदी समस्या आंदू, इतेके आर्थिक नीति ता समस्या, अद आधार इलाकांग ना स्थापना काजे वेल्ले महत्वपूर्ण मंता। छापामार आधार इलाका काजे आर्थिक नीति जापान-विरोधी राष्ट्रीय संयुक्त मोर्चा ता सिद्धांत पोर्ऱा आधार आसी मंदाना, इतेके वित्तीय बोजा ता सही बंटवारा आयाना ओसो वाणिज्य ता रक्षा कियाना। स्थानीय राजनीतिक सत्ता किन ओसो छापामार दलम किन इव सिद्धांतकुना उल्लंघम कियानायो, लेवेके

आधार इलाकांग ना स्थापन कियाना ओसो छापामार युद्ध किन जारी तासना काम पोर्हे गलत प्रभाव अरिंता। वित्तीय बोजा ता सही बंटवारा इतेके, “बोनगा धन मंता, ओरु धन हियाना”, ओसो किसान लोकुर उचुन हंदी लोप्पा मंजोरे छापामार दलम किन अनाज सप्लाई कियाना आंदू वाणिज्य ता रक्षा कियाना इतेके छापामार दलम जरूर कठोर अनुशासन ता पालन कियाना, ओसो साबित आता गद्दार लोकिन विड्सी ओसो बदे दुकान किन जब्त कियाना पोर्हे सख्ती ते पाबंदी वाटना। इद उंदी कठिन समस्या आंदू, मति इद नीति निर्धारित आताद मंता इदिना पोर्हे जरूर अमल कियाना।

#### 4. आधार इलाका किन सुदृढ़ बने कियाना ओसो विकसित कियाना

चीन लोप्पा अतिक्रमण कियाना दुश्मन किन उचुन संघर्ष मंदाना जागा एवनल, इतेके बेहरा नगर ओसो मुख्य संचार लाइन एवनले सीमित तासना काजे विभिन्न आधार इलाकांग ना छापामार लोरु तम्मा युद्ध किन तम्मा आधार इलाकांग नगडल बचोन फैले किया परितोर अचोन फैले कियाना, ओसो इद्रम दुश्मन ता सब्बे मोर्चाबंदी वाले जागांग ना गर्ए एवनल फैलेकियाना, ओसो दुश्मन ता अस्तित्व काजे खतरा पुट्ठी कियाना, दुश्मन ता मनोबल किन सांगी किसियाना ओसो तम्मा आधार इलाकांग किन बेरसी किसोरे दायना। इद वेल्ले जरूरी मंता। छापामार युद्ध लोप्पा रूढीवाद ता विरोध कियाना। इद रूढीवाद आराम कियाना लालच ता कारण ते पुट्ठी मत्तेकाई लेवेके दुश्मन ता ताकत किन ज्यादा हूडता कारण ते, जापानी आक्रमण विरोधी युद्ध किन, छापामार युद्ध किन ओसो आधार इलाकांग किन वेने नुकसान कींता। इदे आयवा, मनम आधार इलाकांग किन सुदृढ़ बने कियाना काम मरंगनायो। इद गतिविधि लोप्पा मुख्य काम जन समुदाय किन जागृत कियाना, संगठित कियाना, छापामार युनिट्कु ओसो स्थानीय हथियारबंद दलम किन ट्रेनिंग हियाना। इद्रम आधार इलाका किन सुदृढ़ बने कियाना दीर्घकालीन युद्ध किन जारी तासना ओसो आधार इलाकांग ना विकास कियाला काजे जरूरी मंता, बारांकु इतेके सुदृढ़ बने कीवा लेवा जोरदार विकास कियाना संभव मन्नो आंता। छापामार युद्ध लोप्पा माटु केवल विकास ता बिगिले ध्यान हीतेके ओसो सुदृढ़ बने कियाना जरूरीत किन मरंगसितेके माटु दुश्मन ना हमलांग ना मुकाबला किया परवोम आंतोम ओसो

अदिना कारण ते केवल विकास ताए संभावना खत्म आयो आंता, आधार इलाका ना अस्तित्व वेने खतरा ते वांता। सही सिद्धांत सुदृढ़ बने कियाना संगे-संगे विस्तार वेने कियाना आंदू। इद अद परिस्थिति किन हासिल कियाना सबसे बेसता तरीका आंदू। इदिना संगे माटु बस्के इत्तेके अस्के हमला किया परिंतोम ओसो बस्के इत्तेके अस्के बचाव ता परिस्थिति ते वांतोमा बस्के एवनल इद युद्ध दीर्घकालीन मंता, अस्के एवनल आधार इलाका किन सुदृढ़ बने कियाना ओसो अदिना विस्तार कियाना ता सवाल लगातार हर छापामार दलम ता मुन्ने पुढिंता। इद समस्या ता ठोस हल परिस्थिति पोर्हे आधार आसी मंता इंदाना लोप्पा बदे डावुट हिल्ले। बदे समय ते काम ता केंद्र बिंदु विस्तार कियाना, इत्तेके छापामार इलाकांग ना विस्तार कियाना ओसो छापामार लोरा संख्या बेरसी कियाना मंदिंता। बदे दूसरा समय ते काम ता विस्तार केंद्र-बिंदु सुदृढ़ बने कियाना मंदा परिता। बदे दूसरा कालम लोप्पा काम ता केंद्र-बिंदु सुदृढ़ बने कियाना मंदिंता, इत्तेके जन समुदाय किन संगठित कियाना ओसो फौज किन ट्रेनिंग हियाना मंद परिता। बारांकु इत्तेके सुदृढ़ बने कियाना काम ओसो विस्तार कियाना काम तन्ना स्वरूप ता अनुसार अलग मंदिंता, ओसो अदिन काजे सेना ता तैनाती ओसो दूसरा काम वेने अदिनाए अनुसार अलग मंदिंतांग, अदिन काजे समय ओसो परिस्थिति ता अनुसार अलग-अलग पहलूंगु पोर्हे जोर हिसीए समस्या किन सही तरीका ते हल किया परम्भूंतां।

## 5. दुश्मन ओसो मना फौज कु कियाना घेराबंदी ता रकमकु

पूरा जापानी आक्रमण विरोधी युद्ध किन हूडितेके, तीना लोप्पा माटु दुश्मन ता रणनीतिक घेराबंदी लोप्पा मंतोम इंदानुद बदे डावुट हिल्ले, बारांकु इत्तेके अद रणनीतिक आक्रमण ओसो बाहरी सैन्य पंक्ति ता कार्रवाई कियाना परिस्थिति लोप्पा ओसो रणनीतिक रक्षा ओसो लोप्पाटा सैन्य पंक्ति ता कार्रवाईंग कियाना परिस्थिति लोप्पा मंतोम। इद मावा पोर्हे दुश्मन ता वाटता घेरेबंदी ता पहली रकम आंदू बारांकु इत्तेके माटु मना फौज कुना मजबूती ता इस्तेमाल कीसि बाहरी सेना तल मना बगिल वायना दुश्मन ता फौज कुना वेल्ले लाइनकुना खिलाफ अभियान ओसो लड़ाईंग लोप्पा आक्रमण कियाना ओसो बाहरी सैन्य पंक्ति कार्रवाईंग कियाना नीतिंग लागू कित्ताद मंता, अदिन काजे दुश्मन ता फौज कुना अलग-अलग हर्ही तल वासोरे हर लाइन मना घेराबंदी लोप्पा फंसे मायारा। इद दुश्मन पोर्हे मनम वाटता घेराबंदी ता

पहली रकम आंदू इदे आयावा दुश्न ता पृष्ठभाग लोप्पा छापामार आधार इलाकांग ना बारे ते विचार कियाना पोर्हे माटु हर उंदी आधार इलाका या ऊथाए मेड्हा इलाका ता लेक्का दुश्मन तल नालुंग बगिल तल घेराव आत्ताद हूँडिंतोम, लेवेके शानशी ता उत्तर-पश्चिमी इलाका ता लेक्का दुश्मन तल मूँड बगिल तल घेरे मंता। इद मावा पोर्हे दुश्मन वाटा घेराबंदी ता दूसरा रकम आंदू मति माटु इव विभिन्न आधार इलाकांग ना आपसी संबंध ओसो संगेने नियमित सेना ता मोर्चा संगे इव छापामार आधार इलाकांग ना संबंध किन हूँडतेके माटु मना दुश्मन ता वेल्ले फौजी दलम किन घेरे कित्तादु दिसिंता। उदाहरण काजे शानी प्रान्त लोप्पा माटु ताथुंग-फूचओ रेलवे किन मूँड बगिल तल (रेलवे ता पूर्वी ओसो पश्चिमी बगिलतल दक्षिणी बगिल) तल घेरे कित्ताद मंता ओसो थाएवान शहर किन नालुंग बगिल तल घेरे कित्ताद मंता, हपे ओसो शनतुंग प्रान्त लोप्पा इद्रमे वेल्ले घेराबंदिंग कित्ताद मंता। इद दुश्मन पोर्हे मना कित्ता घेराबंदी ता दूसरा रकम आंदू इद्रम माटु ओसो दुश्मन इरवुरासी वरोर वरोना पोर्हे रेंदु रकम ता घेराबंदी कित्ताद मंता। इद ठोस रूप ते वेइछी<sup>१</sup> ता खेल लेक्का मंता। मावा ओसो दुश्मन नडमा ताकना अभियानकु ओसो लडाईंग उंदी दूसरा गोटी वाटना लेक्का मंतांग ओसो दुश्मन ता मोर्चाबंदी वाले जागा ने ओसो मना छापामार आधार इलाकांग ना स्थापना, बिसात (वेछी कर्सना कपड़ा) पोर्हे खाली जागांग किन कब्जा ते कियाला काजे गोटी ताकी कियाना लेक्का मंता। दुश्मन ता पृष्ठभाग लोप्पा छापामार आधार इलाकांग ना रणनीतिक भूमिका ता वेल्ले महत्व इव्वे “खाली जागांग किन कब्जा ते कियाना” ता संघर्षकुगडल दिसिंता। जापानी आक्रमण विरोधी युद्ध लोप्पा इद समस्या किन तेहाना इतेके देश ता फौजी अधिकारी ओसो विभिन्न इलाकांग ना छापामार कमांडर दुश्मन ता पृष्ठभाग लोप्पा छापामार युद्ध किन विकसित कियाना ओसो बेगा संभव आंता अगा छापामार आधार इलाका किन निल्पी कायना किन किन जरूर तम्मा कार्यसूची लोप्पा शामिल कियाना ओसो इदिन जरूर रणनीतिक कार्य ता रूप ते लागू कियाना इंजी मांग कियाना आंता। चीन किन उंदी रणनीतिक इकाई बने कीसि ओसो सोवियत संघ ओसो दूसरा संभव मत्ता देश किन वेने उंदी-उंदी रणनीतिक इकाई बने कीसि माटु प्रशान्त महासागर इलाका लोप्पा अंतरराष्ट्रीय स्तर ते उंदी जापान विरोधी मोर्चा ता निर्माण कियाना लोपा सफल आतेके दुश्मन पोर्हे माटु उंदी दूसरा रकम ता घेराबंदी वेने किया परिंतोम, इद्रम कितेके दुश्मन मावा पोर्हे किया परवोर आयनूर ओसो इद्रम प्रशान्त माहासागर इलाका लोप्पा बाहरी सेना पोर्हे कार्रवाई कीसि फासीवाद जापान किन घेरे कियाना

ओसो अदिन ध्वस्त कियाना लोप्पा सफल आया परिंतोंम। जरूर नेंडु इद पोल्लो ता वेल्ले कम व्यवहारिक महत्व मंता, मति वायना कालम ते इद्रम आयना असंभव मन्नो आयार।

## अध्याय 7

### छापामार युद्ध लोप्पा रणनीतिक रक्षा ओसो रणनीतिक आक्रमण

छापामार युद्ध ता चौथी रणनीति ता समस्या रणनीतिक रक्षा ओसो रणनीतिक आक्रमण ता समस्या आंदू। इद समस्या ता संबंध पहली समस्या पोर्रो विचार कियानास्के माटु आक्रमणात्मक कार्रवाई ता बद नीति ता बारे ते वेहतद मंतायो अदिन जापान-विरोधी छापामार युद्ध लोप्पा माटु रक्षात्मक कार्रवाई ता परिस्थिति लोप्पा मत्तेकाई लेवेके आक्रमणात्मक कार्रवाई ता परिस्थिति लोप्पा मत्तेकाई ठोस रूप ते बद्रम लागू कियाना इंदाना समस्या संगे मंता।

राष्ट्रव्यापी रणनीतिक रक्षा या रणनीतिक आक्रमण (रणनीतिक प्रत्याक्रमण इंदानदु ज्यादा बेस आयर) ता परिस्थिति लोप्पा हर छापामार आधार इलाका लोप्पा ओसो अदिना आसपास ता सुडला स्तर ता रणनीतिक रक्षा, इत्तेके दुश्मन आक्रमणात्मक परिस्थिति लोप्पा ओसो माटु रक्षात्मक परिस्थिति लोप्पा मंदानास्केटा रणनीतिक परिस्थिति ओसो रणनीतिक नीति आंदू। रणनीतिक आक्रमण इत्तेके मना हिसाब ते दुश्मन रक्षात्मक परिस्थिति लोप्पा मंदानास्के ओसो मनम आक्रमणात्मक परिस्थिति लोप्पा मंदानदु आंदू।

### 1. छापामार युद्ध लोप्पा रणनीतिक रक्षा

छापामार युद्ध शुरू आता ओसो वेल्ले विकसित वेने आसी मंदानास्के, खासकर दुश्मन राष्ट्रव्यापी स्तर ते तन्ना रणनीतिक आक्रमण बंद कीसि मंजी तना कब्जा ते मंदाना इलाकांग किन सुरक्षित तासना नीति लागू कीसि मंदानास्के ने ओरू छापामार आधार इलाका पोर्रो पक्का हमला कीतोरा। इद्रम ता आक्रमण ता जरूरत किन समझेमायना जरूरत मंता, हिल्वेके छापामार कमांडर बिल्कुल तैयार हिल्वा मंदाना परिस्थिति ते वांतोर, ओसो दुश्मन कियाना गंभीर हमलांग ना मुन्ने जरूर उक्का-बक्का आंतोर ओसो ओना फौज किन दुश्मन तोर नष्ट किया परिंतोर।

छापामार लोर ओसो ओरा आधार इलाकांग किन नष्ट कियाला काजे दुश्मन हमेशा बचोनो बगिल तल हमला कियाना नीतिकृत लागू कींतोर - उदाहरण काजे, ऊथाए मेड्वा इलाका ता खिलाफ चार या पांच बेरा “दण्ड-अभियान” कीतद मंता ओसो हर बेरा दुश्मन तीन-चार या छै-सात कॉलम ते उंदे योजना ता अनुसार मुन्ने वाज्ञा। बचोन बेहरा स्तर ता छापामार युद्ध विकसित आयार, अदिना आधार इलाकांग ना परिस्थिति बचोन ज्यादा महत्वपूर्ण मंदियर, इद्रम आसि दुश्मन ता रणनीतिक अड्डांग ओसो महत्वपूर्ण संचार-मार्ग काजे बचोन खतरा पुट्ठियर, छापामार लोरा ओसो ओरा आधार इलाका ना खिलाफ दुश्मन ता हमला अचोने ज्यादा तेज आयरा अदिन काजे छापामार लोरा पोर्झे दुश्मन ता हमला बेगा अधिक तेज आत्ता इत्तेके अगड़ा छापामार लोर वेल्ले सफलतांग दोरकि कित्तोर ओसो नियमित युद्ध संगे तालमेल बने कियाना लोप्पा ओरु वेल्ले जबरदस्त भूमिका निभे कित्तोर इंजी समजे मायना।

दुश्मन बचोनो कॉलम कुने बचोनो बगिल तल हमला कित्तेके छापामार लोरिन प्रत्याक्रमण संगे अव हमलांग किन तहस-नहस कियाना नीति किन लागू कियाना। मुन्ने वायना दुश्मन ता हर कॉलम ते उंदी सुडला या बेहरा यूनिट शामिल मत्तेके ओसो ओरगा रिजर्व माने हिल्वेके, मुन्ने हंजी अगा सैनिक लोर किन तासाला, किलेबंदी कियला ओरगा माने हिल्वेके, ओरु मोटरगाड़ी ना काजे सड़क बने किया परवेके, ओरु बचोनो बगिल तल हमलांग कित्तेके वेने अदिन हल्कोए हारे कियमूँडांता। बस्के दुश्मन कई बगिल तल हमला कित्तोर अस्के ओरु आक्रमणात्मक परिस्थिति लोप्पा मंदितोर ओसो बाहरी सैन्य पंक्ति ता कार्रवाईंग कींतोरा अस्के माटु रक्षात्मक परिस्थिति लोप्पा मंदितोम अनि लोप्पाटा सैन्य पंक्ति ता कार्रवाईंग कींतोम। मनम मना सेना ता तैनाती मना गौण फौज कुना संगे दुश्मन ता कई कॉलम किन रोमी किया परना लेकका कियाना, ओसो दुश्मन ता उंदी कॉलम ता खिलाफ मना मुख्य फौज अभियान या लड़ाईंग लोप्पा आकस्मिक हमलांग (मुख्य रूप ते एम्बुश कियाना हमलांग) ना कार्यनीति लागू कियाना, ओसो दुश्मन पोर्झे वार कियाना समय ओरु चलायमान मंदानास्के कियाना सही मंदिता। दुश्मन मजबूत मंतोर, मति बार-बार ता आकस्मिक हमलांग संगे ओरु कमजोर आयनूर ओसो हमेशा नडुम हर्ही एवनले मुन्ने वासी पेरके गुचनोरा दुश्मन ता पेरके अरनास्के छापामार दलम ओसो वेने आकस्मिक हमला किया परिंता ओसो दुश्मन तन्ना हमला रोके कित्तेके या पेरके गुचना शुरू कित्तेके ओरु मना आधार इलाकांग ना

काउन्टी केंद्रांग या कस्बा पोर्हे अधिकार कींतोर ओसो मनम अव काउंटींग-केंद्रांग लेवके कस्बांग किन मना घेरबंदी लोप्पा पोयना, ओसो अविना रासन सप्लाई ओसो संचार मार्ग किन देहचियाना, अगा टिकेमाया परवासके ओसो पेरके गुचनास्के मनम इद मौका ता फायदा तेहची पेरके अरना ओसो ओरा पोर्हे हमला कियाना। उंदी कॉलम नष्ट कित्ता पेरके मनम मना फौज किन दूसरा कॉलम पोर्हे भीडे कियाना, इद्रमे कई बगिल तल हमला कियाना दुश्मन ता कॉलम किन उंदी-उंदी कीसि तहस-नहस कियाना।

ऊथाए मेड्हा लेकका बेहरा आधार इलाका ना “फौजी इलाका” किन नालुंग, हेय्युंग लेवेके अदिनकु वेने ज्यादा “फौजी उपक्षेत्र” ते तूसतद मंता। इविना लोप्पा अलग-अलग फौजी यूनिटकू मंतांग, अव स्वतंत्र रूप ते कार्रवाई कींतांग। पोर्हे वेहत्ता कार्यनीति संगे इव यूनिटकु हमेशा दुश्मन ता हमलांग किन उदे बेरा लेवेके उंदी-उंदी कीसि तहस-नहस कीतांग।

दुश्मन ता वेल्ले बगिल तल कियाना हमलांग ना खिलाफ मावा कार्यनीति ता योजना लोप्पा मावा मुख्य फौज कु आम रूप ते दुश्मन किलेबंदी लडाई ता नीति इत्तेके गृहयुद्ध ताकानास्के क्वोमिंगतांग लागू कित्ता नीति किन लागू किया परवोरा मति मनम उंदी हंदी एवनल दुश्मन ता महत्वपूर्ण अड्डांग काजे खतसाक मंदाना छापामार आधार इलाकांग काजे इद नीति किन लागू किया परितोर इंजी मनम अनुमान वाटना ओसो इव परिस्थितिंग लोप्पा वेने छापामार युद्ध किन जारी तासना काजे मनम तैयार मंदाना। गृहयुद्ध लेककाटा परिस्थिति लोप्पा वेने छापामार युद्ध किन जारी तासना अनुभव मंदानास्के इत्तेके राष्ट्रीय युद्ध लोप्पा इदिन जारी तासना लोप्पा मनम ओसो वेने ज्यादा तैयार मंदिंतोम इंदाना लोप्पा बदे डावुट हिल्ले। उचुक आधार इलाकांग लोप्पा तुलनात्मक ताकत कुना दृष्टि ते दुश्मन मना किनकु बचोनो ज्यादा गुणात्मक ओसो परिमाणात्मक सेना वाटा परितोर, अदिन काजे मना ओसो दुश्मन नडमा ता राष्ट्रीय अन्तरविरोध हल किया परमङ्गायो ओसो दुश्मन ता कमांड लोप्पा कमजोरी मंदाना अनिवार्य मंदिंता। मना जीत जन समुदाय नडमा जोरदार काम

कियाना पोर्हे ओसो कार्वाईंग कियाना लोप्पा लचीला कार्यनीति लागू कियाना  
पोर्हे आधार आसी मंता।

## 2. छापामार युद्ध लोप्पा रणनीतिक आक्रमण

दुश्मन ता आक्रमणात्मक कार्वाई किन तहस-नहस कित्ता पेरके ओसो इदिनकु मुन्ने  
ओरु पूना आक्रमणात्मक कार्वाई शुरू किंतोर, अस्के दुश्मन रणनीतिक रक्षा ता  
परिस्थिति लोप्पा मंदिंतोर ओसो मनम रणनीतिक आक्रमण ता परिस्थिति लोप्पा  
मंदिंतोम।

इद्रम ता मौका ते फौजी कार्वाई ना मना नीति - दुश्मन ता रक्षात्मक परिस्थिति  
ते गढ़िक मंजी डटेमासी मंदाना फौज पोर्हे, बदिन मनम हारे कियाना गारंटी एता  
परवोम अदिना पोर्हे - हमला कियानायो नीति मंदिता। मावा नीति योजनापूर्वक  
उचुक जागाने, दुश्मन संगे लडेमायला काजे छापामार ताकत वेल्ले मजबूत मंदाना  
जागा ते, दुश्मन ता सुडला टीम ओसो अदिना कठपुतली फौज किन नष्ट कियाना,  
लेवके अविन अगाडल बाहर पूँडना, मना पोयता इलाकांग ना विस्तार कियाना,  
जापान ता खिलाफ संघर्ष कियाला काजे जन-समुदाय किन जागृत कियाना, मना  
फौज ता नुक्सान ता भरपाई कियाना ओसो अविन ट्रेनिंग हियाना ओसो पूना  
छापामार दलम बने कियानादु मंदिता। माटु इव काम किन सही तरीका ते कियानास्के  
वेने दुश्मन रक्षात्मक परिस्थिति लोप्पाने मतेके, अस्के मनम मना पूना पोयता  
इलाकांग ना ओसो विस्तार कियाना, दुश्मन ता फौज कमजोर मंदाना शहरकुना पोर्हे  
ओसो संचार-व्यवस्था पोर्हे हमला कियाना, अदिना पोर्हे परताचोन जोम कब्जा  
कीसि तासना। इव सब्बे रणनीतिक आक्रमण ता कबड आंदू, दिना उद्देश्य दुश्मन ता  
रक्षात्मक स्थिति ता फायदा तेहची मना फौजी ताकत ओसो जनता ना शक्ति तुन  
सही तरीका ते बेरसी कियाना, दुश्मन ता शक्ति किन सही तरीका ते कमजोर कियाना,  
मना योजना मुताबिक ओसो जोरदार कार्वाई संगे दुश्मन कियाना पूना हमला किन  
तहस-नहस कियला तना किन तैयार कियाना मंदिता।

फौज किन आराम हियाना ओसो ट्रेनिंग हियाना जरूरी मंता। ओसो इदिना  
काजे सबसे बेसता समय दुश्मन रक्षात्मक परिस्थिति लोप्पा मंदानास्के मंदिता। फौज  
किन आराम हियाला या ट्रेनिंग हियाला काजे कोठरी ते बंद कियाना या अंगडमे  
उदसी मंदाना इंजी आयो। मनम मना पोयता इलाकांग किन बेरसि किसोरे, दुश्मन ता

सुडला दलम किन नष्ट किसोरे ओसो जन समुदाय किन जागृत किसोरे, आराम कियाला ओसो फौज किन ट्रेनिंग हियाला समय तेंडाना। इद समय तेने आम रूप ते रसद, बिस्तर-कपड़ांग लेक्काटा मुश्किल समस्या वेने हल कियाना।

दुश्मन ना संचार-लाईन किन बेहरा स्तर ते नष्ट कियाना, परिवहन-साधन किन तोडफोड कियाना ओसो नियमित सेना ता अभियान कार्रवाई किन सीधा सहायता हियाना लेक्काटा काम वेने इदे समय ते कियमूङांता।

इद्रम ता समय ते सब्बे छापामार आधारा-इलाकांग, छापामार इलाकांग ओसो छापामार यूनिट कुना गिर्दा बेरसिंता, ओसो दुश्मन बर्बाद कित्ता इलाकांग ना वेने तीरम-तीरम दोबारा विकास कियमूङांता ओसो अविना ताकत दोबारा बेरसिंता। दुश्मन पोयता इलाकांग ना जनता वेने गर्दा ता परिस्थिति लोप्पा मंदिता ओसो छापामार दलम कुना शोहरत (प्रसिद्धी) ता गुंज सब्बे बगिल फैलेमांता। दुश्मन ओसो अदिन पालतू नैकू, गद्दार लोरा ग्रुप लोप्पा उंदी बगिल वेर्री मंदिता ओसो बिखराव बेरसिंता ओसो दूसरा बगिल छापामार दलम ओसो आधार इलाकांग ना बारे ते ओरा लोप्पा होंग बेरसिंता ओसो छापामार लोरा संगे लडेमाला काजे ओरा तैयारिंग लोप्पा तेजी वांता। अदिन काजे रणनीतिक आक्रमण ता समय ते छापामार कमांडर तन्ना सफलता दोरकतास्के वेल्ले गिर्दा आसी दुश्मन ताकत किन कम कीसि हूँडतेके ओसो तन्ना कैडर ता एकता किन मजबूत कियाना ओसो तन्ना आधार इलाकांग ओसो फौज किन सुदृढ़ बने कियाना मरणसिंतोरा। इद्रम ता मौका ते ओरकिन दुश्मन ता हर कार्रवाई किन कुशलता ते समझेमायना ओसो मना विरुद्ध हमला ता बदे चिन्हा दिसिंता या हिल्ले इंजी हूँडाना। अस्केने हमला बस्केने आतेकाई माट मना रणनीतिक आक्रमण किन सही समय ते बंद किया परितोम, रणनीतिक रक्षा ता स्थिति लोप्पा एव्वा परितोम ओसो इद्रमे दुश्मन ता आक्रमण किन तहस-नहस किया परितोम।

## अध्यायन 8

### छापामार लड़ाई ता चलायमान लड़ाई ता रूप ते विकास

जापान-विरोधी छापामार युद्ध ता पांचवी रणनीति विषय संबंधी समस्या छापामार लड़ाई ता चलायमान लड़ाई ता रूप ते विकास आयना आंदू युद्ध दीर्घकालीन ओसो क्रूर आता कारण ते इदु जरूरी ओसो संभव वेने आंता। चीन जलिये जापानी

हमलावर लोरकिन हारे किया परतेके ओसो मना कैदल हत्ता राज्य किन जल्दिये वापिस पोथ्या परतेके, युद्ध दीर्घकालीन ओसो क्रूर हिल्वा मतेके छापामार लड़ाई काजे चलायमान लड़ाई लोप्पा विकसित आयना जरूरत हिल्ले आसी मनवड़ा। मति वास्तविक परिस्थिति इदिना विपरित मंता, इत्तेके युद्ध दीर्घकालीन ओसो क्रूर मंता, अदिन काजे छापामार लड़ाई केवल चलायमान लड़ाई लोप्पा विकसित आसीए खुद किन इद्रम ता युद्ध अनुकूल बने किया परिंता। युद्ध दीर्घकालीन ओसो क्रूर मंता, अदिन काजे छापामार दलम काजे फौलाद बनेमायना जरूरी प्रक्रिया तिंची बैंडना ओसो तीरम-तीरम खुद किन नियमित सेना ते बदले कियाना संभव आंता, अद्रमातेके मना कार्खाईंग ना तरीकांग किन तीरम-तीरम नियमित सेनांग लेक्काटा रूप हिसी छापामार लड़ाई चलायमान लड़ाई लोप्पा विकसित आयार। केवल इदे पोल्लो ता जरूरत ओसो संभावना किन स्पष्ट रूप ते समझेमासीए छापामार कमांडर छापामार लड़ाई किन चलायमान लड़ाई लोप्पा विकसित कियाना नीति पोर्णे गट्टिंग नितसी मंदा परिंतोर ओसो अविन किन योजना अनुसार लागू किया परिंतोर।

वर्तमान कालम ते छापामार युद्ध ता विकास वेल्ले जागाने, इत्तेके ऊथाए मेड्डा इलाकांग लोप्पा, नियमित सेनांगनडल लोहता मजबूत दलम कुना कारण ते आत्ताद मंता। इद्रमता जागाने कार्खाईंग आम रूप ते छापामार तरीका ता मंदिंता, मति अविना लोप्पा शुरू तले चलायमान लड़ाई ता तत्व वेने मंदिंता। युद्ध ब्रह्म दीर्घकालीन आंता, अद्रमे इव तत्व ओसो ज्यादा बेर्सितांग। वर्तमान जापान-विरोधी छापामार युद्ध ता इदे उंदी श्रेष्ठता मंता, इदिना कारण तेने छापामार युद्ध केवल जल्दी विकसिते आयवा, जल्दी-जल्दी पोर्णे स्तर ते वेने एव्वा परिंता, इव परिस्थितिंग मूँ उत्तर-पूर्वी प्रांत ता छापामार युद्ध कुना परिस्थिति तुकू बचोनो बेस मंता।

छापामार लड़ाई लोप्पा भीड़े मात्ता छापामार यूनिट किन चलायमान लड़ाई कियाना नियमित सेना लोप्पा बदले कियाला काजे रेंडु शर्तकु जरूरी मंतांग, अविना संछ्या बेरसना ओसो अविना गुण बेरसना। मुनेटा शर्त काजे सीधा जनता किन फौज तो शामिल आयला काजे उंदीकट्टु कियानाए आयवा माटु सुडला-सुडला यूनिटकुन उंदीकु-उंदी संगे काल्पना तरीका वेने लागू किया परिंतोम, ओसो दूसरा शर्त युद्ध ताकनास्के, लडेमायनोर किन फौलाद बनेकियाना ओसो ओरा हथियार कुना लोप्पा सुधार कियाना पोर्णे निर्भर आसी मंता।

सुडला यूनिटकुन काल्पनास्के उंदी बगिल माटू, केवल स्थानीय हितकुना पोर्णे ध्यान हीसी केंद्रीयता ता हर्री ते बाधा पुट्टी कियाना स्थानीयतावाद ता बारे ते

सतर्क मंदाना, ओसो दूसरा बगिल स्थानीय हितकुन नजरअंदाज कियाना विशुद्ध सैनिक दृष्टिकोण ता बरे ते वेने सतर्क मंदाना।

स्थानीय छापामार दलम ओसो स्थानीय सरकार लोप्पा स्थानीयतावाद मंदिता। अब सामूहिक हित किन मरंगिसी स्थानीय हितकुना लोप्पा ए उलझेमासी मंदितांग, लेकेके सामूहिक पिस्वल ता आदत हिल्वा कारण ते अलग-अलग कार्रवाई कियाना किने प्रधानता हींतोर। मुख्य छापामार यूनिट कु या छापामार फारमेशन कुना कमांडर लोरु स्थानीय छापामार युद्ध किन ओसो मुन्ने ओयला काजे वेल्ले ताकत बेरसी किया परना लेका स्थानीय दलम कुन तीरम-तीरम ओसो आंशिक रूप ते काल्पना तरीका किन लागू कियाना पोर्चे ध्यान हियाना, ओसो अविन अलग-अलग स्थानीय दलम किन काल्पना काम किन मुन्ने इव दलम किन संयुक्त कार्रवाईगा लोप्पा पिङ्गना, ओसो इविना मौलिक संगटन देगवा लेक्का ओसो इविना कार्यकर्ता लोरा लोप्पा अदला-बदला आयवा लेक्का कालियी कियाना अस्केने सुडला-सुडला दलम किन बेहरा दलम लोप्पा काल्पा परम्भूङ्ठांता।

स्थानीयतावाद ता विपरित विशुद्ध सैनिक दृष्टिकोण मुख्य फौज लोपा मंदना अब लोकुरा गलत विचारधारा ता प्रतिनिधित्व कींता, बोरु स्थानीय हथियारबंद दलम किन सहायता कियाना काम किन नजरअंदाज कीसोरे केवल तन्ना विकास कियाना काजेए आल्सिंतोर। ओरु छापामार लडाई ता चलायमान लडाई लोप्पा विकसित आयना इत्तेके छापामार लडाई किन त्यागे कियाना आयवा चलायमान लडाई ताकी कियाला तैयार मंदाना ओसो नालुंग बगिल बेहरा स्तर ते ताकना छापामार युद्ध ओसो दूसरा बचोनो छापामार यूनिटकु मंदाना विस्तृत छापामार लडाई ताकनास्के तीरम-तीरम इद्रम ता मुख्य फौज कुना निर्माण कियाना इंजी समझेमायोर आंतोर। इव छापामार यूनिटकु मुख्य फौज काजे शक्तिशाली सहायक दलम कुना काम कींतांग ओसो अविना लगातार विकास काजे बस्केने खत्म आया परवा लेक्काट स्नोत कुना काम कींतांग। अदिन काजे मुख्य फौज ता बोरे वेने कमांडर स्थानीय जन-समुदाय ओसो स्थानीय सरकार कुना हित किन नजरअंदाज कीसि विशुद्ध सैनिक दृष्टिकोण लागू कियाना गलती कितेके, ओनकि इदु गलती किन सुधेरे कियाना जरूरत मंता, अस्केने मुख्य फौज ता विकास ओसो स्थानीय हथियारबंद दलम कुना संघ्या लोप्पा बढोतरी, इव रेंडासी तन्ना उचित जागा हासिल किया परिंतांग।

छापामार दलम कुना गुण किन बेस कियाला काजे मनम अविना राजनीतिक ओसो संगठनात्मक स्तर किन बेस कियाना जरूरत मंता ओसो साजो-सामान, फौजी तकनीक, कार्यनीति ओसो अनुशासन लोप्पा सुधार कियाना, अस्केने अविन तीरम-तीरम नियमित सेना ता सांचा लोप्पा वाटा परिंतोम ओसो अविना छापामार कार्यशैली किन कम कियाना परिंतोम। राजनीतिक दृष्टि ते कमांडर ओसो योद्धा इखुरासी किन छापामार दलम किना स्तर किन नियमित सेना ता स्तर एवनल तेहाना जरूरत मंता इंजी समझेमायाना अविना इद उद्देश्य किन हासिल कियाला काजे कोशिश कायलाई गिर्दा कियाना ओसो राजनीतिक काम कुना संगे इदिना सफलता ता गारंटी हियाना वेल्ले जरूरी मंता। संगठनात्मक दृष्टि ते तीरम-तीरम उंदी नियमित फौजी फारमेशन काजे जरूरत मंदाना लेक्काटा फौजी ओसो राजनीतिक संगटन बने कियाना, इद्रम ता फौजी ओसो राजनीतिक कार्यकर्ता तैयार कियाना, इद्रम ता फौजी ओसो राजनीतिक काम ता तरीका तेंडना, ओसो रसद-सप्लाई ओसो दबाई ता नियमित व्यवस्था कियाना वेल्ले जरूरत मंता। साजो-सामान लोप्पा, हथियार किना गुण ओसो रकम लोप्पा सुधार कियाना ओसो संचार कुना जरूरी साजो-सामान किन बेरसी कियाना जरूरत मंता। फौजी तकनीक ओस कार्यनीति लोप्पा वेने छापामार यूनिट कुना काजे तन्ना स्तर किन नियमित फौजी फारमेशन काजे जरूरी स्तर ते एवसी कियाना जरूरी मंदिंता। अनुशासन लोप्पा छापामार दलम किन अवु नियम कुना समान रूप ते पालन किया परना लेक्का, हर आदेश ता अनिवार्य रूप ते पालन किया परना लेक्का ओसो हर रकम ता ढील किन खत्म कीसि मंदाना स्तर एवनल एवसी कियाना जरूरत मंता। इव सब्बे काम किन पूरा कियाला काजे वेल्ले समय एवनल कोशिश कीसोर मंदाना जरूरत मंता बारांकु इत्तेके अवु उंदी दिया ते पूरा आयना कामकु मन्नोंग आंतांग, मति मनम इदे दिशा ते विकास कियाना। केवल इद्रम कितेकेने छापामार आधार इलाका लोप्पा मुख्य फौजी फारमेशन ता निर्माण आया परिंता ओसो चलायमान कार्यवाईंग दुश्मन पोरो वेल्ले असरदार हमला कियाला काजे मुन्ने वाया परिंतांग। बवु जागाने नियमित सेनांगनगडल दलम लेवके कार्यकर्ता लोर लोहतद मंता, अगा इद उद्देश्य किन हासिल कियाना अपेक्षाकृत हल्कोए मंता। अदिन काजे सब्बे नियमित सेनांग ना जिम्मेदारी छापामार दलम किन नियमित यूनिट कुना रूप ते विकसित कियाना काम लोप्पा मदद कियाना मंदिंता।

## अध्याय 9

## कमांड कुना आपस ता संबंध

जापान-विरोधी छापामार युद्ध ता आखरी रणनीतिक समस्या कमांड कुना आपस ता संबंध आंदू इदु समस्या किन सही तरीका ते हल कियाना छापामार युद्ध ता नरका-पियल कियाना ता उंदी शर्त आंदू।

बारांकु इतेके छापामार यूनिटकु दोइता स्तर ता हथियारबंद संगटन आंदुंग ओसो बिखरेमात्ता कार्रवाईंग अविना विशेषतांग आंदुंग, अदिन काजे छापामार युद्ध ता कमांड ता तरीका लोप्पा नियमित युद्ध ता कमांड कुना लोप्पा हियाना अचोन पोर्टोटा दर्जा ता केंद्रीयता ता अनुमति हियमूङायो आंता। माटु नियमित युद्ध ता कमांड कुना तरीकांग किन छापामार युद्ध पोर्टो लागू कियाना कोशिश कितेके छापामार युद्ध ता पोर्टोटा स्तर ता लचीलापन जरूर सीमित आयर ओसो अदिना स्फूर्ति खत्म आयार। उंदी वेल्ले केंद्रित कमांड प्रत्यक्ष रूप ते छापमार युद्ध ता पोर्टोटा स्तर ता लचीलापन ता विरोधी मंदिंता, ओसो अदिन वेल्ले लचीला छापामार युद्ध लोप्पा लागू कियमूङायो ओसो लागू कियाना वेने आयो।

मति बेदे केंद्रित कमांड काजे बिना छापामार युद्ध किन सफलतापूर्वक विकसित किया परमूङायो। व्यापक नियमित युद्ध ओसो व्यापक छापामार युद्ध रेंडासी संगे-संगे ताकसोर मंदानास्के, अदिना कार्रवाईंग लोप्पा सही तालमेल बने कियाना जरूरत मंदिंता। अदिन काजे नियमित युद्ध ओसो छापामार युद्ध ता कार्रवाईंग लोप्पा तालमेल बने कियाला काजे उंदी कमांड, इतेके राष्ट्रीय जनरल स्टाफ ओसो युद्ध-इलाका ता कमांडर लोरा रणनीतिक एकीकृत कमांड ता जरूरत मंदिंता। उंदी छापामार इलाका लेवके छापामार आधार इलाका लोप्पा वेल्ले छापामार दलमकु मंदिंतांग, ओसो अविना नडमा मुख्य ताकत ता रूप ते हमेशा उंदी लेवेके बचोनो छापामार फारमेशनकु (बस्के-बस्के के नियमित फौजी फारमेशनकु वेने) मंदिंतांग ओसो सहायक शक्ति ता रूप ते वेल्ले सुडला-बेहरा छापामार यूनिटकू ओसो उत्पादन तल अलग आयवा लेवा मंदाना जनता ना बहुसंख्यक हथियारबंद दलमकु वेने मंदिंतांग: इवु जागाने आम रूप ते दुश्मन ता फौजकु तन्ना एकीकृत कार्रवाईंग संगे छापामार लोरा संगे लड़ायला काजे संयुक्त इकाई बनेमांतांग। अद्रमासी इद्रम ता छापामार इलाकांग लेवेके आधार- इलाकांग लोप्पा एकीकृत कमांड, इतेके केंद्रित कमांड निल्पी कियाना समस्या पुढ़िंता।

अदिन काजे छापामार युद्ध लोप्पा कमांड ता उसूल निरपेक्ष केंद्रीकरण ओसो निरपेक्ष विकेंद्रीकरण रेंडासी ना खिलाफ मंदिता, रणनीति काजे इदिन केंद्रित कमांड ता ओसो अभियान कुना ओसो लड़ाईग कुना काजे अदिन विकेंद्रित कमांड ता जरूरत मंदिता।

रणनीतिक केंद्रित कमांड लोप्पा इव रेंडु पोल्लोंग शामिल मंतांगः राज्य कियाना संपूर्ण छापामार युद्ध ता नियोजन ओसो निर्देशन, प्रत्येक युद्ध इलाका लोप्पा नियमित युद्ध ओसो छापामार युद्ध नड़मा तालमेल ओसो हर छापामार इलाका लेवेके आधार इलाका लोप्पा मंदाना सब्बे जापान-विरोधी हथियारबंद फौज कुना एकीकृत निर्देशन। इविना लोप्पा असंगति, अनेकीकरण ओसो विकेंद्रीकरण नुकसानदायक मंदितांग ओसो मन संगति, एकीकरण ओसो केंद्रीकरण ता परताचोन गारंटी एताना कोशिश कियाना। आम समस्यांग लोप्पा इतेके रणनीतिक समस्यांग लोप्पा दोडता स्तर किन पोर्टेटा स्तर किन रिपोर्ट हियाना ओसो अविना आदेशकुना पोर्टे ताकना, अस्के ने कार्बवाईंग लोप्पा तालमेल बने किया परमुडांता। इगा एवनले केंद्रीकरण आयाना। इद हंद किन वेंडतेके दोडता स्तर कुना ठोस समस्या लोप्पा इतेके अभियानकु लेवेके लड़ाईंग लोप्पा विशिष्ट सेना ता वर्गीकरण ता समस्या लोप्पा, नेंगना वेने अद्रमे नुकसान कींता। बारांकु इतेके इद्रम ता ठोस समस्यांग किन उच्चतर कमांड कुनगडल जेक उदसी मंदानोरा जानकारी तुकू हिल्वा मंदाना, समय-समय ओसो जागा-जागा पोर्टे बदलेमासोर मंदाना विशिष्ट परिस्थितिंग ना अनुसारे हल कियाना। अभियान ओसो लड़ाईंग लोप्पा विकेंद्रित कमांड ता उसूल इतेके असल ते इदे आंदू। इद उसूल आम रूप ते नियमित युद्ध ता कार्बवाईंग पोर्टे वेने लागू आंता, विशेष रूप ते संचार ता साधन कम मंदानास्के। उंदी शब्द ते इदिना अर्थ छापामार युद्ध उंदी एकीकृत रणनीति ता अनुसार, स्वतंत्रता संगे ओसो तन्ना पहलकदमी पोर्टे ताकी कियमूडांता।

हर छापामार आधार इलाका लोप्पा उंदी फौजी इलाका ता स्थापना कियमूडांता, अदु बचोनो फौजी उपक्षेत्रांग ने विभाजित आसी मंदिता। इव फौजी उपक्षेत्रांग लोप्पाडल हर उंदी उपक्षेत्र लोप्पा बचोनो काउंटिंग मंदितांग ओसो हर उंदी काउंटी बचोनो जिलांग ने विभाजित आसी मंदिता। अविना लोप्पा फौजी इलाका हेडक्वार्टर तल पोसी फौजी उपक्षेत्रीय हेडक्वार्टर, काउंटी सरकारकु ओसो जिला सरकारकु एवनल, विभिन्न स्तर ते संबंध पोर्टेटल दोडता अधीनता ते मंदिता। हर हथियारबंद यूनिट किन तन्ना स्वरूप ता अनुसार इदिना लोप्पाटल उंदी कमांड ता

अनुसार मंदाना। पोर्टे वेहत्ता उसूल कुना अनुसार इव सब्बे स्तर कुना कमांड कुना आपसी संबंध कुना लोप्पा आम नीति ता बारे ते पोर्टेटा स्तर कुना लोप्पा केंद्रित आयना, ओसो विशिष्ट कार्यवाहिंग, ठोस परिस्थितिंग ना अनुसार, दोडता स्तर कुना स्वतंत्रता ते ताकी कियाना। पूर्णेटा स्तरकुना दोडता स्तर कुना बदे विशिष्ट कार्यवाईंग कुना बारे ते बताले वेहाना मत्तेके अबु इदिन “निर्देशन कुना” रूप ते पेश किया परिंतांग ओसो अविन अचोने ज्यादा स्वतंत्रता ओसो पहलकदमी ता अनुमति हियाना अस्केने अविना कार्यवाईंग ना स्वरूप ओसो वेने स्थानीय आया परिता ओसो अबु खुद किन ओसो वेने ज्यादा स्थानीय परिस्थितिंग ना अनुसार बने किया परिंतांग, ओसो इद्रमे माटु दोडता स्तरकु ओसो स्थानीय कार्यकर्ता लोरा लोप्पा स्वतंत्रता रूप ते काम कियाना, पेचीदा परिस्थितिंगनगडल वेंडला ओसो छापामार युद्ध किन सफलतापूर्व विकसित कियाना क्षमता पुट्टी किया परिंतांग। केंद्रित कार्यवाईंग कियाना बदे उंदी फौजी यूनिट या फौजी फारमेशन ता संबंध किन हूडतेके, मनम अविना कमांड कुना लोप्पाटा संबंध कुना बारे ते केंद्रित कमांड ता उसूल किन लागू कियाना, बारांकू इत्तेके पोर्टेट स्तर कुना मुन्ने परिस्थितिंग साफ मंतांगः मति बद्रम इद फौजी यूनिट या फौजी फारमेशन विकेंद्रित आसी कार्यवाईंग कियाला काजे अलग-अलग आंता, अद्रमे आम समस्यांग लोप्पा केंद्रितकरण विशिष्ट समस्यांग लोप्पा विकेंद्रिकरण ता उसूल किन लागू कियाना, बारांकू इत्तेके अस्के विशिष्ट परिस्थितिंग पोर्टेटा स्तर कुन मुश्किल तेने समझेमाया परिंता।

केंद्रीकरण ता जरूरत आतास्के अदिन लागू किवोर इत्तेके पोर्टेटा स्तर तोरा बगिल तल कर्तव्य ता अवहेलना कियाना ओसो दोडता स्तर तोरा बगिल तक सत्ताधिकार ता अपहरण कियाना लेक्का आंता। पोर्टेटा और नीचले स्तर ता आपसी संबंध कुना लोप्पा, खासकर फौजी कामकाज लोप्पा इवरेंडासी कुना लोप्पाटल बदे वेने पोल्लो ता अनुमति हियमूडायो। बेगा विकेंद्रीकरण ता जरूरत मंता ओसो अगा अदिन लागू किवेके अगा ऊपरी स्तर कुनोरा सत्ताधिकार पोर्टे कब्जा कायम कियाना और नीचले स्तर कुनोरा पहलकदमी ता कमी कि तोहिंता पोर्टेटा और नीचले स्तर ता पारस्परिक संबंधकुना लोपा खासतोर ते छापामार युद्ध ता कमांड लोप्पा इवरेंडासी बदे पोल्लो किन इजाजत हीमुडायो पोर्टेटा उसूले कमांड किना आपसी संबंध ता समस्या ता समाधान ता सही नीति आंदू।

## नोट

1. छांगपाए मेड्वांग चीन ता उत्तर-पूर्वी बार्डर पोर्टों मंता। 18 सितम्बर 1931 ते जापानी आक्रमण पेरके इगा चीनी कम्युनिस्ट पार्टी ता नेतृत्व ते उंदी जापान-विरोधी छापामार आधार-इलाका किल्पी कीतद मंता।
2. ऊथाए मेड्वांग शानशी, छाहाड़ ओसो हपे प्रांत ता बार्डर नडमा फैलेमासी मंता (छाहाड़ प्रान्त किन तोड़े किताद मंता। ऊथाए मेड्वांग वर्तमान शानशी ओसो हपे प्रान्त ता बार्डर पोर्टों मंता-अनु।) अक्टुबर 1937 लोप्पा चीनी कम्युनिस्ट पार्टी ता नेतृत्व लोप्पा आठवीं राह सेना ऊथाए मेड्वा इलाका किन केंद्र बने कीसि शानशी-छाहाड़-हपे ता जापान विरोधी आधार इलाका ना निर्माण शुरू कीसि मंता।
3. थाएहांग मेड्वांग शानशी, हपे ओसो फिंगखान प्रान्त कुना बार्डर नडमा फैलेमासी मंता (फिंगखान प्रान्त किन तोड़े किताद मंता। थाएहांग मेड्वांग वर्तमान शानशी ओसो हपे, हनान प्रान्तकुना बार्डर लोप्पा मंता-अनु।) नवम्बर 1937 ते आठवीं राह सेना थाएहांग मेड्वा इलाका किन तन्ना केन्द्र बने कीसि दक्षिण-पूर्वी शानशी ता जापान विरोधी आधार-इलाका ता निर्माण शुरू कीसि मंता।
4. थाएशान मेड्वांग नडमा शाततुंग लोप्पा मंदाना थाए-ई मेड्वांग ना मुख्य कोड्डिंग लोप्पाडल उंदी आंदू। 1937 ता इंगम कालम लोप्पा चीनी कम्युनिस्ट पार्टी ता नेतृत्व ते छापामार दलम थाए-ई मेड्वा इलाका किन केंद्र बने कीसि मध्य शानतुंग ता जापान-विरोधी आधार इलाका ता निर्माण शुरू कीतद मंता।
5. येनशान मेड्वांग हपे ओसो जहोल प्रान्त ता बार्डर नडमा फैलेमासी मंता (जहोल प्रान्त किन तोड़े कीतद मंता। येनशान मेड्वांग वर्तमान हपे प्रान्त ता उत्तर-पूर्वी भाग लोप्पा मंता-अनु।) 1938 ता एद्वी कालम ते आठवीं राह सेना येनशान मेड्वा इलाका किन केंद्र बने कीसि पूर्वी हपे ता जापान विरोधी आधार इलाका ता निर्माण शुरू किता।
6. माओशान मेड्वांग दक्षिणी च्यांगसू लोप्पा मंता। जून 1938 लोप्पा चीनी कम्युनिस्ट पार्टी ता नेतृत्व ते पूना चौथी राह सेना माओशान मेड्वा इलाका

किन केंद्र बने कीसि दक्षिणी च्यांगसू ता जापान विरोधी आधार इलाका ता निर्माण शुरू कित्ता।

7. जापानी आक्रमण विरोधी युद्ध ता विकास ता अनुभव तल मैदान कुना लोप्पा वेने दीर्घकाल काजे ओसो बचोनो जागाने स्थिर आधार इलाका ना स्थापना कियमूङांता इंजी साबित आता। चीनी प्रदेश ता विशालता, अविना हरा संख्या, कम्युनिस्ट पार्टी ता सही नीति, जनता ना व्यापक गोलबंदी, दुश्मन ता फौज कुना संख्या ता कमी लेक्काटाविना कारण ते ने इदु संभव आसी मत्ता। कामरेड माओ त्सेतुंग पेरके बद निर्देश हीतोर ताना लोप्पा इद पोल्लो किन स्पष्ट रूप ते वेहतद मंता।
8. “वेछी” उंदी पाइना चीनी खेल आंदू ताना लोप्पा रेंडु पक्ष कुना खिलाडी तन्ना विपक्षी लोरा गोटिंग किन धेरे कियाना कोशिश कींतोरा वरोर खिलाडी ना उंदी गोटी लेवेके ओना गोटिंग ना उंदी झुंड विपक्ष ता गोटिंग संगे नालुंग बगिल तिंची धेराव ते अरिंतांग, अस्के अव गोटिंग किन “डोलतवु” (धोखा तित्तवु) समझेमायमूङांता। मति धेराव कित्ता गोटि नडमा उचुन खाली जागा पिसिंता, अस्के वेने अविन “जिन्दा” (धोखा तिनवा मत्तावु) मानेमायमूङांता।
9. ईसा पूर्व 353 ते वेई राज्य चाओ राज्य ता राजधानी हानतान पोरों धेराव कित्ता। छी राज्य ता राजाल थ्येन ची ओसो सुन पिन किन लाल सेना ओसी चाओ ना मदद कियाना इंजी हुक्म हीतोरा सुन पिन वेई राज्य तन्ना उचुन सैनिक लोर किन चाओ राज्य ता धेरेबंदी काजे लोहतोर इंजी पुंजी मत्तोर ओसो वेई राज्य लोप्पा वेल्ले कम सेना पिस्तादु मंता। अदिन काजे सुन पिन वेई राज्य पोरों हमला कित्तोर। ताना पेरके वेई राज्य किन सेना तन्ना देश किन बचे कियाला काजे वापिस वाता। वेई राज्य ता फौज ता थान तल फायदा एतसी छी राज्य ता फौजकु अविनगडल क्वेइलिंग लोप्पा (अद वर्तमान शानतुंग प्रान्त ता होत्से काउन्टी ता उत्तर-पूर्वी लोप्पा मंता-अनु.) भीडेमात्ता ओसो अविन हरे कित्ता। इद्रम चाओ राज्य पोरों धेराव कि देहता। इदे कार्यनीति किन चीन ता फौजी विशेष “वेई राज्य पोरों हमला कीसि चाओ राज्य किन बचे कियाना” इंतोर।

## दीर्घकालीन युद्ध ता बारे ते<sup>६</sup> मई 1938

### समस्या ता विवरण

1. महान जापान-आक्रमण-विरोधी युद्ध ता पहली वर्षगांठ 7 जुलाई जल्दिए बाया मंता। पूरा राष्ट्र ता ताकतकु आपस ते एकताबद्ध आसी, गढ़िक मंजी प्रतिरोध युद्ध ताकी किसोरे संयुक्त मोर्चा ते नितसी मंजी लगभग उंदी साल ते दुश्मन ता खिलाफ वीरतापूर्वक लड़ेमासोरे मंता। पूरा दुनिया ता जनता ना ध्यान इद युद्ध पोरों केंद्रित आता, इदिन मुन्नेटा इतिहास लोप्पा इदिना बराबर बदे युद्ध आत्ताद हिल्ले, इदिन दुनिया ता इतिहास लोप्पा उंदी महान युद्ध लेकका सुरता तासमूझायरा युद्ध ता कटलांग सहन किसोरे ओसो तन्ना राष्ट्र ता अस्तित्व किन बचे कियाला काजे सब्बे चीनी जनता लड़ेमासोरे मंतोर ओसो, हर दिया जीड़ला काजे आल्सा मंतोरा मति असल ते युद्ध ता प्रक्रिया बाता मंदियर? इद युद्ध लोप्पा माटु जीत हासिल किया परिंतोमा परवोम? इद युद्ध लोप्पा माटु जल्दी जीत हासिल कींतोमा परवोम? वेल्ले लोकुर दीर्घकालीन युद्ध ता चर्चा किया मंतोर, मति इदु युद्ध दीर्घकालीन बारांकु मंता? दीर्घकालीन युद्ध बद्रम ताकी कियाना? वेल्ले लोकुर आखरी जीत ता पोल्लोंग किया मंतोर, मति आखरी जीत मनादे बारांकु आयार? आखरी जीत काजे माटु बद्रम कोशिश कियाकाल? हर मानेय किन इव सवालकुना उत्तर दोरकतद हिल्लो। असल इतेके ज्यादातर लोकुर किन इंजे एवनल इविना उत्तर दोरकतद हिल्लो। अदिन काजे राष्ट्रीय गुलामी ता सिद्धान्त कुना वकालत कियाना पराजयवादीर (हरे मांतोम इंजी वेहनारो) मुन्ने वासी लोकुर किन चीन गुलाम बनेमायार ओसो आखिर ते चीन ता हार आयर इंजी वेहाना शुरू कित्तोरा दूसरा बगिल जल्दबाजी ता शिकार आता मना उचुन कामरेड्स लोर वेने मुन्ने वासी

लोकुर किन चीन उब्बाय युद्ध लोप्पा जीत हासिल कियर, वेल्ले कोशिश कियाना जरूरत हिल्लेर इंजी वेहना चालू कित्तोर। इद विचार सही मंताया? माटु हमेशा इद विचार किन लागो इंजी वेहिंतोमा मति माटु बाता वेहिंतोम अदिन ज्यादातर लोकुर इंजे एवनल वेने बेस समझेमातद हिल्लो<sup>6</sup>। इदिना कारण आंशिक रूप ते मना प्रचार ओसो स्पष्टीकरण ता काम सही मात्रा ते कीतद हिल्ले, ओसो इंजे वेने आंशिक रूप ते वस्तुगत घटनांग, लोप्पा स्वरूप ओसो अविना रूफेरखा लोकुर किन मुन्ने संपूर्ण, स्पष्ट रूप ते प्रकट आयना लेका विकसित आत्ताद हिल्ले, अदिन काजे लोकुर पूरा घटनाक्रम ओसो अविना परिणाम किन मुन्नेटले हूड़ा परतद हिल्ले, अद्रमासी अवु नीतिंग ओसो कार्यनीतिंग ना उंदी पूर्ण श्रृंखला ता बारे ते निर्णय किया परवो आत्तोर। इंजे परिस्थिति ज्यादा बेस मंता, प्रतिरोध युद्ध ता हत्ता दस महीनांग ना अनुभव, राष्ट्रीय गुलामी ता बिल्कुल आधार हिल्वा सिद्धांत किन ओसो जल्दी जीत हासिल कियाना सिद्धांत पोर्रो मना जल्दबाजी ते आल्सना कामरेड्स कुना विश्वास किन तोडे कियाला हालिंता। इव परिस्थितिंग लोप्पा वेल्ले लोकुर विस्तृत स्पष्टीकरण ता मांग कींतोरा दीर्घकालीन युद्ध ता बारे ते इद पोल्लो ओसो वेने ज्यादा लागू आंता, बारांकू इत्तेके राष्ट्रीय गुलामी ओसो जल्दी जीत ता सिद्धांत इदिना विरुद्ध मंता इंजी आयो, इद युद्ध ता स्वरूप ता बारे ते उंदी पोर्रो-पोर्रोटा विचार मंता इंजी। “लूकओछ्याओ घटना पेरके तल मना 40 करोड़ जनता सामूहिक रूप ते कोशिश कियाना ओसो आखरी जीत चीन ताए आयारा।” आम जनता लोप्पा इद सूत्र वेल्ले प्रचार आसी मंता। इद उंदी सही सूत्र आंदु, मति तीना लोप्पा ओसो वेल्ले अंतरवस्तु जोडे कियाना जरूरत मंता। जापान आक्रमाल-विरोधी युद्ध ओसो संयुक्त मोर्चा गट्टिक मंजि नित्ता काजे बच्चोने पहलू तना भूमिका निभा कित्तोर। मना देश लोप्पा, इविना लोप्पा कम्युनिस्ट पार्टी तल पोयसी क्वोमिंगतांग एवनल सब्बे राजनीतिक पार्टिंग, मजदूर, किसान लोरगडल पोयसी पूंजीपति वर्ग एवनल पूरा जनता ओसो नियमित सेना तोल पोयसी छापामार दलम एवनल सब्बे सेनांग शामिल मंतांग। अंतर्राष्ट्रीय क्षेत्र ते, इविना लोप्पा

समाजवादी देश तल पोयसी विभिन्न देश कुना न्यायप्रिय जनता एवनल, ओसो दुश्मन देश लोप्पा, जापानी जनता ना लोप्पा युद्ध विरोधी मंदाना जापानी सिपाही लोर एवनल ता हिस्सांग सब्बे शामिल मंता। उचुन वेहना इत्तेके इव सब्बे तत्व कुना विभिन्न मात्रा ते मना प्रतिरोध-युद्ध लोप्पा योगदान मंता। हर ईमानदार मानेय ओरा अभिवादन कियाना। माटु कम्युनिस्ट लोरा मुन्ने ओसो संगे ने जापान विरोधी दूसरा सब्बे राजनीतिक पार्टी ओसो पूरा चीन ता जनता ना मुन्ने केवल माटु खतरनाक जापानी हमलावर लोर किन हरे कियाना काजे सब्बे ताकत किन एकताबद्दु कियाना कोशिश कियानाए उंदी लक्ष्य मंता। इद साल 1 जुलाई ते चीनी कम्युनिस्ट पार्टी ता स्थापना ता सत्रहवी वर्षांठ मानेमायमूङ्डायरा मनम दीर्घकालीन युद्ध ता गंभीरता ते अध्ययन कियाना, अस्केने हर कम्युनिस्ट प्रतिरोध युद्ध लोप्पा ओसो वेने बेस ओसो ज्यादा योगदान हिया परिंतोमा। अदिन काजे नावा भाषण दीर्घकालीन युद्ध ता अध्ययन ता विषय ते मदिंयर नन्ना दीर्घकालीन युद्ध ता संबंधित सब्बे समस्यांग ना चर्चा कियाला आल्सा मंताना। मति सब्बे पोल्लोंग किन नन्ना इगा तत्ता परवोन आयकान, बारांकु इत्तेके उंदे भाषण लोप्पा इव सब्बे वेहा परना मुश्किल मंता।

2. प्रतिरोध युद्ध ता दस महिनांग ना पूरा अनुभव चीन ता अनिवार्य रूप ते गुलाम बनेमायना ता सिद्धांत ओसो चीन ता जल्दी जीत हासिल आयाना सिद्धांत किन गलत साबित कीसिता। इविना लोप्पाटल पहला सिद्धा समझौता कियाना रुझान किन जन्म हींता ओसो दूसरा दुश्मन किन कम आल्सना रुझान किन कम पुढ़ी कींता। इद समस्या ता बारे ते इव रेंडासी रुख मनोगतवादी ओसो उंदी बगिल ता मंतांग, उंदी शब्द ते इविन अवैज्ञानिक इनमूङ्डांता।
3. प्रतिरोध युद्ध तुकू मुन्ने राष्ट्रीय गलामी ता सिद्धांत बारे ते रक-रकम ता चर्चांग ताकनदा। उदाहरण काजे, उचुन मुल इंदानोर: “चीन ता हथियारकु बेकार मंतांग ओसो युद्ध लोप्पा जरूर विफल आयरा” “चीन प्रतिरोध युद्ध कित्तेके अदु पक्का दूसरा अबीसीनिया बनेमायरा” युद्ध शुरू आता पेरेटल राष्ट्रीय गुलामी ता सिद्धांत ता चर्चा इंदे खुल्लेआम ताकसोरे हिल्ले, मति केमेक-केमेक अदिना चर्चा इंजे वेने ताका मंता, ओसो इद्रम

ता चर्चा वेल्ले ताका मंता। उदाहरण काजे, कालम-कालम ते समझौता ता वातावरण पुट्ठा मंता ओसो समझौता ता पैरवी कियानोर इद तर्के पेश कींतोर, “युद्ध जारी तासना परिणाम गुलामी आयार इंजी!”<sup>1</sup> हुनान तल वरोर विद्यार्थी तन्ना चिट्ठी लोप्पा रासिंतोर:

देहात इलाकांगा लोप्पा हर चीज मुश्किल दिसिंता। खुद वरोरे प्रचार काम कियानास्के, नाकिन बस्केनाई बेगानाई लोकुर किलयंतोर ओरा संगे वडका लागिंता। बोरा संगे नन्ना वडकिंतां ओरु बक्कवल मन्नोर आंतोर, बाता ताकसोरे मंता अदिना बारे ओरा लोप्पा उचुन-उचुन समझदारी मंदिता ओसो नन्ना बात वेहिंतान अदिना लोप्पा ओरु वेल्ले गिर्दा तोहंतोर। मति नन्ना नावा सग्गा-सबंधी लोरकिन कलियंतान अस्के ओरु हमेशा इंतोर, ‘चीन युद्ध लोप्पा जीडा परवो, अदिन गुलाम बने कियानूरा’। इद्रम तोर संगे बचोन दुखम पोयंता! मति अद्रमतोर तन्ना विचारकुना वेल्ले प्रचार कियाना लेक्का हिल्ले इंजी बेस मंता लेवेके परिस्थिति निज्जमे पक्काए खराब मनवरा स्वाभाविक रूप ते किसान नाकिनक ज्यादा ओरा पोरों विश्वास कींतोर।

चीन ता अनिवार्य रूप ते गुलाम बनेमायना सिद्धांत ता इद्रम ताए समर्थक समझौतावादी रुझान कुना सामाजिक आधार आंदू इद्रम तोरु चीन लोप्पा हर जागा ते दोरकंतोर। अदिन काजे समझौता ता सवाल जापान-विरोधी लड़ाई लोप्पा बदे समय ते तेदा परिंता ओसो इद युद्ध ता आखरी एवनल वेने सवाले बनेमासी मंदाना लेक्का मंता। इंजे श्वीचओ ता पतन आतादु मंता ओसो ऊहान खतरा ते मंता, नावा हिसाब ते राष्ट्रीय गुलामी ता इदु सिद्धांत ता पूरा उंडुल बने कीसियनदु गलत आयो आयरा।

1. प्रतिरोध युद्ध हत्ता दस महिनांग लोप्पा रक-रकम ता इद्रम ता विचारकु वेने मुन्ने वातांग, अविना लोप्पाटल जल्दबाजी ता गब्बू वांता। उदाहरण काजे युद्ध शुरू आता तुरंत वेल्लेटोर पूरा ए निराधार आशावाद ता परिचय हीतोर, ओरु जापान ता ताकत किन कम कीसि हूडतोर, ओरु जापान शानशी एवनल नेंगा परवो इंजी वेने विश्वास कियानोरा उचुन मुल जापानी आक्रमण विरोधी युद्ध लोप्पा छापामार युद्ध ता रणनीतिक भूमिका किन कम कीसि हूडानोर ओसो इदु मान्यता किन डावुट ता नजर ते हूडानोर: “पूर्ण रूप ते

हूँडतेके चलायमान लड़ाई मुख्य ओसो छापामार लड़ाई सहायक लड़ाई मंदिंता; आंशिक रूप ते छापामार लड़ाई मुख्य ओसो चलायमान लड़ाई सहायक मंदिंता।” ओरु आठवीं राह सेना ता इद रणनीतिक उसूल ता वेने समर्थन किवोर आंतोर: “बुनियादी रूप ते छापामार लड़ाई किमूट, मति अनुकूल परिस्थितिंग लोप्पा चलायमान लड़ाई ता वेने बदे मौका दायाला हीमाटू।” ओरु इदिन “यांत्रिक” विचार समझेमायानोरा<sup>2</sup> शांघाई ता लड़ाई ता अस्के उचुन मुल इद्रम इंजी मत्तोर: “बद्रमाई मनम मुँदु महिनांग एवनल लड़ेमाया परतेके, ताना पेरके अंतराष्ट्रीय परिस्थिति लोप्पा बदलाव जरूर आयारा सोवियत संघ तन्ना फौज जरूर लोहियर ओसो युद्ध वेने खत्म आयारा।” प्रतिरोध युद्ध ता वायना कालम काजे इद्रमता मानेय मुख्य रूप ते विदेशी सहायता पोर्रो कोंडा वाटसी मत्तोरा<sup>3</sup> थाएअडच्चांग ना जीड़का पेरके उचुन मुल ता इद विचार श्वीचओ अभियान किन “लगभग निर्णयिक अभियान” इंजी मंदाना ओसो दीर्घकालीन युद्ध ता नीति किन बदले कियाना इंदाना लेक्का आता। ओरु इंदानोर: “यह टक्कर दुश्मन द्वारा की गई अनितम छटपटाहट का सूचक है,” या “इद लड़ाई किन माटु जीड़तेके जापानी युद्ध-सरदार लोरा मनोबल खत्म आयर ओसो ओरु केवनल तन्ना सर्वनाश किन हूँडसोरे मंदानूरा”<sup>4</sup> फिंगशिंगक्वान ता जीत ओसो ज्यादा लोकुरा दिमाग किन बदले कीसिता। अदिन काजे ओरकिन दुश्मन ऊहान पोर्रो आक्रमण कियनोरा कीवोर इंदाना पोल्लो पोर्रो वेने डावुट आयना शुरू आता। वेल्लेटोरु “ओरु इद्रम कीवोर आयनूर” इंजी आल्सानोर, ओसो वेल्ले मुल “इद्रम बिल्कुले कीवोर इंजी आल्सानोर।” इद्रम ता डावुट कुना प्रभाव सब्बे प्रमुख समस्यांगा पोर्रो अर्रा परिंता। उदाहरण काजे, जापान ता प्रतिरोध कियाना काजे मना ताकत हालना लेक्का आता? उचुन मुल इदिना जवाब इंगे इंजी इंदा परिंतोर, बारांकु इत्तेके मना वर्तमान ताकत दुश्मन किन मुन्ने वायना तुकू रोमी कियाला काजे हालिंता, मति माटु मना ताकत किन बारांकू बेरसी कियाना? ओसो उदाहरण काजे, जापान विरोधी संयुक्त मोर्चा किन मजबूत बने कियाला ओसो अदिना विस्तार कियाना नारा इंजे वेने सही मंता? उचुन मुल इदिना जवाब आयो इंजी हिया परवोर, बारांकु इत्तेके संयुक्त मोर्चा लोप्पा अदिना वर्तमान रूप तेने दुश्मन किन पेरके पूँडना लेक्का ताकत वाता, मति अदिन ओसो ज्यादा मजबूत ओसो विस्तृत बारांकू बने कियाना?

ओसो मना राजनीतिक कोशिशकु ओसो अंतर्राष्ट्रीय प्रचार किन ओसो तेज कियाना? इदिना जवाब आयो इंजी मंदा परिंता। ओसो उदाहरण काजे, मनम सेना ता व्यवस्था ओसो राजनीतिक व्यवस्था लोप्पा सुधार कियाना, जन-आंदोलन किन विकसित कियाना, राष्ट्रीय प्रतिरक्षा संबंधित शिक्षा-कार्य किन जोरशोर ते ताकी कियाना, गद्दार लोर किन ओसो त्रासकीवादीर किन खत्म कियाना, युद्ध-उद्योग किन बेरसी कियाना ओसो जनता ना रहन-सहन ता परिस्थिति लोप्पा सुधार कियाला काजे जीवा कीसि डाका वाटना? ओसो ऊहान, क्वांगचओ ओसो उत्तर-पश्चिम ता राका कियाना ओसो दुश्मन ता पृष्ठभाग लोप्पा छापामार युद्ध किन जोरदार तरीका ते विकसित कियाना नारा इंजे वेने सही मंताया? इव सब्बे सवाल कुना जवाब वेने हिल्ले इंजी मंदा परिंता। उचुन मुल युद्ध परिस्थिति लोप्पा उचुन वेने अनुकूल मोड वातेके क्वोमिंगतांग ओसो कम्युनिस्ट पार्टी नडमा टकराव बेरसी कियाला तैयार मंदिंतोर ओसो इद्रम ओरू तन्ना ध्यान बाहरी समस्यांग नगडल उंदी बगिल कोंडा कीसि लोप्पाट समस्यांग बगिल कोंडा वाटितोरा बस्केनाई माटु तुलनात्मक रूप ते बदे बेहरा लडाई जीडिंतोम या दुश्मन अस्थाई रूप ते तन्ना मुन्ने वायना किन रोमी कींतोर अस्के अनिवार्य रूप ते इद्रमें आंता। इव सब्बे पोल्लोंग किन माटु राजनीतिक ओसो फौजी अदूरदर्शिता (जेक एवनल हूडा परवा मंदाना) ता श्रेणी लोप्पा तासिंतोरा इद्रम ता तर्क बचोन सही लेकका मत्तेकाई, असल ते अवु मङ्डा हिलवा मंदिंतांग, पूरा ए अंगडम ताव मंदिंतांग। इव खोखला पोल्लोंग किन बंद कित्तेकेने जापानी आक्रमण विरोधी युद्ध किन सफलतापूर्वक ताकी कियाना लोप्पा सहायता दोरकियरा।

2. इंजे सवाल: चीन गुलाम बनेमायर आ? जवाब: हिल्ले, अदु गुलाम बनेमायवा लेवा, आखरी जीत चीन ताए आयर इंजी मंता। चीन जल्दी जीडियर आ? जवाब: हिल्ले, अदु जल्दी जीडा परवो, ओसो जापानी आक्रमण विरोधी युद्ध उंदी दीर्घकालीन युद्ध मंदिता।
3. इव समस्यांग ना संबंधित मुख्य तर्क कुना मोटी रूपेरेखा माटु रेंडु साल मुन्ने ने वेहतोमा। 16 जुलाई 1936 ते, इतेके शीआन घटना तुकू 5 महिनांग मुन्ने ओसो लूकओछयाओ घटना तुकू 12 महिनांग मुन्ने, नन्ना वरोर पत्रकार अडगर स्नो ना संगे मुलाकात ते चीन-जापान युद्ध ता परिस्थिति ता आम अनुमान वाटसी मत्तान ओसो जीत दोरकी कियाला काजे लागू कित्ता

विभिन्न उसूल पेश कितादु मत्ता। सुरता कियाना काजे इद मुलाकात ता उचुक अंश किन इगा दोबारा पेश किया मंतानः

**सवाल:** चीन ब्रह्मता परिस्थितिंग लोप्पा जपानी साम्राज्यवाद ता ताकत किन हारे ओसो नष्ट किया परिता?

**जवाब:** इदिना काजे मूँड शर्तकुना जरूरत मंता, पहला, चीन लोप्पा जापानी-विरोधी संयुक्त मोर्चा ता स्थापना, दूसरा, जापान-विरोधी अंतर्राष्ट्रीय संयुक्त मोर्चा ता स्थापना, तीसरा, जापानी जनता ओसो जापान ता उपनिवेश कुना जनता ना क्रांतिकारी आंदोलन पुटना। चीनी जनता ना विचार हिसाब ते इव मूँडिना लोप्पा सबसे महत्वपूर्ण शर्त चीनी जनता ना महान एकता मंता।

**सवाल:** मीवा हिसाब ते इद्रम ता युद्ध बस्के एवनल तार्कीता?

**जवाब:** इद चीन ता जापान विरोधी संयुक्त मोर्चा ता ताकत पोर्रे ओसो चीन ओसो जापान लोप्पा मंदाना बचोनो दूसरा निर्णयिक पहलूकुना पोर्रे निर्भर मंता। इतेके चीन ता तन्ना ताकते आयवा, चीन किन दोरकना अंतर्राष्ट्रीय सहायता ओसो संगेने जापान लोप्पा ताकना क्रांति कियाना सहायता वेने महत्वपूर्ण मंता। चीन ता जापान विरोधी संयुक्त मोर्चा ता बेहरा विस्तार कियाना ओसो अदिन व्यापकता ओसो गहराई ता दृष्टि ते कारण रूप से संगठित कियाना, ओसो चीन किन जापानी साम्राज्यवाद ता बगिल तल तन्ना हित काजे पुटना खतरा किन चीनेमायना सरकारकु ओसो जनता नगडल जरूरी सहायता दोरकतेके ओसो जापान लोप्पा जल्दीए क्रांति आतेके, युद्ध जल्दीए समाप्त आयार ओसो चीन किन जल्दिए जीत हासिल आयारा इव शर्तकु जल्दी पूरा किवेके, युद्ध दीर्घकालीन ताकयरा मति आखरी ते रिजल्ट जापान जरूर हारे मायर ओसो चीन जरूर जीड़े मायरा इंगो, कुर्बानिंग बेहरा स्तर ते हिया लागियर, ओसो इद उंदी वेल्ले दुःख ता कालम मंदियर।

**सवाल:** राजनीतिक ओसो फौजी दृष्टि ते इद रकम ता युद्ध ता विकास वायना कालम ता बारे ते मीवा विचार बाता मंता?

**जवाब:** इंजे जापान ता महाद्विपीय नीति पूरा पंडता। जापान संगे समझौता कीसि ओसो चीन ता प्रदेश ओसो प्रभुत्वाधिकार किन ओसो ज्यादा कुर्बानी हीसी जापान ता बढ़ाव किन रोमी कियानोरोम इंजी

आल्सिंतोर, ओरु केवल अंगड़मताए आल्सांतोर। माटु जापानी साम्राज्यवाद ता महाद्विषीय कार्यक्रम लोप्पा दोडता यांगत्सी घाटी ओसो मना दक्षिणी समुद्री बंदरगाह शामिल मंता इंजी पक्का पुत्तोमा इदिन विड़सी, जापान फिलिपीन, स्थाम, वियतनाम, मलय प्रायद्वीप ओसो डच ईस्ट इंडिज पोर्टे अदिना अधिकार मंदाना इंजी आल्सिंता, इद्रम आतेके दूसरा देशकुन चीन तल अलग कियमूङ्गायर ओसो दक्षिण-पश्चिम प्रशान्त पोर्टे जापान ता एकाधिकार आया परिंता। इद जापान ता समुद्री नीति आंदू। इद काल लोप्पा चीन पक्काए तिप्पल ता कठिन परिस्थिति लोप्पा मंदियर इदाना पोल्लो पोर्टे बदे डावुट हिल्ले। मति चीन ता लोकुरा बहुसंख्या किन इद कठिन परिस्थिति किन काबू किया परम्भूङ्गांता इंजी विश्वास मंता, केवल बेहरा-बेहरा बंदरगाह-नगरकु लोप्पा मंदाना धनी लोकुरे परायजयवादी आंदू, बारांकु इत्तेके ओरु तम्मा सम्पत्ति पोहाना वेर्री ते मंतोर। वेल्लेटोरे जापान चीनी समुद्र ओदा नाकेबंदी कित्ता आल्सिंतोर, अस्के चीन काजे युद्ध जारी तासना मुश्किल आयरा। इद उंदी अंगड़म ता पोल्लो आंदू। इदिना खंडन कियाला काजे केवल लाल सेना ता युद्ध-इतिहास ता उल्लेख कियानाए हालो आयरा वर्तमान जापानी-आक्रमण-विरोधी युद्ध लोप्पा चीम ता परिस्थिति गृहयुद्ध काल लोप्पा लाल सेना ता परिस्थिति ता मुकाबला ते बचोनो ज्यादा खराब मत्ता। चीन उंदी वेल्ले बेहरा देश आंदू। चीन ता दस-बीस करोड़ जनसंख्या वाले देश पोर्टे अधिकार कियाना लोप्पा सफल आतेके वेने माटु हार तुकू बच्चोनो जेक मंदितोम। जापान ता खिलाफ लड़ेमायना काजे मनगा अस्के वेने बेहरा ताकत मंदिता, मति जापान किन संपूर्ण युद्ध लोप्पा हर समय मना पृष्ठभाग लोप्पा रक्षात्मक लड़ाई लड़ेमायला लागियरा। चीन ता अर्थव्यवस्था ता असमान ओसो असन्तुलित विकास उल्टा प्रतिरोध-युद्ध काजे फायदा आयरा। उदाहरण काजे शांघाई ता संबंध चीन ता दूसरा जागानगडल देगिंता अस्के चीन किन न्यूयार्क ता संबंध अमेरिका ता दूसरा जागांगनगल देगतास्के अमेरिका किन आताचोन मुश्किल आयो आयरा। जापान चीन ता समुद्र ओदा नाकेबंदी कीतेकाई वेने ताना काजे चीन ता उत्तर-पश्चिम, दक्षिण-पश्चिम ओसो पश्चिम ता नाकाबंदी कियाना मुश्किल आयरा। इद्रम पूरा चीनी जनता किन एकताबद्ध कियाना ओसो उंदी

राष्ट्रव्यापी जापान-विरोधी मोर्चा निल्पी कियाना ओसो उंदी बेरा समस्याता केंद्र-बिंदु बनेमांता। इद पोल्लो माटु मुने वेने वेहतदे मंता।

**सवाल:** युद्ध दीर्घकालीन आतेके ओसो जापान पूराए हारेमायवेके कम्युनिस्ट पार्टी जापान संगे समझौता कियाला काजे समझौता-वार्ता कियाना पोर्रे सहमत आयर ओसो उत्तर-पूर्वी जापान ता शासन किन स्वीकार कियार?

**जवाब:** आयो, पूरा देश ता जनता लेकका ने चीनी कम्युनिस्ट पार्टी वेने चीन ता उंदी बित्तामेंड भूमि वेने जापान ता कब्जा ते मंदा हिवो आयारा।

**सवाल:** मीवा विचार ते इद मुक्ति युद्ध लोप्पा बदु मुख्य रणनीतिक उसूल लागू कियाना?

**जवाब:** मावा रणनीतिक उसूल माटु मना नियमित सेना किन उंदी वेल्ले दीर्घकालीन ओसो बदलेमासोरे अस्थिर मोर्चा पोर्रे कार्वाई कियाना लोप्पा वाटनदु मंदाना। कामयाबी हासिल कियाला काजे चीनी सेनांग किन पोर्टोटा दर्जा ता चलायमान ता संगे व्यापक रणभूमि लोप्पा लड़ाई ताकी कियाना, तेजी ते मुने वायना ओसो पेरके गुचना, स्पीड ते केंद्रीकरण आयना ओसो विकेंद्रीकरण आयना। इत्तेके मोर्चाबद्ध लड़ाई कियवा लेवा बेहरा स्तर ता चलायमान लड़ाई कियाना, अदु सुरंग ओसो ऊंचा कीलेबंदी तगडल, उंदी पेरके उंदी रक्षा-पंक्ति ता लाईन ते, केवल मजबूत मोर्चादी पोर्रे निर्भर आसीए लडेमायमूँड आंता। इत्तेके सब्बे महत्वपूर्ण सामरिक जागांग किन विड्सना इंजी आयो: इव जागांग लोप्पा मना किन फायदा मंदाना इंजी मनम मोर्चाबद्ध लड़ाई ताकी कियाना। मति संपूर्ण परिस्थिति किन बदले कियाना रणनीतिक उसूल जरूर चलायमान लड़ाई ए मंदिता। मोर्चाबद्ध लड़ाई ताकी कियाना वेने जरूरी मंता, मति रणनीति ता दृष्टि ते अदिना जागा सहायक ओसो गौण मंदिता। भौगोलिक दृष्टि ते युद्ध ता इलाका मना काजे चलायमान लड़ाई किन बेस ताकी किया परनाचोन विशाल मंता। मना सेनांग ना जोरदार कार्वाई ता सामना आतासके जापानी सेना किन वेल्ले सावधानी ते काम किया लागियरा। अदिना युद्ध-मशीनरी बेहरा-बेहरा ओसो तीरम-तीरम ताकना ओसो अदिना काम कियाना क्षमता सीमित मंता। माटु मना सेना किन उंदी तंग मोर्चा पोर्रे दोगतेकाई लगातार रक्षात्मक लड़ाई काजे केंद्रित कियाकोम,

अस्के माटु मना भौगोलिक परिस्थिति ओसो आर्थिक संगटन ता फायदांग ना परित्याग कियाकोम ओसो अबीसिनिया लेकाटा गलती आयरा युद्ध ता शुरूआत ते मना हर बेहरा निर्णायक लड़ाई तल बचेमायना, ओसो दुश्मन ता फौज ता मनोबल ओसो युद्ध-क्षमत किन कदम-ब-कदम नष्ट कियाला काजे मुन्ने चलायमान लड़ाई ता सहारा एतना।

चलायमान लड़ाई ताकी कियाला काजे प्रशिक्षित फौज किन लोहनाए आयवा मनम किसान लोरा नडमा तल बेहरा संख्या लोप्पा छापामार दलम वेने संगठित कियाना। मूँड उत्तर-पूर्वी प्रांत लोप्पा इद्रम ता जापान-विरोधी स्वयंसेवक सेना मंता, अदु पूरा देश ता किसान लोरा नडमा तल प्रतिरोध युद्ध काजे बचोन बेहरा ताकत किन उंदीकट्टु किया परमूँडांता इंदाना संभावना ता केवल उंदी सुडला उदाहरण आंदू इंजी पुंजी मंदाना। चीनी किसान लोरा लोप्पा बेहरा ताकत मंता, ओरा पूर्ण रूप ते संगटन ओसो निर्देशन कितेके ओरु जापानी फौज किन 24 घंटा लेसी कीसि तासा परितोर ओसो ओरकिन आखरी एवनल कंदरेम किया परितोर। युद्ध चीन लोप्पाने लडेमाया परमूँडांता इंदाना पोल्लो किन सुरता तासना। इतेके जापानी फौजकु शत्रुतापूर्ण चीनी लोरा नडमा नालुंग बगुल तल एकदम धेरा ते अरिंतांग, जापानी फौज किन विवश आसी तन्ना युद्ध-सामग्री तत्ता लागियर ओसो अदिना रक्षा किया लागियर, तन्ना संचार-मार्ग कुना रक्षा काजे अविन वेल्ले फौज तास लागियर ओसो हमला तुकू सावधान मंदा लागियर, संगेने मंचूरिया ओसो जापान ते मंदाना तन्ना गैर-रिजन कुना लोप्पा वोने बेहरा संख्या ते फौजकु तास लागियर।

युद्ध ता गतिविधिंग ताकनास्के चीन वेल्ले जापानी सैनिक लोर किन बंदी बनेकिया परियर ओसो वेल्ले हथियारकु, गोलाबारूद पोरो अधिकार किया परियर, अविना संगे अदु तन्ना किन हथियारबंद कियाना, संगेने चीन विदेशी सहायता वेने हासिल कियारा ताना संगे अदु तन्ना किन फौजी साजो-सामान ता दृष्टि ते कदम-ब-कदम सुदृढ बनेकियारा। अदिन काजे युद्ध ता उत्तर काल ते चीन मोर्चाबिद्ध लड़ाई ताकी किया परियर ओसो जापान-पोयता इलाकांग ना मोर्चाबिंदी पोरो हमला किया परियरा इद्रम जापान ता अर्थव्यवस्था चीन ता दीर्घकालीन प्रतिरोध ता दबाव ता कारण ते तबाह आयार ओसो लेक्का हिल्वा लड़ाईंग लोप्पा लेसता कारण ते जापानी फौजकुना मनोबल खत्म आयारा मति चीन ता पक्ष ते, प्रतिरोध ता स्थिर ताकत ता दिय्या-दिय्या खतरनाक रूप ते विकास आसोर दायर, ओसो क्रांतिकारी लोकुरा वेल्ले बेहरा संख्या तन्ना देश ता आजादी काजे लडेमायना मोर्चा ता मुनेटा

लाईन ते एविंता। इव सब्बे तत्वकु ओसो दूसरा तत्व ता मेल संगे माटु जापान-पोयता इलाका लोप्पा अदिना किलेबंदींग ओसो अड्डांग पोरों आखरी निर्णयिक हमला कियाना ओसो हमलावर जापानी फौज कुन चीन तल बाहर पूँडना काजे तैयार मंदितोमा।

(एडगर स्नो: “उत्तर-पश्चिम चीन ता रूपरेखा ”)

प्रतिरोध युद्ध ता दस महिनांग ना अनुभव पोरोंटा सिद्धांत किन सही साबित कित्ता ओसो वायना कालम ते वेने इव सही साबित आसोर मंदानुंग।

4. 25 अगस्त 1937 ते, इतेके लूकओछ्याओ घटना पेरके रेंडु महिनांग तुकू वेने कम समय ते चीनी कम्युनिस्ट पार्टी ता केंद्रीय कमेटी “वर्तमान परिस्थिति ओसो पार्टी ता काम ता बारे ते प्रस्ताव” लोप्पा स्पष्ट रूप ते वेहता:

लूकओछ्याओ लोप्पा जापानी हमलावर लोरा उकसे कियाना ओसो पेफिंग, थ्येनचिन पोरों ओरा कियाना, लम्बा दीवार ता दक्षिण ते ओरा बेहरा स्तर ता आक्रमण शुरुआत आंदू। जापानी हमलवर लोर युद्ध काजे तन्ना राष्ट्रीय लामबंदी शुरू कित्तोरा ओरा प्रचार “परिस्थिति किन बिगडे कियाना बदे लक्ष्य हिल्ले”, केवल मना हमलांग काजे तैयार कित्ता उम्मा लेकका मंता।

7 जुलाई ते लूकओछ्याओ लोप्पा कित्ता प्रतिरोध चीन ता राष्ट्रव्यापी प्रतिरोध-युद्ध ता शुरूआत आंदू।

इद्रम चीन ता राजनीतिक परिस्थिति लोप्पा इंजे उंदी पूना मंजिल ता, इतेके प्रतिरोध युद्ध ताकी कियाना मंजिल ता शुरूआत आता। प्रतिरोध युद्ध ता तैयारी ता मंजिल खत्म आता। वर्तमान मंजिल ता केंद्रीय काम प्रतिरोध युद्ध लोप्पा जीत हासिल कियाना काजे राष्ट्र ता सब्बे ताकत कुना उंदीकडू कियाना। प्रतिरोध युद्ध लोप्पा जीत हासिल कियाना चाबी वर्तमान परिस्थिति युद्ध किन पूरा राष्ट्र ता पूर्ण प्रतिरोध युद्ध लोप्पा विकसित कियाना। केवल इद्रम ताए प्रतिरोध युद्ध आखरी जीत हासिल किया परिंता।

वर्तमान प्रतिरोध युद्ध लोप्पा गंभीर कमजोरिंग मत्ता कारण ते ताना हर्दे नुकसान तेहाना, पेरके गुचना, अंदरूनी फूट, विश्वासघात, अस्थाई, आंशिक सुलह-समझौता लेक्काटवु वेल्ले प्रतिकूल परिस्थितिंग ना सामना किया लागिंता। अदिन काजे माटु इद युद्ध उंदी कठिन ओसो दीर्घाकिलीन युद्ध आयना लेकका मंता इंजी समझेमायना।

मति मावा विश्वास प्रतिरोध युद्ध शुरू आता, अदु मावा पार्टी ओसो सब्बे जनता कोशिश संगे जरूरीए सब्बे बाधांग किन पार कीसि तना प्रगति ओसो विकास किन जारी तसियरा।

प्रतिरोध युद्ध ता दस महिनांग ना अनुभव इद स्थापना किन वेने सही साबित किता ओसो मुने सहीए साबित किसोर मंदियरा।

5. ज्ञानशास्त्र ता दृष्टि ते युद्ध ता बारे ते सब्बे गलत विचार कुना खोत आदर्शवादी ओसो यांत्रिक रुझान के मंदितांग। इद्रम ता रुझान कु तासानोर समस्या किन मनोगतवाद, एकांगी तरीका ते हूँडांतोरा ओरु बिल्कुले मोद्दल हिल्वा ओसो मनोगतवादी पोल्लोंग कींतोर, लेवेके उंदी पहलू या बदे अस्थाई पोल्लो किन पोयसी इद्रम ता मनोगतवाद संगे अदिन बढ़ेचड़े कीसि संपूर्ण समस्या ता रूप हींतोरा। मति गलत विचार कुना रेंडु गोंदा लोप्पा तूसमूँडांता: मुनेटा गोंदा लोप्पा बुनियादी मत्ता कारण ते लगातार गलत मंदाना ओसो अविना सुधार कियाना कठिन मंदाना विचारकु वांतांग, दूसरा गोंदा लोप्पा आकस्मिक मत्ता कारण ते अस्थाई रूप ते मंदाना ओसो अविना सुधार कियाना आसान मंदाना विचारकु वांतांग। बारांकु इत्तेके रेंडासी रकम ता विचारकु गलत मंदितांग अदिन काजे रेंडासी ना लोप्पा सुधार कियाना जरूरत मंता। अदिन काजे युद्ध ता सवाल ता बारे ते आदर्शवादी ओसो यांत्रिक रुझान कुना विरोध कीसि अदिना अध्यायन कियानास्के वस्तुगत, सर्वांगीण दृष्टिकोँ लागू कीसिए माटु इदिना पोरों सवाल ता बारे ते सही निष्कर्ष किया परितोम।

## समस्या ता आधार

9. जापानी आक्रमण विरोधी युद्ध उंदी दीर्घकालीन युद्ध बारांकु मंता? आखरी जीत चीन ताए बारांकू आयार? मना इव पोल्लोंग बाता पोरों आधार आसी मंतांग?

चीन-जापान युद्ध अर्ध-औपनिवेशिक ओसो अर्ध-सामंती चीन ओसो साप्राज्यवादी जापान नमड़ना बीसवीं सदी ता चौथा दशक लोप्पा ताकसोर मंदाना हामुर-नोमुर ता युद्ध आंदू पूरा समस्या ता

आधार इदे आंदू युद्ध कियानोरा पक्ष ते बचोनो आपसी विरोधी  
विशेषतांग मंतांग, अविन उंदी-उंदी कीसि दोड़ तम्मुड़ आया मंता।

10. जापानी-पक्ष: मुने जापान उंदी शक्तिशाली साम्राज्यवादी देश आंदू अदिना फौजी, आर्थिक ओसो राजनीतिक-संगठनात्मक शक्ति सबसे पहला दर्जा ता मंता ओसो अदिना गिनती दुनिया ता 5 लेवे के 6 प्रमुख साम्राज्यवादी देश कुना लोप्पा आंता। इव जापान ता आक्रमणकारी युद्ध ता बुनियादी तत्व आंदुंगा युद्ध ता अनिवार्यता ओसो चीन जलदी जीड़मुड़ आयवा मंदाना संभावना जापान ता साम्राज्यवादी व्यवस्था ओसो अदिना मजबूत फौजी, आर्थिक, राजनीतिक-संगठनात्मक शक्ति पोर्रे आधार आसी मंता। दूसरा, मति जापान ता सामाजिक अर्थव्यवस्था ता साम्राज्यवादी स्वरूप ता कारण ते अदिना युद्ध ता स्वरूप वेने साम्राज्यवादी आंदू उंदी प्रतिगामी ओसो बर्बर युद्ध लेकका मंता। बीसवीं सदी ता चौथा दशक लोप्पा जापानी साम्राज्यवाद, तन्ना अंदरूनी ओसो बाहरी अन्तरविरोध कुना कारण ते मजबूर आसी, केवल इचोन बेहरा ओसो बदे उदाहरण हिल्वा लेककाटा दुस्साहसिक युद्ध लोप्पाने रेख्यो आंता, अदु तन्ना विनाश आयना ता गर्रे वेने एवतदु मंता। सामाजिक विकास ता समय ता दृष्टि ते जापान इंजे उंदी पंडना-पूयना लेककाटा देश लेकका हिल्ले, शासक वर्ग ता आशा अनुसार, युद्ध जापान किन अद खुशहाली ता बगिल ओयवा लेवा अदिना विपरित जापानी साम्राज्यवाद किन अदिना विनाश बागिल ओयरा। इदिन किन माटु जापान ता युद्ध ता प्रतिगामी स्वरूप इंतोमा। युद्ध ताकी कियाना लोप्पा विशिष्ट रकम ता बर्बरता जापानी साम्राज्यवाद लागू कींता, अदिना स्नोत प्रतिगामी स्वरूप ओसो जापानी साम्राज्यवाद ता फौजी-सामंती स्वरूप आंदू। इद बर्बरता ता कारण, खुद जापान लोप्पा वर्ग कुना नड़मा, जापानी राष्ट्र ओसो चीनी राष्ट्र नड़मा, ओसो जापान, दुनिया ता ज्यादातर देशकुना नड़मा अत्यन्त भीषण विरोध पुट्ठियरा। जापान ता युद्ध ता प्रतिगामी ओसो बर्बर स्वरूपे अदिना अनिवार्य पराजय ता मुख्य आधार आंदू इदे आयवा तीसरा, जापान इद युद्ध किन तन्ना मजबूत फौजी, आर्थिक ओसो राजनीतिक-संगठनात्मक शक्ति ता आधार पोर्रे ताकसोरे मंता, मति अदिना संगेने इद युद्ध किन अद तन्ना स्वाभाविक कमजोरी ता आधार ते वेने ताकी किया मंता। जापान ता फौजी, आर्थिक ओसो राजनीतिक-संगठनात्मक ताकत मजबूत मत्तेके वेने,

परिमाण ता दृष्टि ते अपर्याप्त मंता। जापान उंदी अपेक्षाकृत सुडला देश मंता, अदिना जन-बल, फौजी, वित्तीय शक्ति ओसो भौतिक साधन-स्रोत ता कमी मंता, ओसो अदिन काजे अद दीर्घकालीन युद्ध ता बोजा किन सहन किया परवो। जापान ता शासक वर्ग तन्ना इद कठिनाई किन युद्ध संगे दूर कियाना कोशिश कींता। मति अदिन उंदी बेरा तन्ना विचार ते विपरित रिजल्ट दोरकियर, इत्तेके ओरु तन्ना इद मुश्किल किन दूर कियाला काजे बद युद्ध शुरू कित्तोर, अदु जापान ता मुश्किल किन ओसो ज्यादा बेरसी कियार ओसो जापान ता मूल ताकत, साधन-सोरस किने नीर बने कियार। चौथा, आखरी पोल्लो फासीवादी देशकुनगडल अंतर्राष्ट्रीय सहायता दोरकी कीतेकाई, जापान किन अंतर्राष्ट्रीय सहायता संगे वेल्ले जोरदार अंतर्राष्ट्रीय विरोध ता सामना किया लागियरा अंतर्राष्ट्रीय विरोध ता ताकत कदम-ब-कदम बेरसोर दायर ओसो आखरी ते अद केवल जापान किन दोरकना अंतर्राष्ट्रीय सहायता किने बेकार कीवो आयार, अदु खुद जापान पेरो वेने अदिना दबाव अरियरा। इद्रम इद उंदी अन्यायपूर्ण काम किन वेल्ले कम समर्थन दोरकिंता, इदे जापान युद्ध स्वरूप ता परिणाम आंदू संक्षेप ते इद जापान ता अनुकूलता अदिना लोप्पा युद्ध ताकी कियाना ज्यादा क्षमता मंदाना पोल्लो लोप्पा मंता, ओसो अदिना प्रतिकूलता अदिना युद्ध ता स्वरूप प्रतिगामी ओसो बर्बरता पूर्ण मंदाना पोल्लो लोप्पा मंता, अदिनगा जन-बल ओसो भौतिक साधन-स्रोत ता कमी ओसो अंतर्राष्ट्रीय समर्थन ता कमी मंता। इव जापनी पक्ष ता विशेषतांग आंदुंगा।

11. चीनी पक्षः मुन्ने, मावार देश उंदी अर्ध-औपनिवेशिक ओसो अर्ध-सामंती देश आंदू। अफीम युद्ध तल पोयसी, थाइफिंग-स्वर्गिक-राज्य युद्ध, 1898 ता सुधारवादी आंदोलन,<sup>6</sup> 1911 ता क्रांति ओसो उत्तरी अभियन एवनल बचोन क्रांतिकारी या सुधारवादी आंदोलन चीन किन अदिना अर्ध-औपनिवेशिक ओसो अर्ध-सामंती परिस्थिति तल मुक्ति कियाना लक्ष्य ते कीतु मंतायो, अब सब्बे किन वेल्ले नुकसान तेहा लागता ओसो चीन उंदी अर्ध-औपनिवेशिक ओसो अर्ध-सामंती देशे मंता। मावा देश इंजे वेने उंदी कमजोर देश मंता ओसो दुश्मन ता तुलना ते अदिना फौजी, आर्थिक ओसो राजनीतिक-संगठनात्मक शक्ति कमजोर मंता। युद्ध ता अनिवार्यता ओसो चीन ता जल्दी जीत आयवा मंदाना संभावना ता आधार वेने इद पोल्लो

लोप्पा मंता। दूसरा, मति चीन ता मुक्ति आंदोलन, इतेके हत्ता सौ सालकुना लोप्पा विकसित आतादु मंता, अदु नेंड तन्ना इतिहास लोप्पाटा बदे वेने कालम तुकू भिन्न मंता। विरोध कियाना लोप्पाटा ओसो बाहरी ताकत कुना कारण ते मुक्ति आंदोलन किन गंभीर नुकसान तेहा लागता, मति अदिना संगे-संगे चीनी जनता इदिनागडल फौलाद बनेमात्ता। जापान ता तुलना ते वर्तमान चीन फौजी, आर्थिक, राजनीतिक ओसो सांस्कृतिक दृष्टि ते मजबूत हिल्ले, मति नेंडु ताना लोप्पा तन्ना इतिहास ता बदे वेने काल ता मुकाबला ते ज्यादा प्रगतिशील तत्व मंता। चीनी कम्युनिस्ट पार्टी ओसो अदिना नेतृत्व लोप्पा ताकना सेना अव प्रगतिशील तत्व कुना प्रतिनिधित्व कींता। इदे प्रगति ता आधार ते चीन ता वर्तमान मुक्ति युद्ध किन दीर्घकालीन एवनल ओसो आखरी जीत एवनल ताकी कियमूळांता। पतन बगिल दायना जापानी साम्राज्यवाद ता विपरित, चीन नरकुम ता चील-चील पोड्डु पेसना लेक्काटा देश आंदू। चीन ता युद्ध उंदी प्रगतिशील युद्ध आंदू ओसो इदे प्रगतिशीलता ता कारण ते अदु उंदी न्यायपूर्ण युद्ध वेने आंदू। उंदी न्यायपूर्ण युद्ध मंदना कारण ते अद तन्ना राष्ट्र किन एकताबद्ध किया परिंता, दुश्मन-देश ता जनता ना जीवा ते तन्ना काजे सहानुभूति पुट्ठी किया परिंता ओसो दुनिया ता ज्यादातर देशकुना समर्थन हासिल किया परिंता। तीसरा, जापान ता विपरित चीन उंदी वेल्ले बेहरा देश आंदू। उंदी विशाल क्षेत्रफल, हालना लेकका साधन-स्रोतकु, बेहरा जनसंख्या ओसो बेहरा फौज मंदाना देश आंदू। ओसो अदिना लोप्पा लम्बा समय एवनल युद्ध किन ताकी कियाना क्षमता मंता। चौथा, आखरी पोल्लो चीन ता युद्ध ता प्रगतिशीलता ओसो न्यायपूर्णता ता कारण अदिन वेल्ले बेहरा स्तर ते अंतर्राष्ट्रीय समर्थन दोरका मंता अदु जापान ता अन्यायपूर्ण कार्य किन हासिल कियाना वेल्ल कम समर्थन ता मुकाबला ता एकदम विपरित मंता। संक्षेप ते चीन लोप्पा प्रतिकूलता अदिना युद्ध ताकी कियाना ताकत कमजोर मंदाना पोल्लो लोप्पा मंता ओसो अदिना अनुकूलता अदिना युद्ध ताकी कियाना स्वरूप प्रगतिशील ओसो न्यायपूर्ण मंदाना पोल्लो लोप्पा मंता, अद उंदी बेहरा देश मंता ओसो अदिन वेल्ले अंतर्राष्ट्रीय समर्थन दोरका मंता। इव चीन ता विशेषातांग आंदंग।

12. इद्रम हूँडतेके मना मजबूत फौजी, आर्थिक, ओसो राजनीतिक-संगठनात्मक शक्ति मत्तेकाई जापान ता युद्ध प्रतिगामी ओसो बर्बर मंता, अदिना जन-बल

ओस अदिना भौतिक साधन-स्रोत कम मंता, ओसो अंतर्राष्ट्रीय दृष्टि ते अद उंदी प्रतिकूल परिस्थिति लोप्पा मंता। अदिना विपरित, चीन ता फौजी, आर्थिक ओसो राजनीतिक-संगठनात्मक शक्ति अपेक्षाकृत कमजोर मंता, मति अद तन्ना प्रगति युग लोप्पा मंता ओसो अदिना युद्ध उंदी प्रगतिशील, न्यायपूर्ण युद्ध मंता। इदे आयवा बेहरा देश मत्ता कारण ते चीन दीर्घकालीन युद्ध ताकी कियाना लोप्पा तैयार मंदिता, ओसो दुनिया ता ज्यादातर देशकु अदिना समर्थन कींतांग। इव चीन-जापान युद्ध ता आपसी विरोधी बुनियादी विशेषतांग आंदुंग। इवे विशेषतांग रेंडु पक्ष कुना सब्बे राजनीतिक नीतिंग ओसो सब्बे फौजी रणनीतिंग, कार्यनीतिंग किन निर्धारित कींता ओसो किया मंता। ओसो इवे विशेषतांग युद्ध ता दीर्घकालीन स्वरूप ता ओसो इद परिणाम ता निर्णय कित्ता ओसो किया मंता। इतेके आखरी जीत चीन ताए आयर, जापान ता आयो इंजी। युद्ध इवे विशेषतांग नड़मा ता प्रतियोगिंता आंदू। युद्ध ताकनास्केने तन्ना-तन्ना चरित्र ता अनुरूप बदलवा आयर ओसो अदिना पोर्होने वायना कालन ता सब्बे घटनांग निर्भर आसी मंतांग। इव विशेषतांग वस्तुगत रूप ते मंतांग ओसो इविन लोकुन किन गुमराह कियाना काजे मना बगिल तल बने किताद हिल्ले, इव युद्ध ता संपूर्ण बुनियादी तत्व आंदुंग, अधूरा टुकडांग आयोंग। इविना प्रभाव रेंडासी पक्ष कुना सब्बे बेहरा ओसो सुडला समस्यांग पोर्हो ओसो युद्ध ता हर मंजिल पोर्हो अरिता ओसो इविना कारण ते परिस्थिति पोर्हो बदे असर अरवो इंदाना लेक्काटा चीजकु आयोंग। बोराई इव बुनियादी विशेषतांग किन मरंगसी चीन-जापान युद्ध ता अध्ययन कित्तेके, पक्का गलत रिजल्ट दोरकिकींतोर. ओसो ओना विचार पोर्हो-पोर्टो हूँडेके सही वेने दिसिंता ओसो उचुन समय काजे उचुन मुल किन मान्य वेने मंदिंता, मति युद्ध ताकनास्के इद्रम ता विचार अनिवार्य रूप ते गलत साबित आंतांग। इव विशेषतांग पोर्हो आधार आसी इंजे माटु तेहाना सब्बे समस्यांग ना स्पष्टीकरण कियाकोमा।

## राष्ट्रीय गुलामी ना सिद्धांत ता खंडन

13. राष्ट्रीय गुलामी ता सिद्धांत ता समर्थक लोर, केवल दुश्मन ता मजबूती ओसो मना कमजोरी ता तुलना कीसि, “प्रतिरोध इतेके गुलामी आयर,” इंजोरे

वेहिंतोरा ओसो इंजे ओरू “युद्ध जारी तासना ता परिणाम गुलामी आयार इंदा मंतोरा” माटु केवल दुश्मन ता देश मजबूत मंता मति सुडला मंता ओसो मावा देश सुडला मंता मति बेहरा मंता इंजी वेहची, ओरकिन विश्वास ता गारंटी हिया परवोमा बदे राज्य सुडला मति मजबूत मंदाना राज्य, बदे राज्य बेहरा मति कमजोर मंदाना राज्य किन गुलाम बने किया परिंता, ओसो उंदी पेरेके अरता राज्य वेने मुने हत्ता राज्य किन गुलाम बने किया परिंता इंजी साबित कियाला काजे, ओरू य्वान वंश ता सुंग वंश किन ओसो छिंग वंश किन गुलाम बने कियाना ऐतिहासिक उदाहरण पेश किया परिंतोरा। माटु इव घटनांग प्राचीन काल लोप्पा आतांग इंजी इत्तेके ओसो इविन नेंड काजे उदाहरण मानेमाया परमूङ्डायों, अस्के ओरू ब्रिटेन ता भारत किन गुलाम बने किया परिंतोरा साबित कियाला काजे उंदी सुडला ओसो मजबूत पूंजीवादी देश, उंदी बेहरा ओसो कमजोर पेरेके अरता देश किन गुलाम बने किया परिंतोरा उदाहरण हिया परिंतोरा। अदिन काजे माटु दूसरा सबूत हियाना, अस्केने माटु राष्ट्रीय गुलामी ता सिद्धांत ता सब्बे समर्थक लोरा तोड़डी बंद किया परिंतोरा ओसो ओरकिन मना समर्थक बना किया परिंतोरा, ओसो मना सब्बे प्रचारक लोरकिन हालनाचोन तर्क संगे सुसज्जित किया परिंतोरा, इद्रम कित्तेके उलझेमात्ता दिमाग वालेर ओसो ढुलमुल लोकुर किन समझे किया परमूङ्डांता ओसो प्रतिरोध-युद्ध ता बारे ते ओरा विश्वास किन सुदृढ बने किया परमूङ्डांता।

14. आखरी ते मनम बद सबूत हियाना? अद इद युग ता विशेषता आंदू। इद विशेषता ठोस रूप ते जापान ता प्रतिगामीता ओसो समर्थन ता कमी ता रूप ते ओसो चीन ता प्रतिगतिशीलता ओसो समर्थन ता बाहुल्य रूप ते प्रकट आंता।
15. मावा युद्ध बदे दूसरा रकम ता युद्ध हिल्ले मति ठोस रूप ते बीसवीं सदी ता चौथा दशक लोप्पा चीन ओसो जापान ता नडमा आयना उंदी युद्ध आंदू। मना दुश्मन जापोन ता संबंध, सबसे मुने अद उंदी मरणासन्न साम्राज्यवादी देश आंदू ओसो तना पतन आयाना युग लोप्पा मंता, अद केवल भारत किन गुलाम बने कियानास्केटा इत्तेके ब्रिटिश पूंजीवाद तना विकास ता युग ते मत्ता ब्रिटिश लेक्का हिल्ले, मति बीस साल मुने टा प्रथम विश्वयुद्ध तास्के जापान तुकू वेने अलग मंता। वर्तमान युद्ध विश्व साम्राज्यवाद ता, ओसो

सबसे मुन्ने फासीवादी देश कुना व्यापक ध्वंस तुकू मुन्ने शुरू कित्ताद मंता, इदे कारण ते दुश्मन वर्तमान युद्ध शुरू आता, अदिना स्वरूप आखरी छटपटाहट लेकका मंता अदिन काजे इद युद्ध ता कारण ते चीन ताए आयवा जापानी साप्राज्यवाद ता शासक गुट ताए विनाश आयार इंदानदु पक्का अनिवार्य ओसो निश्चित मंता। इदे आयवा जापान इद युद्ध किन बचोनो देशकुना सामाना कीसोरे मंदाना या कियाना लेकका मंदानास्के शुरू कित्ता, ओरु बर्बर आक्रमण ता खिलाफ लड़ेमाया मंतोर ओसो लड़नेमायना तैयारी किया मंतोर, ओसो चीन ता हित दुनिया ता ज्यादातर देशकु ओसो जनता ना बहुसंख्या ता हितकुनुना संगे जुड़ेमासी मंता। इदु दुनिया ता ज्यादातर देशकुना ओसो जनता ना बहुसंख्या लोप्पा जापान ता विरोध कियाना ता भावना तेदता ओसो-ओसो बेरसोर दाया मंता।

16. ओसो चीन ता परिस्थिति बद्रम मंता? नेंडु चीन ता तन्न इतिहास ता बदे वेने युग ता चीन संगे तुलना कियमूँडायो। उंदी अर्ध-औपनिवेशिक ओसो अर्ध-सामंती समाजए अदिना विशेषता आंदू, ओसो अदिन काजे चीन किन उंदी कमोजोर देश इंजी इंतोरा मति संगेने ऐतिहासिक दृष्टि ते चीन प्रगति ता युग लोप्पा मंता। इदे मुख्य कारण ते अदु जापान किन हारे किया परिंता माटु जापानी-आक्रमण-विरोधी युद्ध प्रगतिशील मंता इंतोम अस्के माटू प्रगतिशीलता ता परंपरागत सामान्य अर्थ एतोम आंतोमा इद्रम इत्तेके माटु इटली ता विरुद्ध अबीसीनिया ता युद्ध ता प्रगतिशीलता इंजी समझेमायोर ओसो अदिन थाइफिंग स्वर्गिक-राज्य युद्ध ओसो 1911 ता क्रांति ता प्रगतिशीलताए वेने समझेमायोर, इद प्रगतिशीलता किन माटु नेंडु ता चीन ता प्रगतिशीलता रूप तेने पोयंतोम नेंडु ता चीन ता प्रगतिशालता बद पोल्लो पोर्रे मंता? अद चीन इंजे पूर्णतया सामंती देश हिल्ले इंदाना पोल्लो लोप्पा मंता, इदु चीन लोप्पा पूंजीवाद ता जन्म आता पोल्लो लोप्पा मंता, मावा पूंजीवाद वर्ग ओसो सर्वहारा वर्ग मंता, मावा इद्रम ता विशाल जनता मंता अदु जागृत आसी मंता ओसो जागृत आया मंता, मावा इगा उंदी कम्युनिस्ट पार्टी मंता, राजनीतिक दृष्टि ते प्रगतिशील सेना मंता- इत्तेके चीनी कम्युनिस्ट पार्टी ता नेतृत्व लोप्पा ताकना चीनी लाल सेना मंता- ओसो मावा बचोनो दशक कुना क्रांतिकारी परम्परांग ओसो अनुभव कुना खासकर चीनी कम्युनिस्ट पार्टी ता जन्म पेरके सत्रह साल ता अनुभव कुना भण्डार कु मंतांग।

इव अनुभवकु चीनी जनता ओसो चीन ता राजनीतिक पार्टिंग किन शिक्षित कियाना ओसो इवे अनुभव जापान ता विरुद्ध वर्तमान एकता ता आधार मंता। ओसो 1905 ता अनुभव कुना हिल्वेके रूस लोप्पा 1917 ता जीत हासिल आयो आसी मनवड़ इत्तेके माटु वेने इद्रम इत्तेके हत्ता सत्रह साल कुना अनुभव कुना बिना जापानी-आक्रमण-विरोधी युद्ध लोप्पा जीत हासिल किया परमूड़ायो। इद चीन ता अंदरूनी परिस्थिति आंदू।

नेटा अंतर्राष्ट्रीय परिस्थिति लोप्पा चीन युद्ध लोप्पा वराए मंता इंदाना पोल्लो ता वेने इतिहास लोप्पा बदे उदाहरण हिल्लो। मुनेटा युद्ध, चीन लोप्पा आतेकाई, भारत लोप्पा आतेकाई, अलगाव ता स्थिति लोप्पा लडेमातदु मंता। व्यापकता ओस गहनता ता दृष्टि ते अभूतपूर्व जन-आंदोलन पूरा दुनिया लोप्पा तेदता लेवेके तेदा मंता ओसो चीन ता सहायत कियाना लेक्का केवल नेटा दिय्या लोप्पा ने हूडमूडांता। 1917 ता रूसी क्रांति किन वेने अंतर्राष्ट्रीय समर्थन हासिल आसी मत्ता, अद्रमासी रूस ता मजदूर ओसो किसान लोरकिन जीत हासिल आता। मति अद समर्थन स्तर ते नेटा चीन किन दोरकना अचोन व्यापक ओसो स्वरूप लोप्पा अचोन गहन हिल्वा मत्ता। तन्ना व्यापकता ओसो गहनता लोप्पा अभूतपूर्व जन-आंदोलन नेंडु दुनियामेंड ताका मंता। नेटा अंतर्राष्ट्रीय राजनीति लोप्पा सोवियत संघ ता मंदाना खास रूप ते उंदी महत्वपूर्ण तत्व मंता ओसो सोविय संघ पक्का वेल्ले गिर्दा ते चीन ता समर्थन कियारा बीस साल मुने इदु बिल्कुले हिल्वा मत्ता। इव पोल्लोंगनगडल चीन ता आखरी जीत काजे अनिवार्य महत्वपूर्ण परिस्थितिंग पैदा आया मंतांग। बेहरा स्तर ते सीधा सहायता इंजे वेने दोरकसोर हिल्ले ओसो अद केवल वायना कालम लोप्पाने दोरका परिंता, मति चीन प्रगतिशील मंता ओसो अद उंदी बेहरा देश आंदू, ओसो इव तत्वंग युद्ध किन लम्बा पिङ्गना लोप्पा ओसो अंतर्राष्ट्रीय सहायता किन बेरसी कियान ओसो अदिना काजे हर्फी हूडाना लोप्पा तैयार मंदिंतांग।

17. इदे आयवा, परिस्थिति उंदी बगिल जापान ता कम क्षेत्रफल, सीमित साधन-स्रोतों, कम जनसंख्या ओसो सुडला फौज वाले उंदी सुडला देश आंदू। ओसो दूसरा बगिल चीन विशाल क्षेत्रफल, प्रचुर साधन-स्रोतकु, बेहरा जनसंख्या ओसो बेहरा फौज मंदाना बेहरा देश आंदू। इद्रम मजबूती ओसो कमजोरी ता अन्तरे आयवा, उंदी पक्ष ते सुडला देश प्रतिगामिता ओसो समर्थन ता कमी ओसो दूसरा पक्ष लोप्पा बेहरा देश, प्रगतिशीलता ओसो समर्थन ता वेल्ले अंतर वेने मंता। अदिन काजे चीन बस्केने गुलाम बनेमाया

परवो। मजबूती ओसो कमजोरी ता अन्तर ता परिणाम, जापान उचुन समय काजे ओसो उचुन हंद एवनल चीन पोरों सवारी कियाना लोप्पा सफल आयार, इद चीन किन अनिवार्य रूप ते मुश्किल परिस्थिति लोप्पाटल वेंडा लागियर ओसो जापानी-आक्रमण-विरोधी युद्ध तुरंत निर्णय ता युद्ध हिल्वा दीर्घकालीन युद्ध मंदियर इंदा आयार। मति उंदी पक्ष लोप्पा सुडला देश, प्रतिगामीता ओसो समर्थन ता कमी मंदाना ओसो दूसरा पक्ष लोपा बेहरा देश, प्रगतिशीलता ओसो समर्थन ता बाहुल्य मंदाना इद अन्तर ता परिणाम जापान हमेशा काजे चीन पोरों कब्जा कियानाए आयवा अदिन अनिवार्य ओसो आखरी रूप ते हारेमाया वेने लागियर, ओसो चीन किन बिल्कुल गुलाम बने किया परवो आयर ओसो अदिन अनिवार्य ओसो आखरी रूप ते जीत हासिल आयार।

18. अबीसीनिया किन गुलाम बारांकु बनेकिया परमूङ्गायो? मुनेटा पोल्लो अद केवल उंदी कमजोर देशो आयवा उंदी सुडला देश वेने मत्ता। दूसरा पोल्लो अद चीन लेक्काटा प्रगतिशील देश हिल्वा मत्ता, ओसो दास-व्यवस्था तल भूदास-व्यवस्था ता बगिल दायना उंदी पाडना देश मत्ता, अगा पूंजीवाद ओसो बदे पूंजीवादी राजनीतिक पार्टी हिल्वा मत्ता, कम्युनिस्ट पार्टी ता पोल्लो तो जेक अगा चीन ता लेक्का फौज वेने हिल्वा मत्ता, आठवीं राह सेना लेक्काटा फौज ता पोल्लो तो वेल्लेय जेक मत्ता। तीसरा पोल्लो अंतर्राष्ट्रीय समर्थन ता हर्फी हूँडला तैयार हिल्वा मत्ता कारण ते अदिन वरोए लड़ेमायना मत्ता। चौथा ओसो मुख्य पोल्लो अबीसीनिया इटली ता विरुद्ध युद्ध लोप्पा निर्देशन संबंधित गलतिंग कित्ताद मत्ता। इद्रम अबीसीनिया किन गुलाम बने कित्तादु मत्ता। इद युद्ध जारी तासतेके वायना कालम लोप्पा दुनिया ता परिस्थिति बदलेमातेके, अबीसीनियावासी तन्ना यायोभूमि किन दोबारा हासिल किया परितोर।

19. राष्ट्रीय गुलामी ता सिद्धात ता समर्थकलोर इव तर्क किन साबित किन साबित कियाला काजे “प्रतिरोध ता इतेके गुलामी आयार” लेवके “युद्ध जारी तासना परिणाम गुलामी आयार” इंदाना वर्तमान चीन ता मुक्ति आंदोलन ता असफलता ता इतिहास ता उदाहरण हितेके, माटु इंजे जामाना बदलेमात्ता इंजिए जवाब हियाकोमा खुद चीन ता परिस्थिति, जापान, ता अंदरूनी परिस्थिति ओसो अंतर्राष्ट्रीय परिस्थिति, सब्बे नेंडु मुन्ने तुकू अलग

मंता। जापान मुन्नेटले वेल्ले मजबूत मंता ओसो चीन तन्ना अर्ध-औपनिवेशिक औसो अर्ध-सामंती अवस्था लोप्पा बदलेमायवा कारण ते इंजे वेने वेल्ले कमजोर मंता इंदानदु उंदी वेल्ले गंभीर पोल्लो आंदू जापान इंजे वेने उचुन दिय्या काजे तन्ना देश ता जनता पोर्हे अंकुश तासा परिंता ओसो संगेने चीन पोर्हे आक्रमण कियाला काजे अंतर्राष्ट्रीय अन्तरविरोध कुना फायदा एता परिंता इंदाना पोल्लो निज्जमें आंदू मति युद्ध ता दीर्घकालीन समय लोप्पा परिस्थिति जरूर विपरित दिशा ते बदलेमांता। नेंडु इदु वास्तविकता हिल्ले, मति वायना कालम ते जरूरे इद वास्तविकता बनेमायरा। मति राष्ट्रीय गुलामी ता सिद्धांत ता समर्थक लोर इद पोल्लो ता उपेक्षा कित्तोर। ओसो चीन ता परिस्थिति बद्रम मंता? नेंडु इगा केवल पूना लोकुरे आयवा उंदी पूना राजनीतिक पार्टी, उंदी पूना फौज ओसो पूना जापान-विरोधी नीति मंता, अब सब्बे उंदी दशक तुकू वेने ज्यादा समय मुन्ने टा मुकाबला तेने अलग आयाव, इव सब्बे अनिवार्य रूप ते विकसित वेने आंतांग। मति चीन ता इतिहास लोप्पा मुक्ति आंदोलन किन बार-बार नुकसान आता ओसो इदिना कारण ते चीन वर्तमान जापानी-आक्रमण-विरोधी युद्ध काजे अत्याधिक शक्ति संचित किया परवो आंता-इद उंदी वेल्ले दुःखद ऐतिहासिक सबक आंदु, अदु मुन्ने बदे वेने क्रांतिकारी ताकत किन बिल्कुले नष्ट कियमूळायो इंजी शिक्षा हीता-ओसो वर्तमान आधार ते मना वेल्ले कोशिश कुना संगे माटु जरूरे कदम-ब-कदम मुन्ने दाया परिंतोम ओसो प्रतिरोध-युद्ध कियाना तन्ना क्षमता किन बेरसी किया परिंतोम। इव सब्बे कोशिश किन महान जापान-विरोधी राष्ट्रीय संयुक्त मोर्चा लोप्पा केंद्रित आयाना। अंतर्राष्ट्रीय संबंध किन हूऱतेके, प्रत्यक्ष ओसो बेहरा स्तर ता सहायता माकिन इंजे वेने दोरकसोर हिल्ले, मति अंतर्राष्ट्रीय परिस्थिति बुनियादी रूप ते मुन्ने तुकू अलग आता, इंजे प्रत्यक्ष ओसो बेहरा स्तर ता सहायता ता आसार दिसना शुरू आता। वर्तमान चीन ता गिनती हिल्वा मुक्ति आंदोलन ता असफलतांग मनोगत ओसो वस्तुगत कारण कुनाए कारण ते आंतांग, मति नेटा परिस्थिति बिल्कुल अलग मंता। नेंडु बचोनो कठिन परिस्थितिंग-उदाहरण काजे दुश्मन ता मजबूती ओसो मावा कमजोरी ओसो दुश्मन ता मुश्किलकु इंजे शुरू आंतांग इंदाना पोल्लो ता कारण ते मावा प्रगति इंजे बिल्कुल हालवा लेकका मंता, इंदाना लेककाट्वु-जापानी

आक्रमण विरोधी युद्ध किन वेल्ले कठिन बने कित्ता, कित्तेकाई दुश्मन किन हारे कियाला काजे बचोनो अनुकूल परिस्थितिंग मंता। आवश्यकता केवल माटु मना मनोगत कोशिश कियाना पोल्ला ता मंता, अस्के माटु मुश्किलकुना पोर्हो काबू कियाना परितोम ओसो जीत हासिल किया परितोम। इद्रम ता अनुकूल परिस्थितिंग मावा इतिहास ता बदे वेने युग लोप्पा मुने बस्केने हिल्वा मंदियर ओसो अदिन काजे ने जापानी आक्रमण विरोधी युद्ध मुन्नेटा कालम ता दूसरा मुक्ति आंदोलन ता लेक्का बिल्कुल असफल आयो आयरा।

## समझौता या प्रतिरोध? पतन या प्रगति?

20. पोर्हो राष्ट्रीय गुलामी ता सिद्धांत निराधार मंता इंजी स्पष्ट कित्तादु मंता। मति वेल्लेटोर राष्ट्रीय गुलामी ता सिद्धांत ता समर्थके आयवा ईमानदार देशभक्त मंतोर ओसो वर्तमान परिस्थिति ता बारे ते वेल्ले आल्सड ते मंदिंतोर। औरकिन रेंडु पोल्लोंग ना बारे ते आल्सिंतोर। जापान संगे समझौता ता वेर्ही ओसो राजनीतिक प्रगति ता संभावना ता बारे ते डावुट। इव रेंडु पोल्लोंग आल्सना समस्यांग ना लोकुरा लोप्पा व्यापक चर्चा मंता, मति अविना हल कियाना बदे चाबी दोरकतद हिल्लो। वाटु, इंजे माटु इव रेंडु समस्यांग पोर्हो विचार कियाकाला।
21. पोर्हो वेहता लेक्का समझौता ता सवाल ता उंदी सामाजिक आधार मंता ओसो बस्के एवनल इद सामाजिक आधार बनेमासी मंदिता, अस्के एवनल समझौता ता सवाल वेने अनिवार्य रूप ते तेदसोरे मंदियर। मति समझौता कामयाब आयो आयरा। इद पोल्लो किन साबित कियाला काजे माटु ओसो उंदी बेरा जापान, चीन ओसो अंतर्राष्ट्रीय परिस्थिति पोर्हो विचार कियाना जरूरत मंता। मुने माटु जापान ता बारे ते विचार कियाकाला। प्रतिरोध-युद्ध ता शुरू तेने मावा अनुमान मत्ता, उंदी समय वायर अद समय ते समझौता ता वातावरण तैयार आयर, इत्तेके उत्तरी चीन च्यांगसू ओसो च्यांग पोर्हो अधिकार कित्ता पेरके, दुश्मन चीन किन आत्मसमर्पण काजे गति कियाना मदद एतता लेक्का आता। पेरके दुश्मन निज्जमे इद तिकडम कित्तोर, मति संकट जल्दीए हत्ताद हिल्ले, अदिना उंदी कारण सब्बे जागाने दुश्मन ता बर्बर

नीति ना सहारा एतद मत्ता ओसो खुल्ला लूट-खसोट कित्ताद मत्ता। चीन आत्मसमर्पण कीसि मत्तेके, चीन ता हर मानेय गुलाम बनेमासी मनेर ओसो ओना बदे देश हिल्लेआसी मनवडा। दुश्मन ता लूट-खसोट कियाना नीति, चीन किन गुलाम बने कियाना नीति ता रेंडु पहलू मंतांग, इतेके भौतिक पहलू ओसो मानसिक पहलू। इव रेंडासी पहलूंग सब्बे चीनवासि लोरा पोर्झो दोड ता तबकांग ना जन-समुदायर पोर्झोने आयवा पोर्झोटा तबकांग ना सब्बे सदस्य लोरा पोर्झो वेने लागू आंतांग। इविना लोप्पा बदे डावुट हिल्ले इतेके पोर्झोटा तबकांग ना लोकुरा संगे उचुन नरमी ता व्यवहार आंता मति फर्क केवल मात्रा ता मंता, उसूल ता हिल्ले। दुश्मन चीन लोप्पाटा प्रदेश लोप्पा वेने आम रूप ते अवे पाड़ना तरिकांग किन ओसो उंदी बेरा लागू कित्तोर अविन मुन्ने उत्तर-पूर्व ता मंडू प्रांतकुना लोप्पा लागू कित्तादु मत्ता। भौतिक रूप ते अदु आम जनताना अनाज ओसो कपड़ा-लत्ता लूटे कियाना मंता ओसो इद्रम ता आम जनता किन करवीने ओसो इंगम ता शिकार बने किया मंता। अद उत्पादन ता साधन कुना वेने लूट किया मंता। ओसो इद्रम ता चीन ता राष्ट्रीय उद्योग किन नष्ट किया मंता ओसो अविन तन्ना कब्जा ते किया मंता। मानसिक रूप ते अद चीनी जनता ना राष्ट्रीय चेतना किन नष्ट कियाना कोशिश किया मंता। “पोडु” वाले झंडा दोड सब्बे चीन वासिलोर किन तन्ना आज्ञाकारी दास ओसो लाहू जानवर लेकका बोझा कांजना बने किया मंता, ओर किन उचुन वेने चीनी राष्ट्रीय भावना तासना पोर्झो प्रतिबंध मंता। दुश्मन लागू कियाना बर्बर नीति चीन ता ओसो लोप्पाटा प्रदेश कुना लोप्पा लागू कियमूळायरा। दुश्मन ता करवु क्रूर रूप एताता ओसो अद युद्ध बंद कियाला तैयार हिल्ले। 16 जनवरी 1938 ते जापानी मंत्रिमंडल ता स्टेटमेंट लोप्पा बद नीति<sup>७</sup> ता घोषणा कित्ताद मत्ता, अदिन वेल्ले दृढ़ता संगे इजे वेने लागू किया कियमूळाया मंता ओसो अदिन लागू किवा मंदानदु असंभव मंता। इद पोल्लो चीन वासी लोरा तबका लोप्पा होंग फैले मात्ता। इव सब्बे जापान ता युद्ध ता प्रतिगामी ओसो बर्बर स्वरूप ता कारण ते पैदा आता - “इदु दुर्भाग्यपूर्ण परिस्थिति तल बचेमायना बदे हर्फि हिल्ले”, अदिन काजे चीनी जनता लोप्पा जापान ता खिलाफ पूरा दुश्मनी ता भावना पैदा आतादु मंता। मावा अनुमान वायाना कालाम ते दुश्मन चीन किन आत्मसमर्पण काजे ओसो उंदी बेरा गति कियाना ता सहारा एताना लेककाटा समय वायार इंजी

मंता, ओसो राष्ट्रीय गुलामी ता सिद्धांत ता समर्थक उचुन मुल कंदरेमायनूर् ओसो जरूर ओरु उचुन विदेशी लोरा (ब्रिटेन, अमरिका ओसो फ्रांस लोप्पा, खासकर ब्रिटेश ता पेरोंटा तबकांग लोप्पा दोरकिंतोर) संगेने ओरा सहअपराधी लोरा रूप ते गठजोड़ कियानोरा मति घटनांग आम रुझान आत्मसमर्पण ता अनुमति हीवोंग, बारांकु इत्तेके युद्ध ताकी कियाना लोप्पा जापान ता दृढ़ता ओसो उदाहरण हिल्वा लेक्काट बर्बरता ता इद पहलू किन निश्चित कित्ता।

22. दूसरा इंजे माटु चीन ता बारे ते विचार कियाकाला। प्रतिरोध-युद्ध लोप्पा चीन ता डटेमासी मंदाना योगदान कियाना मूँड तत्वांग मंतांग। अविना लोप्पा मुनेटा तत्व कम्युनिस्ट पार्टी मंता, अदु उंदी जापान ता प्रतिरोध कियाना लोप्पा जनता ना नेतृत्व कियाला काजे भरोसा कियाना लेक्काटा ताकत आंदू दूसरा तत्व क्वोमिंगतांग मंता, अदु ब्रिटेन ओसो अमेरिका पेरों तन्ना निर्भता ता कारण बस्के एवनल अदिन अद्रम कियाला इन्नो आयार अस्के एवनल अदु तल्ला वरहो आयरा आखरी तत्व दूसरा राजनीतिक पार्टिंग ओसो ग्रुपकु मंतांग, अविना लोप्पा ज्यादातर राजनीतिक पार्टिंग ओसो ग्रुपकु समझौता ता विरुद्ध मंतांग ओसो प्रतिरोध-युद्ध ता समर्थन कींतांग। इव मूँडासी तत्वांग ना नडमा एकता बने कित्ता पेरके बोर समझौता ता कोशिश कियानोर, ओरु देशद्रोही लोरा पक्ष ते नित्तनोर ओसो दूसरो किन ओरकिन सजा हियाना पूरा अधिकार मंदियरा ओरा मुने बोर देशद्रोही बनेमायला आल्सोर, ओरा मुने एकताबद्ध आयना ओसो प्रतिरोध-युद्ध किन आखरी एवनल ताकी कियाना विड्सी दूसरा बदे हर्री हिल्ले। अदिन काजे समझौता असल ते हल्कोए कामयाब आया परवो आंता।

23. तीसरा इंजे माटु अन्तराष्ट्रीय पहलू पेरों विचार कियाकाला। केवल जापान ता गोतियल लोरा ओसो पूँजीवादी देशकुना पेरोंटा तबकांग ना उचुन तत्वांग किन विड्सी, बाकी पूरा दुनिया चीन कियाना प्रतिरोध ता पक्ष ते मंता, समझौता ता पक्ष ते हिल्ले। इद पोल्लो चीन ता आशांग किन ओसो पक्का बने कींता नेंडु देश त पूरा जनता आशा कियाना किन अंतराष्ट्रीय ताकत कदम-ब-कदम चीन किन ज्यादा से ज्यादा सहायता कियर इंजी। इदु अंगडम ता आशा आयो। खासकर सोवियत संघ ता अस्तित्व ते चीन किन प्रतोरध-युद्ध लोप्पा प्रोत्साहन दोरकिंता। समाजवादी सोवियत संघ, मुने बस्केने

इचोन मजबूत हिल्वा मत्ता, अदु चीन ता सुख-दुख लोप्पा शामिल आया मंता। सब्बे पूँजीवादी देशकुना उच्च तबकांग ना तत्वंग, अवु केवल मुनाफा ताए करवि ने मंदानोर, ओरा एकदम विपरित, सोवियत संघ सब्बे सुडला ओसो कमजोर राष्ट्र ओसो सब्बे क्रांतिकारी युद्ध कुना सहायता कियानादु तन्ना कर्तव्य इंजी आल्संता। इद युद्ध लोप्पा चीन वरोए हिल्ले इंदाना पोल्लो केवल आम रूप ते अदिन दोरकना अंतर्राष्ट्रीय समर्थन पोर्ने आयना विशेष रूप ते सोवियत संघ ता सहायता पोर्ने आधार आसी मंता। भौगोलिक दृष्टि ते सोवियत संघ ओसो चीन उंदी दूसरा ता करीबी मंता। इद पोल्लो जापान ता संकट किन ओसो गहरा कींता ओसो चीन ता प्रतिरोध-युद्ध काजे सुविधा मंदाना परिस्थिति पुट्टी कींता। चीन ओसो जापान ता भौगोलिक रूप ते गर्ने मंदानदु चीन ता प्रतिरोध-युद्ध ता मुश्किल किन बेरसी कींता। मति दूसरा बगिल चीन ओसो सोवियत संघ ता भौगोलिक रूप ते गर्ने मंदानदु चीन ता प्रतिरोध-युद्ध काजे अनुकूल परिस्थिति पुट्टी कींता।

24. अदिन काजे माटु इद निष्कर्ष तेंडिंतोमः समझौता ता खतरा मंता मति इदिना पोर्ने काबू किया परमूङांता। दुश्मन तन्ना नीति लोप्पा बचोन हेरफेर कीतेकाई अदिन बुनियादी रूप ते बदले किया परवो। खुद चीन लोप्पा समझौता काजे सामाजिक आधार मंता मति बहुमत समझौता ता विरोधी लोरा मंता। अंतर्राष्ट्रीय दृष्टि ते वेने, ताकत कुना उंदी हिस्सा समझौता ता पक्ष ते मंता मति मुख्य ताकतु प्रतिरोध ता पक्ष ते मंतांग। इव मूङासी तत्वंग ना योगदान ते समझौता ता खतरा पोर्ने काबू किया परमूङांता। ओसो प्रतिरोध-युद्ध किन आखरी एवनल जारी तासा परमूङांता।
25. इंजे माटु दूसरा सवाल ता जवाब हींतोम। देश ता लोप्पाट राजनीतिक प्रगति, प्रतिरोध-युद्ध किन डटेमासी ताकी कियाना काम संगेने अभिन्न रूप ते जुडेमासी मंता। राजनीतिक प्रगति बचोन ज्यादा मंदियर, प्रतिरोध-युद्ध लोप्पा वेने अचोने डटेमासी मंदना वाया परिता। प्रतिरोध-युद्ध लोप्पा बचोन ज्यादा डटेमासी मंदना वांता, राजनीतिक प्रगति वेने अचोनो ज्यादा मंदियार। मति बुनियादी रूप ते राजनीतिक प्रगति प्रतिरोध-युद्ध किन डटेमासी रूप ते ताकी कियाना पोर्ने आधार आसी मंता। क्वोमिंगतांग शासन ता विभिन्न पहलुंग लोप्पा गंभीर खराबिंग मंतांग ओस बचोनो सालकुनल इद्रम ता लागवा तत्व मावा देशभक्त लोरा व्यापक समुदाय काजे वेल्ले आल्सना

ओसो परेशानी ता विषय बनेमासी मंतांग। मति निराश आयाना ता बदे कारण हिल्ले, बारांकु इत्तेके प्रतिरोध-युद्ध ता अनुभव कु चीनी जनता हत्ता दस महिनांग लोप्पा मुन्नेटा बचोनो सालकुना लोप्पा किवा मत्ताचोन प्रगति कित्ता। ऐतिहासिक विरासत ता रूप ते हासिल आयना भ्रष्टाचार जनता ना प्रतिरोधताकत ता बेरसना रफ्तार लोप्पा वेल्ले गंभीर बाधा वाटता, ओसो इद्रम मावा जीत ता दायरा संकुचित आसोर हत्ता ओसो युद्ध मावा नुकसान किन बेरसी कीसोर हत्ता, मति चीन, जापान ओसो दुनिया ता संपूर्ण परिस्थिति चीनी जनता ना प्रगति किन रोमी कियाना हिल्वा लेक्का मंता। इंगो, प्रगति बाधा वाटना तत्व इत्तेके भ्रष्टाचार मत्ता कारण ते मावा प्रगति ता रफ्तार स्लो आयरा मति प्रगति ओसो प्रगति ता स्लो रफ्तार वर्तमान परिस्थिति ता रेंडु विशेषातांग मंतांग, ओसो प्रगति ता स्लो रफ्तार युद्ध ता फौरी आवश्यकता ता अनुसार हिल्ले, अदिन काजे इद मावा देशभक्ती लोकुरा काजे वेल्ले आल्सना लेक्काटा विषय बनेमात्ता। मति माटु उंदी क्रांतिकारी युद्ध लोप्पा मंतोम, ओसो क्रांतिकारी युद्ध जहर किन हौकना उंदी दवा लेक्का मंता, अदिन केवल दुश्मन ता जहर किने नाश कीवो आंता, अदु मावा लोप्पाटा गंदगी किन वेने साफ कीता। प्रत्येक न्यायपूर्ण क्रांतिकारी युद्ध लोप्पा जबरदस्त ताकत मर्दिता ओसो अद बचोनो चीजकुन बदली किया परिंता लेवके अविना बदलाव काजे हर्री बने कीता। चीन-जापान युद्ध चीन ओसो जापान रेंडासी ना बदलाव कीयरा ओसो चीन जापानी आक्रमण विरोधी युद्ध किन डटकर जारी तसिंता ओसो संयुक्त मोर्चा किन डटकर निल्पी किंता इत्तेके पाड़ना जापान ता बदलाव उंदी पूना जापान लोप्पा ओसो पाड़ना चीन ता बदलाव उंदी पूना चीन लोप्पा आयर, ओसो चीन ओसो जापान रेंडासी जनगण ओसो अविना दूसरा सब्बे चीजकुना बदलाव युद्ध ताकानस्के ओसो ताना पेरके आयर इंदानादु पक्का मंता। मावा काजे प्रतिरोध-युद्ध ओसो राष्ट्रीय पूनर्निर्माण उंदी दूसरा संगे जुडेमासी मंता इंजी समझेमातेके बेस आंता। जापान ता वेने बदलाव आया परिंता इंदाना, इत्तेके अदिना शासक लोरा ताकी कियाना हमलावर युद्ध लोप्पा अदिना हार आयर ओसो अदिना कारण जापानी जनता तन्ना क्रांति तत्ता परिंता इंदानदु आंदू बद दिया जापानी जनता ना क्रांति ता जीत आयर अदे जापान ता

बदलाव ता दिय्या मंदियरा इद पोल्लो चीन ता प्रतिरोध-युद्ध संगे घनिष्ठ रूप  
ते जुड़ेमासी मंता ओसो मनम वायना कालम किन ध्यान ते तासना।

## राष्ट्रीय गुलामी ता सिद्धांत गलत मंता ओसो जल्दी जीत ता सिद्धांत वेने गलत मंता

26. शक्तिशाली या कमजोरी, बेहरा या सुडला आकार, प्रगतिशीलता ओसो प्रतिगामीता ओसो समर्थन ता विविधता या अदिना कमी ता सिलसिला लोप्पा दुश्मन ओसो मावा नड़मा त पसी विरोधी बुनियादी विशेषतांग ना तुलनात्मक अध्ययन कियानास्के माटु राष्ट्रीय गुलामी ता सिद्धांत ता खंडन कित्ताद मंता ओसो समझौता हल्कोए बारांकु कामयाब आयो आंता ओसो राजनीतिक प्रगति बारांकु संभव मंता इंजी वेने स्पष्ट कित्तादु मंता। राष्ट्रीय गुलामी ता सिद्धात ता समर्थक शक्तिशाली ओसो कमजोरी ता नड़मा ता अन्तरविरोध ते ज्यादा जोर हींतोर ओसो अदिने बेरसी कीसि पूरा समस्या ता आधार बने किंतोर स दूसरा अन्तरविरोध कुन नजरअंदाज कींतोर। ओरा केवल शक्तिशाली ओसो कमजोरी ता तुलना किन महत्व हियाना ओरा उंदी बगिल मंदाना किन तोहिंता ओसो ओरा इदे उंदी पहलू किन बेरसी कीसि अदिन संपूर्ण समस्या ता रूप ते पेश कियाना ओरा मनोगतवाद किन तोहिंता। अदिन काजे, सर्वांग रूप ते विचार कित्तेके ओरा सब्बे तर्क निराधार ओस गलत मंता। ओरा संबंध राष्ट्रीय गुलामी ता सिद्धांत ता समर्थन मंता न पक्का निराशावादी, मति अस्के वेने बदे विशेष समय ओसो बदे निश्चित पहलू लोप्पा दुश्मन ता शक्तिशाली ओसो मावा कमजोरी ता फर्क किन या देश ता लोप्पाटा भ्रष्टाचार ता अवस्था किन हूँड़सी उलझेमांतोर ओसो अदिना लोप्पा उचुन समय काजे निराशा ता भावना पुटिंता, ओरकिन वेने माटु ओरा दृष्टिकोण वेने उंदी बगिल ओसो मनोगतवाद ता रुझान ता कारण पैदा आता इंजी वेहाना। मति ओरकिन सुधरेकियाना अपेक्षाकृत ज्यादा हल्को आंता ओसो अविन स्मरण हीतेके ओरु पोल्लोंग किन समझेमांतोर, बारांकु इतेके ओरु देशभक्त मंदितोर ओसो ओरा गलती केवल तात्कालिक मंता।
27. दूसरा बगिल, जल्दी जीत ता सिद्धांत ता समर्थक वेने अद्रमे गलती कींतोर। ओरु दुश्मन ता शक्तिशालीता ओसो मावा कमजोरी ता अन्तरविरोध किन

बिल्कुल मरंगिंतोर, ओसो केवल दूसरा अन्तरविरोध कुने सुरता तासिंतोर, या चीन ता अनुकूल परिस्थितिंग किन वास्तविकता ता सब्बे हंद पार कीसि वेल्ला बेरसी कीसि हूँडिंतोर ओसो अविन बिल्कुल दूसराए रूप ते पेश कींतोर, या दृढ़ता संगे केवल उंदे बेरा ता ओसो केवल उंदू जागा ता शक्तिशाली स कमजोरी ता परिस्थिति किन संपूर्ण परिस्थिति मानेमांतोर। उंदी कहावत लोप्पा वेहता लेकका: “कोंडा मुनेटा आकी पूरा थाएशान मेड्डा किन मिंजि कींता।” उंदी पोल्लो ते वेहाना इत्तेके, ओरा लोप्पा दुश्मन मजबूत मंतोर ओसो माटु कमजोर मंतोम इंदाना तथ्य किन मानेमायना साहस मन्नो आंता। हमेशा ओरू इद पोल्लो किन मानेमायना तुकू इनकार कींतोर। ओसो इद्रमे सच्चाई ता उंदी पहलू किन मानेमायना तुकू इनकार कींतोर। ओरा लेप्पा मावा अनुकूल परिस्थितिंग ना वेने उंदी हंदी मंता इंजी मानेमायना वेने साहस मन्नो आंता, ओसो इद्रमे ओरू सच्चाई ता उंदी दूसरा पहलू किन वेने मानेमायला इन्कार कींतोर। ओरा लोप्पा मावा अनुकूल परिस्थितिंग ना वेने उंदी सीमा मंता इंजी वेने मानेमायना हिम्मत मन्नो आंता, ओसो इद्रम ओरू सच्चाई ता उंदी दूसरा पहलू किन मानेमायला वेने इन्कार कींतोर। बारांकू इत्तेके ओरू सुडला या बेहरा गलतिंग कींतोर, ओसो ओसो उंदी बेरा गलतिंग ना कारण ते ओरा मनोगतता ओसो उंदी बगिले आंतोर। वीरा लक्ष्य बेसतांग मंतांग ओसो वीरू वेने देशभक्त मंतोर। मति “वीर महानुभवी लोरा आकांक्षांग वेल्ले पोर्रे मंतांग” मति वीरा दृष्टिकोण गलत मंता ओसो वीरा दृष्टिकोण ता अनुसार काम कियाना इत्तेके बंडांग ना दीवार पोर्रे तल्ला टक्करे कियाना लेकका आंता। बारांकु इत्तेके बोनाई मूल्यांकन वास्तविकता ता अनुसार हिल्वेके अदिना कार्वाई ता अपेक्षित परिणान दोरको आंता। बोराई इद पोल्लो किन नजरअंदाज कीसि जबरदस्ती कार्वाई कींतोर, अस्के ओना फौज कि हारेमाया लागियर ओसो देश गुलामी ता बंधन ते बंधेमातोरः इदिना परिणाम पराजयवादिलोराए आंता। अदिन काजे जल्दी जीत ता सिद्धांत वेने काम वायों आंता।

28. अस्के माटु राष्ट्रीय गुलामी त खतरा तल इनकार कींतोम? हिल्ले, माटु इद्रम कीवोम आंतोम। माटु चीन ता मुन्ने रेंडुए संभावनांग मंतांग इंजी मानेमांतोम-मुक्ति या गुलामी-ओसो इव रेंडासी ना नडमा बेहरा टक्कराव मंता। मावा काम मुक्ति हासिल कियाना ओसो गुलामी तल बचेमायना मंता। मुक्ति काजे

शर्तकुना लोप्पा बुनियादी शर्त चीन ता प्रगति मंता, ओसो दुश्मन ता मुश्किल कुना ओस अंतर्राष्ट्रीय समर्थन मंता। माटु राष्ट्रीय गुलामी ता सिद्धांत ता समर्थक लोरा लेक्काटा विचार तासवा, अलग विचार तासिंतोमः वस्तुगत ओसो सर्वांगीण दृष्टिकोण लागू कीसोरे, माटु राष्ट्रीय गुलामी ओसो मुक्ति ता रेंडासी संभावनांग किन स्वीकार कींतोम, मुक्ति ता संभावना ज्यादा मंता इंदाना पोल्लो जोर हींतोम, अदिन हासिल कियाला काजे जरूरी शर्तकिन वेहिंतोम, ओसो अब शर्त किन हासिल कियाना काजे कोशिश कींतोम। दूसरा बगिल राष्ट्रीय गुलामी ता सिद्धांत ता समर्थक मनोगत ओसो उंदी बगिल मंदाना किन लागू कीसोरे केवल उंदीए संभावना किन, राष्ट्रीय गुलामी ता संभावना किने मानेमांतो, ओसो ओरु मुक्ति ता संभावना किन मानेमायला इनकार कींतोर, मुक्ति हासिल कियाला काजे जरूरी शर्तकुन वेहाना या अविन हासिल कियाना काजे कोशिश कीसोर मंदाना पोल्लो वेल्ले जेक मत्ता। समझौता ता रुझान ओस भ्रष्टाचार ता मंदाना किन मानेमासोरे वेने माटु दूसरा रुझानकु ओसो वस्तुंग किन वेने हूँडिंतोम, ओसो वेहिंतोम इत्तेके दूसरा रुझानकु ओसो वस्तुंग कदम-ब-कदम समझौता ता रुझान ओसो भ्रष्टाचार पोरो दबाव वाटसोरे दांता ओसो इव रेंडासी ना लोप्पा इंजे वेने जोरदार टकराव आया मंता। इदे आयवा, माटु बेसता रुझानकु ओसो वस्तुंग किन हासिल कियाला काजे जरूरी शर्तकुन वेहिंतोम ओसो समझौता ता रुझान पोरो काबू कियाला ओसो भ्रष्टाचार ता परिस्थिति किन बदले कियाला काजे कोशिश कींतोम। अदिन काजे माटु उचुन वेने हिम्मत होरेमायोम आंतोम, ओसो निराशावादिर इदिना विपरित मंदिंतोरा।

29. माटु जल्दी जीड़ाला वेने आल्सोम इंदाना पोल्लो वेने हिल्ले: हर मानेय “दानव” लोर किन नरका-नरकाए पृंडसियाना पक्ष ते मंदानूरा मति माटु बदे विशेष परिस्थितिंग लेवा जल्दी जीत ता ता सिद्धांत केवल उंदी अंगडम ता पोल्लो आंदू, ओसो अद वस्तुगत रूप ते हिल्ले इंदाना पोल्ल वेहिंतोमः अद केवल मृग-मरीचिका ओसो झूठा सिद्धांत आंदू अदिन काजे, दुश्मन ता ओसो मना सब्बे परिस्थितिंग ना वस्तुगत ओस सर्वांगीण मूल्यांकन कित्ता पेरके माटु अन्तिम जीत हासिल कियाना पोल्लो ता केवल उंदे हर्री मंता, दीर्घलीन युद्ध ता रणनीति पोरो अमल कियाना ओसो माटु जल्दी जीत ता सिद्धांत ता बिल्कुल बदे आधार हिल्वा सिद्धांत किन नामंजूर किंतोम। माटु

इदे पोल्लो मना आखरी जीत ता हर्ही काजे सब्बे जरूरी परिस्थितिंग किन पुट्टी कियाला काजे माटु कोशिश कियाना इंदाना पोल्लो ता पक्ष ते मंतोमः ओसो बचोन ज्यादा ओसो जल्दी-जल्दी इव परिस्थितिंग पुट्टानुंग, मावा जीत ता वेने अचोने ज्यादा गारंटी आयार ओस माटु अदिन अचोने जल्दी हासिल किया परिंतोमा भावा विश्वास केवल इदे तरीका युद्ध ता अवधि किन सुडला किया परिंता इंजी मंता। ओसो माटु जल्दी जीत ता सिद्धांत किन नामंजूर किंतोमः अब केवल अंगडम ता पोल्लो ओसो सस्ता कामयाबी हासिल कियाना कोशिश मंता।

### दीर्घकालीन युद्ध बारांकु?

30. इंजे माटु दीर्घकालीन युद्ध ता समस्या पोर्हो विचार कियाकाला। “दीर्घकालीन युद्ध बारांकु?” इद सवाल ता सही जवाब केवल चीन ओसो जापान ता नडमा ता सब्बे बुनियादी तुलनात्मक तत्व कुना पोर्हो आधार आसी हियमूङांता। उदाहरण काजे माटु केवल दुश्मन उंदी मजबूत साम्राज्यवादी देश इंजी इंदाना, माटु उंदी कमजोर, अर्ध-औपनिवेशिक ओसो अर्ध-सामंती देश आंदोम, अस्के माटु राष्ट्रीय गुलामी ता सिद्धांत ता विवाद लोप्पा फंसेमायना खतरा मंता। बारांकु इत्तेके सैद्धांतिक रूप ते ओसो व्यवहारिक रूप ते बदे युद्ध केवल बदे कमजोर देश ता सामना बदे शक्तिशाली देश संगे आतेकेने दीर्घकालीन बनेमायो आंता। ओसो केवल बदे सुडला देश ता मुकाबला बेद बेहरा देश किया मंता इंजीए दीर्घकालीन मन्नो आंता, लेवेके प्रतिगामिता ता मुकाबला प्रगतिशीलता किसोरे मंता या समर्थन ता कमी तुकु समर्थन ज्यादा मंता अदिन काजे दीर्घकालीन आंता इंजी मन्नो आंता। बदे बेहरा देश सुडला देश पोर्हो ओसो बदे सुडला देश बेहरा देश पोर्हो अधिकार कियाना-इव रेंडासी पोल्लोंग ताकसोरे मंदितांग। उंदी प्रगतिशील मति कमजोर देश किन उंदी बेहरा मति प्रतिगामी देश नष्ट किसिंता ओसो इदे पोल्लो प्रगतिशील मत्तेके वेने शक्तिशाली मन्नो आंता इंदाना पोल्लोंग पोर्हो वेने लागू आंता इंजी हमेशा दिससोर मंता। समर्थन ज्यादा मंदना या कमी उंदी महत्वपूर्ण मति सहायक तत्व मंता ओसो अदिना कारगर मंदाना सीमा दुश्मन ओसो भावा पक्ष ता बुनियादी तत्वंग पोर्हो आधार आसी मंता।

अदिन काजे माटु जापानी-आक्रमण-विरोधी युद्ध उंदी दीर्घकालीन युद्ध आंदू इंजी इंतोम, अस्के मावा निष्कर्ष माटु दुश्मन ओसो मावा पक्ष ता सब्बे तत्वंग ना लोप्पाटा संबंध कुना पोर्णे आधार आसी तेंडता निष्कर्ष मंदिता। दुश्मन शक्तिशाली मंता ओसो माटु कमजोर मंतोम, अदिन काजे मावा मुन्ने गुलामी ता खतरा मंता। मति दूसरा समस्यांग ने दुश्मन लोप्पा खामियां मंतांग ओसो मावा पक्ष ता अनुकूल परिस्थितिंग मंतांग। मावा कोशिश ते दुश्मन ता अनुकूल परिस्थितिंग लोप्पा कमी कियमूङांता ओसो ओरा खामियांग किन बेरसी कियमूङांता। दूसरा बगिल माटु मना कोशिशकुनगडल मना अनुकूल परिस्थितिंग किन बेरसी किया परितोम ओसो मावा खार्मींग किन दूर किया परितोम। अदिन काजे माटु आखरी ते जीत हासिल किया परितोम ओसो गुलामी तल बचेमाया परितोम, ओस दुश्मन किन आखरी ते हार ता सामना किया लागिंता ओसो ओरु मना पूरा साग्राज्यवादी व्यवस्था किन बचे किया परवोर आयनूर।

31. दुश्मन तगा केवल उंदे अनुकूल परिस्थिति ओसो बाकी सब्बे खामिंग मंतांग, ओसो मावागा केवल उंदे खामी ओसो बाकी अनुकूल परिस्थितिंग मंतांग, अस्के दुश्मन ओसो मावा नडपा बराबरी परिस्थितिंग पुटना जागा ते बेरसोरे आयना ओसो मावा कमी आयना ता वर्तमान परिस्थिति बारांकू पुडिंता? इद समस्या ता बरे ते माटु इद्रम ता औपचारिक रुख लागू किया परवोम आंतोम इंदानदु स्पष्ट मंता। दुश्मन ता ताकत ओसो मावा ताकत लोप्पा इंजे अचोन ज्यादा अंतर मंता इतेके उंदी बगिल दुश्मत ता खामिंग ना शक्तिशालिता किन बदले कियाना ता जरूरत मत्ताचोन विकास आत्ताद हिल्ले ओसो फिलहाल आया वेने परवो, ओसो दूसरा बगिल मावा अनुकूल परिस्थितिंग ना मना कमजोरी ता नुक्सान ता भरपाई कियाना जरूरत मत्ताचोन वेने विकसित आयो ओसो इंजे आया परिंता। अदिन काजे इंजे ताकत ता बराबरी आयवा लेवा गैरबराबरी मंदिता।
32. मति प्रतिरोध-युद्ध ताकना ओसो संयुक्त मोर्चा किन निल्पी कियाना लोप्पा गट्टिक मंदाना काजे मावा कित्ता कोशिश कुना कारण दुश्मन ता शक्तिशालीता ओसो बरतरी ओसो मावा कमजोरी ओसो कमतरी ता परिस्थिति लोप्पा उचुन परिवर्तन आता, मति इंजे वेने बुनियादी परिवर्तन आत्ताद हिल्ले। अदिन काजे युद्ध ता उंदी खास मंजिल लोप्पा उचुन समय

एवनल दुश्मन ता जीत आयार ओसो उचुन समय एवनल मनाकिन हार ता सामना किया लागिंता। मति इद्रम बारांकु आता इतेके दुश्मन ता जीत ओसो मावा हार, रेंडासी उंदी निश्चित मंजिल लोप्पा उंदी निश्चित समय एवनले मंदिंता। ओसो अविन पूर्ण जीत या पूर्ण पराजय ता परिस्थिति एवनल ओया परमङ्गायो? बारांकु इतेके, पहली पोल्लो शुरू तले दुश्मन ता शक्तिशाली ओसो मावा कमजोरी उंदी सापेक्ष वस्तुए मंता, निरपेक्ष वस्तु हिल्ले, ओसो दूसरा पोल्लो प्रतिरोध-युद्ध किन ताकी कियाना ओसो संयुक्त मोर्चा किन निल्पी कियाना मना गट्टिक मंदाना कोशिशकु इदिन ओसो वेने सापेक्ष बने कीतांग। मुनेटा परिस्थिति तल तुलना कितेके, ओसो दुश्मन इंजे वेने शक्तिशाली मंता, मति प्रतिकूल तत्व कुना कारण अदिना शक्ति लोप्पा कमी वाता, मति अदिना बरतरी खत्म आयाना तुकू जरूरत आताचोने आयो। दूसरा बगिल माटु इंजे वेने कमजोर मंतोम, मति अनुकूल तत्वांग ना कारण ते मावा कमजोरींग ना नुक्सान ता भरपाई आता, मति इगा वेने मना कमतरी बदलेमायाना जरूरत मत्ताचोम आताद हिल्ले। इद्रम उंदी परिस्थिति बनेमात्ता ताना लोप्पा दुश्मन सापेक्ष रूप ते शक्तिशाली ओसो माटु सापेक्ष रूप ते कमजोर मंतोम, दुश्मन सापेक्ष बरतरी ता परिस्थिति लोप्पा मंता ओसो माटु सापेक्ष कमतरी ता परिस्थिति लोप्पा मंता। रेंडासी पक्ष कुना लोप्पा शक्तिशाली ओसो कमजोर, बरतरी ओसो कमतरी ता परिस्थिति बस्केने निरपेक्ष आताद हिल्ले, इदे आयवा मावा प्रतिरोध-युद्ध ताकी कियाना ओसो संयुक्त मोर्चा ता निल्पी कियाना लोप्पा गट्टिक मंजी मंदाना काजे कित्ता कोशिशकुना परिणामस्वरूप दुश्मन ओसो मावा लोप्पा शक्तिशालीता ओसो कमजोरी, बरतरी ओसो कमतरी ता मुनेटा परिस्थिति लोप्प ओसो ज्यादा परिवर्तन आता। अदिन काजे दुश्मन ता जीत ओसो मावा हार उंदी निश्चित मंजिल लोप्पा उंदी निश्चित हंदी एवनले मंता ओसो अदिन काजे इद युद्ध उंदी दीर्घकालीन युद्ध बनेमांता।

33. मति परिस्थितिंग लगातार बदलेमासोर मंता। युद्ध ताकानास्के माटु सही फौजी ओसो राजनीतिक कार्यनीति लागू कींतोम, उसूली गलतिंग नगडल बचेमांतोम ओसो भरपूर कोशिश जारी तासिंतोम, इतेके बद्रम-बद्रम युद्ध दीर्घकालीन आंता, अद्रम-अद्रम दुश्मन ता प्रतिकूल तत्व ओसो मावा अनुकूल तत्व बेरसोर दांतांग, ओसो अदिना अनिवार्य परिणाम दुश्मन ता

शक्तिशालीता ओसो मावा कमजरी ता मुनेटा परिस्थिति लोप्पा लगातार परिवर्तन आसोरे मंदियार ओसो अदिन काजे रेंडासी पक्ष कुना बरतरी ओसो कमतरी ता परिस्थिति लोप्पा वेने परिवर्तन आसोर मंदियरा उंदी पूना मंजिल वायार अस्के रेंडासी पक्ष कुना तुलनात्मक शक्ति ओसो तुलनात्मक परिस्थिति लोप्पा उंदी बेहरा बदलाव आयार, ताना कारण ते दुश्मन होरे मायर ओसो माटू जीड़कोम।

34. फिलहाल, दुश्मन तन्ना शक्ति ता फायदा बद्रमाई एता परितोर ओसो मावा प्रतिरोध-युद्ध इंजे एवनल अदिन बुनियादी रूप ते कमजोर बने किताद हिल्ले। अदिना जन-बल ओसो भौतिक साधन-स्रोत ता कमी इंजे ताना हमला रोमनाचोन ज्यादा हिल्ले। इदिना विपरित, अदिनगा मंदाना जन-बल ओसो भौतिक साधन-स्रोत उंदी निश्चित हंद एवनल ताना हमला किन जारी तासा परिता। उंदी इद्रम ता तत्व ता कारण ते जापान लोप्पा वर्ग-विरोधी तीव्र आता ओसो चीनी राष्ट्र ता प्रतिरोध तेज आता, इतेके अदिना युद्ध ता प्रतिगामिता ओसो बर्बरता ता तत्व इंजे ताना मुन्ने दायाना लोप्पा बुनियादी रूप ते बाधा आयाना लेक्काट परिस्थिति पुट्टी कित्ता। दुश्मन ता अंतराष्ट्रीय अलगाव बेरसा मंता, मति अद इंजे वेने पूर्ण अलगाव ता परिस्थिति लोप्पा एवताद हिल्ले। माकि सहायता ता पोल्लो कित्ता बचोनो देशकुना लोप्पा गोला-बारूद ओस युद्ध-सामग्री ता व्यापाक कियाना पूँजीपति इंजे वेने केवल मुनाफा काजे जापान किन बेहरा स्तर ते युद्ध-सामग्री सप्लाई किया मंता,<sup>8</sup> ओसो अविना सरकारकु<sup>9</sup> इंजे वेने सोवियत संघ संगे जापान विरुद्ध व्यवहारिक कदम तेहाला काजे तैयार हिल्लेंग। इव सब्बे पोल्लो लोप्पाटल मावा प्रतिरोध-युद्ध लोप्पा जल्दी जीत हासिल किया परम्भायो ओसो इद उंदी दीर्घकालीन युद्धे आंदू इंदाना नतीजा पेसिंता। चीन ता बारे ते हूँडतेके प्रतिरोध-युद्ध ता हत्ता दस महिनांग लोप्पा फौजी, आर्थिक, राजनीतिक ओसो सांस्कृतिक क्षेत्र लोप्पा दिस्सना कमजोरिंग ना परिस्थिति उचुन हंद एवनल सुधरेमातदु मंता, मति अदु दुश्मन ता आक्रमण किन रोमी किया परना ओसो मना प्रत्याक्रमण ता तैयारी किया परना जरूरत तुकू बचोनो जेक मंता। इदे आयवा, संख्या हिसाब ते माकिन उचुन नुक्सान वेने तेहा लागता। मावा सब्बे अनुकूल तत्वंग ना सकारात्मक असर आया मंता इंदास्के वेने दुश्मन ता आक्रमण रोमना ओसो मावा प्रत्याक्रमण ता तैयारी किया परना

काजे इंजे माकिन वेल्ले कोशिश कियाना जरूरत मंता। देश ता लोप्पा भ्रष्टाचार ता खात्मा कियाना प्रगति किन तेज कायना, देश ता बाहर जापान-पक्षीय ताकतकुन रोके कियाना ओसो जापान-विरोधी ताकत कुना विचार कियाना-इव सब्बे पोल्लोंग इंजे वेने असल व्यवहार ते लागू आता हिल्लो। इव सब्बे पोल्लोंग लोप्पाटल मना युद्ध लोप्पा माकिन जीत जल्दी दोरका परवो ओसो इद युद्ध केवल दीर्घकालीन युद्धे आया परिंता इंजे समझेमांता।

## दीर्घकालीन युद्ध ता मूँड मंजिल

35. चीन-जापान युद्ध उंदी दार्घकालीन युद्ध आंदू ओसो तीना लोप्पा आखरी जीत चीन ताए आयर अदिन काजे इद दीर्घकालीन युद्ध मूँड मंजिल पार कींता इंजी आल्सना बेस मंदियर। पहली मंजिल दुश्मन ता रणनीतिक आक्रमण ओसो मावा रणनीतिक रक्षा ता मंता। दूसरा मंजिल दुश्मन तन्ना सफलताकुना रणनीतिक रक्षा ओसो मावा प्रत्याक्रमण ता तैयारिंग ना मंता। तीसरा मंजिल मावा रणनीतिक प्रत्याक्रमण ओसो दुश्मन रणनीतिक रूप ते पेरके गुचना ता मंता। इव मूँडासी मंजिलकुना ठोस परिस्थितिंग ना बारे ते वायना कालम ता बारे ते वेहाना असंभव मंता, मति वर्तमान परिस्थितिंग ना वेड्च ते युद्ध ता उचुक प्रमुख रुझान कुना बारे ते वेहा परमूँडांता। वस्तुगत घटना-क्रम वेल्ले ज्यादा समृद्ध ओसो परिवर्तनशील मंदियर ओसो अदिन बचोनो आडिंग-मोडिंग हरीं तय किया लागियर, अदिन काजे बोराई चीन-जापान युद्ध ता “जन्मपत्री” बने किया परवोर, मति युद्ध ता रणनीतिक निर्देशन काजे अदिना रुझान कुना मोटा खाका तैयार कियाना जरूरत मंता। मति इद खाका ता वायना कालम ता घटनांग ना संगे सही-सही मेल आये इंदना वेहमुङ आयो मति अदु इद खाका लोप्पा हेरफेर कियाना लेकका मंता, मति दीर्घकालीन युद्ध ता सुदृढ ओसो उंदि उद्देश्य संगे रणनीतिक निर्देशन काजे इद्रमता खाका तैयार कियाना जरूरी मंताए।
36. **पहली मंजिल:** इद मंजिल इंजे वेने समाप्त आत्ताद हिल्लो। दुश्मन ता लक्ष्य क्वांगचओ, ऊहान ओसो लानचओ पोर्रो अधिकार कियाना ओसो इव मूँडासी जागांग नडमा संपर्क बने कियाना मंता। इद उद्देश्य किन पूरा कियाला काजे दुश्मन किन कम से कम 50 डिवीजन कु लेवेके लगभग 15 लाख

सैनिक लोरकुन लोहा लागियर, डेढ़-दो साल ता समय लागियर ओसो 1000 करोड़ येन तुकु ज्यादा पैसा खर्च किया लागियर। इचोन लोप्पा नेंगतास्के दुश्मन किन वेल्ले बेहरा मुश्किल कुना सामना किया लागियर, अदिना कारण ते दुश्मन काजे वेल्ले विनाशकारी परिणाम दोरकियर। अदिना बारे ते दुश्मन आल्सा वेने परवो। क्वांगचओ-हानखओ रेलवे-लाइन ओस शीआन-लानचओ राजमार्ग पोर्रो पूरा अधिकार कियाला काजे दुश्मन किन वेल्ले खतस्नाक युद्ध ताकि किया लागियर, अस्के वेने अद तन्ना उद्देश्य लोप्पा पूरा सफलता दोरकी कींता इंदाना पक्का हिल्ले। मति मावा फौजी कार्वाई ना योजना, दुश्मन इव जागांग ओसो इविनकु वेने मुन्नेटा इलाकांग पोर्रो कब्जा कियार ओसो अदिना नडमा संपर्क बने कियार, माकिन उंदी दीर्घकालीन युद्ध ताकि कियाला काजे मना सेना ता तैनाती कियाना, अद्रम कित्तेके दुश्मन वेने इद्रमे कींतोर अस्के वेने माटु अदिना मुकाबला किया परना लेक्काटा मुन्नेटा अनुमान पोर्रो आधार आसी मंदाना। इद मंजिल लोप्पा मावा युद्ध ता मुख्य रूप चलायमान लडाई मंदाना बारांकु इत्तेके छापामार लडाई ओसो मोर्चाबिद्ध लडाई संगे सहायता कियमूळांता। इद मंजिल ता मुन्नेटा कालम ते क्वोमिंगतांगता फौजी अधिकारी लोरा मनोगत गलती ना कारण ते मोर्चाबिद्ध लडाई किन प्रमुख स्थान हीतदु मंता, मति पूरा मंजिल ता दृष्टि ते अदिना सहायक जागा मंता। इद मंजिल लोप्पा चीन उंदी व्यापक संयुक्त मोर्चा निल्पी कित्ता ओसो अभूतपूर्व एकता निल्पी कित्ता। ज्यादा कोशिश कु हिल्वा तुरंत निर्णय ता योजना पूरा कियाना ओस पूरा चीन किन जीडिना लक्ष्य ते दुश्मन चीन किन आत्मसमर्पण कियाला नाडे कियाना नीचतापूर्ण ओसो बेशरमी तरीकांग ना सहारा एतिंता ओसो एतसोर मंदियर, मंति इंजे एवनल अद सफल आत्ताद हिल्ले ओसो वायना कालम ते वेने सफल आयो आयारा। इद मंजिल लोप्पा वेल्ले बेहरा नुक्सान तेहा लागता मति, चीन दूसरा मंजिल लोप्पा प्रतिरोध-युद्ध जारी तासा परना काजे मुख्य आधार बनेमायना लेक्काटा बेहरा प्रगति कित्ताद हिल्ले। इद मंजिल लोप्पा सोवियत संघ चीन किन बेहरा सहायता हीता। मावा दुश्मन-पक्ष ता परिस्थिति अदिना सेनांग ना मनोबल घटे मायाना लेक्का मंता, इद मंजिल ता नडमा कालम ते अदिना स्थल-सेना ता हमलांग ना तेजी, शुरूआती समय ता तुलना ते कम आता ओसो आखरी कालम ते अद ओसो वेने कम

आयारा अदिना वित्तीय ओसो आर्थिक परिस्थिति लोप्पा पेरेशानी ता निशान दिसिंतांगः ओसो युद्ध ता संचालन कियाना गुट लोप्पा “युद्ध-कुंठाएं” दिसना शुरू आंतांग ओसो युद्ध ता वायना कालम ता बारे ते निराशा बेरसा मंता।

37. **दूसरा मंजिलः** इद मंजिल किन माटु रणनीतिक ठहराव ता मंजिल इंदा परितोम। पहली मंजिल ता आखरी ते दुश्मन किन तन्ना फौज कुना कमी आयना ओसो मावा दृढ़ प्रतिरोध ता कारण तन्ना सीमित रणनीतिक आक्रमण ता आखरी सीमा-रेखा निश्चित कियाला काजे मजबूर आया लागियरा इद सीमा-रेखा पोर्हे एवसी अद तन्ना रणनीतिक आक्रमण किन रेमी कींता ओसो पोयता प्रदेशकुना रक्षा कियाना मंजिल लोप्पा प्रवेश कींता। इद मंजिल लोप्पा दुश्मन तन्ना कब्जा कित्ता प्रदेशकुना पोर्हे तन्ना अधिकार बचे कियाला काजे कोशिश कीसोर मंदिंता। ओसो अव प्रदेशकुन तन्ना इलाका बने कियाला काजे कठपुतली सरकार कुना स्थापना ता घटिया तरीका ना सहारा एतियर ओसो संगेने चीनी जनता ना बदे मारना हिल्वा लूट-खसोट कियार, मति झाग वेने जोरदार छापामार युद्ध ता सामना किया लागियरा बारांकु इत्तेके दुश्मन तन्ना पृष्ठभाग लोप्पा गैरिजन सेनांग तासा परवो आंता, अदिन काजे इद परिस्थिति ता फायदा तेहची पहली मंजिल लोप्पा छापामार युद्ध बेहरा स्तर तै फैले मायार ओसो वेल्ले आधार-इलाकांग निल्पी कियमूङायर, अविना कारण ते दुश्मन ता पोयता प्रदेशकुना रक्षा कियाना कोशिशकुना काजे गंभीर खतरा पुट्टियर, ओसो दूसरा मंजिल लोप्पा वेने बेहरा स्तर ता युद्धा ताकियरा इद मंजिल लोप्पा मावा फौजी कार्हिवाई ना मुख्य रूप मंदिंता छापामार लडाई ओसो सहायक रूप मंदिंता चलायमान लडाई। अद समय ते वेने चीन तन्नगा उंदी बेहरा नियमित सेना तासिंता, मति अस्के वेने अदिना काजे तुरंत रणनीतिक प्रत्याक्रमण कियाना मुश्किल मंदिंता, बारांकु इत्तेके उंदी बगिल दुश्मन तन्ना कब्जा ते मंदाना बेहरा-बेहरा शहर कुना लोप्पा ओसो मुख्य संचार-लाइन कुना पोर्हे रणनीतिक बचाव ता नीति लागू कींता, ओसो दूसरा बगिल चीन तकनीक ता दृष्टि ते इंजे कमजोर रूप ते मंता। मोर्चा ता पहली लाइन कुना लोप्पा रक्षा ता काम लोप्पा लागता फौज कुन विड्सी, मावा सेना ता उंदी बेहरा हिस्सा किन अपेक्षाकृत विकेंद्रित जत्था ता रूप ते दुश्मन ता पृष्ठभाग लोप्पा भीडे

कियमूळायर, ओसो इव फौज कु इंजे दुश्मन कब्जा कित्ता इलाकांग ना सहारा  
एतसी ओसो जन-समुदाय ता सशस्त्र ताकात कुना संगे तालमेल कीसि,  
दुश्मन ता पोयता प्रदेश कुना विरुद्ध व्यापक ओसो जोरदार छापामार युद्ध  
ताकी कींता ओसो आया परताचोन, दुश्मन किन उंदी जगा टिकेमायला  
हिवो आंता, अद्रम कित्तेके चलायमान लडाई लोप्पा अदिन नष्ट  
कियामूळांता, इस्साल शानशी प्रान्त लोप्पा आसोरे मत्ता लेकका। दूसरा  
मंजिल लोप्पा निर्मम युद्ध ताकीयर ओसो वेल्ले जागा ने गंभीर बरबादी ता  
सामना किया लागियर। मति छापामार युद्ध लोप्पा माकिन जीत हासिल  
आयार ओसो इद युद्ध बेस ताकतेके दुश्मन तग ओरा पोयता प्रदेश कुना  
लगभग उंदी तिहाई भागे बचेमायर, बाकी लगभग रेंडु-तिहाई हिस्सा मावा  
कैदे वांता। इद दुश्मन काजे उंदी बेहरा पराजय ओसो चीन काजे उंदी महान  
जीत आयार। अस्के एवनल दुश्मन पोयता पूरा प्रदेश मूळ श्रेणिंग लोप्पा  
बंटेमायर, पहली, दुश्मन ता अड्डांग, दूसरा, छापामार युद्ध काजे मावा  
आधार-इलाका, ओसो तीसरा, छापामार इलाकांग अविना काजे रेंडु पक्ष  
उंदना-पिंडगना कोशिश किसोरे मंदितोर। इद मंजिल बचोन दिया एवनल  
ताकियर, इद दुश्मन ता ओसो मावा तुलनात्मक ताकत लोप्पा आयना  
मजबूती ओसो कमजोरी ता मात्रा ओसो अंतरराष्ट्रीय परिस्थिति लोप्पा  
आयाना परिवर्तन कुना पोर्णे आधार आसी मंता। आम रूप ते माटु उंदी  
लम्बा समय एवनल ताकना मंजिल ता सामना कियाला तैयार मंदाना, ओसो  
इद कठिन मंजिल किन सही ओसो बेस पार कियाना कोशिश कियाना। चीन  
काजे इद वेल्ले मुश्किल कालम मंदियर; अदिन तना आर्थिक समस्यांग  
ओसो गद्दार लोरा तोडफोड ता कार्रवाईंग ना रूप ते रेंडु बेहरा समस्यांग ना  
सामना किया लागियर। चीन ता संयुक्त मोर्चा किन तोडे कियाला दुश्मन तोर  
भरपूर कोशिश कियानोर ओसो दुश्मन ता पोयता सब्बे प्रदेश कुना विभिन्न  
गद्दार संगटन आपस ते कलियसी “संयुक्त सरकार” ता रूप एतानूंग। खुद  
मावा लाईन ते, बेहरा शहर कु मना कैदल दायना ओसो युद्ध ता मुश्किल  
कुना कारण ते, ढुलमुल तत्व जोरशोर ते समझौता ता सिद्धांत ता ढोल नेकी  
कीयनुंग ओसो निराशा ता भावना गंभीर रूप ते बेरसियर। अस्के मावा मुन्ने  
युद्ध किन उंदी जीवा कीसि ओसो वेल्ले गट्टिक मंजी ताकी कियाला काजे  
पूरा जनता किन उंदीकट्ट कियाना, संयुक्त मोर्चा किन विस्तृत ओसो सुदृढ़

बने कियाना, निराशावाद ओसो समझौता ता हर रकम ता सिद्धांत कुना सफाया कियाना, कठोर संघर्ष ता संकल्प किन बेरसी कियाना ओसो पूना युद्ध कालम ता नीतिंग किन लागू कियाना कामकु मंदिंतांग। इद्रम यात्रा कीसि इद कठिन मंजिल किन सही तरीका ते ओसो बेश पार कियाना। इद दूसरी मंजिल लोप्पा सब्बे देश किन अवु दृढ़ता संगे संयुक्त सरकार किन बचे कीसि तासना, मनम फूट ता विरोध कियाना, मना युद्ध-कौशल किन योजनाबद्ध रूप ते उन्नत बने कियाना, सशस्त्र सेनांग लोप्पा सुधार कियाना, सब्बे जनता किन उंदीकट्ट कायना ओसो प्रत्याक्रमण ता तैयारी कियाला लागियर इंजी आह्वान किया लागियर। इद मंजिल लोप्पा अंतर्राष्ट्रीय परिस्थिति जापान ता काजे ओसो वेने प्रतिकूल बनेमायर, ओसो “सम्पन्न कार्य” ता मुने चेम्बरलेन ता लेकका तल्ला वरहचीयाना “यथार्थवाद” ता चर्चा आया परिंता, मति मुख्य अंतर्राष्ट्रीय ताकत कु चीन ता ओसो वेल्ले सहायता कियानुंगा दक्षिण-पूर्वी एशिया ओसो साइबेरिया ता मुने जापान ता खतरा मुन्नेतुकू वेने ज्यादा गंभीर आयार ओसो उंदी पूना युद्ध वेने शुरू आया परिंता। जापान ता बारे ते हूडतेके बीसियों डिविजनकु चीन लोप्पा फंसेमातदु मंतांग। बेहरा स्तर ता छापामार युद्ध ओसो जापान-विरोधी जन-आंदोलन ता कारण ते इद विशाल जापानी फौज दोगियर, अदिना संख्या लोप्पा वेल्ले कमी वायार, ओसो लोन वापिस दायना विचार, युद्ध तुकू दोगता लेककाटा विचार ओसो युद्ध-विरोधी भावना बेरसिसी अदिना मनोबल नष्ट आयार। इदिन जापान किन चीन ता लूट-खसोट कितके वेने बाताए दोरको आयार, मति बारांकु इतेके अदिनगा पूंजीवाद ता कमी मंता ओसो छापामार युद्ध तल परेशान मंता, अदिन काजे जल्दी ओसो बेहरा रिजल्ट हासिल कियाना अदिना काजे असंभव मंता। पूरा युद्ध ताकनास्के इद दूसरी मंजिल उंदी संक्रमणकालीन मंजिल मंदिता ओसो इद युद्ध ता सबसे कठिन समय मंदिता, मति संगेने इद कालम बदलाव ता धुरी वेने मंदिता। चीन उंदी स्वतंत्र देश बनेमायर ओसो उपनिवेश लोप्पा बदलेमायर, इद पोल्लो ता निर्णय पहली मंजिल लोप्पा बेहरा-बेहरा शहर कुन सुरक्षित तासना या पोहाना इंजी आयो, दूसरा मंजिल लोप्पा सब्बे राष्ट्र ता कोशिश कुना संगेने आयार। माटु प्रतिरोध-युद्ध संयुक्त मोर्चा ओसो दीर्घकालीन युद्ध पोर्हे गढ़िक मंजी नितसी मंदा परतेके, चीन इद मंजिल लोप्पा तन्ना कमजोरी

किन दूर कीसि शक्तिशाली बनेमायना लोप्पा तैयार आयरा चीन ता प्रतिरोध-  
युद्ध ता नाटक ता मूँ भाग कुना लोप्पा इद दूसरा भाग मंदिता। ओसो सब्बे  
कलाकार लोरा कोशिश कुना संगे नाटक ता सबसे बेशता आखरी भाग बेश  
तोहमूँडायरा।

38. **तीसरी मंजिल:** इद मना पोहता प्रदेश कुन दोबारा हासिल कियाना काजे  
मावा प्रत्याक्रमण ता मंजिल आंदू चीन ता पोहता प्रदेश कुन दोबारा हासिल  
कियानादु मुख्य रूप ते मना मुन्नेटा मंजिल लोप्पा पोषण आता ओसो इद  
मंजिल लोप्पा लगातार बेरसोर दायना ताकत पोर्रे निर्भर आसी मंता। मति  
चीन काजे केवल तन्नाए ताकत पोर्रे निर्भर मंदाना हालो आयार, ओस मनम  
अंतर्राष्ट्रीय ताकतकुना समर्थन ओसो जापान लोप्पा आयाना बदलाव कुना  
सहायता पोर्रे वेने निर्भर मंदा लागियर, लेवेके माटु जीड़ा परवोम आयाकोम,  
अदिन काजे चीन ता अंतर्राष्ट्रीय प्रचार ओसो अदिना राजनीतिक  
गतिविधिंग ना संबंध ते काम ओसो ज्यादा बेरसिंता। तीसरी मंजिल लोप्पा  
मावा युद्ध रणनीतिक रक्षा ता युद्ध आयवा रणनीतिक प्रत्याक्रमण ता रूप  
एतियर अदु रणनीतिक आक्रमण ता रूप ते प्रकट आयार, ओसो अस्के माटु  
रणनीतिक लोप्पाट सेनांग पोर्रे आयवा, कदम-ब-कदम रणनीतिक बाहरी  
सैन्य पंक्ति कुना पोर्रे युद्ध किंतोमा बस्के एवनल मावा फौज लड़ेमासोरे-  
लड़ेमासोरे यालू डोड्डा ओदा वांता, अस्के एवनल युद्ध समाप्त आयर इंजी  
वेहा परवोमा। तीसरी मंजिल दीर्घकालीन युद्ध ता आखरी मंजिल आंदू  
ओसो माटु इद युद्ध किन गढ़िक मंजी आखरी एवनल जारी तासना इतोम,  
इत्तेके इद मंजिल पूरा आंता। अद मंजिल लोप्पा वेने मावा युद्ध ता मुख्य रूप  
चलायमान लड़ाई आंता, मति मोर्चबद्ध लड़ाई किन वेने महत्वपूर्ण जागा  
दोरकिंता। पहली मंजिल लोप्पा मोर्चाबद्ध रक्षा किन अद समय ता परिस्थिति  
ता कारण ते अचोन महत्व हिया परतद हिल्ले, मति तीसरी मंजिल लोप्पा  
मोर्चाबंदी पोर्रे कियाना हमलांग किन बदलेमात्ता परिस्थिति ओसो काम ता  
जरूरत कुना कारण ते वेल्ले महत्व हियमूँडायरा। तीसरी मंजिल लोप्पा,  
छापामार लड़ाई ओसो उंदी बेरा चलायमान लड़ाई ओसो मोर्चाबद्ध लड़ाई  
ता सहायक रूप ते रणनीतिक समर्थन प्रदान कींता, मति अद युद्ध ता मुख्य  
रूप मन्ने आंता, अदु युद्ध ता दूसरी मंजिल लोप्पा मत्ता लेक्का।

39. इद्रम इद युद्ध उंदी दीर्घकालीन युद्ध आंदू इंजी स्पष्ट मंता ओसो अदिन काजे उंदी निर्मम युद्ध आंदू दुश्मन पूरा चीन किन लोपे माया परमूङ्गायो, मति अद चीन ता बचोनो प्रदेशकुन वेल्ले समय एवनल तन्ना कब्जा ते तासा परिंता। चीन जापानी लोर किन जल्दिए बाहर पूँडा परमूङ्गायो आयर, मति चीन ता प्रादेशिक भूमि ता ज्यादातर हिस्सा पोर्णे चीन ताए कब्जा मंदियारा आखरी ते दुश्मन हारे मायर ओसो माटू जीडिकोम, मति मना यात्रा ता उंदी कठिन हिस्सा माकिन पार कियाला लागियरे।
40. इद्रम ता लम्बा ओसो निर्मम युद्ध ताकनास्के चीनी जनता फौलाद बनेमायरा युद्ध लोप्पा शामिल आयना राजनीतिक पार्टिंग वेने फौलाद बनेमायनुंग ओसो अविना परिक्षा वेने आयरा संयुक्त मोर्चा किन गट्टिक निल्पी कीसि तासाना: संयुक्त मोर्चा किन निल्पी कीसि युद्ध किन जारी तासा परमूङ्गांता, संयुक्त मोर्चा किन ओसो युद्ध किन जारी तासीसिए आखरी जीत हासिल कियमूङ्गांता। केवल इद्रम कीसिए सब्बे मुश्किल किन दूर कियमूङ्गांता। युद्ध लोप्पा कठिन यात्रातल वेंडता पेरके माटु जीत ता बेहरा हर्रि पोर्णे वांतोमा। इद युद्ध ता स्वाभाविक तर्क आंदू।
41. इव मूँड मंजिल कुना पूरा कालम लोप्पा मावा ओसो दुश्मन ता तुलनात्मक ताकत लोप्पा बदलाव रास्ता लेक्का आयर - पहली मंजिल लोप्पा दुश्मन शक्तिशाली परिस्थिति लोप्पा मंदिता ओसो माटु कमजोर परिस्थिति लोप्पा मंदितोमा। प्रतिरोध-युद्ध तुकू मुनेटल इद मंजिल ता आखरी एवनल मावा कमजोर परिस्थिति लोप्पा रेंडु भिन्न रकम ता बदलाव आयनुंग इंजी अंदाजा वाटना। पहला बदलाव खराबी ता बगिल मंदियरा चीन ता मुनेटा कम स्तर ता युद्ध ता पहली मंजिल लोप्पा आयना नुकसान कुनगडल ओसो ज्यादा बेरसियर, इत्तेके अदिना क्षेत्रफल लोप्पा, जनसंख्या लोप्पा, आर्थिक ओसो फौजी ताकत लोप्पा ओसो सांस्कृतिक संगटन लोप्पा कमी आयरा। पहली मंजिल ता आखरी एवनल अविना लोप्पा वेल्ले कमी आयर बहे, खासकर ओरा आर्थिक पहलू लोप्पा। इद पोल्लो ता उचुन मुल राष्ट्रीय गुलामी ओसो समझौता ता सिद्धांत ता आधार ता रूप ते इस्तेमाल कीतोरा। मति दूसरा रकम ता बदलाव, इत्तेके बेसता दिशा लोप्पा आयना बदलाव बगिल वेने ध्यान हियाना मंता। इदिना लोप्पा इव पोल्लोंग शामिल मंता - मावा युद्ध ता अनुभव बेरसियर, मावा फौजकु प्रगति कियानुंग, मावा राजनीतिक प्रगति

आयार, मावा जनता उंदीकड़ु आयार, मावा संस्कृति ता पूना दिशा लोप्पा विकास आयार, छापामार युद्ध ता प्रकटन आयार, अंतर्राष्ट्रीय समर्थन लोप्पा बढ़ोतरी आयर, लेककाटवु पहली मंजिल लोप्पा बद चीज ता पतन आंता अवु पाड़ना परिमाण ओसो पाड़ना गुणे आंदू अवु मुख्य रूप ते परिमाणात्मक रूप ते प्रकट आंतांग। ओसो बद चीज ता उन्नति आंता अदु पूना परिमाण ओसो पूना गुणे मंदिता, अवु मुख्य रूप ते गुणात्मक रूप ते प्रकट आंता। अविना लोप्पा दूसरा रकम ता बदलाव दीर्घकालीन युद्ध ताकी कियाला ओसो आखरी जीत हासिल कियाला ता मावा क्षमता ता आधार बने मांता।

42. पहली मंजिल लोप्पा दुश्मन ता पक्ष लोप्पा वेने रेंडु रकम ता बदलाव मुन्ने वांतांग। पहला बदलाव परिस्थिति किन बिगड़े कियाना मंदिता, अदु लाखों लोकुरा नुक्सान आयना, हथियार कु ओसो गोला-बारूद ता खर्च आयना, फौज कुना मनोबल टूटे मायना, मना देश ता जनता लोप्पा दुःखम फैलेमायना, व्यापार लोप्पा कमी आयाना, 1000 करोड़ येन तुकू ज्यादा खर्च आयना, दुनिया ता जनमत संगे निंदा कियाना लेककाटा रूप ते मुन्ने वांता। इद रुझान वेने दीर्घकालीन युद्ध ताकी कियाना ओसो आखरी जीत हासिल कियाना मावा क्षमता ता उंदी ओसो आधार प्रदान कींता। मति इद्रमे माटु दुश्मन ता पक्ष ते आयना दूसरा रकम ता बदलाव किन, बेसता दिशा ते आयना बदलाव, इत्के अदिना मना प्रदेश किन विस्तार कियाना ओसो मना आबादी ओसो मना साधन किन बेरसी कियाना किन वेने ध्यान ते तासना। इद रुझान वेने मावा प्रतिरोध-युद्ध उंदी दीर्घकालीन युद्ध आंदू इंदाना पोल्लो ता आधार बनेमांता ओसो इदिना लोप्पा जल्दी जीत हासिल कियमूळायो, संगेने उचुन मुल इदिना इस्तेमाल वेने राष्ट्रीय गुलामी ओसो समझौता ता तन्ना सिद्धांत कुना आधार ता रूप ते कींतोर। मति दुश्मन-पक्ष काजे बेसता बदलाव आयना बगिल ता इद बदलाव ता बारे ते मनम इदिना स्वरूप अस्थाई ओसो आंशिक मंता इंजी निश्चित रूप ते समझेमायना। जापान उंदी सर्वनाश आसोरे मत्ता साप्राज्यवादी ताकत आंदू ओसो चीन ता प्रादेशिक भूमि पोर्हो केवल उचुने दियांग काजे कब्जा किया परिंता चीन लोप्पा छापामार युद्ध ता जोरदार विकास आता कारण ते जापान-पोयता प्रदेश असल ते उचुक तंग हर्रिंग एवनाले सीमित आसी मंदितांग। इदे आयवा चीनी

प्रदेशकुना पोर्रो जापान ता अधिकार संगे जापान ओसो दूसरा देशकु ना नडमा अन्तरविरोध पुटांग ओसो अवु तेज आतांग। इदे आयवा इद्रम ता कब्जा ता वेल्ले कालम ते जापान किन बदे फायदा हिल्वा पूँजी वाटा लागियर, उत्तर-पूर्वी चीन ता मूँड प्रांत ता अनुभव तल समझेमात्ता लेकका इव रेंडु पोल्लोंग वेने राष्ट्रीय गुलामी ओसो समझौता ता सिद्धांत कुना उलंघन कियाला काजे ओसो दीर्घकालीन युद्ध ओसो आखरी जीत ता सिद्धांत कुना स्थापना कियाला काजे मावा मुन्ने ओसो उंदी आधार पेश कीता।

43. दूसरा मंजिल लोपा रेंडु पक्ष कुने पोर्रो वेहत्ता बदलाव कुना विकास आयाना जारी मंदियर। परिस्थिति ता मुनेटले सही आंकलन किया परवेकाई आम रूप ते जापान ता लगातार पतन आयार ओसो चीन ता लगातार उन्नति आसोर दायरा<sup>10</sup> उदाहरण काजे चीन ता छापामार युद्ध लोपा जापान ता फौजी ओसो वित्तीय ताकत वेल्ले ज्यादा खर्च आयर, जापानी जनता लोपा होंग बेरसियर, अदिना फौजकुना मनोबल ओसो ज्यादा घटेमायर, ओसो अंतर्राष्ट्रीय क्षेत्र लोपा अद ओसो ज्यादा अलगाव ता परिस्थिति लोपा अरियर। चीन लोपा राजनीतिक, फौजी ओसो सांस्कृतिक क्षेत्र लोपा ओसो जनता किन उंदीकट्टु कियाना काम लोपा ओसो ज्यादा प्रगति आयर, छापामार युद्ध ओसो ज्यादा विकसित आयार, लोपाटा प्रदेश कुना लोपा सुडला उद्योग ओसो व्यापाक खेतीबाडी पोर्रो आधार आसी अदिना अर्थव्यवस्था ता वेने उचुन पूना विकास आयार, अदिन दोरकना अंतर्राष्ट्रीय सहायता कदम-ब-कदम बेरसोर दायर, ओसो अदिना वायना कालम ता रूप नेटा कालम तुकू वेल्ले अलग मंदियर। इद दूसरा मंजिल वेल्ले दिया एवनल नितसी मंदा परिंता। इद कालम ते दुश्मन ओस मावा नडमा ता तुलनात्मक ताकत लोपा उंदी बेहरा विपरित परिवर्तन आयार, चीन कदम-ब-कदम पोर्रो तेदसोरे दायर ओसो जापान कदम-ब-कदम दोड अरसोरे दायरा अस्के चीन ता कमजोरी ता अन्त आयार ओसो जापान ता मजबूती खत्म आयर, मुन्ने रेंडु देशकुना बराबरी ता परिस्थिति पोर्रो एवनुंग ओसो ताना पेरवके अविना मजबूती कमजोरी ता परिस्थितिंग बिल्कुल पलटेमायनुंग। अद समय ते चीन तन्ना रणनीतिक प्रत्याक्रमण ता तैयारींग पूरा कीसि मंदिता। ओसो अद प्रत्याक्रमण शुरू कियाना ओसो दुश्मन किन

बाहर पूँडना मंजिल ते एविंता। कमजोर परिस्थिति तल मजबूती ता स्थिति लोप्पा बदलेमायना ओसो प्रत्याक्रमण ता तैयारी पूरी आयना इतेके चीन ता ताकत बेरसना आंदू ओसो जापान ता मुशिकल बेरसना आंदू, ओसो मावा अंतर्राष्ट्रीय समर्थन लोप्पा बढ़ोत्तरी आयना आंदू इंजी ओसो उंदी बेरा वेहाना। इव सब्बे ताकत कुना एकताए चीन किन मजबूती ता बगिल ओयर ओसो प्रत्याक्रमण ता तैयारी किन पूरा कियरा।

44. चीन ता राजनीतिक ओसो आर्थिक विकास ता असमानता ता कारण तीसरी मंजिल ओसो उंदी आयना राजनीतिक प्रत्याक्रमण तन्ना शुरुआती समय ते पूरा देश लोप्पा उदे रकम ता ओसो उदे रफ्तार ते आयवा अदिना स्वरूप प्रादेशिक मंदियर ओसो अदु उंदी इलाका लोप्पा शुरू आतेके दूसरा इलाका लोप्पा बंद आयरा। इद मंजिल लोप्पा चीन ता संयुक्त मोर्चा तोड़े कियाला काजे दुश्मन ता लागू कियाना विभिन्न फूटपरस्त चाल कुना लोप्पा बदे कमी मनो आयर, अदिन काजे चीन ता अन्दरूनी एकता ता कार्य ओसो वेने महत्वपूर्ण बनेमायर ओसो माकिन अन्दरूनी फूट ता कारण राजनीतिक प्रत्याक्रमण नड़माए रोमानायो इंदाना पोल्लो ता गारंटी एता लागियरा। इद समय ते अंतर्राष्ट्रीय परिस्थिति चीन ता वेल्ले अनुकूल बनेमायरा। चीन ता मुन्ने तन्ना संपूर्ण मुक्ति काजे ओसो उंदी स्वाधीन जनवादी राज्य ता स्थापना काजे इद अंतर्राष्ट्रीय परिस्थिति ता फायदा एतना काम मंदिता, संगेने अदु दुनिया ता फासीवादी-विरोधी आंदोलन ता सहायता वेने कींता।
45. चीन कमजोर मत्ता परिस्थिति तल मजबूती ता परिस्थिति लोप्पा ओसो अदिना पेरके मजबूती ता परिस्थिति लोप्पा एवना ओसो जापान मजबूती ता परिस्थिति तल कमजोरी ता परिस्थिति लोप्पा एविंता। चीन रक्षा ता परिस्थिति संगे ठहराव ता परिस्थिति लोप्पा ओसो ताना पेरके प्रत्याक्रमण ता परिस्थिति लोप्पा एविंता ओसो जापान आक्रमण ता परिस्थिति तल तन्ना उपलब्धिंग ना रक्षा ता परिस्थिति लोप्पा ओसो पेरके अरना परिस्थिति लोप्पा एवियर-चीन-जापान युद्ध ता प्रक्रिया इदे मंदिता ओसो इदे अदिना अनिवार्य प्रवृत्ति मंदिता।
46. अदिन काजे सवाल ओसो निष्कर्ष इद्रम मंतांग-चीन गुलाम बनेमांताया ? जवाब: आयो, अदु गुलाम बनेमायवा लेवा आखरी जीत दोरकी कींता। - चीन जल्दी जीत हासिल कीया परिंता या? जवाब: किया परवो, अदु जल्दी

जीत हासिल किया परवो ओसो इद युद्ध किन उंदी दीर्घकालीन युद्ध बनेमाया  
लागियरा - इद निष्कर्ष सही मंताया? नावा हिसाब ते इद सही मंता।

47. इद पोल्लो पोर्रो राष्ट्रीय गुलामी सिद्धांत ता समर्थक ओसो समझौता सिद्धांत  
ता प्रतिपादक ओसो मुन्ने वासी इंदानुरः “कमजोरी ता परिस्थिति तल  
बराबरी ता परिस्थिति ते एव्वना काजे चीन लोप्पा जापान ता बराबर फौजी  
ओसो आर्थिक ताकत मंदाना ओसो बराबरी ता परिस्थिति तल बढोतरी ता  
परिस्थिति लोप्पा एव्वला काजे तानगा जापान तुकू ज्यादा फौजी ओसो  
आर्थिक ताकत मंदाना जरूरत मंता। मति इद्रम आया परवो, अदिन काजे  
पोर्रो तेंडता निष्कर्ष गलत मंता।”
48. “हथियारके सब्बे तय कींतांग”<sup>11</sup> इंदाना सिद्धांत इदे आंदू युद्ध ता बारे ते  
इद उंदी यांत्रिक सिद्धांत आंदू ओसो उंदी मनोगतवादी ओसो एकांगी  
दृष्टिकोण आंदू मावा विचार इदिना विरुद्ध मंता। माटु केवल हथियार किने  
आयवा मानेय किन वेने हूँडितोमा युद्ध लोप्पा हथियार उंदी महत्वपूर्ण तत्व  
जरूर मंदितांग मंति निर्णयात्मक तत्व मन्नो आंता। निर्णयात्मक तत्व मानेये  
मंदितोर चीज मन्नो आंता। ताकतकुना नडमा ता इद प्रतियोगिता केवल रेडु  
पक्ष ता फौजी ओसो आर्थिक ताकत ता नडमा ता प्रतियोगिताए आयवा  
मानव-शक्ति ओसो मनोबल ता नडमा ता प्रतियोगिता वेने आंदू फौजी  
ओसो आर्थिक ताकत ता नियंत्रण अनिवार्य रूप ते मानेय ना कैदेने मंदिता।  
चीन, जापान ओसो दुनिया ता दूसरा देशकु ना ज्यादातक जनगण मावा  
जापानी-आक्रमण-विरोधी युद्ध ता पक्ष ते मंतोर, इंदानास्के जापान ता अद  
मुट्ठामेंड लोकुरा जोर ते नियंत्रण कित्ता फौजी ओसो आर्थिक ताकत किन  
मजबूत मंता इंजी बद्रम आल्समूडांता? अदिन मजबूत समझेमायवेके फौजी  
ओसो आर्थिक ताकत लोप्पा अपेक्षाकृत कमजोर मंदाना चीन मजबूत चीन  
बनेमायो आसी मनवड? बस्के एवनल चीन तन्ना प्रतिरोध-युद्ध किन ताकी  
कीसोर मंदिता ओसो संयुक्त मोर्चा नित्पी कीसि तासिंता अस्के एवनल  
अदिना फौजी ओसो आर्थिक ताकत हर कदम बेरसोर मंदियर इंदाना पोल्लो  
पोर्रो बदे डावुट हिल्लो। दूसरा बगिल दीर्घकालीन युद्ध अनि लोप्पाटा ओसो  
बाहर ता अन्तरविरोध कुना कारण ते मावा दुश्मन कमजोर आसोर दायनूर  
अनि अदिना फौजी ओसो आर्थिक ताकत अनिवार्य रूप ते विपरीत दिशा  
ते बदलेमायरा इद्रम ता परिस्थितिंग लोप्पा चीन मजबूत मंदाना देश

बनेमायना संभावना हिल्ले? इदे आयवा, इद कालम ते माटु दूसरा देशकुना फौजी ओसो आर्थिक ताकत कुना गिनती वेल्लेय ओसो खुल्लेआम मना पक्ष ता ताकत ते किया परमङ्गायो, मति वायना कालम ते वेने माटु इद्रम किया परवोमा? जापान ता दुश्मन चीन एवनले सीमित हिल्वेके, ओसो भाविष्य ते उंदी लेवके बचोनो देश खुल्लेआम तन्ना बेहरा फौजी ओसो आर्थिक ताकत ता जापान खिलाफ रक्षात्मक ओसो आक्रमणात्मक कार्रवाईग काजे इस्तेमाल कियार ओसो खुलेआम मना सहायता कियानोर, अस्के मना मजबूती ओसो वेने बेरसियारा? जापान उंदी सुडला देश आंदू अदिना युद्ध उंदी प्रतिगामी ओसो बर्बरतापूर्ण युद्ध आंदू ओसो अंतर्राष्ट्रीय क्षेत्र लोप्पा अद बोरसोरे ज्यादा अलगाव ता परिस्थिति लोप्पा अरिता। चीन उंदी बेहरा देश मंता, अदिना युद्ध उंदी प्रगतिशील ओसो न्यायपूर्ण युद्ध आंदू ओसो दिय्या-दिय्या अदिन वेल्ले अंतर्राष्ट्रीय समर्थन दोरकसोर दांता। उंदी दीर्घकालीन कालम ता विकास पेरके, इव सब्बे पोल्लोंग मना ओसो दुश्मन नडमा ता तुलनात्मक स्थिति किन निश्चित रूप ते बदले किया परिता या?

49. मति जल्दी जीत दोरकी कियाना सिद्धांत ता समर्थक लोरु युद्ध ताकत ता प्रतियोगिता आंदू इंजी समझेमायोर ओसो ओरु युद्ध ताकना पक्ष कुना तुलनात्मक ताकत लोप्पा निश्चित बदलाव आयवा लेवा, रणनीति ता दृष्टि ते निर्णायिक लडाईग लडेमायाना ओसो तय कित्ता समय तुकू मुन्ने ने मुक्ति ता हरदे एव्वना कोशिश कियाना ता बदे आधार हिल्ले इंजी समझमायोर। ओरु तम्मा विचार किन व्यवहार लोप्पा लागू कित्तेके जरूर कोद्दोर हिसी गुम्मिया ते अर्रान्गुरा लेवेके ओरु इव विचार किन केवल मजा लूटे कियाना लोप्पा तोहानोर ओसो अविनकिन गंभीर रूप ते व्यवहार लोप्पा लागू कियाला काजे तैयार हिल्वा मंदानोर बहे। मति आखिर ते “श्री सत्य महाराज” मुन्ने वायनोर ओसो पोंगडिंग कियानोरा तल्ला पोरों उंदी गड्वा किंरंगता एर दोस्सानोरा वेरु हवाई किला पंडानोर मंतोर, हल्कोए जीत हासिल कियाना ओसो बिना मेहनत किवा लेवा फायदा तेहाला आलसनोर मंतोर इंजी तोहसियरा इद्रम ता हवाई किला मुन्ने वेने बने कियानोर ओसो नेंड वेने बने कींतोर, मति इंजे ज्यादा बने किसोर हिल्लेरा इद्रम ता पोल्लोंग युद्ध ता ठहराव ओसो प्रत्याक्रमण ता मंजिल लोप्पा एवतास्के ओसो ज्यादाए पुटियरा मति अदे समय ते चीन किन पहली मंजिल लोप्पा

अपेक्षाकृत वेल्ले नुकसान तेहा लागियर ओसो दूसरा मंजिल वेल्ले लम्बा ताकियर, अस्के राष्ट्रीय गुलामी ओसो समझौता ता सिद्धांत ता वेल्ले जोर आयरा। अदिन काजे माटु मना हमला ता निशाना प्रधान रूप ते राष्ट्रीय गुलामी ओसो समझौता ता सिद्धांत किने बने कियाना ओसो जल्दी जीड़ना ता हवाई सिद्धांत किन गौण जागा हियाना।

50. इद युद्ध ता दीर्घकालीन आयना तय मंता, मति इद युद्ध बचोन साल एवनल ताकियर इंजी भविष्यवाणी इत्तेके (अदिना वायाना कालम ता बारेते) बोरे वेहा परवोर, बारांकु इत्तेके संपूर्ण रूप ते मावा ओसो दुश्मन ता नड़मा ता तुलनात्मक ताकत लोप्पा आयना बदलाव ता मात्रा पोर्चे निर्भर आसी मंता। बोरु युद्ध ता समय किन कम कियाला अलिसंतोर, ओरा मुन्ने तम्मा ताकत किन बेरसी कियाना ओसो दुश्मन ता ताकत किन कम कियाना ता कोशिश कियाना विड्सी दूसरा बदे हर्ही हिल्लो। ठोस रूप ते हूडतेके इदिना केवल उदे हर्ही मंता अदु मनम ओसो वेने ज्यादा लडाईंग जीड़ना ओसो दुश्मन ता फौज कि कम कियाना कोशिश कियाना, छापामार युद्ध किन विकसित कियाना कोशिश कियाना इद्रम कित्तेके दुश्मन ता कब्जा लोप्पा कम से कम इलाकांग पिसिंतांग, देश ता सब्बे ताकत किन एकताबद्ध कियाला काजे संयुक्त मोर्चा किन सुदृढ़ ओसो व्यापक बने कियाना कोशिश कियाना, पूना फौज ता निर्माण कियाना ओसो पूना युद्ध-उद्योग किन विकसित कियाना कोशिश कियाना, राजनीतिक, आर्थिक ओसो सांस्कृतिक प्रगति लोप्पा तेजी तत्ताला काजे कोशिश कियाना, मजदूर, किसान, व्यापारी, बुद्धिजीवी ओसो जनता ना दूसरा तबकांग किन उंदीकट्ट कियाना कोशिश कियाना, दुश्मन ता फौज किन छिन्न-भिन्न कियाना ओसो ओरा सैनिक लोरकिन मना बगिल काल्पना कोशिश कियाना दूसरा देशकुना समर्थन दोरकी कियाला काजे अंतर्राष्ट्रीय प्रचार कियाला कोशिश कियाना, ओसो जापानी जनता ओसो दूसरा उत्पीड़ित राष्ट्र कुना समर्थन दोरकी कियाला कोशिश कियाना। इव सब्बे कामकु पूरा आतास्केने माटु युद्ध ता कालम किन कम किया परिंतोम। इदिना काजे बदे सुडला हर्ही हिल्लो।

**चौखटी-आरी” प्रणाली ता युद्ध**

51. मावा दीर्घकालीन जापानी-आक्रमण-विरोधी युद्ध मानव जाति ता युद्ध-इतिहास लोप्पा उंदी अलग ओसो गौरवशाली पेज जोड़े कियार इंजी पक्का वेहा परितोमा “चौखटी-आरी” प्रणाली इद युद्ध ता वेल्ले अञ्चुत विशेषतांग लोप्पाटल उंदी आंदू। इद उंदी पक्ष लोप्पा जापान ता बर्बरता ओसो अदिना हाले मायवा सेना मंदाना ओसो दुसरा पक्ष ते चीन ता प्रगतिशील ओसो अदिना विस्तृत प्रदेश मंदाना लेक्का विरोधी तत्वंग ना नतीजा आंदू। इतिहास लोप्पा “चौखटी-आरी” प्रणाली वाले दूसरांग युद्धकु वेने आत्ताद मंता, इत्तेके अक्कूबर क्रांति पेरके रूस ता मूँड सालकुना गृहयुद्ध इद्रमताए युद्ध मत्ता। मति चीन लोप्पा इद युद्ध ता विशेषता अदिना दीर्घकालीन ओसो विस्तृत स्वरूप लोप्पा मंता, अदु इतिहास लोप्प तन्ना रिकार्ड किन तासिंता। युद्ध ता इद “चौखटी-आरी” प्रणाली दोड़ रास्ता लेक्का दिसिंता।
52. लोप्पाटा ओसो बाहरी सैन्य पंक्तियां कुल मिले कीसि जापानी-आक्रमण-विरोधी युद्ध लोप्पटा सैन्य पंक्ति कुना पोरो ताका मंता। मति मना नियमित सेनांग ओसो छापामार दलम कुना नडमा संबंध ता बारे ते हूँडतेके, नियमित सेनांग लोप्पाटा सैन्य पंक्ति पोरो मंतांग ओसो छापामार दलम बाहरी सैन्य पंक्ति पोरो, इद्रम उंदी बस्के हूँडवा चित्र दिस्सा मंता। ताना लोप्पा दुश्मन पोरो वार कियाना उंदी संडासी (प्लास) बनेमात्ता। इदे पोल्लो विभिन्न छापामार इलाकांग ना आपास ता संबंध कुना बारे ते वेने वेहमूँडांता। मना खुद ता नजर ते हर छापामार इलाका मना किन लोप्पाटा सैन्य पंक्ति पोरो ओसो दूसरा इलाकांग किन बाहरी सैन्य पंक्ति पोरो समझेमांता, ओसो अदिना संगे कलियसी दुश्मन पोरो वार कियाना बचोनो प्लास लेक्का सैन्य पंक्ति बनेमातांग। युद्ध ता पहली मंजिल लोप्पा रणनीतिक दृष्टि ते लोप्पाटा सैन्य पंक्ति पोरो कार्वाई कियाना नियमित सेना पेरके गुचा मंता, मति रणनीतिक दृष्टि ते बाहरी सैन्य पंक्ति पोरो कार्वाई कियाना छापामार दस्ता लम्बा डाका तेहची दुश्मन ता पृष्ठभाग ता बागिल व्यापक क्षेत्र लोप्पा मुन्ने दांतांग - दूसरी मंजिल लोप्पा अविना मुन्ने दायना गति ओसो वेने तेज आयार - इद्रम पेरके गुचा ओसो मुन्ने दायना ता उंदी बस्के हूँडवा नजारा दिसिंता।
53. पृष्ठभागीय क्षेत्र मंदाना ओसो हिल्वा मंदाना। मावा नियमित सेना, दुश्मन पोयता प्रदेशकुना सीमा ता एकदम गर्ए एवनल तन्ना मोर्चा किन फैले कींता, पूरा देश ता पृष्ठभागीय क्षेत्र तेने कार्वाई कींता। मावा छापामार दस्ता, तन्ना

मोर्चा किन एकदम दुश्मन ता पृष्ठभाग एवनल एवसी कींता, पूरा देश ता पृष्ठभागीय क्षेत्र तल अलग आंता। मति हर छापामार इलाका लोप्पा दस्ता ता तन्ना खुद ता वेने उंदी सुडला पृष्ठभागीय क्षेत्र मंदिंता, अदिना पोर्रो अस्थिर युद्धकु ना स्थापना निर्भर मंदिंता। अब छापामार दस्तांग ना मामला अलग मंता, अविन बदे छापामार इलाका संगे तन्नाए इलाकांग लोप्पा दुश्मन ता पृष्ठभाग लोप्पा अस्थाई कार्वाईंग काजे लोहमूङांता। इद्रमे छापामार दस्तांग काजे पृष्ठभाग मन्नो ओसो युद्ध कु मन्नो। “पृष्ठभाग लेवा कार्वाई कियाना” पूना युग लोप्पा, बेहरा प्रदेश, प्रगतिशील जनता, विकसित आता राजनीतिक पार्टी ओसो सेना ता स्थिति लोप्पा, क्रांतिकारी युद्ध ता उंदी विशेषता मंता। तीना लोप्पा तिंदना ता बदे पोल्लो हिल्लो। मति इदिना बचोनो फायदा मंदिंतांग ओसो माकिन इदिन डावुट ता नजर ते हूङ्गवा लेवा बेरसी कियाना।

54. घेरेबंदी ओसो जवाबी घेरेबंदी। पूरा युद्ध किन हूङ्गतेके तीना लोप्पा माटु दुश्मन ता रणनीतिक घेरेबंदी लोप्पा मंतोम इंजी बदे डावुट हिल्लो। बारांकु इत्तेके दुश्मन रणनीतिक आक्रमण ओसो बाहरी सैन्य पंक्ति ता कार्वाईंग किया मंता ओसो माटु रणनीतिक रक्षा ओसो लोप्पाटा सैन्य पंक्ति ना कार्वाईंग किया मंतांग। मना पोर्रो वाटता दुश्मन ता इद पहली रकम ता घेरेबंदी आंदू। बारांकु इत्तेके माटु रणनीतिक दृष्टि ते बाहरी सैन्य पंक्ति लोप्पाटल अलग-अलग लाईन ते मना बगील वायना दुश्मन ता फौज कुना खिलाफ मना अभियानकु ओसो लडाईंग लोप्पा बाहरी सैन्य पंक्ति ता कार्वाईंग ना नीति लागू कींतांग ओसो संख्या ता दृष्टि ते तन्ना बरतर फौजकुना इस्तेमाल कींतांग, अदिन काजे माटु दुश्मन ता मना बगिल वायना उंदी लेवेके बचोनो कॉलम किन मना घेरेबंदी लोप्पा पोव्या परिंतोमा। इद दुश्मन पोर्रो मना वाटता पहली रकम ता जवाबी घेरेबंदी आंदू। इदे आयवा, दुश्मन ता पृष्ठभाग लोप्पा मंदाना छापामार युद्ध ता आधार-क्षेत्र पोर्रो विचार कित्तेके ओसो अविन अलग-अलग हूङ्गतेके हर आधार-क्षेत्र मूँड बगुल तल, इत्तेके शानशी ता उत्तर-पश्चिमी क्षेत्र, ओसो नालुंग बगिल तल, इत्तेके ऊथाए मेड्वा इलाका, दुश्मन ता घेराव लोप्पा मंता। दुश्मन ता मावा पोर्रो वाटता घेराव इद दूसरी रकम ता घेरेबंदी आंदू। मति माटु इव विभिन्न छापामार आधार-इलाका किन काल्पसी इविना पोर्रो विचार कियाना ओसो इव

इलाकांग ओसो नियमित सेना ना मोर्चा ता आपसी संबंध किन हूँडतेके माटु दुश्मन ता वेल्ले फौज कुना धेराव किया परिंतोमा। उदाहरण काजे शानशी लोप्पा माटु ताथुंग-फूचओ रेलवे किन मूँडु बगिल तल (रेलवे ता पूर्व ओसो पश्चिमी बगिल ओसो दक्षिण बगिल तल) ओसो थाएऱ्वान शहर किन नालुंग बगिल तल धेरे कित्ताद मंता। हये ओसो शानतुंग प्रांत लोप्पा वेने इद्रम ता बचोनो धेरेबंदिंग मंतांग। दुश्मन पोर्रो मना वाटता दूसरा रकम ता जवाबी धेरेबंदी आंदू। इद्रम मावा फौज कुना ओसो दुश्मन ता फौज रेंडासी वरोन कु वरोना पोर्रोरेहु रकम ता धेरेबंदी वाटता, अदु उंदी रकम ता “वेइछी” ता खेल लेकका मंता। मावा ओसो दुश्मन ता अभियान ओसो लड़ाईग ना तुलना वरोन कु वरोना गोटिंग किन हौकना तल किया परमूँडांता ओसो दुश्मन मोर्चाबंदी वाले जागा ने (थाएऱ्वान लेक्का) ओसो मावा छापामार आधार इलाकांग (ऊथाए मेड्वा लेक्का) टाविना स्थापना ता तुलना “वेइछी” ता बिसात पोर्रो खाली जागा किन कब्जा ते कियाना तल कियमूँडांता। “वेइछी” ता खेल ता कल्पना विश्व स्तर ते कियाना, अस्के ओसो उंदी रकम ता धेरेबंदी दिसिंता, अद्रमासी दुश्मन ओसो माटु वरोन कु वरोना पोर्रो वाटिंतोम, इत्तेके हमलावर मोर्चा ओसो शांति मोर्चा ता नड़मा ता संबंध। दुश्मन हमलावर मोर्चा ता संगे चीन, सोवियत संघ, फ्रांस ओसो चेकोस्लोवाकिया लेक्काटा देशकुना पोर्रो धेराव वाटिंता ओसो माटु शांति-मोर्चा संगे जर्मनी, जापान ओसो इटली पोर्रो जवाबी धेराव वाटिंतांग। मति मावा धेरेबंदी, बुद्ध ना कैदा लेक्का पूरा दुनिया लोप्पा फैले मात्ता विशाल पंचतत्व मेड्वा ता रूप धारण कींता ओसो उचुन आधुनिक सुन ऊ-खुंग-फासीवादी हमलावर-आखिर ते अदिना दोड़ दबे मायनुंग ओसो दोबारा बस्केने तल्ला पोर्रो तेहा परवोंगा।<sup>12</sup> अदिन काजे, माटु चीन किन उंदी रणनीति इकाई बने कीसि, सोवियत संघ ओसो शिरकत कियाना दूसरा सम्भावित देश कुन वेने उंदी-उंदी रणनीतिक इकाई बने कीसि, ओसो जापानी जनता ना आंदोलन किन उंदी दूसरा रणनीतिक इकाई बने कीसि, प्रशान्त महासागर क्षेत्र लोप्पा राजनीयिक दृष्टि ते उंदी जापान-विरोधी मोर्चा ता निर्माण किया परना ओसो इद्रम उंदी विश्वव्यापी जाल बने किया परना, इद्रम कित्तेके फासीवादी सुन ऊ-खुंग बाहर पेसा परवोर आयनूर, अस्के अद समय मावा दुश्मन ता खात्मा ता समय मंदियर। असल इत्तेके बद दिया विश्वव्यापी जाल पलटे मायर अद दिया

जरूर जापानी साम्राज्यवाद ता तख्ता पूरा ए पलटे मायार इदु मजाक ता  
पोल्लो आया इदु युद्ध ता अनिवार्य रुझान आंदू

55. बेहरा इलाका ओसो सुडला इलाका। दुश्मन लम्बा दीवार ता दक्षिण बगिल  
चीन ता प्रादेशिक भूमि ता ज्यादातर हिस्सा पोर्झ कब्जा कियाना ओसो  
सुडला हिस्सा मावगा मंदना संभवना मंता। इद परिस्थिति ता उंदी पहलू  
आंदू मति दुश्मन कब्जा कित्ता बेहरा हिस्सा लोप्पा, ताना लोप्पा तीन उत्तर-  
पूर्वी प्रान्त शामिल हिल्ले, दुश्मन तोरु असल ते केवल बेहरा-बेहरा नगर,  
मुख्य संचार-लाईन ओसो उचुन मैदान कुना पोर्झ ने कब्जा तासा परिंतोर-  
अब सबसे ज्यादा महत्व ता मत्तेकाई क्षेत्रफल ओसो जनसंख्या ता दृष्टि ते  
दुश्मन ता कब्जा कित्ता प्रदेश कुना सुडला हिस्साए मंदिंता बहे मति अब  
प्रदेश कुना बेहरा हिस्सा छापामार इलाका ना कब्जा ते दांतांग, अबु हर  
जागा ते मंदिंतांग। इद परिस्थिति ता दूसरा पहलू आंदू हमला लम्बा दीवार  
ता दक्षिण लोप्पा मंदाना प्रान्त तुकू हब्बार मंगोलिया, सिनच्यांग, छिंगांहाए  
ओसो तिब्बत किन वेने पोयतेके, बद इलाका पोर्झ दुश्मन ता कब्जा आत्ताद  
हिल्ले, अदिना क्षेत्रफल चीन ता प्रादेशिक भूमि ता बेहरा हिस्सा बनेमांता,  
मति मूँड उत्तर-पूर्वी प्रान्त किन काल्पसी वेने दुश्मन ता कब्जा कित्ता इलाका  
अदिना मुकाबला ते सुडला पिसिंता। इद परिस्थिति ता उंदी दूसरा पहलू  
आंदू मावंग देगवा हिल्वा रूप ते बद हिस्सा पिस्ता अदु महत्वपूर्ण मंता  
ओसो अदिन विकास कियाला काजे माकिन वेल्ले जोर वाटा लागियर,  
केवल राजनीतिक, फौजी ओसो आर्थिक दृष्टि तेने आयो सांस्कृतिक दृष्टि ते  
वेने वेल्ले जोर हिया लागियर। दुश्मन मावा मुनेटा सांस्कृतिक केंद्र किन  
सांस्कृतिक दृष्टि ते पेरके अरता इलाकांग लोप्पा बदले कितोर ओसो माकिन  
मुने टा सांस्कृतिक दृष्टि ते पेरके अरता इलाकांग किन सांस्कृतिक केंद्र  
लोप्पा बदले कियाना। संगेने दुश्मन ता लडाईंग ना पेरके विस्तृत छापामार  
इलाकांग ना विकास कियाना वेने वेल्ले महत्वपूर्ण मंता ओसो माकिन  
सांस्कृतिक पहलू संगेने इद काम ता सब्बे पहलुंग पोर्झ ध्यान हियाना। कुल  
मिले कीसि चीन ता प्रादेशिक भूमि ता विशाल इलाका ता इतेके ग्रामीण  
इलाका प्रगति ओसो वेड्च मंदना इलाका कुना लोप्पा बदले मायनुंग, मति  
सुडला इलाकांग, इतेके दुश्मन ता कब्जा लोप्पा मंदाना उचुन इलाकांग,

खासकर बेहरा-बेहरा नगर, उचुन समय काजे पेरके अरता ओसो हीकट ते मंदाना इलाकांग लोप्पा बदलेमायनुंगा।

56. इद्रमे दीर्घकालीन ओसो व्यापक रूप ते फैलेमात्ता जापानी-आक्रमण-विरोधी युद्ध फौजी, राजनीतिक, आर्थिक ओसो सांस्कृतिक दृष्टि ते “चौखटी-आरी” प्रणाली ता युद्ध आंदू, इदु युद्ध ता इतिहास ता उंदी शानदार करिश्मा आंदू, चीनी राष्ट्र ता वीरतापूर्ण कोशिश आंदू, ओसो दुनिया किन सांगी कियाना गौरवपूर्ण कारनामा आंदू। इद युद्ध केवल चीन ओसो जापान पोरों ने असर वाटो आयार केवल अविने मुन्ने दायला काजे प्रेरणा हिवो आयर सब्बे दुनिया पोरों वेने असर वाटियर ओसो सब्बे देश किन, खासकर भारत ओसो दूसरा उत्पीड़ित राष्ट्र किन मुन्ने दायला काजे प्रेरित कियारा। हर चीनवासी किन पूरा होशियारी ते खुद किन “चौखटी-आरी” प्रणाली ता इद युद्ध लोप्पा वाटना, बारांकु इत्तेके इदु युद्ध ता रूप आंदू बदिना संगे चीनी राष्ट्र तन्ना मुक्ति दोरकी किया मंता ओसो अदिना बीसवी सदी ता चौथा ओसो पांचवा दशक लोप्पा उंदी बेहरा अर्ध-औपनिवेशिक देश संगे ताकी कियाना मुक्ति युद्ध ता विशेष रूप आंदू।

### स्थाई शांति काजे युद्ध

57. चीन ता जापानी-आक्रमण-विरोधी युद्ध ता दीर्घकालील स्वरूप चीन ओ पूरा दुनिया लोप्पा स्थाई शांति स्थापित कियाना संर्ध तुकु अभिन्न रूप ते जुडेमासी मंता। बदे वेने ऐतिहासिक काल लोप्पा युद्ध स्थाई शांति ता गर्ए नेंड मत्ताचोन गर्ए हिल्वा मत्ता। वर्ग कुना उदय आता पेरके हजार साल तुकु मानव जाति ता जीवन युद्ध कुना संगे निंदसी मंता। हर राष्ट्र गिनती हिल्वाचोन लडाईंग लडेमातद मंता। अब राष्ट्र लोप्पा आतेकाई या दूसरा राष्ट्र ना संगे। पूंजीवादी समाज ता साम्राज्यवादी युग लोप्पा नेंगता पेरके, युद्ध विशेष रूप ते बेहरा स्तर ते ओसो विचित्र निर्ममता संगे ताकी कियमूळांता। बीस साल मुन्ने टा प्रथम साम्राज्यवादी विश्वयुद्ध इतिहास लोप्पा अभूतपूर्व मंता, मति अदु आखरी युद्ध हिल्वा मत्ता। केवल इंजे शुरू आता युद्धे, नेंडु अनितम युद्ध ता गर्ए मंता, इत्तेके मानव जाति ता स्थाई शांति ता गर्ए मंता। इंजे एवनल दुनिया ता जनसंख्या ता उंदी-तिहाई हिस्सा युद्ध लोप्पा डेयता। उचुन

हूँडाटू - उंदी बगिल इटली ओसो ताना पेरके जापान ओसो दूसरा बगिल अबीसिनिया, ओसो स्पेने ओसो ताना पेरके चीन। युद्ध ताकसोर मत्ता देशकुना जनसंख्या इंजे लगभग 60 करोड़ या दुनिया ता कुल जनसंख्या ता लगभग उंदी-तिहाई मंता। इद युद्ध विशेषता इदिना लगातार ताकनादु ओसो स्थाई शांति ता गर्ए मंदानदु आंदू। इद लगातार रूप ते बारांकु ताक मंता? अबीसीनिया पोर्टो हमला कित्ता पेरके इटली स्पेन पोर्टो हमला कित्ता ओसो जर्मनी वेने तीना लोप्पा शामिल आता, तीना पेरके जापाना चीन पोर्टो हमला कित्ता। इंजे बाताल आयार? हिटलर दूसरा बेहरा देशकुना संगे लड़ेमायनूर इंदाना लोप्पा बदे डावुट हिल्ले। “फासीवाद इत्तेके युद्ध”<sup>13</sup>- इद पोल्लो बिल्कुल सही मंता। इद युद्ध ओसो इद युद्ध ता विकसित आयाना विश्वयुद्ध ता नड़मा बदे मध्यान्तर (नड़मा ता अन्तर) मन्नो आयार, मानव जाति युद्ध ता विभीषिका तल बचेमाया पर्खो। अस्के माटु वर्तमान युद्ध स्थाई शांति ता गर्ए इंजी बारांकु इतोम? वर्तमान युद्ध प्रथम विश्व युद्ध ता समय ते शुरू आता विश्व-पूंजीवाद ता आम संकट ता विकास ता कारण आंदू। इद आम संकट पूंजीवादी देशकुन उंदी पूना युद्ध ता बगिल ओया मंता, ओसो सबसे मुन्ने विभिन्न फासीवादी देशकुन युद्ध ता पूना खतरा तेहाला काजे मजबूर किया मंता। माटु इद युद्ध पूंजीवाद किन बचे किवा लेवा इदिन खत्म कियाना गर्ए ओसिंता इंजी मुन्नेटाले हूँडा परिंतोमा बीस साल मुन्ने टा युद्ध तुकू इद युद्ध बचोनो ज्यादा व्यापक ओसो निर्मम मंदियर, सब्बे राष्ट्र अनिवार्य रूप ते अदिना लोप्पा वांता, इद उंदी लम्बा समय एवनल ताकसोर मंदियर ओसो अदिन मानव जाति किन वेल्ले कष्ट झेलेमाया लोगियरा मति सोविय संघ ता मंदाना ओसो दुनिया ता जनता ना उत्तरोत्तर बेरसना राजनीतिक चेतना ता कारण ते इद युद्ध तल जरूर महान क्रांतिकारी युद्ध कुना जन्म आयार। अदु सब्बे प्रतिक्रांतिकारी युद्ध कुना विरोध कियानोर ओसो इद रकम ता इद युद्ध किन स्थाई शांति ता काजे आयना युद्ध कुना रूप ते पेश कियानुंगा। इदिना पेरके वेने युद्ध ता बदे दूसरा दौर वाता अस्के वेने दुनिया ता स्थाई शांति दूर आयो आयरा मानेय उंदी बेरा पूंजीवाद किन खत्म कियानोर, अस्के ओरु स्थाई शान्ति ता युग लोप्पा एवियर ओसो बस्केने युद्ध ता जरूरत मन्नो आयार। अस्के फौज ता जरूरत मन्नो आयर, युद्धपोत, फौजी विमान कुना ओसो जहरीली गैस कुना जरूरत मन्नो आयरा ताना पेरके बस्के

ने मानेय ना युद्ध संगे परिचय आयो आयारा बवु क्रांतिकारी युद्ध शुरू आतांग, अबु स्थाई शांति काजे आयाना युद्ध ताए अंग आंदू। 50 करोड़ तुकू ज्यादा जनसंख्या वाले रेंडु देशकुना, इत्तेके चीन ओसो जापान ता नडमा ता युद्ध, इद युद्ध लोप्पा उंदी महत्वपूर्ण जागा आंदू, ओसो अदे युद्ध ता संगे चीनी राष्ट्र तन्ना मुक्ति दोरकी कियारा वायना कालम ता मुक्त आता पूना चीन वायना कालम ता मुक्त चीन पूना विश्व तुकू अलग मन्नो आयारा। अदिन काजे मावा जापानी-आक्रमण-विरोधी युद्ध स्थाई शांति काजे आयाना युद्ध ता रूप एतिंता।

58. इतिहास ता अनुसार युद्ध रेंडु रकम ता मंतांग - न्यायपूर्ण युद्ध ओसो अन्यायपूर्ण युद्ध। सब्बे प्रगतिशील युद्ध न्यायपूर्ण मंदिता ओसो इद्रम ता सब्बे युद्ध इत्तेके प्रगति किन रोमी कियाना युद्ध न्यायपूर्ण युद्ध मंदिता। माटु कम्युनिस्ट लोकुर प्रगति किन रोमी कियाना सब्बे अन्यायपूर्ण युद्ध कुना विरोध कीवोमामाटु कम्युनिस्ट लोकुर केवल न्यायपूर्ण युद्ध कुना विरोध किवोम, ताना लोप्पा सक्रियता ते शामिल वेने आंतोमा। अन्यायपूर्ण युद्ध ता संबंध किन हूडतेके प्रथम विश्वयुद्ध इद्रम ता युद्ध कुना उदाहरण मंता, अदिन रेंडु पक्ष ता साम्राज्यवादी हितकुना काजे ताकी कित्ताद मत्ता। अदिन काजे सब्बे दुनिया ता कम्युनिस्ट लोरु अदिना दृढ़ता ते विरोध कीतदु मंता। इद्रम ता युद्ध कुना विरोध कियाना तरीका, अद युद्ध ता शुरू आयना मुन्ने ने हर तरीका ते अदिन रोमी कियाना कोशिश कियाना, ओसो उंदी बेरा अदिन शुरू आता इत्तेके युद्ध ता विरोध युद्ध संगे ने संभव आंता, अन्यायपूर्ण युद्ध ता विरोध न्यायपूर्ण युद्ध ता संगे कियाना। जापाना ता युद्ध उंदी अन्यायपूर्ण युद्ध आंदू अदु प्रगति किन रोमी किंता ओसो पूरा दुनिया ता जनता किन, इत्तेके ताना लोप्पा जापानी जनता वेने शामिल मंता, इद युद्ध ता विरोध कियाना। मावा देश लोप्पा, जनता ओसो सरकार, कम्युनिस्ट पार्टी ओसो क्वोमिंगतांग इव सब्बे आक्रमण ता विरुद्ध राष्ट्रीय क्रांतिकारी युद्ध लोप्पा न्याय ता झण्डा तेहची तासता। मावा युद्ध उंदी पवित्र, न्यायपूर्ण युद्ध आंदू, उंदी प्रगतिशील युद्ध आंदू, अदिना उद्देश्य शांति स्थापना कियाना आंदू। इदिना उद्देश्य केवल उंदी देश लोप्पा ने शांति ता स्थापना कियाना आयवा पूरा दुनिया लोप्पा शांति स्थापना कियाना आंदू। इद उद्देश्य किन दोरकी कियाला काजे माकिन

डोलना-पिस्सना युद्ध ताकि किया लागियर, हर रकम ता कुर्बानी हियाला काजे तैयार मंदाना। माकिन बस्के एवनल मना लक्ष्य हासिल आयो आयर, अस्के एवनल गट्टिक मंजी लड़ेमासोर मंदा लागियर। इद उद्देश्य किन हासिल कियाला काजे मनाकिन बचोन बेहरा कुर्बानी हियाला लागतेकाई ओसो बचोन ज्यादा समय लागतेकाई, मति स्थाई शांति ओसो उंदी स्थाई रूप ते पूना दुनिया मना मुने स्पष्ट रूप ते दिसिंता। इद युद्ध किन ताकी कियाना लोप्पा मावा विश्वास स्थाई शांति ओसो उंदी स्थाई तल पूना चीन ओसो पूना दुनिया पोर्ये आधार आसी मंता, ताना निर्माण काजे माटु संघर्ष किया मंतोम। फासीवादी ओसो साम्राज्यवाद युद्ध किन हमेशा काजे निल्पी कीसि तासला आलिसंतोर, मति माटु अदिन मुन्नेने खत्म कियाला आलिसंतोम। इद उद्देश्य किन हासिल कियाला काजे मानव जाति ता विशाल बहुसंख्या किन परताचोन कोशिश कियाला लागियर। चीन ता 45 करोड़ जनता दुनिया ता जनसंख्या ता एक-चौथाई भाग (उंदी भाग ता नालुंग भाग) मंता, ओसो अदिन मना संयुक्त कोशिश संगे जापानी साम्राज्यवाद ता तख्ता पलट कित्तेके ओसो स्वतंत्रता ओसो समानता वाले पूना चीन ता निर्माण कित्तेके अदु जरूर दुनिया लोप्पा स्थाई शांति ता स्थापना ता संघर्ष लोप्पा वेल्ले महान सहायता किया परिंता। इदु आंगडम ता आशा हिल्ले, बारांकु इतेके पूरा दुनिया तन्ना सामाजिक अर्थव्यवस्था ता विकास ता कालम लोप्पा इदे जागा ते अब्बा मंता ओसो दुनिया ता बहुसंख्यक जनता संयुक्त कोशिश संगे मावा उद्देश्य उचुके दशाब्दिंग लोप्पा पकका पूरा आयार।

## युद्ध लोप्पा मानेय ना गत्यात्मक भूमिका

59. माटु इंजे एवनल युद्ध उंदी दीर्घकालीन युद्ध बारांकु मंता ओसो आखरी जीत चीन ताए बारांकु आयार इंजी वेहत्तादु मंता, ओसो मुख्य रूप ते दीर्घकालीन युद्ध बातल आंदू ओसो बाता हिल्ले इंजी चर्चा कित्ताद मंता। इंजे माटु बाता कियाना ओसो बाता कियानाओ इंजी चर्चा कियाकाल। माटु दीर्घकालीन युद्ध बद्रम ताकी कियाकाल ओसो आखरी जीत बद्रम हासिल कियाकाल? दोड माटु इवे सवाल कुना जवाब हियाकोम। इद उद्देश्य संगे माटु इव सवाल कुना सिलसिलेवार स्पष्टीकरण कियाकोम। युद्ध लोप्पा मानेय ना गत्यात्मक

भूमिका, युद्ध ओसो राजनीतिक, जापानी-आक्रमण-विरोधी युद्ध काजे राजनीतिक जत्थेबंदी, युद्ध ता उद्देश्य, रक्षात्मक कार्रवाईंग ताकनास्के आक्रमणात्मक कार्रवाई, दीर्घकालीन युद्ध ताकनास्के तुरंत निर्णय ता लड़ाईंग, लोप्पाटा सैन्य पंक्ति ना लोप्पा बाहरी सैन्य पंक्ति, पहलकदमी, लचीलापन, योजना, चलायमान लड़ाई, छापामार लड़ाई, मोर्चेबद्ध लड़ाई, विनाश ता लड़ाई, एर्रियाना-दोगना ता लड़ाई, दुश्मन ता गलतिंग ना फायदा एतना संभावनांग, जापानी-आक्रमण-विरोधी युद्ध लोप्पा निर्णयिक मुठभेड़ कुना समस्या ओसो फौज अनि जनता जीत ता आधार आंदू माटु सबसे मुने युद्ध लोप्पा मानेय ना गत्यात्मक भूमिका ता समस्या किन हूड़ाकाल।

60. माटु बदे समस्या ता बारे ते मनोगतवादी रुझान लागू कियाना खिलाफ मंतोम इत्तेके माटु जरूर वस्तुगत तथ्य कुना पोर्चे निर्भर हिल्वा या अविना अनुरूप हिल्वा मंदाना विचार कुना विरोध कियाना, बारांकु इत्तेके इद्रम ता विचार काल्पनिक ओसो झूठ मंदितांग, ओसो अविन आधार बने कीसि कार्रवाई कित्तेके माकिन असफलता ता सामना किया लागियर। मति काम इत्तेके मानेयना कोशिश संगेने पूरा आयारा मानेय कियाना कार्रवाई हिलवा दीर्घकालीन युद्ध ताकी किया परमूडायो ओसो आखरी जीत बेने हासिल कियमूडायो। इद कार्रवाई किन कारगर तरीका ते ताकी कियाला काजे वस्तुगत तथ्य कुना पोर्चे आधार आसी तम्मा विचार, सिद्धान्त ओसो राय तासनोर मंदाना, ओसो अस्केने योजनांग, निर्देशक उसूल, नीतिंग, रणनीतिंग ओसो कार्यनीतिंग बने किंतोर। विचार मनोगत चीज आंदू मति कोशिश या कार्रवाईंग मनोगत पोल्लोंगनाए वस्तुगत रूप आंदू मति रेंडासी मानव जाति ता विशिष्ट गत्यात्मक भूमिका ता प्रतिनिधित्व कींतांग। इद्रमता गत्यात्मक भूमिक किन माटु “मानेय ना जागरूक गत्यात्मक भूमिका” इंतोम, ओसो इदु मानेय किन दूसरा सब्बे वस्तुगनगडल अलग बने किसियाना लेक्काटा विशेषता आंदू। इद्रम ता सब्बे विचारकु इत्तेके वस्तुगत तथ्य कुना पोर्चे आधार आसी मंदाना ओसो अविना अनुसार मंदाना, सही विचार मंदाना, ओसो इद्रम ता सब्बे कोशिशकु या इद्रम ता सब्बे कार्रवाईंग इत्तेके सही विचार कुना पोर्चे आधार आसी मंदानावु, सही कार्रवाईंग आंदुंग। माटु इद्रम ता विचारकु ओसो इद्रमता कार्यवाहिंग, इद्रम ता जागरूक गत्यात्मक भूमिका ता पूरा विकास कियाना। मावा जापानी-आक्रमण-विरोधी युद्ध

साप्राज्यवाद किन बाहर पूँडाना ओसो पाड़ना चीन किन उंदी पूना चीन लोप्पा बदले कियाला काजे लडेमाया मंतोमा। इद उद्देश्य पूरा चीन ता जनता किन उंदीकड़ कीसि ओसो पूरा जनता जापान ता प्रतिरोध कियाला काजे मना जागरूक गत्यात्मक भूमिका किन विकसित कित्तास्के ने दोरकी कियमूँडायर। माटु केवल अंगडम उदसी मत्तेके ओसो माटु बदे डाका वाटवा मत्तेके इद्रम ता परिस्थिति लोप्पा केवल गुलामी ता सामना किया लागियर ओसो दीर्घकालीन युद्ध ताकी किया परमूँडायो आयार ओसो आखरी जीत वेने दोरकी कियमूँडायो।

61. जागरूक गत्यात्मक भूमिका निभे कियाना मानेय ना विशिष्टता आंदू युद्ध लोप्पा मानेय ना विशिष्टता वेल्ले स्पष्ट रूप ते दिसिंता। इंगो, युद्ध लोप्पा जीता या हार ता निर्णयरेंडासी पक्ष कुना फौजी, राजनीतिक, आर्थिक, ओसो भौगोलिक परिस्थिति संगे आंता, हर पक्ष संगे ताकी कियाना युद्ध ता स्वरूप संगे ओसो हर पक्ष किन दोरकना अंतर्राष्ट्रीय सहायता संगे आंता, मति अदिना निर्णय केवल इवे पोल्लोंग संगे आयो। इव पोल्लोंग लोप्पा केवल जीत या हार ता सम्भावनांगे निर्भर आसी मंदिंतांग, मति अबु पोल्लो ता निर्णय किवोंग। समस्या ता निपटारा कियाला काजे मनोगत कोशिश कुना जरूरत वेने मंदिंता, इतेके युद्ध ता निर्देशन कियाना ओसो युद्ध लोप्पा मंदाना, युद्ध लोप्पा मानेय ना जागरूक गत्यात्मक भूमिका ता जरूरत मंदिंता।
62. जीत दोरकी कियाना कोशिश लोप्पा, बोरु युद्ध ता निर्देशन किंतोरो ओरु वस्तुगत परिस्थितिंग निर्धारित कित्ता हंदी किन वेंडा परवोर। मति इव हंदींग लोप्पा मंजी ओरु जीत हासिल कियाना कोशिश लोप्पा गत्यात्मक भूमिका निभे किया परिंतोर ओसो ओरु इद्रमे कियाना। बदे युद्ध ता कमांडर लोर किन तम्मा कर्रिवाई ता मंच वस्तुगत संभावनांग ना आधार ते बने कियाना, मति इद मंच पोर्रे ओरु रक-रकम ता आवाज ओसो रक-रकम ता रंग कुना कलियसी जोरदार ओसो बेसता नाटक ता निर्देशन किया परिंतांगा। जरूर वस्तुगत भौतिक आधार पोर्रे जापानी-आक्रमण-विरोधी युद्ध ता कामांडर लोरा युद्ध लोप्पा तम्मा ताकत तोहना ओसो राष्ट्र ता दुश्मन किन खत्म कियाला काजे वर्तमान परिस्थिति किन बदले कियला काजे अदिना लोप्पा मावा समाज ओसो मावा देश आक्रमण ओसो उत्तीङ्गन ता शिकार बनेमात्ता, ओसो स्वतंत्रता ओसो समानता वाले पूना चीन ता निर्माण

कियाला काजे मना सब्बे फौजी ताकत कुना नेतृत्व कियाना। इदे काम लोप्पा युद्ध ता निर्देशन कियाना मावा मनोगत शक्ति ता इस्तेमाल आया परिता ओसो आयाना वेने। माटु इदु जापानी-आक्रमण-विरोधी युद्ध ता मना बोरे वेने कमांडर मना किन वस्तुगत परिस्थितिंग नगडल अलग कीसि अन्धार्घुंध कार्हवाई कियाना उंदी अति-उतावला मानेयमायना ता पक्ष ते हिल्लेम, मति माटु मना हर कमांडर वरोर सेनानी बनेमातेके साहसी ओसो विवेकशील मंदाना पोल्लो ता जरूर समर्थन कींतोमा। मना कमांडर लोप्पा केवल दुश्मन ता तबाह कियाना साहसे आयवा ओरा लोप्पा संपूर्ण युद्ध लोप्पा आयना बदलाव कुना ओसो फेर-बदल कियानास्के परिस्थिति पोरों पूरा नियंत्रण कियाना ता योजना वेने मंदाना। युद्ध सागर लोप्पा नाडियसोरे औरकिन केवल ओरकिन मुँडला हिवा लेवा, नपे-तुले कै वाटसी निश्चय संगे दूसरा बगिल एव्वना। युद्ध ता निर्देशन ता नियम कुना रूप ते रणनीति ओसो कार्यनीति युद्ध ता सागर लोप्पा नाडियना कलाए आंदू।

### युद्ध ओसो राजनीति

63. “युद्ध राजनीति ताए चलेमासोरे मंदाना आंदू” इद्रमे युद्ध वेने राजनीतिए आंदू ओसो युद्ध खुद वेने उंदी राजनीतिक कार्हवाई आंदू। प्राचीन काल तले राजनीतिक हिल्वा युद्ध बस्केने आत्ताद हिल्ले। जापानी-आक्रमण-विरोधी युद्ध पूरा चीनी राष्ट्र संगे ताकी कियाना उंदी क्रांतिकारी युद्ध आंदू अदिना जीत किन अदिना राजनीतिक उद्देश्य संगे, इतेके जापानी साम्राज्यवाद किन बाहर पूँडना ओसो स्वतंत्रता ओसो समानता वाले पूना चीन ता निर्माण कियाना काम तल अलग किया परमूळायो, प्रतिरोध-युद्ध किन गट्टिक मंजी ताकी किसोर मंदाना ओसो संयुक्त मोर्चा किन गट्टिक मंजी बने कीसि तासना आम नीति तल अलग किया परमूळायो, पूरा देश ता जनता किन उंदीकट्ट कियाना काम तल लग किया परमूळायो, अफसर ओसो सिपाही लोरा एकता तासला, सेना ओसो जनता ना नड़मा एकता कियाना ओसो दुश्मन ता फौज किन छिन-भिन्न कियाना राजनीतिक उम्मूलकुनगडल अलग किया परमूळायो, संयुक्त मोर्चा ता नीति किन बेस लागू कियाना, सांस्कृतिक मोर्चा

पोर्टे उंदीकट्ठ कियाना काम तल ओसो अंतर्राष्ट्रीय समर्थन ओसो दुश्मन-देश ता जनता ना समर्थन हासिल कियाना कोशिश तल अलग किया परमूड़ायो। संक्षेप रूप ते युद्ध किन उचुन समय काजे वेने राजनीतिक तल अलग किया परमूड़ायो। जापान-विरोधी सशस्त्र शक्ति नड़मा, राजनीति ता महत्व किन कम कीसि आंकलन कियाना रुझान वेने मंदिंता, अदु युद्ध किन राजनीति तल अलग कीसि युद्ध लोप्पा निरपेक्षतावाद ता रक्षा कींता, इदु गलत मंता ओसो अदिन दूर कियाना।

64. मति युद्ध ता तन्ना अलग विशेषतांग मंतांग ओसो इद हिसाब ते युद्ध किन आम राजनीति लेकका हूडमूडआयो। “युद्ध अन्य... तरीकाकुना संगे राजनीति ताए ताकसोरे मंदाना रूप आंदू”<sup>14</sup> राजनीति विकसित आसी उंदी तय कित्ता मंजिल ते एवता पेरके अदु आम साधन कुना संगे मुन्ने दाया परवो, अस्के ताना हर्दे मंदाना बाधांग किन दूर कियाला काजे युद्ध शुरू आंता। उदाहरण काजे, चीन ता अर्ध-स्वाधीन परिस्थिति जापानी साप्राज्यवाद ता राजनीतिक विकास ता हर्फी ते उंदी बाधा मत्ता, अदिन काजे अद बाधा किन दूर कियाला काजे जापान उंदी आक्रमणकारी युद्ध शुरू कित्ता। ओसो चीन ता पंजीवाद-जनवादी क्रांति ता हर्दे बाधा बनेमासी मत्ता, अदिन काजे अदिन जेक कियाना कोशिश ते बचोनो मुक्ति युद्ध लड़मात्तादु मत्ता। बारांकु इतेके जापान इंजे चीन ता उत्पीड़न कियाला काजे ओसो चीनी क्रांति ता प्रगति किन पूराए रोमी कियाला काजे युद्ध ता इस्तेमाल किया मंता, अदिन काजे इद बाधा किन जेक कियाना संकल्प ते चीन ता मुन्ने दृढ़ता संगे जापानी-आक्रमण-विरोधी युद्ध ताकि किवा लेवा बदे दूसरा हर्फी हिल्ले। बाधा दूर आतास्के, राजनीतिक लक्ष्य दोरकियार ओसो युद्ध रोमियरा मति बाधा पूराए दूर आयो आयर, अस्के युद्ध किन लक्ष्य पूरा आयना जोमु जारी तासा लागियर। उदाहरण काजे बोराई जापानी-आक्रमण-विरोधी युद्ध ता उद्देश्य पूरा आयना मुन्ने समझौता आयना इंजी आलिसंतोर, अस्के अदु जरूर असफल आयार, बारांकु इतेके बदे कारण ते समझौता आतेकाई, युद्ध दोबारा शुरू आयार, बारांकु इतेके व्यापक जनता अदिन बिल्कुले मानेमायवा लेवा यद्ध किन अदिना राजनीतिक उद्देश्य पूरा आयना जोमु

जारी तासियरा अदिन काजे राजनीति नेतृतुर पोहवा युद्ध आंदू ओसो युद्ध नेतृतुर पोहना राजनीति आंदू इंजी इंदा परिंतोमा।

65. युद्ध ता विशिष्टतांग नगडल युद्ध काजे विशेष रकम ता संगटन कुना समुह, सिलसिलेवार विशेष रकम ता तरिकांग ओसो विशेष रकम ता प्रक्रिया पुढिंता। इव संगटनकु हथियारबंद फौज ओसो अविना संगे ताकना सब्बे चीजकु आंदुंग। इव तरिकांग युद्ध ता निर्देशन ता रणनीति ओसो कार्यनीति आंदू ओसो इव प्रक्रियांग सामाजिक कार्वाई ना रेंडु पक्ष कुना सशस्त्र फौजकु तम्मा काजे अनुकूल ओसो दुश्मन काजे प्रतिकूल रणनीति ओसो कार्यनीतिंग लागू कीसि वरोनकु वरोना पोर्हे हमला कियाना लेवेके वरोनकु वरोनगडल रक्षा कियाना विशिष्ट रूप आंदू। अदिन काजे युद्ध ता अनुभव उंदी विशेष रकम ता अनुभव आंदू। युद्ध लोप्पा हिस्सा एतना सब्बेतोरु तम्मा साधारण आदत किन विड़सी तम्मा किन युद्ध कियानोरा लेक्का बने कियाना, केवल अस्केने जीत हासिल किया परिंतोमा।

### जापानी-आक्रमण-विरोधी युद्ध काजे राजनीतिक जत्थेबंदी

66. मावा लेक्का महान राष्ट्रीय क्रांतिकारी युद्ध लोप्पा व्यापक ओसो गहन राजनीतिक जत्थेबंदी लेवा जीत हासिल किया परमूडायो। प्रतिरोध-युद्ध शुरू आयना मुन्ने जापान ता प्रतिरोध कियाना काजे राजनीतिक जत्थेबंदी कियाना काम कित्तादु मत्ता। इद उंदी वेल्ले बेहरा कमजोरी मत्ता, ताना कारण ते चीन जापान तुकू पेरके अरसी मत्ता। युद्ध शुरू आता पेरके वेने, गहन राजनीतिक जत्थेबंदी ता पोल्लो किन विड्साटु, व्यापक राजनीतिक जत्थेबंदी वेने आयो आता। जनता ना विशाल बहुसंख्या किन युद्ध ता खबर दुश्मन ता गोलीबारी ओसो हवाई बमबारी संगे दोरकता। इद वेने उंदी रकम ता जत्थेबंदीए मत्ता, मति अदु मावा काजे दुश्मन तोरु कित्तादु मत्ता। गोलीबारी ता आवाज एव्वा मंदाना ग्रामीण इलाकांग ना लोकुर, इंजे वेने मुन्ने लेक्का ने शांतिपूर्ण पिस्वल पिस्सा मंतोरा। इद परिस्थिति किन बदले किया लागियर, लेवेके माटु मना पिस्वल-हाम्मूर ता युद्ध लोप्पा जीत हासिल किया परवोमा। ओसो उंदी डाका ता बोरे ते माटु मना दुश्मन तुकू पेरके बिल्कुले मंदानायो, इदिना उल्टा, माटु इदु डाका ता, राजनीतिके जत्थेबंदी

ता, पूरा-पूरा फायदा एतसी दुश्मन तुकू मुन्ने मंदाना। इद उंजी निर्णायक कदम आंदू। असल इतेके सर्वेच्च महत्व ता कदम आंदू मति हथियार ओसो दूसरा पोल्लोंग लोप्पा मावा कमजोरी केवल गौण महत्व ता पोल्लो आंदू। पूरा देश ता आम जनता किन जत्थेबंदी कीसि माटु अदिन मना दुश्मन तोरु मुडंदसी डोलना परिस्थिति ते वायाना लेक्काटा विशाल सागर लोप्पा बदले कियाना, ओसो हथियारकु ओसो दूसरा पोल्लोंग लोप्पा मना कमी किन पूरा कियाना लेक्काटा परिस्थिति बने कियाना ओसो युद्ध लोप्पा हर कठिनाई पोरों काबू किया परना लेक्काटा शर्त्कू तैयार कियाकोमा। जीत हासिल कियाला काजे माटु गट्टिक मंजी प्रतिरोध-युद्ध ताकी किसोर मंता, संयुक्त मोर्चा किन निल्पी कियाना ओसो दीर्घकालीन युद्ध जारी तासना। मति इविना लोप्पाटल बदे वेने आम जनता ना जत्थेबंदी ता कान तुकू अलग मंदानायो। राजनीतिक जत्थेबंदी ता काम ता उपेक्षा कीसि जीत हासिल कियाना इच्छा तासना इतेके “रथ किन उत्तार बगिल रोससोरे दक्षिण बगिल दायाना” विचार तासना आंदू इद्रम कित्तेके माटु पक्का होरेमांतोमा।

67. राजनीतिक जत्थेबंदी इतेके बातल? इतेके, पहला फौज ओसो जनता किन युद्ध ता राजनीतिक उद्देश्य बातल इंजी वेहाना। हर सैनिक ओसो नागरिक किन युद्ध बारांकु कियाना इंजी समझे कियाना वेल्ले जरूरी मंता। ओसो ओरा युद्ध संगे बाता संबंध मंता इंजी समझे कियाना। जापानी-आक्रमण-विरोधी युद्ध ता राजनीतिक उद्देश्य “जापनी साम्राज्यवाद किन बाहर पूँडना ओसो स्वतंत्रता ओसो समानता वाले पूना चीन ता निर्माण कियाना” आंदू इदु राजनीतिक उद्देश्य माकिन सब्बे लोकुरा- सब्बे सैनिक ओसो सब्बे असैनिक लोकुर- किन वेहाना, केवल अस्केने माटु उंदी जापानी-विरोधी उभार पैदा किया परितोम ओसो दसियों करोड़ लोकुर किन युद्ध काजे तम्मा सब्बे हियाला काजे उंदी किया परितोम। दूसरा, ओरकिन केवल उद्देश्याए वेहाना हालो आयार, इदु उद्देश्य किन दोरकी कियाला काजे निर्धारित कित्ता कदम ओसो नीतिंग किन वेने स्पष्ट कियाना, इतेके उंदी राजनीतिक कार्यक्रम वेने मंदाना। मावगा “जापान ता प्रतिरोध कियाना ओसो देश किन बचे कियाना दससूत्री कार्यक्रम” ओसो “सशस्त्र प्रतिरोध वा राष्ट्रीय पुनर्निर्माण ता कार्यक्रम” मंदिता। माकिन इवरेंडासी कार्यक्रम कुना फौज ओसो जनता ना नड्मा व्यापाक रूप ते प्रचार-प्रसार कियाना ओसो अविन व्यवहार

लोप्पा लागू कियाला काजे सब्बे तोर किन गोलबंदा कियाना उंदी स्पष्ट ओसो ठोस राजनीतिक कार्यक्रम लेवा जापानी-आक्रमण-विरोधी युद्ध किन आखरी एवनल ताकी कियाला काजे सब्बे फौज किन पूरा जनता किन उंदीकट्ट कियाना असंभव मंता। तीसरा, इद जत्थेबंदी बद रकम ते कियाना? इदु जत्थेबंदी भाषण संगे, पर्चा ओसो बुलेटिन संगे, अखबार, कित्ताबकु ओसो पुस्तक कुना संगे, नाटक ओसो फिल्म कुना संगे, विद्यालय, जन-संगटन ओसो मना कार्यकर्ता लोरा संगोने कियाना। क्वोमिंगतांग-शासान कियाना इलाकांग लोप्पा इदिना बारे ते इंजे एवनल जनताना रुची ता प्रतिकूल तरीका ते कित्तादु मंता ओसो अदिन कियाला काजे जनता ना भावनांग कुना ध्यान तासतदु हिल्ले। इदिना लोप्पा संजीदगी संगे सुधार कियाना जरूरत मंता। चौथा, केवल उंदी बेरा जत्थेबंदी कियानाए हालो आंता। जापानी-आक्रमण-विरोधी युद्ध काजे राजनीतिक जत्थेबंदी लगातार जारी मंदाना। मावा काम माटु मना राजनीतिक कार्यक्रम किन लोकुरा मुन्ने ओयनादु मंदिता, बारांकु इत्तेके इद्रम कित्तेके बोरे वेने केंजोर आयनूर, माट युद्ध ता काजे राजनीतिक जत्थेबंदी कियाना काम किन युद्ध ता घटना तल, सैनिक ओसो आम जनता ना पिस्वल संगे जोड़े कियाना ओसो अदिन उंदी आंदोलन ता रूप ते लगातर ताकी किसोर मंदाना। इद उंदी वेल्ले महत्व ता पोल्लो आंदू मुख्य रूप ते तीना पोर्हे युद्ध लोप्पा मावा जीत निर्भर आसी मंता।

### युद्ध ता उद्देश्य

68. इगा माटु युद्ध ता नागरिक उद्देश्य ता चर्चा किसोरे हिल्लेम, बारांकु इत्तेके इदिना बारे ते माटु मुन्ने वेहतादु मंता। इत्तेके जापानी-आक्रमण-विरोधी युद्ध ता राजनीतिक उद्देश्य “जापानी साम्राज्यवाद किन बाहर पूँडना ओसो स्वतंत्रता ओसो समानता वाले पूना चीन ता निर्माण कियाना” आंदू। इंगा माटु रक्तपातपूर्ण राजनीति ता रूप ते युद्ध ता बुनियादी उद्देश्य ता चर्चा किया मंतोमा। ठोस रूप ते युद्ध ता उद्देश्य “खुद किन सुरक्षित तासना ओसो दुश्मन किन नष्ट कियाना” ए आंदू। (दुश्मन किन नष्ट कियाना इत्तेके ओरकिन निशाच बने कीसियना ओसो “ओरा प्रतिरोध कियाना ताकत किन कमजोर

कीसियाना”, ओरा हर सदस्य किन शारीरिक रूप ते नष्ट कियानायो)। प्राचीन काल ता युद्ध लोप्पा गोरका ओसो ढाल ता इस्तेमाल आयनदु गोरका ता इस्तेमाल दुश्मन पोर्रे हमला कियाला ओसो ओरकिन नष्ट कियाला काजे आयनदु, ओसो ढाल ता इस्तेमाल खुद ता बचाव कियाला काजे ओसो खुद ता सुरक्षा कियाला काजे इस्तेमाल आयनदु नेटा शस्त्रास्त्र भाला ओसो ढाल ताए विकसित रूप आंदू बमबारी कियाना विमान, मशीनगन, जोक तल हमा कियाना तोप ओसो जहरीला गैस भाला ताए विकसित रूप आंदू ओसो हवाई हमला तल बचेमायला काजे बने कियाना सुरक्षा-स्थान, लोहा ता टोप, कंकरीट ता किलेबंदिंग ओसो गैस तल बचेमायला काजे नकाब ढाल ताए विकसित रूप आंदू टैंक पूरा रकम ता हथियार आंदू ताना लोप्पा गोरका ओसो ढाल रेंडासी ना काम किन उंदी जागा जोडे कित्तादु मंता। हमला कियाना दुश्मन किन नष्ट कियाना उंदी मुख्य साधन आंदू मति बचाव किवा लेवा वेने काम ताका परवो आंता। हमला कियानास्के मावा सीधा लक्ष्य दुश्मन किन नष्ट कियाना मंदिंता, अगा संगेने खुद ता रक्षा कियाना वेने मंदिंता, बारांकु इत्तेके दुश्मन किन नष्ट किवेके ओरु माकिन नष्ट कींतोरा बचाव कियानास्के मावा सीधा लक्ष्य मना सुरक्षा कियाना मंदिंता, मति बचाव ता संगेने माटु हमला ता पूरक ओसो हमला कियाना तैयारी ता उंदी साधने बने किंतोम। पेरके गुच्छा बचाव ता श्रेणी लोप्पा वांता ओसो इदु बचाव ताए उंदी जारी रूप आंदू मति पेरके अरना हमला ताए उंदी जारी रूप आंदू इदु दुश्मन किन नष्ट कियाना युद्ध ता मुख्य उद्देश्य आंदू ओसो मना किन सुरक्षित तासना गौण उद्देश्य आंदू इंजी वेहाना, बारांकु इत्तेके दुश्मन किन बेहरा संख्या ते नष्ट कियाना मुख्य साधन ता रूप ते हमला ता जागा मुख्य मंता, अदिन काजे दुश्मन किन नष्ट कियाना सहायक साधन ओसो मना सुरक्षा ता उंदी साधन ता रूप बचाव ता जागा गौण मंता। मति वास्तविक युद्ध लोप्पा वेल्ले बेरा बचाव लड़ाई ता मुख्य रूप मंदिंता ओसो दूसरा बस्के-बस्के बचाव लड़ाई ता मुख्य रूप मंदिंता, इद्रम आतेकाई युद्ध किन पूर्ण रूप ते हूडतेके हमला ता जागा मुख्य मंदिंता।

69. युद्ध लोप्पा आत्म-बलिदान कियाना तुन प्रोत्साहन कियाना महत्व किन माटु बद्रम साबित किया परिंतोम? माटु इदिना ओसो “मना किन सुरक्षित तासना” ता नड़मा अन्तरविरोध हिल्ले? हिल्ले, इदिना नड़मा बदे

अन्तरविरोध हिल्ले। आत्मा-बलिदान ओसो बेगा मावा रक्षा वरोनकु वरोना विपरीत मंता, अगा वरोनकु वरोना कमी किन वेने पूरा कींता। युद्ध नेतृर पोहना राजनीति आंदू, अदिना कीमत हियालाए लागिंता ओसो बस्के-बस्के ते वेल्ले बेहरा कीमत हिया लागिंता। आंशिक ओसो अस्थाई आत्म-बलिदान ता उद्देश्य नालुंग बगिल ओसो स्थाई सुरक्षा कियाना आंदू। अदिन काजेने माटु हमला कियाना इंतोम, इदु बुनियादी रूप ते दुश्मन किन नष्ट कियाना साधन आंदू, मना सुरक्षा कियाना साधन ता वेने कामा हींता। ओसो अदिन काजे ने बचाव ता संगे-संगे हमला वेने कियाना ओसो केवल विशुद्ध बचाव लोप्पा ने मंदानायो।

70. युद्ध ता उद्देश्य, इत्तेके खुद किन सुरक्षित तासना ओसो दुश्मन किन नष्ट कियानाए युद्ध ता मूल तत्व ओसो युद्ध ता सब्बे कार्यवाईंग ना आधार आंदू, युद्ध किन तकनीकी कार्यवाईंग ना आधार मंदाना मूलतत्व आंदू, इदु तकनीकी कार्यवाईंग नगडल पोयसी अदिना रणनीतिक कार्यवाईंग एवनल सब्बे ना लोप्पा आधार आसी मंदाना मूलतत्व आंदू। युद्ध ता उद्देश्य युद्ध ता बुनियादी उसूल मंदिंता ओसो तकनीकी, कार्यनीति, अभियान या रणनीति ता संबंध मंदाना सब्बे धारणांग या उसूल बदे वेने परिस्थिति ते अलग किया परम्भूङ्यायो। उदाहरण काजे, निशानेबाजी लोप्पा “ कवर पोयाना ओसो गोलाबारी ता ताकत ता पूर्ण उपयोग कियाना” उसूल इत्तेके बातल आंदू? इविना लोप्पाटल मुन्ने मावा रक्षा काजे ओसो दूसरा दुश्मन किन नष्ट कियाला काजे मंता। मुन्नेटाले इद्रम ता तरीकाने पेसिंतांग - इत्तेके धरातल ओसो अदिना आकार ता उपयोग कियाना, डेयसी मंजी मुन्ने दायना, फौजी दलम किन फैले कियाना। दूसरा तल इद्रम ता तरीका ते पेसिंतांग - इत्तेके फायरिंग रेंज किन साफ कियाना, फायरिंग ता जाल ता संगटन कियाना। अगा एवनल कार्यनीतिक कार्यवाईंग लोप्पा हमला कियाना दस्तांग, रोमी कीसि तासना ओसो रिजर्व दस्तांग ना संबंध मंता, इविना लोप्पाटल मुन्नेटा दुश्मन किन नष्ट कियाला काजे ओसो दूसरा मना रक्षा कियाला काजे इस्तेमाल कियमूङ्यांता, ओसो तीसरा ता इस्तेमाल परिस्थितिंग ना अनुसार इव रेंडासी ना लोप्पा बदे उंदी उद्देश्य काजे कियमूङ्यांता - या तो दुश्मन किन नष्ट कियाला काजे (इद परिस्थिति लोप्पा इव हमला कियाना दलम कुना सपोर्ट ता रूप ते काम कींता या पेरके अरना दलम कुना काम कींता), या

मना सुरक्षा कियाला काजे (इद परिस्थिति लोप्पा रोमी कियाना दलम वाले दलम कुना सपोर्ट ता रूप ते काम कींता ओसो मना फौज ता कवर ता रूप ते काम कींता)। इद्रम बदे वेने तकनीक, कार्यनीति, अभियान या रणनीति ता उसूल लेवेके कार्रवाई किन युद्ध ता उद्देश्य संगे बद्रमाई अलग किया परमङ्गलांता। इद उद्देश्य पूरा युद्ध लोप्पा हमेशा मंदिता ओसो शुरू तल आखरी एवनल लागू आंता।

71. जापानी-आक्रमण-विरोधी युद्ध ता निर्देशन कियाना लोप्पा, विभिन्न स्तर ता नेता लोर किन चीन ओसो जापान रेंडासी पक्ष लोप्पा मंदाना सब्बे रकम ता आपसी विपरीत बुनियादी तत्वंग किन ओसो इद युद्ध ता उद्देश्य किन मना कोंडा तल जेक आयाला हियानायो। फौजी कार्रवाईंग ताकनास्के, इव विभिन्न आपसी विपरीत बुनियादी तत्व हर पक्ष संगे मना सुरक्षा ओसो दुश्मन ता विनाश कियाला काजे ताकी कियाना संघर्ष ता रूप ते बदले मांतांग। मना एरिया लोप्पा माटु हर मुठभेड़ लोप्पा जीत हासिल कियाना, अदु सुडला आई या बेहरा आई, ओसो दुश्मन ता उंदी हिस्सा किन हथियार हिल्वा कियाना ओसो अद हिस्सा ता सिपाही लोरकिन ओसो साधन कुना उंदी अंश ता विनाश कियाला काजे कोशिश कीसोर मंदाना। माटु दुश्मन ता विनाश कियाना इव आंशिक परिणाम कुन उंदी कीसि अविन मना बेहरा रणनीतिक जीत कुना लोप्पा बदले कियाना, इद्रम कित्तेके दुश्मन किन बाहर पूँडना, मना यायोभूमि ता रक्षा कियाना ओसो उंदी पूना चीन ता निर्माण कियाना ता मना आखरी राजनीतिक उद्देश्य किन हासिल कियाना।

**रक्षात्मक कार्रवाई ताकनास्के आक्रमणात्मक कार्रवाई,  
दीर्घकालीन युद्ध ताकनास्के तुरंत निर्णय ता लड़ाईंग ओसो  
लोप्पाटा सैन्य पंक्ति कुना लोप्पा बाहारी सैन्य पंक्ति**

72. वाटू, इंजे माटु जापानी-आक्रमण-विरोधी युद्ध ता ठोस रणनीति ता अध्ययन कियाकाला। माटु मुन्नेने जापानी-आक्रमण-विरोधी युद्ध काजे मावा रणनीति दीर्घकालीन युद्ध ता रणनीति आंदू इंजी वेहतोम ओसो इदु पोल्लो असल इत्तेके बिल्कुले सही मंता। मति इद रणनीति उंदी आम रणनीति आंदू, ठोस रणनीति आयो। ठोस रूप ते, दीर्घकालीन युद्ध बद्रम ताकी कियाना? इंजी

माटू इदे समस्या पोरों विचार कियाकाला। मावा जवाबः युद्ध ता पहली ओसो दूसरी मंजिल लोप्पा, इत्तेके दुश्मन ता आक्रमण ता मंजिल ओसो दुश्मन संगे मना सफलतांग कुना रक्षा कियाना मंजिल लोप्पा, माकिन रणनीतिक रक्षा ताकनास्के अभियान ओसो लडाईंग लोप्पा आक्रमणात्मक लडाईंग ताकी कियाना, रणनीतिक दीर्घकालीन युद्ध ताकनास्के अभियान ओसो लडाईंग लोप्पा तुरंत निर्णय ता लडाईंग ताकी कियाना ओसो रणनीतिक लोप्पटा सैन्य पंक्ति कुना लोप्पा अभियान ओसो लडाईंग कियानास्के बाहरी सैन्य पंक्तिकुना कार्रवाईंग कियाना। तीसरी मंजिल लोप्पा माटू रणनीतिक प्रत्याक्रमण ता युद्ध कियाना।

73. बारांकु इत्तेके जापान उंदी मजबूत साम्राज्यवादी देश आंदू ओसो मावा देश उंदी कमजोर अर्ध-औपनिवेशिक ओसो अर्ध-सामंती देश आंदू, अदिन काजे जापान रणनीतिक आक्रमण ता नीति लागू कित्तादु मंता माटु रणनीतिक रक्षा ता स्थिति लोप्पा मंता। जापान तुरंत निर्णय ता युद्ध ता रणनीति लागू कियाना कोशिश किया मंता, मति मनम जागरूक आसी दीर्घकालीन युद्ध ता रणनीति लागू कियाना। जमीन ओसो समुद्र रेंडासी बगिल तल चीन ता धेरेबंदी ओसो नाकेबंदी कियाना काजे जापानी तम्मा स्थल-सेना ता वेल्ले युद्ध-क्षमता मंदाना दर्जनों डिविजन कुना (अविना संख्या इंजे 30 एवनल एवता) ओसो नौसेना ता उंदी हिस्सा ता इस्तेमाल किया मंता ओसो चीन पोरों बमबारी काजे वायू-सेना ता इस्तेमाल किया मंता। इंजे अदिना पैदल सेना पायोथओ तल पोयसी हांगचओ एवनल उंदी लम्बा मोर्चा निल्पी कियाना, ओसो अदिना नौसेना फूच्येन ओसो क्वांगतुंग एवनल एवता, इद्रम बाहरी सैन्य पंक्ति ना फौजी कार्रवाईंग वेल्ले बेहरा स्तर ते फैलेमात्ता। दूसरा बगिल माटु लोप्पटा सैन्य पंक्ति ता फौजी कार्रवाईंग ना परिस्थितिंग लोप्पा मंतोम। इव सब्बे पोल्लोंग दुश्मन मजबूत मंता ओसो माटु कमजोर मंतोम इंदाना विशेषता ता कारण तल पुट्टाता इदु परिस्थिति ता उंदी पहलू आंदू।
74. मति उंदी दूसरा इदिना बिल्कुल उल्टा मंता। जपान मजबूत मत्तेकाई, अदिनगा जरूरत मत्ताचोन सैनिक संख्या हिल्लो। ओसो चीन कमजोर मत्तेकाई, अदिनगा वेल्ले बेहरा क्षेत्रफल मंता, जनसंख्या वेल्ले ज्यादा मंता ओसो सैनिक संख्या वेल्ले मंता। अद्रमासी रेंडु महत्वपूर्ण रिजल्ट पेसिंतांग।

मुन्नेटा, दुश्मन उंदी बेहरा देश ता भूमी पोर्रे सुडला सेना संगे केवल उचुके बेहरा शहरकु ओसो उचुके मुख्य दायना-वायना जागांग किन ओसो उचुक मैदानी इलाकांग पोर्सोने अधिकार किया परितोरा इद्रम कीसि पोयता प्रदेश लोप्पा तम्मा गैरिजन सेनांग तासा परवा लेककाटा बेहरा क्षेत्र पिसिंता, इद्रमतवु चीन ता छापामार युद्ध काजे कार्वाई कियाना ता उंदी बेहरा क्षेत्र हींतांग। पूरा चीन किन हूङ्गतेके दुश्मन क्वांगचओ, ऊहाम ओसो लानचओ किन जोडे कियाना लाईन ओसो अदिना गर्ए-गर्ए ता एरिया पोर्सो अधिकार जमे कितेकाई अदिना काजे अविनकु मुन्नेटा इलाकांग पोर्सो अधिकार कियाना मुश्किल मंता, अद्रमासी चीन ता कैदे उंदी आम पृष्ठभाग ओसो मुख्य आधार-क्षेत्र पिसिंतांग अविनगल अदु तन्ना अन्तिम जीत एवनल उंदी दीर्घकालीन युद्ध ताकी किया परिंता। दूसरा, दुश्मन ता सुडला फौजकुना मना बेहरा फौज कुना संगे टक्कर आता कारण ते दुश्मन मावा बेहरा फौज कुना धेराबंदी लोप्पा वांतोरा। दुश्मन बचोनो तरीका ने मना पोर्सो हमला किया मंतोर ओरु रणनीतिक बाहरी सैन्य पंक्ति पोर्सो कार्वाई किया मंतोर, ओरु रणनीतिक आक्रमणात्मक परिस्थिति लोप्पा तोर, ओसो माटु मावा रणनीतिक रक्षात्मक परिस्थिति लोप्पा मंतोमा। इव सब्बे मना काजे वेल्ले प्रतिकूल मंतांग। मति माटु मना रेंडु अनुकूल पोल्लोंग किन लागू किया परितोम। पहला, मना बेहरा प्रदेश ओसो मना बेहरा सेना ता फायदा एता पोरितोम ओसो मोर्चाबद्ध लडाई ताकि कियवा लेवा चलायमान लडाई ता लचीला कार्यनीति लागू किया परितोम। ओसो दुश्मन ता उंदी डिवीजन ता खिलाफ वेल्ले डिवीजन वाटा परितोम, ओसो रणभूमि ता बाहरी सेना नगडल दुश्मन ता उंदी सेक्शन किन अचानक धेरेकिया परितोम ओसो अदिना पोर्सो हमला किया परितोम। इद्रम, रणनीतिक कार्वाईंग लोप्पा दुश्मन बाहरी सैन्य पंक्तिकुना पोर्सो लडाई किसोर मत्तेके ओसो आक्रमणात्मक कार्वाईंग किसोर मत्तेकाई अभियान ओसो लडाईंग लोप्पो ओरु लोप्पाटा सैन्य पंक्ति कुना पोर्सो लडेमायना ओसो रक्षात्मक कार्वाईंग कियाना काजे मजबूर आयनूर। रणनीतिक कार्वाईंग लोप्पा मावा लोप्पाटा सैन्य पंक्ति कुना पोर्सो लडेमायना ओसो रक्षात्मक कार्वाईंग कियाना परिस्थिति, अभियान ओसो लडाईंग लोप्पा बाहरी सैन्य पंक्ति कुना पोर्सो लडेमायना ओसो आक्रमणात्मक कार्य वाहिंग कियाना परिस्थिति ता

रूप एतिंतांग। इद्रमे माटु दुश्मन ता उंदी लेवेके अदिना बदाई मुने वायना सेक्शन संगे लड़ेमाया परिंतोमा। पोर्रो वेहत्ता रिजल्टकु दुश्मन कमजोर मंतोर ओसो माटु ताकतवर मंतोम इंदाना पोल्लो पोर्रो आधार आसी मंतांग। इदए आयवा दुश्मन ता फौजकु कम मत्तेकाई मजबूत (हथियारकु ओसो ट्रेनिंग लोप्पा) मंतांग, ओसो मावा फौजकु वेल्ले मत्तेकाई कमजोर (मनोबल लोप्पा आयवा लेवा, हथियारकु ट्रेनिंग लोप्पा) मंतांग, अदिन काजे माटु अभियान कु ओसो लडाई लोप्पा केवल कम फौज कुना खिलाफ ज्यादा फौज वाटवा लेवा ओसो केवल लोप्पाटा सैन्य पंक्ति कुना खिलाफ बाहरी सैन्य पंक्ति कुना संगे कार्बवाईंग कियाना आयवा लेवा, माटु तुरंत निर्णय ता लडाई नीति वेने लागू कियाना। तुरंत निर्णय काजे माकिन आम रूप ते दुश्मन ता स्थिर फौज पोर्रो आयवा अदिना वेलियाना फौज पोर्रो हमला कियाना। बद हर्दे दुश्मन दांतोर, अद हर्गी औदा मुने-मुने मना बेहरा फौज किन गुप्तरूप ते तासना ओसो दुश्मन वायनास्केने अचानक ओरा हमला कियाना ओसो ओरु बाताल आया मंता इंदानदु पुंदा परवा लेक्का ओरकिन धेरे कीसि ओरा पोर्रो हमला कियाना ओसो इद्रम ता लडाई किन वेल्ले जलदी खत्म कियाना। लडाई बेस लडेमातास्के माटु दुश्मन ता सब्बो फौज लेवेके अदिना बेहरा हिस्सा लेवेके उंदी हिस्सा ता विनाश किया परिंतोमा। ओसो लडाई बेस लडेमायवास्के वेने माटु ओरा बेहरा संख्या लोप्पा घायल या नुकसान किया परिंतोमा। इद पोल्लो मना हर लडाई लोप्पा लागू आंता। हर महीना माटु फिंगशिंगक्वान ओसो थाएंगच्चांग लेक्काटा कम से कम उंदी बेहरा जीत हासिल कित्तेके, इदु दुश्मन ता मनोबल किन वेल्ले कमजोर कींता, मावा सेना ता मनोबल किन बेरसी कींता ओसो माकिन अंतर्राष्ट्रीय समर्थन हासिल कियाना आह्वान कित्ता। इद्रमे मावा रणनीतिक दीर्घकालीन युद्ध रणभूमि लोप्पा तुरंत निर्णय ता लडाईंग ना रूप एतिंता। बचोनो अभियानकु ओसो लडाईंग लोप्पा दुश्मन ता हार आता पेरते, ओरा रणनीति ता दृष्टि ते तुरंत निर्णय ता युद्ध दीर्घकालीन युद्ध लोप्पा जरूर बदलेमांता।

75. उंदी पोल्लो ते, अभियानकु ओसो लडाईंग ताकी कियाना ता बारे ते पोर्रो वेहत्ता कार्बवाई संबंधित उसूल, “बाहरी सैन्य पंक्ति कुना पोर्रो तुरंत निर्णय ता आक्रमणात्मक लडाई” ताकी कियाना उसूल आंदौ। इदु “लोप्पाटा सैन्य पंक्ति पोर्रो दीर्घकालीन रक्षात्मक युद्ध” ताकी कियाना मावा रणनीतिक

उसूल ता विपरित मंता, मति इदु इद्रम ता रणनीतिक उसूल किन पूरा कियाला काजे जरूरी मंता। अभियानकु ओसो लड़ाईंग काजे वेने “लोप्पाटा सैन्य पंक्ति पोर्रे दीर्घकालीन रक्षात्मक लड़ाई” किन उसूल ता रूप ते इस्तेमाल कितेके, इत्तेके प्रतिरोध-युद्ध ता शुरू ता दिया ने लेकका, दुश्मन कमजोर ओसो माटु मजबूत ओसो दुश्मन मजबूत ओसो माटु कमजोर मंदाना परिस्थितिंग लोप्पा बिल्कुले गलत आसी मनवड ओसो अस्के माटु संपूर्ण रूप ते युद्ध किन दीर्घकालीन बने कियाना मना रणनीतिक उद्देश्य किन पूरा कियाना लोप्पा असफल आसी मनेम ओसो दुश्मन संगे लड़ाई लोप्पा हारे मासी मनेम। अदिन काजे माटु हमेशा पूरा देश ता फौज कुन बचोनो रणांगन (युद्ध ता मैदान) फौजी फारमेशन कुना लोप्पा संगठित कित्तादु मंता ओसो अवना लोप्पाटल सब्बेटविन किन दुश्मन ता उंदी-उंदी रणांगन फौजी फारमेशन ता मुकाबला कियाला काजे वाटतादु मंता, मति अदिना ताकत दुश्मन ता सेना तुकू दोगुना, तिगुना लेवेके चार गुना तासना, ओसो अद्रमे पोर्रे तय कित्ता उसूल कुना अनुसार दुश्मन किन व्यापक रणभूमि लोप्पा हिरकी कीसि तासना। “बाहरी सैन्य पंक्ति कुना पोर्रे तुरंत निर्णय ता आक्रमणात्मक लड़ाई” ताकि कियाना ता उसूल नियमित युद्ध ओसो छापामार युद्ध रेंडासी ना लोप्पा लागू कियमूँडांता ओसो लागू वेने कियाना। इदिन युद्ध ता केवल युद्ध बदे उंदी मंजिल काजे आयवा अदिना पूरा समय काजे इस्तेमाल किया परमूँडांता। रणनीतिक प्रत्याक्रमण ता मंजिल लोप्पा मावा कैदे उंदी बेसता तकनीक मत्तास्के ओसो कमजोर ताकत ता टक्कर मजबूत ताकत संगे आयना परिस्थिति लोप्पा बिल्कुल मनोम आंतोम अस्के माटु दुश्मन तुकू बचोनो ज्यादा फौज कुना इस्तेमाल कीसि बाहरी सैन्य पंक्ति कुना पोर्रे तुरंत निर्णय ता आक्रमणात्मक लड़ाईंग ताकी कितेके, माटु ओसो वेल्ले कारगर तरीका ते दुश्मन ता सिपाही लोर किन वेल्ले बेहरा संख्या ते बंमहान जापान-आक्रमण-विरोधी युद्ध ता पहली वर्षगांठ 7 जुलाई जलिदए वाया मंता। पूरा राष्ट्र ता ताकतक आपस ते एकताबद्ध आसी, गट्टिक मंजी प्रतिरोध युद्ध ताकी किसोरे संयुक्त मोर्चा ते नितसी मंजी लगभग उंदी साल ते दुश्मन ता खिलाफ वीरतापूर्वक लड़ेमासोरे मंता। पूरा दुनिया ता जनता ना ध्यान इद युद्ध पोर्रे केंद्रित आता, इदिन मुनेटा इतिहास लोप्पा इदिना बराबर बदे युद्ध आत्ताद हिल्ले, इदिन दुनिया ता इतिहास लोप्पा उंदी

महान युद्ध लेकका सुरता तासमूङ्गायरा युद्ध ता कटलांग सहन किसोरे ओसो  
 तना राष्ट्र ता अस्तित्व किन बचे कियाला काजे सब्बे चीनी जनता  
 लड़ेमासोरे मंतोर ओसो, हर दिया जीड़ला काजे आल्सा मंतोरा मति असल  
 ते युद्ध ता प्रक्रिया बाता मंदियर? इद युद्ध लोप्पा माटु जीत हासिल किया  
 परितोमा परवोम? इद युद्ध लोप्पा माटु जल्दी जीत हासिल कींतोमा परवोम?  
 वेल्ले लोकुर दीर्घकालीन युद्ध ता चर्चा किया मंतोर, मति इदु युद्ध  
 दीर्घकालीन बारांकु मंता? दीर्घकालीन युद्ध बद्रम ताकी कियाना? वेल्ले  
 लोकुर आखरी जीत ता पोल्लोंग किया मंतोर, मति आखरी जीत मनादे  
 बारांकु आयार? आखरी जीत काजे माटु बद्रम कोशिश कियाकाल? हर  
 मानेय किन इव सवालकुना उत्तर दोरकतद हिल्ले। असल इत्तेके ज्यादातर  
 लोकुर किन इंजे एवनल इविना उत्तर दोरकतद हिल्ले। अदिन काजे राष्ट्रीय  
 गुलामी ता सिद्धान्त कुना वकालत कियाना पराजयवादीर (हारे मांतोम इंजी  
 वेहनारो) मुने वासी लोकुर किन चीन गुलाम बनेमायार ओसो आखिर ते  
 चीन ता हार आयर इंजी वेहना शुरू कित्तोरा दूसरा बगिल जल्दबाजी ता  
 शिकार आता मना उचुन कामरेड्स लोर वेने मुने वासी लोकुर किन चीन  
 उब्बाय युद्ध लोप्पा जीत हासिल कियर, वेल्ले कोशिश कियाना जरूरत  
 हिल्लेर इंजी वेहना चालू कित्तोरा। इद विचार सही मंताया? माटु हमेशा इद  
 विचार किन लागो इंजी वेहिंतोमा मति माटु बाता वेहिंतोम अदिन ज्यादातर  
 लोकुर इंजे एवनल वेने बेस समझेमातद हिल्ले.<sup>7</sup> इदिना कारण आंशिक रूप  
 ते मना प्रचार ओसो स्पष्टीकरण ता काम सही मात्रा ते कीतद हिल्ले, ओसो  
 इंजे वेने आंशिक रूप ते वस्तुगत घटनांग, लोप्पा स्वरूप ओसो अविना  
 रूपरेखा लोकुर किन मुने संपूर्ण, स्पष्ट रूप ते प्रकट आयना लेकका विकसित  
 आत्ताद हिल्ले, अदिन काजे लोकुर पूरा घटनाक्रम ओसो अविना परिणाम  
 किन मुनेटले हूडा परतद हिल्ले, अद्रमासी अवु नीतिंग ओसो कार्यनीतिंग  
 ना उंदी पूर्ण श्रृंखला ता बारे ते निर्णय किया परवो आत्तोरा इंजे परिस्थिति  
 ज्यादा बेस मंता, प्रतिरोध युद्ध ता हत्ता दस महीनांग ना अनुभव, राष्ट्रीय  
 गुलामी ता बिल्कुल आधार हिल्वा सिद्धांत किन ओसो जल्दी जीत हासिल

<sup>7</sup> इद भाषण लोप्पा कामरेड माओ त्सेतुंग ना 26 मई तल 3 जून 1938 एवनल येनान ते  
 मंदाना जापानी-आक्रमण विरोधी युद्ध अध्ययन संस्था लोप्पा हीता भाषण शामिल मंता।

कियाना सिद्धांत पोर्ण मना जल्दबाजी ते आल्सना कामरेड्स कुना विश्वास किन तोडे कियाला हालिंता। इव परिस्थितिंग लोप्पा वेल्ले लोकुर विस्तृत स्पष्टीकरण ता मांग कींतोरा दीर्घकालीन युद्ध ता बारे ते इद पोल्लो ओसो वेने ज्यादा लागू आंता, बारांकू इतेके राष्ट्रीय गुलामी ओसो जल्दी जीत ता सिद्धांत इदिना विरुद्ध मंता इंजी आयो, इद युद्ध ता स्वरूप ता बारे ते उंदी पोर्ण-पोर्णटा विचार मंता इंजी। “लूकओछ्याओ घटना पेरके तल मना 40 करोड़ जनता सामूहिक रूप ते कोशिश कियाना ओसो आखरी जीत चीन ताए आयारा” आम जनता लोप्पा इद सूत्र वेल्ले प्रचार आसी मंता। इद उंदी सही सूत्र आंदु, मति तीना लोप्पा ओसो वेल्ले अंतरवस्तु जोडे कियाना जरूरत मंता। जापान आक्रमाल-विरोधी युद्ध ओसो संयुक्त मोर्चा गट्टुक मंजि नित्ता काजे बच्चोने पहलू तना भूमिका निभा कित्तोरा। मना देश लोप्पा, इविना लोप्पा कम्युनिस्ट पार्टी तल पोयसी क्वोमिंगतांग एवनल सब्बे राजनीतिक पार्टिंग, मजदूर, किसान लोरगडल पोयसी पूंजीपति वर्ग एवनल पूरा जनता ओसो नियमित सेना तोल पोयसी छापामार दलम एवनल सब्बे सेनांग शामिल मंतांग। अंतर्राष्ट्रीय क्षेत्र ते, इविना लोप्पा समाजवादी देश तल पोयसी विभिन्न देश कुना न्यायप्रिय जनता एवनल, ओसो दुश्मन देश लोप्पा, जापानी जनता ना लोप्पा युद्ध विरोधी मंदाना जापानी सिपाही लोर एवनल ता हिस्सांग सब्बे शामिल मंता। उचुन वेहना इतेके इव सब्बे तत्व कुना विभिन्न मात्रा ते मना प्रतिरोध-युद्ध लोप्पा योगदान मंता। हर ईमानदार मानेय ओरा अभिवादन कियाना। माटु कम्युनिस्ट लोरा मुन्ने ओसो संगे ने जापान विरोधी दूसरा सब्बे राजनीतिक पार्टिंग ओसो पूरा चीन ता जनता ना मुन्ने केवल माटु खतरनाक जापानी हमलावर लोर किन हारे कियाना काजे सब्बे ताकत किन एकताबद्ध कियाना कोशिश कियानाए उंदी लक्ष्य मंता। इद साल 1 जुलाई ते चीनी कम्युनिस्ट पार्टी ता स्थापना ता सत्रहवी वर्षांठ मानेमायमूळायरा। मनम दीर्घकालीन युद्ध ता गंभीरता ते अध्ययन कियाना, अस्केने हर कम्युनिस्ट प्रतिरोध युद्ध लोप्पा ओसो वेने बेस ओसो ज्यादा योगदान हिया परितोमा। अदिन काजे नावा भाषण दीर्घकालीन युद्ध ता अध्ययन ता विषय ते मदियर नन्ना दीर्घकालीन युद्ध ता संबंधित सब्बे समस्यांग ना चर्चा कियाला आल्सा मंताना। मति सब्बे

पोल्लोंग किन नना इम्मा तत्ता परवोन आयकान, बारांकु इत्तेके उदे भाषण  
लोप्पा इव सब्बे वेहा पसना मुश्किल मंता।

76. प्रतिरोध युद्ध ता दस महिनांग ना पूरा अनुभव चीन ता अनिवार्य रूप ते  
गुलाम बनेमायना ता सिद्धांत ओसो चीन ता जल्दी जीत हासिल आयाना  
सिद्धांत किन गलत साबित कीसिता। इविना लोप्पाटल पहला सिद्धा  
समझौता कियाना रुझान किन जन्म हींता ओसो दूसरा दुश्मन किन कम  
आल्सना रुझान किन कम पुट्ठी कींता। इद समस्या ता बारे ते इव रेंडासी रुख  
मनोगतवादी ओसो उंदी बगिल ता मंतांग, उंदी शब्द ते इविन अवैज्ञानिक  
इनमूँदांता।
77. प्रतिरोध युद्ध तुकू मुने राष्ट्रीय गलामी ता सिद्धांत बारे ते रक-रकम ता  
चर्चांग ताकनदु उदाहरण काजे, उचुन मुल इंदानोरः “चीन ता हथियारकु  
बेकार मंतांग ओसो युद्ध लोप्पा जस्तर विफल आयरा” “चीन प्रतिरोध युद्ध  
कित्तेके अदु पक्का दूसरा अबीसीनिया बनेमायरा” युद्ध शुरू आता पेरकेटल  
राष्ट्रीय गुलामी ता सिद्धांत ता चर्चा इंदे खुल्लेआम ताकसोरे हिल्ले, मति  
केम्मेक-केम्मेक अदिना चर्चा इंजे वेने ताका मंता, ओसो इद्रम ता चर्चा  
वेल्ले ताका मंता। उदाहरण काजे, कालम-कालम ते समझौता ता वातावरण  
पुट्ठा मंता ओसो समझौता ता पैरवी कियानोर इद तर्क पेश कींतोर, “युद्ध  
जारी तासना परिणाम गुलामी आयार इंजी।”<sup>1</sup> हुनान तल वरोर विद्यार्थी तन्ना  
चिट्ठी लोप्पा रासिंतोरःदी बने किया परिंतोम ओसो ओरा वेल्ले सामान किन  
जब्त किया परिंतोम। उदाहरण काजे माटु मना रेहु-मूँड लेवेके नालुंग यंत्रीकृत  
डिवीजनकु दुश्मन ना उंदी यंत्रीकृत डिवीजन ता खिलाफ वाटतेके, माटु  
ओरा विनाश कियाना पक्का गारांटी एता परिंतोम। इत्तेके साधारण झगड़ा  
लोप्पा उंदि ताकतवार माने किन वेल्ले ताकतवर माने आसनी ते हारा किया  
परिंतोर इंदना सब्बे पुत्तोमे।
78. माटु रणभूमि लोप्पा “बाहरी सैन्य पंक्ति कुना पोरो तुरंत निर्णय ता  
आक्रमणात्मक लडाई” ताकी कियाना नीति किन दृढ़ता ते लागू कित्तेके  
माटु केवल अद रणभूमि लोप्पा दुश्मन ओसो मावा नडमा ता मजबूती ओसो  
कमजोरी ता परिस्थिति किने बदले किसोरे, कदम-ब-कदम आम परिस्थिति  
किन वेने बदले कियाकोमा रणभूमि लोप्पा माटु आक्रमणात्मक परिस्थिति  
लोप्पा मंदितोम ओसो दुश्मन रक्षात्मक परिस्थिति लोप्पा मंदितोर, माटु

वेल्ले फौज ता संगे बाहरी सैन्य पंक्ति कुना कार्रवाईंग कियाना ओसो दुश्मन उचुन फौज संगे लोप्पाटा सैन्य पंक्ति कुना कार्रवाईंग किंता। माटु तुरंत निर्णय ता लड़ाईंग लड़ेमायकोम ओसो दुश्मन पूरा कोशिश कीतेकाई सहायता सेना काजे केपसोरे लड़ाई किन लम्बा ताकी किया परवोर आयनूर, अद्रमासी मावा फौज कमजोरी तल मजबूती ता परिस्थिति ते एविंता। इद्रमे बचोनो लड़ाईंग लोप्पा जीत हासिल कित्ता पेरके मावा ओसो दुश्मन नड़मा ता आम परिस्थिति बदलेमायरा। इतेके बच्चोनो रणभूमिंग लोप्पा बाहरी सैन्य पंक्ति कुना पोर्हो तुरंत निर्णय ता आक्रमणात्मक लड़ाईंग संगे हासिल कित्ता जीत कुना कुल रिजल्ट कदम-कदम ते मना किन मजबूत ओसो दुश्मन किन कमजोर बने कियाना आंता ओसो इद पोल्लो दुश्मन ओसो मना नड़मा ता मजबूती ओसो कमजोरी ता आम परिस्थिति पोर्हो जरूर प्रभाव वाटिटा ओसो अदिन जरूर बदले कींता। इद्रम आतास्के इव परिवर्तन, मावा पक्ष ता दूसरा तत्व, दुश्मन ता पक्ष ते आयाना बदलावकु ओसो मावा अनुकूल अंतर्राष्ट्रीय परिस्थिति संगे कलियसी मावा ओसो दुश्मन ता बराबरी ता परिस्थिति लोप्पा ओसो अदिना मुकाबला ते मजबूती ता परिस्थिति लोप्पा एविंता। दुश्मन पोर्हो प्रत्याक्रमण शुरू कियाना ओसो मना देश तल बाहर पूँडलय मना काजे इदे समय सही मंदिंता।

79. युद्ध उंदी रकम ता ताकत ता प्रतियोगिता (होड़) आंदू, मति युद्ध ताकनास्के ताकत ता मौलिक परिस्थिति लोप्पा बदलाव आंता। इद समस्या लोप्पा निर्णायिक तत्व मनोगत कोशिश तुकू ज्यादा जीत हासिल कियाना ओसो कम से कम गलतिंग कियानादु मंदिंता। वस्तुगत तत्व इद्रम ता बदलाव ता संभावना पैदा कींता, मति इद संभावना किन वास्तविकता ता रूप हियाला काजे सही नीति ओसो मनोगत कोशिश रेंडासी ना जरूरत मंता। इद्रम ता परिस्थिति लोप्पा मनोगत तत्व ए निर्णायिक भूमिका निभे कींता।

### पहलकदमी, लचीलापन ओसो योजना

80. अभियानकु ओसो लड़ाईंग लोप्पा बाहरी सैन्य पंक्ति कुना पोर्हो, पोर्हो वेहत्ता तुरंत निर्णय ता आक्रमणात्मक लड़ाई ता सबसे महत्वपूर्ण पोल्लो आक्रमण आंदू, बाहरी सैन्य पंक्ति इतेके आक्रमण ता हंदी ओसो तुरंत निर्णय इतेके

आक्रमण ता समय आंदू। अदिन काजे माटु इदिन ‘बाहरी सैन्य पंक्ति कुना पोर्रे तुरंत निर्णय ता आक्रमणात्मक लड़ाई’ ता पोर्रेल हींतोमा। दीर्घकालीन युद्ध काजे इद सबसे बेसता उसूल आंदू। मति इद उसूल किन पहलकदमी, लचीलापन ओसो योजना लेवा लागू किया परमूडायो। इंजे माटु इव मँडू मुद्दांग पोर्रे विचार कियाकाल।

81. माटु मानेय ना जागरूकता गत्यात्मक भूमिका ता बारे ते मुन्ने ने चर्चा कितोम इत्तास्के इंजे माटु पहलकदमी ता बारे ते बारांकु चर्चा कियाना? जागरूक गत्यात्मक भूमिका इत्तेके मावा हिसाब ते जागरूक कार्रवाई ओसो कोशिश आंदू। इदु मानेय ना उंदी विशेषता बाकी सब्बे चीजकुनगड़ल मानेय किन अलग किसिंता। ओसो मानेय ना इद विशेषता युद्ध लोप्पा सबसे ज्यादा तीव्रता दिसिंता। इव सब्बे पोल्लोंग ना चर्चा मुन्ने ने कितादु मंता। इगा पहलकदमी इत्तेके फौज किन बदे वेने परिस्थिति लोप्पा कार्रवाई कियाना आजादी मंदिंता, ओसो उंदी अद्रम ता परिस्थिति वेने मंदिंता ताना लोप्पा फौज ता आजादी दांता। कार्रवाई कियाना ता आजादीए बदे आई फौज ता जीवा मंदिंता ओसो इदु आजादी उंदी बेरा कैदल हत्ता इत्तास्के फौज ता हार ओसो ओरा नुकसान ता गर्रे एविंता। बोराई सैनिक ना हथियार हिल्वा मत्तेके जापान ओर किन उंदी निष्क्रिय परिस्थिति ते वाटिंता अदिना कार्रवाई ता आजादी किन ऊंदतास्के इद्रमें आंता। इदे पोल्लो बदे फौज ता हार ता बारे ते वेने सही मंता। इदे कारण ते युद्ध लोप्पा रेंडासी पक्ष पहलकदमी हासिल कियाना ओसो निष्क्रियता ता परिस्थिति तल बचेमायना भरपूर कोशिश किंतोरा माटु लागू कियाना बाहरी सैन्य पंक्ति कुना पोर्रे तुरंत निर्णय ता आक्रमणात्मक लड़ाई, ओसो संगेने इद्रम ता लड़ाई किन ताकी कियाना काजे जरूरी लचीलापन ओसो योजना ता मावा नीति - इविना लक्ष्य खुद पहलकदमी हासिल कीसि दुश्मन का निष्क्रियता ता परिस्थिति लोप्पा वाटना ओसो खुद किन सुरक्षित तासना ओसो दुश्मन किन नष्ट कियाना ता लक्ष्य किन हासिल कियाना इंजी इंदा परिंतोमा। मति पहलकदमी या निष्क्रियता ता परिस्थिति किन युद्ध ताकी कियाना सही या गलत मनोगत निर्देशन संगे तल वेने अलग किया परमुडायो। इदे आयवा दुश्मन ता गलत धारणांग ओसो अदिना तैयारी हिल्वा परिस्थिति ता फायदा एतसी पहलकदी

हासिल कियाना ओसो दुश्मन किन निष्क्रियता ता परिस्थिति ते वाटना ता सवाल वेने मंता। इंजे माटु इवे पोल्लोंग ना विश्लेषण कियाकाला।

82. पहलकदमी किन युद्ध ताकी कियाना क्षमता ता कमी तिंची अलग कियमूळायो। इद्रम ता मजबूत या कमजोर पहलकदमी या निष्क्रियता ता वस्तुगत आधार आंदू इद रणनीतिक पहलकदमी रणनीतिक आक्रमण ता युद्ध संगे वेल्ले बेसता तरीका ते निल्पी कियमूळांता ओसो लागू किया परमूळांता, मति हमेश ओसो हर जागा ते पहलकदमी तासना, इतेके निरपेक्ष पहलकदमी तासना, अस्केने निरपेक्ष मजबूती ता मुकाबला निरपेक्ष कमजोरी संगे आयना संभव मंता। वरोर मजबूत ओसो स्वस्थ मानेय वरोर गंभीर बीमार मानेय ना संगे कुश्ती लड़ेमात्तास्के निरपेक्ष पहलकदमी स्वस्थ मानेय ता कैदे मंता। जापान हल आयवा अन्तर्विरोध कुना घेराव लोप्पा हिल्वा मत्तेके, उदाहरण काजे, अदु उंदे बेरा बीसियों लाख तल पोयसी उंदी करोड़ एवनल बेहरा फौज लोहा परतेके, अदिना वित्तीय साधन ओसो स्नोत अदिना वर्तमान साधन ओसो स्नोत संगे बचोनो गुना ज्यादा मंजी मनवड़, अदिन तन्ना देश ता जनता या विदेश कुना विरोध ता सामना किया लागो आसी मनवड़, ओसो अदु बर्बरतापूर्ण नीतिंग ना सहारा एतवा मत्तेके चीनी जनता किन खरी एवनल प्रतिरोध कियाला काजे मजबूर कित्तेके, अदु निरपेक्ष मजबूती ता परिस्थिति किन बचे किया परिंता ओसो हमेशा ओसो हर जाग ते निरपेक्ष पहलकदमी तन्ना कैदे तासा परिंता। मति इतिहास लोप्पा इद्रम ता निरपेक्ष मजबूती ता परिस्थिति बदे युद्ध या अभियान ता शुरुआती मंजिल लोप्पा वेल्ले कम दिसिंता अदिना आखरी समय ते जरूर दिसिंता। उदाहरण काजे पहली विश्वयुद्ध लोप्पा जर्मनी ता आत्मसमर्पण तुकू मुन्ने मित्र-राष्ट्र निरपेक्ष मजबूती ता परिस्थिति लोप्पा एवसी मत्तांग ओसो जर्मनी निरपेक्ष कमजोर परिस्थिति ते मत्ता। इदिना रिजल्ट जर्मनी हारेमात्ता ओसो मित्र-राष्ट्र जीड़तांग। इद युद्ध ता आखरी समय ते निरपेक्ष मजबूती ओसो निरपेक्ष कमजोरी ता परिस्थिति ता उंदी उदाहरण आंदू ओसो थाएँगच्चांग लोप्पा चीन ता जीत तुकू मुन्ने अगा वर्हाए आता जापानी फौज भीषण लड़ाई ताकता पेरके निरपेक्ष कमजोर परिस्थिति लोप्पा एवसी मत्ता, ओसो मावा फौज निरपेक्ष मजबूती ता परिस्थिति ते एवसी मत्ता। अदिन काजे दुश्मन हारेमात्ता ओसो माटु जीड़तोमा। इद अभियान ता आखरी समय ता निरपेक्ष

मजबूती ओसो निरपेक्ष कमजोरी ता परिस्थिति ता उदाहरण आंदू युद्ध लेवेके अभियान ता आखरी ते सापेक्ष मजबूती ता परिस्थिति या बराबरी ता परिस्थिति लोप्पा वेने आया परिता। इद्रम ता परिस्थिति लोप्पा युद्ध ते समझौता आंता या अभियान लोप्पा गतिरोध पैदा आंता। मति ज्यादातर समस्यांग लोप्पा निरपेक्ष मजबूती ओसो कमतरीए युद्ध या अभियान लोप्पा जीत ओसो हार ता फैसला कींता। इव सब्बे पोल्लोंग युद्ध लेवेके अभियान ता आखरी समय तेने लागू आंता अदिना शुरूआत ते आयो। चीन ओसो जापान ता युद्ध ता जापान निरपेक्ष कमजोरी ता परिस्थिति लोप्पा एवसी युद्ध लोप्पा हारेमांता ओसो चीन तन्ना निरपेक्ष मजबूती ता परिस्थिति ते एवसी जीड़िंता इंदाना रिजल्ट ता बारे ते भविष्यवाणी किया परम्हूंता। मति इंजे रेंडासी पक्ष कुना मजबूती या कमजोरी निरपेक्ष हिल्वा सापेक्ष मंता। मना फौजी, आर्थिक ओसो राजनीतिक-संगठनात्मक शक्तिशालीता ता अनुकूल तत्व ता कारण, जापान इंजे मावा फौजी, आर्थिक ओसो राजनीतिक-संगठनात्मक कमजोरी ता कारण मनाकिन्कू मजबूती ता परिस्थिति ते मंता अदिना कारण ते अदिना पहलकदमी ता आधार बनेमांता। मति फौजी ओसो दूसरा समस्यांग लोप्पा अदिना ताकत परिमाणात्मक रूप ते वेल्ले हिल्ले, ओसो अदिना दूसरा प्रतिरकूल तत्व वेने अदिना मुन्ने मंतांग, अदिन काजे मन्ना अन्तरविरोध ता कारण अदिना मजबूती कमजोर आंता। चीन पोरो अदिना आक्रमण पेरके अदिना मजबूती ओसो वेने ज्यादाए कमजोर आंता बारांकु इतेके अदिन चीन विशाल भूमि, विशाल जनसंख्या ओसो बेहरा फौज ओसो दृढ़ राष्ट्रव्यापी प्रतिरोध ता सामना किया लागता। अदिन काजे कुल मिले कीसि जापान केवल सापेक्ष मजबूती ता परिस्थिति लोप्पा मंता ओसो अदिन काजे पहलकदमी कियाना ओसो पहलकदमी तासना अदिना क्षमता सीमित आता, इंदानास्के वेने भूमि ता विस्तार, जनसंख्या ओसो फौज ता विशालता ओसो मना जनता ओसो फौज ता मनोबल ओसो दुश्मन ता बारे ते ओरा देशभक्तिपूर्ण होंग ता हिसाब ते हूडेतेके अदु मजबूती ता परिस्थिति लोप्पा मंता। अदिना इद मजबूती ओसो दूसरा अनुकूल तत्व अदिना फौजी, आर्थिक ओसो दूसरा ताकत कुना कमजोरी किन उचुन समय एवनल कम किसिंता ओसो अदिन सापेक्ष रणनीतिक कमजोरी ते बदले किसिंतांग। अद्रमासी चीन ता निष्क्रियता वेने उचुन कालम काजे कम आंता।

ओसो रणनीतिक दृष्टि ते अदिना परिस्थिति केवल सापेक्ष निष्क्रियता ता परिस्थिति बनेमांता। मति निष्क्रियता ता बदे वेने परिस्थिति हमेशाए प्रतिकूल मंदिता ओसो अदिन किन ताना लोपाटल बाहर वायला काजे वेल्ले कोशिश कियाना जरूरत मंदिता। फौजी दृष्टि ते इद्रम ता तरीका बाहरी सैन्य पंक्ति कुना पोरों तुरंत निर्णय ता आक्रमणात्मक लडाई दृढ़तापूर्वक ताकी कियाना, दुश्मन ता पृष्ठभाग लोप्पा छापामार युद्ध शुरू कियाना इद्रम कितेके चलायमान अभियान ओसो छापामार लडाईग ताकनास्के दुश्मन पोरों दबाव वायना आंशिक मजबूती ओसो पहलकदमी हासिल कियमूङांता। वेल्ले अभियानकु ना लोप्पा इद्रम ता आंशिक मजबूती ओसो आंशिक पहलकदमी हासिल कीसि, माटु कदम-ब-कदम रणनीतिक मजबूती ओसो रणनीतिक पहलकदमी हासिल किया परिंतोम ओसो रणनीतिक कमजोरी ओसो निष्क्रियता ता परिस्थिति तल पेसा परिंतोमा पहलकदमी ओसो निष्क्रियता लोप्पा, मजबूती ओसो कमजोरी लोप्पा इद्रमताये आपसी संबंध मंता।

83. इदिनगडल माटु पहलकदमी या निष्क्रियता ता युद्ध ता मनोगत निर्देशन संगे बद्रम ता संबंध मंता इंदानदु वेने समझेमाया परिंतोमा मुन्ने वेहत्ता लेकका माटु मना सापेक्ष रणनीतिक कमजोरी ओसो निष्क्रियता ता परिस्थिति तल पेसा परिंतोम, अदिना तरीका वेल्ले अभियानकुनी लोप्पा आंशिक मजबूती ओसो पहलकदमी तल जेक कियाना ओसो अदिन कमजोरी ओसो निष्क्रियता लोप्पा बदले कींता। इद्रमता बदलाव उंदी सही मनोगत निर्देशन पोरों निर्भर मंता। बारांकु ? बारांकु इतेके माटु मजबूती ओसो पहलकदमी हासिल कियला कोशिश किंता, अस्के दुश्मन वेने इद्रमे कींता, इद पहलू तिचि हूडतेके युद्ध फौजी ओसो वित्तीय ताकत लेक्काटा भौतिक परिस्थितिंग ना पोरों आधार आसी मजबूती ओसो पहलकदमी हासिल कियाला काजे संघर्ष कियाना विरोधी फौज कुना कमांडर लोरा मनोगत क्षमता ता प्रतियोगिता (होड़) आंदू इद प्रतियोगिता (होड़) ता कारण उंदी जीड़सी मनवड ओसो दूसरा हरे मासी मनवड, वस्तुगत भौतिक परिस्थितिंग ना तुलना ता पोल्लोंग अलग मंता, जीड़ना पक्ष ता सफलता जरूरी रूप ते अदिना सही मनोगत निर्देशन ता कारण ओसो होरेमायना पक्ष ता हार अदिना गलत मनोगत निर्देशन ता कारण मंदिता। युद्ध ता घटना-क्रम बदे दूसरा

घटना-क्रम तुकू ज्यादा स्पष्ट मन्नो आंता ओसो गारंटी ता कमी मंदिता। दूसरा पोल्लो ने, अदु “संभावना” ता समस्या ज्यादा मंता। अस्के वेने, युद्ध प्रकृति तुकू अलग चीज हिल्ले, इदु जरूरत अनुसार संचालन कित्ता उंदी प्राकृतिक प्रक्रिया आंदू। अदिन काजे सुन ऊ चि ना “मना दुश्मन किन चीनेमायमुट ओसो खुद किन चीनेमायमुट ओसो अस्के हारेमायना ता खतरा तेहवा लेवा सौ लड़ाईंग लड़ेमाया परिंतिर”,<sup>15</sup> इंदाना पोल्लो नेंड वेने उंदी वैज्ञानिक सच्चाई आंदू। मना ओसो दुश्मन ता बारे ते अज्ञान ता कारण तेने गलतिंग आंतांग ओसो युद्ध ता विशेष स्वरूप ता कारण वेल्ले मौका ते मना ओसो दुश्मन ता बारे ते पूर्ण रूप ते जानकारी हासिल कियाना संभव वेने मन्नो आंता। अदिन काजे युद्ध ता परिस्थितिंग ओसो कार्रवाईंग ना बारे ते अनिश्चितता मंदिता ओसो अदिन काजे गलतिंग ओसो हारेमायमूळांता। मति युद्ध ता परिस्थिति ओसो कार्रवाईंग बदे मत्तेकाई, अविना आम पहलुंग ओसो मुख्य पोल्लोंग किन पुंदाना संभव मंदिता। बोर वेने कमांडर मुन्ने फौजी रेक्की कार्रवाईंग संगे समाचार जम्मा कित्ता पेरके तना वेल्ले विचार-विमर्श कित्ता पेरके निर्णय एतसी तना गलतिंग किन कम किया परिंतोर ओसो आम रूप ते सही निर्देशन किया परिंतोर। “आम रूप ते सही निर्देशन” ता हथियार कैदे पोयसी माटु ज्यादा से ज्यादा लड़ाईंग जीडा परिंतोर ओसो तना कमजोरी किन मजबूती लोप्पा ओसो निष्क्रियता किन पहलकदमी लोप्पा बदले किया परिंतोर। पहलकदमी या निष्क्रियता ता युद्ध ता सही या गलत मनोगत निर्देशन संगे इदे संबंध मंता।

84. माटु इतिहस लोप्पा ताकतवर ओसो बेहरा फौज ता हार ओसो कमजोर ओसो सुडला फौज कुना जीत पोरों कोंडा वाटितोम अस्के गलत मनोगत मजबूती तल पहलकदमी किन कमजोरी ओसो निष्क्रियता लोप्पा बदले किसिंता ओसो इंदिना विपरीत सही मनोगत निर्देशन कमजोरी ओसो निष्क्रियता किन मजबूती ओसो पहलकदमी लोप्पा बदले किसियाना इदु प्रस्ताव ओसो ज्यादा विचारशील आंता। चीन ओसो विदेशी कुना इतिहास लोप्पा इद्रम ता वेल्ले उदाहरणकु मंतांग। चीन लोप्पा इद्रम ता उदाहरणकु इद्रम मंतांग: चिन राज्य ओसो छू राज्य नडमा छंगफू ता लड़ाई<sup>16</sup> छू राज्य ओसो हान राज्य नडमा छंगकओ ता लड़ाई, अदु लड़ाई लोप्पा छंगफू हान शिन चाओ ना फौज किन हारे कित्तोर,<sup>17</sup> शिन राज्य ओसो हाम राज्य नडमा

खुनयांग ना लड़ाई, य्वान शाओ ओसो छाओ छाओ नड़मा क्वानतू ता  
लड़ाई, ऊ राज्य ओसो वेइ राज्य नड़मा छपी ता लड़ाई, ऊ राज्य ओसो शू  
राज्य ता नड़मा ईलिंग ता लड़ाई, छिन राज्य ओसो चिन राज्य नड़मा फेइश्वैइ  
ता लड़ाई लेक्काटवु विदेशकुना लोप्पा इद्रम ता लड़ाईग ना उदाहारण कुना  
लोप्पा हूडतेके नपोलियन संगे ताकी कित्ता ज्यादातर अभियान कु<sup>18</sup> ओसो  
सोवियत संघ लोप्पा अक्कूबर क्रांति पेरकेटा गृहयुद्ध शामिल मंतांग। इव  
सब्बे लड़ाईग लोप्पा बेहरा ताकत ता विरुद्ध सुडला ताकत ओसो मजबूत  
ताकत ता खिलाफ कमजोर ताकत जीत हासिल कीतदु मत्ता। इव सब्बे  
लड़ाईग लोप्पा कमजोर फौजकु तन्ना आंशिक मजबूती ओसो पहलकदमी  
संगे दुश्मन ता आंशिक कमजोरी ओसो निष्क्रियता ता मुकबला कीसि  
दुश्मन किन मुने उंदी लड़ाई लोप्पा करारा जवाब हीता ओसो बाकी फौज  
कुना पोर्हा हमला कीसि ओरा वरोनकु-वरोनकिन खत्म कित्ता, ओसो इद्रम  
ओरु तन्ना संपूर्ण परिस्थिति किन मजबूती ओसो पहलकदमी ता परिस्थिति  
लोप्पा बदले कित्तोरा दुश्मन ता परिस्थिति एकदम उल्टा मत्ता - शुरू ते अदु  
मजबूत परिस्थिति ते मत्ता ओसो पहलकदमी अदिना कैदे मत्ता मति मनोगत  
गलतिंग ओसो अंदरूनी अन्तरविरोध कुना कारण ते बस्के-बस्के मजबूत  
परिस्थिति लोप्पा मत्ता ओसो पहलकदमी अदिना कैदल पूराए हत्तादु  
परिस्थिति वाता ओसो हारेमात्ता सेना ता सेनापति या राज्य हिलवा राजाल  
बनेमातोरा। इद्रमे युद्ध ताकी कियाना क्षमता ता मजबूती या कमजोरी  
पहलकदमी या निष्क्रियता किन निर्धारित कियाना वस्तुगत आधर मंता,  
मति इदु तन्ना लोप्पाने वास्तविक पहलकदमी या निष्क्रियता हिल्लो। केवल  
संघर्ष या मनोगत क्षमता ता होइ संगेने वास्तविक पहलकदमी या निष्क्रियता  
पुट्ठी किया परमूङ्गांता। संघर्ष लोप्पा सही मनोगत निर्देशन कमजोरी किन  
मजबूती लोप्पा ओसो निष्क्रियता किन पहलकदमी लोप्पा बदले किया  
परिता। ओसो गलत मनोगत निर्देशन इदिन उल्टा किया परिता। इव सब्बे  
शासक परिवार क्रांतिकारी फौज कुना संगे हारे कित्तादु मंता, इदु आखरी  
जीत ता पोल्लो किन तो विडस्टु, इदु केवल उचुके चीजु कुना लोप्पा  
मजबूती आतेकेने पहलकदमी हासिल कियाना गारंटी वेने आयो आंता।  
कमजोरी ओसो निष्क्रियता वाले पक्ष वास्तविक परिस्थितिंग ना अनुसार  
तन्ना सक्रिय मनोगत कोशिश कुना संगे विशेष परिस्थिति पुट्ठी कीसि

मजबूती ओसो पहलकदमी वाले पक्ष तल पहलकदमी किन पिङ्गा परिंता ओसो जीत हासिल किया परिंता।

85. गलत धारणांग ना शिकार आयना ओसो असावधानी लोप्पा फंसे मायना कारण ते बदे वेने पक्ष ता कैदल मजबूती ओसो पहलकदमी दाया परिंता। अदिन काजे योजाना कित्ता अनुसार दुश्मन किन भ्रम ते वायना ओसो ओरा पोर्रे अचानक हमला कियाना, मजबूती हासिल कियान पहलकदमी पिङ्गना तरीका - असल ते महत्वपूर्ण तरीका आंदू- भ्रम बातल आंदू? “पाकुंग मेड्हा ता हर मर्रा ओसो पोरकांग किन दुश्मन ता सिपाही समझेमायना”<sup>19</sup> इद्रम ता भ्रम ता उंदी उदाहरण मंता। “पूर्व बगिल हमला ता दिखावा कीसि पथिम ते हमला कियाना” दुश्मन नडमा भ्रम पुट्टी कियाना उंदी तरीका आंदू। दुश्मन किन समाचार दोरकतास्के सब्बे हरींग बंद कियाला काजे पर्ताचोन जनता ना समर्थन हासिल कियाना अस्केने माटु बचोनो डावपेंच कुना संगे दुश्मन किन तन्ना कैदल पहलकदमी दायना लेकका गलत निर्णय ओसो गलत कार्वाईंग ना गुमिया लोप्पा अरहाना लोप्पा सफल आयना संभव आया परिंता। इद “लड़ई लोप्पा धोखा हियाना अनुमति मंता” इंदा पीटो अर्थ इदे आंदू “असावाधानी ता परिस्थिति लोप्पा फंसेमायना” इत्तेके बाताल? बाताल इत्तेके तैयारी ता परिस्थिति लोप्पा हिल्वा मंदाना। तैयारी किवा लेवा मजबूती असल ते मजबूती मनो आंता ओसो इद्राम ता परिस्थिति लोप्पा पहलकदमी वेने हासिल कियमूळायो। इद पोल्लो किन समझेमासी बदे फौज, इत्तेके कमजोर मंता मति तैयारी ता परिस्थिति लोप्पा मंता इंदानास्के तन्नाकिनकु ताकतवर मंदाना दुश्मन पोर्रे अचानक हमल कीसि अदिन हारे किया परिंता। अदिन काजे माटु मुन्ने हंजोरे दुश्मन पोर्रे हमला कियाना हल्को आंता इंजी इंतोम, बारांकु इत्तेके ओरू अस्के सावधान हिल्वा मंदितोर इत्तेके तैयारी ता परिस्थिति लोप्प मनोर आंतोरा इव रेंडासी पोल्लोंग- दुश्मन किन भ्रम लोप्पा वाटिंतांग ओसो ओरा पोर्रे अचानक हमला कियाना इत्तेके दुश्मन काजे युद्ध लोप्पा कठिन परिस्थिति पुट्टी कियाना ओसो खुद काजे जीत हासिल कियाना परिस्थिति ता पुट्टी कियाना, ओसो इद्रम मजबूती, पहलकदमी ओसो जीत हासिल कियाना। इव सब्बे पोल्लोंग किन सही साबित कियाना इत्तेके जन-समुदाय किन वेल्ले बेसता तरीका ते संगठित किया लागियर। अदिन काजे इद

पोल्लो इत्तेके दुश्मन ना विरोध कियाना सब्बे जनता किन उंदीकट्ठ कियाना  
 ओसो हर मानेय किन हथियारबंद कियाना, दुश्मन पोर्रो व्यापक आकस्मिक  
 हमला कियाना, दुश्मन किन समाचार एवसी कियाना हर्रिंग किन बंद  
 कियाना ओसो मन्ना फौज किन सुरक्ष ता परिस्थिति लोप्पा तासना वेल्ले  
 महत्वपूर्ण मंता। इद्रम दुश्मन किन मना फौज बस्के ओसो बेगा ओरा पोर्रो  
 हमला कींता खबर मन्नो आयार, ओसो दुश्मन काजे भ्रम पुट्टी कियाना  
 ओसो तैयारी ता परिस्थिति हिल्वा मंदाना वस्तुगत आधार तैयार आयरा।  
 भूमि-क्रांति युद्ध काल लोप्पा चीन ता लाल सेना ओसो मना उचुन कमजोर  
 फौजी ताकत मत्तेकाई लड़ाईग लोप्पा जीत हासिल किया परता, इदिना  
 महत्वपूर्ण कारण जन-समुदाय संगठित ओसो हथियारबंद कियानुद मत्ता।  
 राष्ट्रीय युद्ध किन भूमि क्रांति युद्ध तुकू व्यापक जन-समुदाय संगठित ता  
 ओसो ज्यादा समर्थन मंदाना। मति पाड़ना गलतिंग<sup>20</sup> ना कारण ते जनसमुदाय  
 असंगठित परिस्थिति लोप्पा मंता ओसो अविन तुरंते मावा काम लोप्पा  
 वाटमूड़ायो ओसो बस्के-बस्के ते मावा दुश्मने अदिना इस्तेमाल किंतोरा।  
 बेहरा स्तर ते पूरा जनता किन दृढ़ता ते उंदीकट्ठ कीसिए माटु साधन-खोत ता  
 भंडार हासिल किया परिंतोम अदु युद्ध ता मना सब्बे जरूरत किन पूरा किया  
 परिता। संगेने इद चीज दुश्मन किन भ्रम ते वाटसी ओरा असावधानी ता  
 फायदा एतसी ओरा पोर्रो हमला कीसि दुश्मन किन हरे कियाना मना  
 कार्यनीति किन लागू कियाना लोप्पा वेने निश्चित रूप ते उंदी बेहरा भूमिका  
 निभे कींता। माटु सुंग राज्य ता सामंत श्यांग हिल्लेर ओसो ओना नैतिकता  
 संबंधी मूर्खतापूर्ण आदेशकु<sup>21</sup> ना युद्ध लोप्पा मावा काजे बदे उपयोगी हिल्ले।  
 जीत हासिल कियाना काजे माकिन दुश्मन ता कोंडा-केंवी बंद कीसि ओर  
 किन परताचों कानाल-बेयराल बने कियाना ओसो दुश्मन ना कमांडर लोरा  
 दिमाग ते कनफ्यूजन पुट्टी कीसि ओरकिन पागल बने कियाना। इव सब्बे  
 पोल्लोंगनगल पहलकदमी या निष्क्रियता ता मनोगत निर्देशन संगे बाता  
 संबंध मंता इंजी स्पष्ट आंता। जापान किन हरे कियाला काजे इद्रम ता  
 मनोगत निर्देशन जरूरी मंदिता।

86. मना मजबूत फौजी ताकत ता कारण ओसो मना मुनेटा ओसो इंजेटा मनोगत  
 गलतिंग ना फायदा एतत्ता कारण ते जापाना तन्ना आक्रमण ता मंजिल  
 लोप्पा आम रूप ते पहलकदमी तन्ना कैदे तासिंता। मति अदिना बचोनों

लोप्पा मंदना प्रतिकूल तत्व कुना ओसो युद्ध लोप्पा अदिना किता बचोनो मनोगत गलतिंग ना कारण ते (अविना बारे माटु पेरके विस्तार ते विचार कियाकल) ओसो मावा बचोनो अनुकूल तत्व कु मत्ता कारण ते इंजे ओरा पहलकदमी उचुन समय काजे कम आया मंता। दुश्मन ता थाएँड़च्वांग लोप्पा आता हार ओसो शानशी लोप्पा ओरा संकट परिस्थिति इदिना स्पष्ट उदाहरण मंता। दुश्मन ता पृष्ठभाग लोप्पा मावा छापामार युद्ध ता व्यापक विकास अदिना कब्जा ते मंदाना इलाकांग लोप्पा ओरा गैरिजन सेनांग किन बिल्कुले निष्क्रियता ता परिस्थिति लोप्पा वाटता। दुश्मन इंजे वेने रणनीतिक आक्रमण ता परिस्थिति लोप्पा मंतोर इत्तेके ओसो पहलकदमी इंजे वने ओराए कैदे मंता, मति ओरा रणनीतिक आक्रमण रोमतास्के ओरा पहलकदमी वेने खत्म आंता। दुश्मन ता पहलकदमी तन्ना कैदे वायवा मंदानदुं पहला कारण ओरा हालनाचोम फौज हिल्ले अद्रमासी ज्यादा समय काजे तन्ना हमला जारी तासा परवा मंदानदु आंदू। अभियान कुना लोप्पा मावा आक्रमणात्मक लडाई ओसो दुश्मन ता पृष्ठभाग लोप्पा मावा छापामार युद्ध ओसो दूसरा पोल्लोंग इद पोल्लो ता दूसरा कारण उंदी हंदी एवनल एवता पेर्के जापान किन तन्ना हमला बारांकु रोमी कियाना ओसो अदु तन्ना पहलकदमी तन्ना कैदे तासा परवो आयारा सोवियत संघ मंदानास्के ओसो अंतर्राष्ट्रीय परिस्थिति लोप्पा परिवर्तन इद पोल्लो ता तीसरा कारण आंदू। इदे दुश्मन ता पहलकदमी सीमित मंता ओसो अदिन चकनाचूर किया परमूडांता इंजी तोहिंता। फौजी कार्रवाईंग लोप्पा चीन तन्ना नियमित सेनांग ना संगे अभियान कुना ओसो लडाईंग ना लोप्पा आक्रमणात्मक लडाई जारी तासा परता, दुश्मन ता पृष्ठभाग लोप्पा छापामार युद्ध किन सशक्त रूप ते मुन्ने ओया परता ओसो राजनीतिक रूप ते जन-समुदाय किन बेहरा स्तर ते उंदीकडू किया परता अस्के माटु कदम-ब-कदम रणनीतिक पहलकदमी हासिल कियाना कोशिश ता परिस्थिति लोप्पा एव्वा परितोम।

87. इंजे माटु लचीलापन पोर्ने विचार कियाकल, लचीलापन बातल आंदू? लचीलापन इत्तेके फौजी कार्रवाईंग लोप्पा ठोस रूप ते पहलकदमी किन लागू कियाना इदु फौज कुना लचीला तरीका ता इस्तेमाल कियाना आंदू। फौज कुना लचीला तरीका ते उपयोग कियाना युद्ध ता निर्देशन ता उंदी

केंद्रीय काम आंदू इदु उंदी बेस तरीका ते किया परना वेल्ले मुश्किल आयाना लेकाटा काम आंदू फौज ओसो जनता किन संगठित ओसो शिक्षित कियानाए आयव, युद्ध लोप्पा मावा काम फौज किन लड़ाई लोप्पा वाटना ओसो इव सब्बे काम लड़ाई जीड़ला काजे कियाना काम आंदुंगा। इदु फौज किन संगठित कियाना लेकाटा काम उंदी मुश्किल काम आंदू इंदानादु बदे डावुट हिल्ले, मति फौज कुना कार्रवाई लोप्पा वाटना ओसो वेने मुश्किल काम मंता, खासकर कमजोर फौज ता मजबूत फौज संगे टक्कर आता परिस्थिति लोप्पा। इद्रम कियाला काजे वेल्ले पोरोटा दर्जा ता मनोगत क्षमता मंदाना जरूरी मंता ओसो युद्ध ता अव्यवस्थित, अस्पष्ट ओसो अनिश्चित विशेष परिस्थितिंग किन दूर कीसोरे व्यवस्था, स्पष्टता ओसो निश्चितता पुट्ठी कियाना जरूरी मंता केवल इद्रमे नेतृत्व लोप्पा लचीलापन पोरो अमल किया परमूङ्गांता।

88. जापानी-आक्रमण-विरोधी युद्ध ता रणभमि ता कार्रवाईंग ना बुनियादी उसूल बाहरी सैन्य पंक्ति कुना पोरो तुरंत निर्णय ता आक्रमणात्मक लड़ाई ताकी किया मंता। इद उसूल पोरो अमल कियाला काजे विभिन्न कार्यनीतिंग पंडना, घेरबंदी कियाना ओसो बगिल तिंची पेसिस दायाना, मुन्ने दायना ओसो पेरके गुचना। इव कार्यनीतिंग किन समझेमायना हल्को मंता, मति अविना लचीला तरीका ते इस्तेमाल कियाना ओसो अविना लोप्पा बदलाव कियाना वेल्ले कठीन मंता। इद विषय ते समय, जागा ओसो फौज मूँड महत्वपूर्ण कड़ींग मंता। बस्के एवनल समय, जागा ओसो फौज ता बेसता चुनाव आयो अस्के एवनल बदे वेने जीत हासिल किया परमूङ्गायो। उदाहरण काजे दुश्मन किन मुन्ने वासी बदे सेना पोरो आक्रमण कियाना लोप्पा माटु समय तुकू मुन्ने नुक्सान कित्तेके माटु मना किन दुश्मन ता तैयारी ता मौका हींतोम इंजी तोहिंतोम। ओसो माटु वेल्ले लेट हमला कित्तेके वेने दुश्मन ता डेरा वाटिंता ओसो तन्ना फौज किन जमा कींता ओसो माकिन वेल्ले कठीन परिस्थिति ता मुकाबला किया लागना संभावना मंता। इदु समय ता समस्या आंदू माटु मन्ना हमला ता जागा दुश्मन ता डावड कै बगिल उंदी जाग किन चुने कित्तेके ओसो अदु जागा निज्जमे दुश्मन ता कमजोर जागा आंदू इंदानास्के माटु हल्कोए जीत हासिल किया परिंतोम, मति माटु ओरा तिन्नड़ कै बगिल हमला कित्तेके, ओसो ओरा बदे मजबूत जागा ते टक्करेमातोम

इंदानास्के माटु मना कैदे बाताले हासिल किया परवोम आंतोम। इद जागा ता समस्या आंदू बदे विशेष काम काजे माटु मना फौज ता बदे विशेष यूनिट किन लोहंतोम अस्के जीत हासिल कियाना हल्को मंदिंता, मति अदे काम काजे बदे दूसरा यूनिट किन लोहंतोम अस्के सफलता दोरकी कियाना कठीन आंता। इदु फौज ता समस्या आंदू माटु केवल कार्यनीतिंग किन इस्तेमाल कियाना पुंदानाए अयवा अविन बदले कियाना वेने पुंदाना। कार्यनीतिंग लोप्पा बदलाव कियाना इत्के आक्रमण तुकू रक्षा कियाना ता परिस्थिति लोप्पा या रक्षा तल आक्रमण ता परिस्थिति लोप्पा वायना, मुने दायना ता परिस्थिति तल पेरके गुचना ता परिस्थिति लोप्पा या पेरके गुचना परिस्थिति तल मुने वायना परिस्थिति लोप्पा वायना, रोमी कीसि तासना दलम तुकू हमला कियाना दलम लोप्पा या हमला कियाना दलम तुकू रोमी कियाना दलम लोप्पा बदले कियाना, धेरेबंदी कियाना परिस्थिति लोप्पा बगिल तिंची पेसिस दायना ता परिस्थिति लोप्पा या बगिल ता पेसिस दायना ता परिस्थिति तल धेरेबंदी ता परिस्थिति लोप्पा वायना, ओसो इव कार्यनीतिंग ना बदलाव रेंडासी पक्ष किना परिस्थिति ओसो जगा ता आकार किन ध्यान ते ताससोरे समय मत्तास्केने ओसो सही तरीका ते कियाना, इद नेतृत्व संगे-संगे अभियान कुना नेतृत्व ओसो रणनीतिक नेतृत्व काजे वेने सही मंता।

89. प्राचीन काल लोप्पा लोकुर इद्रम इंदानोरः “कार्यनीति लोप्पा कौशल तोहाना दिमाग ता काम आंदू” इदु “कौशल” इदिन माटु लचीलापन इंतोम, वरोर दिमाग मंदाना कमांडर ना क्षमता लोप्पा वांता। लचीलापन इत्के अन्धाधुंध कार्रवाई इंजी आयो, अन्धाधुंध कार्रवाई किन बिल्कुले विडसना। बोराई बेसता कमांडर ना लचीलापन ओना क्षमता आंदू अदिन वस्तुस्थिति ता आधार ते “समय ता गति ओसो परिस्थिति किन आंकालन” कित्ता पेरके (“परिस्थिति” लोप्पा दुश्मन ता परिस्थिति, मावा परिस्थिति ओसो जागा ता परिस्थिति शामिल मंता) समय ओसो जरूरत अनुसार कै तोहाना लेकका बने कींता। ओसो इदु लचीलापन आंदू “कार्यनीति लोप्पा कौशल तोहाना”। इदे “कौशल” पोर्हा आदार आसी माटु बाहरी सैन्य पंक्ति कुना पोर्हो तुरंत निर्णय ता आक्रमणात्मक लड़ाईंग लोप्पा ज्यादा से ज्यादा जीता हासिल किया परितोम, दुश्मन ता मजबूती ओसो मावा कमजोरी ता परिस्थिति किन बदले किया परितोम, दुश्मन ता विरुद्ध मना पहलकदनी हासिल किया परितोम

ओसो दुश्मन पोर्हे दबाव वाटसी ओरकिन खत्म किया परिंतोम। मना आखरी जीत ता गारंटी हिया परिंतोम।

90. इंजे माटु योजना बने कियाना सवाल किन हूड़ाकाला युद्ध ता तना विशिष्ट अनिश्चितता ता कारण दूसरा कार्रवाईंग ना तुलना ते युद्ध ता कार्रवाई किन योजना ता अनुसार ताकी कियाना वेल्ले कठीन मंता। मति “तैयारी ता परिस्थिति सफलता ता गारंटी कींता ओसो तैयारी आया परवा परिस्थिति तल असफलता पैदा आंता”, अदिन काजे मुन्नेटले योजना बने कियाना ओसो मुन्नेटले तेयारी किवा लेवा युद्ध लोप्पा जीत हासिल कियाना परमूड़ायो। युद्ध लोप्पा निरपेक्ष निश्चितता वेने मनो आंता। माटु मना परिस्थिति ता बारे ते अपेक्षकृत ज्यादा निश्चिच मंदिंता। माटु दुश्मन ता परिस्थिति ता बारे ते वेल्ले कम निश्चित मंदिंता, मति इगा वेने माटु लक्षण कुन हूड़ा परिंतोम, कोज्जींग हूड़ा परिंतोम ओसो घटना पोर्हे बेस विचार कियाना परिंतोम। इवे पोल्लोंगनगडल उचुन समय एवनल सापेक्ष गारंटी बनेमांता अदु युद्ध ता योजना बने कियाना लोप्पा वस्तुगत आधार दोरकी कींता। पूना तकनीकी विकास (टेलीग्राम, रेडियो, हवाई जहाज, मोटर, रेल, एर जहाज लेक्कटवु) युद्ध ता योजना बने कियाना संभावना किन ओसो वेने बेरसी किसिंता। मति अपरिवर्तनशील ओसो स्थिर योजना बने कियाना मुश्किल आंता बारांकु इत्तेके युद्ध लोप्पा गारंटी केवल सीमित ओसो अस्थाई मंदिंता। इद्रम ता योजना युद्ध ता गति (प्रवाह ओसो बदलाव) संगे बदलेमासोर मंता ओसो युद्ध ता विस्तार अनुसार अदिना दर्जा वेने घटेमासोर-बढेमासोर मंदिंता। कार्यनीतिक योजनांग, इत्तेके सुडला फौजी फार्मेशन या सुडला युनिटकु ना संगे आक्रमण या रक्षा ता योजनांग, पिय्यल बचोनो बेरा बदले किया लागिंता। बदे अभियान ता योजना इत्तेके बदे बेहरा फौजी फार्मेशन ता कार्रवाई ता योजना आम रूप ते अद अभियान ता आखिर एवनल ताका परिता, मति अद अभियान ताकनास्के अदिन लोप्पा आंशिक लेवेके बस्के-बस्के पूराए बदलाव वेने आंता। रेंडांसी पक्ष कुना पूरा परिस्थिति पोर्हे आधार आसी मंदाना उंदी रणनीतिक योजना ओसो वेने ज्यादा स्थिर आंता, मति अदिन वेने उंदी विशिष्ट रणनीतिक मंजिल लोप्पाने लागू कियमूडांता ओसो युद्ध ता उंदी पूना मंजिल बगिल दायना पोर्हे अदिन वेने बदलाव किया लागिंता। कार्यनीतिक योजना, अभियान ता योजना

ओसो रणनीतिक योजना लोप्पा ओसो परिस्थिति ता अनुसार तय कियाना ओसो अविना लोप्पा बदलाव कियाना युद्ध-निर्देशन ता उंदी निर्णायक तत्व आंदू इद वेने युद्ध लोप्पा लचीलापन ठेस रूप ते दिसिंता, दूसरा पोल्लोने इद कार्यनीति लोप्पा कौशल तोहाना। जापानी आक्रमण विरेधी युद्ध लोप्पा सब्बे स्तर ता कमांडर लोर किन इदिना बगिल ध्यान हियाना जरूरत मंता।

91. युद्ध ता गतिशीलता ता कारण ते उचुन मुल इद योजनांग या नीतिंग किन सापेक्ष रूप ते स्थिर मंदा परितांग इंदाना पोल्लो किन मानेमायोर आंतोर अनि ओरु इद्रम ता योजनांग या नीतिंग किन “यान्त्रिक” इंजी वेहिंतोरा। इद दृष्टिकोण गलत मंता। मुनेटा भाग ते माटु युद्ध ता परिस्थिति ता सापेक्ष रूप ते इव गारंटी मंदाना ओसो युद्ध ता प्रवाह (गति या बदलाव) ता तीव्र आयाना कारण, युद्ध ता योजनांग या नीतिकंग सापेक्ष रूप ते परिस्थितिए मंदिता ओसो बदलेमासोर मंदाना परिस्थिति ओसो युद्ध ता गति ता अनुसार अदिना लोप्पा सहू समय ते बदलाव कियाना जरूरी मंता इंजी मानेमायोम आंतोमः लेवेके माटु यंत्रवादी बनेमांतोमा। अद्रम आतेकाई युद्ध ता इद्रम ता योजनांग या नीतिंग ना उंदी निश्चित समय काजे सापेक्ष रूप ते स्थिर मंदाना जरूरत तुकू बिलकुले इनकार कियानायो। इद पोल्लोटा निषेध कियाना इत्तेके हर चीज ता निषेध कियाना आंता, खुद युद्ध ता ओसो निषेध कियाना मानेय ना वेने निषेध कियाना आंता। बारांकु इत्तेके युद्ध ता परिस्थिति ओसो कार्वाईंग रेंडासी सापेक्ष रूप ते स्थिर मंदितांग। ओसो अविनगडल पैदा आयना युद्ध ता योजनांग या नीतिंग वेने सापेक्ष रूप ते स्थिर मंदाना जरूरत मंदिता। उदाहरण काजे उत्तरी चीन लोप्पा युद्ध परिस्थितिंग ओसो आठवी राह सेना ता कार्वाईंग ना बिखरेमात्ता स्वरूप, रेंडासी उंदे विशेष समय काजे सापेक्ष रूप ते स्थिर मंतांग, अदिन काजे इद समय ते आठवीं राह सेना ता कार्वाई ना इद रणनीतिक उसूल ता सापेक्ष स्थिरता किन मानेमायना वेल्ले जरूरी मंता, इत्तेके “बुनियादी रूप ते छापामार लडाई किमूट, मति अनुकूल परिस्थिति लोप्पा चलायमान लडाई ता बदे वेने मौका कैदल दायला हीमाटु” बदे अभियान ता उसूल ता लागू आयना समय उंदी रणनीतिक उसूल ता लागू आसी मंदाना समय तुकू कम मंता ओसो कार्यनीतिक उसूल ता लागू आसी मंदाना समय इत्तेके ओसो वेने कम मंदिता, मति हर उसूल उंदी निश्चिच समय काजे स्थिर जरूर मंदिता। माटु इद पोल्लो किन

मानेमायला इनकार कींतोम इंदानास्के युद्ध ताकी कियाना हर्री बदे मन्नो आयार ओसो इद्रम ता मानेय युद्ध लोप्पा उंदी सापेक्षतावादी मानेय बनेमांतोर, ओसो ओना बदे तय कित्ता विचार मन्नो आंता ओसो ओना काजे बदे वेने हर्री दूसरोर किन आताचोने सही या गलत आंता। उंदी तय समय काजे लागू आयना उसूल वेने गतिशील मंदिंता इंदाना पोल्लो किन बोरे वेने इनकार कीवोर आंतोः ओसो उंदी उसूल किन विड़सी अदिन जागा ते दूसरा उसूल किन लागू कियमूङायो आंता। मति इदु गतिशील सीमित मंदिंता। इत्तेके इद उसूल किन लागू कियाला काजे कियाना अलग-अलग फौजी कार्हवाईंग लोप्पा गतिशीलता मंदिंता, अविना लोप्पा बदे मौलिक स्वरूप मन्नो आंता। दूसरा पोल्लो ने इदु गुणात्मक गतिशीलता आयवा लेवा परिणात्मक गतिशीलता आंदू। उंदी निश्चित समय तेने इद्रम ता मौलिक स्वरूप बदे वने परिस्थिति ते गतिशील मन्नो आंता। उंदी निश्चित समय तेने सापेक्ष स्थिरता इत्तेके मना हिसाब ते इदे आंदू पूरा युद्ध ता निरपेक्ष गतिशीलता ते, हर खास समय लोप्पा सापेक्ष स्थिरता मंदिंता - युद्ध योजनांग या नीतिक ना मौलिक स्वरूप ता बारे ते माव विचार इदे आंदू।

92. रणनीति ता दृष्टि ते लोप्पटा सैन्य पंक्ति पोर्रो दीर्घकालीन रक्षात्मक युद्ध, ओसो अभियान कु ओसो लड़ाईंग लोप्पा बाहरी सैन्य पंक्ति कुना पोर्रो तुरंत निर्णय ता आक्रमणात्मक लड़ाई ना संगे-संगे पहलकदमी, लचीलपन ओसो योजना ना चर्चा कित्ता पेरके इंजे माटु सारांश रूप ते इद्रम इंदा परितोमः जापानी-आक्रमण-विरोधी युद्ध लोप्पा योजना जरूरी बने कियाना। रणनीति ओसो कार्यनीति किन ठोस रूप ते लागू कियाना संगे संबंध मंदाना युद्ध ता योजनांग लचीलापन ते मंदाना अस्केने अविन युद्ध ता परिस्थिति ता अनुसार बने किया परमूङांता। माकिन हमेश मना कमजोर स्तर किन मना मजबूत स्तर ते ओसो मना निष्क्रियता किन मना पहलकदमी लोप्पा बदले कियाना कोशिश किसोर मंदान, अद्रम कित्तेके माटु मना ओसो दुश्मन नड़मा ता परिस्थिति किन बदले किया परितोम। अभियान ओसो लड़ाईंग लोप्पा बाहरी सैन्य पंक्ति कुना पोर्रो तुरंत निर्णय ता आक्रमणात्मक लड़ाई लोप्पा ओसो रणनीति ता दृष्टि ते लोप्पटा सेनांग पोर्रो दीर्घकालीन रक्षात्मक युद्ध लोप्पा इव सब्बे पोल्लोंग दिसिंतांग।

## चलायमान लड़ाई, छापामार लड़ाई ओसो मोर्चाबद्ध लड़ाई

93. लोप्पाटा सैन्य पंक्ति दीर्घकालीन युद्ध ओसो रक्षा ता रणनीति ता सीमा लोप्पा अभियान ओसो लड़ाईग ताकनास्के बाहरी सैन्य पंक्ति कुना पोरों कियाना तुरंत निर्णय कुना आक्रमणात्मक लड़ाई युद्ध लोप्पाटा विषय (अन्तर्वस्तु) बनेमांता, अस्के युद्ध चलायमान लड़ाई ता रूप एतिंता। चलायमान लड़ाई उंदी नियमित सेनांग संगे जेक एवनल फैलेमासोरे युद्ध मोर्चांग ओसो विशाल युद्ध इलाकांग लोप्पा अभियान ओसो लड़ाईग ताकनास्के बाहरी सैन्य पंक्ति कुना पोरों तुरंत निर्णय ता आक्रमणात्मक लड़ाईग कियाना लड़ाई आंदू संगेने तीना लोप्पा वेहता लेकका “चलायमान रक्षा” वेने शामिल मंता, अदिन बदे जरूरी मौका ते इद्रम ता आक्रमणात्मक लड़ाईग लोप्पा मदद एवसी कियाला काजे अमल ते तत्ताना आंता। इदे आयवा इदिना लोप्पा मोर्चाबंदी पोरों हमला ओसो मोर्चाबद्ध रक्षा वेने शामिल मंता, अविना सहायक भूमिका मंदिता। अदिना विशिष्टतांग नियमित सेनांग, अभियानकु ओसो लड़ाईग लोप्पा फौज कुना मजबूती, आक्रमणात्मक स्वरूप ओसो गतिशीलता लेककाटवु मंतांग।
94. चीन ता क्षेत्रफल विशाल मंता ओसो अदिना फौज कुना संख्या वेल्ले मंता, मति अदिना फौजकु हालनाचोन सजेमासी मत्ता ओसो प्रशिक्षण एतसी हिल्वा मत्ता। दूसरा बगिल, दुश्मन ता फौज कुना संख्या लोप्पा वेल्ले कमी मंता, मति मना किनकु ज्यादा समजेमासी ओसो प्रशिक्षित आसी मंता। इव परिस्थितिंग लोप्पा, मनाकिन जरूर आक्रमणात्मक चलायमान लड़ाई किने मना लड़ाई ता मुख्य रूप बने कियाना, ओसो लड़ाई ता दूसरा रूप ता सहायता एतसोरे अव सब्बे किन चलायमान लड़ाई लोप्पा काल्पी कीसियाना। मनाकिन “केवल पेरके गुचना ओसो बस्केने मुने हनवा मंदाना” ता विरोध कियना, इदु पलायनवाद आंदू, संगेने मना किन “केवल मुने दायना ओसो पेरके गुचवा मंदाना” ता वेने विरोध कियाना इदु जीवा ता परवाह किवा लेवा मंदाना दुस्साहसिकता आंदू।
95. चलायमान लड़ाई ता उंदी विशेषता अदिना गतिशीलता आंदू, अदु बदे रणांगन-सेना किन केवल लम्बा डाका वाटसी मुने दायना ओसो पेरके गुचना अनुमति हीवा लेवा अदिना काजे इदिन जरूरी वेने बने किसिंता। मति

इदिना ओसो हान फू-च्ची लेकका पलायनवाद<sup>22</sup> नड़मा बदे समानता हिल्ले। युद्ध ता बुनियादी जरूरत दुश्मन किन नष्ट कियाना मंता, ओसो खुद किन सुरक्षित तासनादु अदिना दूसरा जरूरत आंदू। खुद किन सुरक्षित तासना ता उद्देश्य दुश्मन किन नष्ट कियाना मंता ओसो दुश्मन किन नष्ट कियाना खुद किन सुरक्षित तासना सबसे प्रभावशाली तरीका आंदू। अदिन काजे चलायमान लडाई बस्के वने हान फू-च्ची लेककाटोरा काजे बहाना बनेमाय परवो आंता, ओसो इद्रम इत्तेके केवल पेरके गुचसोर मंदना ओसो मुन्ने बस्केने हनवा लेवा मंदाना इंजी बिल्कुले आयो। इद्रम ता “गुचना”, चलायमान लडाई ता मौलिक आक्रमणात्मक स्वरूप ताए निषेध कीसिंता, व्यवहार लोप्पा, चीन किन अदिना विशालता मत्तेकाई खुदता अस्तित्वए “खत्म” किसिंता।

96. मति उंदी दूसरा विचार, इत्तेके “केवल मुन्ने दायना ओसो बस्के पेरके गुचवा मंदाना” विचार, इत्तेके जीवा ता परवाह किवा लेवा दुस्साहसिकता वेने गलत आंदू। माटु बद चलायमान लडाई ता बारे वडकिंतोम ओसो अदिना लोप्पाटा विषय अभियान ओसो लडाईंग लोप्पा बाहरी सैनांग पेरों तुरंत निर्णय ता आक्रणात्मक लडाई ताकी कियाना मंदिंता, ताना लोप्पा मोर्चेबद्ध लडाई, अदिना भूमिका ता सहायता मंदिंता, ओसो “चलायमान रक्षा” ओसो पेरके गुचना वेने शामिल मंता, इद लेवेके चलायमान लडाई पूर्ण रूप ते ताकी किया परमूडायो। जीवा ता परवाह किवा लेवा दुस्साहसिकता कियाना फौजी अदूरदर्शिता तन्ना जमीन तन्ना कैदल दायना वरी पुट्ठी किंता। जीवा ता परवाह कीवा लेवा दुस्साहसिकता संगे काम कियानोर किन चलायमान युद्ध ता उंदी विशेषता ओना गतिशीलता आंदू इंजी समझेमायोर आंतोर, इदु बदे रणांगन-सेना किन केवल लम्बा डाका वाटसी मुन्ने दायना ओसो पेरके गुचना अनुमतिए हीवा लेवा अदिना काजे इदिन जरूरी वेने बने किसींता। सकारात्मक रूप ते दुश्मन किन उंदी प्रतिकूल ओसो मना काजे अनुकूल मंदाना लडाई लोप्पा एरियसोर तत्तला काजे आम रूप ते दुश्मन मुन्ने दायानास्के ओसो मना काजे अनुकूल मंदाना शर्तकु मंदाना जरूरी मंदिंता, इत्तेके अनुकूल जागा, दुश्मन किन हल्कोए हरे कियाना लेककाटा परिस्थिति, दुश्मन किन समाचार एवसी कियाना स्नोत किन बंद किया परना स्थानीय आबादी मंदाना, दुश्मन ता दोगना ओसो ओर तैयारी ता कमी ता

परिस्थिति मंदाना। अदिना काजे दुश्मन मुन्ने वायना ओसो माटु अस्थाई रूप ते मना प्रदेश ता बदे उंदी हिस्सा दायना ते वेरी हिल्वा मंदाना जरूरी मंता। बारांकू इत्तेके अपना प्रदेश ता बदे हिस्सा अस्थाई रूप ते हत्ता इंदानास्के ताना कीमत माटू पूरा प्रदेश किन स्थाई रूप ते अपना ता अधिकार ते तासा परितोम ओसो मना हत्ता राज्य किन वापस पोय्या परितोम। नकारात्मक रूप ते माटु बस्केनाई मजबूर आसी इद्रम ता प्रतिकूल परिस्थिति लोप्पा अरतास्के, इत्तेके मावा फौज ता सुरक्षा काजे बुनियादी रूप ते खतरा पैदा आता इंदानास्के, अदु परिस्थिति लोप्पा मना फौज किन बचे कियाना ओसो पूना मौका वातास्के दुश्मन पोरों दोबारा हमला कियाना लक्ष्य ते, माटु मना लोप्पा पेरके गुचना साहस पैदा कियाना। इद पोल्लो ता जानाकारी हिल्वा कारण तेने जीवा ता परवाह किवा लेवा दुस्साहस कियानोर स्पष्ट ओसो निश्चित रूप ते प्रतिकूल परिस्थिति लोप्पा वेने, बदे उंदी शहर या जमीन ता तुकड़ा काजे संघर्ष जारी ताससोरे फौज कुना सुरक्षित तास्तेकाई वेने असफल आंतोम। माटु हमेशाए “दुश्मन किन लेसी कीसि मना राज्य लोप्पा नेंगी कियाना” नीति ता पक्ष एतिंतोम, बारांकू इत्तेके इदु नीति रणनीतिक रक्षा लोप्पा वाटता उंदी कमजोर सेनांग काजे, मना मजबूत दुश्मन ता खिलाफ लड़ेमायना लोप्पा सबसे ज्यादा प्रभावशाली फौजी नीति साबित आंता।

97. जापानी-आक्रमण-विरोधी युद्ध लोप्पा लड़ाई ता रूप ते चलायमान लड़ाई ता मुख्य जागा मंता ओसो ताना पेरके छापामार लड़ाई वांता। अस्के माटु संपूर्ण युद्ध लोप्पा चलायमान लड़ाई प्रमुख ओसो छापामार लड़ाई ताना सहायोग काजे मंता इंजी इंतोम, अस्के मना हिसाब ते युद्ध ता परिणाम ता निर्णय मुख्य रूप ते नियमित लड़ाई मंदिता, खासकर अदिना चलायमान रूप आंदू, ओसो छापामार लड़ाई युद्ध ता परिणाम ता निर्णय कियाना लोप्पा मुख्य भूमिका निभे किया परिंता। मति अद्रम इत्तेके इद युद्ध ता रणनीति लोप्पा छापामार लड़ाई ता भूमिका महत्व हिल्ले इंजी आयो। जापानी-आक्रमण-विरोधी युद्ध ता संपूर्ण रणनीति लोप्पा चलायमान लड़ाई पेरके इदिनाए भूमिका मेन मंदिता, बारांकू इत्तेके इदिना सहायता लेवा माटु दुश्मन किन हारे किया परवोम। इद पोल्लो किन वेहानास्के मना दिमाग लोप्पा छापामार लड़ाई किन चलायमान लड़ाई ता रूप ते विकसित कियाना रणनीतिक काम वेने मंदिता। दीर्घकालीन, निर्मम युद्ध ताकनास्के छापामार

लड़ाई उंदी लेककाटा परिस्थिति लोप्पा मनवा लेवा विकास आसी चलायमान लड़ाई ता रूप ते विकसित आंता। इद्रमे छापामार लड़ाई रेंडु रणनीतिक भूमिका निभे कींता। नियमित लड़ाई ता सहायता कियाना ओसो तना किन नियमित लड़ाई लोप्पा बदले की कियाना। चीन ता जापानी-आक्रमण-विरोधी युद्ध लोप्पा छापामार लड़ाई ता अभूतपूर्व विस्तार ओसो अदिना अभूतपूर्व दीर्घकालीन ता कारण ते अदिना रणनीतिक भूमिका किन कम कीसि हूँडवा मंदाना वेल्ले जरूरी मंता। अदिन काजे, चीन लोप्पा छापामार लड़ाई ता मुन्ने केवल तना कार्यनीतिक समस्यांगे आयवा अदिना विशेष रणनीतिक समस्यांग वेने मंतांग। “जापानी-विरोधी छापामार युद्ध ता रणनीतिक समस्यांग” पोर्णल ता लेख लोप्पा इविना बारे ते नन्ना मुन्ने ने विचार कित्तान। पोर्ण वेहता लेक्का जापानी-आक्रमण-विरोधी युद्ध ता मृदु रणनीतिक मंजिल लोप्पा युद्ध ता विभिन्न रूप इद्रम मंदिंतांग। मुन्नेटा मंजिल लोप्पा चलायमान लड़ाई युद्ध किन प्रमुख रूप मंता ओसो छापामार लड़ाई ओसो मोर्चेबद्ध लड़ाई अदिना सहायक रूप मंदिंता। दूसरी मंजिल लोप्पा छापामार लड़ाई मुन्ने हंजी प्रमुख मंदिंता ओसो चलायमान लड़ाई या मोर्चेबद्ध लड़ाई अदिना सहायक भूमिका निभे कींता। तीसरी मंजिल लोप्पा चलायमान लड़ाई ओसो उंदी बेरा मुन्ने वासी प्रमुख जागा एतिंता अनि मोर्चेबद्ध लड़ाई ओसो छापामार लड़ाई अदिना सहायक भूमिका निभे कींता। मति तीसरी मंजिल लोप्पा चलायमान लड़ाई पूर्ण रूप ते मुन्नेटा नियमित सेनांग संगेने आयवा अदिना उंदी हिस्सा बचोन आया परिंता अचोन महत्वपूर्ण हिस्सा, मुन्ने या छापामार दलम संगे लड़ेमांता, अस्के एवनल अदु छापामार लड़ाई ताकी कियाना परिस्थिति लोप्पा मुन्ने वाली चलायमान लड़ाई कियाना परिस्थिति लोप्पा एवसी मंदिंता। इव मृदु मंजिल कुन ध्यान ते तासिसी चीन ता जापानी-आक्रमण-विरोध युद्ध लोप्पा छापामार लड़ाई निश्चित रूप ते जरूरी मंता। मावा छापामार लड़ाई मानव जाति ता युद्ध-इतिहास लोप्पा उंदी महान, उंदी बस्के आयवा नाटक पेश कियारा। अदिन काजे इदु चीन ता बीसियों लाख नियमित सैनिक लोरा लोप्पा कम से कम उचुन लाख सैनिक लोर किन दुश्मन संगे पोयता सब्बे इलाकांग लोप्पा फैले कियाना वेल्ले जरूरत मंता, अगा जन-समुदाय किन हथियारबंद आयला काजे जागृत कियाना ओसो तालमेल कीसि छापामार लड़ाई कियाना। बद

नियमित सेनांग किन इद काम पोर्रे वाटतदू मंता, ओरकिन इदु जागरूकता लेकका वेल्ले महत्वपूर्ण काम किन तम्मा कैदे पोयना। ओरकिन इदिना कारण ते खुद परिस्थिति किन कमजोर आल्सनायो, इतेके इंजे ओरकिन बेहरा लडाईंग लडेमायना मौका दोरको आयर ओसो अदिना कारण ते उचुना समय काजे ओरु राष्ट्रीय वीर लोरा रूप ते मुन्ने वाया परवोर आयनूर इंजी आल्सनायो। इद्रम ता हर विचार गलत मंता। छापामार युद्ध लोप्पा केवल नियमित युद्ध लेक्काने स्पीड ते रिजल्ट दोरकी किया परमङ्गायो, ओसो चकाचौध पुट्ठि कियाना पोर्रेल दोरकी किया परमङ्गायो। मति बद हिसाब ते “जेक ता यात्रा संगे घोड़ा ता ताकत ता अंदाजा आंता ओसो दीर्घकालीन काम ता संगेने मानेय ना जीवा ता अंदाजा आंता”, अद्रमे छापामार युद्ध वेने इदु दीर्घकालीन ओसो निर्मम युद्ध लोप्पा तन्ना ताकत प्रदर्शन कीता। इदु बदे डावुट हिल्वा साधारण काम आयो। इदे आयवा, इद्रम ता नियमित सेना बिखेरेमात्तास्के छापामार लडाई ताकी किया परिंता ओसो जमा आतास्के चलायमान लडाई वेने ताकी किया परिंता, आठवीं राह सेना कित्ता लेक्का। आठवीं राह सेना ता उसूल इद्रम मंता। “बुनियादी रूप ते छापामार लडाई किमूट, मति अनुकूल परिस्थितिंग लोप्पा चलायमान लडाई वेने कियाना बदे मौका कैदल दायला हियमाटु” इदु उसूल बिलकुल सही मंता। इदिना विरोधी लोरा विचार गलत मंता।

98. चीन ता वर्तमान तकनीकी स्तर ते, रक्षात्मक आक्रमणात्मक मोर्चाबद्ध लडाई अव्यवहारिक मंता ओसो मावा कमजोरी इदे पोल्लो लोप्पा दिसिंता। ओसो दुश्मन मावा जमीन ता विशाल हिस्सा ता इस्तेमाल मावा किलेबंदी तल बचेमासी मुन्ने दायला काजे किया मंता। अदिन काजे मोर्चाबद्ध लडाई मावा काजे उंदी महत्वपूर्ण साधन वेने बनेमाया परवो, मुख्य साधन बनेमायना ता तो पोल्लोए हिल्लो। मति युद्ध ता पहली ओसो दूसरी मंजिल लोप्पा चलायमान लडाई लोप्पा आंशिक मोर्चाबद्ध लडाई ता उपयोग अभियान कुना कार्रवाईंग लोप्पा सहायक भूमिका ता रूप ते कियाना संभव ओसो जरूरी मंता। अर्ध-मोर्चाबद्ध “चलायमान रक्षा” चलायमान लडाई ता ओसो वेल्ले जरूरी अंग आंदू अदिन हर कदम ते दुश्मन ता प्रतिरोध कियाना ओसो इद्रम सेना किन कमजोर कियाना ओसो खुद किन वेल्ले समय दोरकी कियना लक्ष्य ते लागू कियमङ्गांता। चीन किन तन्ना आधुनिक हथियार कुना

संख्या बेरसी कियाना कोशिश कियाना जरूरत मंता, इद्रम कितेके रणनीतिक प्रत्याक्रमण ता मंजिल लोप्पा अदु मोर्चाबंदी पोर्णे हमला कियाना काम किन सही तरीका ते पूरा किया परिंता। इद रणनीतिक प्रत्याक्रमण ता मंजिल लोप्पा मोर्चाबद्ध लड़ाई ज्यादा बेहरा भूमिका निभे कींता इंजी बदे डावुट हिल्ले, बारांकु इतेके अस्के दुश्मन तन्ना मोर्चा पोर्णे दृढ़ता ते नितसी मंदिता ओसो बस्के एवनल माटु चलायमान लड़ाई संगे मोर्चाबंदी पोर्णे शक्तिशाली हमला ता तालमेल किवोम अस्के एवनल मना पोहता राज्य किन वेंडे हासिल कियाना लोप्पा सफल आया परवोम आंतोमा। अस्के वेने तीसरी मंजिल लोप्पा मनम चलायमान लड़ाई किने युद्ध ता मुख्य रूप बने कियाना पूरा कोशिश कियाना। बारांकु इतेके पहली विश्वयुद्ध ता उत्तरार्थ लोप्पा पश्चिमी योरोप ते मोर्चाबद्ध लड़ाई किन बद हिसाब ते ताकी कित्तादु मंतायो, अद्रम ता परिस्थिति लोप्पा युद्ध निर्देशन ता कला ओसो मानेय ना सक्रिय भूमिका ज्यादाए बेकार आंता। बारांकु इतेके इद युद्ध चीन ता विशाल भूमि पोर्णे ताका मंता, ओसो चीन ता वेल्ले लम्ब समय एवनल तकनीकी दृष्टि ते कमजोर मंदिता, अदिन काजे इद “युद्ध किन बंकर तल बाहर” ओयाना स्वाभाविक मंता। तीसरी मंजिलतास्के वेने चीन तकनीकी रूप ते वेल्ले बेसता परिस्थिति लोप्पा मंदिता ओसो इद क्षेत्र लोप्पा अदु दुश्मन किन हरे किया परिंता बहे ओसो अदिन काजे अदिन पोर्णोटा स्तर ता चलायमान लड़ाई ताकी कियाना काजे मजबूर आया लागिंता, लेवेके अदु आख्या जीत बिल्कुल दोरकी किया परवो आंता। अदिन काजे पूरा जापानी-आक्रमण-विरोधी युद्ध ताकानास्के चीन मोर्चाबद्ध लड़ाई किन युद्ध ता मुख्य रूप बस्केने बनेमायो आंता। युद्ध ता मुख्य ओसो महत्वपूर्ण रूप चलायमान लड़ाई ओसो छापामार लड़ाई मंदिता। युद्ध ता इव रूप कुना लोप्पा युद्ध निर्देशन ता कला किन ओसो मानेय सक्रिय भूमिका किन पूरा खुल्ला मौका दोरकिंता - इद मावा खराब परिस्थिति तल पैदा आयना बेसता परस्थिति ता पोल्लो आंदू।

## एरियना-दोगना लड़ाई ओसो विनाश ता लड़ाई

99. युद्ध ता मूलत्व, ओसो युद्ध ता उद्देश्य मना किन सुरक्षित तासाना ओसो दुश्मन किन नष्ट कियानादु मंता इंजी माटु मुन्नेने वेहतोमा। मति अद उद्देश्य किन दोरकी कियाला काजे युद्ध ता मूँड रूप मंतांग - चलायमान लडाई, मोर्चेबद्ध लडाई ओसो छापामार लडाई - ओसो इव मूँडासी तन्ना-तन्ना महत्व लोप्पा वरोनकु-वरोनगडल वेल्ले अलग मंतांग, अदिन काजे एरियना-दोगना ता लडाई लोप्पा ओसो विनाश ता लडाई लोप्पा आम फर्क पैदा आता।
100. शुरू ते माटु जापानी-आक्रमण-विरोधी युद्ध उंदी एरियना-दोगना ता लडाई संगे-संगे विनाश ता लडाई वेने आंदू इंजी इंदा परितोमा। इद्रम बारांकु मंता? बारांकु इत्तेके दुश्मन इंजे वेने तमा शक्ति ता फायदा एता मंतोर ओसो तम्मा रणनीतिक मजबूती ओसो रणनीतिक पहलकदमी किन बचे कीसि तासीसी मंतोर अदिन काजे माटु बस्के एवनल अभियान ओसो लडाईंग लोप्पा विनाश ता लडाईंग किन ताकी किवोम अस्के एवनल माटु कारगर रूप ते ओसो जल्दी दुश्मनता ताकत किन कम किया परवोम ओसो अदिना मजबूती ओसो पहलकदमी किन तोडे किया परवोम। मावा लोप्पा इंजे वेने कमजोरी मंता ओसो माटु इंजे वेने रणनीतिक कमजोरी ओसो रणनीतिक निष्क्रियता किन जेक किया परतादु हिल्लो। अदिन काजे बस्के एवनल माटु अभियानकु ओसो लडाईंग लोप्पा विनाश ता लडाई ताकी किवोम, अस्के एवनल मना अन्दरूनी ओसो अंतर्राष्ट्रीय परिस्थिति किन सुधेर कियाना ओसो मना प्रतिकूल परिस्थिति किन बदले कियाना काजे समय दोरकी किया परवो आंतोमा। अदिन काजे अभियनाकुना लोप्पा विनाश ता लडाईंग, रणनीतिक एरियना-दोगना ता उद्देश्य किन दोरकी कियाना साधान आंदू इद हिसाब ते विनाश ता लडाई वेने एरियना-दोगना ता लडाईए आंदू विनाश संगे एरियना-दोगना किन मुख्य साधन बने कीसिए चीन तन्ना दीर्घकालीन युद्ध किन ताकी किया परिता।
101. मति रणनीतिक एरियना-दोगना ता लक्ष्य अभियान कुना लोप्पा एरियना-दोगना ता लडाईंग नल वेने दोरकी कियमूँडांता। चलायमान लडाई विनाश ता काम कींता ओसो मोर्चेबद्ध लडाई एरियना-दोगना ता ओसो छापामार लडाई रेंडासीए काम किन पूरा कींता। मति लडाई ता इव मूँडु रूप कु उंदी दूसरा तुकू अलग मंतांग। अद्रमासी विनाश ता लडाई एरियना-दोगना ता

लડाई तल अलग रकम ता मंदिंता। अभियानकु ना लोप्पा घिसाव-थाकाव ता लडाईंग सहायक मंदिंतांग, मति दीर्घकालीन युद्ध काजे अवु जरूरी वेने मंदिंतांग।

102. बेहरा स्तर ते दुश्मन ना एरियना-दोगना ता मना रणनीतिक उद्देश्य किन पूरा कियाला काजे चीन किन तन्ना रक्षा ता मंजिल लोप्पा, सिद्धांत ता दृष्टि ते ओसो तन्ना जरूरत किन ध्यान ते तासीसी केवल मुख्य रूप ते चलायमान लडाई लोप्पा ओसो आंशिक रूप ते छापामार लडाई लोप्पा दोरकना विनाश ता स्वरूप ताए फायदा तेहवा लेवा, मुख्य रूप ते मोर्चेबद्ध लडाई लोप्पा (खुद सहायक भूमिका निभे कींता) ओसो आंशिक रूप ते छापामार लडाई लोप्पा दोरकना एरियना-दोगना ता स्वरूप ता वेने फायदा एतना ठहराव ता मंजिल लोप्पा दुश्मन ता ओसो वेने ज्यादा एरियना-दोगना काजे माटु छापामार लडाई ओसो चलायमान ता विनाश ओसो एरियना-दोगना ता स्वरूप कुना फायदा एतसोर मंदा। इव सब्बे पोल्लोंग ना उद्देश्य युद्ध किन दीर्घकालीन बने कियनदु मंता, इद्रम कितेके कदम-कदम ते दुश्मन ओसो मावा नड़मा ता परिस्थिति किन बदले किया परम्भूंता ओसो प्रत्याक्रमण ता मंजिल लोप्पा माटु विनाश ता संगे एरियना-दोगना ता तरीका ता लगातार उपयोग कियाना ओसो आखरी ते दुश्मन किन चीन तल बाहार पूँडना।
103. मति हत्ता दस महिनांग ना अनुभव असल ते चलायमान लडाई ता बचोनों, इतेके ज्यादातर अभियानकु एरियना-दोगना ता लडाईंग आतांग ओसो बदे-बदे इलाका लोप्पा छापामार लडाई विनाश ता लडाई ता भूमिका परताचोन निभे किया परवो आता। इद पोल्लोनगडल माटु कम से कम दुश्मन ता सेनांग किन नुक्सान आतादु बेसे आता। इद पोल्लो मावा दीर्घकालीन युद्ध ओसो आखरी जीत रेंडासी ना काजे महत्वपूर्ण मंता, ओसो माटु अंगडमे मना नेत्तुर पोहतदु हिल्ले। मति इदिना लोप्पा कमिंग वेने मत्तांग। उंदी बगिल दुश्मन वेल्ले संख्या ते नुक्सान किया परतादु हिल्ले, ओसो दूसरा बगिल मावा नुक्सान ज्यादा आता ओसो दुश्मन तल वेल्ले कम सामग्री जब्त कित्तादु मंता। माकिन इद परिस्थिति तल असल कारण किन, इतेके मना ओसो दुश्मन ता नड़मा ता तकनीकी साजो-सामान ओसो फौजी प्रशिक्षण ता असमानता ता परिस्थिति किन महत्व हियाना, अस्के वेने सिद्धांत ओसो व्यवहार रेंडासी ना लोप्पा बेगा परिस्थिति अनुकूल मंता, अगा मावा नियमित सेनांग विनाश ता

लड़ाईंग ताकी कियाना कोशिश कियाना पोल्लो ता पक्ष एतना। तोड़फोड़ कियाना ओसो कंदेरेम कियाना लेकाटा बचोनो ठोस काम किन पूरा कियाना काजे छापामार दलम किन विशुद्ध एरियना-दोगना ता लड़ाईंग ताकी किया लागिंता, अस्के वेने परिस्थिति अनुकूल मंदानास्के अभियानकु ओसो लड़ाईंग लोप्पा विनाश ता कार्रवाईंग किन लागू कियाना ओसो अविन भरपूर अमल कियाना जरूरत मंता, अस्के ने दुश्मन ता सेनांग किन वेल्ले नुकसान कियाना ओसो मना सेना ता नुकसान ता भरपाई कियाना उद्देश्य किन पूरा कियाना लोप्पा सफल आंतोमा।

104. बाहरी सैन्य पंक्ति कुना पोर्हे तुरंत निर्णय ता आक्रमणात्मक लड़ाई लोप्पा “बाहरी सेनांग”, “तुरंत निर्णय” ओसो “आक्रमण” ओसो चलायमान लड़ाई लोप्पा “चलायमान” मुख्य रूप ते फौजी कार्रवाईंग लोप्पा घेरेबंदी कियाना ओसो बगिल पेसिस दायाला कार्रवाईंग लागू कियाना रूप तेने प्रकट आंतांग। ओसो मना मजबूत सेनांग किन केंद्रित कियाना जरूरत मंता। अदिन काजे चलायमान लड़ाई इत्तेके बाहरी सैन्य पंक्ति कुना पोर्हे तुरंत निर्णय ता आक्रमणात्मक लड़ाई काजे, फौज कुना केंद्रीकरण कियाना ओसो घेरेबंदी कियाना ओसो बगिल तल पेसिस दायना कार्रवाईंग ना मुन्ने उपयोग कियानादिना उंदी शर्त आंदू। इव सब्बे ना उद्देश्य दुश्मन ता ताकत ता विनाश कियाना आंदू।

105. जापानी फौज ता अनुकूल केवल अदिना हथियार कुना पोर्हेए आयवा अफसर ओसो सिपाही लोर किन हियाना प्रशिक्षण पोर्हे वेने निर्भर मंता-इत्तेके अदिन संगटन ता दर्जा, बस्केने हारेमायवा कारण पुट्टी कियाना आत्मविश्वास, मिकाडो ना बरे ते ओसो पेनकु ना बरे ते ओरा अंधविश्वास, ओरा घमंड, चीन जनता किन अंगडम समझेमायना भावना ओसो इद्रम ताए दूसरा लक्षण सब्बे जापानी युद्ध-सरदार लोर ओरा सालों तल हीता फासीवादी शिक्षा ओसो जापान ता राष्ट्रीय परम्परा तल पुट्टांग। इदे पोल्लो मना सेना दुश्मन ता फौज किन बेहरा संख्या ते नुकसान कित्ता मुख्य कारण आंदू। ओसो वेल्ले कम लोकुर किन बंदी कित्तादु मंता। मुनेटा कालम ते लोकुर इद पोल्लो किन कम कीसि हूडतोरा दुश्मन ता इव लक्षण किन नष्ट कियाला काजे उंदी लम्बा प्रक्रिया ता जरूरत मंता। सबसे मुन्ने माटु इद विशेषता ता बगिल गंभीरता ते ध्यान हियाना ओसो हिम्मत कीसि

योजनाबद्ध तरीका ते राजनीतिक इलाकांग लोप्पा, अंतर्राष्ट्रीय प्रचार ता इलाकांग लोप्पा ओसो जापान ता जन-आंदोलन ता इलाकांग लोप्पा इदिन दूर कियाला काजे काम कियाना संगेने फौजी इलाकांग लोप्पा विनाश ता लड़ाई ता विरोध कियाला काजे आधार दोरकिंता। मति इदिना विपरित, मावा विचार जापानी फौज ता इद अनुकूलता किन नष्ट किया परमङ्गांता ओसो अदु नष्ट आसोर दांता इंजी। इदिन नष्ट कियाना मुख्य तरीका जापानी सिपाही लोर किन राजनीतिक दृष्टि ते मना पक्ष ते तत्ताना। जापानी सिपाही लोरा आत्म-अभिमान पोरों देब्बा हिवा लेवा मनम ओरकिन सही दिशा ते ओयना, ओसो युद्धबंदिलोरा संगे नरमी ता व्यवहार कीसि जापनी शासक लोरा आक्रमणवाद ता जन-विरोधी स्वरूप किन समझेमायना लोप्पा ओरा मार्गदर्शन कियाना इंजी समझेमायना। दूसरा बगिल मनम जापानी सिपाही लोरा मुन्ने चीनी सेना ता ओसो चीनी जनता मुन्ने हरेमायना विचार, वीरता ओसो दोगवा लेवा युद्ध-क्षमता ता परिचय हियाना, इत्तके विनाश ता लड़ाई संगे माटु ओरा पोरों हमला किसोरे दायना। हत्ता दस महीनांग ना फौजी कार्खाईंग ना माना अनुभव दुश्मन ता सेनांग ना विनाश किनया संभव मंता इंजी साबित कित्ता- फिंगशिंगक्वान ओसो थाएंगच्चांग ता अभियन इदिना सबूत मंता। जापानी सिपाही लोरा मनोबल कमजोर आयाना शुरू आता, जापानी सिपाही तम्मा युद्ध ता उद्देश्य किन समझेमायोर, ओरु चीनी फौज ओसो चीनी जनता ना घेरबंदी लोप्पा फंसेमातोर, हमला कियाना ओरा साहस चीनी सिपाही लोरा तुलना ते वेल्ले कम मंता, इदाना लेक्काटवु। इव सब्बो पोल्लोंग असल ते मावा विनाश ता लड़ाई ताकी कायना काजे अनुकूल मंता ओसो युद्ध किन दीर्घकालीन कियाना संगे-संगे दिय्या-दिय्या तुकू ओसो वेने विकसित आसोर दांतांग। विनाश ता लड़ाईंग संगे दुश्मन ना फौज ता घमंड किन गुंडा कियाना दृष्टि ते विनाश ता कार्खाईंग युद्ध ताकनास्केटा समय किन सुडला कीसि जापानी सिपाही लोरा ओसो जापानी जनता ना मुक्ति ता प्रक्रिया किन तेज कियाना शर्त वेने आंदू इद दुनिया ते दोस्ती बिल्लई ओसो बिल्लई ता नड़ामाए आंता, बिल्लाई ओसो हुप्पे नड़ामा आयो इंजी मंता।

106. दूसरा बगिल माटु तकनीकी साजो-सामान ओसो फौजी प्रशिक्षण लोप्पा नेंडु माटु दुश्मन तुकू पेरके मंतोम इंजी मानेमायना। अदिन काजे विनाश ता

लड़ाईंग लोप्पा ज्यादा से ज्यादा फायदा तेहाना, दुश्मन ता पूरा फौज या ओरा ज्यदातर हिस्सा किन बंदी कियाना ओसो ओरा पूरा साजो-सामान किन या ओरा ज्यदातर हिस्सा किन जब्त कियाना, ज्यादातर परिस्थितिंग लोप्पा खासकर मैदानकुना लड़ाईंग लोप्पा, वेल्ले मुश्किल आंता। इदिना बारे ते जल्दिए जीत ता सिद्धांत ता समर्थक लोरा गैर-जरूरी मांग किन बदे महत्व मन्नो आंता। जापानी-आक्रमण-विरोधी युद्ध लोप्पा सही मांग इद मंदाना - बेगा संभव आंता, विनाश ता लड़ाईंग ताकी कियाना। सब्बे अनुकूल परिस्थितिंग लोप्पा हर लड़ाईंग लोप्पा वेल्ले सेना किन केंद्रित कियाना ओसो घेरबंदी कियाना ओसो बगिल तल पेसिना कार्यनीतिंग लागू कियाना - दुश्मन ता पूरा फौज किन आयवेके कम से कम अदिना उंदी हिस्सा किन आई धेरे कियाना धेराव लोप्पा वाता पूरा फौज किन ओरा सामान आवेकाई कम से कम ओरा उंदी हिस्सा किन बंदी बने कियाना। धेराव लोप्पा वाता फौज ता उंदी हिस्सा किन बंदी बने कियाना ओसो अदिना सामान ता उंदी हिस्सा जब्त किया परवेकाई कम से कम धेराव लोप्पा वाता हिस्सा किन परताचोन नुक्सान कियाना। बेगा विनाश ता लड़ाईंग काजे परिस्थिति अनुकूल हिल्ले अगा माटु एरियना-दोगना ता लड़ाईंग ताकी कियाना। पहली रकम ता लड़ाईंग लोप्पा फौज किन केंद्रित कियाना ओसो दूसरा रकम ता लड़ाईंग लोप्पा फौज किन विकेंद्रित कियाना उसूल लागू कियाना। मना अभियान कुना नेतृत्व ता संबंध किन हूडतेके, मनम पहली रकमता अभियान कुना लोप्पा केंद्रित कमांड ता उसूल लागू कियाना ओसो दूसरा रकम ता अभियान कुना लोप्पा विकेंद्रित कमांड ता उसूल किन लागू कियाना। इव जापानी-आक्रमण-विरोधी युद्ध लोप्पा रणनभूमी लोप्पा कियाना कार्रवाईंग काजे बुनियादी उसूल आंदू।

## दुश्मन ता गलतिंगनगडल फायदा एतना संभावनांग

107. खुद दुश्मन ता कमांड लोप्पाने जापान किन हारे कियाना संभव मंदाना आधार मंता। इतिहास लोप्पा नेंड एकनल बदे गलति किवोर इंदनाना सेनापति बस्केने बनेमात्ताद हिल्लो। दुश्मन वेने मनम गलतिंग कित्ता लेक्काने गलतिंग कींतोरा ओसो मावा काजे माटु दुश्मन ता गलतिंग ना फायदा तेहाना

संभव मंता। मना आक्रमणकारी युद्ध ता मुनेटा दस महिनांग लोप्पा दुश्मन रणनीति ओसो अभियान संबंधित बचोनो गलतिंग कित्तोरा। इविना लोप्पा पांच गलतिंग मुख्य मंतांग।

मुनेटा गलती उचुन-उचुन ग्रुप लोहाना। इदु दुश्मन ता चीन किन कम आल्सना ओसो तना फौज हालवा मंदाना ता परिणाम आंदू। दुश्मन हमेशा माकिन सुडला हूडसोरे वात्तोरा उत्तर-पूर्वी चीन ता नालुंग प्रांत किन बिना लड़ेमायवा कब्जा कित्ता पेरके पूर्वी हपे ओसो उतरी छाहाड़ पोरों अधिकार कित्तोरा। इव सब्बे ओरा रणनीतिक फौजी टोह समझेमायमूङांता। अद्रमासी दुश्मन चीनी राष्ट्र कमजोर मंता इंजी आल्सतोरा। इद्रम चीन उंदे धक्का ते मुट्ठिंता इंजी आलिसस, ओरु “तुरंत निर्णय” ता उंदी योजना तैयार कित्तोर अनि वेल्ले सुडला सेना संगे माकिन वेरी कीसि हारे कियाला आल्सतोरा। हत्ता दस महिनांग लोप्पा चीन बद हिसाब ते महान एकता ओसो प्रतिरोध ता बेहरा ताकत तोहतायो, जापान अदिना बारे आल्सवाए मत्ता, बारांकु इत्तेके जापान चीन प्रगति ता युद्ध लोप्पा मंता इंजी मरंगसी मत्ता ओसो उंदी मुन्ने हत्ता राजनीतिक पार्टी, मुन्ने हत्ता फौज ओसो मुन्ने हत्ता जनता ना जन्म आता इंजी मरंगसी मत्ता। असफलतांग ना सामना कित्ता पेरके दुश्मन तन्ना फौज किन उचुन-उचुन बेरसी कीसि लोहाना शुरू कित्तोर ओसो उंदी दर्जन तुकू ज्यादा डिविजन तल बेरसी कीसि तीस डिविजन एवनल एवसी कित्ता। अदु तन्ना बेरसी कियाना जारी तासिंता इत्तेके इदु संख्या ओसो वेने बेरसी कियाना लागियरा। मति सोवियत संघ तल जापान ता दुश्मनी आता कारण ते ओसो जन-बल ओसो वित्तीय साधन कुना मना कमजोरी ता कारण ते, अदु चीन लोहाना सेना ता संख्या किन ओसो हमला ता विस्तार किन उंदी हंदी एवनले बेरसी किया परिंता।

अदिना दूसरा गलती आक्रमण ता मुख्य दिशा ता कमी आंदू थाएँअड़च्चांग अभियान तुकू मुन्ने दुश्मन ता फौज कु चीन ता नडमा ता हिस्सा ओसो उतरी चीन लोप्पा लगभग समान रूप ते अलग आसी मत्ता, ओसो इव रेंडासी इलाकांग लोप्पा वेने ओरा फौजकु हर जागा ते समान रूप ते तूसीस मत्तांग। उदाहरण काजे, उतरी चीन लोप्पा ओरा थ्येनचिनफूखओ रेलवे, पेकिंग-हानखओ रेलवे ओसो ताखुंग-फूचओ रेलवे पोरों तम्मा फौजकुना बराबर संख्या ते वितरण कीसि मत्तोरा। हर रेलवे पोरों जापानी फौज कुना उचुन नुकसान आता कारण ते ओसो जापान ता कब्जा ते मंदाना इलाकांग लोप्पा रक्षा कियाना फौज किन तैनात कित्ता कारण ते, मुन्ने वायला काजे ओसा फौज कु हिल्वा मत्ता। थाएँअड़च्चांग ता हारे मात्ता पेरके,

बदिनगडल दुश्मन सबक एतता, अदु तन्ना मुख्य फौज किन श्वीचओ ता दिशा ते केंद्रित कित्तोर ओसो इद्रम ता अस्थाई रूप ते तम्मा इद गलती किन सुधरे कित्तोर।

ओरा तीसरी गलती रणनीतिक तालमेल ता कमी मंदाना। कुल मिले कीसि चीन ता नड़मा हिस्सा ओसो उत्तरी चीन लोप्पा मंदाना दुश्मन ता रेंडु फौज कुना ग्रुप कुना लोप्पा हर ग्रुप लोप्पा तालमेल मंता। मति इव रेंडासी ग्रुप कुना नड़मा तालमेल ता स्पष्ट रूप ते कमी मंता। थ्येनचिनफूखओ रेलवे ता दक्षिणी भाग लोप्पा मंदाना जापानी फौजकु श्यओपांगपु पोरो हमला कियानास्के, इदे रेलवे ता उत्तरी हिस्सा लोप्पा मंदाना जापानी फौज कु चुपचाप नितसी मत्ता ओसो उत्तरी हिस्सा ता फौज कु थाएऽअड़च्वांग पोरो हमला किसोर मत्ता, अस्के दक्षिणी हिस्सा ता फौज कुन चुपचाप नितसी मत्तांग। दुश्मन रेंडासी जागा हारेमात्तास्के जापानी पैदल-सेना मंत्री फौज कुना निरीक्षण काजे वाता ओसो चीफ ऑफ जनरल स्टाफ ता कमांड तन्ना कैदे पोयतोर ओसो अस्थाई रूप ते ओरा नड़मा तालमेल बने कित्तोर। जापान ता जर्मीदार वर्ग, पूजीपति वर्ग ओसो युद्ध-सरदार लोरा लोप्पा वेल्ले गंभीर अन्तरविरोध मंता, ओरु दिया-दिया तुकू बेरसा मंतोर, अस्के फौजी तालमेल ता कमी इव अन्तरविरोध किन उंदी ठोस सबूत मंता।

चौथा गलती रणनीतिक मौकांग पोहनादु मंता। इद पोल्लो दुश्मन ता नानकिंग ओसो थाएऽवान पोरो अधिकार कित्ता पेरके ओरु रोमतास्के समझेमात्ता। इद्रम मुख्य रूप ते ओरा फौज कुना कमी ओसो रणनीतिक रूप के पेरके अरना फौज किना कमीना कारण ते आंता।

ओरा पांचवी गलती बेहरा संख्या ते घेरेबंदी कियाना मति वेल्ले कम संख्या ते विनाश कियानादु। थाएऽअड़च्वांग ता अभियान तुकू मुन्ने, शांघाई, नानकिंग, छांगचऊ, पाओतिंग, नानखओ, शिनखओ, ओसो लिनफन ता अभियान कुना लोप्पा दुश्मन तोर वेल्ले चीनी सैनिक लोर किन हौकतोर, मति ओरा लोप्पाटल वेल्ले कम सैनिक लोरकिन युद्ध बंदी बने कित्तोर ओसो वेल्ले कम साजोसामान जब्त कित्तोर। इदु दुश्मन ता कमांड ता मूर्खता किन तोहना लेक्काटा पोल्लो आंदू।

उचुन-उचुन ग्रुप लोहना, आक्रमण ता मुख्य दिशा ता कमी, रणनीतिक तालमेल ता कमी, मौका पोहना, ओसो बेहरा संख्या ते घेरेबंदी कियाना मति वेल्ले कम संख्या ता विनाश कियाना - इव पांच गलतिंग थाएऽअड़च्वांग अभियान तुकू मुन्ने जापानी कमांड ता नाकामी तोहना विशेषतांग मत्तांग। ताना पेरके दुश्मन इविना लोप्पाटल उचुक किन सुधरे कित्तोर, मति फौज ता नाकाम आयना, लोप्पाटा

अन्तरविरोध कु ओसो दूसरा तत्वंग कुना कारण ते, ओरु तम्मा गलतिंग किन दोबारा किवा लेवा मंदा परवोरा इदे आयवा दुश्मन उंडी जागा ते सफलता हासिल कित्तास्के, ओरकिन दूसरा जागाता सफलता पोहा लागिंता। उदाहरण काजे, उत्तरी चीन लोप्पा तम्मा फौज किन श्वीचओ लोप्पा केंद्रित कित्तोर, अस्के उत्तरी चीन ता जापान-पोयता इलाकांग लोप्पा बेहरा खालीपन ता परिस्थिति पैदा आता, अद्रमासी अगा छापामार युद्ध किन वेल्ले मुन्ने ओयना मौका दोरकता। पोरे वेहत्ता गलतिंग दुश्मन तोर कित्ता तम्मा खुदता गलतिंग आंदुंग, मन्ना लेसी कितांग आयो।

तम्मा बगिल तल माटु पुंजी-पुंजी दुश्मन किन गलतिंग कियाना इंजी किया परिंतोम, इत्तेके सुसंगठित जन-समुदाय ता मदद ते “पूर्व ते हमला ता दिखावा कीसि पश्चिम ते हमला कियाना” लेक्काटा होशियार ओसो कारगर कार्हवाईंग संगे दुश्मन किन कन्फूज किसी ओसो इद्रम ओरु किन मावा अनुसार मैदान लोप्पा पिंडंगा परिंतोम। इद संभावना पोरे माटु मुनेटले विचार कित्तोम। इव सब्बे पोल्लोंगनगल खुद दुश्मन ता कमांड लोप्पा मावा जीत काजे उचुन आधार परहकमूँडांता इंजी स्पष्ट आंता। अद्रमासी माटु मना रणनीतिक योजना ता महत्वपूर्ण आधार इंजी समझेमायवा लेवा इदिना विपरित, विश्वसनीय तरीका मना योजना दुश्मन तोर वेल्ले कम गलतिंग कियानूर इंदाना मुनेटा अनुमान पोरे आधार आसी मंदाना। इदे आयवा बेगा माटु दुश्मन ता गलतिंग नगडल फायदा एता परिंतोम अगा दुश्मन वेने मना गलतिंगनगडल फायदा एता परिंतोम। अदिन काजे मावा कमांड ता काम कम से कम गलतिंग कियाना, अद्रम कित्तेके दुश्मन फायदा एता परवो आंता। मति असल ते दुश्मन तोरा कमांड गलतिंग कित्तोर, इंदानास्के ओसो गलतिंग किंतोर ओसो मावा कोशिश कुना संगे गलतिंग कियी कियाना आंता। इव सब्बे गलतिंग ना माटु फायदा एता परिंतोम ओसो जापानी-आक्रमण-विरोधी युद्ध ता सब्बे सेनापति लोरकिन हर रकम ते इद्रमता मौका ता भरपूर फायदा एतना। दुश्मन ता रणनीति ओसो अभियान संबंधित कमांड दोषपूर्ण मत्ता, मति अदिना लडाई संबंधित कमांड लोप्पा, इत्तेके यूनिटकुना ओसो सुडला फौजी फारमेशन कुना कार्यनीति लोप्पा वेल्ले क्षमतांग मंतांग अविनगडल मनाकिन करियाना जरूरत मंता।

## जापानी-आक्रमण-विरोधी युद्ध लोप्पा निर्णायक मुठभेड़कुना सममस्यांग

108. जापानी-आक्रमण-विरोधी युद्ध लोप्पा निर्णायिक मुठभेड़ कुना समस्यांग किन मूँड पहलू ने हूँडना: जीत निश्चित मंदाना हर अभियान या लड़ाई लोप्पा जीत निश्चित मंदाना, दृढ़ता संगे निर्णायिक मुठभेड़ वाले लड़ाईंग कियाना जीत अनिश्चित मंदाना, हर अभियान या लड़ाई लोप्पा, निर्णायिक मुठभेड़ वाले लड़ाईंगनगडल बचेमायन। ओसो पूरा राष्ट्र किन खतरा ते वाटना रणनीतिक निर्णायिक मुठभेड़ तल पूरा ए बचेमायना। जापानी-आक्रमण-विरोधी युद्ध किन दूसरा वेल्ले युद्ध कुनगडल अलग रूप हियाना विशेषतांग वेने निर्णायिक मुठभेड़ कुना इव समस्यांग लोप्पा दिसिंतांग। युद्ध ता पहली ओसो दूसरी मंजिल लोप्पा दुश्मन मजबूत ओसो माटु कमजोर मंतोम, माटु मना मुख्य फौज किन केंद्रित कीसि निर्णायिक मुठभेड़ कियाना इंजी आलिसंता। मति मावा लक्ष्य इदिना बिल्कुल उल्टा मंता। माटु अनुकूल परिस्थितिंग किन चुने कित्तेके ओसो मना बेहरा स्तर ता सेनांग किन केंद्रित कित्तेके ओसो सिर्फ अस्केने दुश्मन ता खिलाफ अभियान या लड़ाईंग लोप्पा निर्णायिक मुठभेड़ कियाना इंजी आलिसंतोम अस्के मावा जीत निश्चित आयना, माटु फिंगशिंगक्वान, थाएअड़च्वांग ओसो दूसरा जागा ना लड़ाईंग लोप्पा कित्ता लेक्का, प्रतिकूल परिस्थितिंग लोप्पा, मना जीत अनिश्चित आतगा माकिन निर्णायिक मुठभेड़ तल बचेमायना, इदे नीति माटु चांग ते ओसो दूसरा अभियान कुना लोप्पा लागू कित्ताद मत्ता। इद्रम ता रणनीतिक निर्णायिक मुठभेड़ ता सवाल पूरा राष्ट्र खतरा ते अरिता, अगा माटु बद्रम आतेकाई अद परिस्थिति लोप्पा वायानायो। इदिना सबूत इजेने श्वीचओ लोप्पाटल मना पेरके गुचनादु मंता। इद्रम माटु “तुरंत निर्णय” ता दुश्मन ता योजना किन फैल कित्तोम ओसो अदिन दीर्घकालीन युद्ध लोप्पा माटु मना संगे भीड़ेमायला काजे मजबूर कित्तोम। इद्रम ता उसूल कम क्षेत्रफल वाले देश कुना काजे अव्यवहारिक मंतांग ओसो उंदी इद्रम ता देश संगे, राजनीतिक रूप ते वेल्ले पेरके अरसी मंदनविन व्यवहार लोप्पा तत्ताना वेने मुश्किल मंता। मना देश बेहरा देश मंता ओसो प्रगति ता युग ते मंता अदिनके इव उसूलकु अदिना काजे व्यावहारिक मंतांग। रणनीतिक निर्णायिक मुठभेड़कुनल बचेमातेके “बस्के एवनल मेड्वांग पोरो हरियाली मंदिता अस्के एवनल किस्स मासला काजे वर्किंग ना टेंशन मन्नो आंता”, बारांकु इतेके मावा प्रदेश ता भूमि ता उचुन हिस्सा दुश्मन ता कब्जा ते हत्तेकाई दांवपेंच

बने कियाला काजे मावगा वेल्ले जागांग मंदिंतांग ओसो इद्रम ता माटु घरेलू प्रगति, अंतर्राष्ट्रीय समर्थन ओसो दुश्मन ता अन्दरूमी विच्छिन्नता किन बेरसी किया परितांग ओसो अदिना काजे केपा वेने परितोम, जापानी-आक्रमण-विरोधी युद्ध लोप्पा मावा काजे इदे सबसे बेसता नीति मंता। दीर्घकालीन युद्ध ता कठीन परिस्थिति किन सहेन कियवा मंदाना ओसो जल्दी जीत ता काजे आल्सानोर, जल्दी जीड़ना ता सिद्धांत पंडानोर, परिस्थिति लोप्पा उचुन वेने अनुकूल परिस्थिति ते वात्तोर इतेके तुरंत रणनीतिक निर्णायक मुठभेड़ काजे कोलार कींतोरा माटु ओरा मर्जी ते ताकतेके पूरा प्रतिरोध-युद्ध किन बेहरा धक्का दलगिंता, दीर्घकालीन युद्ध खत्म आंता ओसो माटु दुश्मन ता खतरनाक जाल लोप्पा हिरकिंतोम। अदिन काजे इदु नीति सबसे खराब नीति मंदिता। इदिना लोप्पा निर्णायक मुठभेड़ किवेके मना प्रदेश किन बचे किया परवोम ओसो मनगा बदे हर्री हिल्वास्केने माटु इद्रम कियाना हिम्मत कींतोम। इद्रम ता समय ते माटु उचुन वेने दुक्कम पोयनायो, बारांकु इतेके भूमि पोहची समय दोरकी कियानादु इद नीति सही मंता। इतिहास लोप्पा माटु निर्णायक मुठभेड़ तल बचे मायला काजे रूस बद्रम साहस संगे पेरके गुचता ओसो अद समय ते आंतक मचे कीसि मत्ता नेपोलियन किन हारे कित्तादु हूंडिंतोम<sup>23</sup> नेंदु चीन किन वेने इद्रमे कियाना जरूरत मंता।

109. माटु मना किन ‘प्रतिरोध किवा मंदानोर’ इंजी मना निन्दा कियाना पोल्लो तल वेरियंतोमा? हिल्ले, माटु इद पोल्लो तल वेरयोमा। बिल्कुले लडेमायवा मंदाना ओसो दुश्मन संगे समझौता कियाना इतेके प्रतिरोध किवा मंदाना, अदिना सिर्फ निंदाए कियानायो अदिन बिल्कुले सहेमायनायो। माटु दृढ़ता ते प्रतिरोध-युद्ध काजे कियाना, मति दुश्मन ता खतरनाक जाल तल बचेमायला काजे मना मुख्य ताकत किन उंदे घटना ते नुक्सान आयना तुकू बचे कियाला काजे, ओसो प्रतिरोध-युद्ध जारी तासला काजे मना किन मुश्किल आयानायो इंजी- संक्षिप्त ते राष्ट्रीय गुलामी तल बचेमायला काजे माटु रणनीतिक निर्णायक मुठभेड़ तल बचेमायना वेल्ले जरूरी मंता। इदिना बारे ते डावुट मंदाना इतेके वायना काल ते युद्ध पोरों वायना सवाल ता बारे ते आल्सवा लेवा मंदानदु आंता ओसो इद्रम कितेके खुद किन राष्ट्रीय गुलामी ता सिद्धांत ता समर्थन ता पांत लोप्पा शामिल कियानदु आंता। माटु

“केवल मुन्ने वायना ओसो बस्केने पेरकेने गुचना” जीवा ता परवाह किवा मंदाना दुस्साहसिकता ता आलोचना बारांकु कित्तादु मंता इत्तेके इद्रम ता दुस्साहसिकता प्रचार आतास्के मावा काजे प्रतिरोध-युद्ध जारी तासना असंभव कींता ओसो आखरी ते माकिन राष्ट्रीय गुलामी ता खतरा ते वाटिता इंजी।

110. लड़ई लोप्पा मत्तेकाई ओसो बेहरा या सुडला अभियान लोप्पा सब्बे अनुकूल परिस्थितिंग लोप्पा माटु निर्णायक मुठभेड़ ता पक्ष एतिंतोम ओसो इद सवाल पोर्ँ माटु बदे वेने रकम ता निष्क्रियता किन सहम कियानायो। केवल इद्रम ताए निर्णायक मुठभेड़ संगेने माटु दुश्मन ता विनाश कियाना ओसो अदिन नुक्सान कियाना लक्ष्य किन पूरा किया परितोम। ओसो जापानी-आक्रमण-विरोधी युद्ध ता हर सैनिक किन दृढ़तापूर्वक तन्ना भूमिका निभे कियाना जरूरत मंता। इद उद्देश्य काजे आंशिक ओसो पर्याप्त बलिदान कुना जरूरत मंदिंता। बदे वेने बलिदान तल बचेमायना दृष्टिकोण वेरियसी मंदानोरा ओसो जापान ता भ्रम ता मंदानोरा मंता। इदिना दृढ़तापूर्वक विरोध कियाना ली फू-इंग ओसो हान फू-च्वी लेककाटा पलायनवादीर किन प हौकना सजा हियाना सही मत्ता। सही युद्ध योजना लोप्पा वायना, युद्ध ताकनास्के साहसपूर्वक आत्म-बलिदान कियाना ओसो वीरतापूर्वक मुन्ने दायना भावना ओसो व्यवहार ता प्रतिपादन कियाना वेल्ले जरूरी मंता। अद पोल्लो मना दीर्घकालीन युद्ध ओसो आखरी जीड़ना संगे अभिन्न रूप ते जुड़ेमासी मंता। माटु पलायनवाद ता ‘केवल पेरके गुचना ओसो बस्के मुन्ने हनवा मंदाना’ ता कड़ी निन्दा कित्तादु मंता ओसो सख्त अनुशासन लागू कियाना ता समर्थन कित्तादु मंता, बारांकु इत्तेके उंदी सही योजना लोप्पा वायना वीरतापूर्वक निर्णायक मुठभेड़ संगेने माटु मना शक्तिशाली दुश्मन किन हरे किया परितोम। इदिना उल्टा, पलायनवाद राष्ट्रीय गुलामी ता सिद्धांत ता प्रत्यक्ष समर्थन कींता।

111. मुन्ने वीरतापूर्वक लड़ेमायना ओसो अपना प्रदेश किन कैदल दायला हियाना पोल्लोंग आपस ते विरोधी पोल्लोंग आयोया? वीर योद्धा लोरा नेतुर पोहना अंगड़म आयोया? सवाल कियाना तरीका वेल्ले गलत मंता। मानेय मुन्ने गाटो तिंतोर अनि पेरके डोड़डी दांतोर, इद्रम इत्तेके ओना तिंदानदु अंगड़म आंताया? मानेय मुन्ने हुंजिंतोर अनि पेरके तेंदिंतोर, अस्के ओना

हुंजनादु अंगडम आंताया? अद्रमे सवाल वेने इद्रमे पूछेमायमूङांताया? नावा हिसाब ते इद्रम आयो। लगातार तिंजोरे मंदाना, लगातार हुंजसोरे मंदाना, रेमवा लेवा बहादुरी संगे यालू डोड्डा एवनल लगातार लडेमासोरे दायना, लेककाटा पोल्लोंग मनोगतवादी ओसो आकारवादी भ्रम आंदुंग, असल पिस्वल ते इदिना बदे अस्तित्व हिल्लो मंति समय दोरकी कियाला काजे ओसो प्रत्याक्रमण ता तैयारी कियाला काजे माट मना नेतुर मुठभेड ताकनास्के मना प्रदेश कुना उचुक हिस्सांग किन पोहा लागिंता इंजी सब्बेतोर पुत्तोर, अनि पुत्तेकाई वेने असल ते माटु समय दोरकी कित्तादु मंता, दुश्मन ता विनाश कियाना ओसो ओरकु नुकसान कियाना लक्ष्य लोप्पा सफलता दोरकी कित्तादु मंता, लडेमायना अनुभव दोरकी कित्तादु मंता, जागृत हिल्वोर किन जागृत कित्तादु मंता ओसो मना अंतर्राष्ट्रीय मान बेरसी कित्तादु मंता। मावा नेतुर पोहना अंगडम आताया? बिलकुल आयो। प्रदेश किन विडसना लक्ष्य मना फौजी ताकत किन सुरक्षित तासना ओसो असल ते मना राज्य किन सुरक्षित तासनादु मत्ता। बारांकु इत्तेके प्रतिकूल परिस्थिति लोप्पा भूमि ता बदे उंदी हिस्सा किन विडसवा लेवा माटु जीत हासिल कियाना आशा हिल्वेकाई अन्धाधुन्ध निर्णायक मुठभेड कित्तेके, इदिना रिजलट मादु मना फौजी ताकत किन पोहितोम, इद्रम कित्तेके माटु मना सब्बे प्रदेश किन पोहना लेकका आंता ओसो इद्रम ता परिस्थिति लोप्पा पोहता प्रदेश किन वापस पोयना सवाल मुन्ने वांता। वरोर पूंजीपति किन तन्ना व्यापार ताकी कियाना काजे पूंजीव ता जरूरत मंदिंता ओरु पूराए कंगाल आता पेरके ओरु पूंजीपति मन्नोर आंतोर। वरोर जुआरी (पैसा वाटसी तास करसनोर) किन वेने तास करसला काजे धन ता जरूरत मंदिंता, ओसो ओरु उंदे डाव ते तन्ना सब्बे धन ताना लोप्पा वाटितोर अनि हारेमांतोर अस्के पेरके ओरु जुआ करसा परवोर आंतोर। चीजकुना विकास आडिंगमोडिंग हर्री तेने आंता, बिल्कुले सीधा हर्दे आओ। युद्ध लोप्पा वेने इद्रमे आंता। ओसो केवल आकारवादी मानेये इद सच्चाई किन समझेमाया परवोर आंतोर।

112. रणनीतिक प्रत्याक्रमण ता मंजिल लोप्पा वेने निर्णायक मुठभेड कुना बारे ते इद्रमे इनमूङांता इंजी नन्ना समझेमांताना। अद समय एवनल दुश्मन कमजोर परिस्थिति लोप्पा ओसो माटु मजबूती ता परिस्थिति लोप्पा मंतोम, मति इद परिस्थिति लोप्पा वेने “निर्णायक मुठभेड कियाना बेस ओसो निर्णायक

मुठभेड़ तल बचेमायना लागो आंता” सिद्धांत पोरों अमल कियामूँड़ांता। ओसो इदु बस्के एवनल व्यावहारिक मंदिंता अस्के एवनल माटु यालू डोड्डा एवनल लडेमासोर दांतोमा इद्रमे माटु शुरूआत ते आखरी एवनल पहलकदमी मना कैदे तासा परिंतोम ओसो दुश्मन ता “चुनौतिंग” ओसो दूसरोरा “उक्से कियाना” तल डुलमुल आयवा लेवा ओरकिन जवाब ओसो नजरअंदाज किया परिंतोम। जापानी-आक्रमण-विरोधी युद्ध लोप्पा केवल इद्रमे दृढ़ता मंदाना सेनापति साहसी ओसो बुद्धिमान समझेमायमायमूँड़ांता। इदु केवल “बोयतेकेने डेयनोरा” काजे आयो। युद्ध ता इद पहलू मंजिल लोप्पा, माटु उंदी सीमा एवनल रणनीति ता दृष्टि ते निष्क्रियता ता परिस्थिति लोप्पा मंतोम, मति माटु मना सब्बे अभियान कुना लोप्पा पहलकदमी तासना ओसो बदे डावुट हिल्वा मुन्ने वायना मंजिल कुना लोप्पा वेने माटु पहलकदमी तासना। माटु दीर्घकालीन युद्ध ओसो आखरी जीत ता सिद्धांत किन पालन कींतोम, माटु ओर उंदे डाव ते सब्बे धन वाटसी पूराए हारेमायना जुआरी लोरा लेकका आयोमा।

### फौज ओसो जनता जीत ता आधार आंदु

113. जापान साप्राज्यवाद, क्रांतिकारी चीन ता खिलाफ तन्ना हमला ओसो दमन किन बस्केने ढील हीवो आयर, इद तना साप्राज्यवादी प्रकृति ओरा इद रुख किन निर्धारित कींता। चीन प्रतिरोध किवेके जापान उंदी वेने गोली फैरिंग किवा, उत्तर-पूर्वी चीन ता नालुंग प्रांत कुना लोप्पा कित्ता लेकका हल्कोए पूरा चीन पोरों अधिकार किस मन्नेरा। चीन प्रतिरोध किया मंता, अदिन काजे जापान अदिना दबे कियाना ताकत चीन ता प्रतिरोध कियाना ताकत तुकु कम आयनाजोम इद प्रतिरोध किन दबे किसोर मंदिंता इंदाना उंदी जरूरी नियम मंता। जापान ता जर्मीदार वर्ग ओसो पूंजीपति वर्ग ता गलत विचार वेल्ले बेरसतादु मंता, अदिन काजे दक्षिण ते दक्षिणी-पूर्वी एशिया ओसो उत्तर ते साईबेरिया पोरों हमला कियाना लक्ष्य ते ओरु मुन्ने चीन पोरों हमला कीसि नड़मा तल पेसिसी दायना नीति लागू कित्ता। जापान उत्तरी चीन ओसो च्यांगसू ओसो च्यांग प्रान्त कुन कब्जा कीसि शान्त आयार इंजी समझेमायनोर, उंदी पूना मंजिल ते एव्वना ओसो डोल्लना लेकका आता

साप्राज्यवादी जापान मुनेटा इतिहास ता जापान तुकू अलग मंता। माटु चीन लोप्पा जापान बचोन फौजकु लोहा परिंता ओसो हमला किसोरे बद जागा एवनल मुने दाया परिंता, इव रेंडासीए उंदी निश्चित सीमा मंता इंजी इंतोम, अस्के मावा हिसाब ते मना वर्तमान ताकत पोर्रो आधार आसी जापान चीन पोर्रो हमला कियाला काजे उंदी निश्चित संख्या लोप्पाने फौजकु लोहा परिंता ओसो अदु अदिना ताकत मत्ताचोनजोमे मुने दाया परिंता, बारांकु इत्तेके अदु दूसरा दिशांग लोप्पा वेने तन्ना हमला किन जारी तासिंता ओसो अदिन दूसरा दुश्मन तल वेने तन्ना रक्षा किया लागिंता। संगेने चीन अदु प्रगतिशील मंता ओसो जोरदार प्रतिरोध किया परिंता ओसो बोराई जापान ता भीषण हमलांग ना चीन जरूरी प्रतिरोध किवो इंदाना पोल्लो ता बारे ते आल्सा परवा लेक्का मंदाना पोल्लोता सबूत हीता। जापान पूरा चीन पोर्रो अधिकार किया परवो, मति सब्बे इलाकांग लोप्पा ओरा फौज कु एव्वा परिंता, बस्के एवनल अन्दरूनी ओसो बाहरी परिस्थितिंग ना कारण ते पुट्ठना फौरी संकट कुना कारण ते अदु खुद खत्म आयनाजोम चीन ता प्रतिरोध किन खत्म किसोरे मंदिंता। जापान ता अन्दरूनी राजनीति काजे केवल रेंडु हरींग मंतांग - अबु, अदिना पूरा शासक वर्ग जल्दी खत्म आंता ओसो राजनीतिक सत्ता जनता ना कैदे वांता, ओसो इद समय ते संभव हिल्वा मंदाना युद्ध खत्म आंता। लेवेके अदिना जर्मीदार वर्ग ओसो पूंजीपति वर्ग ता स्वरूप ज्यादा से ज्यादा फासीवादी बनेमासोर दायार ओसो ओरु युद्ध किन अबु खत्म आयना जोम जारी तासांतोर, इदे हरीं पोर्रो इंजे जापान ताका मंता। इदे आयवा बदे तीसरा हरीं हिल्लो। बोरु जापान पूंजीपति वर्ग ता उदारवादी गुट युद्ध किन रोमी कियाला काजे मुने वांता इंजी आशा किया मंतोर, ओरु केवल इद्रम ता भ्रम लोप्पाने मंतोर। जापान ता राजनीति ता वास्तविकता लोप्पा बचोनो सालकुनल जापान ता पूंजीपति वर्ग ता उदारवादी गुट जर्मीदार ओसो इजारेजार बैंक-पूंजी लोरा कैदे मंता इंजी दिस्सा मंता। ओसो इंजे जापान चीन पोर्रो आक्रमण कित्ता, चीन प्रतिरोध-युद्ध कीसि ताना पोर्रो खतरनाक हमला किवेके ओसो जापान ता वेल्ले ताकात अद्रमे मत्तेके अदु जरूर दक्षिण-पूर्वी एशिया या साइबेरिया, या रेंडासी ना पोर्रो आक्रमण कींता। योरोप ते युद्ध शुरू आता तुरंत पेरके जापान इद डांव पंडिंता। जापान ता शासक लोर तम्मा दिमाग लोप्पाने उंदी बेहरा योजना बने कितोरा इंगो,

सोवियत संघ मजबूत मत्ता कारण ते ओसो चीन संगे आयना युद्ध लोप्पा जापान वेल्ले कमजोर मत्ता कारण ते जापान किन साइबेरिया पोर्रे आक्रमण कियाना तन्ना मूल योजना किन विड्सा लागिंता ओसो सोवियत संघ ता बारे ते बुनियादी रूप ते बचाव कियाना रुख लागू कियाना लागा परिंता मति इद्रम ता परिस्थिति लोप्पा अदु चीन पोर्रे तन्ना आक्रमण कि ढील हिवा लेवा अदिन ओसो तेज कियार, बारांकु इत्तेके अदिनगा केवल इदे हर्री मंता। इत्तेके कमजोर किने लूटे कियाना हर्री। इद्रम आतेके चीन ता प्रतिरोध-युद्ध, संयुक्त मोर्चा ओसो दीर्घकालीन युद्ध लोप्पा डेटेमासी मंदाना काम ओसो ज्यादा महत्वपूर्ण आंता। इद्रम ता परिस्थिति लोप्पा चीन किन बदे ढील हिवा लेवा तन्ना कोशिशकुना ओसो ज्यादा बेरसी कीसोर मंदाना जरूरत मंता।

114. इव परिस्थितिंग लोप्पा जापान पोर्रे चीन ता जीत ता मुख्य शर्त राष्ट्रव्यापी एकता ओसो विभिन्न क्षेत्र लोप्पा मुनेटले दस गुना या सौ गुना तरक्की ता मंता। चीन इंजे प्रगति ता युग लोप्पा मंता ओसो अदु महान एकता वेने बने कित्ता, मति अदिना प्रगति ओसो अदिना एकता इंजे वेने जरूरत तुकू ज्यादाए कम मंता। जापान मजबूत मत्ता कारण ते ओसो चीन कमजोर मत्ता कारण तेने इदिनकु बेहरा इलाका पोर्रे कब्जा किया परता। चीन ता इद कमजोरी हत्ता सौ सालकुना, खासकर हत्ता दस सालकुना विभिन्न ऐतिहासिक गलतिंग ना कारण आंदू। इव गलतिंग चीन ता प्रगति किन नेटा परिस्थिति एवनल सीमित किसिता। बस्के एवनल दीर्घकालीन व्यापक कोशिश किवोम, अस्के एवनल इद्रम ता शक्तिशाली दुश्मन किन होरे कियाना असंभव आयारा माटु इंजे वेन बचोनो समस्यांग लोप्पा कोशिश कियानादु मंता, मति इग्गा नन्ना केवल रेंडु सबसे ज्यादा बुनियादी पहलुंग ना बारे ते चर्चा किया मंतान - फौज ता विकास ओसो जनता ना विकास।

115. अदु मावा सेना ता व्यवस्था लोप्पा सुधार कियाना अदिन आधुनिक बने कियाना ओसो अदिना तकनीकी परिस्थिति लोप्पा विकसित कियाना संगे अभिन्न रूप ते जुडेमासी मंता। इदे लेवा माटु दुश्मन किन यालू डोड्डा ता अद बगिल एवनल पूँडा परवोम आसी मन्नेमा फौज कुना इस्तेमाल कियाला काजे माटु प्रगतिशील ओसो लचीला रणनीति ओसो कार्यनीति ता जरूरत मंता। इद लेव वेने माटु जीत हासिल किया परवोमा। मति सैनिक लोर सेना ता बुनियाद मंदितोरा बस्के एवनल ओर लोप्पा प्रगतिशील राजनीतिक

भावना पुट्ठी कियमूळायो, ओसो बस्के एवनल इद्रम ता भावना किन प्रगतिशील राजनीतिक काम संगे बेरसी कियमूळायो, अस्के एवनल ॲफिसर ओसो सिपाही लोरा नडमा सही एकत बने कियाना असंभव मंता, प्रतिरोध-युद्ध काजे ओरा गिर्दा किन पूर्ण रूप ते उभरे कियाना असंभव आंता, ओसो मावा सब्बे तकनीकी साजो-सामान ओसो कार्यनीतिंग ना वेल्ले कारगर तरीका ते इस्तेमाल कियाना काजे उंदी बेसता आधार तैयार कियाना असंभव आंता। माटु जापान तकनीकी रूप ते मजबूत मत्तेकाई आखरी ते जरूर हरेमायार इंजी इंतोम अस्के मना हिसाब ते विनाश ओसो एरियना-दोगना कियाना कार्रवाईंग ना संगे माटु ताना पोर्चे हमला कियानादु आंता, ओरकिन नुक्सान कियानाए आयवा ओरा फौजकुना मनोबल जरूर कमजोर आयार बारांकु इतेके ओरा हथियारकु राजनीतिक रूप ते जागृत सैनिक लोरा कैदे हिल्लेंग। मावा परिस्थिति इदिना उल्टा मंता। मावा ॲफिसर ओसो सैनिक जापानी-आक्रमण-विरोधी युद्ध ता राजनीतिक उद्देश्यते पूरा ए सहमत मंतोर इद एकता सब्बे जापान-विरोधी फौज कुना लोप्पा राजनीतिक काम कियाना काजे आधार बनेमांता। सेना लोप्पा मुख्य रूप ते झगड़ा कियाना ओसो मार-पीट कियानादु सामन्ती प्रथा किन खत्म कीसि ओसो ॲफिसर लोरा ओसो सैनिक लोर वरोर दूसरो ना सुख-दुःख ते साथ हियाना पूरा जनवाद पोर्चे अमल कियाना। उंदी बेरा इद्रम कितेके ॲफिसर ओसो सैनिक लोरा नडमा एकता आया परिता, सेना ता युद्ध-क्षमता लोप्पा वेल्ले बढोत्तरी कियमूळांत, ओसो माटु इद दीर्घकालीन निर्मम युद्ध लोप्पा टिके माया परितोमा परवोम इंदाना पोल्लो पोर्चे उचुन वेने डावुट मन्नो आयार।

116. युद्ध कियाना ताकत ता बस्के मारो इंदाना स्वोत जन-समुदाय लोप्पा मंता। चीनी जन-समुदाय ता असंगठित मंदानादे जापान ता मना पोर्चे अत्याचार कियाला हिम्मत कियाना ता कारण आंदू इदु कमी किन दूर कितेके पोत्तना किस्स नडमा हिरकता बेय्यल कोंदा लेकका जापानी आक्रमणकारी लोर किन मना दसियों करोड़ जनता नडमा हिरका लागियर, मावा नारांग केंजिसी वेरियानोर ओसो पोत्तना किस्स ते अरसी नीर बनेमायनोर। मावा बगिल तल फौज किन लगातार भर्ती दोरकसोरे मंदना। “जोर-जबरदस्ती” ओसो “बदले की खरीद” संगे भरती<sup>24</sup> लेकका मनमानी तरीका पोर्चे तुंत प्रतिबंध

बाटना, इद इंजे ताकसोरे मंता। इद्रम कित्तेके दसियों लाख लोकुर किन फौज लोप्पा भरती कियाना हल्को आयरा। इंजे प्रतिरोध-युद्ध काजे धन जम कियाना वेल्ले मुश्किल आता लेकका आया मंता। मति जनता किन उंदीकट्ट कित्ता पेरके इद्रम ता बदे समस्या मन्नो आयारा। इद चीन लेकका बेहरा भूमि ओसो बेहरा जनसंख्य वाले देश तन्ना धन ता कमी मत्ता परिस्थिति लोप्पा मंदानदु उंदी तर्कसंगत पोल्लो लेकका मंता? सेना जनता लोप्पा कलियाना अस्केने जनता ओरकिन तन्ना सेना समझेमांता। इद्रम ता सेना हारेमायो आयार, ओसो जापान लेककाटा बदे साम्राज्यवादी देश मुन्ने सुडला दिस्सियर।

117. वेल्ले लोकुरा विचार ऑफसर लोरा ओसो सिपाही लोरा नडमा ओसो सेना ओसो जनता नडमा तनावपूर्ण संबंधकुना कारण ते गलत तरीका लागू कियानदु मंता। मति नन्ना ओरकुन हमेशा इद समस्या बुनियादी रुख (बुनियादी उसूल) ता समस्या आंदू इंजी इत्तान, सिपाही लोरा ओसो जनता ना सम्मान कियाना रुझान ता समस्या आंदू इदे रुख ते बचोनो नीतिंग, उपायकू ओसो तरीकांग ना जन्म आंता। माटु इद रुख किन विडस्तेके मावा नीतिंग, उपायकु ओसो तरीकांग जरूर गलत आंतांग, ओसो अफसर लोर ओसो सैनिक लोरा नडमा ता ओसो सेना अनि जनता ना नडमा ता संबंध बिल्कुले बेस मन्नो आयारा सेना ता राजनीतिक काम काजे मावा मूँड मुख्य उसूल इद्रम मंतांग - पहला, अफसर ओसो सैनिक लोरा नडमा एकता, दूसरा, सेना ओसो जनता ना नडमा एकता, ओसो तीसरा, दुश्मन ता फौज कुन छिन्न-भिन्न कियाना। इव उसूल किन कारण रूप ते लागू कियाला काजे माटु सैनिक लोर ओसो जनता ना सम्मान कियाला ओसो आत्मसमर्पण कित्ता युद्धबंदी लोरा व्यक्तिगत इज्जत ता सम्मान कियाला बुनियादी रुख किन अपना प्रस्थान-बिन्दु बने कियाना बोरु इद समस्या किन केवल काम ता तरीका ता समस्या समझेमांतोर ओसो बुनियादी रुख ता समस्या इंजी समझेमायोर, ओरा विचार जरूर गलत मंता ओसो ओरकिन तम्मा विचा किन सुधेरे कियाना जरूरत मंता।
118. इंजे, ऊहान ओसो दूसरा जागा ना रक्षा कियाना वेल्ले फौरी काम बनेमात्ता, सब्बे सेनांग ओसो सब्बे जनता ना सक्रियता किन युद्ध ता समर्थन ते पूर्ण रूप ते जागृत कियाना उंदी वेल्ले महत्वपूर्ण काम मंता। ऊहान ओसो दूसरा

जागांग किन रक्षा कियाना किन गंभीरता ते पेश कियाना ओसो गंभीरता ते अमल कियानादिना लोप्पा बदे डावुट हिल्ले। मति इव जागा निश्चित रूप ते सुरक्षित तासमूँडांता या आयो, इदु मावा मनोगत इच्छांग पोर्रे आयवा ठोस परिस्थितिंग पोर्रे निर्भर मंता। संघर्ष काजे सब्बे सेना ओसो सब्बे जनता ना राजनीतिक जत्थेबंदी इदिना काजे सबसे महत्वपूर्ण ठोस शर्तकु लोप्पाटल उंदी आंदू। सब्बे जरूरी शर्त कुन पूरा कियाना कोशिश किवेके या अविनगडल उंदी वेने शर्त ता कमी मत्तेके नानकिंग ओसो दूसरा जागा ने मावा कैदल दायना लेकाटा समस्यांग कुना दोहराव आंता। चीन लोप्पा मैड्रिड परिस्थितिंग मंदाना जागांग मैड्रिड बनेमाया परिंतांगा। इंजे एवनल चीन लोप्पा बदे मैड्रिड बनेमाया परतादु हिल्ले। इंजेटल माटु चीन लोप्पा बचोनों मैड्रिड कुना स्थापना कियाला काजे कोशिश कियाना। मति इव सब्बे परिस्थितिंग पोर्रे निर्भर आंता। इविना लोप्पा सबसे बुनियादी शर्त सब्बे सेनांग ओसो सब्बे जनता ना व्यापक रूप ते राजनीतिक जत्थेबंदी कियाना।

119. मना सब्बे काम किना लोप्पा माटु जापान-विरोधी राष्ट्रीय संयुक्त मोर्चा ता आम नीति पोर्रे दृढ़ मंदाना। बारांकु इत्तेके केवल इदे नीति तल माटु प्रतिरोध-युद्ध ओसो दीर्घकालीन युद्ध किन जारी तास परिंतोम, अफसर ओसो सिपाही लोरा नडमा ओसो सेना अनि जनता नडमा ता संबंध ते चौरतरफा ओसो गहरा सुधार किया परिंतोम, मना पिस्ता सब्बे प्रदेश कुना पोर्रे दोबारा अधिकार कियाला काजे सब्बे सेनांग ओसो सब्बे जनता ना सक्रियता किन पूर्ण रूप ते जागृत किया परिंतोम, ओसो आखरी जीत हासिल किया परिंतोम।

120. सेना ओसो जनता ना राजनीतिक जत्थेबंदी ता समर्पण दरअसल सबसे ज्यादा महत्वपूर्ण समस्या मंता। इदिन किन माटु बार-बार सही इंतोम, बारांकु इत्तेके राजनीतिक जत्थेबंदी लेवा युद्ध लोप्पा जीत हासिल किया परमूँडायो। दूसरा जरूरी शर्तकु वेने मंतांग ओसो इविना लेवा वेने युद्ध लोप्पा जीडना संभव हिल्ले इंजी बदे डावुट हिल्ले। मति राजनीतिक जत्थेबंदी युद्ध लोप्पा जीत हासिल कियाना सबसे बुनियादी शर्त आंदू। जापान-विरोधी राष्ट्रीय संयुक्त मोर्चा सब्बे सेना ओसो सब्बे जनता ना उंदी संयुक्त मोर्चा आंदू। इद बद्रमाई केवल बदे राजनीतिक पार्टिंग ना हेडक्वार्टर ओसो अविना सदस्य लोरा संयुक्त मोर्चा आयो। जापान-विरोधी राष्ट्रीय संयुक्त मोर्चा ता गठन

कियना मावा उंदे बुनियादी उद्देश्य मंता कि इदिन लोप्पा सब्बे सेना ओसो  
सब्बे जनता किन उंदीकट्टु कियाना।

## निष्कर्ष

121. मावा निष्कर्ष बातल? अबु दोड़ रास्ता लेकका मंतांगः

“चीन बद परिस्थिति लोप्पा जापानी साम्राज्यवादी ताकत किन हारे  
किया परिता ओसो खत्म किया परिता? इदिन काजे मूँड शर्तकुना जरूरत  
मंता पहला, चीन लोप्पा जापान-विरोधी संयुक्त मोर्चा ता स्थापना, दूसरा,  
जापान-विरोधी अंतर्राष्ट्रीय संयुक्त मोर्चा ता स्थापना, तीसरा जापानी  
जनता ओसो जापान ता उपनिवेश ता जनता ना क्रांतिकारी आंदोलन ता  
उदया चीनी जनता ना दृष्टिकिंदु ते, इव मूँडासीना लोप्पा सबसे महत्वपूर्ण  
शर्त चीनी जनता ना महान एकता आंदू”

“इद्रम ता युद्ध बस्के एवनल जारी मंदिंता? इद चीन ता जापान-  
विरोधी संयुक्त मोर्चा ता ताकत ते ओसो चीन ओसो जापान लोप्पा मंदाना  
बचोनो निर्णायिक तत्वंग पोरो निर्भर मंता”

“इव शर्तकु जल्दिए पूरा कित्तेके युद्ध दीर्घकालीन आंता। मति  
आखरी ते इदिना रिजल्ट जापान ता हार जरूर आंता, ओसो चीन ता जीत  
जरूर आंता। इंगो, कुर्बानिंग बेहरा स्तर ते हिया लागिंता, ओसो इदु उंदी  
वेल्ले दुक्कम ता कालम मंदिंता”

“मावा रणनीतिक उसूल माटु मना नियमित सेना किन दीर्घकालीन  
ओसो बदलेमासोर मंदाना अस्थिर मोर्चा ते कार्रवाई कियाना लोप्पा  
वाटनदु मंदाना। कामयाबी हासिल कियाला काजे चीनी सेनांग किन  
पोरोटा दर्जा ता चलायमान ता संगे व्यापक रणभूमि लोप्पा लड़ाई ताकी  
कियाना।”

“चलायमान लड़ाई ताकी कियाला काजे प्रशिक्षित फौज किन  
लोहनाए आयवा माटु किसान लोरा नड़मा ताल बेहरा संख्या लोप्पा  
छापामार दस्ता वेने संगठित कियाना।”

“युद्ध ताकनास्के चीन... तन्ना किन फौजी साजो-सामान ता दृष्टि ते  
कदम-ब-कदम सुदृढ़ बने कियाना। अदिन काजे युद्ध ता उत्तर काल ते चीन

मोर्चाबद्ध लड़ाई ताकि किया परिंता ओसो जापान-पोयता क्षेत्रंग ना  
मोर्चाबंदी पोर्टे हमला किया परिंता। इद्रम जापान ता अर्थव्यवस्था चीन  
ता दीर्घकालीन प्रतिरोध ता दबाव ता कारण ते खत्म आयार ओसो गिनती  
हिल्वा लड़ाईंग लोप्पा हिरकता कारण ते जापानी फौज कुना मनोबल  
देगिंता। मति चीन ता पक्ष ते प्रतिरोध ता निहित ताकत ता दिन-ब-दिन  
खतरनाक रूप ते विकास आसोर दांता, ओसो क्रांतिकारी लोकुरा वेल्ले  
बेहरा हिस्सा मना देश ता आजादी काजे लड़ेमायना मोर्चा ता अग्रिम  
(मुन्नेटा लाईन) ते एविंता। इ सब्बे तत्वंगि किन ओसो दूसरा तत्वंग कुना  
मेल ते माटु जापान-पोयता क्षेत्र लोप्पा अदिना किलेबंदिना ओसो  
अड्डांग पोर्टे आखरी ओसो निर्णयिक हमला कियाना ओसो हमला  
कियाना जापानी फौज किन चीन तल बाहर पूँडला तैयार आयनूरा।”

(एडगर स्नो ना संगे मुलाकात, जुलाई 1936)

“इद्रम चीन ता राजनीतिक परिस्थिति लोप्पा इंजे उंदी पूना मंजिल  
ता शुरुआत आता। वर्तमान मंजिल ता केंद्रीय काम प्रतिरोध-युद्ध लोप्पा  
जीत हासिल कियाला काजे राष्ट्र ता सब्बे शक्ति किन उंदीकट्ट कियानादु  
आंदू।”

“प्रतिरोध-युद्ध लोप्पा जीत हासिल कियाना कुंजी वर्तमान प्रतिरोध-  
युद्ध किन पूरा राष्ट्र ता पूर्ण प्रतिरोध-युद्ध लोप्पा विकसित कियाना। केवल  
इद्रमे प्रतिरोध-युद्ध संगे आखरी जीत हासिल कियमूँडांता।”

“वर्तमान प्रतिरोध-युद्ध लोप्पा गंभीर कमजोरिंग मत्ता कारण ते  
नुकसान आय आयना, ऐके गुचना, लोप्पाटा फूट, विश्वासघात, अस्थाई  
ओसो आंशिक सलह-समझौता, लेककाटा बचोनो प्रतिकूल परिस्थितिंग  
ना सामना किया लागियरा। अदिन काजे माटु इद युजद्ध उंजी कठिन ओसो  
दीर्घकालीन युद्ध आया मंता इंजी आल्सना। मति मावा विश्वास शुरू आता  
प्रतिरोध-युद्ध, मना पार्टी ओसो सब्बे जनता ना कोशिश कुना संगे जरूर  
सब्बे कठिन परिस्थितिंग किन पार कीसि तन्ना प्रगति ओसो विकास किन  
जारी तासियरा।”

इवे मावा निष्कर्ष आंदुंग। राष्ट्रीय गुलामी ता सिद्धांत ता समर्थन  
दुश्मन किन अतिमानव ओसो माकिन अंगडम समझेमांतोर, ओसो जल्दी  
जीत ता सिद्धांत किन लागू कियानोर माकिन अतिमानव ओसो दुश्मन

किन अंगडम समझेमांतोरा इव रेंडासी गलत आंदू मावा दृष्टिकोण ते इव रेंडासी ना विपरित मंता। जापानी-आक्रमण-विरोधी युद्ध उंदी दीर्घकालीन युद्ध आंदू ओसो आखरी जीत चीन ताए आयरा इदे मावा निष्कर्ष आंदू।

122. नावा भाषण इगा समाप्त आंता। महान जापानी-आक्रमण-विरोधी युद्ध विकसित आया मंता ओसो वेल्ले लोकुर पूर्ण जीत ता प्राप्ति काजे मावा अनुभव ता सारांश तेंडला आल्सा मंतोरा। इगा नन्ना बाता वेहत्तानो अदु केवल मुन्नेटा दस महीनांग ना आम अनुभव आंदू। इदिन सारांश रूप ते वेने ग्रहण कियानांता बहे। दीर्घकालीन युद्धता समस्या व्यापक रूप ते ध्यान हियाना ओसो विचार-विनिमय कियाना लेकका मंता। मन्ना बद वेहत्तान अदु केवल उंदी रूफेरखा आंदू नन्ना मीटु इदिना जांच-पडताल किंतिर ओसो इदिना पोरों विचार-विमर्श कियाकिर ओसो इदिना लोप्पा सुधार ओसो परिवर्तन कियाकिर इंजी आशा किया मंतान।

## नोट

1. राष्ट्रीय गुलामी ता सिद्धांत क्वोमिंगतांग ता विचार मत्ता। क्वोमिंगतांग जापान ता प्रतिरोध कियाला बिल्कुले आल्सवा मत्ता ओसो पेरके अदु दबाव ता कारण ते जापान ता खिलाफ लड़ेमात्ता। लुकओछयाओ घटना पेरके, च्यांग काई-शेक गुट विचार हिल्वाए प्रतिरोध-युद्ध लोप्पा शामिल आतास्के वेने, वांग चिंग-वेइ गुट राष्ट्रीय गुलामी ता सिद्धांत ता प्रतिनिधित्व कित्ता ओसो जापान ता मुन्ने तल्ला वरहाना तैयारी कित्ता ओसो पेरके अदु निज्जमे तल्ला वरहिता वेने। राष्ट्रीय गुलामी ता विचार केवल क्वोमिंगतांग लोप्पाने आयवा इदिना असर समाज ता नड़मा ता हिस्सा ता उचुन हिस्सांग ने ओसो उचुन मेहनतकश जनता ना पेरके अरता हिस्सा ते वेने मंता। जनता ना उचुन पेरके अरता हिस्सांग लोप्पा दुक्कम पोयता विचार गंभीरतापूर्वक मंता, बारांकु इत्तेके जापान-विरोधी-युद्ध लोप्पा भ्रष्ट ओसो योग्य हिल्वा क्वोमिंगतांग सरकार उंदी पेरके उंदी लड़ाई हारेमासोर दाया मंता ओसो जापानी सेना सालमेटेने बेरोकटोक ऊहान गर्ने एवता।
2. इद विचार कम्युनिस्ट पार्टी लोप्पा दोरकिंतांग। जापानी-आक्रमण-विरोधी युद्ध ता शुरू ता 6 महिनांग लोप्पा कम्युनिस्ट पार्टी ता उचिन लोकुरा लोप्पा दुश्मन किन कमजोर आल्सना रुझान मंता। ओरा विचार जापानी लोरकिन उंदे हमला ते हारे कियमूङ्गांता इंदानदु मंता। ओरू तम्मा ताकत किन वेल्ले मजबूत समझेमायनोर इंजी आयो। ओरू कम्युनिस्ट पार्टी ता नेतृत्व ते चीन ता फौज ओसो जन-समुदाय ता संगठित ताकत इंजे वेने वेल्ले कमजोर मंता वेने पुतोरे। मति क्वोमिंगतांग जापान ता प्रतिरोध कियाना शुरू कीसि मत्ता। ओरू क्वोमिंगतांग वेल्ले ताकतवर मंता ओसो कम्युनिस्ट पार्टी संगे तालमेल कीसि क्वोमिंगतांग जापान पोर्ये कागर तरीका ते हमला किया परिता इंजी पक्काए बेश समझेमांतोरा ओरू क्वोमिंगतांग ता केवल इंजे जापान ता प्रतिरोध कियाना पहलू किन तो हूँडतोर, मति ओरा प्रतिक्रियावादी ओसो भ्रष्ट मंदाना दूसरा पहलू ता नजरअंदाज कित्तोरा। अदिन काजे ओरू परिस्थिति ना गलत मूल्यांकन कित्तोरा।
3. थाएअड़च्चांग दक्षणी शानतुंग लोप्पा मंदाना उंदी नार आंदू अगा मार्च 1938 लोप्पा चीनी सेना जापानी हमलावर सेना ना खिलाफ उंदी लड़ाई

लड़ेमातादु मंता। इद लड़ाई लोप्पा जापान ता 70-80 हजार फौज कुनगडल तन्ना 4 लाख फौज वाटसी चीनी सेना जीत हासिल कित्ता।

4. इद विचार “ता कुंग पाओ” ना सम्पादन कित्ता उंदी लेख लोप्पा वेहतोर, अदु अद समय ते क्वोमिंगतांग ता राजनीति-विज्ञान ग्रुप ता मुखपत्र मंता। इद ग्रुप उचुन हवाई धारणांग बने कित्ताद मंता ओसो ओरु थाएंडच्वांग लेककाटा उचुन ओसो जीत पेरके जापान ता मुने दायनदु रोमयर ओसो अस्के दीर्घकालीन युद्ध काजे जनता ना ताकत किन उंदीकट्टु कियाना जरूरत मन्नो आयार इंजी आशा कियनोरा। इद ग्रुप जनता किन उंदीकट्टु कित्तेके, मुने हंजी इद चीज ओरा वर्ग-अस्तित्व काजे खतरनाक साबित आता। पूरा क्वोमिंगतांग लोप्पा इद्रम ता हवाई धारणा फैलेमासी मंता।
5. इगा 1898 ते आता सुधारवादी आंदोलन ता बारे ते वेहतादु मंता। इद आंदोलन उचुन उदारवादी पूंजीपति ओसो जागृत जर्मीदार लोरा हितकुना प्रतिनिधित्व कित्तोरा। इद आंदोलन ता नेता खांग यओ-वेइ, ल्यांग छी-छाओ ओसो थान स-थुंग मत्तोरा। इदिना सम्राट क्वांग श्वी समर्थन कित्तोर, मत्तोर इदिना बदे जन-आधार हिल्वा मंता। पेरके खान श-खाए, वीनगा सेना वेने मंता, विश्वासघात कीसि सुधारवादी गुट ता योजना रुद्धिवादी गुट ता नेत्री महारानी डोवागर किन वेहतोरा। अद्रमासी महारानी डोवागर छ्शी दोबागा राजसत्ता पोरों कब्जा कित्तोर, सम्राट क्वांग श्वी किन कैद कित्तोर ओसो थान स-खुंग ओसो दूसरा पांत लोकुर किन हौकतोरा। इद्रम इद आंदोलन किन हारेमाया लागता।
6. 16 जनवरी 1938 ते जापानी मंत्रिमंडल उंदी आह्वान जारी कीतोरो ताना लोप्पा हथियारबंद फौज कुना संगे चीन किन गुलान बने कियाना नीति ता ऐलान कित्तादु मंता। संगे ने ओरु क्वोमिंगतांग सरकार किन धमकी हियाना ओसो आत्मसमर्पण काजे तैयार कियाना वेने कोशिश कित्तादु मंता। ओरु क्वोमिंगतांग सरकार “प्रतिरोध-युद्ध ता योजना किन जारी तास्तोर”, अस्के जापानी सरकार चीन लोप्पा उंदी पूना कठपुतली सरकार निल्पी कियाना ओसो अदिन सुलह कियाना पोल्लोंग कियाना हकदार समझेमायमूङायो इंजी ऐलान कित्तोर।
7. इगा मुख्य रूप ते अमेरिका ता बारे ते वडका मंतोम।

8. कामरेड माओ त्सेतुंग ना भविष्यवाणी जापानी-आक्रमण-विरोधी युद्ध ता ठहराव ता मंजिल लोप्पा चीन ता लगातार विकसित आसोर दायाना, चीनी कम्युनिस्ट पार्टी नेतृत्व ते स्थापना आता मुक्ति क्षेत्र लोप्पा बिलकुल सही साबित आता। मति क्वोमिंगतांग शासन कियाना इलाकांग लोप्पा शासक अदिना मुखियाल च्यांग काई-शेक मत्तोर, केवल मुनेए हनवा लेवा, जापान ता निष्क्रिय प्रतिरोध ओसो कम्युनिस्ट पार्टी ओसो जनता ना सक्रिय विरोध कित्ता कारण ते अदु तीरम-तीरम पेरके गुचता। मति इदिना कारण ते व्यापक जनता लोप्पा प्रतिरोध भड़केमात्ता ओसो ओरा राजनीतिक चेतना बेरसोर हत्ता। इदिन संबंध ते विस्तृत विश्लेषण काजे कामरेड माओ त्सतुंग ना रचना “मिलीजुली सरकार बारे में” लेख किन हूडाटु।
9. “हथियारए सब्बे तय कींता” इंदाना सिद्धांत किन मानेमायनोर चीन ता हथियार जापान तुकू लब्बड मंता, अदिन काजे युद्ध लोप्पा चीन ता जरूर होरेमांता इंजी आलिसंतोर। च्यांग काई- शेक पूरा क्वोमिंगतांग प्रतिक्रियावादी गुट ता नेतालोरा विचार इद्रमे मत्ता।
10. बुद्ध बौद्ध धर्म ता स्थापना कित्तोर शाक्यमुनि मत्तोर। सुन ऊ-खुंग 16वी शताब्दी लोप्पा रास्ता “शी यओ ची” (पश्चिम ता तीर्थयात्रा) पोर्रेल ता चीनी पौराणिक उपन्यास ता वरोर वीर नायक मत्तोर। उपन्यास लोप्पा ओ ओनकिन उंदी मूंज ता रूप ते तोहतादु मंता ओरू केवल उंदी कलाबाजी कीसि 1,08,000 ली ता दूरी तय किया परिंता। मति उंदी बेरा अदिन बुद्ध ना कै पोर्रे तरगला मजबूर आया लागतेके लाख कोशिश कित्ता पेरके वेने अदु ताना लोप्पाटल बाहर वाया परवो। उपन्यास लोप्पा बुद्ध तन्ना कैदुन पलटे कित्तोर ओसो तन्ना पांच वेड़म्स्कुन पंचतत्व मेड्वा ता रूप ते निल्पी कित्तोर, ताना दोड दबेमासी सुन ऊ-खुंग मलिया वेने परवोर इंजी इत्तोर।
11. अगस्त 1935 लोप्पा कम्युनिस्ट इन्टरनेशनल ता सातवीं विश्व कांग्रेस ता मुने “फासीवादी आक्रमण ओसो फासीवाद ता खिलाफ मजदूर वर्ग एकता काजे संघर्ष लोप्पा कम्युनिस्ट इन्टरनेशनल का काम” इंदाना हेडिंग मत्ता तन्ना रिपोर्ट लोप्पा कामरेड जार्जी दिमित्रोव: “फासीज्म एक बेलगाम शिविनिज्म ओसो लूट-खसोट भरा युद्ध है।” जुलाई 1937 ते ओरा “फासिज्म इतेके युद्ध” इंदाना हेडिंग मंदाना लेख प्रकाशित आसी मत्ता।

12. हूडाटूः वी. आई. लेनिन “समाजवाद ओसो युद्ध” ता पहला अध्याय ओसो “दूसरी इन्टरनेशनल ता पत” तीसरा परिच्छेद।
13. ईसापूर्व 632 ते चिन ओसो छू राज्य नडमा छंगफू लोप्पा (वर्तमान ते हनान प्रान्त ता फानश्यन काउन्टी लोप्पा मंता-अनु.) अंधाधुंध लडाई आसी मत्ता। लडाई ता शुरू ते छू मजबूत मत्ता। चिन ता सेनांग 90 ली पेरके गुचता, ओसो ओरु दुश्मन ता कमजोर जागा ते इत्तेके ओरा तिन्ड ओसो डावड बगिल जोरदार हमला कित्तोर इद्रमे अदिन पूराए हारे कित्तोर।
14. इद लडाई ईसापूर्व 205 ते चिंगचिंग पोर्टल ता जागा ते आता। चाओ श्ये हेरे 2 लाख सेना मत्ता अदु हान राज्य ता सेनापति हान शिन ना सेना तुकू बचोनो ज्यादा मत्ता। मति हान शिन ना फौजकु डोड्डा किन तन्ना केंद्र बने कीसि बहादूरी ते लडाई कित्ता। अदे नडमा हान शिन तन्ना उंदी दलम किन दुश्मन ता केंद्र लोप्पा दुश्मन ता फौजकुना संख्या कम मंदाना जागा ते हमला कियाला ओसो कब्जा कियाला लोहतोरा। अद्रमे मोर्चेबंदी ते फंसेमासी चाओ ना सेना पूराए हारे मात्ता।
15. 18वी शताब्दी ता आखरी ते ओसो 19 वी शताब्दी ता शुरू ते फ्रांस ता नेपोलियन ब्रिटिश, प्रशिया, आस्ट्रिया, रूस ओसो योरोप ता दूसरा वेल्ले देशकुना खिलाफ लडाईंग लडेमात्ता। ज्यादातर लडाईंग लोप्पा नेपोलियन ता फौज दुश्मन ता फौज ता मुकाबला ते संख्या लोप्पा कम मत्तेकाई जीड़ता।
16. 383 ईसवी लोप्पा छिन राज्य ता शासक फू चेन चिन राज्य ता फौज कुन कमजोर समझेमासी तन्ना फौज किन उन पोर्टे हमला कियाला लोहतोरा मति चिन ता फौज कुना आनह्वेइ प्रान्त ता शओयांग काउन्टी ता लोच्येन पोर्टल ता जागा ते फू चेन ना नेतृत्व ते मंदाना दलम किन हारे कीसि जल ओसो थल रेंडासी हर्फिनल मुन्ने हत्ता। शओयांग नगर ता दिवार पोर्टे फू चेन दुश्मन ता फौजी मोर्चेबंदी वेल्ले बेश मंता इंजी हूडतोर, संगेने ओरु पाकुंग मेह्ता ता हर मर्रा ओसो पोरकांग किन दुश्मन ता सैनिक समझेमासी दुश्मन ता फौज किन शक्तिशाली मानेमासोर मत्तोर ओसो खुद वेरियतोर। हूडाटूः “चीन ता क्रांतिकारी युद्ध ता रणनीति ता बारे ते समस्यांग” हेडिंग मंदाना लेख ता नोट 29 (“माओ त्सेतुंग ना संकलित रचनांग”, ग्रन्थ 1)।
17. इगा च्यांग काई-शेक ओसो वांग चिंग-वेइ 1927 लोप्पा क्वोमिंगतांग ओसो कम्युनिस्ट पार्टी ता प्रथम राष्ट्रीय जनवादी संयुक्त मोर्चा ता बारे ते

विश्वासघात कित्तोर ओसो दस साल एवनल जनता ना खिलाफ युद्ध ताकी कित्तादु मत्ता, ओसो इद्रम ओरु जनता ना व्यापक संगटन किन असंभव बने कीसि मत्तोरा क्वोमिंगतांग ता प्रतिक्रियावादीर किने, ओरा नेता च्यांग काई-शेक मत्तोर, इद ऐतिहासिक गलती काजे जिम्मेदार मानेमायना इंजी वेहतोर।

18. श्यांग, सुंग राज्य ता सामंत मत्तोर ओरु ईसापूर्व सातवीं शताब्दी ता वसंत ओसो शरद कालम ता शासन ता बागडोर सम्भाले कित्तोरा ईसापूर्व 638 लोप्पा सुंग राज्य ता लड़ाई शक्तिशाली छू राज्य संगे आसी मत्ता। तन्ना फौज किन कतारबद्ध कित्ता पेरके सामंती श्यांग छू राज्य ता फौज कु इंजे डोड्डा वेंडा मंता इंजी हूँडतोर। सुंग राज्य ता वरोर अफसर ओनकिन छू ता फौज कुना संख्या लोप्पा ज्यादा मंता ओसो तन्ना फौज कुना संख्या लोप्पा कम मंता, अदिन काजे इदे मौका दुश्मन पोर्रो हमला कियानादु इंजी सलाह हीतोर। मति सामंती श्यांग: “आयो, बोराई बेसता मानेय किन इद्रम तैयार हिल्वोरा पोर्रो बस्केने हमला कियानायो” इंजी इत्तोरा। अस्के छू ना फौजकु डोड्डा पार कित्तास्के, इंजे मोर्चाबंदी किया परवास्के ओर अफसर ओसो हमला कियाना सुझाव हीतोर: ओसो अस्के ओसो उंदी बेरा सामंती श्यांग: “आयो, बोराई बेसता मानेय मोर्चेबंदी ता तैयारी कित्ता हिल्वा मंदाना सेना पोर्रो बस्केने हमला कियानायो इंजी जवाब हीतोरा” सामंती श्यांग आक्रमण ता आदेश छू ता फौजकु पूराए तैयार आतास्के हीतोरा अदिना कारण ते सुंग ना फौजकु पूराए हारेमातांग ओसो खुद सामंती श्यांग घायल आतोरा हूँडाटूः “च्वो च्वान” लोप्पा “सामंती शी ना 22वी साल”।
19. 1937 लोप्पा पेरिंग ओसो थ्येनचिन पोर्रो कब्जा कित्ता पेरके जापानी हमलावर सेना शानतुंग पोर्रो आक्रमण कियाला काजे थ्येनचिन-फूखओ रेलवे ओदा दक्षिण बगिल हत्ता, अस्के हान फू-च्वी, वरोर क्वोमिंगतांग युद्ध-सरदार मत्तोर ओसो बचोनो साल एवनल शानतुंग ता शासक मत्तोर, उंदी वेने लड़ाई लड़ेमायवा लेवा शानतुंग तल हनान एवनल रोमवा लेवा वितसोर मत्तोर।
20. 1812 ते नेपोलियन 5 लाख ता बेहरा फौज संगे रूस पोर्रो हमल कित्तोरा। रूस ता फौज मास्को किन त्याग कित्तोर ओसो अदिन पोत्ति कित्तोरा इद्रम नेपोलियन ता फौज करवीने, इंगम ओसो मुश्किलकुना ओसो सेना किन तितर-वितर आयाना ओसो फौज कुना घेराव ते अरता कमजोर परिस्थिति

लोप्पा अरता। ओसो ओनकिन मजबूरी ते तना फौज किन पेरके गुची कियाना लागता। रुसी फौजकु मौका दोरकी कीसि जवाबी हमला कित्तोर, अद्रमासी नोपेलियन ता फौज कु केवल 20 हजार तुकू ज्यादा सैनिक बचेमासी विततोर।

21. इगा फौजकुना लोप्पा भरती कियाला काजे क्वोमिंगतांग लागू कियाना तरीकांग उदाहरण हीतादु मंता। क्वोमिंगतांग ता फौज ओसो पुलिस हर जागा ते लोकुर मनमानी तरीका ते जबरदस्ती पोयसी भरती कित्तोर ओसो ओरकिन रस्सी ते दोहची कैदी लोरा लेकका तासनोरा पैसावालेर क्वोमिंगतांग अफसर लोरकिन रिश्वत हीसी तना बदला ते बोराई दूसरा मानेय किन अस्ससी भरती कियानोर।

# राष्ट्रीय युद्ध लोप्पा चीनी कम्युनिस्ट पार्टी ता भूमिका<sup>7</sup>

अक्टूबर 1938

कामरेड्स, मावा वायना काल वेल्ले बेस मंता। माकिन केवल जापानी साम्राज्यवाद किन हरे कियाना जरूरत मंता ओसो उंदी पूना चीन ता निर्माण कियाना जरूरत मंता, माटु जरूर इव उद्देश्यंग किन हासिल किया परितोम। मति वर्तमान परिस्थिति ओसो बेसता भविष्य नड़मा उंजी कठीन हर्री मंता। उंदी बेसता चीन काजे संघर्ष लोप्पा चीनी कम्युनिस्ट पार्टी ओसो<sup>8</sup> पूरा जनता किन योजनाबद्ध रूप ते जापानी हमलावर लोरा संगे संघर्ष कियाना, ओसो ओरकिन केवल दीर्घकालीन युद्ध संगेने हरे किया परितोम। इद युद्ध संगे जुड़े मात्ता विभिन्न समस्यांग ना बारे ते मुने माटु

---

\* \* इद रिपोर्ट कामरेड माओ त्सेतुंग पार्टी ता 6वी केंद्रीय कमोटी ता 6वी पूर्ण अधिवेशन लोप्पा पेश किताद मत्ता। इद अधिवेशन कामरेड माओ त्सेतुंग ना नेतृत्व ते राजनीतिक ब्यूरो ता कार्यदिशा किन मंजूर कियाना वेल्ले महत्वपूर्ण अधिवेशन मत्ता। इद रिपोर्ट लोप्पा राष्ट्रीय युद्ध लोप्पा चीनी कम्युनिस्ट पार्टी ता भूमिका ता सवाल ओरु पार्टी ता सब्बे कामरेड्स जापानी-आक्रमण-विरोधी युद्ध ता नेतृत्व कियाना पार्टी ता वेल्ले ऐतिहासिक जिम्मेदारी किन स्पष्ट रूप ते समझेमायना ओसो जीवा कीसि अदिन तन्ना हड्डा पोर्हे तेहना इंजी तेहतोरा पूर्ण अधिवेशन जापान-विरोधी संयुक्त मोर्चा लोप्पा एकता ओसो संघर्ष रेडासीना जरूरत मंता ओसो “सब्बे संयुक्त मोर्चा संगे” इदाना नारा चीन ता परिस्थितिंग ना अनुकूल हिल्लो। इद्रम संयुक्त मोर्चा ता बारे ते रियायत वादी गलती ना खंडन कीतोरः कामरे माओ त्सेतुंग इद समस्या ता बारे ते तन्ना लेख “संयुक्त मोर्चा लोप्पा स्वतंत्रता ओसो पहलकदमी ता सवाल” लोप्पा कीसि मत्तोर अदु अधिवेश लोप्पा अदिना समापन-भाषण ता उंदी अंश आंदू पूर्ण अधिवेशन जनता-विरोधी सशस्त्र संघर्ष किन संगठित कियाना, ओसो युद्ध-क्षेत्र ओसो दुश्मन ता पृष्ठभाग पार्टी ता काम मुख्य इलाकांग मंदाना इंजी ओसो अदिन हमला कियाना जापानी लोरागडल जीत हासिल कियाला काजे क्वोमिंगतांग फौज कुन पोर्हे आसा किसौरे मंदाना ओसो जनता ना पिस्वल किन क्वोमिंगतांग ता प्रतिक्रियावादी शासन लोप्पा ताकना कानून संघर्ष ता कैदे सौंपे कियाना लेककाटा गलत विचार कुना खंडन कित्ता। कामरेड माओ त्सेतुंग इदिना बारे ते “युद्ध ओसो रणनीति ता समस्या” पोर्हेल ता तन्ना लेख लोप्पा वेहतोरः इग लेख बेने इद अधिवेशन लोप्पा ओना समापन-भाषण ता उंदी अंश आंदू

वेल्ले पोल्लोंग कित्तोमा। माटु प्रतिरोध-युद्ध ता शुरूआत तल इंजे एवनल मना अनुभव कुना निचोड़ तेंडतोम, वर्तमान परिस्थिति किन आंकल कित्तादु मंता, संपूर्ण राष्ट्र काजे फौरी काम निश्चित कित्तादु मंता, ओसो दीर्घकालीन जापान-विरोधी राष्ट्रीय संयुक्त मोर्चा संगे दीर्घकालीन युद्ध ताकी कित्ता कारण ते ओसो इद्रम ता तीरकांग ना बारे ते वेहतादु मंता, ओसो अंतर्राष्ट्रीय परिस्थिति ता वेने विश्लेषण कित्तादु मंता। ओसो बद समस्या पिसिंता? कामेरेड्स, उंदी ओसो समस्या पिसिंता, इतेके राष्ट्रीय युद्ध लोप्पा चीनी कम्युनिस्ट पार्टी ता भूमिका बाताल मंदाना, इतेके कम्युनिस्ट लोर किन तम्मा भूमिका बद्रम समझेमायना, खुद किन मजबूत बद्रम कियाना ओसो एकताबद्ध बने कियाना, अद्रम कित्तेके माटू इद युद्ध हार बगिल आयवा जीडना बगिल ओया परिंतोम॥

बारांकु बोराई कम्युनिस्ट अंतर्राष्ट्रीयवादी मंदाना संगे-संगे देशभक्त वेने मंदा परिंतोरा? मावा विचार केवल ओरु इद्रम मंदा परिंतोर इंजी आयो ओरु इद्रम मंदाना वेने इंजी मंता। देशभक्ति ता ठोस अन्तर्रवस्तु किन ऐतिहासिक परिस्थिति निर्धारित कींता। उंदी बगिल जापानी हमलावर ओसो हिटलर ना “देशभक्ति” मंता ओसो दूसरा बगिल मावा देशभक्ति। कम्युनिस्ट लोर जापानी हमलावर लोरा हिटलर लोरा “देशभक्ति” ता दृढ़ता ते विरोध कियानादु मंता। जापान ओसो जर्मनी ता कम्युनिस्ट ओरा तम्मा देशकुना शुरू आता युद्ध लोप्पा पराजयवादी साबित आतादु मंता। जापानी हमलावर ओसो हिटलर लोर किन हारे कियाना हर संभव तरीका ते कोशिश कियाना जापानी जनता ओसो जर्मन जनता ना हित अनुसार मंता ओसो इद हार बचोन ज्यादा बेसा मर्दिता अचोने बेस मर्दिता। इदे जापान ओसो जर्मनी ता कम्युनिस्ट लोरु कियाना ओसो इदे ओरु किया वेने मंतोरा बारांकु इतेके जापानी हमलावर ओसो हिटलर शुरू कित्ता युद्ध दुनिया ता जनता किन नुक्सान कियानाए आयवा खुद तम्मा देश ता जनता किन वेने नुक्सान किंतोरा चीन ता मुद्दा अलग मंता, बारांकु इतेके अद आक्रमण ता शिकार आता। अदिन काजे चीनी कम्युनिस्ट लोरु देशभक्ति किन अन्तरराष्ट्रवाद संगे मिलेकियाना। माटु अन्तरराष्ट्रवादी वेने मंतोम ओसो संगेने देशभक्त वेने ओसो मावा नारा, “हमलावर लोरांगडल तम्मा यायोभूमि ता रक्षा कियाला काजे युद्ध कीमुट!” इंजी मंता। मावा काजे पराजयवाद उंदी अपराध मंता ओसो जापानी-आक्रमण-विरोधी युद्ध लोप्पा जीत हासिल कियाना कर्तव्य मावा काजे पक्काए महत्वपूर्ण मंता। बारांकु इतेके मना यायोभूमि ता रक्षा काजे लडेमासीए माटु हमलावर लोर किन हारे किया परिंतोम ओसो राष्ट्रीय

मुक्ति हासिल किया परिंतोमा। ओसो राष्ट्रीय मुक्ति दोरकि कित्ता पेरकेने सर्वहारा वर्ग ओसो दूसरा मेहनतकश जनता काजे मुक्ति हासिल कियाना संभव आया परिंता। चीन ता जीत ओसो चीन पोर्रे आक्रमण कियाना साप्राज्यावादिर हारेमातेके दूसरा देशकुना जनता किन वेने मदद दोरकिता। इद्रमे, राष्ट्रीय मुक्ति युद्ध लोप्पा देशभक्ति ता भावना मंदिता अदु अंतराष्ट्रीयवाद ताए उंदी व्यावहारिक रूप आंदू ओसो सब्बे कम्युनिस्ट लोर किन पूर्ण रूप ते तम्मा सक्रियता तोहा लागिंता, ओरु राष्ट्रीय मुक्ति युद्ध ता मोर्चा बगिल वीरतापूर्वक ओसो दृढ़ता ते दायना ओसो बंदूक तेहची जापानी हमलावर लोरा पोर्रे निशाना वाटना। अदिन काजे ने 18 सितम्बर 1931 ता घटना पेरके जलदीए मावा पार्टी राष्ट्रीय प्रतिरक्षा युद्ध संगे जापानी हमलावर लोरा प्रतिरोध कियाना आह्वान कित्ता, अनि पेरके जापान-विरोधी राष्ट्रीय संयुक्त मोर्चा ता प्रस्ताव तासता, लाल सेना किन जापान-विरोधी राष्ट्रीय क्रांतिकारी सेना ता अंग ता रूप ते पुनर्गठित आयना ओसो मोर्चा ते दायना आदेश हीता, ओसो तन्ना पार्टी-सदस्य लोरकिन युद्ध ता अग्रिम मोर्चा लोप्पा दायना ओसो नेतृत ता आखरी डोंगे एवनल यायोभूमि ता रक्खा कियाना निर्देश हीता। इव सब्बे सही देशभक्तिपूर्ण कार्वाईंग आंदुंग, ओसो चीन लोप्पा अन्तरराष्ट्रवाद पोर्रे अमल कियाना इद्रम ता कार्वाईंग बद्रमाई अदिना विरुद्ध मानेमायमूडायो। केवल बोना दिमाग राजनीतिक रूप ते लेसिसी मंता लेवके बोना विचार खराब मंता, ओरु गलती कित्तोम या अंतराष्ट्रीयवाद किन तिलांजली हियाना लेक्काटा पोल्लोंग वडकिंतोरा।

### राष्ट्रीय युद्ध लोप्पा कम्युनिस्ट लोर किन आदर्श हीयाना

पोर्रे वेहता कारण कनगडल राष्ट्रीय युद्ध लोप्पा कम्युनिस्ट लोरकिन पोर्रोटा दर्ज ता सक्रियता तोहाना, ओसो अदिन ठोस रूप ते तोहाना, इतेके ओरु ओरा काम ता हर क्षेत्र लोप्पा आदर्श हिगावल भूमिका निभे कियाना। माटू युद्ध प्रतिकूल परिस्थितिंग लोप्पा लडेमाया मंतोमा। व्यापक जन-समुदाय लोप्पा राष्ट्रीय चेतना, राष्ट्रीय आत्म-सम्मान ओसो आत्म-विश्वास हालनाचोन विकसित आतादु हिल्ले, जन-समुदाय ता ज्यादातर हिस्सा असंगठित मंता, चीन ता फौजी ताकत कमजोर मंता, अर्थव्यवस्था पेरके अरतादु मंता, राजनीति व्यवस्था गैर-जनवादी मंता, भ्रष्टचार ओसो निराशावाद मंता, संयुक्त मोर्चा लोप्पा एकता ओसो सुदृढता ता कमी मंता, इव सब्बे पोल्लोंगनगडल प्रतिकूल परिस्थितिंग पैदा आंतांगा ओसो

कम्युनिस्ट लोर जागरूक आसी पूरा राष्ट्र किन उंदी कियाना जिम्मेदारी एतिसी इद्रम ता सब्बे विचार हिल्वा पोल्लोंग किन दूर कियाना। इद मुद्दा लोप्पा कम्युनिस्ट लोरा हिरावल भूमिका ओसो आदर्श भूमिका वेल्ले महत्वपूर्ण मंता। आठवीं राह सेना ओसो पूना चौथी सेना ता कम्युनिस्ट लोर वीरतापूर्ण लड़ाई कियाना, आदेश कुना पालन कियाना, राजनीतिक कार्य कियाना ओसो अन्दरूनी एकता ओसो एकजुटा किन बेरसी कियाना रूप ते आदर्श बनेमायना। दोस्त पार्टींग ना ओसो दोस्त सेनांग ना संगे मंदना संबंध लोप्पा कम्युनिस्ट लोर जापान ता विरुद्ध एकता कियाना, संयुक्त मोर्चा ता कार्यक्रम पोर्ऱे दृढ़ता ते अमल कियाना ओसो प्रतिरोध-युद्ध ता काम किन पूरा कियाना लोप्पा उंदी उदाहरण पेश कीयाना। ओरु तम्मा पक्का क्रिया कियाना, घमण्डी मंदानायो। दोस्त-पार्टींग ओसो दोस्त सेना ना संगे वेल्ले जीवा कीसि सलाह-मशविरा ता सहयोग कियाना ओसो संयुक्त मोर्चा लोप्पा विभिन्न पार्टींग ना पारम्पारिक संबंधित क्षेत्र लोप्पा आदर्श बनेमायना। सरकारी काम लोप्पा मंदाना कम्युनिस्ट लोरु पूरा ईमानदार मंदाना, नियुक्ति कियना लोप्पा पक्षपात मनवा लेवा ओसो ज्यादा काम कीसि वेने कम दोरकना लोप्पा आदर्श पैदा कियाना। जन-आंदोलन लोप्पा काम कियानोर हिल्लेर, बस्केने दोगवा लेवा शिक्षक बनेमायना, नौकरशाही राजनीति नेतालोर आयो। वरोर कम्युनिस्ट बद्रमाई बदे वेने परिस्थिति लोप्पा तन्ना तम्मा नीजि हित कुन मुन्ने तासनायो, ओरु तम्मा हितकुन राष्ट्र ओसो आम जनता ना हितकुना दोड़ तासना। अदिन काजे स्वार्थीपन, काम लोप्पा ढिलाढाला, भ्रष्टाचार, मशहूर, मशहूरी ना विचार लेक्काटा रुझानकु वेल्ले धृणास्पद मंता, मति निस्वार्थपन, भरपूर ताकत ते काम कियाना, जनता ना काम ते मेंदूल-बुद्धी (तन-मन) संगे लगे मायना ओसो चुपचाप कठोर परिश्रम कियाना लेक्काटा विचारकु मंतांग अबु इज्जत दोरकी कियाना लेक्का मंतांग। कम्युनिस्ट लोर पार्टी ता बाहर सब्बे प्रगतिशील लोकुरा संगे कलियसी काम कियाना ओसो सब्बे विचार हिल्वा पोल्लोंग किन दूर कियाना काजे पूरा देश ता जनता किन उंदी कियाना कोशिश कियाना। कम्युनिस्ट पूरा राष्ट्र ता वेल्ले सुडला अंग मंता, मति पार्टी ता बाहर प्रगतिशील ओसो सक्रिय लोकुरा संख्या वेल्ले मंता, ओरा संगे कलियसी काम कियाना। इद केवल माटे बेस मंतोम ओसो बाकी सब्बेटोर बदे काम तोर हिल्लेर इंदाना विचार वेल्ले गलत मंता। राजनीतिक दृष्टि ते पेरेके अरतादु मंता, कम्युनिस्ट लोरु ओना उपेक्षा कियानायो ओसो ओरकिन सुडला आल्सवा लेवा ओरा संगे दोस्ती कियाना, ओरा संगे एकता कियाना ओरकिन समझे कियाना ओसो मुन्ने

ओयाला काजे प्रोत्साहन हियाना। ओरु तम्मा काम लोप्पा गलतिंग कींतोर, कम्युनिस्ट लोरु ओरा बारे ते समझे कियाना रुझान लागू कियाना, अस्केने ओरु तम्मा लोप्पा बदलाव तत्ताना लोप्पा ओसो पूना शुरुआत तल काम शुरु कियाना लोप्पा मदद कियाना। कम्युनिस्ट लोरु व्यवहारिकता संगेने ओरु तम्मा निर्धारित काम पूरा किया परिंतोर, ओसो केवल दूरदर्शिता संगे ने ओरु तम्मा बेरहा अभियान ता दिशा मरंगोर आंतोर। अदिन काजे कम्युनिस्ट लोरु अध्ययन ता क्षेत्र लोप्पा उंदी आदर्श बनेमायना। ओरु हमेश जन-समुदाय ता शिक्षक मंदाना संगे-संगे अदिना छात्र वेने बनेमायना। केवल जन-समुदाय तल, वास्तविक परिस्थितिंगनगडल ओसो दोस्त-पार्टिंग ओसो दोस्त सेनांगनगडल करियाना, ओसो ओरु बेस समझेमायना, माटू मना काम लोप्पा व्यावहारिकता तत्ताना ओसो वायना कालम ता बारे ते दूरदर्शिता तोहाना। दीर्घकालीन युद्ध ओसो प्रतिकूल परिस्थितिंग लोप्पा बस्के कम्युनिस्ट दोस्त पार्टिंग, दोस्त सेनांग ओसो जन-समुदाय नड़मा ता सब्बे प्रगतिशील लोकुरा संगे कलियसी पूर्ण रूप ते तम्मा आदर्श हिरावल भूमिका निभे कियाना काम कींतोर, केवल अस्केने सब्बे मुश्किल कुना पोर्चे काबू किया परिंतोम, दुश्मन किन हारे कियाना ओसो पूना चीन ता निर्माण कियाना संघर्ष काजे पूरा राष्ट्र ता सब्बे सक्रिय ताकत किन उंदीकट्ठ किया परिंतोम।

## पूरा राष्ट्र किन एकताबद्ध कियाना ओसो अदिना लोप्पा मंदाना दुश्मन लोरा दलाल लोरा विरोध कियाना

मुश्किल कुन काबू कियाना, दुश्मन किन हारे कियाना ओसो पूना चीन ता निर्माण कियाना केवल उंदे नीति मंता, अद जापान-विरोधी राष्ट्रीय संयुक्त मोर्चा किन सुदृढ़ बने कियाना, विस्तार कियाना ओसो संपूर्ण राष्ट्र ता सक्रिय ताकत किन उंदीकट्ठ कियाना नीति। मति मावा राष्ट्रीय संयुक्त मोर्चा ता लाईन लोप्पा मंदाना दुश्मन ना दलाल, चीनी गद्दार, त्रात्सकीवादी ओसो जापान-परस्त तत्व फूट वाटना कोशिश कीसोरे मंतोरा कम्युनिस्ट लोरा हर समय वीर दलाल लोरा पोर्चे कोंडा तासना, तथ्यात्माक सबूत पोर्चे आधार आसी ओरा अपराध किना भंडाफोड़ कियाना ओसो ओरा जाल लोप्पा हिरकना आयो इंजी जनता किन जागृत कियाना। कम्युनिस्ट लोरु दुश्मन ता दलाल लोरा बारे ते तम्मा राजनीतिक सतर्कता किन बेरसी कियाना ओसो राष्ट्रीय संयुक्त मोर्चा ता विस्तार ओसो अदिना सुदृढता काजे दुश्मन ता दलाल लोरा

भंडाफोड़ कियाना ओसो ओरकिन बाहर तेंडना जरूरत मंता। उंदे पक्ष ते ध्यान हिसी  
दूसरा पक्ष किन मरंगना एकदम गलत मंता।

## कम्युनिस्ट पार्टी ता विस्तार कियाना ओसो दुश्मन ना दलाल लोरा घुसपैठ रोमी कियाना

मुश्किल कुना पोर्हे काबू कियाना, दुश्मन किन हरे कियाना ओसो पूना चीन ता  
निर्माण कियाला काजे कम्युनिस्ट पार्टी किन तन्ना संगटन ता विस्तार कियाना ओसो  
तम्मा किन उंदी जनव्यापी महान पार्टी बने कियाला काजे व्यापक मजदूर, किसान  
ओसो सक्रिय नौजवान लोरा काजे तम्मा किवाड़ तेरयाना अदु निज्जमे क्रांतिकारी  
मंदिंता, अदु पार्टी ता सिद्धांत कुना लोप्पा विश्वास तासिंता, अदिना नीतिंग ना समर्थन  
कियानादु मंदिंता ओसो पार्टी ना अनुशासन मानेमायना ओसो कड़ी मेहनत कियाला  
काजे तैयार मंदिना। अदिन काजे, दरवाजा बंद तासना रुझान ता अनुमति  
हियापरमूडाओ। मति संगेने दुश्मन ना दलाल लोरा घुसपैठ ता बारे ते सतर्कता लोप्पा  
ढील हियानायो। जापानी साप्राज्यवाद ता खुफिया विभाग मावा पार्टी किन तोड़े  
कियाना ओसो मक्किसी मत्ता चीनी गद्दार, त्रात्सकीवादीरा, जापान-परस्त तत्व,  
पतित लोकुर ओसो कैरियरवादिर किन सक्रिय तत्व कुना वेश धारण कीसि मावा  
पार्टी लोप्पा नेंगना कोशिश ते हमेशा मंदितोरा इद्रम तोरा बारे ते उचुन समय काजे  
वेने तम्मा जागरूता ओसो सतर्कता ते ढिलाई वायला हियानायो। दुश्मन ता दलाल  
लोरा वेरी ते माटु मना पार्टी ता किवाड़ बंद कियानायो। मावा निश्चित नीति हिम्मत  
कीसि पार्टी ता विस्तार कियानादु मंता। मति साहस संगे तन्ना सदस्यता ता विस्तार  
कीसोरे माटु दुश्मन ता दलाल लोर ओसो कैरियरवादिरा बारे ते, इद्रम मौका ता  
फायदा तेहची पार्टी लोप्पा नेंगना कोशिश किंतोर, तम्मा सतर्कता लोप्पा ढील  
वायला हियानायो। माटु केवल उंदे पक्ष ते ध्यान हीसी दूसरा पक्ष किन मरंगना, गलती  
कियानोरा “पार्टी ता साहसपूर्वक विस्तार कियाना, मति उंदी वेने लब्बड़ ता मानेय  
किन नेंगला हियानायो”- केवल इदे उंदी नीति मंता।

## संयुक्त मोर्चा बने कीसि तासना ओसो पार्टी ता स्वतंत्रता किन निल्पी कीसि तासना

केवल राष्ट्रीय संयुक्त मोर्चा किन दृढ़तापूर्वक निल्पी कीसि तासिसिए माटू मुश्किल कुना पोर्हो काबू किया परितोम, दुश्मन किन हारे किया परितोम ओसो पूना चीन ता निर्माण किया परितोम इंदाना पोल्लो पोर्हो बदे डावुट हिल्लो। मति संगेने संयुक्त मोर्चा लोप्पा शामिल आयना हर पार्टी या ग्रुप तन्ना विचारधारात्मक, राजनीतिक ओसो संगठनात्मक स्वतंत्रता किन बद्रमे मंता अद्रमे तासना इद पोल्लो क्वोमिंगतांग, कम्युनिस्ट पार्टी ओसो दूसरा पार्टिंग लेवेके ग्रुप, सब्बे ना पोर्हो समान रूप ते लागू आंता। विभन्न पार्टिंग ना नडमा ता सबंध ते मूँड जन-सिद्धांत कुना लोप्पा जनवाद ता सिद्धांत सब्बे पार्टिंग ओसो ग्रुप किन संयुक्त मंदाना संगे-संगे मना स्वतंत्र अस्तित्व तासना वेने अनुमति हींता। केवल एकता ता पोल्लोंग कियाना ओसो स्वतंत्रता ते इनकार कियाना जनवाद ता सिद्धांत किन त्याग कियाना लेक्का मंदिंता, अदिनके इदिनगडल कम्युनिस्ट पार्टी ओसो बदे दूसरा पार्टी वेने सहमत मन्नो। संयुक्त मोर्चा लोप्पा स्वतंत्रता सापेक्ष मंताया, निरपेक्ष मन्नो इंदाना लोप्पा बदे डावुट हिल्लो। इदे निरपेक्ष मानेमायना इत्तेके दुश्मन ना खिलाफ एकता ता आम नीति किन नष्ट कियाना आंता। मति इद सापेक्ष स्वतंत्रता तल इनकार कियानायो, विचारधारात्मक, राजनीतिक ओसो संगठनात्मक दृष्टि ते हर पार्टी ता सापेक्ष स्वतंत्रता इत्तेके सापेक्ष आजादी मंदाना। इद्रमे सापेक्ष आजादी किन मानेमायना तुकू इनकार कित्तेके इदिना स्वेच्छापूर्वक त्याग कित्तेके इदिनगडल वेने दुश्मन ना विरुद्ध एकता ता आम नीति तहस-नहस आयारा कम्युनिस्ट पार्टी ओसो सब्बे दोस्त-पार्टिंग ना हर सदस्य किन इदे स्पष्ट रूप ते समझेमायना।

वर्ग-संघर्ष ओसो राष्ट्रीय संघर्ष ता पारस्पारिक संबंध ता बारे ते वेने इदे पोल्लो सही मंता। इद प्रतिरोध-युद्ध लोप्पा हर चीज किन प्रतिरोध ता हित लोप्पा मंदाना उंदी सुनिश्चित उसूल मंता। अदिन काजे वर्ग-संघर्ष ता हित किन प्रतिरोध-युद्ध ता हित लोप्पा मंदाना ओसो ओरकिन प्रतिरोध-युद्ध ता विरुद्ध मंदानायो। मति वर्ग ओसो वर्ग-संघर्ष मंदाना उंदी वास्तविकता आंदू ओसो उचुन मुल वर्ग-संघर्ष ना वास्तविकता तल इनकार कींतोर अद गलत मंतोर। वर्ग-संघर्ष ता वास्तविकता तल इनकार कियाना सिद्धांत बिल्कुले गलत मंता। माटु वर्ग-संघर्ष तल इनकार किवोम वर्ग-संघर्ष किन केवल समायोजित कींतोम। आपसी सहायता ओसो आपसी रियायतकुना नीति ता माटु प्रतिपादन किंतोम, अदु केवल पार्टी-संबंध तेने आयवा वर्ग-संबंध पोर्हो वेने लागू आंता। जापान ता खिलाफ एकता काजे वर्ग-संबंध किन समायोजित कियाना कोशिश सही नीतिना जरूरत मंता। इद मेहनतकश जनता किन

राजनीतिक ओसो भौतिक गारंटी ता कमी ता परिस्थिति लोप्पा विड़सो आंता ओसो संगेने धनी लोरा हित ता वेने ध्यान तासना नीति आंदू, इद्रम कितेके दुश्मन ता विरुद्ध उंदी जरूरत मंदना एकता ता कमी किन पूरा कियमूँडांता। केवल उंदे पक्ष ते ध्यान हिसी दूसरा पक्ष ता उपेक्षा कियाना प्रतिरक्षा-युद्ध काजे नुक्सानदायक मंता।

**संपूर्ण परिस्थिति किन ध्यान ते तासना, बहुसंख्यक लोकुर ध्यान तासाटू, ओसो अपना संश्रयकारी लोरा संगे कलियसी काम कीमुट**

दुश्मन ता विरुद्ध संघर्ष ते जन-समुदाय ता नेतृत्व किसोरे कम्युनिस्ट लोर संपूर्ण परिस्थिति किन ध्यान ते तासना, बहुसंख्यक लोकुर ध्यान तासना ओसो तम्मा संश्रयकारी संगे कलियसी काम कियाना। कम्युनिस्ट लोर अंश ता जरूरत किन संपूर्ण ता जरूरत कुना लोप्पा तासना सिद्धांत किन आत्मसात कियाना। बदे विचार परिस्थिति ता उंदी अंश ता दृष्टि ते व्यावहारिक दिसिंता ओसो संपूर्ण परिस्थिति ता दृष्टि ते अव्यावहारिक दिसिंता, अस्के माटु अंश किन संपूर्ण लोप्पा तासना। इदिना उल्टा, बदे विचार परिस्थिति ता उंदी अंश ता दृष्टि ते अव्यावहारिक दिसिंता ओसो संपूर्ण परिस्थिति ता दृष्टि ते व्यावहारिक दिसिंता, अस्के माटु अंश किन संपूर्ण लोप्पा तासना। इदिन कीने संपूर्ण परिस्थिति किन ध्यान लोप्पा तासना। कम्युनिस्ट लोर केवल उचुन प्रगतिशील दस्तांग ना नेतृत्व किसोरे, वरोर-इरवुर ओसो अंधाधुंध अभियान कीसोरे खुद किन बहुसंख्यक जन-समुदाय कुनगडल अलग-धलग कियानायो, इदिना उलट जनता संगे धनिष्ठ संबंध बने कियाना पोर्हे ध्यान हियाना। बहुसंख्यक लोकुर किन ध्यान ते तासाना इदिने इंतोरा बेगानाई जनवादी पार्टींग ओसो जनवादी मानेय मावगडल सहायोग कियाला पेसिंतोर, कम्युनिस्ट लोर तम्मा संगे विचार-विनिमय कियाना ओसो ओरा संगे कलियसी काम कियाना रुझान लागू कियाना। मनमानी तरीका ते निर्णय कियाना ओसो मनमानी कार्रवाईंग कियाना ओसो संश्रयकारी लोरा उपेक्षा कियाना गलत मंता। वरोर बेसता कम्युनिस्ट संपूर्ण परिस्थिति किन ध्यान ते तासना, बहुसंख्यक मानेय कुन ध्यान ते तासना ओसो तम्मा संश्रयकारी लोरा संगे कलियसी काम कियाना लोप्पा एक्सपर्ट मंदाना जरूरत मंता। इद समस्या लोप्पा गंभीर कमजोरिंग मत्तांग, ओसो माटु अविन दूर कियाना बगिल ध्यान हियाना।

चीनी कम्युनिस्ट पार्टी दसियों करोड़ लोकुर मंदाना उंदी महान राष्ट्र लोप्पा महान क्रांतिकारी संघर्ष ता नेतृत्व कियाना पार्टी आंदू क्षमता मंदाना ओसो नैतिकता संगे नेतृत्वकारी कार्यकर्ता लोरा उंदी बेहरा संख्या लेवा तन्ना ऐतिहासिक काम किन पूरा किया परमूडायो। हत्ता 17 साल लोप्पा मावा पार्टी बचोनो नेता लोरकिन प्रशिक्षित कित्ता, ओरु फौजी, राजनीतिक ओसो सांस्कृतिक क्षेत्र लोप्पा ओसो पार्टी-काम ओसो जन-आंदोलनकुना लोप्पा मावा मोरकुल लेकका मंतोरा। इद सफलता ता पूरा गैरव पार्टी ओसो पूरा राष्ट्र किने मंता। मति मावा वर्तमान ते मंदाना मोरकुल अचोन मजबूत हिल्लो। अदु संघर्ष ता विशाल भवन किन सहारा हिया पसना ओसो इंजे वेने बेहरा स्तर ते बेसता मानेय किन प्रशिक्षित कियना जरूरी मंता। चीनी जनता ना महान संघर्ष लोप्पा बचोनो सक्रिय मानेय मुन्ने वात्तोर ओसो लगातार वासोर मंदानोरा। ओरकिन संगठित कियाना ओरकिन प्रशिक्षित कियाना, ओरा बेस देखभाल कियाना ओसो ओरा सही उपयोग कियाना जिम्मेदारी मावा पोरेने मंता। उंदी बेरा राजनीतिक कार्यदिशा निर्धारित आतेके ताना पेरके कार्यकर्ता लोरे उंदि निर्णयात्मक तत्व बनेमांतोरा।<sup>1</sup> अदिन काजे योजनाबद्ध तरीका ते पूना कार्यकर्ता लोरा विशाल संख्या किन प्रशिक्षित कियाना मावा जुझारू काम आंदू।

माटु केवल पार्टी-कार्यकर्ता लोराए आयवा गैर पार्टी कार्यकर्ता लोरा वेने ध्यान तासना। पार्टी तल बाहर बचोनो बेसता मानेय मंतोर, कम्युनिस्ट पार्टी ओरकिन नजरअन्दांज कियानायो। हर कम्युनिस्ट माने अलगाव ओसो हेकड़ी तल दूर मंदाना, गैर पार्टी कार्यकर्ता लोरा संगे बेस कलियसी काम कियाना, ओरकिन जीवा कीसि सहायता हियना, ओरा संगे प्रेमपूर्वक कामेरेड्स लेकका व्यवहार कियाना, जापान ता प्रतिरोध ओसो राष्ट्रीय पुनर्निर्माण कियाना महान काम लोप्पा ओरा पहलकदमी ता उपयोग कियाना इंजी कम्युनिस्ट लोरा कर्तव्य आंदू।

माटु कार्यकर्ता लोर किन बद्रम चीनेमायना इंजी पुंजी मंदाना। माटु बदे कार्यकर्ता लोरा जिदंगी ता उचुन समय ओसो ओना जिदंगी ता बदे उंदी घटना ता आधार तेने अदिना बारे ते तन्ना राय बने कियानायो, ओना जिंदंगी ओसो ओना काम किन पूर्ण रूप ते आंकलन कियाना। इदु कार्यकर्ता लोर किन चीनेमायना मुख्य तरीका मंता।

माटु कार्यकर्ता लोरा सही तरीका ते उपयोग कियाना। आखिर ते नेतृत्व पोरो इव रेंडासी मुख्य निम्मेदारिंग मंतांग, तरीकांग ना खोज कियाना ओसो कार्यकर्ता लोरा सही तरीका ते उपयोग कियाना। योजना बने कियाना, निर्णय कियाना, आदेश

ओसो सावधानी वेहना, इव सब्बे पोल्लोंग “तरीकांग किन खोज कियाना” लोप्पा ने वांतांग। इव तरीकांग किन अमल कियाला काजे माटु कार्यकर्ता लोर किन एकताबद्ध कियाना ओसो अविन किन अमल कियाला मैदान लोप्पा रेयला काजे प्रोत्साहन हियना, इद “कार्यकर्ता लोरा सही तरीका ते उपयोग कियाना” लोप्पा वांता। कार्यकर्ता लोरा उपयोग ता संबंध ते मावा राष्ट्रीय इतिहास लोप्पा रेंडु विरोधी कार्यदिशांग मंतांग, पहली “नैतिकता ओसो योग्यता ता आधार ते नियुक्ति कियाना” ओसो दूसरा “पक्षपात संगे नियुक्ति कियाना”। पहली कार्यदिशा ईमानदारी ता मंता ओसो दूसरी बेइमानी ता। कम्युनिस्ट पार्टी ता कार्यकर्ता संबंधित नीति लोप्पा कार्यकर्ता लोर परहकना परीक्षा इत्तेके - कार्यकर्ता पार्टी ता कार्यदिशा किन दृढ़तापूर्वक लागू कितोरा, किवोर, पार्टी-अनुशासन ना पाल कीतोरा, किवोर, जन-समुदाय तल घनिष्ठ सबंध तासिंतोरा, तासोर, ओसो सक्रिय परिश्रम ओसो निस्वार्थ मानेय मंतोरा, हिलेर इंदानदु मंदाना। इत्तेके “नैतिकता ओसो योग्यता ता आधार ते नियुक्ति कियाना” चांग क्वो-थाओ ना कार्यकर्ता संबंधित नीति इदिनकु उल्टा मंता। “पक्षपात संगे नियुक्ति कियाना” नीति पोरों ताकसी तम्मा आसपास तम्मा निजी कृपापात्र किन जमा कीसि उंदी सुडला गुट बने कियाना, ओसो आकरी ते ओरु पार्टी संगे गद्दारी कितोर ओसो वित्तोर इंजी आंता। इद मावा काजे उंदी महत्वपूर्ण सबक आंदू। अद्रमासी ओसो इद्रमे ऐतिहासिक सबक नगडल चेतावनी पोयसी कार्यकर्ता संबंधित नीति लोप्पा केंद्रीय कमेटी किन ओसो हर स्तर ता नेता लोर किन ईमानदारी ओसो न्यायिक व्यवहार ते दृढ़ता ते ताकना ओसो बेर्इमानी ओसो अन्यायपूर्ण व्यवहार ता विरोध कियाना तम्मा प्रमुख जिम्मेदारी बने कियाना, अस्केने पार्टी ता एकीकरण ओसो अदिना एकता मजबूत मंदाना इंजी।

माटु कार्यकर्ता लोरा बेस देखभाल बद्रम कियाना इंजी पुंजी मंदाना। इदिना बचोनो तरीकांग मंतांग।

पहला, ओरा मार्गदर्शन कियाना। इत्तेके ओनकिन तम्मा काम स्वतंत्र रूप ते कियाला हियाना, अस्केने ओरा लोप्पा जिम्मेदारी तेहाना साहस पैदा आंता। पार्टी ता राजनीतिक कार्यदिशा ता मार्गदर्शन ते ओरु तम्मा पहलकदमी ता पूरा-पूरा इस्तेमाल किया परना लेकका ओनकिन सही समय ते हिदायत वेने हियाना।

दूसरा, ओरा स्तर किन उन्नत कियाना। इत्तेके ओनकिन अध्ययन कियाला मौका हियाना शिक्षित कियाना, अस्केने ओरु तम्मा सैद्धांतिक जानकारी ओसो कार्य-क्षमता किन बेरसी कियानोरा।

तीसरा, ओरा काम ता जांच-पड़ताल कियाना, ओनकिन तना अनुभव कुना निचोड़ तेंडना, तम्मा उपलब्धिंग ना विकास कियाना ओसो गलतिंग किन सुधरे कियाना लोप्पा ओरा सहायता कियाना। केवल काम सौंपे कियाना ओसो ओरा जांच-पड़ताल किवा मंदाना, ओसो अस्के गंभीर गलतिंग कियाना केवल अस्केने ओना पोर्रे ध्यान हियाना - इद कार्यकर्ता लोरा देखभाल कियाना तरीका आयो।

चौथा, बोर कार्यकर्ता लोर गलतिंग कींतोर ओरा बारे ते सामान्य रूप ते समझे कियाना तरीका लागू कियाना, ओसो ओनकिन तम्मा गलतिंग सुधरे कियाला लोप्पा मदद हीयना। गंभीर गलतिंग कित्ता पेरके वेने निर्देशन ता पालन कियाला इनाकार कींतोरो ओराए बारे तेने संघर्ष ता तरीका लागू कियाना। इदिना संबंध ते धीरा मंजी काम कियाना जरूरत मंता। लोकुरा पोर्रे आल्सवा लेवा समझेमायवा लेवा “अवसरवादी” ता मोहर वाटना ओसो ओरा खिलाफ आल्सवा लेवा समझेमायवा लेवा “संघर्ष कियाना” गलत मंता।

पांचवा, ओरा मुश्किल किन दूर कियाला कियाना। बस्केनाई कार्यकर्ता लोकुर बीमारी, पेरेशानी ओसो घोरलु लेवेके दूसरा मुश्किल कुना कारण ते पेरेशान आतेके माटु ओरा परताचोन देखभाल कियाना।

कार्यकर्ता लोरा देखभाल कियाना इदे तरीका मंता।

## पार्टी-अनुशासन

चांग क्वो-थाओ कित्ता अनुशासन ता गंभीर उल्लंघन कारण ते माटु ओसो उंदी बेरा पार्टी-अनुशासन ता एलान कियाना। इत्तेके

1. व्यक्ति संगटन ता अनुसार ताकना।
2. अल्पमत बहुमत ता अनुसार ताकना।
3. दोड ता पार्टी-संगटन तम्मा पोर्रोटा पार्टी-संगटन कुना अनुसार ताकना
4. सब्बे पार्टी-सदस्य पार्टी ता केंद्रीय कमेटी ता अनुसार ताकना।

बोराई सदस्य पार्टी-अनुशासन ता इव नियम कुना उल्लंघन किंतोरो, ओरू पार्टी ता एकता किन तोडे कींतोरा अनुभव तल उचुन मुल पार्टी अनुशासन ता उल्लंघन बारांकु कींतोर इत्तेके ओरू पार्टी-अनुशासन बातल मंता इंजी पुन्नोर इंजी साबित आंता। मति चांग क्वो-थाओ लेक्काटा उचुन मुल दूसरा मानेय वेने मंतोर ओरू पुंजी-

पुंजी अदिना उल्लंघन किंतोर ओरु तम्मा गलत उद्देश्य किन हासिल कियाला काजे वेल्ले पार्टी-सदस्य लोरा अनपड़ता ता फायदा एतिंतोरा। अदिन काजे पार्टी-सदस्य लोर किन पार्टी-अनुशासन ता बारे ते शिक्षित कियाना, अस्केने ओरु केवल खुद पार्टी-अनुशासन ता पालन कियानाएँ आयवा तम्मा नेता लोरा पोरों निगरानी वेने कियाना परिंतोरा। अद्रम कित्तेके ओरु वेने इदिना पालन कींतोर, ओसो इद्रमे चांग क्वो-थाओ लेक्काटा घटनांग दोबारा जरगना तुकु रोमी कियाना आंता। पार्टी ता अन्दरूनी संबंध किन सही दिशा लोप्पा विकसित आयला हियाला काजे, पोरों वेहत्ता नालुंग वेल्ले महत्वपूर्ण नियम के आयवा विस्तृत पार्टी-उपनियम वेने बने कियाना अवु पार्टी ना सब्बे स्तर ता नेतृत्वकारी समस्यांग ना कार्रवाईग लोप्पा संगति बने कियाना लेक्का मंदना।

## पार्टी लोप्पा जनवाद

वर्तमान संघर्ष ताकनास्के चीनी कम्युनिस्ट पार्टी ता मांग इद मंता इत्तेके सब्बे नेतृत्वकारी संगटन ओसो सब्बे सदस्य ओसो कार्यकर्ता तम्मा पहलकदमी किन पूर्ण रूप ते प्रकट कियाना, केवल इद्रम किसिए जीत ता गारंटी कीमुङ्डांता। इद पहलकदमी ठोस रूप ते नेतृत्वकारी संगटन, कार्यकर्ता लोर ओसो आम पार्टी-सदस्य ता सृजनात्मक कार्य-क्षमता ता रूप ते, जिम्मेदारी तेहाना तैयारी ता रूप ते, तम्मा काम लोप्पा वेल्ले उत्साह तोहना ता रूप ते, सवाल तेहाना, राय हियाना ओसो कमिंग ना आलोचना कियाना हिम्मत ओसो निपुणता ता रूप ते, ओसो नेतृत्वकारी संगटन ओसो नेतृत्वकारी कार्यकर्ता लोर जीवा कीसि हूङ्गाना व्यवहार ते निरीक्षण कियाना रूप ते प्रकट आयाना। लेवेके इद “पहलकदमी” केवल उंदी अंगडम ता चीज बनेमासी मंदिता। मति इद्रम ता पहलकदमी वायना पार्टी-पिस्वल लोप्पा जनवाद ता प्रसार कियाना पोल्लो पोरों निर्भर आसी मंता। पार्टी-पिस्वल लोप्पा जनवाद ता कमी मत्तेके इद पहलकदमी ता विकास कियाना लक्ष्य ते पूरा किया परमूङ्डायो। केवल जनवादी वातावरण लोप्पाने बेस्ता मानेय किन वेल्ले संख्या ते मुन्ने तत्ताना। मावा देश उंदी सुडला उत्पादन मंदना पितृसत्ताप्रधान व्यवस्था मंदना देश आंदू ओसो कुल मिले कीसि देश लोप्पा इंजे वेने जनवादी पिस्वल ता कमी मंता। ओसो इद्रम ता परिस्थिति मावा पार्टी ता पार्टी-पिस्वल लोप्पा जनवाद ता कमी मंदाना रूप ते दिसिंता। इद लक्षण पूरा पार्टी ता तम्मा पहलकदमी पोरों पूर्ण रूप ते अमल कियाना

लोप्पा अड्डम आंता। संगेने इद संयुक्त मोर्चा ओसो जन-आंदोलन लोप्पा वेने जनवाद कमी आंता। अदिन काजे ने पार्टी लोप्पा जनवाद ता शिक्षा हियाना, अस्केने पार्टी लोप्पा जनवादी पिस्वल ता विस्तार किया परिंतोम ओसो संगेने अनुशासन किन नष्ट किसोरे मंदना अतिजनवादीकरण ओसो स्वेच्छाचारिता गलत रुझान तल बाहर वाया परिंतोम।

मावा सेना ता पार्टी-संगटन लोप्पा वेने जनवाद जरूरत आताचोन बेरसी कियाना, अद्रमासी पार्टी-सदस्य लोरा सक्रियता किन बेरसी कियाना ओसो सेना ता जुझारु क्षमता किन बेरसी कियाना आंता। मति सेना ता पार्टी-संगटन लोप्पा स्थानीय पार्टी-संगटन लोप्पा मत्ताचोन जनवाद मन्नो आंता। सेना मत्तेकाई, संगटन मत्तेकाई, पार्टी लोप्पा जनवाद ता सिद्धांत पोरों अमल कियाना लक्ष्य अनुशासन किन मजबूत कियानादु मंता, तानकिन कमजोर कियाना आयो।

पार्टी किन सुदृढ़ बने कियाना ओसो अदिना विकास कियाला काजे पार्टी लोप्पा जनवाद ता बढोत्तरी किन उंदी जरूरी कदम समझेमायना। इद उंदी महत्वपूर्ण हथियार आंदू। अद्रमासी महान संघर्ष लोप्पा पार्टी वेल्ले सक्रिय बनेमाया परिंता, मना कर्तव्य किन निभे कियाना लेकका बने किया परिंता, पूना ताकत किन पुढ़ी किया परिंता ओसो युद्ध ता मुश्किल किन पार किया परिंता।

## रेंडू मोर्चाकुना पोरों संघर्ष ताकि कीसि मना पार्टी सुदृढ़ ओसो शक्तिशाली बने मात्ताद मंता

मावा पार्टी हत्ता 17 साल लोप्पा पार्टी लोप्पा गलत विचार कुना खिलाफ - दक्षिणपंथी अवसरवाद ओसो “वामपंथी” अवसरवाद ता खिलाफ - रेंडासी मोर्चांग ने विचारधारात्मक संघर्ष ताकि कियाना लोप्पा मार्क्सवाद-लेनिनवाद हथियार ता उपयोग कियाना आम रूप ते करियतादु मंता।

6वीं केंद्रीय कमेटी ता पांचवा पूर्ण अधिवेशन तुकू मुन्ने<sup>2</sup> मावा पार्टी छन तू-श्यू ना दक्षिणपंथी अवसरवाद ओसो कामरेड ली ली-सान ना “वामपंथी” अवसरवाद ता खिलाफ संघर्ष कीसि मत्तोरा इव रेंडासी अंदरूनी-पार्टी संघर्ष कुना लोप्पा जीत हासिल कित्ता कारण ते मावा पार्टी महान प्रगति कित्ता। पांचवा पूर्ण अधिवेशन पेरके ऐतिहासिक महत्व ता रेंडु ओसो अंदरूनी-पार्टी संघर्ष आता, इत्तेके चुनई मीटिंग ता संघर्ष ओसो चांग क्वो-थाओ किन पार्टी तल तेंडना बारे ते संघर्ष।

चुनई मीटिंग “वामपंथी” अवसरवादी स्वरूप मंदना गंभीर उसूल कुना गलतिंग किन सुधेरे कियाला दुश्मन ता “धेराव कियाना ओसो विनाश कियाना” ता पांचवी अभियान ता विरुद्ध संघर्ष ताकानास्के कित्तादु मंता। इद मीटिंग पार्टी ओसो लाल सेना किन एकताबद्ध कित्ता, अद्रमासी पार्टी ता केंद्रीय कमेटी ओसो लाल सेना ता मुख्य सेना दीर्घकालीन अभियान सफलतापूर्वक पूरा कित्ता ओसो ओरु जापान ता विरुद्ध मुने दायाना शुरू कियाना जागा एवनल एवतोर ओसो जापान-विरोधी राष्ट्रीय संयुक्त मोर्चा ता पूना नीति किन लागू किया परता। पाशी मीटिंग<sup>3</sup> ओसो येनान मीटिंग<sup>4</sup> (चांग क्वो-थाओ कार्यदिशा ता विरुद्ध संघर्ष पाशी मीटिंग लोप्पा शुरू आसी येनान मीटिंग लोप्पा खत्म आंता) लोप्पा चांग क्वो-थाओ ना दक्षिणपंथी अवसरवाद ता विरुद्ध संघर्ष ताकी कित्तेके पूरा लाल सेना उंदी आता ओसो पूरा पार्टी वेल्ले एकताबद्ध आता, अद्रमासी जापना ता विरुद्ध वीरतापूर्ण संघर्ष ताकी किया परमूङ्गाता। रेंडासी रकम ता अवसरवादी गलतिंग क्रांतिकारी गृहयुद्ध लोप्पा आसी मत्तांग ओसो अविना विशेषता रेंडासी युद्ध ता संबंध ते आतादु मत्तांग।

इवु रेंडु आंदुरुनी-पार्टी संघर्षकुनगडल ब्रह्मता सबक दोरकिंतांग? अवु दोड रास्ता लेक्का मंतांग:

1. इद गंभीर उसूली गलती, अवु चीन ता क्रांतिकारी युद्ध ता विशिष्टतांग ना गैरजानकारी ता कारण ते आता ओसो “धेराव कियाना ओसो विनाश कियाना” पांचवी अभियान ता खिलाफ संघर्ष लोप्पा दिसता, मनोगत ओसो वस्तुगत परिस्थितिंग ना उपेक्षा कियाना “वामपंथी” जलदीबाजी रुझान ता गलती मत्ता। इद रुझान क्रांतिकारी युद्ध किन पक्काए ज्यादा नुक्सान कित्ता ओसो हर क्रांतिकारी आंदोलन किन वेने नुक्सान कित्ता।
2. चांग क्वो-थाओ ना अवसरवाद क्रांतिकारी युद्ध लोप्पा दक्षिणपंथी अवसरवाद मत्ता, अदिना अन्तर्वस्तु अदिना पेरके गुचना कार्यदिशा, युद्धपतिवाद ओसो पार्टी-विरोधी कार्रवाईंग ना जोड़ आंदू। इद्रम ता अवसरवाद पोर्रो काबू कित्ता पेरके लाल सेना ता चौथी मोर्चा-सेना ता व्यापक कार्यकर्ता लोर ओसो वेल्ले गुणवान मंदाना पार्टी-सदस्य लोर वेल्ले समय तल वीरतापूर्वक संघर्ष किसोर मत्तोर, ओरकिन चांग क्वो-थाओ ना अवसरवादी बंधन तल मुक्त किया परतोम ओसो ओरकिन केंद्रीय कमेटी ता सही कार्यदिशा ते तत्ता परतोम।

3. भूमि-क्रांति युद्ध ता दस साल लोप्पा कित्ता महान संगठनात्मक काम ता उल्लेखनीय सफलता फौजी निर्माण, सरकारी कामकाज, जन-कार्य ओसो पार्टी-निर्माण ता इलाकांग लोप्पा दोरकता। इद्रम ता संगठनात्मक काम मोर्चा ते वीरतापूर्वक संघर्ष संगे तालमेल किवेके अद समय ते च्यांग काई-शेक ना विरुद्ध कठोर संघर्ष किन जारी तासा परमूडायो आस मन्नेरा। इद काल ता आखरी चरण ते पार्टी ता कार्यकर्ता संबंधित ओसो संगटन संबंधित नीति लोप्पा गंभीर उसूली गलतिंग कित्तादु मत्ता। इव गलतिंग संकीर्णतावादी रुझान लागू कियाना, सजा हियाना ओसो विचारधारात्मक संघर्ष लोप्पा जरूरत तुकू ज्यादा कट्टू तोहाना नीति ता रूप ते दिसता। इव गलतिंग ली ली-सान ना मुनेटा कार्यदिशा ता अवशेष कुन मिटे किया परवा कारण ते आता ओसो अद समय ता उसूली राजनीतिक गलतिंग ना वेने कारण आंदू। इव गलतिंग वेने चुनई मीटिंग लोप्पा दूर कित्तादु मंता, अस्केने मावा पार्टी कार्यकर्ता संबंधित सही नीति ओसो सही संगठनात्मक उसूल कुना बगिल मल्ला परतादु मंता। चांग क्वो-थाओ ना संगठनात्मक कार्यदिशा ता संबंध मंता, अदु पार्टी ता सब्बे उसूल कुनल दूर आता, अदु पार्टी अनुशासन किन तोडे कित्ता ओसो गुटबाजी ता कार्रवाईंग किन बेरसी कीसि पार्टी, केंद्रीय कमेटी ओसो कम्युनिस्ट इन्टरनेशनल ता खिलाफ कार्रवाईंग कित्ता। केंद्रीय कमेटी चांग क्वो-थाओ ना अपराधपूर्ण गलत कार्यदिशा पोर्रे काबू कियाना ओसो अदिना पार्टी-विरोधी कार्रवाईंग किन विफल कियाला काजे हर संभव कोशिश कित्ता ओसो खुद चांग क्वो-थाओ किन वेने बचे कियाना कोशिश कित्ता। मति चांग क्वो-थाओ तन्ना गलतिंग किन दूर कियाला लगातार इनकार कित्तोर ओसो दो रंगी चाल ता सहारा एतता, ओसो पेरके अदु पार्टी संगे गद्दारी कीसि तन्ना किन क्वोमिंगतांग ना कैदे सौंपे कित्तोर। अस्के पार्टी किन अदिन दृढ़ता ते बाहर तेंडा लागता। अदिन हीता सजा ता समर्थन केवल सब्बे पार्टी-सदस्य लोरे आयवा राष्ट्रीय मुक्ति ते वफादार मंदाना सब्बे लोकुर वेने कित्तोर। कम्युनिस्ट इन्टरनेशनल वेने इद फैसला ता अनुमोदन कित्ता। ओरु वरोर भगोड़ा गद्दार मत्तोर।

उपरोक्त सबक ओसो सफलतांग मावा मुने पूरा पार्टी किन एकताबद्ध कियाना ओसो अदिना विचारधारात्मक, राजनीतिक ओसो संगठनात्मक एकरूपता किन सुदृढ़ बने कियाना ओसो प्रतिरोध-युद्ध किन सफलतापूर्वक ताकी किसोर मंदाना

पूर्व-जरूरतकुन दोरकी किंता। रेंडु मोर्चांग ने संघर्ष संगे मावा पार्टी मना किन सुदृढ़ ओसो शक्तिशाली बने कित्ता।

## रेंडु मोर्चांग ने वर्तमान संघर्ष

प्रतिरोध-युद्ध लोप्पा इंजे राजनीतिक इलाकांग लोप्पा दक्षिणपंथी निराशावाद ता विरोध कियाना बोल्ले महत्वपूर्ण बनेमात्ता, अदु “वामपंथी” उतावलेपन बगिल वेने ध्यान हियाना जरूरत मंता संयुक्त मोर्चा, पार्टी-संगटन ओसो जन-संगटन ता बारे ते “वामपंथी” दरवाजाबंद बीमारी ता विरोध कियाना जारी तासना जरूरी मंता, अस्केने माटु विभिन्न जापान-विरोधी पार्टींग ओसो ग्रुप कुना संगे सहयोग बने कियाना परिंतोमा। मति संगेने माटु बदे शर्त लेवा सहयोग ओसो बदे शर्त लेवा विस्तार कियाना संबंध ते दक्षिणपंथी अवसरवादी रुझान कुना विरोध वेने कियाना ओसो ज्यादा ध्यान हियाना, लेवेके सहयोग ओसो विस्तार लोप्पा अड़चन पैदा आंतांग। अद तल्ला वरिहची सहयोग ओसो सिद्धांतहीन विस्तार आंता।

रेंडासी मोर्चांग पोर्ँे विचारधारात्मक संघर्ष हर समस्या लोप्पा ठोस परिस्थिति ता अनुसार आयना ओसो बदे वेने समस्या ता बारे ते मनोगत रुझान बिल्कुले लागू कियानायो ओसो लोकुरा पोर्ँे “लेबल वाटना” पाइना गलत आदत किन दुहेरे कियानायो।

भटकाव कुना खिलाफ संघर्ष कियानास्के माटु रेंड रंग ना चालकुना पोर्ँे गंभीरता ते ध्यान हियाना। रेंड रंगना चालकुना सबसे बेहरा खतरा ओरा गुटबाजी ता कार्रवाईंग ना रूप ते विकसित आयना संभावना मंदनादु मंता। चांग क्वो-थाओ ना आचरण इदिना सबूत मंता। सार्वजनिक रूप ते आदेश ता पालन कियाना ओसो मकसी मंजी ओरा उल्लंघन कियाना, शब्द कुना लोप्पा सहमति प्रकट कियाना ओसो जीवा कीसि सहमत आयना, तोड़डी मुन्ने चिकनी-चुपड़ी पोल्लोंग कींता ओसो पेरके तिकड़मबाजी कियाना - इव रेंडासी रेंड रंगना चालकुना विभिन्न रूप आंदू। रेंड रंगना चालकुना खिलाफ तम्मा कार्रवाईंग ओसो पार्टी-सदस्य लोरा सतर्कता किन बेरसी कीतेकेने मावा पार्टी-अनुशासन किन मजबूत किया परिंतोमा।

## अध्ययन

आम रूप ते कम्युनिस्ट पार्टी ता सब्बे सदस्य लोरा लोप्पा अध्ययन ता सही क्षमता मंता, मार्क्स, एंगेल्स, लेनिन ओसो स्तालिन ना सिद्धांत कुना, राष्ट्रीय इतिहास ता ओसो वर्तमान आंदोलन ता परिस्थितिंग ओसो रुझान कुना अध्ययन कियाना, इदे आयवा ओरु कम पढे-लिखे सदस्यलोर किन शिक्षित कियाना लोप्पा मदद आयना लेकका मंदाना। कार्यकर्ता लोर किन पोरों वेहता विषय कुना खास रूप ते ध्यानपूर्वक अध्ययन कियाना, केंद्रीय कमेटी ता सदस्य लोर ओसो उच्च स्तर ता कार्यकर्ता लोर वेने इदिना पोरों ज्यादा ध्यान हियाना। क्रांतिकारी सिद्धांत किन आत्मसात किवा लेवा, इतिहास ता ज्ञान दोरकि किवा लेवा ओसो वास्तविक आंदोलन ता गहरी समझ दोरकि किवा लेवा बदे वेने राजनीतिक पार्टी महान क्रांतिकारी आंदोलन किन जीकना बगिल ओया परवो।

मार्क्स, एंगेल्स, लेनिन ओसो स्तालिन ना सिद्धांत सब्बे जागा ने लागू कियाना। माटु इव सिद्धांत किन जड़सूत्र इंजी आल्सनायो। अदिन सब्बे कबस्कुना पथ-प्रदर्शक मानेमायना। इदिना अध्ययन कियाना इत्तेके केवल उचुन शब्द कुना ओसो वाक्यांश किन रटे कियानाए आयवा मार्क्सवाद-लेनिनवाद ता अध्ययन क्रांति ता विज्ञान हिसाब ते कियाना। इत्तेके केवल इद मार्क्स, एंगेल्स, लेनिन ओसो स्तालिन संगे व्यापक वास्तविक पिस्वल ओसो क्रांतिकारी अनुभव कुना अध्ययन पोरों आधार आसी पेश कित्तादु मत्ता आम नियम कुन समझेमायवा, समस्यांग किन जांच-पड़ताल ओसो हल कियाना ओरा दृष्टिबिंदु ओसो तरीकांग ना वेने अध्ययन कियाना। हत्ता समय तुकू नेटा मावा पार्टी किन मार्क्सवाद-लेनिनवाद ता ओसो ज्यादा महारत हासिल आता, मति इद वेने व्यापकता ओसो गहनता ते वेल्ले दूर मंता। मावा काम दसियों करोड़ लोकुरा उंदी महान राष्ट्र ता महान ओसो अभूतपूर्व संघर्ष ता नेतृत्व कियाना मंता। अदिन काजे मार्क्सवादी-लेनिनवादी सिद्धांत कुना व्यापक ओसो गहन अध्ययन कियाना मावा काजे उंदी बेहरा समस्या आंदू, अदिन जल्दिए हल कियाना ओसो अदिन केवल भरपूर कोशिश कित्तास्केने हल किया परमूङांता। नन्ह केंद्रीय कमेटी ता इद पूर्ण अधिवेशन पेरके पूरा पार्टी लोप्पा अध्ययन कियाना ता उंदी होड़ आंता ओसो माटु बोरु निज्जम करिंयतोर ओसो बोरु ज्यादा बेस करिंयतोर इंदानदु हूड़कोमा। मना हड्डा पोरों नेतृत्व ता मुख्य जिम्मेदारी तेहाना ता संबंध ते वेहना इत्तेके - मावा पार्टी लोप्पा मार्क्सवाद-लेनिनवाद ता ज्ञान ते निंदसी मंदाना सौ या दो सौ कामरेड्स मत्तेके मति ओरा ज्ञान बेस मंदाना उखड़ा-पुखड़ा मंदानायो, असल मंदाना, खोखला मंदानायो, अस्के मावा पार्टी ता जुझारु क्षमता

वेल्ले बेरसिंता ओसो जापानी साम्राज्यवाद किन हारे कियाना मावा काम वेने ज्यादा तेज आंता।

मावा अध्ययन ता दूसरा काम मना ऐतिहासिक विरासत ता अध्ययन कियान ओसो मार्क्सवादी तरीका ते आलोचनात्मक निष्कर्ष तेंडना मंता। मावा राष्ट्र ता हजारों साल पाडना इतिहास मावा काजे विशेषतांग ओसो बहुमूल्य सामग्री मंता। मति इदिना बारे ते मावा ज्ञान केवल स्कूल पेकोरा लेकका मंता। नेटा चीन पाडना चीन तले विकसित आता, माटु इतिहास ता बारे ते मार्क्सवादी दृष्टिकोण तासना, ओसो माटु मना इतिहास ता अंश कुन बेगा इत्तेके अगाटल कोयसी अलग कियानायो। माटु कनफ्यूशियस निगडल पोयसी सुन यात-सेन एवनल मना इतिहास तल निष्कर्ष तेंडना ओसो अदिन उंदी अमूल्य विरासत ता रूप ते हासिल कियाना। नेटा महान आंदोलन ता निर्देशन लोप्पा इदु महत्वपूर्ण मंता। मार्क्सवादी आता कारण ते कम्युनिस्ट अंतर्राष्ट्रीयवादी मंदितोर, मति माटु मार्क्सवाद किन व्यवहार लोप्पा केवल अस्केने तत्ता परितोम बस्के अदिन मना देश ता ठोस विशिष्टतांग संगे जोडे कियाना ओसो निश्चित राष्ट्रीय रूप प्रदान किया परितोमा। मार्क्सवाद-लेनिनवाद ता महान ताकत अदिन भिन्न-भिन्न देश कुना ठोस क्रांतिकारी व्यवहार संगे जोडे कियाना लोप्पा आधार आसी मंता। चीनी कम्युनिस्ट पार्टी ता संबंध अदिन मार्क्सवादी-लेनिनवादी सिद्धांत किन चीन ता विशिष्ट परिस्थितिंग लोप्पा लागू कियाला करियाना। चीनी कम्युनिस्ट महान चीनी राष्ट्र ता अंग आंदू ओसो अदिना संगे हब्बी-पेडका लेकका तुंडसी मंता, चीन ता विशिष्टतांगनगडल अलग मार्क्सवाद ता बदे वेने चर्चा कियाना केवल हवाई मार्क्सवाद - खोखला मार्क्सवाद आंदू। अदिन काजे मार्क्सवाद किन चीन लोप्पा ठोस रूप ते लागू कियाना अस्केने हर काम लोप्पा डावुट लेवा चीन ता विशिष्टतांग ना छाप मंदाना, इत्तेके मार्क्सवाद किन चीन ता विशिष्टतांग ना वेडच ते लागू कियाना इंजी पूरा पार्टी किने समझेमायाना, विदेशी घिसापिटा लेखन<sup>n</sup> किन मिटे कियाना, खोखला ओसो हवाई पाटा कम पाराना ओसो कठमुल्लावाद किन पोहचियाना। इदिना जागा ते चीन ता जनता पसंद कियना लेकका पूना ओसो जीवंत चीनी तरीका ओसे विचार लागू कियाना। अन्तराराष्ट्रीयवाद ता अन्तर्वस्तु किन राष्ट्रीय रूप तल अलग कियानादु अंतर्राष्ट्रीयवाद ता शुरूआती पोल्लो वेने समझेमायवा मंदानोरा व्यवहार आंदू। इदिना उल्टा माटु इव रेंडासी किन घनिष्ठ रूप ते जोडे कियाना। इद समस्या लोप्पा मावा कैडर ते गंभीर गलतिंग मंतांग, अविन जीवा कीसि दूर कियाना मंता।

वर्तमान आंदोलन ता विशिष्टतांग बातांग मंता? अदिना नियमकु बातांग? इविना निर्देशन बद्रम मंदाना? इव सब्बे व्यावहारिक सवाल आंदुंग। नेंदु एवनल माटु जापानी साप्राज्यवाद किन पूर्ण रूप ते समझेमाया परतादु हिल्ले ओसो संपूर्ण चीन किन वेने समझेमात्तादु हिल्ले। आंदोलन विकसित आया मंता ओसो इंजे वेने पूना विजा मोडिया मंता अवु लगातार मोडियसोरे मंदानुंग। इद आंदोलन ता समग्रत ओसो विकास ता अध्ययन कियाना उंदी बेहरा काम आंदू। इदिना बगिल माटु हमेशा ध्यान हियाना। बोराई इव समस्यांग ना गंभीरतापूर्वक ओसो बारीकी ते अध्ययन कियाना तुकू इनकार कींतोर, अस्के ओरु मार्क्सवादी मन्नोर आंतोरा आत्मसंतुष्टि अध्ययन ता दुश्मन आंदू। बस्के एवनल माटु अत्मसंतुष्टि तल संबंध देह्होम, अस्के एवनल माटु निज्जमे उचन वेने करिया परवोमा मना बारे ते माटु “जीवा किसी करियाना” ता रुझान ओसो दूसरोरा बारे ते “ जीवा कीसि करिह कियानादु पूरा कोशिश कियाना” रुझान लागू कियाना।

## एकता ओसो जीत

प्रतिरोध-युद्ध लोप्पा जीत हासिल कियाना ओसो पूना चीन ता निर्माण कियाना काजे पूरा देश ता जनता किन एकताबद्ध कियाना सबसे पहला बुनियादी शर्त चीनी कम्युनिस्ट पार्टी लोप्पाटा एकता आंदू। 17 साल कुना अग्नि-परीक्षा लोप्पा तपेमासी चीनी कम्युनिस्ट पार्टी तन्ना लोप्पाटा एकता बनेकियाना बचोनो तरीकांग करियता ओसो इद काल लोप्पा मावा पार्टी मुनेटल बचोनो ज्यादा निपुण आता। अदिन काजे नेंदु माटु प्रतिरोध-युद्ध लोप्पा जीत दोरकी कियाना पूना निर्माण काजे पूरा देश ता जनता नडमा उंदी मजबूत केंद्र-बिंदू बनेमायना तैयार मंता। कामरेड्स, माटु एकताबद्ध आतेके, जरूर मना उद्देश्य लोप्पा सफल आया परितोम।

## नोट

1. जनवरी 1934 ते सोवियत संघ ता कम्युनिस्ट पार्टी (बोल्सेविक) ता 17 वीं कांग्रेस लोप्पा रिपोर्ट पेश कीसोरे स्तालिन इत्तोरः “सही राजनीतिक कार्यदिशा निर्धारित आता पेरके संगठनात्मक कार्य सब्बे पोल्लोना, खुद राजनीतिक कार्यदिशा ता पिस्वल इतेके अदिना सफलता या असफलता किन वेने अदे फैसला कींता।” ओरु “कार्यकर्ता लोग सही चुनाव” ता समस्या पोरो वेने वेडच वाटसी मत्तोरा। मई 1935 ते सोवियत संघ ता लाल सेना आकदमिक स्नातक लोरा मुन्ने क्रेमलिन महल लोप्पा भाषण हीसोरे स्तालिन इद नारा वाटतोर ओसो अवु इद्रम मंता - “सब्बे कुछ कार्यकर्ता लोग पोरो निर्भर आसी मंता।” मार्च 1939 लोप्पा सोवियत संघ ता कम्युनिस्ट पार्टी (बोल्सेविक) ता अठारहवीं कांग्रेस लोप्पा पेश कीत तन्ना रिपोर्ट लोप्पा स्तालिन इद्रम इंजी मत्तोर - “उंदी बेरा सही राजनीतिक कार्यदिशा निर्धारित आता पेरके ओसो अद अमल लोप्पा सही आत्ता पेरके पार्टी ओसो राज्य ता संचालन लोप्पा पार्टी कार्यकर्ता लोरे निर्णयाक ताकत बनेमांतोरा।
2. इगा चीनी कम्युनिस्ट पार्टी ता पांचवी केंद्रीय कमेटी ता राजनीतिक ब्यूरो ता अगस्त 1927 लोप्पा आता आपात अधिवेशन तल पोयसी जनवरी 1934 ते आता छठी केंद्रीय कमेटी ता पांचवा पूर्ण अधिवेशन एवनल वेहतादु मंता।
3. इद मीटिंग अगस्त 1935 लोप्पा पार्टी ता केंद्रीय कमेटी ता राजनीतिक ब्यूरो पाशी लोप्पा केयतादु मत्ता। अद जागा सछवान प्रान्त ता सुंगफान काउंटी-केंद्र ता उत्तर-पश्चिन लोप्पा ओसो उत्तर-पश्चिमी सछवान ओसो दक्षिण-पूर्वी कानसू ता सीमा क्षेत्र ते मंता। अद समय ते चांग क्वो-थाओ लाल सेना ता उंदी हिस्सा ता कमांड तन्ना कैदे पोयसी केंद्रीय कमेटी तल संबंध देहतोर ओना आदेश ता पालन कियाला इनकार कितोर ओसो अदिन नष्ट कियाना कोशिश कितोरा। इद मीटिंग लोप्पा केंद्रीय कमेटी ता फैसला खतरा मंदाना इलाकांग विडसी तम्मा नेतृत्व ते ताकना लाल सेना संगे उत्तर शेनशी बगिल मुन्ने दायना मत्ता। मति चांग क्वो-थाओ लाल सेना ता धोखा ते तासता ग्रुप कुना संगे, दक्षिण बगिल थ्येनछवेन, लुशान, बेहरा ओसो सुडला चिछवान

ओसो आपा बगिल हत्तोरा अगा हंजी अदु उंदी बोगास केंद्रीय कमेटी ता स्थापना ओसो पार्टी खिलाफ विद्रोह ता झांडा तेहतोरा।

4. पार्टी ता केंद्रीय कमेटी ता राजनीतिक ब्यूरो ता उंदी विस्तृत मीटिंग अप्रैल 1937 ते येनान लोप्पा आता। इदिनकु मुन्ने, चांग क्वो-थाओ ना नेतृत्व लोप्पा ताकना लाल सेना ता कार्यकर्ता लोर ओसो सैनिक लोरकिनकु ज्यादा लोकुर ओरा धोखेबाजी किन समझेमासी मत्तोर ओसो ओरु उत्तर दिशा ते शेनशी-कानसी सीमा बगिल हत्तोरा। मति हर्दे ओरा उंदी हिस्सा लोप्पा गलत आदेशकुना पोर्सो ताकता कारण ते पश्चिम बगिल हंजी कानसू प्रांत ता केनचओ, ल्यांगचओ ओसो सोचओ बगिल हत्ता, इदिना ज्यादातर हिस्सांग ना दुश्मन तोर खत्म कित्तोर ओसो बाकी पिस्ता लोकुर सिनच्यांग बगिल हत्तोर, ओसो पेरके शेनशी-कानसी सीमा इलाका लोपा वापिस वात्तोरा ओरा दूसरा हिस्सा वेल्ले मुनेटले शेनशी-कानसी सीमा लोप्पा एवसी केन्द्रीय लाल सेना संगे कलियता। खुद चांग क्वो-थाओ वेने उत्तरी शेनसी लोप्पा एवता ओसो येनान मीटिंग लोप्पा शामिल आता, ताना लोप्पा ओना अवसरवाद ओसो पार्टी ता बारे ते ओना विश्वासधात ता सुसंगत रूप ते निन्दा कित्तादु मत्ता। अदिन प्रकट रूप ते तम्मा गलती स्वीकार कियाना गति कित्तोर, मति असल ते पार्टी संगे आखरी ते गद्दारी कियाना तैयारी कित्तोर।
5. हूङ्गाटू: “घिसेपिटे पार्टी-लेखन ना विरोध किमूट” पोर्सोल ता लेख लोप्पा विदेशी घिसेपिटे लेखन ता बारे ते कित्ता व्याख्या (“माओ त्सेतुंग ना संकलित रचनांग”, ग्रन्थ3)।

# संयुक्त मोर्चा लोप्पा स्वतंत्रता ओसो पहलकदमी ता सवाल<sup>१</sup>

5 नवम्बर 1938

## सहायता ओसो रियायत सकारात्मक मंदाना, नकारात्मक आयो

वेल्ले समय एवनल आपसी सहयोग कियाला काजे संयुक्त मोर्चा लोप्पा शामिल मत्ता सब्बे राजनीतिक पार्टिंग ओसो ग्रुप उंदिनकु-उंदी सहायता कियाना ओसो उंदी-दूसरा किन रियायतकु हियाना, मति इद्रम ता सहायता ओसो रियायत सकारात्मक

---

<sup>१</sup> इद पार्टी ता छठी केंद्रीय कमेटी ता छठा पूर्ण अधिवेशन लोप्पा कामरेड माओ त्सेतुंग ना समापन-भाषण ता उंदी अंश आंदू संयुक्त मोर्चा लोप्पा स्वतंत्र ओसो पहलकदमी ता सवाल जापान-विरोधी संयुक्त मोर्चा संबंधित सब्बे विशिष्ट सवालकु नगडल उंदी सवाल ता बारे ते कामरेड माओ त्सेतुंग ओसो छन शाओ-य्वी नडमा भतभेद मत्ता। सार रूप ते इव सवालकु संयुक्त मोर्चा लोप्पा सर्वहारा वर्ग ता नेतृत्व ता सवाल मत्ता। दिसम्बर 1947 ता तना रिपोर्ट(“वर्तमान परिस्थिति ओसो मावा काम”) लोप्पा कामरेड माओ त्सेतुंग इव भतभेद किन सार रूप ते इद्रम पेश कीसि मत्तोर:

जापानी-आक्रमण-विरोधी युद्ध ताकनास्के, मावा पार्टी सब्बे आत्मसमर्पणवादी विचारों [इद पोल्लो प्रथम क्रांतिकारी गृहयुद्ध काल ते छन तू-श्यू ना आत्मसमर्पणवादी विचार कुना बारे ते वेहतादु मंता] कुना समान विचारकुना विरोध कीतोरः इव विचारकु क्वोमिंगतांग ता जन-विरोधी नीतिग किन रियायत हियाना, क्वोमिंगतांग पोरो आम जनता तुकु ज्यादा विश्वास कियाना, जन-संघर्ष शुरू कियाना ओसो ओरा पूर्ण विकास कियाना साहास किवा मंदाना, जापान-पोयता इलाकों में मुक्त इलाका ना विस्तार कियाना ओसो जन-सेनागं किन बेरसी कियाना साहस किवा मंदाना ओसो जापानी-आक्रमण-विरोधी युद्ध ता नेतृत्व क्वोमिंगतांग किन सौपे कियाना। मावा पार्टी इद रकम ता शक्तिहीन ओसो पतनशील वितारकुना खिलाफ, मार्स्ववादी-लेनिनवादी उसूल कुना उल्लंघन कितोर, ओसो दृढ़तापूर्वक संघर्ष ताकी कीतोरो ओसो ओरु “प्रगतिशील शक्तिग ना विकास कियाना, मध्यवर्ती शक्तिग किन तना पक्ष ते कियाना ओसो कट्टरपंथी शक्तिग किन अलगाव ते वाटना” राजनीतिक कार्यदिशा ता दृढ़ता ते पालन कियाना ओसो मुक्त इलाकांग ओसो जन-मुक्ति सेना ता दृढ़तापूर्वक विस्तार कितोर। अद्रमासी मावा पार्टी जापानी आक्रमण तास्के जापानी साम्राज्यवाद किन हारे किया परता पोल्लो ताए गारंटी आयवा, इद जापानी लोर किन आत्मसमर्पण पेरके च्यांग काई-शेक तना प्रतिक्रांतिकारी युद्ध शुरू कितोर, मना पार्टी ता सुगमता लेवा नुकसान तेहाना, च्यांग काई-शेक ना प्रक्रांतिकारी युद्ध ता क्रांतिकारी लोकयुद्ध संगे मुकाबला कियाना हरी पोयता ओसो उंदी अल्प समय लोप्पाने बेहरा जीत हासिल कियाना परता। सब्बे पार्टी-कामरेड्स इतिहास ता इव सबक किन पक्का सुरता तासना।

मंदाना, नकारात्मक आयो। माटु मना पार्टी ओसो सेना किन मजबूत बने कियाना ओसो बेरसी कियाना, संगेने माटु दोस्त-पार्टिंग ओसो दोस्त-सेनांग किन मजबूत बने कियाना ओसो बेरसी कियाना काम लोप्पा ओरकिन सहायता वेने हियाना। सरकार अदिना राजनीतिक ओसो आर्थिक मांग किन पूरा कियाना इंजी जनता आलिसंता, मति संगे ने अदु जापानी-आक्रमण-विरोधी युद्ध किन ताकी कियाला काजे सरकार किन परताचोन सहायता किता। मालिकलोर ओर खराब परिस्थिति किन सुधरे कियाना इंजी कारखानांग ना मजदूर लोर मांग कींतोर, मति संगेने ओरु जापान ता प्रतिरोध कियाना दृष्टि ते कड़ी मेहनत वेने कींतोर। विदेशी आक्रमण ता खिलाफ एकता बने कियाला काजे जर्मांदार लोर लगान ओसो सूद कम कियाना, संगेने किसान लोर वेने जर्मांदार लोर किन लगान ओसो सूद हियाना। आपसी सहायता ता सब्बे सिद्धांत ओसो नीतिंग सकारात्मक मंतांग, नकारात्मक ओसो एकांगी आयो। आपसी रियायतकुना संबंध ते वेने इदे पोल्लो लागू आयना। हर पक्ष दूसरा पक्ष लोप्पा उन्मूलनकारी कार्रवाईंग कियानायो ओसो दूसरा पक्ष ता पार्टी, सरकार या फौज लोप्पा मना पार्टी ता गुप्त शाखांग बने कियानायो। मना संबंध, मना क्वोमिंगतांग लोप्पा ओसो अदिना सरकार या फौज लोप्पा मना पार्टी ता गुप्त शाखांग बने किवोम, इदिनगडले क्वोमिंगतांग इद विषय लोप्पा निश्चित मंदियर ओसो जापान ता प्रतिरोध कियाना लोप्पा मदद दोरकियर। “उचुन कामकुनल कै पेरके गुच्ची किमुट, अस्केने दूसरा काम कुना लोप्पा वाटा परिंतीर”<sup>1</sup> इद वेसुड इदिना बारे सही मंता। लाल सेना ता पुनर्गठन किवा लेवा, लाल इलाकांग ना प्रशासन-व्यवस्था किन बदले किवा लेवा ओसो हथियारबंद बगावतकु ना नीति किन त्याग किवा लेवा राष्ट्रव्यापी जापानी-आक्रमण-विरोधी युद्ध असंभव मत्ता। पहली पोल्लो ते रियायत हितेके माकिन दूसरा पोल्लो ते उचुन हासिल आता, नाकारात्मक साधनकुनगडल माकिन सकारात्मक फायदा दोरकता।” “उचुव पेरके गुच्चा, ओसो वेल्ले लम्बा छल्लांग वाटला काजे उपयुक्त मंता”<sup>2</sup> इद लेनिनवाद आंदू रियायत किन बिल्कुल नकारात्मक मानेमायना मार्क्सवाद-लेनिनवाद ता विपरित मंता। बदे डावुट हिल्वा, बिल्कुल नकारात्मक रियायतकिन ना उदाहरण वेने मंता - दूसरा इन्टरनेशनल लोप्पा पुटता श्रम ओसो पंजीवाद ता सहयोग ता सिद्धांत लेकका,<sup>3</sup> अद पूरा वर्ग ओसो पूरा क्रांति संगे विश्वासघात कित्ता। चीन लोप्पा मुन्ने छन तू-श्यू ओसो पेरके चांग क्वो थाओ, इरवुरासीए आत्मसमर्पणवादी मत्तोरा। माटु आत्मसमर्पणवाद ता पूरा ताकत संगे विरोध कियाना। मना सहयोगी लोरा या दुश्मन लोरा संगे मना संबंध ते इलाका

लोप्पा बस्के वेने माटु रियायतकु हींतोम, पेरके गुचिंतोम, बचाव ता कार्रवाई कींतोरम  
ओसो मुन्ने दायना बंद कींतोम, अस्के माटु मना इव कार्रवाईंग किन हमेशा मना  
संपूर्ण क्रांतिकारी नीति ता उंदी अंग ता रूप ते, आम क्रांतिकारी कार्यदिशा ता उंदी  
अनिवार्य कड़ी ता रूप ते, टेड़ामेड़ा हर्री ते ताकना प्रगति ता उंदी मोड़ ता रूप ते  
हूडाना संक्षेप ते, मावा इव कार्रवाईंग सकारात्मक मंदिता।

### राष्ट्रीय संघर्ष ओसो वर्ग-संघर्ष ता एकरूपता

दीर्घकालीन सहयोग संगे लम्बा समय एवनल युद्ध ताकी कियाना ओसो दूसरा शब्द  
ते वर्ग-संघर्ष किन जापान ता प्रतिरोध किन वर्तमान राष्ट्रीय संघर्ष ता अनुसार ताकि  
कियाना - इद संयुक्त मोर्चा ता बुनियादी सिद्धांत आंदू। इद सिद्धांत अनुसार पार्टिंग  
ओसो वर्ग कुना स्वतंत्रता किन बचे कीसि तासना, सहयोग ओसो एकता ता कारण  
ते पार्टिंग ओसो वर्ग कुना अधिकार किन उंदी सीमा एवनल दृढ़ता ते तासना। केवल  
इदे रकम ता सहयोग किन बेरसी कित्तेकेने बदेआई पक्का सहयोग आया परिंता।  
लेवके सहयोग विलीनीकरण ता रूप एतिंता ओसो संयुक्त मोर्चा जरूर असफल  
आंता। उंदी राष्ट्रीय स्वरूप मंदाना संघर्ष लोप्पा, वर्ग-संघर्ष राष्ट्रीय संघर्ष ता रूप  
एतिंता। इद्रम ता रूप इव रेंडासी ना एकरूपता ता परिचय हींता। उंदी बगिल निश्चित  
ऐतिहासिक काल लोप्पा वर्ग कुना राजनीतिक ओसो आर्थिक मांग किन इद्रम  
मंदानायो, इद्रम मत्तेके वर्ग कुना सहयोग देगिंता, दूसरा बगिल संघर्ष ता सब्बे मांग  
किना शुरूआत राष्ट्रीय संघर्ष (जापान ता प्रतिरोध कियाना) जरूरत ते मंदाना। इद्रम  
ता संयुक्त मोर्चा लोप्पा एकता ओसो स्वतंत्रता नड़मा ओसो राष्ट्रीय संघर्ष ओसो  
वर्ग-संघर्ष नड़मा एकरूपता बनेमांता।

### “सब्बे संयुक्त मोर्चा संगेने कियना” ता नारा गलत मंता

क्वोमिंगतांग सत्तारूढ़ पार्टी मंता ओसो अद इंजे एवनल संयुक्त मोर्चा किन  
संगठनात्मक रूप एताला हींवो। दुश्मन ता पृष्ठभाग लोप्पा “सब्बे संयुक्त मोर्चा संगेने”  
कियाना असंभव मंता, बारांकु इत्तेके अगा माटु क्वोमिंगतांग मंजूर कित्ता समझौतांग  
किने पालन कीसोरे (“सशस्त्र प्रतिरोध, राष्ट्रीय पुनर्निर्माण ता कार्यक्रम”), स्वतंत्र  
ओसो पहलकदमी संगे काम किया लागिंता। लेवेके इदु क्वोमिंगतांग बद चीज ता

सहमति हींता इंदाना पोल्लो ता अंदाजा वाटसी, अदिना ब्योरा पेश कियाना मुन्ने माटु किया परिंतोमा उदाहरण काजे, माटु इदिन “संयुक्त मोर्चा संगेने” कियाना कोशिश कीसि मत्तेके, प्रशासनिक कमिश्वर लोरा नियुक्ति कियाना ओसो शानतुंग इलाका लोप्पा फौज किन लोहानदु बस्के संभव आयो आसी मनवडा। फ्रांसीसी कम्युनिस्ट पार्टी उंदी बेरा इद्रमताए नारा पेश कीसि मत्ता। अदिन काजेने बहे फ्रांस लोप्पा विभिन्न पार्टिंग ना उंदी संयुक्त मोर्चा बनेमासी मत्ता ओसो अदिना संगे निर्धारित कार्यक्रम किन सोशलिस्ट पार्टी अमल ते तत्ताना विचार किसोर हिल्ले ओसो अदु तन्नाए हर्दें ताकसोर मत्ता, अदिन काजे सोशलिस्ट पार्टी किन सीमांग लोप्पा तासला काजे कम्युनिस्ट पार्टी किन इद नारा पेश किया लागता। अदु तन्ना कै-काल दोहला काजे इद नारा बिल्कुल पेश कित्ताद हिल्वा मत्ता। चीन लोप्पा क्वोमिंगतांग दूसरा राजनीतिक पार्टिंग किन बराबरी ता अधिकार कुनगडल जेक कीसि, सब्बे किन तम्मा आदेश मानेमायाला काजे मजबूर कियाना कोशिश किसोरे मंदना परिस्थिति मंता। क्वोमिंगतांग बाता कीतेकाई मना सहमति संगे कियाना इंजी नारा केयना असंभव ओसो हास्यस्पद मंता। माटु बाताले कियाना मुन्ने क्वोमिंगतांग ता सहमति दोरकी कियना, ओसो क्वोमिंगतांग सहमत हिल्वेके बाताल आयार? बारांकु इत्तेके क्वोमिंगतांग ता नीति मावा विकास किन रोमी कियाना नीति आंदू ओसो मना काजे खुद मन्नाए कै-काल दोहची तासना नारा पेश कियाना बदे कारण हिल्लो वर्तमान ते, उचुक पोल्लोंग मुन्नेटले क्वोमिंगतांग ता सहमति दोरकी कियाना जरूरत मंता, मावा मूँड डिवीजन कुना मूँड फौजी कोर कुना लोप्पा विस्तार कियाना लेकका - इद मुन्ने रिपोर्ट कियाना ओसो अद काम किन कियाना। उचुन काम मुन्ने कियाना लेककाटा वेने मंतांग ओसो अविना रिपोर्ट क्वोमिंगतांग किन हियनावु मंतांग, मना फौज कुना संख्या लोप्पा रेंडु लाख तुकू ज्यादा बढोत्तरी कियाना लेकका आंता - इदु मुन्ने काम कियाना ओसो फेरके रिपोर्ट हियाना आंदू। इदे आयवा ओसो वेने बार्डर इलाकांग ना एसेम्बली केयना लेककाटा काम कु वेने मंतांग, अविन फिलहाल माटु क्वोमिंगतांग किन सूचित कियवा लेवाए कियाना, बारांकु इत्तेके माटु क्वोमिंगतांग इदिना सहमति हीवो इंजी पुत्तोमा। इदिन विडसी ओसो वेने कामकु मंतांग अविन फिलहाल माटु अव काम किन किवोम ओसो रिपोर्ट वेने हीवोम, बारांकु इत्तेके इद्रम ता काम कित्तेके पूरा परिस्थिति बिगडेमांता। संक्षेप ते माटु संयुक्त मोर्चा किन तोडे किवोम ओसो मना कै-काल दोहची वेने तासोमा। “सब्बे संयुक्त मोर्चा ता अनुसार कियाना” इत्तेके सब्बे च्यांग काई-शेक ओसो येन शी-शान ना

अनुसार मत्तेके, इद नारा वेने गलत आंता। मावा नीति संयुक्त मोर्चा लोप्पा स्वतंत्रता ओसो पहलकदमी तासना नीति मंता, एकता ओसो स्वतंत्रता रेंडासीना पोर्रे उंदे बेरा अमल कियाना नीति आंदू।

## नोट

1. “मेनशियस” पोर्रेल ता पुस्तक तल उंदी उद्धरम।
2. वी. आई. लेनिन ता “दार्शनिक नोटबुक” पोर्रेल ता पुस्तक ते “हेगेल ना पुस्तक ‘दर्शन-शास्त्र ता इतिहास पोर्रे व्याख्यानमाला’ ता रूपरेखा” ता कोटेशन।
3. “श्रम ओसो पूँजीवाद ता सहयोग ता सिद्धांत” दूसरी इन्टरनेशनल ता पेश कित्ता उंदी प्रतिक्रियावादी सिद्धांत आंदू। इदु पूँजीवादी देशकुना लोप्पा सर्वहारा वर्ग ओसो पूँजीपति वर्ग ता सहयोग ता पैरवी कियाना ओसो क्रांतिकारी तरीकांग संगे पूँजीपति वर्ग ता शासन किन तेहकसी वाटना ओसो सर्वहारा नेतृत्व ता स्थापना कियाना ता विरोध कीतोरा।

## युद्ध ओसो रणनीति ता समस्यांग<sup>10</sup>

6 नवम्बर 1938

### 1. चीन ता विशेषतांग ओसो क्रांतिकारी युद्ध

शस्त्र-बल संगे राजसत्ता ऊंदना, युद्ध संगे समस्या हल कियाना, क्रांति ता केंद्रीय कार्य ओसो सर्वोच्च रूप आंदू। क्रांति ता इद मार्क्सवादी-लेनिनवादी उसूल सब्बे जागा लागू आंता, चीन पोर्टो ओसो दूसरा सब्बे देशकुना पोर्टो लागू आंता।

मति उसूल उंदी आत्ता पेरेके वेने सर्वहारा वर्ग ता पार्टी अदिन अमल कियानास्के अलग-अलग परिस्थितिंग ना अनुसार अविन लागू कियना अलग-अलग तरीका लागू कींता। पूँजीवादी देश, फासीवादी हिल्वेके ओसो युद्ध लोप्पा

1. <sup>10</sup> इदु लेख पार्टी ता छठी केन्द्रीय कमेटी ता छठी पूर्ण अधिवेशन लोप्पा कामरेड माओ त्सेतुंग हीता समापन-भाषण ता उंदी अंश आंदू “जापान-विरोधी छापामार युद्ध ता रणनीति विषयकुना समस्यांग” ओसो “दीर्घकालीन युद्ध ता बारे ते” पोर्टेल ता तन्ना रचनांग लोप्पा कामरेड माओ त्सेतुंग जापानी-आक्रमण-विरोधी युद्ध लोप्पा ता नेतृत्वकारी भूमिका ता सवाल किन मुनेने हल कित्तादु मत्ता। मति उचुन कामरेड्स, दक्षिणपंथी अवसरवादी गलितिंग कित्तोर, ओरु संयुक्त मोर्चा लोप्पा पार्टी किन तम्मा स्वतंत्रता ओसो पहलकदमी तासना पोल्लो तुन मानेमायला इनकार कींतोर, ओसो इद्रमे ओरु पार्टी ता युद्ध ओसो रणनीतिक संबंधित कार्यदिश् ता बारे ते डावुट कित्तोर ओसो ओरा विरोध वेने कित्तोर। इद्रम ता दक्षिणपंथी अवसरवाद पोर्टो काबू कियाला, चीनी क्रांति लोप्पा युद्ध ओसो रणनीतिक समस्यांग ना प्राथमिक महत्व ता बारे ते पूरा पार्टी किन ओसो ज्यादा स्पष्ट रूप ते समझे कियाना ओसो इद संबंध ते गंभीरतापूर्वक काम कियाला काजे पूरा पार्टी ता किन उंदीकडू कियाला काजे कामरेड माओ त्सेतुंग पूर्ण अधिवेशन लोप्पा चीनी ता राजनीतिक संघर्ष कुना इतिहास ता वेङ्च ते इद समस्या ता महत्व पोर्टो ओसो जोर हीतोर ओसो पार्टी ता सामरकि कार्य ता विकास ओसो मावा रणनीति ता विशिष्ट परिवर्तन ता विश्लेषण कित्तोर। अद्रमासी पूरा पार्टी लोप्पा निर्देशात्मक विचार ताएकता ओसो कारंवाई ता एकता बने कियमूँडाता।

हिरकीसि हिल्वा मर्तेके अवु तम्मा देश लोप्पा पूँजीवादी लोकशाही पोर्रे (सामंतशाही पोर्रे हिल्ले) अमल कींतोर, मना विदेशी संबंध लोप्पा ओरु दूसरा राष्ट्र कुना उत्पीड़न ता शिकार आयवा खुद दूसरा राष्ट्र ता उत्पीड़न कींतोरा ओरा इव विशेषतांग ना कारण, पूँजीवादी देशकु ना सर्वहारा वर्ग कुना पार्टी ता इद कर्तव्य दीर्घकालीन कानूनी संघर्ष संगे मजदूर लोरकिन शिक्षित कियाना आंता ओसो तना ताकत किन जमा कियाना ओसो पूँजीवाद ता तखता अन्तिम रूप ते तेहकसी वाटना काजे तैयारी कियाना आंता। वेहता देश कुना लोप्पा दीर्घकाल एवनल कानूनी संघर्ष ताकी कियाना, पार्लियामेन्ट किन उंदी मंच ता रूप ते इस्तेमाल कियाना, आर्थिक, राजनीतिक हड़ताल कियाना, ट्रेड यूनियन किन संगठित कियाना ओसो मजदूर लोरकिन शिक्षित कियाना समस्या मंता। अव देशकुना लोप्पा संगटन ता रूप कानूनी मंदिता ओसो संघर्ष ता रूप रक्तपातहीन (गैर फौजी) मंदिता। युद्ध ता समस्या ता बोरे ते पूँजीवादी देशकु ना कम्युनिस्ट पार्टिंग तम्मा खुद ता देश कुना संगे शुरु कित्ता साप्राज्यवादी युद्ध कुना विरोध कींताग, इद्रम ता युद्ध आतेके इव कम्युनिस्ट पार्टिंग ना नीति इद्रमे आंता, अवु तम्मा देश कुना प्रतिक्रियावादी सरकार कुन पराजित कियाना लोप्पा सहायक आंता। अवु युद्ध कियाला आलिसतांग, बदिना ओरु तैयारी कींतोर अवु गृहयुद्ध आंता।<sup>1</sup> मति इदु बगावत ओसो युद्ध बस्के एवनल शुरु कियमूडायो, अस्के एवनल सर्वहारा वर्ग ता बहुसंख्यक जन-समुदाय सशस्त्र विद्रोह कियाना ओसो युद्ध ताकी कियाना काजे संकल्पबद्ध आयो आंता, ओसो बस्के एवनल किसान जन-समुदाय स्वतंत्र रूप ते सर्वहारा वर्ग किन मदद किवो आंता। ओसो इद्रम ता बगावत ओसो युद्ध ता समय वांता, अस्के मुनेटा कदम शहर पोर्रे कब्जा कियाना ओसो देहात इलाकांग बगिल दायानादु मंदिता, इदिना विपरित कदम तेहाना आयो। पूँजीवादी देश कुना कम्युनिस्ट पार्टिंग इद्रमे कींतोर, ओसो रूस ता अकुबर क्रांति इस पोल्लो ता सही साबित कित्ता।

मति चीन उंदी भिन्न रकम ता देश आंदू। चीन ता विशेषता उंदी स्वाधीन जनवादी देश हिल्वा अर्ध-औपनिवेशिक ओसो अर्ध-सामंती देश मंता। अन्दरूनी रूप ते चीन लोप्पा लोकशाही ता कमी मंता ओसो अदु सामंती उत्पीड़न ता शिकार मंता, ओसो अदिना विदेशी संबंध कुना लोप्पा राष्ट्रीय स्वतंत्रता ता कमी मंता ओसो अदु साप्राज्यवादी उत्पीड़न ता शिकार मंता। इस्तेमाल कियाला काजे इगा बदे पार्लियामेंट हिल्ले, ओसो मजदूर लोरकिन हड़ताल काजे संगठित कियाना बदे

कानून वेने हिल्ले। बुनियादी रूप ते इगा कम्युनिस्ट पार्टी ता मुन्ने बगावत ओसो युद्ध शुरू कियाना तुकू मुन्ने लम्बा समय एवनल कानूनी संघर्ष ता समय तल दायना ओसो केवल मुन्ने शहर पोर्झे ने कब्जा कियवा लेवा नाहकुना एरिय पोर्झे अधिकार कियाना कर्तव्य मंता। अदिना मुन्ने इदिना बिल्कुल उल्टा कार्य मंता।

बस्के साप्राज्यवाद मावा देश पोर्झे हथियारबंद हमला किवा मत्तोर अस्के चीनी कम्युनिस्ट पार्टी पूँजीपति वर्ग संगे कलियसी युद्ध-सरदार (साप्राज्यवाद ता गुर्ग) लोरा खिलाफ गृहयुद्ध ताकी किसोरे मंदिता बद्रमों - 1924-27 ते क्वांगतुंग प्रान्त ता युद्धकुँ उत्तरी अभियान ताकनास्के आता, लेवेके किसान लोर अनि शहरी निम्प-पूँजीपति वर्ग संगे एकता कीसि जर्मांदार वर्ग ओसो दलाल-पूँजीपति वर्ग (ओरु वेने साप्राज्यवाद ता गुर्ग आंदुर) ता खिलाफ गृह युद्ध ताकी किंता बद्रमों - 1927-36 ता भूमि-क्रांति युद्ध ताकनास्के आता। बस्के साप्राज्यवाद चीन ता खिलाफ तन्ना हथियारबंद हमला शुरू किंता अस्के चीनी कम्युनिस्ट पार्टी विदेशी दुश्मन खिलाफ राष्ट्रीय युद्ध काजे देश ता सब्बे वर्ग ओसो समूह किन एकताबद्ध किंता, अदु विदेशी आक्रमणकारी लोरा विरुद्ध मंता बद्रमों इंजे वर्तमान जापानी-आक्रमण-विरोधी युद्ध ताकनास्के किया मंता।

इव सब्बे पोल्लोंगनिगडल चीन ओसो पूँजीवादी देश कुना नडमा ता फर्क स्पष्ट आंता। चीन लोप्पा संघर्ष ता मुख्य रूप युद्ध आंदू ओसो संगटन ता मुख्य रूप फौजा। जन-संगटन ओसो जन-संघर्ष लेकका दूसरा रूप वेन वेल्ले महत्व ता मंता ओसो वेल्ले जरूरी मंता ओसो इदिन बदे परिस्थिति लोप्पा नजरअन्दाज कियानायो, मति इव सब्बे युद्ध ता सेवा कियाला काजेने मंता। युद्ध शुरू आयना मुन्ने सब्बे रकम ता संगटन ओसो संघर्ष युद्ध ता तैयारी काजे मंदिता, 1919 ता 4 मई आंदोलन तल पोयसी 1925 ता 30 मई आंदोलन नडमा दिसता लेकका। युद्ध शुरू आतास्के सब्बे रकम ता संगटन ओसो संघर्ष ता प्रत्यक्ष या अप्रत्यक्ष रूप ते युद्ध संगे तालमेल बनेमांता। उदाहरण काजे उत्तरी अभियानतास्के क्रांतिकारी फौजकु पृष्ठभाग ते सब्बे रकम ता संगटन या संघर्ष कुना प्रत्यक्ष रूप ते युद्ध संगे तालमेल बनेमासी मत्ता ओसो उत्तरी युद्ध-सरदार लोरा इलाकांग लोप्पा सब्बे रकम ता संगटन ओसो संघर्ष ता अप्रत्यक्ष रूप ते युद्ध संगे तालमेल आता। ओसो भूमि-क्रांति युद्ध ताकनास्के वेने लाल इलाकांग लोप्पा सब्बे रकम ता संगटन ओसो संघर्ष ता प्रत्यक्ष रूप ते युद्ध संगे तालमेल बनेमात्ता, इव इलाकांग ना बाहर सब्बे संगटन ओसो संघर्ष ता अप्रत्यक्ष रूप ते युद्ध संगे तालमेल आता। अद्रमे जापानी-आक्रमण-विरोधी युद्ध ता वर्तमान

काल ते जापान-विरोधी फौज कुना पृष्ठभाग लोप्पा ओसो दुश्मन कब्जा कित्ता इलाकांग लोप्पा सब्बे रकम ता संगटनकु ओसो संघर्ष ता प्रत्यक्ष या अप्रत्यक्ष रूप युद्ध संगे तालमेल बने कित्ता।

“चीन लोप्पा सशस्त्र क्रांति सशस्त्र प्रतिक्रांति ता मुकाबला किसोरे मंता। इद चीनी क्रांति ता विशेषतांग ओसो श्रेष्ठतांग लोप्पाडल उंदी आंदू”<sup>3</sup> कामेरेड स्टालिन ना इद थीसिस बिलकुन सही मंता, उत्तरी अभियान आई, भूमि-क्रांति युद्ध या वर्तमान जापानी-आक्रमण-विरोधी युद्ध आई - सब्बे काजे उंदि पोल्लो सही मंता। इव सब्बे क्रांतिकारी युद्ध आंदूंग, इव सब्बे प्रतिक्रांतिकारी लोरा खिलाफ ताकी कित्तादु मंता, ओसो इव सब्बे मुख्य रूप ते क्रांतिकारी जनता ताकी कित्ता, फर्क केवल गृहयुद्ध ओसो राष्ट्रीय युद्ध नडमा मंता, बद कम्युनिस्ट पार्टी वराए ताकी कियाना युद्ध ओसो क्वोमिंगतांग ओसो कम्युनिस्ट पार्टी संयुक्त रूप ते ताकी कियाना युद्ध नडमा मंता। इदु फर्क महत्वपूर्ण मंता इंदानदु बदे डावुट हिल्ले। इव पोल्लोंग युद्ध लोप्पा हिस्सा एतना मुख्य ताकत कुना दायरा सीमित मंता या व्यापक (अदु मजदूर ओसो किसान लोरा एकता मंता या मजदूर, किसान ओसो पूँजीपति वर्ग एकता), युद्ध ता निशाना लोप्पा मंता या बाहर (युद्ध घरेलू दुश्मन ता खिलाफ मंताया विदेशी दुश्मन ता खिलाफ ओसो इदु घरेलू दुश्मन ता खिलाफ मत्तेके उत्तरी युद्ध-सरदार लोरा खिलाफ मंता या क्वोमिंगतांग ता खिलाफ) इंजी वेहिंतांग, इवु फर्क चीन ता क्रांतिकारी युद्ध ता अन्तर्वस्तु ता तन्ना ऐतिहासिक प्रक्रिया ता विभिन्न मंजिल कुना लोप्पा अलग-अलग मंदिंता। मति इव सब्बे युद्ध सशस्त्र प्रतिक्रांतिकारी युद्ध मंता। इव सब्बे युद्ध लोप्पा चीनी क्रांति ता विशेषतांग ओसो श्रेष्ठतांग दिसिंतांग इंजी वेने वेहिंतांग। इद थीसिस क्रांतिकारी युद्ध “चीनी क्रांति ता विशेषतांग ओसो श्रेष्ठतांग लोप्पाडल उंदी आंदू”, पूर्ण रूप ते चीन ता परिस्थितिंग संगे कलियंतांग। करीब-करीब शुरू तले चीनी सर्वहारा वर्ग ता पार्टी मुने मुख्य काम अदु राष्ट्रीय ओसो सामाजिक मुक्ति काजे ज्यादा से ज्यादा संख्या ते तम्मा को-आपेशना कियानोरा संगे एकता कियाना, सशस्त्र संघर्ष संगठित कियाना ओसो परिस्थिति अनुसार घरेलू या विदेशी सशस्त्र प्रतिक्रांतिकारी लोरा खिलाफ संघर्ष कियानादु मंता। सशस्त्र संघर्ष लेवा चीन लोप्पा सर्वहारा वर्ग ओसो कम्युनिस्ट पार्टी तन्ना काजे बदे जागा बने किया परवो, ओसो अदु बदे क्रांतिकारी काम किने वेने पूरा किया परवो।

मावा पार्टी इद पोल्लो ता 1921 ते अदिना स्थापना तल पोयसी 1926 ते उत्तरी अभियान लोप्पा हिस्सा एतनास्के पांच-चै साल ते पूर्ण रूप ते ग्रहण किया

परवो आता। अस्के अदु चीन लोप्पा सशस्त्र संघर्ष ता सर्वोच्च महत्व किन समझेमायो, अदु सही तरीका ते युद्ध ता तैयारी किवो ओसो सशस्त्र सेना ता गठन वेने किवो ओसो फौजी रणनीति ओसो कार्यनीति ता अध्ययन ता बगिल ध्यान हिवो। उत्तरी अभियान ताकनास्के फौज कुन तम्मा पक्ष ते कियाना काम किन नजरअंदाज कित्ता ओसो जन-आंदोलन पोर्हे एकांगी रूप ते जोर हीता। अदिन काजे क्वोमिंगतांग प्रतिक्रियावादी बने मात्ता, अद्रमे सब्बे जन-आंदोलन ठप आता। 1927 पेरके वेल्ले दिया एवनल मावा बचोनो कामरेड्स पार्टी ता केंद्रीय कार्य रूप ते शहर कुना लोप्पा विद्रोह ता तैयारी किसोरे मत्तोर ओसो श्वेत इलाकांग लोप्पा काम किसोर मत्तोरा “घेराव कियाना ओसो विनाश कियाना” दुश्मन ता तीसरी अभियान किन नाकाम बने कियाना लोप्पा माकिन 1931 लोप्पा सफलता दोरकतास्के ताना पेरके उचुन कामरेड्स इद सवाल पोर्हे बुनियादी रूप ते तम्मा दृष्टिकोण ते बदलाव किया पसना लेकका आत्तोरा मति पूरा पार्टी ता दृष्टिकोण अस्के वेने बदलेमायो ओसो उचुन कामरेड्स इंजे माटु आल्सना लेकका आल्सोर हिल्वा मत्तोरा।

चीन ता समस्यांग किन सशस्त्र सेना लेवा हल किया परमूडायो इंजी माकिन मावा अनुभव वेहत्तोरा। इद पोल्लो किन समझेमातेके इंजेटल जापानी-आक्रमण-विरोधी युद्ध किन सफलतापूर्वक ताकी कियाना लोप्पा माकिन मदद दोरकिता। जापानी-आक्रमण-विरोधी युद्ध लोप्पा पूरा राष्ट्र ता हथियारबंद प्रतिरोध काजे तेदाना उंदी ठोस तथ्य आंदू अद्रमासी इद समस्या ता महत्व किन ओसो बेस समझेमायला काजे पूरा पार्टी किन शिक्षित कियाना, ओसो हर पार्टी-सदस्य किन हथियार तेहची मोर्चा ते दायला काजे हर समय तैयार मंदाना। इदे आयवा, मावा वर्तमान अधिवेशन इंजे पार्टी ता काम ता मुख्य पहलू युद्ध-क्षेत्र किन ओसो दुश्मन ता पृष्ठभाग किन बने कियाना इंजी निश्चय कित्ता, मावा कोशिश काजे उंदी स्पष्ट दिशा निर्धारित कित्ता। इद उचुन पार्टी सदस्य लोरा बोर केवल पार्टी ता संगठनात्मक कार्य कियाला आलिसंतोर ओसो जन-आंदोलन ता काम कियाला आलिसंतोर, मति युद्ध ता अध्ययन कियाला आल्सोर या युद्ध लोप्पा भाग एतला आल्सोर, अवु विद्यालय कुना काजे बोर विद्यार्थी लोर किन मोर्चा ते दायला काजे उत्साहित कियाना काम किन नजरअंदाज कींतोर, ओसो अद्रमताए दूसरा अभिव्यक्ति काजे उंदी बेसता दवा वेने साबित आयरा चीन ता ज्यादातर हिस्सांग लोप्पा पार्टी ता संगठनात्मक काम ओसो जन-आंदोलन ता काम प्रत्यक्ष रूप ते सशस्त्र संघर्ष संगे जुड़ेमासी मंता। सशस्त्र संघर्ष तल अलग ओसो स्वतंत्र बदे पार्टी-काम ओसो जन-आंदोलन आयो आंता।

युद्ध क्षेत्र तल अपेक्षाकृत दूर पृष्ठभागीय इलाकांग लोप्पा (युनान, क्वेइचओ ओसो सछवान लोप्पा आता लेक्का) या दुश्मन कब्जा कित्ता इलाकांग लोप्पा (पेरिंग, थ्येनचिन, नानकिंग ओसो शांघाई लोप्पा आता लेक्का) वेने पार्टी ता संगठनात्मक कार्य ओसो जन-आंदोलन इद्रमे युद्ध तल जुड़ेमासी मंता ओसो अविन केवल मोर्चा ताए जरूरत किन पूरा कियाना ओसो जरूर कियाना। उंदी शब्द ते पूरा पार्टी किन युद्ध बगिल वेल्ले ध्यान हियाला, फौजी विषय किन करियाला ओसो लड़ेमायला काजे तैयार मंदाना।

## 2. क्वोमिंगतांग ता युद्ध-इतिहास

माटु क्वोमिंगतांग ता इतिहास पोर्रे ध्यान हीसि क्वोमिंगतांग युद्ध बगिल बचोन ध्यान हीता इंदाना पोल्लो ना जांच कित्तेके माकिन वेल्ले फायदा आयरा।

पहली चरण ते सुन यात-सेन बस्के उंदी सुडला क्रांतिकारी दल बने किसोर मत्तोर, अस्के ओरु छिंग वंश ता खिलाफ बचोनो सशस्त्र विद्रोह कित्तोरा<sup>4</sup> “थुंग ग ढ्वैइ” ना काल सशस्त्र विद्रोह ता उदाहरणकुर्ता ना संगे निंदसी मंता। इद सिलसिला बस्के एवनल 1911 ता क्रांति संगे छिंग वंश ता तख्ता पलट किवो अस्के एवनल ताकसोर मत्ता। “चुंगह्ना कमिंग तांग” ना समय ते ओरु य्वान श-खाए ना विरुद्ध हथियारबंद अभियान ताकी कित्तोरा<sup>5</sup> ताना पेरकेटा सब्बे घटनांग - नौसेना ता दक्षिण बगिल तबादला,<sup>6</sup> क्वेइलिन तल उत्तर अभियान<sup>7</sup> ओसो ढ्वांगफू फौजी अकादमी ता स्थापना,<sup>8</sup> इव सब्बे सुन यात-सेन कित्ता फौजी कार्य मत्तांग।

सुन यात-सेन ना पेरके च्यांग काई-शेक मुने वातोर ओसो ओरु क्वोमिंगतांग ता फौजी ताकत किन पोरो स्तर ते एवसी कित्तोरा ओर फौज किन तन्ना जीवा लेक्का कीमती समझेमातोर ओसो उत्तरी अभियान, गृहयुद्ध ओसो जापानी-आक्रमण-विरोधी युद्ध इव मूँड युद्ध कुना अनुभव दोरकी कित्तादु मंता। हत्ता दस सालकुनल च्यांग काई-शेक प्रतिक्रांतिकारी बनेमातोरा ओरु प्रतिक्रांतिकारी उद्देश्य काजे उंदी विशाल “केन्द्रीय सेना” ता निर्माण कित्तोरा। ओरु बोनगा फौज मंता ओनगा सत्ता मंदिता, ओसो युद्ध सब्बे पोल्लोंग ना निर्णय किंता इंदाना पोल्लो किन मजबूती ते पोयतोरा। इद पोल्लो लोप्पा माटु ओनगडल करियाना। इद पोल्लो ते सुन यात-सेना ओसो च्यांग काई-शेक इरवुरासी मावा शिक्षक आंदुरा।

1911 ता क्रांति पेरके सब्बे युद्ध-सरदार तन्ना फौज कुन तन्ना जीवा लेकका कीमती समझेमांतोरा ओरु “बोनगा फौज मंता, ओनगा सत्ता मंदिता” इंदाना सिद्धांत ता फैन आतोरा।

थान येन-खाए<sup>10</sup> वरोर होशियार नौकरशाह मत्तोर, हुनान लोप्पा बचोनो बेरा उत्थान ओसो पतन अता ओसो ओरु सिविल गवर्नर बस्केने हिल्वा मत्तोर ओसो हमेशाए ओरु फौजी ओसो सिविल गवर्नर उदे बेरा बनेमायकान इंदाना पोल्लो पोरो डटेमासी मत्तोरा। पेरके ओरु क्वांगतुंग ओसो ऊहान लोप्पा राष्ट्रीय सरकार ता अध्यक्ष-पद ते मत्तास्के वेने ओरु दूसरा फौजी कोर ता कमांडर मत्तोरा चीन लोप्पा बचोनो इद्रम ता युद्ध-सरदार मत्तोर ओरु चीन ता इद विशेषता किन समझेमायनोरा।

चीन लोप्पा उचुन पार्टिंग फौज तासना विचार किवोरा। प्रगतिशील पार्टी<sup>11</sup> इविना लोप्पा उंदी प्रमुख पार्टी मत्ता। मति इद पार्टी वेने ओनकिन बदे सरकारी पद अस्के एवनल दोरबको बस्के एवनल बोराई युद्ध-सरकार ओना सहायता किवोर इंदानु पुत्ति मत्ता। इद्रम आसी च्वान श-खाए, त्वान छी-रुइ<sup>12</sup> ओसो च्यांग काई-शेक (प्रगतिशील पार्टी तल अलग आसी राजनीति-विज्ञान ग्रुप<sup>13</sup> वासी कलियता) वरोन पेरके वरोर संरक्षक बनेमातोर।

संक्षिप्त इतिहास मंदना उचुक सुडला पार्टिंग, लेककाटा नौजवान पार्टी,<sup>14</sup> लोप्पा बदे फौज हिल्वा मत्ता ओसो अदिन काजे ओरु बदे कामयाबी हासिल किया पोरवोरा।

दूसरा देशकुना लोप्पा पूँजीवादी पार्टिंग किन तन्ना-तन्ना सीधा नेतृत्व ते हथियारबंद फौज कुना जरूरत हिल्ले आंता। मति चीन ता समस्या दूसरा मंता। देश ता सामंती विभाजन आता कारण ते जर्मांदार या पूँजीपति वर्ग ता बदे वेने गुट या पार्टी लोप्पा बंदूक मंदिता, ओना कैदेने सत्ता मंदिता ओसो बोनगा ज्यादा बंदूक मंदिता, ओनगा ज्यादा सत्ता मंदिता। इद परिस्थिति लोप्पा मंजोरे सर्वहारा वर्ग ता पार्टी ता स्पष्ट रूप ते समस्या ना मोदोल किन चीनेमायना जरूरत मंता।

कम्युनिस्ट बस्के वेने तन्ना व्यक्तिगत फौजी सत्ता काजे कोशिश कियानोर आयोर (ओरकिन बदे वेने परिस्थिति लोप्पा इद्रम कियाना ओसो बोनाई ओसो बस्केने चांग क्वो-थाओ ना उदाहरण पोरो ताकी कियानाओ), मति ओरु पार्टी ता हित लोप्पा फौजी सत्ता हासिल कियाला काजे संघर्ष कियाना, जनता ना हित ते फौजी सत्ता हासिल कियाला काजे संघर्ष कियाना। बारांकु इत्तेके राष्ट्रीय प्रतिरोध-युद्ध ताका मंता, अदिन काजे माटु राष्ट्र काजे फौजी सत्ता हासिल कियाला काजे वेने

संघर्ष कियाना। बोराई फौजी सत्ता काजे सवाल पोरों पिल्ला-पेकोर कियाना गलती लेकका कितेके ओना कैदे बताले दोरको आयरा बारांकु इतेके मेहनतकश जनता हजारो साल तल प्रतिक्रियावादी शासक वर्ग कुना धोखाधड़ी ओसो धमकी ता शिकार आया मंता, अदिन काजे मेहनतकश जनता काजे जनताना कैदे बंदूक मंदाना महत्व किन समझेमायना, उंदी वेल्ले मुश्किल काम आंदू जापानी साप्राज्यवाद ता उत्पीड़न ओसो राष्ट्रव्यापी प्रतिरोध मेहनतकश जनता किन युद्ध ता मैदान ते तत्ता अदिन काजे कम्युनिस्ट लोर इद युद्ध ते सबसे ज्यादा राजनीतिक चेतना मंदना नेताल साबित आयना। हर कम्युनिस्ट “राजनीतिक सत्ता ता जन्म बंदूक ता नली तिंची आंता” इंदाना सच्चाई किन समझेमायना। मावा उसूल बंदूक किन पार्टी ता आदेश पोरों ताकनादु मंदाना ओसो पार्टी बंदूक ता आदेश ते ताकना इंजी बिल्कुल अनुमति हिया परमूदायो। मति बंदूक मावा कैदे मतेके असल ते माटु पार्टी बने किया परिंतोम, ओसो इदिना उदाहरण आठवी राह सेना उत्तरी चीन लोप्पा उंदी शक्तिशाली पार्टी-संगटन ता निर्माण किया परिंतोम। अद्रमे माटु कार्यकर्ता ओसो तैयार किया परिंतोम, स्कूल बने किया परिंतोम, संस्कृति ता सृजन ओसो जन-आंदोलन ता निर्माण किया परिंतोम। येनान लोप्पा हर चीज बंदूक हासिल कीसि बनेमात्ता। हर चीज बंदूक ता नली तिंची पैदा आंता। राज्य संबंधी मार्क्सवादी सिद्धांत ता अनुसार, सेना राजसत्ता ता मुख्य तत्व आंता। अदु बोराई वेने राजसत्ता पोरों कब्जा किया परिंता ओसो अदिन बचे किया तासिंतोर ओनगा उंदी शक्तिशाली सेना मंदाना। उचुन मुल माकिन “युद्ध ता सर्वशक्ति मानेमांतोर” इंजी उल्टा-सीधा, गलत-सलत इंतोर। माटु क्रांतिकारी युद्ध ता सर्वशक्तिमानता ता पक्षपोषण इंदानदु सही मंता। इद उंदी गलत पोल्लो आयवा बेसता पोल्लो आंदूः इद पोल्लो मार्क्सवादी विचार आयो। रूसी कम्युनिस्ट पार्टी ता बंदूक समाजवाद ता सृजन कित्ता माटु उंदी लोक गणराज्य ता सृजन किंतोम। साप्राज्यवाद ता युग ते वर्ग-संघर्ष ता अनुभव तल माकिन केवल बंदूक ता ताकत ते मजदूर वर्ग ओसो मेहनतकश जन-समुदाय सशस्त्र पूंजीपति वर्ग ओसो जर्मांदार किन हारे किया परिंतोम इंदाना शिक्षा हींता: अद्रमासी माटु केवल बंदूक संगे पूरा दुनिया ता बदलाव किया परिंतोम इंदा परिंतोम। माटु युद्ध किन खत्म कियाला पक्षपोषण किंतोम, माटु युद्ध कियाला आल्सोम मति युद्ध ता खात्मा केवल युद्ध संगेने आया परिंता, ओसो बंदूक तल छुटकारा दोरकी कियाला काजे बंदूक तेहाना जरूरी मंता।

### 3. चीनी कम्युनिस्ट पार्टी ता युद्ध-इतिहास

1921 तल (चीनी कम्युनिस्ट पार्टी ता स्थापना आसी मत्तास्के) टल 1924 एवनल (क्वोमिंगतांग ता पहली राष्ट्रीय कांग्रेस आतास्के) तीन-चार साल कुना नडमा मावा पार्टी प्रत्यक्ष रूप ते युद्ध ता तैयारी कियाना ओसो सेना ता संगठित कियाना महत्व किन समझेमायना लोप्पा असफल आता, ओसो 1924-27 पेरके वेन उचुन समय एवनल इद समस्या किन बेस समझेमातद हिल्वा मत्ता, अद्रमातेकाई 1924 तल ह्हांगफू फौजी अकादमी ते शामिल आता पेरके अदु उंदी पूना मंजिल ते एवता ओसो फौजी समस्यांग ना महत्व किन समझेमाता। क्वांगतुंग प्रान्त ता युद्ध लोप्पा क्वोमिंगतांग किन सहायता हियाना ओसो उत्तरी अभियान लोप्पा हिस्सा एतसोरे पार्टी उचुन संस्थ सेनांग पोरों तन्ना नेतृत्व बने कित्ता।<sup>15</sup> क्रांति ता असफलता तल पार्टी किन बेहरा सबक दोरकता अदु नानछांग विद्रोह, शरद-फसल विद्रोह ओसो ताना पेरके क्वांगचओ विद्रोह संगठित कित्ता ओसो उंदी पूना मंजिल ते, लाल सेना ता स्थापना ता मंजिल लोप्पा हत्ता। अदु वेल्ले महत्वपूर्ण काल मत्ता अस्के मावा पार्टी सेना ता महत्व किन पूर्ण रूप ते समझेमासी मत्ता। अद कालम ते लाल सेना हिल्वा मंजी मत्तेके ओसो अदु युद्ध किवेके, इत्तेके कम्युनिस्ट पार्टी छन तू-श्यू ता विघटनवाद किन लागू किस मत्तेके, नेंदु जापानी-आक्रमण-विरोधी युद्ध किन शुरू कियाना ओसो लम्बा समय एवनल ताकी कियाना पोल्लो आलसना असंभव आस मंदार।

7 अगस्त 1927 ते पार्टी ता केंद्रीय कमेटी ता संकटकालीन मीटिंग ते राजनीतिक क्षेत्र ते मंदाना दक्षिणपंथी अवसरवाद ता विरोध कीसि पार्टी किन मुन्ने ओयला काजे सहायता हीतादु मत्ता। जनवरी 1931 ते पार्टी ता छठी केन्द्रीय कमेटी ता चौथा पूर्ण अधिवेशन पोर्नेल काजेने राजनीतिक इलाका लोप्पा मंदाना “वामपंथी” अवसरवाद ता विरोध कित्ता मति मुन्ने इंजी इदे गलती कित्ता। इव रेंडासी मीटिंग तम्मा विषय-वस्तु ओसो ऐतिहासिक भूमिका ते अलग मत्ता, मति इविना लोप्पा बदे वेने युद्ध ओसो रणनीति ता समस्यांग पोरों गंभीरता ते विचार कित्तादु हिल्ले। इद उंदी तथ्य आंदू अद्रमासी युद्ध किन पार्टी ता काम ता गुरुत्व-केन्द्र बनेकित्ताद हिल्वा मत्ता। 1933 ते पार्टी ता केंद्रीय नेतृत्व लाल इलाकांग लोप्पा ताकी कित्तादु मत्ता, अस्के परिस्थिति लोप्पा बुनियादी तबदीली आता मति युद्ध ता सवाल पोरों (ओसो दूसरा सब्बे प्रमुख सवाल कुना संबंध ते) उसूली गलितंग आसोरे मत्तांग। अदिनकाजे क्रांतिकारी युद्ध किन गंभीर नुक्सान आता।<sup>16</sup> दूसरा बगिल 1935

ता चुनई मीटिंग मुख्य रूप ते फौजी इलाकांग लोप्पा मंदाना अवसरवाद ता खिलाफ उंदी संघर्ष मत्ता ओसो अदु युद्ध ता समस्यांग किन सर्वोच्च स्थान हीता। इंजे इद समय ता युद्ध-परिस्थिति ता प्रतिबिंब मत्ता। नेंडु माटु विश्वास संगे हत्ता सत्रह साल ता संघर्ष ते तपेमासी चीनी कम्युनिस्ट पार्टी केवल उंदी सुदृढ़ मार्क्सवादी राजनीतिक कार्यदिशा निर्धारिते कीवा उंदी सुदृढ़ मार्क्सवादी फौजी कार्यदिशा वेने निर्धारित कित्ता इंजी वेहा परितोमा। माटु केवल राजनीतिक समस्यांग किन हल कियाना लोप्पाने आयवा फौजी समस्यांग किन हल कियाना लोप्पा वेने मार्क्सवाद किन लागू कियाला तैयार आतोरा। माटु केवल पार्टी ओसो राज्य किन ताकी कियाना क्षमता वाले किन बेहरा संख्या ते तैयारे किवो, अदिन बेहरा संख्या ते दोरकी वेने कित्ता। इव सफलतांग क्रांति ता पुंगार आंदू इदु गिनती हिल्वा शहीद लोरा नेत्रुर संगे पुट्ठी कित्ताद मंता। इद अधिकारिणी केवल चीनी कम्युनिस्ट पार्टी ओसो चीनी जनताए आयवा पूरा दुनिया ता कम्युनिस्ट पार्टी ओसो जनता वेने आंदू पूरा दुनिया लोप्पा सर्वहरा वर्ग ओसो मेहनतकश जनता ना मूँड सेनांग अविना नेतृत्व सोवियत संघ ता कम्युनिस्ट पार्टी, चीनी कम्युनिस्ट पार्टी ओसो स्पेनी कम्युनिस्ट पार्टी कींता। दूसरा देशकुना कम्युनिस्ट पोर्टी लोप्पा इंजे एवनल बदे फौजी अनुभव हिल्लो। अदिन काजे मावा सेना ओसो मावा फौजी अनुभव ओसो वेने ज्यादा कीमती मंता।

वर्तमान जापानी-आक्रमण-विरोधी युद्ध किन जीडी कियाला काजे आठवीं राह सेना, पूना चौथी सेना ओसो मावा पार्टी ता नेतृत्व ते ताकना सब्बे छापामार दलम किन ओसो तन्ना बेसता सदस्य लोर किन ओसो कार्यकर्ता लोरकिन वेल्ले संख्या ते मोर्चा ते लोहाना। हर चीज मोर्चा ता जीत हासिल कियाला काजे कियाना ओसो संगठनात्मक कार्य किन राजनीतिक कार्य ता अधीन मंजी ताकी कियाना।

#### 4. गृहयुद्ध ओसो राष्ट्रीय युद्ध ताकनास्के पार्टी ता फौजी रणनीति लोप्पा आयना बदलाव

मावा पार्टी ता फौजी रणनीति लोप्पा आयना बदलाव अध्ययन कियाना लेकका मंता। इंजे माटु गृहयुद्ध ओसो राष्ट्रीय युद्ध, इव रेंडासी प्रक्रियांग पोर्रे अलग-अलग विचार कियाकाल।

गृहयुद्ध किन ठोस रूप ते रेंडु रणनीतिक काल ते तूसा परितोमा। प्रथम काल ते मुख्य रूप ते छापामार युद्ध ताकता पेरकेटा काल ते मुख्य रूप ते नियमित युद्ध। मति

इद नियमित युद्ध चीनी रकम ता मंता, अदु चलायमान लड़ाई लोप्पा फौज कुना एकत्रीकरण, ओसो उंदी सीमा एवनल कमांड ओसो संगटन ता केन्द्रीकरण ओसो नियोजन ता रूप ते प्रतिबिंब आंता। दूसरा पहलू ते अविना स्वरूप अस्के वेने छापामार युद्ध लेकका ओसो उंदी नियमित युद्ध ता रूप ते दोडता स्तरता मत्ता। विदेशी फौज ताकी कियाना युद्ध किन बद्रमाई अद्रम ता युद्ध हिल्ले इंजी इंदा परवोमा उंदी हिसाब ते अदु क्वोमिंगतांग सेना ताकी कियाना युद्ध तुकू वेने अलग मंता। उंदी हिसाब ते इद नियमित युद्ध केवल ऊचा स्तर ता छापामार युद्धे मत्ता।

मावा पार्टी ता फौजी कार्य कुना संबंध ते हूँडतेके, जापानी-आक्रमण-विरोधी युद्ध किन वेन ठोस रूप ते रेंडु रणनीतिक काल ते तूसमूँडांता। प्रथम काल ते (अदिना लोप्पा रणनीतिक रक्षा ओसो रणनीतिक ठहराव ता मंजिल शामिल मंता) मुख्य रूप ते छापामार युद्ध आंदू, पेरकेटा काल ते (रणनीतिक प्रत्याक्रमण ता मंजिल ते) मुख्य रूप ते नियमित युद्ध मत्ता। अस्के वेन असल ता दृष्टि ते जापानी-आक्रमण-विरोधी युद्ध ता प्रथम काल ता छापामार युद्ध अद छापामार युद्ध तल अलग मंता। अदु गृहयुद्ध ता प्रथम काल आंता, बारांकु इत्तेके इंजे नियमित (उचुन नियमित) आठवी राह सेना जगह-जगह बिखरेमासी छापामार लोगा कार्य किया मंता। अद्रमे जापानी-आक्रमण-विरोधी युद्ध पेरकेटा काल ता नियमित युद्ध वेन गृहयुद्ध पेरके टा काल तुकू अलग आंता, बारांकु इत्तेके मावगा आधुनिक सामान मत्ता पेरके मावा सेना ओसो अदिना कार्वाईंग लोप्पा बेहरा बदलाव वांता इंजी अंदाजा वाटा परिंतोमा। अस्के सेना लोप्पा ऊचा स्तर ता केन्द्रीकरण ओसो संगटन आंता, ओसो अदिना कार्वाईंग लोप्पा छापामार स्वरूप वेल्ले कम आंता ओसो इद कार्वाईंग ऊचा स्तर ता नियमित कार्वाईंग ना रूप धारण कींता, अदु युद्ध नेंड दोड ता स्तर ते मंता, अदिन पोर्टो स्तर ते ओयना ओसो चीनी लेक्काटा नियमित युद्ध सामान्य लेक्काटा नियमित युद्ध बदलेमायार। रणनीति प्रत्याक्रमण ता मंजिल लोप्पा मावा इदे काम मंदिंता।

इद्रम माटु इव रेंडासी प्रक्रियांग, इत्तेके गृहयुद्ध ओसो जापानी-आक्रमण-विरोधी युद्ध ताकनास्के, ओसो रणनीति ता नालुंग काल तास्के मूँड रणनीतिक बदलाव आंतांग। पहला, गृहयुद्ध काल ता छापामार युद्ध तल नियमित युद्ध ते बदलाव। दूसरा, गृहयुद्ध काल ता नियमित युद्ध तल जापानी-आक्रमण-विरोधी युद्ध काल ता छापामार युद्ध लोप्पा बदलाव। ओसो तीसरा जापानी-आक्रमण-विरोधी युद्ध काल ता छापामार युद्ध तल नियमित युद्ध ते आंता।

इव मूँदासी पहला बदलाव तत्त्वाना लोप्पा माटु वेल्ले मुश्किल कुना सामना किया लागता। मावा मुन्ने रेंडु रकम ता काम मत्ता। उंदी बगिल माटु स्थानीयतावाद ओसो छापामारवाद ता दक्षिणपंथी रुझान ता मुकाबला कियाना, अदु छापामार आदत कुनगडल टुंडसी मंदाना पोरो जोर हींतोर ओसो नियमितता ता बगिल दायला इनकार कींतोर, ओसो मावा कार्यकर्ता लोर दुश्मन ता परिस्थिति लोप्पा आता बदलाव ओसो मना बदलेमात्ता काम किन पूरा मूल्यांकन किवा कारण ते पैदा आता रुझान आंदू केन्द्रीय लाल इलाकांग लोप्पा इद रुझान किन वेल्ले मेहनत ते करियता पेरके कदम-ब-कदम जेक कित्तादु मंता। दूसरा बगिल माटु अति-केन्द्रीयकरण ओसो दुस्साहसवाद ता “वामपंथी” रुझान ता वेने विरोध किया लागता, बारांकु इत्तेक इदु नियमितता पोरो वेल्ले जोर हियानदु। इद रुझान बारांकु पैदा आता इत्तेके उचुन नेतृत्वकारी कार्यकर्ता लोर दुश्मन ता ताकत किन वेल्ले बेरसी कीसि आंकलन कित्तोर, मना मुन्ने बेहरा-बेहरा काम निर्धारित कीसि मत्तोर ओसोचीन ता वास्तविक परिस्थितिंग किन नज अंदाज कीसि विदेशी अनुभव कि यांत्रिक रूप ते लागू कीसि मत्तोरा केन्द्रीय लाल इलाकांग लोप्पा इद्रम ता रुझान ता कारण ते माटु तीन साल कुना लोप्पा(चुनई मीटिंग तुकू मुन्ने) वेल्ले बेहरा बलिदान हिया लागता ओसो इद रुझान किन माटु मना नेतुर पोहता पेरके सबक हासिल कित्ता पेरकेने दूर किया परतादु मंता। इद सुधार चुनई मीटिंग तिंची दोरकी कित्ता सफलता आंदू।

दूसरा रणनीतिक बदलाव 1937 ते (लूकओछ्याओ घटना पेरके), रेंजु अलग रकम ता युद्ध कुना समझौता कियानास्के आता। अस्के जापानी साप्राज्यवाद मावा पूना दुश्मन मत्तोर ओसो मावा पाडना दुश्मन क्वोमिंगतांग (अदिना जीवा ते इजे वेने मावा खिलाफ दुश्मनी मंता) मना सहयोगी बनेमासी मत्ता, ओसो लडाई ता मोर्चा उत्तरी चीन ता विशाल इलाका मत्ता(अदु मावा सेना ता अस्थाई मोर्चा मत्ता ओसो जल्दीए वेल्ले लम्बा समय काजे दुश्मन ता पृष्ठभाग बनेमायनदु मत्ता)। इव असाधारण परिस्थितिंग लोप्पा माटु मना मुन्नेटा नियमित सेना किन छापामार फौज कुना लोप्पा (बिखेरेमासी अलग-अलग संगटन लोप्पा कार्रवाई कियाना दृष्टि ते कियाना, संगटन ओसो अनुशासन ता दृष्टि ते आयो) बदलेमाया लागता ओसो चलायमान लडाई किन छापामार लडाई लोप्पा बदलेमाया लगता, अस्केने माटु खुद किन खुद ता मुन्ने मत्ता दुश्मन ता मुकाबला कियाना लेकका ओसो खुद ता मुन्ने मंदाना काम किन पूरा कियाना लेकका बने किया परिंतोमा। मति बदलाव पोरोटल दोङ हूडतेके हर दृष्टि ते पेरके गुचना लेकका दिसिंता ओसो अदिन काजे इदिन तत्त्वाना

अनिवार्यरूप ते वेल्लेय कठिन मंता। इद्रम ता मोका ते दुश्मन किन कमजोर आल्सना ओसो जापान तिंची नुक्सान तेहाला काजे इव रेंडासी रुझान कुना पैदा आयना संभावना आता ओसो क्वोमिंगतांग लोप्पा असल ते इव रुझान कु पैदा वेने आतांग। क्वोमिंगतांग गृहयुद्ध ता रणभूमि तल गुचसी राष्ट्रीय युद्ध ता रणभूमि ते काल वाटतोर, अस्के मुख्य रूप ते दुश्मन किन कमजोर आल्सना ओसो संगेने जापान तिंची नुक्सान तेहाना रुझान कुना कारण ते (अदिना प्रतिनिधित्व हान फू-च्वी ओ ल्यू त<sup>17</sup> कींतोर) अदिन बचोनो जरूरी हिल्वा नुक्सान तेहा लागिंता। दूसरा बगिल माटु इद बदलाव किन हल्कोए कित्तादु मंता ओसो केवल खुद किने नुक्सान तिंची बचे कीवा बेहरा जीत वेने हासिल कित्ता। इव जीतकु बारांकु दोरकी कित्ता इत्तेके मावा व्यापक कार्यकर्ता लोर सही समय ते केंद्रीय कमोटी ता सही मार्गदर्शन कि मानेमातोर ओसो वेल्ले निपुणता ते वास्तविक परिस्थिति ता निरीक्षण कित्तोर, इद्रम कियाना अद समय ते केन्द्रीय कमोटी ओसो उचुन फौजी कार्यकर्ता लोरा नड़मा गंभीर बहस शुरू आता। माटु चीन ता राष्ट्रीय मुक्ति संघर्ष ता वायना कालम ता संबंध ते जापान-विरोधी छापामार युद्ध ता ऐतिहासिक महत्व ते विचार कित्तेके माटु पूरा जापानी-आक्रमण-विरोधी युद्ध किन गट्टिक मंजी जारी तासना, अदिन मुन्ने ओयला ओसो ताना जीत हासिल कियाना कित्तेके ओसो चीनी कम्युनिस्ट पार्टी ता वायना कालम ते इद बदलाव ते वेल्ले महत्वपूर्ण प्रभाव किन पुंदा परिंतोरा। तन्ना असाधारण विस्तार ओसो तन्ना असाधारण दीर्घकालीनता ता कारण ते चीन ता जापान-विरोधी छापामार युद्ध केवल पूर्व तेने आयवा शायद मानेय जाति ता पूरा इतिहास लोप्पा अभूतपूर्व मंता।

जापान-विरोधी छापामार युद्ध तल मुन्ने हंजी जापान-विरोधी नियमित युद्ध ते एवना पोल्लो किन हूड़तेके, इद तीसरा बदलाव युद्ध ता बेहरा विकास ता संबंध ते मंता, ताना लोप्पा परताचोन पूना परिस्थितिंग ओसो पूना कठिन परिस्थितिंग मुन्ने वायनुंग। इद समय ते इद पोल्लो ता चर्चा कियाना जरूरत हिल्लो।

#### 4. जापान-विरोधी छापामार युद्ध ता रणनीतिक भूमिका

संपूर्ण जापान-विरोधी छापामार युद्ध ता सवाल हूड़तेके नियमित युद्ध अदिना मुख्य रूप ओसो छापामार युद्ध अदिना सहायक रूप आंदू बारांकि इत्तेके जापान-विरोधी छापामार युद्ध वायना कालम ता आखरी फैसला केवल नियमित युद्ध तले आया

परिंता। पूरा देश ते जापान-विरोधी छापामार युद्ध ता संपूर्ण प्रक्रिया ता मंडु रणनीतिक मंजिलकु (रक्षा, ठहराव ओसो प्रत्याक्रमण ता मंजिलकु) ना लोप्पाटल पहली ओसो आखरी मंजिल इद्रमे मंता, इविना लोप्पा नियमित युद्ध ता मुख्य जागा ओसो छापामार युद्ध ता सहायक जागा मंदिता। केवल नडमा ता मंजिल लोप्पा, दुश्मन तन्ना पोयता इलाकांग लोप्पा मंदाना कोशिश कींता ओसो माटु प्रत्याक्रमण कियाना तैयारिंग किसोर मंदितोम मति प्रत्याक्रमण कियाना लोप्पा तैयार मनोम, अस्के छापामार युद्ध मुख्य रूप ते मुन्ने वांता ओसो नियमित युद्ध अदिना सहायक काम कुन पूरा कींता। मति इद मंजिल ता काल सबसे लम्बा मत्तेकाई संपूर्ण युद्ध लोप्पा इव मूँडिना लोप्पाडल केवल उंदी मंजिल मंता। अदिन काजे पूरा युद्ध ता सवाल नियमित युद्ध ता मुख्य जागा ओसो छापामार युद्ध ता सहायक जागा आंदू माटु इद पोल्लो किन समझेमायवेके, युद्ध ता आखरी निर्णय नियमित युद्ध कींता इंजी अस्के माटु नियमित सेना ता निर्माण ता काम किन नजरअंदाज कियाकोम ओसो नियमित लडाई ता अध्ययन ओसो निर्देशन किन नजरअंदाज कियाकोम, ओसो अस्के माटु जापान किन हारे किया परवोम आंतोम। इद परिस्थिति ता उंदी पहलू आंदु।

इदे आयवा, पूरा युद्ध ताकनास्के छापामार युद्ध ता उंदी महत्वपूर्ण रणनीतिक भूमिका मंता। छापामार युद्ध लेवा ओसो छापामार दस्ता ओसो छापामार फौजकु बने कियाना काम पोर्रो ओसो छापामार लडाई ता अध्ययन ओसो निर्देशन पोर्रो सही ध्यान हीवा लेवा वेने माटु जापान किन हारे किया परवोम। बारांकु इत्तेके चीन ता ज्यादातर हिस्सांग दुश्मन ता पृष्ठभाग बनेमांता, माटू वेल्ले व्यापक, गट्टिक मंजी छापामार युद्ध ताकी किया किवोम इत्तेके, दुश्मन पृष्ठभाग तल हमला आया परिंता इंदना वेर्रियवा लेवा मावा जमीन पोर्रो सुरक्षित रूप ते काल जमे किया परिंतोर, नियमित मोर्चा ते लडेमायना मावा मुख्य सेनांग किन जरूर बेहरा नुक्सान तेहा लागियर ओसो दुश्मन मावा पोर्रो जरूर ज्यादा से ज्यादा बेहरा हमलांग कियाना शुरू कियारा। इद्रम ता परिस्थितिंग लोप्पा ठहराव तत्ताना मुश्किल आंता ओसो प्रतिरोध-युद्ध किन जारी तासना लोप्पा बाधा आंता। इद्रम आयवेकाई मावा काजे प्रत्याक्रमण ता ताकत ता परताचोन तैयारी आयवा मंदाना, प्रत्याक्रमण लोप्पा सहायक कार्वाईंग ना कमी मंदाना दुश्मन तन्ना नुक्सान पूरा कियाना संभावना मंदाना लोक्काटवु प्रतिकूल परिस्थितिंग पुट्टीनुंग। इद्रम ता परिस्थितिंग पैदा आतेके, अदिन दरू कियाला काजे सही समय ते व्यापक, गट्टिक मंजी छापामार युद्ध किन मुन्ने ओयना, अस्के वेने मावा काजे जापान किन हारे किया परना असंभव आंता।

अद्रमासी पूरा युद्ध लोप्पा छापामार युद्ध उंदी सहायक भूमिका निभे कींता, मति रणनीति ता दृष्टि ते इदिना वेल्ले महत्वपूर्ण जागा मंदिता। जापान-विरोधी युद्ध ताकि कियाना समय ते छापामार युद्ध किन नजरअंदाज कियाना उंदी गंभीर गलती आंता। इद परिस्थिति ता दूसरा पहली आंदू।

बेगानाई उंदी बेहरा देश मत्तेके अगा छापामार युद्ध संभव मंदिता। अदिन काजे प्राचीन काल ते वेने छापामार युद्ध जरातादु मंता। मति छापामार युद्ध केवल अस्केने गट्टिक मंजी जारी तासा परमूडांता बस्के अदिना नेतृत्व कम्युनिस्ट पार्टी कींता। अदिन काजे प्राचीन युग ता छापामार युद्ध असफल आतांग ओसो केवल वर्तमान युग लोप्पा कम्युनिस्ट पार्टिंग ना जन्म आता बेहरा देश कुना लोप्पा, उदाहरण काजे गृहयुद्ध ताकनास्के सोवियत संघ ते ओसो वर्तमान कालाम ते चीन लोप्पा, छापामार युद्ध जीत हासिल किया परितांग। वर्तमान परिस्थिति ओसो आम परिस्थिति किन ध्यान ते ताससोरे जापान-विरोधी छापामार युद्ध ता सिलसिला लोप्पा क्वोमिंगतांग ओसो कम्युनिस्ट पार्टी नडमा युद्ध ता काम कुना बंटवारा कियाना, ताना लोप्पा क्वोमिंगतांग नियमित मोर्चा ते नियमित लड़ाई ताकी कियाना ओसो कम्युनिस्ट पार्टी दुश्मन ता पृष्ठभाग ते छापामार लड़ाई ताकी कियाना, जरूरी ओसो सही मंता, ओसो इद उंदी आपसी जरूरत, आपसी तालमेल ओसो आपसी सहायता ता समस्या आंदू।

इद्रमे मना पार्टी ता फौजी रणनीति विषयकु नीति किन गृहयुद्ध ता आखरी काल ता नियमित युद्ध तल जापान-विरोधी-छापामार युद्ध ता प्रथम काल ते छापामार युद्ध लोप्पा बदलेमायना बचोन महत्वपूर्ण ओसो जरूरी मंता इंदानदु समझेमांता। इद परिवर्तन ता अनुकूल परिणाम कुन सार रूप ते इव अठारा प्वाईंट कुने तूसमूडांता -

1. दुश्मन पोयता इलाकांग किन सुडला बनेकियाना
2. मना फौज कुना आधार-इलाकांग किन बेरसी कियाना
3. रक्षा ता मंजिल ते नियमित मोर्चा ता कार्रवाईंग संगे तालमेल बनेकियाना ओसो दुश्मन किन तोहचियाना
4. ठहराव ता मंजिल ते, दुश्मन ता पृष्ठभाग लोप्पा मंदना मना आधार-इलाकांग लोप्पा दृढता ते टिकेमासी मंदाना ओसो नियमित मोर्चा ता मना फौज कुन ट्रेनिंग, पुर्नाठन ता कार्य किन आसान बने कियाना
5. प्रत्याक्रमण ता मंजिल ते, पोहता प्रदेश कुन वापिस दोरकी कियाला काजे नियमित मोर्चा संगे तालमेल बने कियाना
6. वेल्ले तेज ओसो वेल्ले कारगर तरीका ते मना फौज किन बेरसी कियाना

7. कम्युनिस्ट पार्टी किन वेल्ले व्यापक रूप ते विकसित कियाना अद्रम कित्तेके हर नोटे पार्टी-शाखा बनेमायना
8. जन-आंदोलन किन वेल्ले व्यापक रूप ते फैले कियाना इद्रम कित्तेके दुश्मन ता मजबूत अड्डांग किन विड़सी अदिना पृष्ठभाग ता सब्बे जनता किन संगठित कियापरमङ्गलांता
9. बचोन बेहरा इलाका ने संभव आताचोन बेहरा इलाकांग लोप्पा जापान-विरोधी जनवादी राजनीतिक सत्ता ता संगटन ता स्थापना कियाना
10. जापान-विरोधी सांस्कृतिक ओसो शैक्षणिक कार्य ता वेल्ले व्यापक स्तर ते विकास कियाना
11. ज्यादा से ज्यादा व्यापक रूप ते जनता ना रहन-सहन ता परिस्थिति किन सुधरे कियाना
12. दुश्मन ता सेनांग किन वेल्ले कारगर तरीका ते छिन्न-भिन्न कियाना
13. ज्यादा से ज्यादा व्यापक ओसो स्थाई रूप ते देशमेटा लोकमत पोरों असर वाटना ओसो देशमेटा मनोबवल किन पोरों तेहाना
14. मना सब्बे दोस्त-सेनांग ओसो दोस्त-पार्टिंग ना प्रगति किन ज्यादा ज्यादा बढ़ावा हियाना
15. खुद किन उंदी दुश्मन मजबूत मंदाना परिस्थिति ओसो माटु कमजोर मंदाना परिस्थितिंग ना अनुसार बने कियाना अस्केने मावा नुक्सान कम से कम आयाना ओसो ज्यादा से ज्याद जीत हासिल आयना
16. खुद किन मावा देश बेहरा ओसो दुश्मन ता देश सुडला मंदाना परिस्थिति ता अनुसार बने कियाना, अस्केने दुश्मन किन ज्यादा से ज्यादा नुक्सान कियाना ओसो अटु कम से कम जीत हासिल किया परना
17. वेल्ले तेज ओसो वेल्ले कारगर तरीका ते, बेहरा संख्या ते नेतृत्वकारी कार्यकर्ता लोर किन शिक्षित कियाना ओसो
18. राशन-सप्लाई ता समस्या किन वेल्ले कारगर तरीका ते हल कियाना।  
संघर्ष ता लम्बा समय ते छापामार दस्तांग ओसो छापामार युद्ध उंदि रकम लेकका मनो आयर, इव मुनेटा मंजिल ते हंजोरे कदम-ब-कदम नियमित सेना ओसो नियमित युद्ध लोप्पा बदलेमासोर दांता इंदाना पोल्लो लोप्पा बदे डावुट हिल्लो। छापामार युद्ध संगे माटु मना ताकत किन बचे कियाकोम ओसो जापानी साम्राज्यवाद किन तहस-नहस कियाला काजे खुद किन उंदी निर्णायिक तत्व बने किंतोम।

## 5. फौजी समस्यांग ना अध्ययन बगिल ध्यान हीमूट

रेंडु दुश्मन फौज कुना नड़मा सब्बे समस्यांग ना हल युद्ध पोर्हो निर्भर मंदिता ओसो चीन ता पिस्वल जापानी-आक्रमण विरोधी युद्ध लोप्पा अदिना जीत या हार पोर्हो निर्भर मंता। अदिन काजे फौजी सिद्धांत, रणनीति ओसो कार्यनीति ओसो फौज नड़मा राजनीतिक कार्य ता अध्ययन उंदी मिनट वेने लेट आयनायो। कार्यनीति ता मावा अध्ययन इंजे हाल्वा लेकका मंता अस्के वेने काम ते मंदाना कामरेड्स हत्ता दस सालकुने बचोन सफलतांग हासिल कित्ताद मंता ओसो चीन ता परिस्थिति पोर्हो आधार आसी बचोनो पूना खोज कित्तोरा। इव सब्बे पोल्लोंग ना आम निचोड इंजे तेंडताद हिल्लो। रणनीति ता समस्यांग ओसो युद्ध ता सिद्धांत कुना अध्ययन इंजे एवनल केवल वेल्ले कम लोकुर कित्तोरा। राजनीतिक कार्य ता अध्ययन ते माटु प्रथम स्तर ता नतीजा दोरकी कित्तोम, अदु मना समृद्ध अनुभव ओसो ज्यादा संख्या ओसो बेसता गुण मंदाना खोज कुना दृष्टि ते सोवियत संघ किन विड़सी बदे वेने देश तुकु मुन्ने मंतांग, मति इगा वेने माटु परताचो संश्लेषण ओसो व्यवस्थापन किया परना ता पोल्लो ता कमी मंता। पूरा पार्टी ओसो पूरा देश ता जरूरत किन पूरा कियाला काजे फौजी ज्ञान किन जनता एवनल एवसी कियाना उंदी जरूरी ओसो फौरी काम आंदू। इंजे माटु इव सब्बे पोल्लोंग ना बगिल ध्यान हियाना, ओसो युद्ध, रणनीति ता सिद्धांत बगिल सबसे ज्यादा ध्यान हियाना। फौजी सिद्धांत ता अध्ययन लोप्पा गिर्दा पुढी कियाना ओसो सब्बे पार्टी-सदस्यांग ना ध्यान फौजी समस्यांग ना अध्ययन बगिल आकर्षित कियानादिन नना जरूरी आलिसंतान।

## नोट

1. हूडाटूः वी.आई. लेनिन, “युद्ध ओसो रूसी सामाजिक-जनवादी पार्टी” “रूसी सामाजिक- जनवादी श्रमिक पार्टी ता विदेश ते मंदाना ग्रुप कुना सम्मेलन”, “साप्राज्यवादी युद्ध लोप्पा मना सरकार ता हार”, “रूस ता हार ओसो क्रांतिकारी संकट”। 1914-15 ते रास्ता लेख कुना लोप्पा, अस्के साप्राज्यवादी युद्ध ता विशेष रूप ते चर्चा कित्तादु मत्ता। इदिना अतिरिक्त हूडाटूः ‘सोवियत संघ ता कम्युनिस्ट पार्टी (बोलसेविक) ता इतिहास, संक्षिप्त कोर्स’, अध्यय 6, परिच्छेद 3, “युद्ध, शांति ओसो क्रांति ता बारे ते बोलशेविक पार्टी ता सिद्धांत ओसो कार्यनीतिंग”।
2. डा. सुन यात-सेन 1924 ते कम्युनिस्ट पार्टी ओसो क्रांतिकारी मजदूर-किसान लोरा सहयोग ते “सौदागर लोरा सेना” किन हारे कित्तादु मत्ता। इद सेना दलाल-पूंजीपतिरा ओसो स्थानीय निरंकुश तत्व, बुरेशारीफजादा लोरा हथियारबंद सेना मत्ता। दु ब्रिटिश साप्राज्यवादीरा सांठगांठ ता क्वांगचओ लोप्पा प्रतिक्रांतिकारी कार्यवाईंग कियानदु। क्वोमिंगतांग ओसो कम्युनिस्ट पार्टी ता सहयोग पोर्ये आधार आसी निर्माण आता क्रांतिकारी सेना 1925 ता शुरुआत ते क्वांगचओ ता पूर्वी अभियान काजे पेस्ता ओसो किसान लोरा सहयोग ते युद्ध-सरदार छन च्युंग-मिंग ना फौज किन हारे कित्ता। ओसो दु क्वांगचओ वापस वाता ओसो अदु युनान ओसो क्वांगशी ता युद्ध-सरदार लोरा तख्ता पलट कित्ता, ओरु अगा टिकेमासी मत्तोरा अदे साल शरद ते क्रांतिकारी सेना दूसरा पूर्वी अभियान तुकू पेस्ता ओसो अदिन छन च्युंग-मिंग ना सेनांग ना पूरा सफाया कित्ता। कम्युनिस्ट पार्टी ओसो कम्युनिस्ट नौजवान संघ ता सदस्य इव अभियान कुना लोप्पा वीरता ते दूसरा लाईन डेटेमासी मत्तोरा इव अभियान कुना कारण ते क्वांगतुंग प्रान्त ता राजनीतिक एकीकरण आता ओसो उत्तरी अभियान काजे आधार तैयार आता।
3. जे.वी.स्टालिन, “चीन लोप्पा क्रांति ता वायना कालम”।
4. डा. सुन यात-सेन 1894 ते होनोलुलु लोप्पा-सिंग चुंग ह्वेइ” (चीन पुनरुद्धार संघ) पोर्नैल ते उंदी सुडला क्रांतिकारी संगठन बने कित्तोरा गुप्त जन-संस्थांग ना सहयता ते डा. सुन यात-सेन क्वांगतुंग लोप्पा छिंग सरकार ता खिलाफ रेंडु बेरा हथियारबंद विद्रोह कीसि मत्तोरः उंदी 1895 ते क्वांगचओ ते ओसो दूसरा

1900 ते ह्वेइचओ ते। इव रेंडासी विद्रोह 1895 ते चीन-जापान युद्ध लोप्पा छिंग सरकार ता हार पेरके आता।

5. “थुंग मंग ह्वेइ” या चीनी क्रांतिकारी लीग (पूँजीपति वर्ग, निम्न-पूँजीपति वर्ग ओसो छिंग सरकार ता विरोधी भूस्वामी शारीफजादा लोरा उंदी अंश ता संयुक्त मोर्चा संगटन) ता स्थापना 1905 ते “शिंग चुंग ह्वेइ” ओसो रेंडु दसरा- ‘ह्वा शिंग ह्वेइ’ (चीनी पुनरुद्धार सोसाइटी) ओसो “क्वांग फू ह्वेइ” (विदेशी जुआ तेंडसी वाटला काजे संगठित सोसाइटी)-किन कलियसी कित्ताद मत्ता। इदु पूँजीवादी क्रांति ता कार्यक्रम पेश किसोरे इव मांग किन कितोर “कतार किन बाहर कियाना, चीन ता पुनर्स्थापना कियाना, गणराज्य ता स्थापना कियाना ओसो जमीन ता मिलकियत ता समानीकरण कियाना” चीनी क्रांतिकारी लीग ता काल ते डा. सुन यात-सेन गुप्त संस्थांग ओसो छिंग सरकार ता “पूना सेना” ता सहयोग ते छिंग सरकार ता खिलाफ बचोनो हथियारबंद विद्रोह कियी कियाना। इव जागा ने आता हथियारबंद विद्रोह मशहूर मत्ता। 1906 ते फिंगश्यांग, ल्यूयांग ओसो लीलिंग लोप्पा। 1907 ते छाऊचओ ता ह्वांगकांग, छिनचओ ओसो चननानक्वान (वर्तमान यओईक्वान-अनुः ते: 1908 त युनान ता होखओ ते: 1911 ते क्वांगचओ ते ओसो ऊछांग लोप्पा।
6. 1912 ते चीनी क्रांतिकारी लीग ता क्वोमिंगतांग ता रूप ते पुनर्गठन कित्तादु मत्ता, य्वान श-खाए ना नेतृत्व ते ताकना उत्तरी युद्ध-सरदार लोरा शासन संगे समझौता कित्तोरा। 1913 ते य्वान ता फौज च्यांगशी, आनह्वेइ ओसो क्वांगतुंग प्रान्त लोप्पा 1911 ता क्रांति ताकनास्के सही शक्तिकुना दमन कियाला दक्षिण बगिल कूच कित्ता। डा. सुन यात-सेन अदिना प्रतिरोद कित्तोरा। मति ओरू जल्दीए हारे मात्ता। 1914 ते, क्वोमिंगतांग ता समझौतावादी नीति ता गलती किन अनुभव कित्ता पेरके डा. सुन यात-सेन जापान ता टोकयो लोप्पा “चुंगह्वा कमिंग तांग” (चीनी क्रांतिकारी पार्टी) ता स्थापना कित्तोर ओसो इद्रम ता बचोनो संगटन ओसो अद जामाना ता क्वोमिंगतांग नडमा फर्क कियाना कोशिश कित्तोर। इद पार्टी असल ते निम्न-पूँजीपति वर्ग ता उंदी हिस्सा ओसो पूँजीपति वर्ग ता उंदी हिस्सा ता राजनीतिक प्रतिनिधि लोर य्वान श-खाए ना खिलाफ निल्पी कित्तोर वरोर सहयोगी मतोरा। इद सहयोग संगे डा. सुन यात-सेन 1914 ते शांधाई ते उंदी सुडला विद्रोह कित्तोर। 1915 ते य्वान श-खाए खुद किन सप्राट घोषित कित्तोर, अस्के छाए अ ओसो दूसरोरा खिलाफ कार्रवाई कियाना काजे युनान तल हत्तोर, ओसो डा. सुन यात-सेन वेने य्वान

श-खाए ना सशक्त प्रतिरोध कियाना ता वकालत किंतोर ओसो इद काम किन मुने ओयना लोप्पा सक्रियता ते काम कियाना।

7. 1917 ते डा. सुन यात-सेन वरोर नौसैनिक तना प्रभाव ते मत्ता फौज किन, शांघाई तल क्वांगचओ एवतोरा क्वांगचओ किन आधार-इलाका बने कीसि ओसो उत्तरी युद्ध-सरदार त्वान छी-रुइ ता खिलाफ उंदी फौजी सरकार बनेकितोर।
8. 1921 ते डा. सुन यात-सेन क्वांगशी ता क्वेइलिन पोर्टल ता जागा ते उत्तरी अभियान शुरु कियाना योजना बने कितोरा मति अविना अनुसार कियानोरा छन च्युंग-मिंग उत्तरी युद्ध-सरदार लोरा संगे कलियसी मत्तोर, बगावत कित्ता कारण ते ओरा इद योजना सफल आया परवो।
9. 1924 ते डा. सुन यात-सेन चीनी कम्युनिस्ट पार्टी ओसो सोवियत संघ ना सहायता ते, क्वोमिंगतांग ता पुनर्गठन कित्ता पेरके क्वोगंचओ ता हेरे छांगफू लोप्पा छांगफू फौजी अकादमी ता स्थापना कितोरा। 1927 ते च्यांग काई-शेक कित्ता प्रतिक्रांति तुकू मुने अदिना संचालन क्वोमिंगतांग ओसो कम्युनिस्ट पार्टी कलियसी कींता चओ ऐन-लाई, इव च्येन-इंग, युन ताए-इंग, श्याओ छू न्वी ओसो दूसरा कम्युनिस्ट लोर बस्के-बस्के इद अकादमी ते जिम्मेदारी ता पद ते काम कितोरा अकादमी ता वेल्ले विद्यार्थी वेने कम्युनिस्ट पार्टी या कम्युनिस्ट नौजवान संघ ता सदस्य मत्तोर, ओरु इद अकादमी ता क्रांतिकारी मोरकुल आंदू।
10. थान येन-खाए हुनान तोर आंदुरा ओरु वरोर “हानलिन” इतेके छिंग वंश विद्वान लोरा सरकारी परिषद ता सदस्य मत्तोरा मुने ओरु वैधानिक राजतंत्रवाद ता वकालत कितोर ओसो पेरके ओरु सट्टेबाजी ता रवैया लागू किसोर 1911 ता क्रांति लोप्पा भाग एततोरा ओरु पेरके क्वोमिंगतांग ता पक्षपोषण कितेके हुनान ता जर्मीदार ओसो उत्तरी युद्ध-सरदार लोरा नडमा ता अन्तरविरोध दिसिंता।
11. प्रगतिशील पार्टी ता संगठन ल्यांग छी-छाओ ओसो उचुन लोकुरा गणराज्य ता शुरुआती साल कुने य्वान श-खाए ना समर्थन कीसि मत्तोरा।
12. त्वान छी-रुइ य्वान श-खाए ना अनुसार मत्तोर ओसो ओरु उत्तरी युद्ध-सरदार लोरा आनह्वै गुट ता मुखिया मत्तोरा य्वान डोलता पेरके ओरु बचोनो बेरा पेकिंग सरकार ते कब्जा कितोरा।
13. वेल्ले दक्षिणपंथी राजनीति-विज्ञान ग्रुप ता स्थापना 1916 ते प्रगतिशील पार्टी ता उंदी हिस्सा ओसो क्वोमिंगतांग ता उंदी हिस्सा किताद मत्ता। अदु बस्केने

दक्षिणी युद्ध-सरदार लोर ओसो बस्केने उत्तरी युद्ध-सरदार लोरा संगे सौदाबाजी कीसि सरकारी पद किन कब्जा कियाना कोशिश कित्तोरा। 1926-27 ता उत्तरी अभियान ताकनास्के, ओरा जापान-परस्त सदस्य, हांग फू, चांग छयुन ओसो यांग युंग-थाए च्यांग काई-शेक संगे सांठगांठ शुरूप कित्तोर ओसो तन्ना प्रतिक्रियावादी राजनीतिक अनुभव ता इस्तेमाल कीसि दिन उंदी प्रतिक्रांतिकारी शासन ता स्थापना कियाना लोप्पा मदद कित्तोरा।

14. नौजवान पार्टी राजसत्तावादिरा चीनी नौजवान पार्टी वेने इंतोरा हूङ्गाटु: “चीनी समाज लोप्पा वर्ग कुना विश्लेषण”, नोट 1 (“माओ त्सेतुंग ना संकलित रचनांग”, ग्रन्थ 1)
15. हूङ्गाटु: “चीन ता क्रांतिकारी युद्ध ता रणनीति विषकसमस्यांग”, (“माओ त्सेतुंग ता संकलित रचनांग”, ग्रन्थ 1)
16. हान फू-च्वी शानतुंग प्रान्त लोप्पा तैनात वरोर क्वोमिंगतांग युद्ध-सरदार मत्तोर। ल्यू च वरोर दूसरा युद्ध-सरदार मत्तोर, ओना कैदे हनान प्रान्त ते च्यांग काई-शेक ना व्यक्तिगत फौज ता कमांड मत्ता ओसो जापानी-आक्रमण-विरोधी युद्ध शुरू कित्ता पेरके हपे प्रांत ता पाओतिंग इलाका ता रक्षा कियाना जिम्मेदारी मत्ता। इव रेंडासी जापानी हमलावर पोरो उंदी वेने गोली वाटवा लेवा मैदान विड्सी वित्ततोरा।

## 4 मई आंदोलन<sup>11</sup>

मई 1939

बीस साल मुन्नेटा 4 मई आंदोलन चीन लोण्पा साम्राज्यवाद ओसो सामंतवाद ता विरुद्ध पूंजीवादी-जनवादी क्रांति ता उंदी पूना मंजिल ता चिन्हा मत्ता। सांस्कृतिक सुधार आंदोलन, अदिना रूप तेने 4 मई आंदोलन ताकी किताद मत्ता, केवल इदे क्रांति ता उंदी अभिव्यक्ती मत्ता। अद समय ते पूना सामाजिक शक्ति ता उदय आता ओसो विकास तल चीन ता पूंजीवादी-जनवादी क्रांति ते उंदी शक्तिशाली शिविर प्रकट आता, ताना लोण्पा मजदूर वर्ग, विद्यार्थी समुदाय ओसो पूना राष्ट्रीय पूंजीपति वर्ग शामिल मत्ता। 4 मई आंदोलन ताकानास्के लाखों विद्यार्थी वेल्ले बहादूरी ते हिरावल दस्ता ते तना जागा पोयत्तोरा। इद्रम आसी 4 मई आंदोलन 1911 ता क्रांति तुकू वेने उंदी कदम मुन्ने हत्ता।

चीन ता पूंजीवादी-जनवादी क्रांति ता मुन्नेटा इतिहास किन हूँडतेके, माटु अदिना उदय-काल एवनल एवतेके माटु इद क्रांति तन्ना विकास ता बचोनो मंजिल तल वेंडसी वाता ओसो अबु रास्ता लेकका मंतांग - अफीम युद्ध, थाइफिंग स्वर्गीक-राज्य युद्ध, 1894 ता चीन-जापान युद्ध<sup>11</sup> 1898 ता सुधारवादी आंदोलन, ई हो थ्वान आंदोलन, 1911 ता क्रांति, 4 मई आंदोलन, उत्तरी अभियान ओसो भूमि-क्रांति युद्ध, नेंदु जापानी-आक्रमण-विरोधी युद्ध इदे क्रांति ता विकास ता उंदी दूसरा मंजिल आंदू ओसो इद उंदी सबसे महान, सबसे सजीव ओसो सबसे क्रियाशील मंजिल आंदू। पूंजीवादी-जनवादी क्रांति किन केवल विदेशी साम्राज्यवाद ओसो देशी सामंतवाद ता शक्ति किन बुनियादी रूप ते तेहकसी वाटतास्के ओसो उंदी स्वाधीन जनवादी राज्य ता स्थापना किया परतास्केने सफल मानेमायमूँडांता। अफीम युद्ध ता मंजिल तल पोयसी इद क्रांति ता विकास ता हर मंजिल ता तन्ना विशेषतांग मंतांग।

<sup>11</sup> इद निबन्ध कामरेड माओ त्सेतुंग 4 मई आंदोलन ता बीसवी जयन्ती ता समय ते येनान ता सामाचारपत्र काजे रास्तोरा।

मति अविना नड़मा फर्के कियाना कम्युनिस्ट पार्टी ता आविर्भाव तुकू मुन्ने आता या पेरके आता इंदानदु सबसे महत्वपूर्ण पोल्लो आंदू अद्रमातेकाई समग्र रूप ते हूँडतेके इव सब्बे मंजिलकुन तम्मा स्वरूप ते पूँजीवादी-जनवादी क्रांति ताए मंजिल आंदू इद जनवादी क्रांति ता लक्ष्य चीन ता इतिहास लोप्पा मुन्ने बस्केने हिल्वा लेक्काटा समाज-व्यवस्था बने कित्ता, इत्तेके उंदी जनवादी-समाज-व्यवस्था बनेकियाना अदिना मुन्नेटा समाज-व्यवस्था उंदी सामंती समाज-व्यवस्था (हत्ता सौ साल लोप्पा उंदी अर्ध-औपनिवेशिक ओसो अर्ध-सामंती समाज-व्यवस्था) मत्ता ओसो ताना पेरके टा समाज-व्यवस्था उंदी समाजवादी समाज-व्यवस्था बनेमाया मंता। वरोर कम्युनिस्ट किन बारांकु मुन्ने पूँजीवादी-जनवादी समाज-व्यवस्था ओसो समाजवादी समाज-व्यवस्था बने कियाला काजे संघर्ष कियाना इंजी पूँछेमातेके, मावा, जवाबः माटु इतिहास ता अनिवार्य पथ ता अनुसरण कियामंतोम इंजी मंता।

चीन ता जनवादी ताकत मजदूर वर्ग ओसो किसान वर्ग, बुद्धिजीवी समुदाय ओसो पूँजीपति वर्ग ता प्रगतिशील तबका इत्तेके क्रांतिकारी मजदूर, किसान, सैनिक, बुद्धिजीवी ओसो व्यापारी, अविना लोप्पा मजदूर ओसो किसान बुनियादी क्रांतिकारी ताकतकु मंदितांग ओसो मजदूर वर्ग क्रांति ता नेतृत्वकारी वर्ग आंदू इव बुनियादी क्रांतिकारी ताकत लेवा ओसो मजदूर वर्ग ता नेतृत्व लेवा इद साप्नाज्यवाद-विरोधी ओसो सामंतवाद-विरोधी जनवादी क्रांति किन सम्पन्न कियाना असंभव आंता। नेंदु, क्रांति ता प्रमुख दुश्मन जापानी साप्नाज्यवाद ओसो चीनी देशद्रोही ओसो क्रांति ता बुनियादी नीति मंता इत्तेके जापान-विरोधी राष्ट्रीय संयुक्त मोर्चा ता नीति लोप्पा सब्बे जापान-विरोधी मजदूर, किसान, सैनिक, बुद्धिजीवी ओसो व्यापारी शामिल मंतोरा जापानी-आक्रमण-विरोधी युद्ध लोप्पा मावा आखरी जीत संयुक्त मोर्चा वेल्ले सुदृढ़ ओसो विकसित आयवाचोम जोम आयो आंता।

चीन ता जनवादी क्रांतिकारी आंदोलन लोप्पा सबसे मुन्ने बुद्धिजीवी लोरे तेदतोरा इद पोल्लो 1911 ता क्रांति ओसो 4 मई आंदोलन रेंडासीना लोप्पा वेल्ले साफ दिसिंता, ओसो 4 मई आंदोलन ताकनास्के बुद्धिजीवी 1911 ता क्रांति ताकनास्के तुकू ज्यादा मत्ता ओसो राजनीतिक रूप ते ज्यादा चेतनाशील मत्ता। मति बुद्धिजीवी लोकुर मजदूर ओसो किसान लोरा संगे कलियसी बिल्कुल उंदे रूप हिल्वेके बाताय किया परवोमा क्रांतिकारी बुद्धिजीवी लोरा ओसो गैर-क्रांतिकारी ओसो प्रतिक्रांतिकारी बुद्धिजीव लोरा नड़मा ता आखरी विभाजन-रेखा मजदूर-किसान जन-समुदाय संगे कलियसी उंदी आयला तैयार मंतोरा हिल्लेर, ओसो ओरु

अमल किंतोरा किवोरा ओरा नड़मा ता आखरी विभाजन-रेखा केवल इदे आंदू तीन जन-सिद्धांत या मार्कर्सवाद लोप्पा केवल मौखिक आस्था प्रकट कियानादु आयो। सच्चा क्रांतिकारी मजदूर-किसान जन-समुदाय संगे घुलेमिले मासी उंदी आयला तैयार मंतोर ओसो अमल कींतोर ओरे मंदिंतोर।

4 मई आंदोलन किन इंजे बीस साल आतांग ओसो जापानी-आक्रमण-विरोधी युद्ध किन शुरू आसी लगभग दो साल आया मंतांग, पूरा देश ता नौजवान ओसो सांस्कृतिक दुनिया ता लोकुरा जनवादी क्रांति ओसो जापानी-आक्रमण-विरोधी युद्ध ता बारे ते बेहरा जिम्मेदारी निभे कित्ता। नन्हा आशा किया मंतान कि ओरू चीनी क्रांति ता स्वरूप ओसो अदिन प्रेरक शक्तिंग किन समझेमांतोर, तम्मा काम किन मजदूर-किसान लोरा जन-समुदाय ता हित ता अनुसार बने कियानोर, खुद मजदूर-किसान जन-समुदाय नड़मा दायनोर ओसो ओरा नड़मा प्रचारक ओसो संगठनकर्ता बनेमायनोर। बस्के पूरा जनता जापान ता खिलाफ तेदिंता, अस्के जापानी-आक्रमण-विरोधी युद्ध ता जीत आयरा पूरा देश ता नौजवान, काम ते कीमुट!

### नोट

1. इद युद्ध जापान ता कोरिया पोर्रे आक्रमण कियाना ओसो चीन ता जल-थल सेनांग ना फौजी उकसे कित्ता कारण ते शुरू आता। इद युद्ध लोप्पा चीनी सेना वेल्ले बहादूरी ते लड़ेमात्ता। मति छिंग सरकार ता भ्रष्टाचार ता कारण ते ओसो प्रतिरोध ता तैयारी लोप्पा दृढ़ता ता कमी ता कारण ते चीन किन हार ता सामना किया लागता। अदिन काजे छिंग सरकार जापान ता खिलाफ लज्जा हिल्वा लेकका शिमोनोसेकी समझौता कित्तोर।

## नौजवान आंदोलन ता दिशा<sup>12</sup>

4 मई 1939

नेंडु 4 मई आंदोलन ता बीसवीं जयन्ती आंदू ओसो येनान ता मावा सब्बे नौजवान इद स्मृति-सभा काजे इगा जम्मा आताद मंता। इद मौका ते नन्ना चीनी नौजवान आंदोलन ता दिशा संबंधी उचुन सवाल कुना बारे ते वेहाकाना।

पहला, 4 मई ते इंजे चीनी नौजवान दिवस घोषित कित्तादु मंता ओसो इद बिलकुल सही मंता। 4 मई आंदोलन तल इंजे एवनल बीस साल आता, मति इद साल ते राष्ट्रीय नौजवान दिवस घोषित कित्ताद मंता, ओसो इद पोल्लो ता वेल्ले महत्व मंता। बारांकु इत्तेके मावा देश लोप्पा जनता ना साम्राज्यवाद-विरोधी ओसो सामंतवाद-विरोधी जनवादी क्रांति जल्दीए उंदी मोङ ते एविंता। बचोनो दशाब्दिंग तल इद क्रांति बार-बार असफल आता, मति इंजे उंदी परिवर्तन आयना, जीत बगिल दायाना परिवर्तन आयना, असफलता ता बगिल ओयनदु आयो। इंजे चीनी क्रांति मुन्ने दाया मंता ओसो जीत बगिल दाया मंता। अतीत ते बार-बार हरेमायना परिस्थिति किन इंजे जारी जारी तासनायो ओसो अदिन बिल्कुल जारी तासनायो, अदिन जीत बगिल मलि कियाना। मति इंजे क्रांति ता मोङ वाताया? वायो। इद मोङ इंजे वाताद हिल्ले, मावा जीत इंजे वाताद हिल्ले। मति जीत हासिल कियमूङांता। जापानी-आक्रमण-विरोधी युद्ध लोप्पा माटू हार किन जीत बगिल ओयना सही मोङ ते एवना कोशिश किया मंतोमा। 4 मई आंदोलन किन देश किन वम्मना सरकार, साम्राज्यवाद संगे सांठगांठ कीसि राष्ट्रीय हित किन वम्मना सरकार ता विरोध कियाना या आयो? हिल्ले इत्तेके 4 मई आंदोलन ता वेल्ले मुन्ने ने डा. सुन यात-सेन तत्कालीन सरकार ता खिलाफ विद्रोह ता झांडा तेहतोर, ओरु छिंग सरकार ता विरोध

<sup>12</sup> इद भाषण कामरेड माओ त्सेतुंग येनान ता नौजवान लोर 4 मई आंदोलन ता बीसवीं जयन्ती ता मौका ते आयोजित कित्ता स्मृति-सभा ते हिसी मतोरा। इद भाषण कामरेड माओ त्सेतुंग चीनी क्रांति ता सवाल ता बारे ते तन्ना विचार कुना विकास कितोग।

किसि मत्तोर ओसो अदिन उलटे कित्तोरा ओरु सही कितोरा किवोर? नना बिल्कुल सही कित्तोर इंजी आलिंतान। बारांकु इत्तेके ओरु साप्राज्यवाद ता विरोध कियाना सरकार ताए आयवा अदिना संगे सांठगांठ कियाना सरकार ता विरोध वेने कितोरः ओरु क्रांतिकारी सरकार ता आयवा क्रांति किन दबे कियाना सरकर ता विरोध कित्तोरा। 4 मई आंदोलन असल ते देश किन वमना सरकार ता विरोध कित्ता, अदिन काजे अदु उँदी क्रांतिकारी आंदोलन मत्ता। पूरा चीन ता नौजवान लोर म 4 मई आंदोलन किन इदे दृष्टि ते हूडांना। नेंदु पूरा देश ता जनता जापामी आक्रमण ता प्रतिरोध कियाला काजे वेल्ले जोर-शोर ते तेदा मंतोर, मुन्नेटा क्रांति ता हार कुना अनुभव किन ध्यान ते ताससोरे सब्बे तोर जापानी साप्राज्यवाद किन जरूर हारे कियाना दृढ़ संकल्प कित्ता ओसो इंजे ओरु वतनफरोशी लोर किन बिल्कुल बर्दाशत किया परवोम, ओसो क्रांति किन दोबारा असफल आयला हीवोम। उचुन मुल किन विड्सी पूरा देश ता नौजवान जागृत आत्तोर ओसो ओरा लोप्पा जीत हासिल कियाना दृढ़ संकल्प मंता, ओसो इद पोल्लो 4 मई ते नौजवान दिवस घोषित कियाना तल दिसिंता। माटु जीत ता हर्दे मुन्ने दाया मंतों ओसो पूरा देश ता जनता कलियसी कोशिश कित्तेके, चीनी क्रांति जापानी-आक्रमण-विरोधी युद्ध ताकनास्के जरूर जीत हासिल कींता।

दूसरा चीनी क्रांति बोना विरोध कींता ? क्रांति ता निशाना बातल? सब्बेतोर पुत्तोर इत्तेके उंदी साप्राज्यवाद ओसो दूसरा सामंतवादा नेटा क्रांति ता निशाना बाताल मंता? उंदी तो जापानी साप्राज्यवाद आंदू ओसो दूसरा चीनी पिढ्हू। क्रांति कियाला काजे जापानी साप्राज्यवाद किन तेहकसी वाटना ओसो अदिना चीनी पिढ्हू लोर किन खत्म कियाना वेल्ले जरूरी मंता। क्रांति किन बोर ताकी कींतोर? क्रांति ता मुख्य ताकत बातल? ओरु चीन ता आम लोकुरे आंदूरा। क्रांति ता प्रेरक ताकत सर्वाहारा वर्ग ओसो किसान वर्ग आंदू ओसो दूसरा वर्ग कुना सब्बे लोकुर साप्राज्यवाद ओसो सामंतवाद ता विरोध कियाला आलिंतोरः इव सब्बे साप्राज्यवाद ओसो सामंतवाद ता विरोध कियाना क्रांतिकारी ताकत आंदू। मति ज्यादा लोकुरा लोप्पा क्रांति ता बुनियादी ताकत, क्रांति ता मुरकुल बोरु आंदूर? ओरु मजदूर ओसो किसान आंदूर ओरा संख्या पूरा देश ता आबादी ता 90 प्रतिशत मंता। चीनी क्रांति ता सपना बातल आंदू? नेंदु माटु क्रांति किया मंतोम, अद बद्रम ता आंदू? नेंदु मावा पूंजीवादी- जनवादी क्रांति किया मंता, ओसो अद काम माटु बदे वेने पूंजीवादी-जनवादी क्रांति तुकू बाहर हनवा मंदाना काम किया मंतोम। ठोस

रूप ते इंजे माटु पूँजीपति वर्ग ते नीजि-सम्पत्ति व्यवस्था किने नष्ट किवा माटु साप्राज्यवाद ओसो सामंतवाद किन वेने नष्ट कियाला आल्सिंतोम। इदे क्रांति किन पूँजीवादी-जनवादी क्रांति इंतोमा मति उद क्रांति किन पूरा कियाना पूँजीपति वर्ग ता बाहर मत्ता ओसो इदे केवल सर्वहारा वर्ग ओसो व्यापक जन-समुदाय ता कोशिश कुना निर्भर आसी पूरा किया परमूडांता। इद क्रांति ता उद्देश्य बाताल मंता? इदिना उद्देश्य साप्राज्यवाद ओसो सामंतवाद किन तेहकसी वाटना ओसो जनता ना जनवादी गणराज्य किन स्थापित कियाना। जनता ना जनवादी गणराज्य क्रांतिकारी मूँड जन-सिद्धांत कुना पोरो आधार आसी गणराज्य ये मंदिता। अदु नेटा अर्ध-औपनिवेशिक ओसो अर्ध-सामंती परिस्थिति तुकू अलग मंदिता ओसो वायना कालम ता समाजवादी व्यवस्था तुकू वेने अलग मंदिता। समाजवादी समाज-व्यवस्था लोप्पा पूँजीपतिरा काजे बदे जागा मन्नो आंता, मति जनता ना इद जनवादी व्यवस्था लोप्पा पूँजीपतिरा अस्तित्व बचे कीसि तासना। चीन लोप्पा पूँजीपतिरा काजे हमेशा जागा मंदिताया? हिल्ले, वायना कालम ते बिलकुल मन्नो आयरा। इद केवल चीन काजे ने सही आयवा पूरा दुनिया काजे वेने सही मंता। ब्रिटिश तोर मत्तेकाई अमरिका मत्तेकाई, फ्रांस मत्तेकाई, जापान मत्तेकाई, जर्मनी मत्तेकाई, इटली मत्तेकाई, वायना कालम ते बेगानाई पूँजीपतिरा काजे बदे जागा मन्नो आयरा, ओसो चीन इदिना अपवाद मन्नो आंता। सोवियत संघ उंदी समाजवाद नितसी मंदाना देश आंदु, ओसो इदिना लोप्पा बदे डावुट हिल्ले इत्तेके वायना काल में पूरा दुनिया अदिना अमल कींता इंदाना पोल्लो पोरो बदे डावुट हिल्ले आयरा। वायना कालम ते चीन जरूर समाजवाद ता रूप ते विकसित आंता। इद उंदी आंदू अदिन बोरे तोडे किया परवोरा मति वर्तमान मंजिल लोप्पा मावा काम समाजवाद पोरो अमल कियानाए आयवा, साप्राज्यवाद ओसो सामंतवाद किन नष्ट कियाना, चीन ता वर्तमान अर्ध-औपनिवेशिक ओसो अर्ध-सामंती परिस्थित किन बदले कियाना ओसो जनता ना जनवादी व्यवस्था किन स्थापित कियाना आंदू पूरा देश ता नौजवान लोर किन इदिना काजे कोशिश कियाना।

तीसरा, चीनी क्रांति ता अनुभव ता सबक? इद वेने उंदी महत्वपूर्ण सवाल आंदू, अदिन समझेमाया मावा नौजवान लोरा काजे जरूरी मंता। चीन लोप्पा साप्राज्यवाद-विरोधी ओसो सामंतवाद विरोधी पूँजीवादी-जनवादी क्रांति, सही-सही इत्तेके डा. सुन यात-सेन शुरू कीसि मत्तोर ओसो इद पचास साल तुकू वेने ज्यादा समय तल जारी मंता, विदेशी पूँजीवादी देश लगभग सौ साल तल चीन ता खिलाफ

हमला कियाना कार्रवाईंग किया मत्ता। इव सौ सालकुना लोप्पा, चीन लोप्पा मुन्ने ब्रिटिश आक्रमण ता खिलाफ अफीम युद्ध आता ओसो ताना पेरके थाइफिंग स्वर्गिक राज्य युद्ध, 1894 ता युद्ध, 1898 ता सुधारवादी आंदोलन, ई हो थ्वान आंदोलन, 1911 ता क्रांति, 4 मई आंदोलन, उत्तरी अभियान ओसो लाल सेना ता युद्ध आंता। इविना तम्मा-तम्मा विशेषतांग मत्तांग, मति इव सब्बे किन विदेशी हमला कियानोरा मुकाबला कियाना या तत्कालीन परिस्थितिंग किन बदले कियाला काजे ताकी कित्ताद मत्ता। मति अपेक्षाकृत स्पष्ट रूप मंदाना पूँजीवादी-जनवादी क्रांति डा. सुन यात-सेन ना समय तेने शुरू आसी मत्ता। हत्ता पचास सालकुना लोप्पा क्रांति शुरूआत डा. सुन यात-सेन ना समय ते आसी मत्ता, सफलतांग वेने दोरकतांग वेने। उचुन हूँडतेके, 1911 ता क्रांति ता सफलता सप्राट किन पूँडनादु मत्ता? मति अदु इद असफलतांग केवल सप्राट किने पूँडा परवा मंदाना, चीन पोर्हो वेने साप्राज्यवाद, सामंतवाद ता उत्पीड़न लोप्पा फंसेमासी मत्ता ओसो साप्राज्यवाद, सामंतवाद ता विरोध कियाना क्रांतिकारी काम पूरा कित्ताद हिल्ले। 4 मई आंदोलन ता उद्देश्य बातल मत्ता? अदिन वेने साप्राज्यवाद, सामंतवाद किन तेहकसी वाटला काजे ताकी कित्ताद मत्ता, मति अद वेने इद काम लोप्पा असफल मत्ता ओसो चीन वेने साप्राज्यवाद, सामंतवाद ता शासन लोप्पा फंसेमात्ता। उत्तरी अभियान इंदाना क्रांति ता वेने इद्रमे आता, अदु सफलतांग हासिल कित्ता, मति अदु वेने असफल आता। क्वोमिंगतांग कम्युनिस्ट पार्टी ता विरोध कियाना<sup>१</sup> शुरू कित्ता, अस्केटल चीन लोप्पा साप्राज्यवाद ओसो सामंतवाद ता कब्जा आता। अदिना अनिवार्य परिणाम लाल सेना किन दस साल युद्ध किया लागता। मति इव दस सालकुना संघर्ष क्रांतिकारी काम किन केवल आंशिक रूप ते पूरा कित्ता, देशव्यापी स्तर ते आयव मत्ता। माटु हत्ता उचुन दशाब्दिंग ना क्रांति ता सारांश तेंडता, अस्के माटु केवल अस्थाई ओसो आंशिक जीत हासिल कित्तोम इंदा परिंतोम, स्थाई ओसो देशव्यापी जीत आयो। इदु डा. सुन यात-सेन इत्ता लेक्काने मत्ता, “क्रांति इंजे पूरा आत्ताद हिल्ले, नावा सब्बे दोस्त लोर कोशिश जारी तासना।” इंजे चीनी क्रांति उचुन दशाब्दिंग एवनल ताकी कीतेकाई इद इंजे एवनल तन्ना उद्देश्य बारांकु किया परवो? इंजी पूछेमाया परिंतोम: अदिना कारण बातल? नावा हिसाब ते अदिना रेंडु कारण मंतांगः उंदी, दुश्मन ता ताकत वेल्ले ज्यादा मत्ता ओसो दुसरा मावा ताकत वेल्ले कम मत्ता। उंदी पक्ष शक्तिशाली मत्ता ओसो दूसरा कमजोर, अदिन काजे क्रांति सफल आत्ताद हिल्ले। माटु साप्राज्यवाद (मुख्य मंदाना) ओसो सामंतवाद ता ताकत वेल्ले ज्यादा मंता।

माटु मावा ताकत वेल्ले कम मंता इंतोम, अदिना अर्थ सैनिक, राजनीतिक, आर्थिक ओसो सांस्कृतिक सब्बेना लोप्पा कमजोरिंग मंतांग, मति मावा कमजोरिंग दिसिंतांग ओसो साप्राज्यवाज-विरोधी ओसो सामंतवाद-विरोधी काम पूरा आया परवा मंदाना ता मुख्य कारण मजदूर ओसो किसान मेहनतकश जनता किन, इत्तेके ओरा संख्या पूरा देश ता आबादी लोप्पाटल 90 प्रतीशत मंता, गोलबंध कित्ताद हिल्ले माटु हत्ता उचुन दशाब्दिंग ना क्रांति ता निचोड़ तेंडतास्के माटु देश ता पूरा जनता किन पूराए उंदीकट्टु कित्ता हिल्ले, ओसो प्रतिक्रियावादी हमेशाए उंदीकट्टु कियाना मावा काम ता विरोध किया मंतोर ओसो ताना लोप्पा तोडफोड़ किया मंतोरा मति साप्राज्यवाद ओसो सामंतवाद किन खत्म कियाना केवल माटु पूरा देश लोप्पा 90 प्रतिशत आबादी मंदाना मजदूर-किसान जन-समुदाय किन उंदीकट्टु ओसो संगठित कित्तास्केने संभव आया परिता। डा. सुन यात-सेन तन्ना वसीयत ते इंजी मत्तोर -

"चालीस साल तल नन्ना चीन काजे आजादी ओसो समानता दोरकी कियाना उद्देश्य ते राष्ट्रीय क्रांति ता काम किसोरे मंताना। इव चालीस साल कुना अनुभव तल इद उद्देश्य किन पूरा कियाला काजे माटु व्यापक जन-समुदाय किन जागृत कियाना ओसो दुनिया ता हर राष्ट्र संगे बोर मावा संगे समानता ता व्यवहार कींतोरो ओरा संगे एकता कीसि संघर्ष कियाना इंजी नन्ना गहराई ते समझेमात्ताना!"

डा. सुन यात-सेन डोलसी दस साल तुकू ज्यादा समय आता। इद समय किन चालीस साल कुना संगे दस साल तुकू ज्यादा किन मिले कित्तेके, पचास साल तुकू ज्यादा आंता। इव पचास सालकुना लोप्पा क्रांति ता अनुभव ओसो सबक बाताल मंता? बुनियादी रूप ते अदु "व्यापक जन-समुदाय किन जागृत कियाना" इंजी मंता। मीटु इद पोल्लो ता सही तरीका ते अध्ययन कियाना ओसो पूरा देश ता नौजवान लोर वेने इदिना गंभीरता ते अध्ययन कियाना। नौजवान लोरे पूरा देश लोप्पा 90 प्रतिशत आबादी मंदाना मजदूर-किसान जन-समुदाय किन उंदीकट्टु कीसि साप्राज्यवाद ओसो सामंतवाद किन पेरके गुच्ची किया परितोरा नेंडु माटु जापानी आक्रमण किन हारा कीसि पूना चीन ता स्थापना कियाना उद्देश्य दोरकी कियाला आल्सा मंतोम, मति पूरा देश ता मजदूर-किसान जन-समुदाय किन उंदीकट्टु किवा लेवा इद असंभव आंता।

चौथा. इंजे नन्हा ओसो बेरा बेरा नौजवान आंदोलन ता बारे ते वेहाकान। नेटल बीस साल मुने नेटाए दिया चीन लोप्पा उंदी महान घटना आता, ताना लोप्पा विद्यार्थी शामिल आत्तोर, ओसो अदिन इतिहास लोप्पा 4 मई आंदोलन पोर्णल ते पुंतोरा इंद उंदी बेहरा महत्व ता आंदोलन आंदू 4 मई आंदोलन तल इंजे एवनल चीनी नौजवान लोर बाताल भूमिका निभे कितोर? ओरु उचुन समय एवनल हिरावल दस्ता ता भूमिका निभे कितोर। कट्टरपंथि लोर किन विड्सी इद पोल्लो किन देश ता सब्बे लोकुर मानेमांतोर। हिरावल दस्ता ता भूमिका ता अर्थ बातल आंदू? अदिना अर्थ नेतृत्व कियाना, इत्तेके क्रांति ता लाईन लोप्पा सबसे मुने नितसी मंदाना। चीन ता साप्राज्यवाद-विरोधी ओसो सामंतवाद-विरोधी जनता ना लाईन लोप्पा उंदी दलम चीनी नौजवान बुद्धिजीवी लोरा ओसो विद्यार्थी लोरा वेने मत्ता। इद दलम वेल्ले बेहरा मत्ता, बोरु तन्हा जीवा हीतोर ओरकिन विड्सी नेंडु इद दलम लोप्पा दसियों लाख मानेय शामिल मत्तोरा दसियों लाख मानेय ना इद दलम साप्राज्यवाद-विरोधी ओसो सामंतवाद-विरोधी संघर्ष ता उंदी मोर्चा-फौज आंदू ओसो उंदी महत्वपूर्ण मोर्चा-फौज आंदू। मति केवल इदे मोर्चा-फौज पोर्णे निर्भर मंदानादु हालो, केवल इदिना भरोसा ते माटु दुश्मन किन हारे किया परवोम, बारांकु इत्तेके इद मुख्य सेना आयो। अस्के मुख्य सेना बदु मत्ता? अदु मजदूर-किसान जन-समुदाय। चीन ता नौजवान बुद्धिजीवी लोरकिन ओसो विद्यार्थी लोर किन जरूर अद पूरा देश लोप्पाटा 90 प्रतीशत आबादी वाले मजदूर-किसान जन-समुदाय नडमा दायना ओसो इद व्यापक जन-समुदाय किन उंदीकट्ट ओसो संगठित कियाना। मजदूर ओसो किसान लोरा इद मुख्य सेना लेवा, केवल नौजवान बुद्धिजीवि ओसो विद्यार्थी लोरा दस्ता पोर्णे निर्भर आसी साप्राज्यवाद-विरोधी ओसो सामंतवाद-विरोधी संघर्ष लोप्पा जीत हासिल कियाना संभव हिल्लो। अदिन काजे पूरा देश ता नौजवान बुद्धिजीवि ओसो विद्यार्थी लोरा व्यापक मजदूर-किसान जन-समुदाय संगे कलियसी दायना ओसो ओरा संगे उंदी आयना, केवल सब्बे उंदी शक्तिशाली दलम बने कियाना। दसियों करोड़ मानेय ना दस्ता! केवल इद व्यापक दलम पोर्णे निर्भर आसी दुश्मन ता मजबूत मोर्चा पोर्णे कब्जा कियमूङांता ओसो अदिना आखरी गढ़ किन तेहकसी वाटा परितोम। अतीत ते नौजवान आंदोलन किन इद दृष्टि ते हूडानास्के अदिना उंदी गलत रुझान किन वेहाना, ओसो अवु हत्ता उचुन दशाब्दिंग ना नौजवान आंदोलन लोप्पा नौजवान लोरा उंदी हिस्सा मजदूर-किसान जन-समुदाय संगे एकता कियाला तैयार हिल्लेर ओसो ओरु मजदूर-किसान आंदोलन ता विरोध कितोर।

नौजवान आंदोलन ता ज्वार लोप्पा इद उल्टा बहाव आंदू पूरा देश लोप्पा 90 प्रतिशत आबादी मंदाना मजदूर-किसान जन-समुदाय संगे एकता किवा मंदाना ओसो इद वेने मुन्ने हंजी अदिना खुल्लमखुल्ला विरोध कियाना असल ते ओरा नासमझी मत्ता। इद रुझान सही मत्ताया? नावा हिसाब ते इद सही हिल्ले, बारांकु इत्तेके मजदूर ओसो किसान लोरा विरोध कीसि क्रांति ता विरोध किया मंतोर, अदिन काजे नौजवान आंदोलन ता उल्टा बहाव मत्ता। इद्रम नौजवान आंदोलन ता सही नतीजा पेसा परवो। उचुन दिय्या मुन्ने नन्ना उंदी सुडला लेख<sup>3</sup> रासिस मत्तां। ताना लोप्पा नन्ना वेहत्तान -

क्रांतिकारी बुद्धिजीवि लोरा ओसो गेर-क्रांतिकारी ओसो प्रतिक्रांतिकारी बुद्धिजीवि लोरा नडमा ता आखरी विभाजन हूँडना इत्तेके अवु मजदूर-किसान जन-समुदाय संगे कलियसी उंदी आयला तैयार मंतोरा हिल्लेर, ओसो ओरु अमल किंतोरा किवोर इंदाना मंता।

इगा नन्ना उंदी परीक्षा पेश कित्ताद मंतान, अदिन नन्ना केवल उंदी परीक्षा समझेमांताना बोराई नौजवान क्रांतिकारी मंतोर हिल्लेर, इंजी पुंदाला काजे परीक्षा बातल मंता? अदिन बद्रम चीनेमायना? इद परीक्षा केवल उंदे मंता, इत्तेके अदु व्यापक मजदूर-किसान जन-समुदाय संगे कलियसी उंदी आयला आलिसंतोरा आल्सोर, ओसो इदिना पोरों अमल किंतोरा किवोर? क्रांतिकारी ओरे मंदितोर बोर मजदूर-किसान लोरा संगे कलियसी उंदी आयला आलिसंतोरो ओसो तन्ना अमल ते मजदूर-किसान लोरा संगे कलियसी उंदी आंतोरा। अद्रम हिल्लवेके ओर क्रांतिकारी हिल्लेर लेवेके प्रतिक्रांतिकारी मंतोरा बोराई नेंडु मजदूर-किसान जन-समुदाय संगे कलियंतोर, ओरु नेंड क्रांतिकारी मंतोर मति नाड ओरु इदिना उल्टा आम जनता ना उत्पीडन कियाना शुरू किंतोर, अस्के ओरु क्रांतिकारी मन्नो आंतोर, ओरु प्रतिक्रांतिकारी बनेमंतोर। उचुन नौजवान केवल तोड्डी तेल मूँड जन-सिद्धांतकु लेवेके मार्क्सवाद लोप्पा तन्ना विश्वास ता पोल्लोंग वेल्ले बेरसी कीसि कींतोर, मति इदिना बदे अर्थ मन्नो आंता। नेंडु हिटलर किन हूँडतेके “समाजवाद पोरों विश्वास” ता पोल्लोंग कियानोर? ओसो बीस साल मुन्ने मुसोलिनी वेने “समाजवादी” मंतोर। ओरा “समाजवाद” बद्रम ता मत्ता? अदु असल ते फासीवाद मत्ता! छन तूऱ्यू वेने उंदी समय ते मार्क्सवाद पोरों “विश्वास” कींदूर? मति पेरके ओरु बातल कित्तोर? ओरु प्रतिक्रांतिकारी लोरा संगे कलितोर। चांग किवो-थाओ वेने मार्क्सवाद लोप्पा “विश्वास” किवोरा? इंजे ओरु बेके हत्तोर? ओरु वित्ततोर ओसो सीधा चिकला ते

हंजी अरतोरा उचुन मुल खुद किन “मूँड जन-सिद्धांत कुना अनुयायी” ओसो मूँड जन-सिद्धांत कुना पाडना सबसे बेसता समर्थक मानेमांतोरा। मति ओरु बातल कितोर? असल ते ओरु राष्ट्रवाद ता सिद्धांत ता असल ते साप्राज्यवादीरा सांठांठ कियानादु कितोर, ओरा जनवाद ता सिद्धांत ता असली अर्थ आम जनता ना उत्तीडन कियाना मत्ता, ओसो ओरा जन-जीवन ता सिद्धांत ता कुना पोल्लोंग कींतोर, मति लोप्पा-लोप्पा दूसराए आल्सोर मंदितोर। अदिन काजे माटु बोनाए बारे ते पुंदाला काजे ओरु मूँड जन-सिद्धांत कुना झूठा अनुयायी मंतोर सच्चा अनुयायी, वरोर झूठा मार्क्सवादी मंतोरा सच्चा मार्क्सवादी, केवल व्यापक मजदूर-किसान जन-समुदाय संगे ओरा संबंध बद्रम मंता इंदाना पोल्लो तल स्पष्ट आंता, अदिना आंकलन कियाना केवल इदे उंदी हर्री मंता, दूसरा बदे हर्री हिल्लो। पूरा देश ता नौजवान अद अन्धकारपूर्ण उल्टा बहाव लोप्पा बिल्कुल अरोर आयानूर इंदाना पोल्लो ता ध्यान तासिंतोर, ओसो इद पोल्लो किन ठोस समझेमासोरे मजदूर ओसो किसान ओरा दोस्त मंदितोर, उंदी उज्जवल भविष्य बगिल दांतोर इंजी आशा किया मंता।

पांचवा, वर्तमान जापानी-आक्रमण-विरोधी युद्ध चीनी क्रांति ता उंदी पूना मंजिल मंता, उंदी सबसे महान, सबसे क्रियाशील ओसो सबसे सजीव पूना मंजिल मंता। इद मंजिल लोप्पा नौजवान लोरा हड्हा ते बेहरा जिम्मेदारींग मंतांग। मावा देश लोप्पा हत्ता उचुन दशकुना क्रांतिकारी आंदोलन संघर्ष कुना बचोनो मंजिलकुना लोप्पाटल मुन्ने वाता, मति हत्ता मंजिल कुना संघर्ष वर्तमान जापानी-आक्रमण-विरोधी युद्ध ता लेकका व्यापक हिल्वा मत्ता। इंजे माटु नेटा चीनी क्रांति ता विशेषतांग अदिन मुन्नेटा क्रांतिंग लोप्पाटल अलग किसिंतांग ओसो हार तल जीत बगिल दांतांग, अस्के मावा अर्थ चीन ता व्यापक जनता मुन्ने तुकू ज्यादा प्रगति कित्ता ओसो नौजवान लोरा प्रगति अदिना सबूत मंदिता। अदिन काजे जापानी-आक्रमण-विरोधी युद्ध ता जीत आयना वेल्ले जरूरी मंता ओसो इद जरूर जीत आंता। जापानी-आक्रमण-विरोधी युद्ध लोप्पा बुनियादी नीति आंदु इंजा सब्बे पुतोर जापान-विरोधी राष्ट्रीय संयुक्त मोर्चा ता नीति, अदिना उद्देश्य जापानी साप्राज्यवाद ओसो अदिना चीनी पिढु लोर किन खत्म कियाना, पाडना चीन किन पूना चीन लोप्पा बदले कियाना ओसो पूरा राष्ट्र किन अर्ध-औपनिवेशिक ओसो अर्ध-सामंती परिस्थिति तल मुक्त कियाना मंता। चीन ता वर्तमान नौजवान आंदोलन लोप्पा एकता ता कमी उंदी वेल्ले बेहरा कमजोरी आंदू मीटु पूरा देश ता नौजवान लोर किन वर्तमान

परिस्थिति समझेमायना, एकता बने कियाना ओसो आखरी एवनल जापानी आक्रमण ता प्रतिरोध कियाना लोप्पा मदद कियाना।

छठा ओसो आखरी ते नन्ना येनान ता नौजवान आंदोलन ता बारे ते वेहाला आलिसंताना। येनान ता नौजवान आंदोलन पूरा देश ता नौजवान आंदोलन काजे आदर्श मंत्ता। येनान ता नौजवान आंदोलन ता दिशा पूरा देश ता नौजवान आंदोलन ता दिशा आंदू इद्रम बारांकु मंत्ता? बारा काजे इतेके येनान ता नौजवान आंदोलन ता दिशा सही मंत्ता। येनान ता नौजवान लोर एकता संबंधित पक्काए बेस कित्तोरा। येनान ता नौजवान एकता ता डोरी ते दोहची मंतोर ओसो एकजुट मंतोरा। येनान ता नौजवान बुद्धिजीवी, विद्यार्थी, नौजवान मजदूर, किसान सब्बे एकता ता धागा ते दोहची मंत्ता। देश ता हर कोंटा ते, इगा विदेशीकुना लोप्पा मंदाना प्रवासी चीनी लोरा लोप्पटल वेने बेहरा संख्या ते क्रांतिकारी नौजवान शिक्षा हासिल कियाला काजे येनान वात्तोरा। नेंडु भूमकाल मीटिंग लोप्पा शामिल आतोरा लोप्पा ज्यादातर लोकुर सैकड़ों-हजार मीटर जेक तल वात्तोरा। मीवा पोरोलो चांग हो या ली मतेकाई, दीदी-दादल मतेकाई, मजदूर-किसान मतेकाई, मीटु सब्बेतोरा जीवा उंदी मंत्ता। इद पूरा देश काजे आदर्श मन्नो? येनान ता नौजवान केवल खुद एकता ता धागा ते दोहची मंदानाए आयवा मजदूर-किसान जन-समुदाय संगे वेने कलियसी उंदी आत्तोरा। इद पोल्लो ठोस रूप ते पूरा देश ता मुन्ने आदर्श मंदिता। येनान ता नौजवान बाताल किसि मंजि वाततोर? ओरु क्रांति ता सिद्धांत किन करियसोर वात्तोर, ओसो जापानी आक्रमण ता प्रतिरोध कियाना ओसो देश किन बचे कियाना सिद्धांत ओसो तरीकांग ना अध्ययन किसोर मंतोर। ओरु उत्पादन ता आंदोलन ताकी किया मंतोर ओसो ओरु हजारों एकड़ कोहड़ा मंदना जमीन किन खेती लायक बनेकित्तोरा लबड़ता जमीन किन खेती लायक बने कियाना ओसो खेती-बाढ़ी लेक्काटा काम इतेके कनफ्यूशियस वेने किवा मत्तोर। कनफ्यूशियस तन्ना विद्यालय ताकी कियानोर, अस्के ओनगा वेल्ले विद्यार्थीर मत्तोर, “सत्तर विद्वान ओसो तीन हजार शिष्य”-बचोन बेहरा संख्या मत्ता। मति येना ता मुकाबला ते ओरा शिष्य वेल्ले कम मत्तोर ओसो खाकर ओरकिन उत्पादन ता आंदोलन ताकी कियाला विचार कितोरा कनफ्यूशियस ना शिष्य लोरकिन नागेल बद्रम पूहाना इंजी पूछेमातेके, ओरा जवाब “नन्ना पुन्नोन, नन्ना इद काम लोप्पा किसान लोरा मुकाबला किया किया परवोना।” शिष्य लोर ओरकिन ओसो पूछेमातोर कुसिर काया बद्रम पंडी कियाना, अस्के ओरा जवाब मत्ता, “नन्ना पुन्नोन, नन्ना इद काम लोप्पा कुसिर पंडी कियानोरा मुकाबला

किया परखोना।” चीन लोप्पा प्राचीन काल लोप्पा गुरु लोरा शिक्षा दोरकी कियानोरा नौजवान क्रांति ता सिद्धांत करियोर, ओसो मेहनत वेने किवोरा नेंडु पूरा देश ता व्यापक इलाकांग ना विद्यालय कुना लोप्पा क्रांति ता सिद्धांत वेल्ले कम करियी कींतोर ओसो उत्पादन ता आंदोलन ता बारे ते उचुन वेने वडकोरा केवल येनान ता मावा नौजवान ओसो दुश्मन ता पृष्ठभाग ते मंदाना जापान-विरोधी आधार-इलाकांग लोप्पा मंदाना मना नौजवान लोरा परिस्थिति बुनियादी रूप ते अलग मंता। ओरु निज्जमे जापानी आक्रमण ता प्रतिरोध कियाना ओसो देश किन बचे कियानोरा उंदी हिरावल दलम आंदू बारांकु इत्तेके ओरा राजनीतिक दिशा सही मंता ओसो ओरा काम ता तरीका वेने सही मंता। अदिन काजे नन्ना येनान ता नौजवान आंदोलन पूरा देश ता नौजवान आंदोलन काजे आदर्श मंता इंजी आलिसंतान।

नेटा आम सभा वेल्ले महत्वपूर्ण मंता। नन्ना बाताल इंदाला आल्सोर मत्तानो अदु इत्तान। नन्ना मीटु सब्बे तोर चीनी क्रांति ता हत्ता पचास साल कुना अनुभव ता अध्ययन कियाना, अदिना सकारात्मकता किन विकसित कियानोर ओसो ओरा गलतिंग किन बचे किंतोर, अस्केने पूरा देस ता नौजवान पूरा देश ता जनता संगे कलियसी उंदी आया परिंतोर ओसो क्रांति किन जीत ता बगिल ओया परिंतोर। बद दिया पूरा देश ता नौजवान ओसो पूरा देश ता जनता किन उंदीकट्टु किंतोर, संगठित कींतोर ओसो उंदी किंतोर, अदे दिया जापानी साम्राज्यवाद ता तख्ता पलट किया परमूङ्गांता। इद जिम्मेदारी हर नौजवान किन निभे कियाला तैयार मंदाना। नेंडु मिटू मुन्ने तुकू ज्यादा अलग मंदाना ओसो दृढ़ संकल्प कियाना कि पूरा देश ता नौजवान लोर किन उंदिकट्टु कियाकोम ओसो पूरा देश ता जनता किन संगठित कियाकोम। जापानी साम्राज्यवाद किन खत्म कियाकोम ओसो पाड़ना चीन किन उंदी पूना चीन ता रूप ते बदले कियाकोम। नन्ना मीवागडल इदे आशा किया मंतान।

## नोट

1. सबसे मुन्ने शेनशी-कानसू-निगंश्या बार्डर एरिया ता नौजवान संगटन 4 मई ते चीन ता नौजवान दिवस घोषित कित्ताद मत्ता। अस्के व्यापक नौजवान जन-समुदाय ता देशभक्तिपूर्ण उभार ता दबाव ता कारण क्वोमिंगतांग किन इदे फैसला स्वीकार किया लागता। मति पेरके नौजवान लोर क्रांतिकारी बनेमांतोर बहे इंदाना वेरी ता कारण ते, क्वोमिंगतांग किन इद फैसला खतरनाक लेकका आता, ओसो अदु 29 मार्च ते (क्रांतिकारी शहीद लोरा स्मृति-दिवस ता रूप ते 1911 ते इदे दिव्या क्वांगचओ विद्रो लोप्पा शहीद आसी मत्तोर ओसो ओरकिन ह्वांगह्वाकांग पोर्गोल ता जागा ते मिस्तादु मत्ता) तम्मा अलग नौजवान दिवस घोषित कित्तोरा अद्रमातेकाई चीनी कम्युनिस्ट पार्टी ता नेतृत्व ते स्थापना आता क्रांतिकारी आधार-इलाका लोप्पा 4 मई ता नौजवान दिवस ता रूप ते मानेमाया मंतोमा चीन लोक गणराज्य ता स्थापना पेरके, केंद्रीय जन-सरकार ता राजकीय प्रशासन परिषद दिसम्बर 1949 लोप्पा औपचारिंक रूप ते 4 मई ते चीन ता आंदोलन दिवस घोषित कित्तोरा।
2. इगा 1927 ते अद प्रतिक्रांतिकारी राजविष्वलव पोर्गोल वेहतोर अद्रमासी शांघाई ओसो नानकिंग ओसो च्यांग काई-शेक ओसो ऊहान लोप्पा वांग चिंग-वेइ कित्तोरा।
3. इगा “4 मई आंदोलन” हेडिंग ता लेख ता बारे ते वेहत्ताद मंता।

## आत्मसमर्पणवादी कार्रवाईंग ना विरोध कीमुट

30 जून 1939

चीनी राष्ट्र किन जापानी आक्रमण ता सामना किया लागता, अस्केटल सबसे प्रमुख सवाल लड़ेमायना या लड़ेमायनयो इंदानदु मंता। 18 दिसम्बर 1931 ता घटना तल 7 जुलाई 1937 ता लूकओछयाओ घटना एवनल ता समय ते इद सवाल पोरों गंभीर वाद-विवाद आता। “लड़ेमायना इतेके खुद ता अस्तित्व किन बचे कीसि तासना, ओसो लड़ेमायवा मंदाना इतेके खुद ता अस्तित्व किन खत्म कियाना आंता”- इव सब्बे देशभक्त पार्टिंग ओसो ग्रुप कुना ओसो सब्बे देशभक्त लोकुरा निष्कर्ष मंता। “लड़ेमायना इतेके खुद ता अस्तित्व किन खत्म कियाना, ओसो लड़ेमायवा मंदाना इतेके खुद ता अस्तित्व किन बचे कियाना आंता”- इदु सब्बे आत्मसमर्पणवादिरा निष्कर्ष मंता। लूकओछयाओ लोप्पा नेकता प्रतिरोध ता तोपकु इद विवाद अस्थाई रूप ते हल किसिंतांग। अबु इद्रम ऐलान कीसि मत्तोर - पहला निष्कर्ष सही मंता ओसो दूसरा गलत। मति इद सवाल केवल अस्थाई रूप तेने बारंकु हल आता, हमेशा काजे बारंकु आयो? अदिना कारण जापानी साम्राज्यवाद चीन किन गति कीसि अदिन आत्मसमर्पण कियाना नीति लागू कित्ता, अंतर्राष्ट्रीय आत्मसमर्पणवादिर। सुलह-समझौता कियाला कोशिश कित्तोर मावा जापान-विरोधी मोर्चा लोप्पा वेने उचुन मुल डुलमुल आत्तोर। इंजे इद सवाल शब्द कुना हेरफेर कियाना संगे “शांति या युद्ध ता सवाल” ता रूप ते ओसो तेहताद मंता। इद्रम चीन लोप्पा लड़ाई जारी तासना समर्थक लोर ओसो सुलह-शांति बने कियाना ता समर्थक लोरा नड़मा उंदी वाद-विवाद तेंदिता। रेंडासी पक्ष कुना रुख इंजे वेने अदे मंता। “लड़ेमायना इतेके खुद ता अस्तित्व बचे कियाना ओसो सुलह-शांति बने कियाना इतेके खुद ता अस्तित्व किन खत्म कियाना”- इद लड़ाई जारी तासना ता समर्थक लोरा ता निष्कर्ष मंता। “सुलह-शांति बने कियाना इतेके खुद ता अस्तित्व किन बचे कियाना ओसो लड़ेमायना इतेके खुद ता अस्तित्व किन खत्म कियाना आंता”- इद सुलह-शांति

बने कियाना समर्थक लोरा निष्कर्ष आंदू मति लड़ाई जारी तासना ता समर्थन कियानोरा लोप्पा सब्बे देशभक्त पार्टिंग, ग्रुप ओसो सब्बे देशभक्त दोस्त मंतोर, बोरु राष्ट्र लोप्पा वेल्ले बहुसंख्या ते मंतोर सुलह-शांति बने कियाना समर्थन इतेके आत्मसमर्पणवादी, जापान-विरोधी मोर्चा लोप्पा मंदना कम संख्या वाले डुलमुल तत्वए मत्ता। ओसो सुलह-शांति बनेकियाना ता समर्थक लोर किन झूठ प्रचार ता ओसो सबसे मुने कम्युनिस्ट-विरोधी प्रचार ता सहारा एता लागता। अद्रमासी “कम्युनिस्ट पार्टी गडबडी पैदा कियाना कार्रवाईंग किया मंता”, “शेनशी-कानसी-निंगश्या बार्डर इलाका लोप्पा उंदी पृथकतावादी शासन बने कित्तोर ओसो इद शासन तन्ना सीमा तुकू बाहर विस्तार किया मंता”, “कम्युनिस्ट पार्टी सरकार ता तख्ता पलट कियाना साजिश किया मंता”, ओसो “सोवियत संघ चीन पोरों हमला कियाला षड्यंत्र किया मंता” इंदाना लेक्काट झूठा खबर, झूठा रिपोर्टकु, झूठा दस्तावेजकु ओसो झूठा प्रस्ताव कुना बाढ़ा वाटता। इदिना उद्देश्य वास्तविक तथ्य कुना पोरों पर्दा वाटसी ओसो जनहित किन धोखा हिसी सुलह-शांति बने कियाना, या दूसरा शब्द ते आत्मसमर्पण कियाना मंता। सुलह-शांति बने कियाना ता समर्थन इतेके आत्मसमर्पणवादी इद्रम बारंकू किया मंतोर – बारंकू इतेके जापान-विरोधी राष्ट्रीय संयुक्त मोर्चा ता सूत्रपात कित्ताद ओसो गढ़िक निच्ची मंदना कम्युनिस्ट पार्टी ता विरोध किवा लेवा ओरु क्वोमिंगतांग-कम्युनिस्ट सहयोग किन भंग किया परवो, जापान-विरोधी राष्ट्रीय संयुक्त मोर्चा लोप्पा दरार पैदा किया परवो ओसो जापान मुने आत्मसमर्पण किया परवो आयनोरा। दूसरा ओरु जापानी-साम्राज्यवाद रियायतकु हींतोर इंजी आशा किया मंतोर। ओरा विचार जापान लगभग विफल आंता ओसो अदु तन्ना बुनियादी नीति किन बदले किसिंता इंजी मंता, अदु मध्य चीन, दक्षिणी चीन ओसो उत्तरी चीन तल वेने खुद पेरके गुचिंता ओसो इद्रमे चीन किन ओसो ज्यादा लड़ेमायवा लेवा जीत हासिल आयारा तीसरा, ओरु अंतर्राष्ट्रीय दबाव ते आशा किया मंतोरा सुलह-शांति बने कियाना समर्थक वेल्ले लोकुर केवल बेहरा ताकत जापान पोरों दबाव वाटतेके अदु रियायत हिंता ओसो इद्रमे शांति-समझौता किया परना इंजी आशा कियवा, बेहरा ताकतकु चीन सरकार पोरों दबाव वाटिंता अद्रमासी ओरु लड़ाई जारी तासनोरा समर्थक लोरा संगे वेहा परना इंजी वेने आशा कींतोर: “हूडाटू नेटा इद अंतर्राष्ट्रीय वातावरण लोप्पा शांति बने किया लागता” “प्रशान्त महासागर अंतर्राष्ट्रीय सम्मेलन<sup>2</sup> चीन काजे लाभदायक आंता। इदु बदे दूसरा म्यूनिख<sup>3</sup> बनेमायवा, चीन ता पुनरुत्तान कियाना दिशा ते उंदी कदम

मंदिता” सुलह-शांति बने कियाना समर्थक लोर इतेके चीनी आत्मसमर्पणवादिरा दृष्टिकोण, दावपेंच ओसो साजिश कुना कुल जोड़<sup>4</sup> इदे आंदू इदु नाटक केवल वांग चिंग-वेइ करसोरे हिल्वा इदिनकु बचोनो ज्यादा गंभीर पोल्लो बाताल मंता इतेके ओना लेकका वेल्ले दूसरा लोकुर वेने मंतोर, ओरु जापान-विरोधी मोर्चा लोप्पाए मंतोर, ओना संगे सांठगांठ कीसि इद नाटक किया मंतोरा ओरु सब्बे कलियसी उंदी रकम ता युगल-अभिनय<sup>5</sup> किया मंतोर लेवेके आपेरा करसा मंतोम - उचुन मुल तम्मा मुक्कम पोरों लाल कलर होकसी मंतोर ओसो उचुन दूसरा लोकुर वेने तम्मा चेहरा पोरों पांडरी मेक-अप कीसि मंतोरा।

माटु कम्युनिस्ट खुलेआम ऐलान कींतोम - माटु हमेशा ओरा पक्ष एत्तानोम बोरु लडाई जारी तासना ता समर्थन किंतोर ओसो हमेशा ओरा डेटेमासी विरोध कीयाकोम बोरु सुलह-शांति बने कियाना समर्थन कींतोरा माटू देश ता सब्बे देशभक्त पार्टिंग, ग्रुप कु ओसो सब्बे देशभक्त दोस्त लोरा संगे कलियसी एकता किन मजबूत बने कियाना, जापान-विरोधी राष्ट्रीय संयुक्त मोर्चा किन मजबूत बने कियाना, कम्वोमिंगतांग-कम्युनिस्ट सहयोग किन मजबूत बने कियाना, मूँड जन-सिद्धांत कुन अमल ते तत्ताना, प्रतिरोध-युद्ध किन आखरी एवनल ताकी कियाना, लड़मोसोर-लड़मासोर यालू डोड्डा एवनल एवना ओसो तम्मा-तम्मा पोहता इलाकांग किन वापस पोयना<sup>6</sup> प्रच्छन्न ओसो अप्रच्छन्न रेंडासी रकम ता वांग चिंग-वेइ लेककाटोरा माटु दृढ़ता ते भर्त्सना कींतोम, ओरु कम्युनिस्ट-विरोधी वातावरण तैयार किया मंतोर, क्वोमिंगतांग ओसो कम्युनिस्ट पार्टी नडमा टकराव<sup>8</sup> पैदा किया मंतांोर ओसो रेंडासी पार्टिंग नडमा उंदी दूसरा गृहयुद्ध एवनल शुरू कियाना साजिश किया मंतोरा माटु ओरकिन इंतोमः मीवा फूटपरस्त साजिश कुना सारतत्व केवल आत्मसमर्पण ता तैयारी लेवा दूसरा बातले हिल्ले ओसो मीवा आत्मसमर्पणवादी नीति, फूटपरस्त नीति केवल उचुन मुल ता व्यक्तिगत स्वार्थ काजे राष्ट्र ता हित किन वमना पूरा योजना ता अभिव्यक्ति लेवा बाता हिल्लो लोकुरा कोंडा ने मीवा साजिशकु दिसिंतांग। माटु इद प्रशान्त महासागर सम्मेलन पूर्व ता म्यूनिख बनेमायो इंदाना अंगडम ता पोल्लोंग किन जोरदार खंडन किंतोमा बदे डावुट लेवा तथाकथित प्रशान्त महासागर सम्मेलन पूर्व ता म्यूनिखे बनेमांता, ओसो इदु चीन किन दूसरा चेकोस्लोविकिया लोप्पा बदले कियाना तैयारीए आंदू माटु जापानी साप्राज्यवाद होश ते वायर ओसो रियायत हींता इंदाना अंगडम ता पोल्लो ता जोरदार खंडन किंतोमा चीन ता गुलाम बने कियाना तन्ना बुनियादी नीति किन जापानी

साप्राज्यवाद बस्केने बदलेमायो। ऊहान ता पतन आता पेरके, जापान ता मिंगता-मिंगता पोल्लोंग - अदु “राष्ट्रीय सरकार किन समझौता-वार्ता काजे विरोधी पक्ष मानेमायवेके”<sup>9</sup> ता नीति किन त्याग कीसि अदिन विरोधी पक्ष मानेमायर, या अदु उचुन शर्तकुना पोरो तन्ना फौज कुना नडमा चीन ओसो दक्षिण चीन तल गुची कियर - कीके पोयानोर कीके किन चारा ता लालच हीसी अदिन पोयला काजे ओसो अटला काजे नें मंदिंता बद कीके जाली ते हिरकिंता अदिन कोयला काजे तैयार मंदा लागियर। अद्रमे अंतराष्ट्रीय आत्मसमर्पणवादी वेने चीन किन आत्मसमर्पण काजे गति कियाना कीके पोयनोरा लेकाटा नीति लागू कितोर। ओरु जापान किन चीन पोरो हमला कियाला काजे उक्से कित्तादु मत्ता ओसो खुद “मेड्हा पोरो उदसी डुव्वल संगे लडेमायना तमाशा हूडा मंतोर”, ओसो मौका दोरकता इतेके तथाकथित प्रशान्त महासागर नडमा सम्मेलन केयाना साजिश कियाना इंजी हर्री हूँडितोर, अद्रम कितेके दूसरोर किन नुक्सान कीसि खुद फायद दोरकी किया परिता। बोराई वीर षड्यंत्रकारीरा पोरो वेने इद्रमातए धोखा तिंतोर इंजी आशा किंतोर।

लडेमायना या लडेमायवा मंदाना ता सवाल नेंदु लडाई जारी तासना या सुलह-शांति बने कियाना सवाल बनेमाता, मति इव रेंडासी ना स्वरूप उंदे आंदुंग ओसो इद सवाल सब्बे सवालकुना लोप्पा महत्वपूर्ण ओसो सबसे बुनियादी सवाल बनेमाता। हत्ता छै महीनांग लोप्पा, चीन किन आत्मसमर्पण काजे गति कियाना नीति किन जापान वेल्ले तेजी ते अमल ते तत्ताना, अंतराष्ट्रीय आत्मसमर्पणवादिरा कार्वाईंग तेज कियाना ओसो मुख्य रूप ते चीन ता जापान-विरोधी मोर्चा लोप्पा उचुन मुल ओसो ज्यादा डुलमुल आता कारण ते युद्ध या शांति ता सवाल ते वेल्ले कोलार आता, अदिन काजे वर्तमान राजनीतिक परिस्थिति लोप्पा आत्मसमर्पण उंदी मुख्य खतरा बनेमाता। ओसो आत्मसमर्पण ता तैयारी ते सबसे प्रमुख कदम आत्मसमर्पणवादीर तेहतोरो, अदु कम्युनिस्ट पार्टी ता विरोध कियाना, इतेके क्वोमिंगतांग-कम्युनिस्ट सहयोग ओसो जापान-विरोधी मोर्चा ता एकता किन भंग कियाना मत्ता। इद्रम ता परिस्थिति ते पूरा देश ता सब्बे देशभक्त पार्टिंग, ग्रुपकु ओसो सब्बे देशभक्त दोस्त लोर इव आत्मसमर्पणवादिरा कार्वाईंग पोरो कडी नजर तासना मत्ता, वर्तमान परिस्थिति ता इद मुख्य विशिष्टता किन आत्मसमर्पण ता खतरा सबसे बेहरा खतरा मंता ओसो कम्युनिस्ट पार्टी ता विरोध कियाना आत्मसमर्पण ता तैयारी कितोर, समझेमायना ओसो आत्मसमर्पण, फूट ता विरोध कियाना भरपूर कोशिश कियाना। जापानी साप्राज्यवादा ता विरुद्ध बद युद्ध ता कीमत पूरा राष्ट्र पूरा रेंदु साल

नेत्तुर पोहची निहता, अदिन नुकसान कियाना या गदारी कियाना अनुमति लोकुरा बदे वेने ग्रुप किन बिल्कुल हियानायो। जापान-विरोधी राष्ट्रीय संयुक्त मोर्चा किन, पूरा राष्ट्र ता कोशिश ते बने कियाना, भंग कियाना या ताना लोप्पा फूट वाटना अनुमति बोनके हियानायो।

लडेमासोर दायना ओसो एकता ते डेटेमासी मंदाना चीन ता अस्तित्व जरूर मंदिता सुलह-शांति बने कियाना ओसो फूट वाटना पोर्रे डेटेमी मंदाना चीन ता अस्तित्व जरूर खत्म आंता।

तीना लोप्पा बदे तुकरे कियाना ओसो बदिन स्वीकार कियाना? मावा देशवासीर किन अविलम्ब चुनेमायना।

माटु कम्युनिस्ट जरूर लडेमासोर दांतोम ओसो एकता पोर्रे डेटेमासी मंदितोमा।

पूरा देश ता सब्बे देशभक्त पार्टिंग, ग्रुप ओसो सब्बे देशभक्त दोस्त वेने जरूर लडेमासोर दांतोम ओसो एकता पोर्रे डेटेमासी मंतोमा।

आत्मसमर्पण ओसो फूट ता साजिश रचे कियाना आत्मसमर्पणवादीर उचुन कालम काजे दबाव वाटतेके वेने जनता आखिर ते ओरा पर्दाफाश किंता ओसो ओरकिन सजा हींता। चीनी राष्ट्र ता ऐतिहासिल काम एकता कीसि प्रतिरोध-युद्ध ताकिकियाना ओसो अदिना संगे मुक्ति दोरकी कियाना। उचुन आत्मसमर्पणवादीर इदिना विपरित मंतोर, मति ओरु बचोन दबाव वाटतेकाई खुशी ते बचोन पागल आतेकाई, ओसो ओरकिन बोराई बातले किया परवोर इंजी आल्सतेकाई आखरी ते ओरु पूरा जनता ना कैदा सजा भोगे मायना तुकू बचेमायोर आयनोर।

आत्मसमर्पण, फूट ता विरोध कियाना - इदे नेटा सब्बे देशभक्त पार्टिंग, ग्रुपकु ओसो सब्बे देशभक्त दोस्त लोरा मुने वेल्ले फौरी कार्य आंदु।

पूरा राष्ट्र ता लोकुर, उंदी आयमुट! प्रतिरोध-युद्ध ओसो एकता ते डेटेमासी मंनुट ओसो आत्मासमर्पण, फूट ता साजिश कुन खत्म कीमुट!

## नोट

1. इगा अंतर्राष्ट्रीय आत्मसमर्पणवादिरागडल संकेत ब्रिटिश ओसो अमरीकी साप्राज्यवादिरा बगिल मंता, चीन किन शिकार बनेकीसि जापान तल सुलह-समझौता कियाना साजिश किसोर मत्तोर।
2. अद समय ते ब्रिटिश, अमरीका ओसो फ्रांस साप्राज्यवादी, चीन लोप्पा सुलह-शांति बने कियाना ता समर्थक लोरा संगे सांठगांठ कीसि “प्रशान्त महासागर अंतर्राष्ट्रीय सम्मेलन” संगे चीन किन वमसी जापानी आक्रमणकारिलोरा सुलह-समझौता ता साजिश किसोर मत्ता। इदिन लोकुर दूरपूर्व ता म्यूनिख षड्यंत्र ता पोर्टेल हीतोरा च्यांग काई-शेक इद अंगडम ता पोल्लो इतेके कामरेड माओ इद लेख लोप्पा खंडन कित्ता पोल्लोंगकिन सम्मेलन तुकू मुन्नेटा म्यूनिख बनेमायोंग इंजी पेश कीसि मत्तोर।
3. सितम्बर 1938 लोप्पा ब्रिटेन, फ्रांस, जर्मनी ओसो इटली ता सरकार कुना मेन नेता लोर जर्मनी ता म्यूनिख शहर लोप्पा मीटिंग केयसी म्यूनिख समझौता कीसि मत्तोर, ताना अनुसार ब्रिटेन ओसो फ्रांस चेकोस्लोवकिया किन जर्मनी कैदे वमसितोर, ओरु आल्सतोर इद्रम कितेके तीना बदला ते सोविय संघ पोर्टे हमला कियार इंजी आल्सतोर। 1938 ओसो 1939 लोप्पा ब्रिटिश ओसो अमरीकी साप्राज्यवाद तल सुलह-समझौता कियाना चाल चले कितोरा जून 1939 ते कामरेड माओ त्सेतुंग इद लेख किन रास्तोर, अस्केने ब्रिटेन ओसो जापान नडमा इद साजिश किन साकार रूप हियाला काजे ओसो उंदी बेरा वार्ता ताकता। इदिन “मुन्नेटा म्यूनिख” बारांकु इंतोर इतेके इद षड्यंत्र ओसो ब्रिटेन, फ्रांस, जर्मनी ओसो इटली ता म्यूनिख ते कित्ता षड्यंत्र लोप्पा समानता मत्ता।
4. “सुलह-शांति बने कियाना ता समर्थक लोर इतेके चीनी आत्मसमर्पणवादिरा दृष्टिकोण, डावपेंच ओसो साजिश कुल जोड़” ते कामरेड माओ त्सेतुंग ना संकेत च्यांग काई-शेक ना दृष्टिकोण, डावपेंच ओसो साजिश कुनाए मत्ता। अद समय ते अप्रच्छन्न आत्मसमर्पणवादिरा मुख्य सरगना वांग चिंग-वेइ मत्तोर ओसो जापान-विरोध मोर्चा लोप्पा मकसी मत्ता आत्मसमर्पणवादिरा मुख्य सरगना च्यांग काई-शेक मत्तोर, ओरु कामरेड माओ त्सेतुंग इत्ता लेकका, प्रच्छन्न वांग चिंग-वेइ मत्तोर ओसो वांग चिंग-वेइ ना लेकका मत्तोरा।

5. इगा कामरेड माओ त्सेतुंग ना हिसाब ते च्यांग काई-शेक ओसो वांग चिंग-वेइ ना कार्हवाईंग उंदी युगल-अभिनय लेका मत्ता। (युगल-अभिनय वेराइटी-शो ता उंदी प्रोग्राम मत्ता ताना लोप्पा वरोर माने पेरकेटल पाटा पारितोर, दूसरा माने वडकवा लेवा केवल पेरकेटेल वायना आवाज पोर्रे मंच पोर्रे नाटक कींतोर - अनु.)।
6. अद समय ते क्वोमिंगतांग लोप्पा सुलह-शांति बने कियाना ता समर्थक, अदिना सरगना च्यांग काई-शेक मत्तोर, रेंडु रकम ता चाल चलेमातोर। उंदी बगिल ओरू जापान ता प्रतिरोध कियाना चाल चलेमातोर ओसो दूसरा बगिल विभिन्न तरीकांग ने आत्मसमर्पण कियाना कार्हवाईंग किसोर मत्तोर, अद्रमे चीन ता क्लासिकी आपेरा करसना लेक्का, ताना लोप्पा उचुन भूमिका नायक ना रूप ते तम्मा चेहरा पोर्रे लाल मेक-अप कीसि मंतोर ओसो उचुन गुंडा लोरा रूप ते पांडरी मेक-अप किंतोर।
7. जनवारी 1939 लोप्पा च्यांग काई-शेक क्वोमिंगतांग ता पांचवी केन्द्रीय कार्यकारिणी कमेटी ता पांचवा पूर्ण अधिवेशन लोप्पा खुल्लमखुल्ला ओरू पेश कित्ता “प्रतिरोध-युद्ध किन आखरी एवनल ताकी कियाना” ता बारे ते “आखरी एवनल ताकी कियाना” इत्तेके “लूकओछ्याओ घटना तुकू मुन्ने टा परिस्थिति किन दोबारा बने कियाना” आंता इंजी ऐलान कित्तोर। अदिन काजे कामरेड माओ त्सेतुंग च्यांग काई-शेक ना आत्मसमर्पणवादी नीति ता विरोधी कियाला काजे ठोस रूप ते “आखरी एवनल ताकी कियाना” इत्तेके “लड़ेमासोर-लड़ेमासोर यालू डोड्डा एवनल एव्वना ओसो तम्मा पोहता सब्बे इलाकांग किन वापस पोयना” पोल्लो पोर्रे जोर हीतोर।
8. “टकराव” शब्द अद समय वेल्ले प्रचार आसी मत्ता। अद्रमासी क्वोमिंगतांग प्रतिक्रियावादिरा रक-रकम ता प्रतिक्रायवादी कार्हवाईंग ना बगिल संकेत कित्ता मत्ता अदिना संगे ओरू जापान-विरोधी राष्ट्रीय संयुक्त मोर्चा लोप्पा तोडफोड़ कियानोर ओसो कम्युनिस्ट पार्टी, प्रगतिशील शक्तिंग ना विरोध कियानोर।
9. 13 दिसम्बर 1937 ते जापानी सेना नानकिंग पोर्रे कब्जा कित्ता। 16 जनवारी 1938 ता जापान सरकार उंदी स्टेटमेंट जारी कित्ता, ताना लोप्पा जापान “नेटल राष्ट्रीय सरकार किन समझौता-वार्ता काजे विरोधी पक्ष मानेमायो आयर ओसो अदु उंदी पूना सरकार ता स्थापना कियाना इंजी” आशा कींता।

अदे समय ते अक्कूबर ते जापानी सेना क्वांगचओ ओसो ऊहान पोर्हे कब्जा कित्ता। प्रतिरोध-युद्ध ता बारे ते च्यांग काई-शेक ना डुलमुल रुख ता फायदा तेहची जापान सरकार तना नीति बदलेकीसि अदिन आत्मसमर्पण काजे तैयार कियाना नीति लागू कित्ता। जापान सरकार 3 नवम्बर ते उंदी ओसो स्टेटमेंट जारी कित्तोर, ताना लोण्ठा “साप्राज्य राष्ट्रीय सरकार संगे समझौता कियाना तुकू इनकार किवोर, अदु तना हमेशा तले गलत मत्ता नीति किन, विड्सना ओसो पुनर्वास ता काम कियाना ओसो शांति, व्यवस्था किन बचे कियाला काजे पूना मानेयना नियुक्त कियाना” इंजी इत्ताद मत्ता।

## प्रतिक्रियावादिर किन सजा हियालाए लागियर<sup>13</sup>

1 अगस्त 1939

नेंडु पहली अगस्त ते माटु इगा उंदी शोक-सभा लोप्पा शामिल आयला काजे उंदी आसी मंतोमा। इद शोक-सभा माटु बारांकु किया मंतोम? बारांकु इत्तेके प्रतिक्रियावादिर क्रांतिकारी कामरेड्स किन हौकतोर, जापान-विरोधी योद्धा लोरकिन हौकतोर। इद जमाना ते बोना किन हौकना जरूरत मंता। इद जमाना ते जीनी गद्दार लोरा ओसो जापानी साप्राज्यवादिर किन हौकना जरूरत मंता। चीन जापानी साप्राज्यवादिरा खिलाफ रेंडु साल तल लडेमाया मंता, मति हार-जीत ता फैसला इंजे एवनल आताद हिललो। चीन ता गद्दार लोर इंजे वेने वेल्ले सक्रिय मंतोर, ताना लोप्पा वेल्ले कम लोकुर डोलतोर। मति क्रांतिकारी कामरेड्स, जापान-विरोधी योद्धा लोर किन हौकताद मंता। बोर हौकतोर? सेना। सेना जापान-विरोधी योद्धा लोरकिन बारांकु हौकतोर? सेना आदेश ता पालन किसोर मत्ता, उचुन मुल ओनकिन हौकना आदेश हिसी मत्तोर। सेना किन हौकना आदेश बोर हितोर? प्रतिक्रियावादिर। कामरेड्स! तर्कसंगत रूप ते हूडतेके जापान-विरोधी योद्धा लोर किन बोर हौकला आलिसंतोर? ओर किन मुन्ने जापानी साप्राज्यवादीर हौकला आल्सनोर, दूसरा वांग चिंग-वेइ लेककाटा चीनी गद्दार ओसो देश किन वम्मसियाला आल्सनोर। मति इद हत्याकांड शांघाई, पेंगिंग, थ्येनचिन या नानकिंग, ओसो जापानी आक्रमणकारी लोर ओसो चीनी गद्दार लोरा कब्जा ते मत्ता दूसरा इलाकांग लोप्पा आताद हिल्ले, इद फिंगच्यांग लोप्पा, प्रतिरोध-युद्ध ता पृष्ठभाग लोप्पा आता, ओसो इदिना शिकार आतोर, ओरा लोप्पा पूना चौथी सेना ता फिंगच्यांग संपर्क-कार्यालय ता जिम्मेदार कामरेड थू चंग-खुन ओसो लो चि-मिंग वेने शामिल मंतोर। तीना लोप्पाटल चीनी प्रतिक्रियावादिरा उंदी गिरोह जापनी साप्राज्यवादिर ओसो वांग चिंग-वेइ ना आदेश

<sup>13</sup> \*इद भाषण कामरेड माओ त्सेतुंग फिंगच्यांग हत्याकांड ता शहीद लोरा सुरता ते येनान ता जनता ना बगिल तल कित्ता शोक-सभा ते हीताद मत्ता।

तेने इद हत्याकांड कित्तोरा। आत्मसमर्पण कियाना तैयारी ते प्रतिक्रियावादिर वेल्ले चापलूसी किसोरे जापानि लोर ओसो वांग चिंग-वेइ ना आदेश किन लागू कित्तोर ओसो मुन्ने जापान-विरोधी दृढ़-संकल्प योद्धा लोर किन हौकतोरा। इद बदे मामूली घटना आयो, माटु जरूर इदिना विरोध कियाना, माटु जरूर इदिना निन्दा कियाना।

इंजे पूरा देश जापान ता प्रतिरोध किसोरे मंता, पूरा देश ता जनता प्रतिरोध कियाला काजे उंदी महान एकता बने कित्तोरा। मति इद महान एकता लोप्पा शामिल उचुन मुल प्रतिक्रियावादी ओसो आत्मसमर्पणवादीर आंदुरा। ओरु बाता किया मंतोर? आत्मसमर्पण ता हर्दे मुन्ने दायला काजे ओरु जापान-विरोधी लोकुर किन हौका मंतोर, प्रगति ता हर्दे बाधा वाटा मंतोर ओसो जापान आक्रमणकारी लोर, चीनी गद्दार लोरा संगे गठजोड़ किया मंतोरा।

जापान-विरोधी कामरेड्स लोर किन हौकना गंभीर समस्यांग पोर्रो बदे बोरे कार्रवाईंग कित्तोर? हत्या 12 जून ता 3 बजे आता, मति अस्केटल नेंडु पहली अगस्त एवनल, माटु बोनके वेने उंदी डाका वाटसी बदे कार्रवाईंग कियानास्के हूडताद मंता? या हिल्ले। इद काम किन बोर कियाना? देश ता कानून किन ओसो अदिना न्यायाधीश लोर किन। इद्रम ता घटना शेनशी-कानसू-निंगश्या बार्डर एरिया लोप्पा आतेके मावा उच्च न्यायालय वेल्ले मुन्ने ने कार्रवाई कीसि मनवडा। फिंगच्यांग हच्याकांड किन दो महीनांग आया मंतांग, मति कानून ओसो न्यायाधीशलोर बाताले कीवोर। अदिना बाता कारण मत्ता? बारांकु इतेके चीन लोप्पा एकीकरण<sup>2</sup> हिल्ले।

चीन किन जरूर एकीकृत आयना जरूरत मंता, एकीकरण लेवा जीत हासिल आया परवो। मति एकीकरण इतेके बातल? इद्रम इतेके सब्बे तोर किन जापान ता प्रतिरोध कियाना जरूरत मंता, एकताबद्ध आयना जरूरत मंता ओसो प्रगति कियाना ओसो योग्य पुरस्कार ओसो दंड ता व्यवस्था मंदाना जरूरत मंता। पुरस्कार बोनकिन हियाना? जापान-विरोधी लोकुर, एकता ता समर्थक लोर ओसो प्रगतिशील लोकुर किन। दंड बोनकिन हियाना? प्रतिरोध, एकता ओसो प्रगति ता तहस-नहस कियाना चीनी गद्दार लोर ओसो प्रतिक्रियावादीर किन। इंजे मावा देश एकीकृत मंता? या हिल्ले। फिंगच्यांग हत्याकांड इदिना प्रमाण आंदा। इद घटना तिंचि एकीकरण आयना मंदिता आगा एकीकरण आत्ताद हिल्ले। माटु वेल्ले मुन्ने ने पूरा देश ता एकीकरण ता मांग कीसोर वाताद मंता। मुन्ने, प्रतिरोध-युद्ध पोर्रो आधार ते एकीकरण कियाना। मति इंजे जापान-विरोधी थूं चंग-खुन, लो चि-मिंग ओसो दूसरा कामरेड्स किन पुरस्कार हिवा लेवा ओसा निर्मम हत्या कित्तोर, ओसो प्रतिरोध-युद्ध ता विरोध

कियाना बदमाश लोर किन आत्मसमर्पण ता तैयारी कींतोर ओसो लोकुरकिन हौकतोर, दंड हिवा लेवा हीवोर आंतोरा इदे एकीकृत आयवा मंदाना माटु बदमाश लोर ओसो आत्मसमर्पणवादिरा विरोध कियाना ओसो हौकानोर किन गिरफ्तार कियाना। दूसरा एकता पोर्हे आधार ते एकीकरण कियाना। बोर एकता ता पक्ष एतिंतोर ओरकिन पुरस्कार हियाना ओसो बोर एकता लोप्पा फूट वाटिंतोर ओरकिन सजा हियाना। मति इंजे एकता ता समर्थक थू चंग-खुन, लो चि-मिंग ओसो दूसरा कामरेड्स किन सजा हिताद मंता ओसो ओरा निर्मम हत्या कित्तोरा तीसरा प्रगति पोर्हे आधार आसी एकीकरण कियाना। पूरा देश किन प्रगति कियाना, पेरके ताकनोर किन मुन्ने ओयना मानेय ना संगे-संगे ताकना कोशिश कियाना, मुन्ने दायना मानेय किन पेरके पिङ्गनोरा स्पीड ता स्तर ते बिल्कुल तत्तानायो। फिंगच्यांग हत्याकांड ता आरोपी लोर प्रगतिशील लोकुर किन हौकतोर। प्रतिरोध-युद्ध शुरू आतेके इंजे एवनल सैकड़ों कम्युनिस्ट लोर ओसो देशभक्त लोर किन गुप्त रूप ते हौक्तोर, फिंगच्यांग हत्याकांड केवल इदिना इंजेटा उदाहरण आंदू इद सिलसिला जारी मतेके चीन ता विनाश आयारा सब्बे जापान-विरोधी लोकुरा हत्या वेने आया परिंता। जापान-विरोधी लोकुर किन बारांकु हौकना? इद्रम इतेके चीन ता प्रतिक्रियावादी जापानी साम्राज्यवाद ओसो वांग चिंग-वेइ ना आदेश कुना पालन कीसि आत्मसमर्पण काजे तैयार किया मंतोर, ओसो इदिना शुरूआत ओरु जापान-विरोधी सैनिक, कम्युनिस्ट ओसो देशभक्त लोरकिन हौकसी कित्तोरा इद्रम ता घटनांग किन रोमी किवेके, इव प्रतिक्रियावादीरा कैदे चीन ता अस्तित्व खत्म आयारा अदिन काजे इद हत्याकांड महत्व पूरा देश काजे मंता, ओसो इद उंदी वेल्ले गंभीर विषय आंदू माटु जरूर राष्ट्रीय सरकार तगड़ल प्रतिक्रियावादिरकिन कड़ी सजा हियाना मांग कियाना।

कामरेड्स जापानी साम्राज्यवाद गडबडी पैदा कियाना ता तन्ना कार्बाईंग किन वेल्ले कित्तोर ओस जापान ता मदद कियाना लोप्पा अंतर्राष्ट्रीय साम्राज्यवाद वेने मुन्नेटल ओसो ज्यादा सक्रिय आता<sup>3</sup> ओसो चीन लोप्पाटा गद्दा, प्रच्छन्न ओसो अप्रच्छन्न वांग चिंग-वेइ लेककाटोर, प्रतिरोध युद्ध लोप्पा तोडफोड कियाना, एकता लोप्पा फूट वाटना ओसो प्रतिगामी कार्बाईंग कियाना लोप्पा ओसो ज्यादा सक्रिय आत्तोरा। ओरु मावा देश ता ज्यादातर हिस्सांग किन दुश्मन कैदे हियाला आल्सा मंतोरा। इंजे मावा देश लोप्पा “दुश्मन पार्टिंग किना कार्बाईंग किन रोमी कियाना तरीका”<sup>4</sup> पोर्हेल ता उंदी गुप्त तरीका व्यापक रूप ते लागू किया मंतोरा। अदिना

अन्तवर्स्तु पूर्ण रूप ते प्रतिक्रियावादी आंदुर, ओसो इद जापानी साप्राज्यवाद काजे फायदा मंता ओसो प्रतिरोध, एकता, प्रगति काजे नुकसानदायाक मंता। “दुश्मन पार्टिंग” बवु? जापानी साप्राज्यवाद, वांग चिंग-वेइ ओसो चीनी गद्दारा एकता आसी जापान ता प्रतिरोध कियाना कम्युनिस्ट पार्टिंग ओसो दूसरा सब्बे पार्टिंग, “दुश्मन पार्टिंग” आंदुंग? इंजे आत्मसमर्पणवादी, प्रतिक्रियावादी ओसो कट्टुरतावादी पुंजी-पुंजी जापान-विरोधी ताकत कुना लोण्ठा टकराव ओसो फूट पैदा कियान मंतोरा इद्रम ता चाल सही मंताया गलत? इद बिल्कुल गलत मंता। “रोमी कियाना” ता सवाल, बोनकिन रोमी कियाना सवाल कियाना? जापानी साप्राज्यवादीर, वांग चिंग-वेइ, प्रतिक्रियावादिर ओसो आत्मसमर्पणवादिर किन रोमी कियाना। माटु “दुश्मन पार्टिंग ना कार्वाईंग किन रोमी कियाना तरीका” ना विरोध कियाना, बारांकु इत्तेके इद एकता किन नष्ट कियाना रक-रकम ता अपराधपूर्ण व्यवहार कुना मोदोल आंदू प्रतिरोध-युद्ध किन जारी तासना, एकता ओसो प्रगति किन बचे कियाला काजे माटु नेंडु इगा सभा किया मंतोमा। इद उद्देश्य ता काजे “दुश्मन पार्टिंग ना कार्वाईंग किन रोमी कियाना तरीकांग” किन रद कियाना, आत्मसमर्पणवादिर ओसो प्रतिक्रियावादिर किन सजा हियाना ओसो सब्बे क्रांतिकारी कामरेड्स, सब्बे जापान-विरोधी कामरेड्स ओसो जापान-विरोधी जनता ना रक्षा कियाना (सब्बेतोर उत्साहपूर्ण नारांग केयतोर)।

## नोट

1. 12 जून 1939 ते च्यांग काई-शेक ना गुप्त आदेश ते क्वोमिंगतांग ता 27 वी ग्रुप-सेना सैनिक लोरकिन लोहची हुनान प्रांत ता फिंगच्यांग लोप्पा मंदाना पूना चौथी सेना ता संपर्क-कार्यालय किन घेराव किया वेहोतेर ओसो पूना चौथी सेना ता स्टाफ-आफिसर कामरेड थू चंग-खुन ओसो आठवीं राह सेना ता मेजर ओसो एडजुटेंट कामरेड लो चि-मिंग लेक्काटा 6 कामरेड्स ना निर्मम हत्या कित्तोरा इद हत्याकांड तल सब्बे जापान-विरोधी जनवादी आधार इलाकांग ना जनता लोप्पा ओसो क्वोमिंगतांग शासन कियाना इलाकांग ना न्यायप्रिय लोकुरा लोप्पा होंग फैलेमाता। च्यांग काई-शेक ओसो ओनकिन मानेमायनोर आदेश तेने इद हत्याकांड आता। कामरेड माओ त्सेतुंग तन्ना भाषण लोप्पा वेहता प्रतिक्रियावादिर च्यांग काई-शेक ओसो ओनकिन मानेमायनोर मत्तोर।
2. कामरेड माओ त्सेतुंग “एकीकरण” ता इद पोल्लो क्वोमिंगतांग प्रतिक्रियावादिरा क्वोमिंगतांग प्रतिक्रियावादिरा “एकीकरण” पोर्णेल ता कम्युनिस्ट पार्टी ता नेतृत्व ते ताकना जापान-विरोधी सशस्त्र सेनांग ओसो जापान-विरोधी आधार-क्षेत्र ता विनाश कियाना कोशिश कीसि मत्ता षड्यंत्र ता जवाब हीताद मत्ता। जापान ता संयुक्त प्रतिरोध कियाला काजे क्वोमिंगतांग-कम्युनिस्ट पार्टी पोर्णे हमला कियाला काजे क्वोमिंगतांग ता मुख्य हथियार बनेमाता। अदु कम्युनिस्ट पार्टी पोर्णे पूना पाटा पारिंता, एकीकरण लोप्पा बाधा वार्टिंग ओसो प्रतिरोध किन नुक्सान कींता इंजी आरोप वाटता इद प्रतिक्रियावादी कोलार अस्के वेल्ले बेरसिस मत्ता ओसो जनवरी 1920 लोप्पा क्वोमिंगतांग ता पांचवी केन्द्रीय कार्यकारिणी कमेटी ता पांचवा पूर्ण अधिवेशन लोप्पा च्यांग काई-शेक प्रस्ताव कित्ता “दुश्मन पार्टिंग ना कार्वाईंग किन रोमी कियाना तरीका” स्वीकार कित्ताद मत्ता। कामरेड माओ त्सेतुंग “एकीकरण” ता नारा किन क्वोमिंगतांग प्रतिक्रियावादिरा कैदल ऊंदसी अदिन क्वोमिंगतांग ता जन-विरोधी ओसो राष्ट्र-विरोधी फूटपरस्त व्यवहार कुना विरोध कियाला काजे उंदी क्रांतिकारी नारा बने कित्तोर।

3. हूडाटु कामरेड माओ त्सेतुंग ना रचना “आत्मसमर्पणवादी कार्रवाईंग ना विरोध कीमुट” इंदाना रचना लोप्पा कित्ता विश्लेषण। अक्टूबर 1938 ते ऊहान खत्म आता पेरके, क्वोमिंगतांग ता बारे ते जापानी आक्रमणकारीरा मुख्य नीति मत्ता राजनीतिक धोखेबाजी ते गति कीसि आत्मसमर्पण कियी कित्तोरा ब्रिटिश प्रधान मंत्री चेम्बरलेन काल्पनिक “मुन्नेटा पुनर्निर्माण” लोप्पा शामिल आयना लक्ष्य तेने पेश कित्तोरा 1939 लोप्पा जापानी-आक्रमणकारी लोर ओसो अंतर्राष्ट्रीय साप्राज्यवाद तन्ना षड्यंत्र कुन बेरसी कित्ता। अदे साल अप्रैल महीना ते चीन ते मत्ता ब्रिटिश राजदूत क्लार्क-कर शांति वार्ता ता तैयारी कियाना काजे च्यांग काई-शेक ओसो जापानी आक्रमणकारी लोरा नड्मा काम कित्तोरा। जुलाई लोप्पा ब्रिटेन ओसो जापान नड्मा समझौता आता, अदिना अनुसार ब्रिटिश सरकार जापानी आक्रमणकारी लोर चीन लोप्पा पुढी कित्ता काल्पनिक “व्यवहारिक परिस्थिति” किन पूर्ण रूप ते मान्यता हियाला काजे तैयार आता।
4. 1939 लोप्पा क्वोमिंगतांग ता केंद्रीय अधिकारी लोर गुप्त रूप ते “दुश्मन पार्टिंग ना कार्रवाईंग किन रोमी कियाना तरीका” पोर्होल ता दस्तावेज जारी कित्तोर ताना लोप्पा कम्युनिस्ट ओसो सब्बे दूसरा प्रगतिशील लोकुरा विचारकु, भाषणकु ओसो कार्रवाईंग पोर्हो कङ्डी पाबंदी वाटना ओसो जापान-विरोधी सब्बे जन-संगटन कुन नष्ट कियाना कोशिश कियाना तैयारी कित्तोर, ओसो क्वोमिंगतांग ता हिसाब ते “कम्युनिस्ट सबसे ज्यादा सक्रिय मंदाना” जागा ते जनता ना गतिविधिंग पोर्हो हमेशा कोंडा तासना ओसो अविना पोर्हो नियंत्रण कियाला काजे “सामूहिक रूप ते जिम्मेदारी ओतना ओसो सजा हियाना कानून” लागू कियाना, “पाओ-च्या” प्रशासनिक संगटन कुना लोप्पा व्यापर रूप ते “इन्फार्मरमेशन दोरकी कियाना जाल” इत्तेके प्रतिक्रांतिकारी खुफिया दल बने कियाना इंजी वेने जारी कित्तोरा।

## पूना अंतर्राष्ट्रीय परिस्थिति बारे ते “नव चीन दैनिक” ता संवाददाता किन इन्टरव्यू

1 सितम्बर 1939

**संवाददाता:** सोवियत संघ ओसो जर्मनी नडमा आता अनाक्रमण-समझौता<sup>1</sup> ता महत्व बाताल?

**माओ त्सेतुंग:** सोवियत-जर्मनी अनाक्रमण-समझौता सोवियत संघ ता बेरसोरे मत्ता समाजवादी ताकत ओसो सोवियत सरकार ता अडिग शान्ति-नीति ता कारण आंदू इद समझौता चेम्बरलेन ओसो डालादियार प्रतिनिधित्व कियाना प्रतिक्रियावादी अंतर्राष्ट्रीय पूऱीपति वर्ग, सोवियत-जर्मनी युद्ध भडके कियाना षड्यंत्र कुन गुंडा-गुंडा किसिता, कम्युनिस्ट-विरोधी जर्मन-इटालवी-जापानी गुट सोवियत संघ खिलाफ कित्ता घेराबंदी किन तोडे कित्ता, सोवियत संघ ओसो जर्मनी नडमा शांति किन मजबूत कित्ता ओसो सोवियत संघ लोप्पा समाजवादी निर्माण ता प्रगति ता रक्षा कित्ता। मुने, इद समझौता जापान किन नुक्सान कींता ओसो चीन किन सहायता कींता, इद चीन ता जापान-विरोधी ताकत कुना परिस्थिति किन मजबूत किंता ओसो चीन ता आत्मसमर्पणवादिरा पोर्रे हमला कींता। इव सब्बे पोल्लोंग स्वतंत्रता ओसो मुक्ति हासिल कियाना लोप्पा पूरा दुनिया ता जनता किन मदद कियाला काजे उंदी आधार पेश कींता। इदे सोवियत-जर्मन अनाक्रमण-समझौता ता राजनीतिक महत्व आंदू।

**सवाल:** सोवियत-जर्मन अनाक्रमण-समझौता, आंग्ल-फ्रांसीसी-सोवियत वार्ता देगता कारण तेने आता इंजी इंजे एवनल वेने इचुन लोकुर इव समझेमात्ताद हिल्ले। मीट आंग्ल-फ्रांसीसी-सोवियत वार्ता बारांकु असफल आता इंदाना पोल्लो पोर्रे इचुन वेहतेके बेस आयारा।

**जवाब:** वार्ता ता असफल आयाना कारण केवल ब्रिटिश ओसो फ्रांसीसी सरकार कुना जीवा ते बेर्ईमानी मंदानादु आंदू। इंजेटा उचुक सालकुना लोप्पा

प्रतिक्रियावादी अंतर्राष्ट्रीय पूँजीपति वर्ग, ओसो खासकर ब्रिटिश ओसो फ्रांस ता पूँजीपति वर्ग, फासीवादी जर्मनी, इटली ओसो जापान ता आक्रमण ता बारे ते उंदी प्रतिक्रियावादी नीति इतेके “गैर-हस्तक्षेप” ता नीति पोर्णे ताकसोर मंदुरा इद नीति ता उद्देश्य आक्रमणकारी युद्ध कुन भडके कियाना ओसो अदिना फायदा तेहाना आंदू अदिन काजे उंदी सही आक्रमण-विरोधी मोर्चा बने कियाना काजे सोवियत संघ बार-बार पेश कित्ता प्रस्ताव किन ब्रिटिश ओसो फ्रांस ठुकरे किसिता। ओरु उंदी बगिल मंजी “गैर-हस्तक्षेप” ता रुझान लागू कित्तोर ओसो जर्मन, इटली ओसो जापानी आक्रमण किन भडके कित्तोरा ओरा उद्देश्य युद्ध लोप्पा शामिल आयाना रेंडासी पक्ष वरोनकु-वरोर किन दोगी कित्तास्के ओरु मुन्ने वासी हस्तक्षेप कियानादु मत्ता। इद प्रतिक्रियावादी नीति पोर्णे अमल किसोरे, ओरु आधा चीन ता बलिदान हिसी अदिन जापान किन सौंपे कित्तोर ओसो पूरा अबीसीनिया, स्पेन, आस्ट्रिया ओसो चेकोस्लोवाकिन ता बलिदान हिसी अविन जर्मनी ओस इटली किन सौंपे कित्तोरा<sup>2</sup> ताना पेरके ओरु सोवियत संघ ता बलिदान कियाला आल्सतोरा। इद षड्यंत्र इंजेटा आंग्ल-फ्रांसीसी-सोवियत वार्ता ताकनास्के स्पष्ट रूप ते दिसता। इद वार्ता 15 अप्रैल तल 23 अगस्त एवनल नालुंग महिनांग तुकू ज्यादा ताकता ओसो अदे समय ते सोवियत संघ वेल्ले बेहरा काम कित्ता। मति, ब्रिटिश ओसो फ्रांस शुरू तल आखरी एवनल समानता ओसो आपसी संबंध कुना उमूल कुन ठुकरे किसोर मत्तोरा। ओरु सोवियत संघ ओसो बाल्टिक ओदा ता सुडला देशकुना सुरक्षा ता गारंटी तुकू इनकार कित्तोर बारांकु इतेके उंदी हर्ही खुल्ला मत्तेके जर्मनी हमला किया परिंता इंजी ओसो ओरु सोवियत सेनांग किन आक्रमणकारिरा संगे लडेमायला काजे पोलैंड तल दायला हियानायो इंजी मांग कित्तोरा। अदिन काजे ने इद वार्ता तेगता। अदिन नडमा जर्मनी सोवियत संघ ता विरुद्ध तन्ना कार्वाईंग किन बंद कियान ओसो काल्पनिक “कम्युनिस्ट इन्टरनेशनल विरोधी समझौता”<sup>3</sup> रदा कियाना विचार पेश कित्ता ओसो सोवियत जटिलतांग किन मानेमात्ता, ओसो इद्रमे सोवियत-जर्मन आनाक्रमण-समझौता आता। अंतर्राष्ट्रीय प्रतिक्रियावादीर ओसो खासकर आंग्ल-फ्रांसीसी प्रतिक्रियावादीरा “गैर-हस्तक्षेप” ता नीति “मेट्रा पोर्णे उदसी दुव्वलकु लडेमायनादु हूडसोर मंदाना” ता नीति आंदू, दूसरोर किन नुकसान कीसि खुद किन बचे कियाना साप्राज्यवादी नीति आंदू। अदिना शुरूआत चेम्बरलेन ना कार्यभार सम्भाले कित्तागडल आता ओसो हत्ता साल सितम्बर ता म्यूनिख-समझौता लोप्पा वेल्ले बेर्सता ओसो आखरी ते, आंग्ल-फ्रांसीसी-सोवियत वार्ता लोप्पा खत्म आता।

इंजे इदग परिस्थिति अनिवार्य रूप ते आंग्ल-फ्रांसीसी ओसो जर्मन-इटालवी रेंडासी बेहरा साप्राज्यवादी गुट ना नडमा सीधा टक्कराव ता रूप ते विकसित आयरा नना अक्टूबर 1938 लोप्पा चीनी कम्युनिस्ट पार्टी ता छठी केंद्रीय कमेटी ता छठवी पूर्ण अधिवेश लोप्पा “चेम्बरलेन ना नीति ता अनिवार्य परिणाम ‘बदे बेहरा बंडा तेहची खुद ता काल उंगी कियाना लेकका मंता’ इंजी इत्ताना” चेम्बरलेन दूसरोर किन नुक्सान कियाना प्रयोजना ते शुरू कित्तोर, मति अदु खुद किने बरबाद कीसिता। इद विकास ता नियम आंदू इदु सब्बे प्रतिक्रियावादी नीतिंग पोरों लागू आंता।

**सवाल:** नीवा हिसाब ते वर्तमान परिस्थिति ता विकास बद्रम आयार?

**जवाब:** वर्तमान अंतर्राष्ट्रीय परिस्थिति उंदी पूना कालम ते प्रवेश कित्ता। उचुन समय तल ताक्सोरे मत्ता दूसरा साप्राज्यवादी युद्ध ता परिस्थिति, इत्तेके अदिना लोप्पा “गैर-हस्तक्षेप” ता नीति ता कारण ते साप्राज्यवादी राज्य कुना उंदी गुट हमला कींता ओसो दूसरा तमाशा हूँडसोर मंदाना परिस्थिति आंदू योरोप किन हूँडितेके अदु बदलेमायार ओसो अदिना स्थान अनिवार्य रूप ते सर्वव्यापी युद्ध ता परिस्थिति बनेमायार। दूसरा साप्राज्यवादी युद्ध उंदी पूना काल ते प्रवेश कीसि मंता।

योरोप लोप्पा, जर्मन-इटली ओसो आंग्ल-फ्रांसीसी साप्राज्यवादी गुट कुना नडमाटा उपनिवेश कुना जनता पोरों तन्ना शासन कियाला काजे लडेमाया मंतांग, बेहरा स्तर ता साप्राज्यवादी युद्ध जलदीए शुरू आयार। इद युद्ध लोप्पा, रेंडासी पक्ष जनता किन धोखा हियाला ओसो लोकमत ता समर्थन दोरकी कियाला काजे लज्जा हिल्वा लेकका तन्ना पक्ष किन न्यायपूर्ण ओसो विपक्ष किन अन्यापूर्ण घोषित कींतांग। असल ते इद उंदी धोखा आरंदू बारांकू इत्तेके, रेंडासिए पक्षकुना उद्देश्य साप्राज्यवादी आंदू ओसो रेंडासिए पक्ष उपनिवेश कुना ओसो अर्ध-उपनिवेश कुना पोरों तन्ना-तन्ना कब्जा कियाना ओसो प्रभावित इलाकांग कुव ऊंदला काजे लडेमाया मंतांग ओसो उंदी निंदनीय युद्ध आंदू नेंदु, अवु पोलैंड, बलकान प्रायद्वीप ओसो भूमध्य सागर कुन ऊंदाला काजे लडेमाया मंतांग। इद्रम ता युद्ध उंदी न्यायपूर्ण युद्ध बिल्कुले हिल्ले। दुनिया लोप्पा न्यायपूर्ण युद्ध केवल लूटपाट काजे आयवा मुक्ति काजे ने ताकना युद्धे न्यायपूर्ण आंदू कम्युनिस्ट बदे वेने निंदनीय युद्ध ता बदे वेने परिस्थिति ते समर्थन किवोर ओसो संघर्ष ता अग्रिम मोर्चा ते डटे मासी मंदानूर। चेम्बरलेन ओसो डालादियर ना धमकिंग ओसो लालच ते दूसरी इन्टरनेशनल लोप्पा शामिल आता सामाजिक-जनवादी पार्टिंग ना विघटन आया मंता। अविना उंदी हिस्सा, इत्तेके उच्च श्रेणी ता प्रतिक्रियावादी लोकुर, पहली विश्वयुद्ध लोप्पा लागू

कित्ता पाड़ना विनाशकारी हर्री पोया मंतांग, ओसो अदु पूना साम्राज्यवादी युद्ध ता समर्थन कियाना काजे तैयार मंता। मति दूसरा हिस्सा कम्युनिस्ट लोरा संगे कलियसी युद्ध ओसो फासीवाद ता विरुद्ध जन-मोर्चा बने कियारा नेंडु चेम्बरलेन ओसो डालादियर जर्मनी ओसो इटली ता हर्दे ताका मंतोर ओसो कदम-कदम ते प्रतिक्रियावादी बने माया मंतोर, ओसो ओरु युद्ध-लामबंदी ता फायदा एतसी तन्ना-तन्ना देश लोप्पा सरकारी संगटनकुन फासीवादी बने किया मंतोर ओसो अर्थव्यवस्था ता सैन्यीकरण किया मंतोरा संक्षेप ते रेंडु बेहरा साम्राज्यवादी गुट बेयल आता लेक्का युद्ध ता तैयारी किया मंतांग ओसो लाखो-करोड़ों लोकुर किन हौकाना खतरा ता सामना किया लागा मंता। इव सब्बे पोल्लोंग आम जनता लोपा प्रतिरोध आंदोलन किन जागृत कियानुंगा। जर्मनी लोप्पा, इटली लोप्पा ब्रिटिश लोप्पा, फ्रांस लोप्पा, योरोप लोप्पा या दुनिया ता बदे वेने दूसरा हिस्सा लोप्पाई लोकुर साम्राज्यवादीरा तोप कुना शिकार आयवा मंदाला आलिसंतोर, इतेके ओरु जरूर तेंदितोर ओसो हर संभव तरीका ने साम्राज्यवादी युद्ध ता विरोध कियानोरा।

पूंजीवादी दुनिया ते मत्ता रेंडु बेहरा ग्रुप कु आयवा उंदी तीसरा ग्रुप वेने मंता, अदिना नेतृत्व अमरिका किया मंता ओसो ताना लोप्पा मध्य ओसो दक्षिणी अमरिका ता वेल्ले देशकु शामिल मंतांग। तन्ना हित किन ध्यान ते तासीसी इद गुट इंजे युद्ध लोप्पा शामिल आयो। उंदी बगिल मंजी पेरके मुन्ने वासी पूंजीवादी दुनिया ता नेतृत्व कैदे पोयला काजे संघर्ष किया परना इंजी अमरिका साम्राज्यवाद इंजे युद्ध ता बदे वेने पक्ष ते शामिल आयो। इदु अमरीका पूंजीपति वर्ग तन्ना देश लोप्पा लोकशाही ओसो शांति कालीन आर्थिक पिस्वल किन खत्म कियाला काजे तैयार हिल्ले इंदाना विश्वशांति आंदोलन काजे फायदा दोरकी कियाना पोल्लो आंदू।

सोवियत-जर्मन समझौता ता धक्का ते वेल्ले नुक्सान आता जापानी साम्राज्यवाद किन ओसो ज्यादा कठीन परिस्थितिंग संगे वायाना कालम ता सामना किया लागा मंता। जापान ता रेंडु अंदरूनी पक्ष विदेश नीति ता सवाल काजे आपस ते लड़ेमाया मंतांग। सैन्यवादी तत्व चीन पोर्रे एकाधिकारा बने कियाना, दक्षिण-पूर्व एशिया पोर्रे हमला कियाना ओसो ब्रिटिश, अमरिका ओसो फ्रांस किन पूर्व तल बाहर कियाना उद्देश्य काजे जर्मनी ओसो इटली संगे गठबंधन कियाला आल्सा मंतांग: दूसरा बगिल पूंजीपति वर्ग ता उंदी हिस्सा ब्रिटिश, अमरीका ओसो फ्रांस किन रियायतकु हियाना पक्ष एता मंतांग, इद्रम किकतेके जापान चीन किन लूटे कियाना पोर्रे तन्ना ध्यान केंद्रित किया परना इंजी। नेंडु ब्रिटिश संगे समझौता कियाना

उंदी बेसता रुझान मंता। ब्रिटिश प्रतिक्रियावादी, जापान संगे कलियसी चीन ता बंटवारा कियाना संगे-संगे जापान पूर्व ते ब्रिटिश ता हित कुना रक्षा कियाना नेयु लेक्का तन्ना सेवा कियार, चीन ता राष्ट्रीय मुक्ति आंदोलन किन खत्म कियार ओसो सोवियत संघ पोरों नियंत्रण कीयरा अदिन काजे बद्रम आतेकाई चीन किन गुलाम बने कियाना जापान ता बुनियादी लक्ष्य बस्केने बदलेमायो। जापान चीन लोप्पा नियमित मोर्चा ता रूप ते बेहगा स्तर ता सैनिक हमला कियाना ज्यादा संभावना हिल्वेकाई, अदु “चीनी लोकुर किन गुलाम बने कियाला काजे चीनी लोरा इस्तेमाल कियाना”<sup>4</sup> तन्ना राजनीतिक अभियान ओसो “युद्ध संगे युद्ध पोषण कियाना”<sup>5</sup> तन्ना आर्थिक आक्रमण किन तेज कियार ओसो संगेने मना कब्जा ते मत्ता इलाकांग लोप्पा बेयल लेक्का फौजी “सफाया”<sup>6</sup> जारी तासियर, इदे आयवा अदु ब्रिटिश संगे चीन किन आत्मसमर्पण कियाला काजे मजबूर कीयरा अनुकूल परिस्थिति ते अदु पूर्व ता म्यूनिख ता प्रस्ताव तासियर ओसो उचुन अपेक्षाकृत रियायतकुना लालच हिसी चीन किन आत्मसमर्पण ता शर्तकु मानेमायला काजे धमेकियार, इद्रम कितेके अदु चीन किन गुलाम बनेकियाना तन्ना उद्देश्य किन पूरा किया परिंता। जापानी शासक वर्ग मंत्रिमंडल लोप्पा बद्रमताई परिवर्तन आतेकाई, बस्के एवनल जापानी जनता क्रांति काजे तेदो आंता अस्के एवनल जापान ता इद साप्राज्यवादी उद्देश्य बस्केने बदलेमायो।

पूंजीवादी दुनिया ता बाहर उंदी वेड्चीते मंदाना दुनिया मंता ओसो अदु समाजवादी सोवियत संघ आंदू। सोवियत-जर्मन समझौता सोवियत संघ किन विश्वशांति आंदोलन किन ओसो जापान ता प्रतिरोध कियाना लोप्पा चीन किन ओसो ज्यादा सहायता हियाना मौका हींता।

अंतर्राष्ट्रीय परिस्थिति ता नावा मूल्यांकन इदे आंदू

सवाल: इद्रम ता परिस्थिति ते चीन ता वायाना कालम बद्रम मंदियर?

जवाब: रेंडु संभावनांग मंतांग। उंदी संभावना प्रतिरोध, एकता ओसो प्रगति पोरों डेटेमासी मंदानादु मंदाना इतेके राष्ट्र ता पुनरुद्धार कियाना ओसो दूसरा सुलह-समझौता कियाना, फूटपरस्ती ओसो प्रतिगमन ता संभावना मंता इतेके राष्ट्र ता गुलामी कियाना आंदू।

पूना अंतर्राष्ट्रीय परिस्थिति लोप्पा जापान किन ओसो ज्यादा कठिन परिस्थिति ता समाना किया लागतेकाई ओसो चीन सुलह-समझौता कियाना दृढ़ता ते इनकारा कितेकाई मना काजे रणनीतिक दृष्टि ते पेरके गुचना मंजिल समाप्त आंता ओसो

रणनीतिक ठहराव ता मंजिल शुरू आंता। रणनीतिक ठहराव ता मंजिल जवाबी हमला ता तैयारी ता मंजिल आंदू।

मति नियमति मोर्चा ता ठहराव इतेके दुश्मन ता केंद्र लोप्पा ठहराव ता बिल्कुल उलटा आंता। नियमित मोर्चा ता ठहराव ता उदय आता इतेके दुश्मन ता केंद्र लोप्पा संघर्ष गंभीर रूप एतियर। अदिन काजे ऊहान ता पतन आता पेरके दुश्मन तना कब्जा ते मत्ता इलाकांग लोप्पा (मुख्य रूप ते उत्तरी चीन लोप्पा) बेहरा स्तर ते फौजी “सफाया” कियाना मंता, अदु वेल्ले तेज आसोरे जारी मंदियार। इदे आयवा दुश्मन ता इंजेटा मुख्य नीति “चीनी लोरकिन गुलाम बने कियाला काजे चीनी लोरा इस्तेमाल कियाना” राजनीतिक अभियान ओसो “युद्ध संगे युद्ध ता पोषण कियाना” आर्थिक आक्रमण ता नीति आंदू, ओसो पूर्व ते ब्रिटिश ता नीति ता लक्ष्य वेल्ले मुन्नेटा म्यूनिख आंदू, अदिन काजे ज्यादातर हिस्सांग दुश्मन किन हियाना ओसो अंदरूनी फूट अरना खतारा वेल्ले बेरसियर। चीन इंजे वेने दुश्मन ता मुकाबला ते वेल्ले कमजोर मंता, ओसो बस्के एवनल पूरा देश कठिन संघर्ष काजे उंदी आयो अस्के एवनल अदु जवाबी हमला कियानाचोन मजबूत आयो आयार।

अदिन काजे, मावा देश काजे सबसे गंभीर कार्य नेंदु वेने प्रतिरोध- युद्ध पोर्से डेटेमासी मंदानादे मंता, ओसो तीना लोप्पा उचुन वेने ढील वायला हियानायो।

बदे डावुट लेवा, चीन वर्तमान मौका बद्रमाई कैदल दायला हियानायो ओसो बदे गलत फैसला बिलकुले कियावा लेवा अदु उंदी सदृढ़ राजनीतिक रुख लागी कियाना।

दूसरा हिसाब ते: मुने प्रतिरोध-युद्ध ता रुख पोर्से डेटेमासी मंदाना ओसो सुलह-समझौता ता हर चाल ता विरोध कियाना। वांग चिंग-वेइ लेक्काटा सब्बे प्रच्छन्न ओसो अप्रच्छन्न लोकुरा पोर्से दृढ़ता ते गंभीर देब्बा वाटना। जापान ता लालच हितेकाई या ब्रिटिश लालच हितेकाई, चीन दृढ़तापूर्वक इनकार कियाना ओसो अदिन पूर्व ता म्यूनिख लोप्पा बिलकुले शामिल आयला हियानायो।

दूसरा, एकता ता रुख पोर्से डेटे मासी मंदाना ओसो फूट वाटना चाल ता हर चाल किन विरोध कियाना इद्रम ता चाल कुना बारे ते वेल्ले सतर्क मंदाना, अदु जापान साम्राज्यवादी ता चाल आई या बदे दूसरा देश ता चाल, ओसो अदु घेरेलु आत्मसमर्पणवादिरा चाल आतेकाई। प्रतिरोध-युद्ध काजे नुकसानदायक मंदाना सब्बे अन्दरूनी टकराव कुना पोर्से रोक वाटना।

तीसरा, प्रगति ता रुख पोर्टे दृढ़ता ते डेटेमासी मंदाना ओसो हर रकम ता प्रतिगमन ता विरोध कियाना। प्रतिरोध-युद्ध किन नुक्सान कियाना हर सिद्धांत, व्यवस्था ओसो कदम ता, इतेके अदु सैनिक, राजनीतिक, वित्तीय या आर्थिक रूप ते मत्तेकाई लेवेके पार्टी ता समस्यांग लोप्पा, अदु संस्कृतिक या शिक्षा ता रूप ते मत्तेकाई लेवेके जन-आंदोलन लोप्पा, शुरू तले जांचपड़ताल कियाना ओसो तीना लोप्पा कारगर रूप ते सुधार कियाना, अस्केने प्रतिरोध-युद्ध लोप्पा मदद दोरकिता।

इव सब्बे काम पूरा आतेके चीन जवाबी हमला काजे तन्ना ताकात किन कारगर रूप ते मजबूत किया परिंता।

इंजेटले सब्बे देश कु “जवाबी हमला ता तैयारी” किन प्रतिरोध-युद्ध लोप्पा तन्ना पहला कार्य बने कियाना।

इंजेटले माटु उंदी बगिल नियमित सेना संगे कित रक्षात्मक कार्रवाईंग ना गंभीरता ते समर्थन कियाना ओसो दुश्मन ता केंद्रभाग लोप्पा ताकना लड़ाई ता जोरदार सहायता कियाना जरूरी मंता ओसो दूसरा बगिल राजनीतिक, सैनिक स्तर लोप्पा दूसरा रकम ता सुधार लागू कियाना ओसो बेहरा ताकत किन उंदी कियाना, अस्केने मौका दोरकतास्के मना कैदल हत्ता इलाकांग किन मना कब्जा ते तत्ताला काजे राष्ट्र ता पूरा ताकात बेहरा स्तर ते जवाबी हमला लोप्पा वाटा परिंतोम।

## नोट

1. सोवियत-जर्मन अनाक्रमण समझौता 23 अगस्त 1939 ते आता।
2. अक्टूबर 1935 ते इटली अबीसीनिया पोर्टे सशस्त्र हमला शुरू कित्ता ओसो मई 1936 ते पूरा अबीसीनिया पोर्टे कब्जा कित्ता। जुलाई 1936 लोप्पा जर्मनी ओसो इटली स्पेन ता घेरेलु समस्यांग लोप्पा संयुक्त रूप ते सशस्त्र हस्तक्षेप कित्ता ओसो जन-मोर्चा सरकार ता खिलाफ क्रांति कियाना लोप्पा फासीवादी फ्रेंको ना समर्थन कित्ता। जर्मन ओसो इटली ता हस्तक्षेप कियानोरा ओसो फ्रेंको ना क्रांतिकारी फौज कुना खिलाफ उंदी दीर्घकालीन युद्ध पेरके जन-मोर्चा 1939 लोप्पा हारेमाता। जर्मनी मार्च 1938 लोप्पा सेना लोहची आस्ट्रिया पोर्टे कब्जा कित्ता ओसो अदे साल अक्टूबर ते चेकोस्लोवाकिया ता सुदेतन इलाका पोर्टे कब्जा कित्तोरा। मार्च 1939 ते जर्मनी ता पूरा चेकोस्लोवाकिया पोर्टे कब्जा आता। ब्रिटिश ओसो फ्रांस सरकार कुना “गैर-हस्तक्षेप” ता नीति संगे फासीवादी जर्मनी ओसो इटली बेयल आता लेक्का पोर्टे वेहता आक्रमणकारी कार्रवाईंग कित्ता ओसो ताना लोप्पा सफलता दोरकी कित्ता।
3. “कम्युनिस्ट इन्टरनेशल विरोधी समझौता” जापान ओसो जर्मनी नडमा नवम्बर 1936 लोप्पा आता: नवम्बर 1937 ते इटली वेने तीना लोप्पा शामिल आता।
4. “चीनी लोर किन गुलाम बने कियाला काजे चीनी लोरा इस्तेमाल कियाना” चीन पोर्टे आक्रमण कियाना लोप्पा जापानी साम्राज्यवादीर लागू कित्ता उंदी षड्यंत्रकारी चाल मत्ता। जापानी-साम्राज्यवादी चीन लोप्पा तन्ना हित कुन लागू कियाना तत्वंग कुना पालन कींतांग, अद्रम कित्तेके ओरु चीन लोप्पा फूट वाटसी आक्रमण कियाना तन्ना लक्ष्य हासिल किया परितोरा जापानी-आक्रमण-विरोधी युद्ध शुरू कित्ता पेरके, सबसे ज्यादा दृढ़ संकल्प मंदाना जापान-विरोधी ताकत इत्तेके कम्युनिस्ट पार्टी पोर्टे नियंत्रन कियाला काजे ओरु केवल क्वोमिंगतांग लोप्पा मंदाना ओसो वांग चिंग-वेइ नायक मंदाना अप्रच्छन्न जापान-परस्त गुट ता इस्तेमाले किवा लेवा च्यांग काई-शेकना सेनांग पोर्टे हमला कियाना वेने बंद कित्तोरा ओसो अदिन कम्युनिस्ट-विरोधी कामकाज लोप्पा राजनीतिक रूप ते बेरसी कित्तोरा इदु “चीनी लोर किन

गुलाम बने कियाला काजे चीनी लोरा इस्तेमाल कियाना” नीति किन लागू कियाना मत्ता।

5. जापनी साप्राज्यवादीर तम्मा आक्रमणकारी युद्ध ता लागत किन पूरा कियाला काजे चीन लोप्पा तम्मा कब्जा ते मत्ता इलाकांग लोप्पा निर्मम लूट-पाट कित्तोर। जापानी सैन्यवादी इदिन “युद्ध संगे युद्ध ता पालन-पोषण” कियाना इंदानोर।
6. जापानी-आक्रमण-विरोधी युद्ध ताकनास्के, जापानी आक्रमणकारिर जनता हिल्वा इलाकांग किन पूरा बोडसना, हौकना, लूट-पाट कियाना “मूँडु रकम ते खत्म” कियाना बर्बरतापूर्ण नीति किन लागू कित्तोर। दुश्मन इदिन “सफाया कियाना” इंदानोर।

## केन्द्रीय समाचार-एजेन्सी, “साओतांग पाओ” ओसो “शिनमिन पाओ”<sup>1</sup> ना मुव्वूर संवाददाता लोर किन इंटरव्यू

16 सितम्बर 1939

**संवाददाता:** माटू उचुन सवाल कुना पोर्रो मीवा विचार पूछेमाया परितोमा? माटू नेटा ‘नव चीन समाचार’ लोप्पा मीवा । सितम्बर ता बयान पढेमातोम, ताना लोप्पा उचुक सवालकुना जवाब दोरकतांग, मति उचुन सवालकुना जवाबकु दोरकतदु हिल्ले, अदिन काजे मीटू इविना बारे ते विस्तार ते बेहाना इंजी आल्सा मंतोमा। माटू रासिस मत्ता सवालकु मूँड हिस्सांग ने मंतांगा अदिन काजे मीटू हर सवाल पोर्रो मीवा विचार बेहतेके माकिन बेस लागियरा।

**माओ त्सेतुंग:** नन्ना मीवा सवालकुना लिस्ट ता अनुसार जवाब हियाकान। मीवा सवाल प्रतिरोध युद्ध ठहराव ता मंजिल ते एवता या एव्वो इंजी मंता। नावा हिसाब ते हूँडतेके उंदी हिसाब ते इदु अद मंजिल ते एवता - इदु बद्रम इतेके नेंडु पूना अंतर्राष्ट्रीय परिस्थिति मंता ओसो जापान किन मुने तले बेहरा मुश्किलकुना सामना किया लागा मंता चीन सुलह-समझौता ता कडा विरोध किया मंता। इगा माटू दुश्मन इंजे बेने बेहरा स्तर ते आक्रमणात्मक अभियान ताकी किया परितोर इंदाना पोल्लो किन इनकार किया परवोमा बारांकु इतेके अदु पेहाए, छांगशा ओसो शीआन पोर्रो बेने हमला किया परितोर। माटू दुश्मन ता बेहरा स्तर ता रणनीतिक आक्रमण कियाना ओसो मावा रणनीतिक दृष्टि ते पेरके गुचना उंदी हिसाब ते बुनियादी रूप ते खत्म आंता, अस्के माटू आक्रमण कियाना ओसो पेरके गुचना संभावना बिल्कुले मन्नो इंजी इंतोमा। ओसो पूना मंजिल ते विशेष काम ता संबंध किन हूँडतेके, इदु विशेष काम जवाबी हमला काजे तैयारी कियाना, ओसो इदिना लोप्पा चीन किन बेहरा जवाबी हमलांग काजे सब्बे जरूरी ताकत बेरसी कियाना जरूरत मंता। जवाबी हमला काजे तैयारी कियाना इतेके जवाबी हमला लेट किवा लेवा शुरू कियाना इंजी आयो, बारांकु

इतेके परिस्थिति परिपक्व आतेके जवाबी हमला किया परमदूयायो। माटु रणनीतिक प्रत्याक्रमण ता चर्चा किया मंतोम, अभियान कुना लोप्पा प्रत्याक्रमण ता आयो। अभियान कुना लोप्पा प्रत्याक्रमण, इतेके दक्षिण-पूर्वी शानशी लोप्पा “सफाया कियाना” ता दुश्मन ता फौजी कार्रवाईग किन हारे कियाला काजे मावा प्रत्याक्रमण संभव वेने मंता ओसो इदिना जरूरत वेने मंता। मति बेहरा स्तर ता रणनीतिक प्रत्याक्रमण ताकनास्के इंजे वातादु हिल्ले, ओसो इंजे माटु इदिना काजे सक्रिय रूप ते तैयारी कियाना समय ते मंतोम। इंजे वेने माटु दुश्मन ता नियमित सेना शुरू कित्ता सब्बे सम्भावित आक्रमणात्मक अभियान कुन विफल किया लागियर।

पूना कालम ते काम किन अलग-अलग तूसमूळांता, दुश्मन ता इलाकांग लोप्पा छापामार युद्ध जारी तासना, अदिना “सफाया कियाना” फौजी कार्रवाईग किन चकनाचूर कियाना ओसो अदिना आर्थिक आक्रमण किन हारे कियाना नियमित सेना पोर्रे मना फौजी रक्षा किन सुदृढ़ बने कियाना ओसो दुश्मन ता हर सम्भावित आक्रमणात्मक अभियान किन विफल कियाला बेहरा इलाका लोप्पा मुख्य काम सक्रिय रूप ते राजनीतिक सुधार कियाना आंदू जवाबी हमला ता तैयारी ता विशेष अन्तर्वस्तु इदे काम आंदू।

अन्दरूनी राजनीतिक सुधार वेल्ले महत्वपूर्ण मंता बारांकु इतेके इंजे दुश्मन मुख्य रूप ते राजनीतिक अभियान ताकि किया मंता, ओसो अदिन काजे माटु विशेष रूप ते मना राजनीतिक प्रतिरोध किन सुदृढ़ बने कियाना। दूसरा पोल्लो ते लोकशाही ता समस्या वेल्ले जलदी हल कियाना, बारांकु इतेके केवल इदे तरीका ते माटु राजनीतिक प्रतिरोध काजे मना क्षमता किन बेरसी कियाना ओसो सेना किन जम्मा कियाला निर्भर मंतोम। प्रतिरोध-युद्ध लोप्पो चीन मुख्य रूप ते तन्नाए कोशिश कुना पोर्रे निर्भर आसी मंदाना। माटु मना कोशिश कुना पोर्रे निर्भर मंजी दोबारा शुरू कियाना काजे नितसी मंदाना ओसो नेंडु पूना अंतर्राष्ट्रीय परिस्थिति लोप्पा वेने इदु वेल्ले महत्वपूर्ण मंता। इद्रम दोबारा शुरू कियानादु लोकशाही आंदू।

**सवाल:** निम्मा इंजे प्रतिरोध-युद्ध लोप्पा खुद ता कोशिश कुना संगने जीत हासिल कियाला काजे लोकशाही जरूरी मंता इंजी इंदा मंतिर। वर्तमान परिस्थिति लोप्पा इद्रम ता व्यवस्था बद्रम निल्पी कियमूळांता?

**जवाब:** फौजी शासन, राजनीतिक संरक्षण ओसो कानूनी सरकार, मूळासी कालमकु<sup>2</sup> डा. सुना यात-सेने पेश कीसि मत्तोरा। मति ओरू तन्ना डोलना उचुन दिय्या मुन्ने जारी कित्ता “उत्तर बगिल अडवान्स आयना ता बारे ते स्टेटमेंट”<sup>3</sup> लोप्पा इव

मूँड कालम कुना चर्चा किवा लेवा राष्ट्रीय एसेम्बली जल्दी केयना इंजी चर्चा कित्ताद मत्ता। अद्रमासी बदलेमासोर मत्ता परिस्थितिंग किन हूडतेके डा. सुन यात-सेन बचोनो सालकु मुन्ने ने तन्ना विचार कुना लोप्पा खुद बदलाव कीसि मत्तोरा। नेटा गंभीर परिस्थिति लोप्पा प्रतिरोध-युद्ध ताकसोर मत्तेकाई राष्ट्रीय गुलामी ता संकट किन उंदी बगिल तासिसी दुश्मन किन हौकना काजे इदु राष्ट्रीय एसेम्बली जल्दी केयाना ओसो जनवादी सरकार ता स्थापना कियाना वेल्ले जरूरी मंता। इव सवाल पोर्रे अलग-अलग विचारकु मंतांग। उचुन मुल ता विचार आम जनता सीधा-सादा मंतोर ओसो जनवादी सरकार ता स्थापना किया परमूडायो इंजी मंता। इदाना विचार गलत मंता। प्रतिरोध-युद्ध लोप्पा आम जनता वेल्ले स्पीड ते प्रगति कित्ता ओसो नेतृत्व कियाना ओसो सही नीति लागू कित्तेके पक्का जनवादी सरकार ता स्थापना किया परमूडांता। अद्रमासी, उत्तरी चीन लोप्पा लोकशाही किन अमली रूप हीतादु मंता। अगा, जिलांग, श्यांग ओसो “पा ओ-च्या” ता प्रधान लोरा चुनाव आम जनता चुनाव ताकि कीसि कित्तोरा। उचुन काउन्टी मजिस्ट्रेट वेने इद्रमे चुनेमासी मंतोर, ओसो वेल्ले प्रगतिशील तत्वंग ओसो क्षमता मंदाना नौजवान लोर किन काउन्टी मजिस्ट्रेट चुनेमातोरा इद सवाल किन चर्चा काजे जनता ना मुन्ने पेश कित्तेके बेश आयारा।

सवाल कुना लिस्ट ता दूसरा भाग लोप्पा मीटू ‘‘दुश्मन पार्टिंग ना रोकथाम’’ इत्तेके विभिन्न इलाकांग लोप्पा मंदाना टकराव ता सवाल तेहतिरा। इदिना लोप्पा मीवा परेशान आयनदु सही मंता। हत्ता दिय्यांग लोप्पाटा परिस्थिति लोप्पा उचुन सुधार आतादु मत्तेकाई बुनियादी रूप ते परिस्थिति बद्रम मत्तायो अद्रमे मंता।

**सवाल:** कम्युनिस्ट पार्टी इद सवाल पोर्रे तन्ना विचार किन स्पष्ट रूप ते केन्द्रीय सरकार मुन्ने तास्तदू मंता या?

**जवाब:** माटू विरोध कित्तादु मंता।

**सवाल:** बद्रम?

**जवाब:** जुलाई लोप्पाने मावा पार्टी-प्रतिनिधि कामरेड्स चाओ ऐन-लाई जनरलिज्मो च्यांग काई-शेक निगा उंदी लेटर लोहची मत्तोरा। अनि । अगस्त ते येनान ता विभिन्न विभाग कुना लोकुर जनरलिज्मो ओसो राष्ट्रीय सरकार कुनगा उंदी लेटर लोहची गुप्त रूप ते लागू कीसि मंदाना ओसो विभिन्न इलाकांग लोप्पा मंदाना टकराव कुना मोदोल मत्ता ‘‘दुश्मन पार्टिंग ना कर्वाईंग कुना रोकथाम कियाना तरीका’’ किन वापस पोयना इंजी मांग कित्ताद मत्ता।

**सवाल:** केन्द्रीय सरकार तल बदे जवाब दोरकता या?

**जवाब:** दोरकतद हिल्ले। मति क्वोमिंगतांग लोप्पा इव तरिकांग किन विचार किवा लोकुर वेने मंतोरा बद सेवी जापान ता विरोध कियाना संघर्ष लोप्पा शामिल आंतायो अदु दोस्त-सेना आंदू, “दुश्मन-सेना” आयो, ओसो अद्रमे बदु पार्टी जापान ता विरोध कियाना संघर्ष लोप्पा शामिल आंता अदु दोस्त पार्टी आंदू, “दुश्मन-पार्टी” आयो इंजी सब्बेतोर पुतोरा प्रतिरोध-युद्ध लोप्पा बचोनो पार्टिंग ओसो ग्रुपकु शामिल आया मंतांग, अविना ताकत लोप्पा अंतर मत्तेकाई अवु सब्बे कलियसी जापान ता प्रतिरोध किया मंतांग, बदे डावुट हिल्वा सब्बे आपस ते एकता आयना ओसो बदे वेने परिस्थिति ते उंदी दूसरा किन “रोकथाम” इत्तेके रोमी कियानायो। बदु पार्टी “दुश्मन-पार्टी” आंदू? गद्दार लोरा पार्टी “दुश्मन-पार्टी” आंदू, अदिना नेतृत्व जापान ता पालतू नैय्यु वांग चिंग-वेइ मंतोर, बारांकू इत्तेके बीना ओसो जापान-विरोधी पार्टिंग ना नड़मा बदे समान राजनीतिक आधार हिल्ले, इद्रम ता पार्टी किन “रोकथाम” कियाना। क्वोमिंगतांग ओसो कम्युनिस्ट पार्टी नड़मा जापानी आक्रमण ता प्रतिरोध कियाना लेककाटा समान राजनीतिक आधार मंता। अदिन काजे इंजे कम्युनिस्ट पार्टी ता विरोध कियाना ओसो तानकिन रोमी कियाना पोर्रो आयवा, जापान ओसो वांग चिंग-वेइ ना विरोध कियाना ओसो ओरकिन रोमी कियाना पोर्रो पूरा ताकत केंद्रित कियाना समस्या मंता। सही नारा पेश कियाना केवल इदे आधार मंता। इंजे वांग चिंग-वेइ ना मूँड नारांग मंता। “च्यांग काई-शेक ना विरोध कियाना”, “कम्युनिस्ट पार्टी ता विरोध कियाना”, “जापान संगे दोस्ती कियाना”। वांग चिंग-वेइ क्वोमिंगतांग, कम्युनिस्ट पार्टी ओसो पूरा जनता ना दुश्मन आंदुरा मति कम्युनिस्ट पार्टी क्वोमिंगतांग ता दुश्मन आयो, ओसो क्वोमिंगतांग कम्युनिस्ट पार्टी ता दुश्मन वेने आयो। अविन किन उंदी दूसरा ता विरोध कियाना ओसो उंदी दूसरा किन रोमी कियाना आयवा उंदी दूसरा संगे एकता आयना जरूरत मंता ओसो उंदी दूसरा ता सहयता कियाना जरूरत मंता। मावा पक्ष ता नारांग वांग चिंग-वेइ ना नारांग तुकू अलग मंदाना, ओरा नारांग ना उल्टा मंदाना ओसो ओरा नारांग नड़माने लेस्कना लेकका बिल्कुले मंदानायो। ओरू “च्यांग काई-शेक ना विरोध कियाना” इंतोर, अस्के हर मानेय च्यांग काई-शेक ना समर्थन कियाना ओरू “कम्युनिस्ट पार्टी ता विरोध कियाना” इंतोर, अस्के हर मानेय कम्युनिस्ट पार्टी संगे एकता कियाना ओरू “जापान संगे दोस्ती कियाना” इंतोर, अस्के हर मानेय जापान ता प्रतिरोध कियाना। दुश्मन बोना विरोध किंतोरो, मनम ओराए समर्थन कियाना। दुश्मन बोना समर्थना किंतोरो, ओरा माटु विरोध कियाना। इस्सल लेख कुना लोप्पा “दोस्त लोर किन

दुक्कम पोर्यी कियमाटु ओसो दुश्मन तोर किन खुश कियमाटु” रासा मंतोरा इदु पोल्लो पूर्वी हान वंश ता ल्यू श्यू ना अनुसार जनरल चू फू घ्यीयांग ता प्रधान फंग छुंग किन रास्ता चिड़ी पोर्हे आधार आसी मंता। असल ते अद चिड़ी लोप्पा इद्रम रासिस मत्ता, “मीटु बाता किंतिरो, अदिनकु मुन्ने मीटू मीवा दोस्त लोर किन दुक्कम पोर्यी कियानायो ओसो दुश्मन तोर किन खुश कियानायो इंदाना पोल्लो ता जिम्मेदारी एतना।” चू फू ना इद पोल्लो लोप्पा उंदी स्पष्ट राजनीतिक सिद्धांत दिस्सा मंता, अदिन माटु बिल्कुल मरंगनायो।

मीवा सवाल कुना लिस्ट लोप्पा टकराव ता बारे ते कम्युनिस्ट पार्टी बाता आल्सा मंता इंजी वेने पूछेमासी मंतिरा नना मीकुन स्पष्ट रूप ते वेहकान, माटु जापान-विरोधी पार्टिंग नडमा ता ताकत किन खत्म कियाना टकराव ता खिलाफ मंतोमा मति बोराई मावा विरुद्ध हिंसा ता इस्तेमाल कियाना हिम्मत किंतोर, माकिन रोमी कियाना कोशिश किंतोर ओसो मावा दमन कियानास्के तैयार आंतोर, अस्के कम्युनिस्ट पार्टी किन ठोस कदम तेहा लागियरा। मावा स्टेंड इत्तेके - बस्के एवनल मावा पोर्हे हमला आयो, अस्के एवनल माटु हमला किवोम, मावा पोर्हे हमला आतेके माटु जरूर जवाबी हमला कियाकोम। मति मावा स्टेंड सख्ती ते आत्मरक्षा कियाना स्टेंड आंदू आत्मरक्षा ता उसूल किन पार कियाना अनुमति बोराई कम्युनिस्ट किन हिल्लो।

**सवाल:** उत्तरी चीन ता टकराव ता बारे ते मीवा विचार बातल मंता?

**जवाब:** अगा चांग चांग इन-ऊ ओसो छिन छो-रुंग टकराव-विशेषज्ञ मंतोरा हपे लोप्पा चांग इन-ऊ ओसो शानतुंग लोप्पा छिन छी-रुंग मनमानी तरीका ते जुल्म किया मंतोर, ओरा इद व्यवहार ओसो गद्दार लोरा व्यवहार लोप्पा वेल्ले फर्क हिल्लो। ओरु बस्के-बस्केने दुश्मन संगे लडेमांतोर, मति आठवीं राह सेना पोर्हे हमेशा हमला किसोर मंतोरा माटु आठवीं राह सेना पोर्हे हमला कियाला काजे लोहता चांग इन-ऊ ना आदेशकुन, जनरलिज्मो च्यांग काई-शेक नगा लोहतोमा।

**सवाल:** पूना चौथी सेना संगे बदे टकराव आताया ?

**जवाब:** इंगो, आताओ। फिंगच्यांग हत्याकांड तल पूरा राष्ट्र किन धक्का दलगता।

**सवाल:** उचुन मुल संयुक्त मोर्चा महत्वपूर्ण मंता मति एकीकरण काजे बार्डर इलाकांग ना सरकार किन भंग कितेके बेस इंजी इंतोरा इदिना बारे ते मीवा बाता राय मंता?

**जवाब:** नालुंग बगिल हर रकम ता अंगड़म पोल्लो आया मंतांग, इदिना उंदी उदाहरण “बार्डर इलाकांग किन भंग कियाना” इंजी मंता शेनशी-कानसी-निंगश्या बार्डर इलाका जापान-विरोधी जनवादी आधार-इलाका आंदू ओसो राजनीतिक दृष्टि ते इदु पूरा देश लोप्पा सबसे ज्यादा प्रगतिशील इलाका आंदू। अदिन भंग कियाना ता बाता काराण मंता? इदे आयवा बार्डर इलाका किन जनरलिज्मो च्यांग काई-शेक वेल्ले मुने मान्याता हीतोर ओसो राष्ट्रीय सरकार ता कार्यकारी खान गणराज्य ता स्थापना ता 26वीं साल (1937) ता इंगम कालम तेने अदिन औपचारिक रूप ते मान्यता हीतदु मत्ता। इदु चीन ता एकीकरण मत्तेकाई इदु एकीकरण प्रतिरोध, एकता ओसो प्रगति पोर्नें आधार आसी मंदाना। इदिना उल्टा एकीकरण कित्तेके देश ता विनाश आयार।

**सवाल:** एकीकरण किन अलग-अलग रूप ते वेहमूङांता, अदिन काजे क्वोमिंगतांग ओसो कम्युनिस्ट पार्टी नड़मा फूट अरना संभावना मंताया?

**जवाब:** माटु केवल संभावना ता पोल्लो किंतोम, अस्के एकता ओसो फूट रेंडासी संभव मंदिंतांग, ओसो इदु क्वोमिंगतांग ओसो कम्युनिस्ट पार्टी रुझान पोर्ने ओसो खासकर पूरा देश ता जनता ना रुझान पोर्ने आधार आसी मंता। माटु कम्युनिस्ट लोरोम वेल्ले मुने ने मावा नीति सहयोग कियाना नीति मंता इंजी स्पष्ट कीतोम: माटु केवल लम्बा समय काजे सहयोग कियानाएँ आशा किवोम, अदिना काजे पूरा कोशिश वेने कीतोम, क्वोमिंगतांग ता केंद्रीय कार्यकारिणी कमेटी ता पांचवी पूर्ण अधिवेशन लोप्पा जनरलिज्मो च्यांग काई-शेक वेने घेरेलु समस्यांग किन हल कियाना लोप्पा जोर हियानायो इंजी ऐलान कित्तोर इंजी केंजा वाया मंता। शक्तिशाली दुश्मन मुने, मुनेटा सबक किन ध्यान ते तासिसी क्वोमिंगतांग ओसो कम्युनिस्ट पार्टी जरूर लम्बा समय काजे वरोनकु वरोना सहायता कियाना ओसो फूट तल जरूर बचेमायना। मति फूट ता संभावना तल पूरा ए बचेमायला काजे लम्बा समय ता सहयोग ता राजनीतिक गारंटीना खोज कियाना ओसो अवु प्रतिरोध-युद्ध लोप्पा आखरी एवनल डेटेमासी मंदाना ओसो जनवादी सरकार ता स्थापना कियाना इंजी मंतांग। इद्रम कीसि एकता आसी मनमूङांता ओसो फूट तल वेने बचेमायमूङांता। इव रेंडासी पार्टी ओसो पूरा राष्ट्र ता समान कोशिश पोर्ने आधार आसी मंता इदु कोशिश जरूर कियाना। “प्रतिरोध-युद्ध पोर्ने डेटेमासी मंदाना ओसो आत्मसमर्पण ता विरोध कियाना”, “एकता पोर्ने डेटेमासी मंदाना ओसो फूट ता विरोध कियाना” ओसो “प्रगति पोर्ने डेटेमासी मंदाना अनि प्रतिगमन ता विरोध कियाना”- इव मंडु

बेहरा राजनीतिक नारांग किन मना पार्टी इद साल ता 7 जुलाई ता घोषणापत्र लोप्पा  
पेश कीतद मंता। मावा विचार ते इदे उंदी हर्री ते चीन गुलामी तल बचे माया परिंता  
ओसो दुश्मन किन हौका परिंता। इदिन विड़सी दूसरा बदे हर्री हिल्ले।

## नोट

1. केन्द्रीय समाचार-एजेन्सी क्वोमिंगतांग ता समाचार-एजेन्सी मत्ता। “साओतांग पाओ” क्वोमिंगतांग सरकार ता फौजी अखबार मत्ता। “शिनमिन पाओ” राष्ट्रीय पूँजीपति वर्ग ता मुख्यपत्र कुना लोप्पा इदु उंदी मत्ता।
2. डा. सुन यात-सेन तन्ना लेख “राष्ट्रीय पुनर्निर्माण” किन मूँड कालमकुने विभाजन कीसि मत्तोर, “फौजी शासन”, “राजनीतिक अभिभावकता” ओसो “वैधानिक सरकार”。 उंदी वेल्ले लम्बा समय ते, च्यांग काई-शेक नेतृत्व ते मंदाना क्वोमिंगतांग प्रतिक्रियावादीर जनता किन हर रकम ता आजादी हिल्वा लेकका कियाना तम्मा प्रतिक्रांतिकारी तानाशाही किन डा. सुन यात-सेन वेहता “फौजी शासन” ता कालम ओसो “राजनीतिक अभिभावकता” ता कालमे आंदू इंजी सही साबित कित्तोरा।
3. 1924 ता इंग्राम कालम ते चली ओसो फंगथ्येन ता युद्ध-सरदार लोरा नडमा दूसरी बेरा युद्ध शुरू आतास्के चली ता युद्ध-सरदार लोरा कब्जा ते मत्ता य्वी-श्यांग युद्ध कियाला इनकार कित्तोर अनि तन्ना सेना किन पोयसी पेकिंग फंग य्वी-श्यान डा. युन यात-सेन किन केयला काजे उंदी चिह्नी लोहतोरा। अदिन काजे 12 नवम्बर ते डा. सुन यात-सेन पेकिंग पेस्तोर। क्वांगचओ तल पेस्ता पेरके रेंडु दिय्या मुन्ने डा. सुनयात सेन “उत्तर बगिल दायना ता बारे ते स्टेटमेंट” जारी कित्तोर। इद स्टेटमेंट लोप्पा ओरु साप्राज्यवाद ओसो युद्ध-सरदार लोरा विरोध कियाना रुझाना किन ओसो उंदी बेरा वेहतेर ओसो देश मुन्ने मंदाना समस्यांग किन हल कियाला काजे राष्ट्रीय एसम्बली कियाना इंजी आह्वान कित्तोरा। इद स्टेटमेंट ता स्वागत पूरा देश ता लोकुर कित्तोरा।

## सोवियत संघ ओसो पूरा मानव जाति ता हित कुना एकरूपता

28 सितम्बर 1939

महान अक्टबर समाजवादी क्रांति किन 22वीं जयंती वातास्के चीन-सोवियत सांस्कृतिक संघ नावगडल उंदी लेख तालकता। खुद ता अनुभव पोर्णे आधार आसी नन्ना सोवियत संघ ओसो चीन संबंधित उचुन समस्यांग कुना स्पष्टीकरण कियाकाना। बारांकु इत्तेके इस्साल चीनी जनता इव समस्यांग पोर्णे आलसा मंता ओसो इंजे एवनल स्पष्ट रूप ते बदे ठोस निष्कर्ष तेंडा परताद हिल्ले। इदे मौका ता फायदा एतसी नन्ना नावा विचार - योरोप ता युद्ध ओसो चीन-सोवियत संबंध लोप्पा ज्यादा हियानोरगा तासला आल्सतान, इव विचारकु ओरा उचुन मदद किया परिता बहे।

सोवियत संघ दुनिया लोप्पा शांति तासला तैयार हिल्ले बारांकु इत्के विश्वयुद्ध शुरू आतेके ओरकिने फायदा आयार ओसो ब्रिटिश ओसो फ्रांस संगे आपसी सहायता समझौता कियाना जागा ते सोवियत संघ जर्मनी संगे कित्ता अनाक्रमण समझौता ता कारण ते ने वर्तमान युद्ध शुरू आता इंजी उचुन लोर इद्रम वेहा मंतोरा। नन्ना इद विचार किन गलत समझेमांताना लम्बा समय तल सोवियत संघ ता विदेश नीति शांति ता नीति मत्ता, इद नीति पोर्णे आधार आसी ज्यादातर मानव जाति ता हितकुना ओसो ओरा तम्मा हितकुना नडमा घनिष्ठ संबंध मंता। खुद तन्ना समाजवादी निर्माण काजे सोवियत संघ किन हमेशा शांति ता जरूरत मंता ओसो अदिन हमेशाए दूसरा देशकुना संगे तन्ना शांतिपूर्ण संबंध किन मजबूत कियाना ओसो सोवियत-विरोधी युद्ध ता रोकथाम कियाना जरूरत मंता। पूरा दुनिया स्तर ते शांति काजे अदिन फासीवादी देश कुना आक्रमण किन रोमी कियाना, जनवादी देश कुना जंगखोरी पोर्णे लगाम वाटना, ओसो संभव आताचोन इदिन इद्रमे रोमी किसोर

मंदाना, साम्राज्यवादी विश्वयुद्ध शुरू आयना तुकू बेने रोमी कियाना जरूरत तानकिन मंता। सोवियत संघ विश्वशांति ता कार्य लोप्पा लम्बा समय एवनल तना भरपूर जोर वाटता। उदाहरण काजे अदु लीग ॲफ नेशन्स लोप्पा शामिल आता, अदु फ्रांस ओसो चेकोस्लावाकिया संगे आपसी मदद समझौतांग<sup>2</sup> कित्ता ओसो ब्रिटिश आवा ओसो शांति ता विचार तासना सब्बे देश कुना संगे सुरक्षा समझौता कियाना वेल्ले कोशिश कित्ता। जर्मनी ओसो इटली स्पेन पोर्रो संयुक्त आक्रमण कित्ता पेरके ब्रिटिश, अमरीका ओसो फ्रांस पोर्रोल काजे “गैर-हस्तक्षेप” कित्ता मति असल ते आक्रमण ता हूडसी-हूडवा लेकाटा नीति लागू कित्ता, अस्के सोवियत संघ “गैर-हस्तक्षेप” ता नीति ता विरोध कित्ता ओसो जर्मनी अनि इटली ता प्रतिरोध कियाना लोप्पा स्पेन ता रिपब्लिकन सेनांग ता सक्रियता संगे सहायता कित्ता। चीन पोर्रो जापान ता आक्रमण पेरके अवे बेहरा ताकतकु “गैर-हस्तक्षेप” ताए नीति लागू कित्ता, अस्के सोवियत संघ केवल चीन संगे ने अनाक्रमण समझौता किवा लेवा जापान ता प्रतिरोध कियाना लोप्पा बेने चीन किन सक्रियता ते सहायता कित्ता। ब्रिटिश ओसो फ्रांस हिटलर ना आक्रमण किन हूडवा लेवा कोंडा पिहची मत्ता ओसो आस्ट्रिया अनि चेकोस्लावाकिया ता बलि कित्ता, अस्के सोवियत संघ म्यूनिख नीति पेरके मक्कसी मत्ता खतरनाक उद्देश्य कुना पर्दाफाश कियाना लोप्पा बदे ठोस कदम तेहताद हिल्ले ओसो बेहरा आक्रमण किन रोमी कियाला काजे ब्रिटिश ओसो फ्रांस मुन्ने प्रस्ताव बेने तासो। इद साल ता वसंत ओसो ग्रीष्म लोप्पा पोलैण्ड ता सवाल तेदतास्के ओसो विश्वयुद्ध शुरू आयाना पोल्लो नेंडु-नाडु ते अटकेमासी मत्तास्के सोवियत संघ चेम्बरलेन ओसो डालादियर की ईमानदारी ता कमी मत्तेकाई युद्ध किन शुरू तुकू रोमी कियाला काजे आपसी सहायता समझौता कियाना कोशिश लोप्पा ब्रिटिश ओसो फ्रांस संगे चार महिनांग एवनल समझौता-वार्ता जारी तासता। मति ब्रिटिश ओसो फ्रांस ता सरकारकु ना साम्राज्यवादी नीति इत्तेके युद्ध किन हूडवा लेवा कोंडा पिहची मंदाना, अदिन भडके कियाना ओसो फैले कियाना नीति इव सब्बे कोशिश किन लोप्पा बाधा वाटता, अदिना कारण ते आखिर ते विश्वशांति ता काम विफल आता ओसो साम्राज्यवादी विश्वयुद्ध शुरू आता। ब्रिटिश, अमरीका ओसो फ्रांस ता सरकारकुना विचार ईमानदारी ते युद्ध किन रोमी कियाना हिलवा मत्ता, उल्टा अवु युद्ध शुरू कियाना लोप्पा सहायता कीतांग। सोवियत संघ संगे समझौता कियाना ओसो समानता, वरोनकु-वरोना पोर्रो आधार आसी उंदी निज्जम ता आपसी सहायता ता समझौता कियाना तुकू इनकारा कियानादु ओरु शांति आयावा युद्ध

ताकी कियाला आल्सा मंतोर इंजी तोहिंता। हर मानेय समसामायिक दुनिया लोप्पा सोवियत संघ किन ठुकरे कियाना इत्तेके शांति किन ठुकरे कियाना इंजी पुत्तोरा ब्रिटिश पूँजीपति वर्ग ता विशिष्ट प्रतिनिधि लायड जार्ज वेने इदिना बारे ते पुंजी मत्तोरा<sup>3</sup> इव परिस्थितिंग लोप्पा ओसो जर्मनी तन्ना सोवियत-विरोधी कार्रवाईंग किन बंद कियानास्के, “कम्युनिस्ट इन्टरनेशनल विरोधी समझौता” किन विडसियाना ओसो सोवियत ता हंदी किन उल्लंघन कीवा मंदाना ता क्रिया कित्ता, अस्के सोविययत-जर्मन अनाक्रमण समझौता पोरो हस्ताक्षर आता। ब्रिटिश, संयुक्त राज्य अमरीका ओसो फ्रांस ता योजना सोवियत संघ पोरों आक्रमण कियाला काजे जर्मनी किन उकसे कियाना मत्ता, अद्रम कित्तेके अवु खुद “मेड्वा पोरों उदसी डुब्बल ता लडेमायना तमाशा हूँडा परिंता” ओसो सोवियत संघ ओसो जर्मनी उंदी दूसरा किन कमजोर कीत्ता इंदानास्केने अवु वासी परिस्थिति पोरों दबाव वाटा परिंता इंजी। ब्रिटिश- फ्रांसीसी साम्राज्यवादिरा इत्तेके युद्ध किन हूँडवा लेवा कोंडा पिहची मंदानोर ओसो अदिन भड्के कीसि मत्तोरो ओसो विश्व युद्ध ता उकसे कीसि मत्तोरु इद साजिश ओसो इव योजनांग किन नजरअंदाज कीसि मावा उचुन देशवासीर इव षड्यंत्रकारीर किन स्पेन, चीन, आस्ट्रिया ओसो चेकोस्लावाकिया ता विरुद्ध आक्रमण किन रोमी कियाना लोप्पा इचुन वेने तैयार हिल्वा मत्तोर, उल्टा ओरु आक्रमणात्मक कार्रवाईंग कियाना तुकू कोंडा पिहतोर ओसो युद्ध किन भड्के कित्तोरा इद बिल्काई कुना कहानी लेक्का मंता। मूँजाल रेंडू बिल्लाई किन लड़े किया वेहचि रेंडिनगडल फायदा एतिंता।

तन्ना कार्रवाईंग किन वेल्ले मिंगता-मिंगता पोल्लोंग कीसि “जैर-हस्ताक्षेप” इंजी इंतोरा मति असल ते ओरु “मेड्वा पोरों उदसी डुब्बल ता लड़ाई हूँडानोर”। दुनिया लोप्पा वेल्ले लोकुर चेम्बरलेन ओसो ओरा संगवारीरा मिंगता पोल्लोंग ने वात्तोरा ओरु ओरा कब्बना पेरके मक्कसी मत्ता ओरा असल उद्देश्य किन समझेमायाना लोप्पा असफल आत्तोरा। ओरु सोवियत-जर्मन अनाक्रमण समझौता चेम्बरलेन ओसो डालादियर सोवियत संघ किन ठुकरे कित्ता ओसो साम्राज्यवादी युद्ध भड्के कियाना लक्ष्य पोयास्ताके आता इंजी वेने समझेमायोर आत्तोरा। इद्रम तोरा काजे मना कोंडांग नाहकीसि तासना समय वातादु मंता। विश्व शांति तासना सोवियत संघ ता आखरी समय एवनल कित्ता कोशिश सोवियत संघ ता हितकुना ओसो विश्व ता ज्यादातर मानव जाति ता हितकुना लोप्पा उंदी लक्ष्य मंता इंदाना पोल्लो ता सबूत मंता। इदु पहली सवाल आंदू, अदिना बारे नन्ना वडकला आल्सोर मत्तान।

उचुन मुल इंजे दूसरा साम्राज्यवादी विश्वयुद्ध शुरू आता इंदा मंतोर, अदिन काजे सोवियत संघ बदे उंदे पक्ष एतियर- दूसरा पोल्लो ते हूडतेके सोवियत लाल सेना जर्मन साम्राज्यवादी मोर्चा लोप्पा शामिल आयना लेक्का मंता। नना इद विचार किन गलत आलिसंतान। बदे वेने पक्ष काजे, इतेके अदु ब्रिटिश-फ्रांसीसी पक्ष आई या जर्मन पक्ष, शुरू आता इद युद्ध उंदी अन्यायपूर्ण, कब्जा कियाना ओसो साम्राज्यवादी युद्ध आंदू। सब्बे देशकुना कम्युनिस्ट पार्टी एवढी किन ओसो जनता किन अदिना विरुद्ध तेदना जरूरत मंता ओसो युद्ध ताकी कियाना रेंडासी पक्ष कुना साम्राज्यवादी चरित्र ता पर्दाफाश कियाना जरूरत मंता, बोराई इद साम्राज्यवादी युद्ध तल दुनिय ता लोकुर किन केवल नुक्साने कियानोर, फायदा आयो, ओसो ओरु साम्राज्यवादी युद्ध ता समर्थन कियाना ओसो सर्वहारा हितकुना संगे विश्वासघात कियाना सामाजिक-जनवादी पार्टी ना अपराधपूर्ण व्यवहार कुना पर्दाफाश कियाना। सोवियत संघ उंदी समाजवादी देश आंदू, अदिना लोप्पा राजसत्ता कम्युनिस्ट पार्टी कैदे मंदाना लेक्काटा देश आंदू, ओसो युद्ध ता बारे ठोस रूप अदिना रेंडु रुख मंतांगः 1) अदु बदे वेने अन्यायपूर्ण, दूसरो पोरों कब्जा कियना ओसो साम्राज्यवादी युद्ध लोप्पा हिस्सा एतना तुकू दृढता पूर्वक इनकार कींता ओसो युद्ध ताक्का रेंडासी पक्ष कुना बारे ते कडी निष्पक्षता तासिंता। अदिन काजे सोवियत लाल सेना सिद्धांत कुना उल्लंघन कीसि साम्राज्यवादी युद्ध ता मोर्चा लोप्पा बस्केने शामिल आयो। 2) सोवियत संघ सक्रिय रूप ते न्ययपूर्ण ओसो कब्जा या जब्ती किवा लेवा ताक्का युद्ध कुना समर्थन कींता। उदाहरण काजे तेरह साल मुन्ने उत्तरी अभियान लोप्पा चीनी जनता ना सहायता कित्ता ओसो हत्ता साल एवनल जर्मनी ओसो इटली ता खिलाफ स्पेन ता जनता ना सहायता कीता। अदु हत्ता रेंडु सालनल जापानी-आक्रमण-विरोधी युद्ध लोप्पा चीनी जनता ना सहायता किया मंता ओसो उचुक महिनांगनल जापान ता खिलाफ प्रतिरोध-युद्ध लोप्पा मंगोलियाई जनता ना सहायता किया मंता। ओसो अदु वायना कालम ते वेने जरूर जनता ना या राष्ट्र ता मुक्ति काजे दूसरा देशकुना लोप्पा बदे आई युद्ध ताकतेके अदिना लोप्पा सहायता हियर ओसो शांति ता रक्षा काजे सहायता आयना युद्ध कुना लोप्पा वेने सहायता हियर। सोवियत संघ ता हत्ता 22 साल कुना इतिहास मुन्नेने इदु भविष्य ते वेने इदिना इतिहास इद्रमें मंदियर इंजी तोहचिता। उचुन मुल जर्मनी संगे सोवियत संघ ता व्यापार, इतेके इदु सोवियत-जर्मन व्यापार समझौता पोरों आधार आसी मंता, सोवियत संघ ता युद्ध लोप्पा जर्मनी ता पक्ष ते हिस्सा एतना कार्रवाई आंदू। इद विचार वेने गलत

मंता, बारांकु इतेके इदु व्यापार किन युद्ध लोप्पा शामिल आयाना संगेने गडबड किसिंता। व्यापार किन युद्ध लोप्पा शामिल कियाना या सहायता कियाना संगे गडमड कियानायो। उदाहरण काजे स्पेनी युद्ध ताकनास्के सोवियत संघ जर्मनी ओसो इटली संगे व्यापार कियानादु, मति बोराई सोवियत संघ स्पेन ता विरुद्ध आक्रमण लोप्पा जर्मनी ओसो इटली ता सहायता किया मंता इतेके, उल्टा, लोकुर अदु आक्रमण ता प्रतिरोध कियाना लोप्पा स्पेन ता सहायता किया मंता इंजी इंदानोर, बारांकु इतेके सोवियत संघ निज्जाने स्पेन ताए सहायता किसोर मत्ता। ओसो वर्तमान चीन-जापान युद्ध ताकमास्के वेने सोवियत संघ जापान संगे व्यापार किसोर मंता, मति दुनिया लोप्पा बोराई सोवियत संघ चीन ता खिलाफ आक्रमण लोप्पा जापान ता सहायता किया मंता इतेके, अदिना उल्टा, लोकुर आक्रमण ता प्रतिरोध कियाना लोप्पा चीन ता सहायता किया मंता इंदानोर, बारांकु इतेके अदु निज्जमो चीन ताए सहायता किसोर मंता। इंजे सोवियत संघ संगे विश्वयुद्ध लोप्पा संलम रेंडासीए पक्ष कुना व्यापारिक संबंध मंता, मति इदिन बदे पक्ष ता सहायता कियाना इंजी इंदा परवोम, युद्ध लोप्पा हिस्सा एतना इतेके इनपडे आयो। युद्ध ता स्वरूप बदलेमातेके ओसो उंदी या उंदी तुकू ज्यादा देशकुना लोप्पा युद्ध लोप्पा उचुन जरूरी बदलाव आतेके सोवियत संघ ओसो विश्व ता जनता काजे युद्ध ता फायदा आतेके ने सोवियत संघ काजे युद्ध लोप्पा हिस्सा एतना या अदिना लोप्पा सहायता कियाना संभव मंता, लेवेके अदु इद्रम वेने किवो। युद्ध ताकना उंदी पक्ष या दूसरा पक्ष ता संगे अदिना दुश्मनी या दोस्ती ता रुझान ता अनुसार, सोवियत संग ता कम या ज्यादा फायदा आयना शर्त वाटसी, मुडला या बेहरा स्तर ता व्यापार कियाना संबंध ता बारे ते हूडतेके, सोवियत संघ पोरोने आयवा युद्ध ताकना रेंडु पक्ष ता रुझान पोरो निर्भर आसी मंता। मति उंदी या वेल्ले देशकु सोवियत-विरोधी रुझान लागू कितेकाई सोवियत संघ अविना संगे इतेके अवु 23 अगस्त तुकू मुने टा जर्मनी ता लेक्का सोवियत संघ संगे तन्ना राजनीतिक संबंध तासिंतोरो अस्के एवनले व्यापारिक संबंध किन वेने देहो आयार, अद्रमासी व्यापार समझौतांग कीसि अनि ओरा खिलाफ युद्ध ता घोषणा किसिंतोरा। स्पष्ट रूप ते इद्रम ता व्यापारिक संबंधकु इतेके सहायता इंजी आयो, ओसो युद्ध लोप्पा शामिल आयना इतेके बिल्कुले आयो। इदु दूसरा समस्या आंदू, अदिना बारे ते नन्ना वडकला आल्सोर मत्तान।

चीन लोप्पा वेल्ले लोकुर सोवियत सेनांग ना पोलैण्ड लोप्पा नेंगता कारण ते पेरेशान आसी मंतोरा पोलैण्ड ता सवाल पोरो अलग-अलग दृष्टिकोण ते विचार

कियाना जरूरत मंता, जर्मनी ता दृष्टि ते, ब्रिटिश ओसो फ्रांस ता दृष्टि ते, पोलैण्ड ता सरकार ता दृष्टि ते, पोलैण्ड ता जनता ना दृष्टि ते ओसो सोवियत संघ ता दृष्टि ते। जर्मनी पोलैण्ड ता जनता किन लूटे कियाना काजे युद्ध शुरू कित्ता ओसो अदु ब्रिटिश-फ्रांसीसी साप्राज्यवादी मोर्चा ता उंदी पार्श्व किन तहस-नहस कियाला आल्सोर मत्ता। जर्मनी ता युद्ध ता स्वरूप साप्राज्यवादी मंता ओसो अदिना समर्थन आयवा लेवा विरोध आयाना। ब्रिटिश ओसो फ्रांस ता संबंध ता बारे ते हूँडतेके, एवु पोलैण्ड किन चन्ना वित्तीय पूँजीवाद काजे लूटे कियाना शिकार आलिसंतांग अवु पोलैण्ड किन जर्मन साप्राज्यवाद ता दुनिया किन लूटे कियाना पुनर्विभाजन कियाना कोशिश किन अवरुद्ध कियाना काजे इस्तेमाल कितांग ओसो अदिन तन्ना साप्राज्यवादी मोर्चा ताए उंदी पार्श्व बनेकीतांग। इदमे अविना युद्ध उंदी साप्राज्यवादी युद्ध बनेमांता, पोलैण्ड किन हियना मदद जर्मनी ता प्रतिद्वन्द्विता लोप्पा पोलैण्ड पोरों तम्मा कब्जा जम्मे कियाना उद्देश्य किन पूरा कियाला काजे आंदू अद्रमासी इद युद्ध ता वेने समर्थन किवा लेवा विरोध आयाना। पोलैण्ड सरकार संबंध, पोलैण्ड सरकार ता जर्मनीदार वर्ग ओसो पूँजीपति वर्ग ता फासीवादी प्रतिक्रियावादी सरकार मत्ता, अदु निर्ममतापूर्वक मजदूर ओसो किसान लोप्पा शोषण कियानदु अनि पोलैण्ड ता जनवादिरा उत्पीड़न कियानदु, इदे आयवा अदु बृहद पोलैण्ड ता शेविनिशस्ट लोरा सरकार मत्ता, इद सरकार गैर-पोलिश अल्पसंख्यक जातिंग, उकराइनी, बैलोरूसी, यहूदू, जर्मन, लिथुआनियाई ओसो दूसरा उंदी करोड़ तुकू ज्यादा संख्या मंदाना जातिंग मत्तांग, अविना निर्मम उत्पीड़न कियानदु, अदु खुद उंदी साप्राज्यवादी सरकार मत्ता। इद युद्ध लोप्पा प्रतिक्रियावादी पोलिश सरकार खुद ता इच्छा ते पोलैण्ड ता जनता किन ब्रिटिश ओसो फ्रांस ता वित्तीय पूँजीवाद ता बलि हियाला काजे तुरसिता ओसो तन्ना मर्जी ते अंतर्राष्ट्रीय वित्तीय पूँजीवाद ता प्रतिक्रियावादी मोर्चा ता उंदी अंग ता भूमिका निभे कित्ता। पोलैण्ड ता सरकार लगातार बीस साल एवनल सोवियत संघ ता विरोध कित्ता ओसो ब्रिटिश, फ्रांस अनि सोवियत संघ नड़मा समझौता-वार्ता ताकि कियानास्के सोवियत संघ ता सैनिक सहयाता ता प्रस्तावा किन ठुकरे कित्ता। इदे आयवा अदु उंदी वेल्ले अयोग्य सरकार मत्ता, 1500,000 तुकू ज्यादा अदिना सेना मुन्ने ने रेंडु हसांग लोप्पाने देश किन विनाशाकारी परिस्थिति लोप्पा वाटता अनि पोलैण्ड ता जनता किन जर्मन साप्राज्यवाद कैदे डोलला विड़सता। पोलैण्ड ता सरकार इद्रमता जुर्म कित्ता ओसो अदिन बारे ते उचुन वेने हमर्दी तासना मावा काजे गलत आयारा पोलैण्ड ता जनता

वेने शिकार आता, अदिन जर्मन फासीवाद ता उत्पीड़न ओसो तन्ना देश ता प्रतिक्रियावादी जर्मांदार ओसो पंजीवादी वर्ग किना विरुद्ध तेदना मत्ता ओसो उंदी स्वाधीन, स्वतंत्र ओसो जनवादी पोलिश राज्य ता स्थापना कियाना मत्ता। बदे डावुट हिल्वा, पोलैण्ड ता जनता ना संगे मावा हमदर्दी मंता। ओसो सोवियत संघ ता संबंध ते इतेके, अदिना कार्हर्वाईंग पूर्ण रूप ते न्यायपूर्ण मत्तांग। अदिना मुन्ने रेंडु समस्यांग मत्तांग। पहली समस्या पूरा पोलैण्ड किन जर्मन साम्राज्यवादी शासन लोप्पा दायला हियाना या पूर्वी पोलैण्ड ता अल्पसंख्यक जातिंग किन ओरा मुक्ति हासिल कियाला काजे मदद कियाना? अदु दूसरा हर्री पोयता। ब्रेस्ट-लितोव्स्क ता समझौता आयनास्के 1918 लोप्पाने जर्मन साम्राज्यवादीर नवोदित सोवियत राज्य तल बैलोरुसी ओसो उकराइनी जातिंग मंदाना बेहरा हिस्सा किन पोयता ओसो पेरके वर्साई ता समझौता आयनास्के अदिन मनमर्जी ते पोलैण्ड ता प्रतिक्रियावादी सरकार कैदे हीता। सोविय संघ इंजे एवनल कित्ता काम इदे मत्ता- तन्ना पोहता भूमि किन दोरकी कियाना, उत्पीड़ित बैलोरुसी ओसो उकराइनी किन मुक्ति कियाना ओसो अविन जर्मन उत्पीड़न तल बचे कियाना। मुन्नेटु उचुन दियांग लोप्पा दोरकी कित्ता समाचारकुनगडल अल्पसंख्यक जातिंग बद्रम लाल सेना किन तन्ना मुक्तिदाता ना रूप ते, गाटो-जावा संगे हार्दिक स्वागत किया मंता इंजी दोरता, असल ते अद्रम ता उंदी वेने रिपोर्ट इतेके जर्मन सेनांग बद इलाका पोर्ँे अधिकार कित्ता इंदाना रिपोर्ट पश्चिमी पोलैण्ड तल दोरकताद हिल्ले ओसो पश्चिमी जर्मनी तल वेने फ्रांसीसी सेनांग अधिकार कीतांग इंदाना रोपोर्ट दोरकद हिल्लो। अद्रमासी सोवियत संघ ता युद्ध उंदी न्यायपूर्ण ओसो कब्जा किवा मंदाना मुक्ति युद्ध आंदू इंजी स्पष्ट रूप ते दिसिंता, उंदी कमजोर ओसो सुडला राष्ट्र किन मुक्ति कियाना ओसो जनता किन स्वतंत्र कियाना लोप्पा सहयाता हियाना युद्ध आंदू दूसरा बगिल जर्मनी ओसो ब्रिटिश, फ्रांस ताकि कियाना युद्ध अन्यायपूर्ण, कब्जा कियाना ओसो साम्राज्यवादी युद्ध आंदू, अदिना उद्देश्य दूसरा राष्ट्र ओसो देशकुना जनता ना उत्पीड़न कियाना आंदू सोवियत संघ मुन्ने दूसरा समस्या चेम्बरलेन तन्ना पाइना सोवियत-विरोध नीति किन जारी तासाना कोशिश कियानादु मत्ता। चेम्बरलेन ता नीति, मुन्ने पश्चिम तल जर्मनी ता वेल्ले जोरशोर ते नाकाबंदी कियाना ओसो पश्चिमी हिस्सा पोर्ँे दबाव वाटना मत्ता। दूसरा, संयुक्त राज्य अमरिका संगे एकता आयना कोशिश कियाना ओसो इटली, जापान ओसो उत्तरी योरोप ता देश कुन अससी तन्ना बगिल कीसि जर्मनी किन अलगाव ते वाटनदु मत्ता। ओसो तीसरा पोलैण्ड किन, हंगरी ओसो रूमानिया किन वेने रिश्वत ता

रूप ते जर्मनी कैदे हियाला तैयार आयाना। संक्षेप ते जर्मनी तल सोवियत-जर्मन अनाक्रमण समझौता किन देहना ओसो अदिना तोपकिन सोवियत संघ ता खिलाफ मलिहला काजे चेम्बरलेन हर रकम ता दबाव वाटना ओसो रिश्वत ता सहारा एताता। इदु चाल इंजे एवनल ताका मंता ओसो मुन्ने वायना कालम ते वेने ताकसोरे मंदियर। तन्नाए भूमि किन दोबारा दोरकी कियाला ओसो कमजोर अनि सुडला जातिंग किन मुक्त कियाना उद्देश्य ते पूर्वी पोलैण्ड लोप्पा शक्तिशाली सोवियत सेना ता नेंगना जर्मन आक्रमणकारी ताकत किन पूर्व दिशा ते दायना तुकू रोमी कियाना ओसो चेम्बर लेन ता चाल किन विफल कियाना दृष्टि ते वेने उंदी व्यावहारिक कदम मत्ता। हत्ता उचुन दियांग लोणाटा समाचार कुन हूँडतेके सोवियत नीति वेल्ले सफल आता लेकका दिस्सा मंता। इदु सोवियत संघ ओसो ज्यादातर मानव जाति ता इत्तेके, प्रतिक्रियादी पोलिश शासन ता दोड मंदाना उत्पीडित जनता शामिल मंता, हित कुना एकरूपता ता उंदी ठोस सबूत आंदू। इदु तीसरा सवाल आंदू, इदिनाए बारे ते नन्ना वडकला आल्सोर मत्तान।

सोवियत-जर्मन अनाक्रमण समझौता पेरके संपूर्ण परिस्थिति जापान किन बेहरा धक्का दलगी कित्ता ओसो चीन किन वेल्ले सहायता हीता। इदु जापान ता प्रतिरोध कियानोरा परिस्थिति किन मजबूत कित्ता ओसो आत्मसमर्पणवादिर किन कमजोर कित्ता। चीनी जनता इद समझौता ता स्वागत कियानदु बिल्कुल सही मत्ता। नोमोनहान युद्ध-विराम समझौता<sup>5</sup> पोर्रो हस्ताक्षर आता पेरके ब्रिटिश ओसो संयुक्त मोर्चा अमरीका ता समाचार-एजेन्सिंग जल्दीए सोवियत-जापान अनाक्रमण समझौता आयार इंदाना कहानी किन फैले कीतांग, अद्रमासी चीन उचुन मुल इंजे सोवियत संघ चीन सहायता किवो आयार इंजी वेल्ले पेरेशान आत्तोरा। नोमोनहान युद्ध-विराम समझौता मुन्नेटा चांगकूफंग युद्ध-विराम समझौता<sup>6</sup> ता लेक्काने मत्ता, इत्तेके तन्ना हार मानेमायला काजे मजबूर आतास्के जापानी युद्ध-सरदार लोर सोवियत ओसो मंगोलियाई सीमांग ना अनुल्लंघनीयता किन मानेमासी पेश कित्तोरा। इद्रनता युद्ध-विराम समझौतांग सोवियत संघ किन चीन ता सहयाता बेरसी कियान लोप्पा मदद कीतांग। जापान-सोवियत अनाक्रमण समझौता ता चर्चा ता बारे हूँडतेके, सोवियत संघ बचोनो सालकुनल इदिना प्रस्ताव तास्ता, मति जापान बारबार अदिन ठुकरे किसोर वाताता। इंजे जापान ता शासक वर्ग ता उंदी हिस्सा सोवियत संघ संगे इद्रमात्ताए समझौता कियाला आल्सा मंता। मति सोवियत संघ इद्रम ता समझौता कींता या कीवो इंदानदु, इद्रम ता समझौता सोवियता संघ ओसो

ज्यादातर मानव जाति ना हितकुना अनुसार मंता या हिल्ले इंदाना बुनियादी पोल्लो निर्भर आसी मंता। ठोस रूप ते इद समझौता चीन ता राष्ट्रीय मुक्ति युद्ध ता हितकुना प्रतिकूल हिल्ले इंदाना पोल्लो पोर्रो निर्भर मंता। इद साल 10 मार्च ता सोवियत संघ ता कम्युनिस्ट पार्टी ता आठारहवी कांग्रेस लोण्पा स्तालिन पेश कित्ता रिपोर्ट ओसो 30 मई ते सोवियत संघ ता सर्वोच्च सोवियत ता मुने मोलोतोव ना भाषण किन हूड़सी नन्ना सोवियत संघ तन्ना इद बुनियादी उसूल किन बदले किवो इंजी वेहा परिंताना। इद्रम ता समझौता आतेके वेने चीन किन सहायता कियाना आजादी पोर्रो बाधा वाटना बदे वेने पोल्लो किन सोवियत संघ बिलकुल मानेमायो आयारा सोवियत संघ ता हित हमेशाए चीन ता राष्ट्रीय मुक्ति ता हितकुना अनुकूल मंदितांग। नन्ना इद पोल्लो किन बदे डावुट हिल्वा मानेमांताना। सोवियत संघ ता विरुद्ध मंदानोर नोमोनहानन युद्ध-विराम समझौता ता ओसो जापान-सोवियत अनाक्रमण समझौता ता बारे ते फैलेमात्ता पोल्लोंग ना फायदा एतसी परेशान आया मंतोर, चीन ओसो सोवियत संघ रेंडासी महान राष्ट्र कुना नडमा गलत विचारकु पैदा किया मंतोर। इद्रम ब्रिटिश संयुक्त राज्य अमरीका फ्रांस ता तिकडमबाजी ओसो चीन ता आत्मसमर्पणवादीर किया मंतोर। इदु वेल्ले खतस्नाक मंता ओसो माटु इद्रम ता तिकडमकुना पूराए पर्दाफाश कियाना। चीन ता विदेश नीति जापानी आक्रमण ता प्रतिरोध कियाना मंताना इंजी स्पष्ट मंता। इद नीति इतेके मुख्य रूप ते तन्ना काल पोर्रो नित्ताना ओसो संगेने विदेशकुनागडल सहायता दोरकी कियाना बदे वेने संभावना किन नजरअंदाज किवा मंदाना आंदू साम्राज्यवादी विश्वयुद्ध शुरू आतेके विदेशी सहयाता मुख्य रूप ते मूँड स्नोतकुनागडल मंता। 1) समाजावादी सोवियत संघ, 2) पूंजीवादी देश कुना जनता, ओसो 3) उपनिवेश ओसो अर्धउपनिवेश कुना उत्पीडित राष्ट्र मावा सहयाता ता विश्वासनाय स्रोत मंदितांग। दूसरा बदे वेने रकम ता अतिरिक्त ओसो अस्थाई विदेशी सहयाता हासिल कियाना कोशिश किसोर मंदाना, मति बदे वेने परिस्थिति ते अदिना पोर्रो ज्यादा निर्भर आसी मंदानायो ओसो अदिना ज्यादा विश्वास वेने कियानायो। चीन किन सम्राज्यवादी युद्ध लोण्पा संलग्न रेंडासी पक्ष किन बारे ते सख्ती ते निष्पक्षता बरते कियाना ओसो बदे वेने पक्ष लोण्पा शामिल आयानायो। चीन किन ब्रिटिश-फ्रांसीसी सम्राज्यवादी मोर्चा लोण्पा शामिल आयाना इतेके, उंदी आत्मसमर्पणवादी दृष्टिकोण आंदू, इदु प्रतिरोध-युद्ध काजे अदिन बिलकुले ठुकरे किसियाना। इदु चौथा सवाल बारेते आंदू

मना देशवासीर इव नालुंग सवालकुना पोर्रो बेहरा स्तर ते विचार-विमर्श किया मंतोर। ओरु अंतर्राष्ट्रीय समस्यांग ना अध्ययन कियाना बगिल, साप्राज्यवादी विश्वयुद्ध ओसो चीन ता प्रतिरोध-युद्ध नड़मा ता संबंध ओसो सोवियत संघ ओसो चीन नड़मा ता संबंध कुना बगिल ध्यान हिया मंतोर, बारांकु इत्तेके ओरा उद्देश्य जापान ता आक्रमण पोर्रो जीत हासिल कियाना मंता। इगा नन्ना इव सवाल कुना पोर्रो नावा उचुन बुनियादी विचार पेश कितद मंता, ओसो पढेमायनोर इविना पोर्रो चर्चा कियला पेरके-मुन्ने आयोर इंजी आशा किया मंतान।

## नोट

1. लीग ऑफ नेशन्स उंदी प्रथम विश्वयुद्ध पेरके ब्रिटिश, फ्रान्स, जापान ओसो दूसरा सम्प्राज्यवादी देश कु सौदाबाजी संगे दुनिया ता पूना तरीका ते तूसला ओसो तम्मा नड़मा ता अन्तरविरोध कुन उचुन समय काजे पुनर्व्यवस्थित कियाना उद्देश्य संगे गठित कियाना संगटन आंदू 1931 ते जापानी सम्प्राज्यवादी चीन ता उत्तर-पूर्व पोर्टो अधिकार कित्ता ओसो 1933 लोप्पा जापान लीग ऑफ नेशन्स किन विड़सता, अद्रमासी अदु ज्यादा सुविधा संगे तन्ना आक्रमण ता विस्तार किया परता। अदे साल जर्मन फासीवादी सत्तारुद्ध आता ओसो अदु आक्रमणकारी युद्ध ता तैयारींग सुविधापूर्वक किया परना इंजी लीग ऑफ नेशन्स तल अलग आता। 1934 लोप्पा फासीवादी आक्रमणकारी युद्ध ता तैयारी ता खतरा बेरसा मंता, सोवियत संघ लीग ऑफ नेशन्स लोप्पा शामिल आता। इद्रम दुनिया ता पूना तरीका ते तूसना काजे बनेमात्ता सम्प्राज्यवादी संगटन किन विश्वशांति ता हितकुना सेवा कियाना लेकका संगटन बने कियाना संभावना पुट्ठता। 1935 लोप्पा अबीसीनिया पोर्टो तन्ना आक्रमण पेरके इटली वेने लीग ऑफ नेशन्स तल अलग आता।
2. सोवियत संघ ओसो फ्रांस नड़मा, सोवियत संघ ओसो चेकोस्लोवाकिया नड़मा आपसी सहायता समझौता 1935 लोप्पा सम्पन्न आता।
3. लायड चार्ज ब्रिटिश पूंजीपति वर्ग ता लिबरल पार्टी ना नेता लोग लोप्पाटल वरोर नेताल मत्तोरा ब्रिटिश, फ्रांस ओसो सोवियत संघ नड़मा वार्ता ताकनास्के ओरु पार्लियामेंट लोप्पा घोषणा कीतोर - “सोवियत संघ ता प्रस्ताव किन ठुकरे कियाना इत्तेके शांति किन ठुकरे कियाना आंता।”
4. 1 सितम्बर 1939 ते जर्मनी पोलैण्ड लोप्पा अतिक्रमण कित्ता ओसो अदिना भूमि ता ज्यादातर हिस्सा पोर्टो अधिकार कित्ता। 17 सितम्बर ते पोलैण्ड ता प्रतिक्रियावादी सरकार विदेश ते वित्तता। अदे दिय्या तन्ना हत्ता भूमि किन दोबारा दोरकी कियाना काजे उत्पीड़ित उकराइनी ओसो बैलोरुसी जातिंग ना उद्धार काजे ओसो जर्मन फासीवादी सेनांग ना पूर्व बगिल दायना तुकू रोमी कियाला काजे, सोवियत संघ पूर्वी पोलैण्ड लोप्पा तन्ना सेनांग लोहता।

5. नोमोनहान युद्ध-विराम समझौता सितम्बर 1939 लोप्पा मास्को ते आता। मई 1939 ते जापानी सेनांग ओसो कठपुतली “मंचूक्वो” सेनांग मंगोलिया ओसो “मंचूक्वो” ता सीमा पोर्ऱे नोमोनहान इलाका लोप्पा सोवियत संघ ओसो मंगोलिया लोक गणराज्य ता सेनांग पोर्ऱे आक्रमण कित्ता। आत्मरक्षा ता वीरतापूर्ण संघर्ष लोप्पा सोवियत ओसो मंगोलियाई सेनांग ओरकिन पूराए पराजित कित्ता। जापानी लोर अस्के शातिं ता गुहार कित्तोर। नोमोनहान युद्ध-विराम समझौता लोप्पा तुरंत लड़ाई बंद कियाना इंजी ओसो मंगोलिया लोक गणराज्य अनि “मंचूक्वो” कठपुतली राज्य नडमा मुठभेड़ आता जागा ने सीमा निर्धारित कियाला काजे इरवुर प्रतिनिधि सोवियत संघ-मंगोलियाई पक्ष तेल ओसो इरवुर प्रतिनिधि जापानी-“मंचूक्वो” पक्ष तल पोयसी नालवुर मानेय ना उंदी कमीशन बने कित्ताद मत्ता।
6. चांगकूफंग युद्ध-विराम समझौता 11 अगस्त 1938 ते मास्को लोप्पा आसी मत्ता। 1938 लोप्प जुलाई ता आखरी ओसो अगस्त ता शुरूआत ते चीन, कोरिया ओसो सोवियत संघ ता सीमा पोर्ऱे चांगकूफंग इलाका लोप्पा जापानी सेनांग किन वेल्ले जोरशोर ते तूरस्ताद मंता। ताना पेरके जापानी लोर शांति ता गुहार कित्तोर। चांगकूफंग युद्ध-विराम समझौता लोप्पा तुरंत लड़ाई बंद कियाना ओसो सीमा-रेखांग ना जांच कीसि आखरी रूप ते निर्धारित कियाला काजे रेंडु प्रतिनिधि सोवियत पक्ष तल ओसो इरवुर प्रतिनिधि जापानी-“मंचूक्वो” पक्ष तल पोयसी नालवुर मानेय ना उंदी कमीशन बने कियाना इंजी व्यवस्था कित्ताद मत्ता।

## “कम्युनिस्ट” पत्रिका ता परिचय

4 अक्टूबर 1939

केन्द्रीय कमेटी ता वेल्ले समय तल उंदी आंतरिक पार्टी पत्रिका प्रकाशित कियाना योजना ताकसोर मत्ता, ओसो आखरी ते इंजे इदु योजना सफल आत्ता इद्रम ता पत्रिका उंदी बोल्शेविकीकृत चीनी कम्युनिस्ट पार्टी ता निर्माण काजे जरूरी मंदाना ओसो देशव्यापी जनव्यापी मंदाना अनि विचारधारात्मक, राजनीतिक ओसो संगठनात्मक रूप ते पूराए सुदृढ़ मंदाना पत्रिका आंदू। इदु वर्तमान परिस्थिति लोण्ठा ओसो वेने ज्यादा स्पष्ट आत्ता। वर्तमान परिस्थिति ता खास विशेषतांग इत्तेके - उंदी बगिल जापान-विरोधी राष्ट्रीय संयुक्त मोर्चा लोण्ठा आत्मसमर्पण, फूट ओसो प्रतिगमन ता खतरा दिव्यादिव्या तुकू बेरसा मंता, ओसो दूसरा बगिल मावा पार्टी तन्ना संकीर्ण परिस्थिति तल बाहार पेसिसी उंदी प्रमुख देशव्यापी पार्टी बनेमात्ता। मावा पार्टी ता काम आत्मसमर्पण, फूट ओसो प्रतिगमन ता खतरा तल जीत हासिल कियाला काजे सब्बे रकम ता घटनांग ना मुकाबला कियाना तैयारी कियाना काजे जनता किन उंदीकडू कियाना अस्केने इद्रम ता घटनांग आतास्के पार्टी ओसो क्रांति किन ज्यादा नुकसान आयो आयारा नेटा लेक्काटा परिस्थिति लोण्ठा उंदी आंतरिक पार्टी पत्रिका मंदाना वेल्ले जरूरत मंता।

इद आंदरुनी पार्टी पत्रिका ता पोर्टेल “कम्युनिस्ट” मंता। इदिना उद्देश्य बातल मंता? इदिना लोण्ठा रासना विषय (लेखन-सामग्री) बातल मंदाना? इदु दूसरा पार्टी-प्रकाशनकुनगडल अलग बद्रम मंदियर?

इदिना उद्देश्य उंदी बोल्शेविकीकृत चीनी कम्युनिस्ट पार्टी ता निर्माण आयना लोण्ठा सहायता कियानादु मंता, इदु पार्टी देशव्यापी-जनव्यापी मंदाना, विचारधारात्मक, राजनीतिक ओसो संगठनात्मक रूप ते वेल्ले सुदृढ़ मंदाना। इद्रम ता पार्टी ता निर्माण चीनी क्रांति ता जीत काजे वेल्ले जरूरी मंता ओसो कुल मिलेकीसि इदिना काजे मनोगत ओसो वस्तुगत परिस्थिति मंता। असल ते इदु महान

काम इंजे मुन्ने दाया मंता। इद महान काम ता सहायता काजे उंदी विशेष पार्टी-पत्रिका ता जरूरत मंता ओसो अदिन काजेने इंजे “कम्युनिस्ट” ता प्रकाशन आया मंता।

मना पार्टी नेंड उंदी देशव्यापी, जनव्यापी पार्टी बनेमाता ओसो इदिना नेतृत्व ता केंद्रीय हिस्सा, इदिना सदस्य लोरा उंदी हिस्सा ओसो इदिना आम कार्यदिशा अनि क्रांतिकारी कार्य ता संबंध किन हूँडतेके इदु नेंडु उंदी विचारधारात्मक, राजनीति ओसो संगठनात्मक रूप ते सुदृढ़ मंदाना बोल्शेविकीकृत पार्टी बनेतादु मंता।

इद्रम ता परिस्थिति मत्तास्के उंदी पूना काम तन्ना मुन्ने बारांकू तासना?

इदिना कारण इंजे मावा बचोनो पूना पार्टी-संगठनकु मंतांग, अविना बचोनो पूना सदस्य लोर मंतोर, मति ओरु इंजे वेने जनव्यापी या विचारधारात्मक, राजनीतिक ओसो संगठनात्मक रूप ते सुदृढ़ ओसो बोल्शेविकीकृत बनेमात्ताद हिल्लेगा इदिना संगेने पाडना पार्टी-सदस्य लोरा राजनीतिक स्तर किन पोर्रे तेहाना ओसो पाडना संगठन किन विचारधारात्मक, राजनीतिक ओसो संगठनात्मक रूप ते वेने सुदृढ़ बने कियाना ओसो ओरा बोल्शेविकीकरण लोप्पा ओसो ज्यादा विकास कियाना समस्या वेने मंता। नेंडु मना पार्टी ता इद परिस्थिति लोप्पा अदु बवु जिम्मेदारिंग तेहा मंतायो, अबु क्रांतिकारी गृहयुद्ध ता जिम्मेदारिंगनगडल वेल्ले अलग मंतांगा नेटा परिस्थिति बचोनो ज्यादा कठीन मंता ओसो जिम्मेदारिंग ना बोजा वेने बचोनो ज्यादा मंता।

इदु राष्ट्रीय संयुक्त मोर्चा ता कालम आंदू, ओसो माटु पूँजीपति वर्ग संगे उंदी संयुक्त मोर्चा बने कित्तादु मंता। इदु जापानी-आक्रमण-विरोधी युद्ध कालम आंदू ओसो मना पार्टी ता सशस्त्र सेनांग लडाई लोप्पा दोस्त-सेनांग संगे तालमेल कीसि दुश्मन ता विरुद्ध उंदी निर्मम युद्ध किया मंतांग। इदु मना पार्टी उंदी प्रमुख देशव्यापी पार्टी बनेमात्ता कालम आंदू ओसो इंजे अदु मुन्ने मत्ता पार्टी लेकका हिल्ले। माटु इव सब्बे तत्व कुन काल्पिसी हूँडतेके, माटु मना मुन्ने तास्ता काम-इत्तेके “उंदी लेक्काटा बोल्शेविकीकृत चीनी कम्युनिस्ट पार्टी ता निर्माण कियाना काम, अदु देशव्यापी ओसो जनव्यापी मंदाना ओसो विचारधारात्मक, राजनीतिक ओसो संगठनात्मक रूप ते सुदृढ़ मंदाना”- वेल्ले महत्वपूर्ण मंता।

माटु इंजे इद्रमता पार्टी निर्माण कियाला आल्सा मंतोग, मति इद काम किन माटु बद्रम पूरा कियाना? इद सवाल ता जवाब माटु मना पार्टी ता ओसो अदिना अठारह साल ता संघर्ष ता इतिहास किन हूँडवा लेवा हिया परवोम।

1921 लोप्पा आता मावा प्रथम राष्ट्रीय कांग्रेस किन इंजे एवनल पूरा अठारह साल आतांगा इव अठारह साल लोप्पा मावा पार्टी वेल्ले महान संघर्ष कित्ता। ओसो पार्टी ता सदस्य लोर, कार्यकर्तालोर ओसो संगटन, सब्बे तोर खुद किन इव महान संघर्ष लोप्पा टिके कित्तोरा क्रांति ताकनास्के वेल्ले बेसता सफलतांग ओसो गंभीर विफलतांग कुना वेने अनुभव दोरकता। पार्टी पूऱ्जीपति वर्ग संगे राष्ट्रीय संयुक्त मोर्चा निल्पी कित्ता ओसो इद संयुक्त मोर्चा देगतेके बेहरा पूऱ्जीपति वर्ग ओसो अदिना सहायक वर्ग कुना खिलाफ तीव्र सशस्त्र संघर्ष कित्ता। हत्ता मूँड साल कुने पूऱ्जीपति वर्ग संगे उंदी राष्ट्रीय संयुक्त मोर्चा लोप्पा हत्ता। चीनी पूऱ्जीपति वर्ग संगे इदे रकम ता कठिन संबंध कुन निभे किसोर चीनी क्रांति ओसो चीनी कम्युनिस्ट पार्टी तन्ना विकास ता हर्ही ते मुन्ने हत्ता। इद उंदी ऐतिहासिक विशेषता आंदू, उंदी औपनिवेशिक ओसो अर्ध-औपनिवेशिक देशकुना क्रांति लोप्पा मंदाना विशेषता आंदू ओसो बदे वेने पूऱ्जीवादी देश कुना क्रांतिकारी इतिहास लोप्पा दोरको आंता। इदे आयवा, चीन उंदी अर्ध-औपनिवेशिक ओसो अर्ध-सामंती देश आंदू बारांकू इतेके अदिना राजनीतिक, अर्थिक ओसो सांस्कृतिक विकास असमान रूप ते आतादु मत्ता, बारांकू इतेके अदिना अर्थव्यवस्था प्रधान रूप ते अर्ध-सामंती मंता ओसो अदिना इलाका बेहरा मंता, अद्रमासी वर्तमान काल ते चीनी क्रांति ता स्वरूप पूऱ्जीवादी-जनवादी मंता, अदिना हमला ता मुख्य निशाना साप्राज्यवाद ओसो सामंतवाद मंता ओसो अदिना बुनियादी प्रेरक ताकत सर्वहारा वर्ग, किसान वर्ग ओसो शहरी निम्न-पूऱ्जीपति वर्ग मंता ओसो राष्ट्रीय पूऱ्जीपति वर्ग अदिन लोप्पा उचुन खास मौका ने ओसो उंदी खास सीमा एवनले हिस्सा एतिंता। अद्रमासी चीनी क्रांति लोप्पा संघर्ष ता इतिहास इंदा परितोमा कामरेड स्तालिन इत्तोर इतेके “चीन लोप्पा सशस्त्र क्रांति, सशस्त्र प्रतिक्रांति संगे जूजेमाया मंता। इद चीनी क्रांति ता विशेषतांग ओसो श्रेष्ठतांग लोप्पाटल उंदी आंदू”<sup>1</sup> इंजी इत्तोरा इद पोल्लो निज्जम आंदू। अर्ध-औपनिवेशिक चीन ता इद विशेषता पूऱ्जीवादी देशकुना कम्युनिस्ट पार्टिंग ना नेतृत्व लोप्पा कियाना क्रांतिंग ना इतिहास लोप्पा हिल्ले, ओसो अदे रूप ते हिल्लो। इद्रम, चीनी पूऱ्जीवादी-जनवादी क्रांति ता रेंडु बुनियादी विशेषतांग मंतांग - 1) सर्वहारा वर्ग पूऱ्जीपति वर्ग संगे उंदी क्रांतिकारी राष्ट्रीय मोर्चा निल्पी कियाना लेवेके अदिन देहला मजबूर आयना 2) सशस्त्र संघर्ष इद क्रांति ता मुख्य रूप आंदू इगा माटु किसान वर्ग ओसो शहरी निम्न-पूऱ्जीपति वर्ग संगे पार्टी ता संबंध किन बुनियादी विशेषता ना रूप ते इव

संबंध उसूली रूप ते दुनियामेटा कम्युनिस्ट पार्टींग ना मुने मंता ओसो दूसरा, चीन लोप्पा सशस्त्र संघर्ष मुख्य रूप ते उंदी किसान-युद्ध आंदू ओसो किसान लोरा संगे पार्टी ता संबंध ओसो किसान-युद्ध संगे गर्ने ता संबंध उंदे चीज आंदू।

इव रेंडासी बुनियादी विशेषतांग ना कारण, असल ते इविनाए कारण ते मावा पार्टी ता निर्माण ओसो बोलशेविकीकरण विशेष परिस्थितिंग लोप्पा मुने दाया मंतांग। पार्टी ना असफलतांग ओसो सफलतांग, अदिना पेरके गुचना ओसो मुने दायना, अदिना केंद्रीकरण आयना ओसो विकेंद्रीकरण आयना, अदिना विकसित आयना ओसो सुदृढ़ बनेमायना, अनिवार्य रूप ते पूँजीपति वर्ग ओसो सशस्त्र संघर्ष संगे अदिना संबंध संगे जुडेमासी मंतांग। बस्के मावा पार्टी पूँजीपति वर्ग संगे संयुक्त मोर्चा बने कियाना सवाल ओसो मजबूर आसी अदिन देहना सवाल उंदी सही राजनीतिक कार्यदिशा लागू कीता, अस्के अदु तन्ना विकास, सुदृढ़ीकरण ओसो बोलशेविकीकरण ता दिशा लोप्पा उंदी कदम मुने दांता। मति अदु पूँजीपति वर्ग संगे तन्ना संबंध ता बारे ते उंदी गलत कार्यदिशा लागू कीतेके अदु उंदी कदम पेरके गुचिंता। अद्रमे मना पार्टी क्रांतिकारी सशस्त्र संघर्ष ता सवाल किन सही तरीका ते पोथिंता, अस्के अदु विकास, सुदृढ़ीकरण ओसो बोलशेविकीकरण ता दिशा ते उंदी कदम मुने दांता, मति अदु इद सवाल किन गलत तरीका ते पोयतेके अदु उंदी कदम पेरके गुचिंता। हत्ता अठारह सालकुनल, पार्टी ता निर्माण ओसो बोलशेविकीकरण ता काम अदिना राजनीतिक कार्यदिशा संगे, संयुक्त मोर्चा, सशस्त्र संघर्ष ता सवाल किन सही या गलत तरीका ते हल कियाना संगे घनिष्ठ रूप ते जुडेमासी मंता। मावा पार्टी ता अठारह साल कुना इतिहास तल इद निष्कर्ष ता स्पष्ट रूप दिस्सा मंता। ओसो इद पोल्लो उल्टा पार्टी वेल्ले बोलशेविकीकृत आतास्केने केवल अदु सही तरीका ते संयुक्त मोर्चा ओसो सशस्त्र संघर्ष ता सवाल किन हल किया परिंता। इद निष्कर्ष ता वेने मावा पार्टी ता अठारह साल ता इतिहास तल स्पष्ट रूप ते दिसिंता।

इदिन काजे संयुक्त मोर्चा, सशस्त्र संघर्ष ओसो पार्टी-निर्माण, इव चीनी क्रांति लोप्पा मना पार्टी काजे मूँड बुनियादी सवालकु मंतांग। इव मूँडासी सवालकु ओसो इविना आपसी संबंध कुना सही समझ दोरकी कियाना पूरा चीनी क्रांति किन सही नेतृत्व दोरकी कियाना लेकका मंता। माटु इंजे मना पार्टी ता अठारह साल ता इतिहास लोप्पा दोरकी कित्ता अनुभव कुना पोरो आधार आसी, असफलतांग ओसो सफलतांग, पेरके गुचना, मुने दायना, केंद्रीकरण आयना, विकेंद्रीकरण आयना रूप एतना तन्ना समृद्ध ओसो महत्वपूर्ण अनुभव कुना पोरो आधार आसिए इव मूँड

सवाल किना बारे ते सही निष्कर्ष तेंडा परिंतोमा। इतेके माटु इंजे संयुक्त मोर्चा, सशस्त्र संघर्ष ओसो पार्टी-निर्माण, चीनी क्रांति लोप्पा दुश्मन किन हारे कियाला काजे चीनी कम्युनिस्ट पार्टी ते मूँड “जादुई हथियार”, मूँड मुख्य जादुई हथियार आंदुंगा। इद चीनी कम्युनिस्ट पार्टी ता ओसो चीनी क्रांति ता उंदी महान सफलता आंदू।

वाटु, इगा माटु इव मूँड जादुई हथियार, मूँड सवालकुना पोरो संक्षेप ते विचार कियाना।

हत्ता अठारह साल कुना लोप्पा पूँजीपति वर्ग ओसो दूसरा वर्ग कुना संगे चीनी सर्वहारा वर्ग ता संयुक्त मोर्चा मूँड अलग-अलग परिस्थितिंग लोप्पा ओसो मूँड अलग-अलग मंजिल कुन वेंडसी विकसित आता। प्रथम महान क्रांति 1924 तल 1927 एवनल, भूमि-क्रांति युद्ध 1927 तल 1937 एवनल, ओसो वर्तमान जापानी-आक्रमण-विरोधी युद्धा। इव मूँडासी मंजिल कुना इतिहास इव नियम कुना बारेते वेहिंता।

1. चीन ता राष्ट्रीय पूँजीपति वर्ग साप्राज्यवाद ओसो सामंती युद्ध-सरदार लोरा खिलाफ संघर्ष लोप्पा उचुन खास मौका ने ओसो उंदी हंदी एवनल हिस्सा एतना, बारांकु इतेके चीन लोप्पा विदेशी उत्पीड़न सबसे बेहरा उत्पीड़न आंदू। अदिन काजे इद्रम ता मौका ते सर्वहारा वर्ग किन राष्ट्रीय पूँजीपति वर्ग संगे संयुक्त मोर्चा बने कियाना ओसो संभव आताचोन जोम निल्पी कीसि तासना। 2) दूसरा ऐतिहासिक परिस्थितिंग लोप्पा, चीन ता राष्ट्रीय पूँजीपति वर्ग तन्ना आर्थिक ओसो राजनीतिक कमजोरी ता कारण ते डुलमुल आयार ओसो विश्वासघात कीयरा। अदिन काजे चीन ता क्रांतिकारी संयुक्त मोर्चा ता रूप हमेशा उंदी लेकका मनवा लेवा परिवर्तनशील मंदियारा बस्केनाई राष्ट्रीय पूँजीपति वर्ग अदिना लोप्पा शामिल आया परिंता ओसो बदे उंदी समय शामिल आयवा बेने मंदिता। 3) चीन ता बेहरा पूँजीपति वर्ग, अदिना स्वरूप लोप्पा दलाल लेक्काटा मंता, प्रत्यक्ष रूप ते साप्राज्यवाद ता सेवा कियाना मंता ओसो अदिन पाले-पोसे कियाना आंता। अदिन काजे चीन ता बडे दलाल-पूँजीपतिरा वर्ग हमेशा क्रांति ता हमला ता निशाना बनेमांता। अद्रमातेकाई, इद बडे दलाल-पूँजीपति वर्ग लोप्पा अलग-अलग ग्रुप कुना मोरकुल पोरो अलग-अलग साप्राज्यवाजी ताकतकु ना कै मंदिता, अदिन काजे इव ताकतकुना नडमा अन्तरविरोध तीव्र आतेके ओसो क्रांति ता हमला ता निशाना मुख्य रूप ते बदे उंदी खास ताकत ता विरुद्ध मत्तेके, बेहरा

पूंजीपतिरा ग्रुप दूसरा ताकत कुना पोर्झे आधार आसी मंतांग, अदु खास ताकत ता विरुद्ध ताकी कित्ता संघर्ष लोप्पा उंदी खास सीमा एवनल ओसो उंदी खास समय काजे शामिल आया परिंतांग। इद्रम ता मौका ते दुश्मन, किन कमजोर बने कियाना ओसो तन्ना सुरक्षित ताकत कुन बेरसी कियाला जरूरत ते चीनी सर्वहारा वर्ग इव ग्रुप कुना संगे संयुक्त मोर्चा बने किया परिंता ओसो क्रांति ता फायदा काजे संभव आताचोन अदिन निल्पी कीसि तासना।

4) बडे दलाल-पूंजीपति वर्ग सर्वहारा वर्ग संगे साझा दुश्मन ता खिलाफ संघर्ष कियाना लोप्पा संयुक्त मोर्चा लोप्पा शामिल आतास्के वेने वेल्ले प्रतिक्रियावादी बनेमासी मंदिता। इदु सर्वहारा वर्ग ओसो अदिना पार्टी ता विचारधारात्मक, राजनीतिक ओसो संगठनात्मक विकास ता गटिग विरोध कींता, अविना पोर्झे पाबंदिंग वाटना कोशिश कींता ओसो अविना खिलाफ ध्वंसात्मक डावपेज- इत्तेके धोखा हियाना, लालच तोहना, “नुकसान कियाना” ओसो हमलांग कियाना- इस्तेमाल कींतांग, ओसो इव सब्बे दुश्मन ता मुन्ने आत्मसमर्पण कियाना ओसो संयुक्त मोर्चा किन छिन-भिन्न कियाना तैयारी काजे कींता। 5) किसान समुदाय सर्वहारा वर्ग ता सुदृढ़ सहायक आंदू। 6) शहरी निम्न-पूंजीपति वर्ग अदिना उंदी विश्वासनीय सहायक आंदू।

इव नियम कुना बारे ते केवल प्रथम महान क्रांति ओसो भूमि-क्रांति ताकनास्केने आयवा वर्तमान जापानी-आक्रमण-विरोधी युद्ध लोप्पा वेने साबित आता। अदिन काजे पूंजपति वर्ग संगे (ओसो विशेषकर बेहरा पूंजीपतिरा वर्ग संगे) संयुक्त मोर्चा बने कियाना लोप्पा सर्वहारा वर्ग ता पार्टी किन रेहु मोर्चाग ने दृढ़तापूर्वक ओसो गंभीरता संगे संघर्ष जरूर ताकी कियाना। उंदी बगिल पूंजीपति वर्ग उचुन खास मौकाने ओसो उंदी खास सीमा एवनल क्रांतिकारी संघर्ष लोप्पा शामिल आया परिंता इंदाना संभावना ता उपेक्षा कियाना ता गलती खिलाफ संघर्ष कियाना जरूरी मंता। चीन ता पूंजीपति वर्ग वेने पूंजीवादी देश कुना लोप्पा लेककाने समझेमायना, ओसो पूंजीपति वर्ग संगे संयुक्त मोर्चा बने कियाना ओसो परताचोन समय काजे निल्पी कीसि तासना नीति ता उपेक्षा कियाना, इदु “वामपंथी” दरवाजा-बंद कियाना गलती आंदू। दूसरा बगिल, सर्वहारा वर्ग ता ओसो पूंजीपति वर्ग ता प्रोग्राम, नीति, विचारधारा, व्यवहार लेककाटाविन उंदे समझेमायना ओसो अविना नडमा मंदाना उसूली मतभेद किन नजरअंदाज कियाना गलती ता खिलाफ संघर्ष कियाना वेने

जरूरी मंता। इगा पूँजीपति वर्ग (ओसो विशेषकर बेहरा पूँजीपतिरा वर्ग) केवल निम्न-पूँजीपति वर्ग ओसो किसान लोरा पोरेंने आयवा सर्वहारा वर्ग ओसो कम्युनिस्ट पार्टी पोरें वेने तन्ना असर वाटना कोशिश कित्ता, अद्रमासी सर्वहारा वर्ग ओसो कम्युनिस्ट पार्टी ता विचारधारात्मक, राजनीति ओसो संगठनात्मक स्वतंत्रता किन नष्ट किसियना, अविन पूँजीपति वर्ग ओसो अदिन राजनीतिक पार्टी ता तोकर लेकका बने कियाना ओसो क्रांति ता फायदा केवल पूँजीपति वर्ग ओसो अदिना राजनीतिक पार्टी ना कैदे अरना इद तथ्य कुना उपेक्षा कियाना लोप्पा आधारासी मंता। इद गलती बस्के क्रांति पूँजीपति वर्ग (ओसो विशेषकर बेहरा पूँजीपतिरा वर्ग) ता तन्ना या अदिना राजनीतिक पार्टी ता स्वार्थपूर्ण हितकुना संगे टकरेमांता अस्के अदु क्रांति संगे विश्वासघात कीसिंता। छन तूऱ्यू ता दक्षिणपंथी अवसरवाद ता विशेषता अदिन सर्वहारा वर्ग किन पूँजीपति वर्ग ओसो अदिना राजनीतिक पार्टी ता स्वार्थपूर्ण हितकुना अनुकूल बने कियाला काजे गुमराह कित्ता ओसो इदे प्रथम महान क्रांति लोप्पा चीनी पूँजीपति वर्ग ता रेंडु मोक्कम मंदाना चरित्र राजनीतिक कार्यदिशा ओसो मावा पार्टी-निर्माण पोरें वेल्लो असर वाटिंता, ओसो अदिना इदु रेंडु रकम ता चरित्र किन समझे मायवा लेवा माटु मना राजनीतिक कार्यदिशा ता ओसो पार्टी-निर्माण ता सही समझ हासिल किया परिंतोमा। पूँजीपति वर्ग संगे एकता कियाना संगे-संगे अदिना खिलाफ संघर्ष वेने कियाना नीति चीनी कम्युनिस्ट पार्टी ता राजनीतिक कार्यदिशा ता उंदी महत्वपूर्ण अंग आंदू आंदू पूँजीपति वर्ग संगे एकता कियाना ओसो अदिना विरुद्ध संघर्ष ताकी कियाला संगे ने पार्टी ता विकास आता ओसो अदु फौलाद बनेमात्ता, ओसो अदु मावा पार्टी-निर्माण ता उंदी महत्वपूर्ण अंग आंदू इगा एकता इतेके पूँजीपति वर्ग संगे संयुक्त मोर्चा आंदू। इगा संघर्ष इतेके विचारधारात्मक, राजनीतिक ओसो संगठनात्मक इलाकांग लोप्पा उंदी “शांतिपूर्ण” ओसो “रक्तपातहीन” संघर्ष पूँजीपति वर्ग संगे मना एकता मंदानास्के ताकिंता। बस्के माटु पूँजीपति वर्ग संगे संबंध देहला मजबूर आंतोम अस्के अद संबंध सशस्त्र संघर्ष लोप्पा बदलेमांता। बदाई खास मौकांग ने पूँजीपति वर्ग संगे एकता कियाना इंजी मावा पार्टी समझेमायवेके अदु मुन्ने दाया परखो ओसो क्रांति ता विकास वेने आयो आंता। मना पार्टी पूँजीपति वर्ग संगे एकता आसोरे अदिना विरुद्ध उंदी सुदृढ़ ओसो गंभीर “शांतिपूर्ण” संघर्ष ताकी कियाना इंजी समझेमायवेके मना पार्टी विचारधारात्मक, राजनीतिक ओसो संगठनात्मक रूप ते विघटित आयार ओसो क्रांति वेने विफल आयार। अद्रमे मना पार्टी मजबूर आसी पूँजीपति वर्ग संगे संबंध

देहता पेरके अदिना खिलाफ उंदी सुदृढ़ ओसो गंभीर सशस्त्र संघर्ष ताकी किवा मर्तेके वेने मना पार्टी इद्रमे विघटित आयार ओसो क्रांति वेने इद्रमे विफल आंता। इव सब्बे पोल्लोंग ना सच्चाई ता बारे ते हत्ता अठारह साल कुना घटनांग लोप्पाटल साबित आता।

चीनी कम्युनिस्ट पार्टी ता सशस्त्र संघर्ष सर्वहारा वर्ग ता नेतृत्व लोप्पा ताकी कियाना किसान-युद्ध ता रूप एतिंता। इद सशस्त्र संघर्ष ता इतिहास ता वेने मूँड मंजिल मंतांग। पहली मंजिल, मना उत्तरी अभियान लोप्पा हिस्सा एतना। अस्के मना पार्टी सशस्त्र संघर्ष ता महत्व किन समझेमात्ता, मति अदिन पूराए समझेमाया परवा मत्ता, अदु सशस्त्र संघर्षे चीनी क्रांति लोप्पा संघर्ष ता मुख्य रूप आंदू इंजी समझेमायवा मत्ता। दूसरा मंजिल, भूमि-क्रांति युद्ध ता मंजिल आंदू। अस्के मना पार्टी तन्ना स्वतंत्र सशस्त्र सेनांग ना निर्माण कीसि मत्ता, स्वतंत्र रूप ते लडेमायना तरीका करियसी मत्ता ओसो जनता ना राजनीतिक सत्ता ओसो आधार-इलाकांग ना स्थापना कीसि मत्ता। अस्के मना पार्टी सशस्त्र संघर्ष ता बचोनो जरूरी रूपकुना संगे प्रत्यक्ष ओसो अप्रत्यक्ष संबंध स्थापित कीसि योग्य बनेमासी मत्ता, इतेके अदु राष्ट्रीय स्तर ते मजदूर लोरा संघर्ष संगे, राजनीतिक सत्ता काजे कियाना संघर्ष संगे, आर्थिक जासूसी-विरोधी ओसो विचारधारात्मक मोर्चा ते कियाना संघर्ष संगे ओसो संघर्ष ता दूसरा रूप कुना संगे सशस्त्र संघर्ष ता प्रत्यक्ष ओसो अप्रत्यक्ष संबंध बने कियाला करियसी मत्ता। ओसो इद सशस्त्र संघर्ष ता रूप मत्ता सर्वहारा वर्ग ता नेतृत्व लोप्पा किसान लोरा भूमि-क्रांति मत्ता। तीसरी मंजिल वर्तमान जापानी-आक्रमण-विरोधी युद्ध ता मंजिल मत्ता। इद मंजिल लोप्पा माटु मना पहली मंजिल ता ओसो विशेषकर दूसरा मंजिल ता सशस्त्र संघर्ष ता अनुभव कुना ओसो सशस्त्र संघर्ष ता संबंध संघर्ष ता दूसरा सब्बे जरूरी रूप कुना संगे निल्पी कियाना तन्ना अनुभव कुना सही इस्तेमाल कियाला काजे तैयार मत्ता। वर्तमान कालम ते आम रूप ते सशस्त्र संघर्ष इतेके छापामार युद्ध आंदू<sup>2</sup> छापामार युद्ध बातल आंदू? इदु उंदी पेरके अरता देश लोप्पा उंदी बेहरा अर्ध-औपनिवेशिक देश लोप्पा, जनता ना सशस्त्र सेनांग सशस्त्र दुश्मन किन हारे कियाना ओसो खुद तन्ना आधार-इलाकांग किन निल्पी कियाला काजे कियाना संघर्ष ता उंदी अनिवार्य रूप आंदू, अदिन ओरु उंदी लम्बा समय एवनल इस्तेमाल किया परितोर इंजे एवनल मना राजनीतिक कार्यदिशा ओसो मना पार्टी-निर्माण ता कार्य, रेंडासी किने संघर्ष ता इदे रूप संगे घनिष्ठ रूप ते जुडेमांता। सशस्त्र संघर्ष तल छापामार युद्ध तल अलग कीसि मना राजनीतिक कार्यदिशा ता ओसो मना पार्टी-निर्माण ता

काम ता सही समझ हासिल कियाना असंभव आंता। सशस्त्र संघर्ष मना राजनीतिक कार्यदिशा ता उंदी महत्वपूर्ण अंग आंदू हत्ता अठारह साल लोप्पा मना पार्टी कदम-ब-कदम सशस्त्र संघर्ष कियाला करियता ओसो अदु इदु पोल्लो पोर्रे डेमासी मत्ता। माटु सशस्त्र संघर्ष लेवा चीन लोप्पा सर्वहारा वर्गे तन्ना काल पोर्रे नित्ता परवो ओसो जनता अनि कम्युनिस्ट पार्टी वेने नित्ता परवो, ओसो क्रांति ता जीत असंभव आयारा इद साल ते मना पार्टी ता विकास कियाना अदिन सुदृढ़ बने कियाना ओसो अदिना बोलशेविकीकरण कियाना काम क्रांतिकारी युद्ध कुना नडमा मुन्ने हत्ता। सशस्त्र संघर्ष लेवा मना कम्युनिस्ट पार्टी ता रूप इन्द्रम बिल्कुल मन्नो आसी मनवडा पूरा पार्टी ता कामरेड्स किन तन्ना नेतृर पोहची हासिल कित्ता अनुभव किन बिलकुने मरंगनायो।

अद्रमे पार्टी ता निर्माण, अदिना विकास, सुदृढ़ीकरण ओसो बोलशेविकीकरण ता वेने मूँड मंजिल मंतांग अविना तन्ना-तन्ना विशेषतांग मंतांग।

पहली मंजिल, पार्टी ता शुरूआती मंजिल मत्ता। इद मंजिल ता शुरूआत ओसो नडमा ता चरण लोप्पा पार्टी ता कार्यदिशा सही मत्ता ओसो पार्टी ता आम सदस्य लोर अनि कार्यकर्ता लोर इरवुरासी रा क्रांतिकारी गिर्दा वेल्ले पोर्रे मत्ता। अदिन काजेने प्रथम महानक्रांति लोप्पा जीत हासिल कित्ता। मति अस्के अद समय ते मना पार्टी ता शुरूआत तेने मत्ता। अदिनगा संयुक्त मोर्चा, सशस्त्र संघर्ष ओसो पार्टी-निर्माण, इव मूँडासी बुनियादी समस्यांग ना संबंधित अनुभव ता कमी मत्ता। अदिन चीन ता इतिहास ओसो चीनी समाज ता ओसो चीनी क्रांति ता विशेषतांग ओसो नियमोकुना वेल्ले ज्ञान हिल्वा मत्ता, ओसो मार्क्सवाद-लेनिनवाद ता सिद्धांत ओसो चीनी क्रांति ता व्यवहार ता नडमा ता एकता ता पूरा ज्ञान हिल्वा मत्ता। अदिन काजे इद मंजिल ता ओखरी चरण इतेके इद मंजिल ता कमजोर परिस्थिति ते, पार्टी ता नेतृत्वकारी संगटन लोप्पा प्रमुख पद ते मंदानोर, क्रांति ता जीत कुन सुदृढ़ीकरण लोप्पा पार्टी ता नेतृत्व कियाना लोप्पा विफल आतोर, ओरु पूँजीपति वर्ग तल धोखा तित्ता अदिन काजे क्रांति असफल आता। इद मंजिल लोप्पा पार्टी-संगटन कुना विस्तार आता मति अदिना सुदृढ़ीकरण कित्ताद हिल्वा मत्ता, ओसो पार्टी सदस्य ओसो कार्यकर्ता लोर किन विचारधारात्मक, राजनीतिक दृष्टि ते सुदृढ ओसो स्थिर बने कियाना लोप्पा विफल आतोर। वेल्ले पूना सदस्य लोर मत्तोर, मति ओरकिन जरूरी मार्क्सवाद-लेनिनवाद शिक्षा हीताद हिल्वा मत्ता। काम ता वेने सही अनुभव हासिल आसी मत्ता, मति अदिना सही रूप सारांश तेंडताद हिल्वा मत्ता। बचोनो कैरियरवादी मौक दोरकी कीसि पार्टी लोप्पा नेंगतोर, मति ओरकिन बाहर तेंडताद

हिल्वा मत्ता। पार्टी तन्ना दुश्मन ओसो दोस्त लोरा चाल ओसो षड्यंत्र लोप्पा फसेमासी मत्ता, मति जांचपड़ताल ता कमी मत्ता। पार्टी लोप्पा सक्रिय तत्व वेल्ले संख्या लोप्पा मुने वाता, मति ओरकिन समय तेने पार्टी मुख्य आधार बने कित्ताद हिल्ले। पार्टी तन्ना नेतृत्व लोप्पा उचुन क्रांतिकारी सशस्त्र युनिटकु वेने मत्तांग, मति अविना पोर्णे ठोस पकड़ तासा परवा मत्ता। इव सब्बे ना कारण अनुभव हिल्वा मंदानादु मत्ता, क्रांतिकारी समझ हिल्वा मंदानानदु ओसो मार्क्सवादी-लेनिनवादी ता सिद्धांत किना चीनी क्रांति ता व्यवहार संगे कलियाना लोप्पा विफलता मंदानदु मत्ता। इदु पार्टी-निर्माण ता पहली मंजिल आंदू।

दूसरी मंजिल भूमि-क्रांति युद्ध ता मत्ता। बारांकु इत्तेके मना पार्टी पहली मंजिल लोप्पा अनुभव हासिल कित्ता, अदु चीन ता इतिहास ओसो चीनी समाज ता ओसो चीनी क्रांति ता विशेषतांग ओसो नियमकु ना वेल्ले बेस ज्ञान हासिल कीसि मत्ता ओसो अदिना कार्यकर्तालोर मार्क्सवाद-लेनिनवाद ता सिद्धांत ता ज्ञान हासिल कित्ता ओसो ओरु अदिन चीनी क्रांति ता व्यवहार संगे कलियाना लोप्पा तैयार आत्तोर, अदिन काजे अदु दस साल एवनल सफलतापूर्वक भूमि-क्रांति संघर्ष ताकी कित्ता। पूँजीपति वर्ग विश्वसंघात कित्ता, मति मना पार्टी किसान लोरा पोर्णे दृढ़ता ते निर्भर मंदाना लोप्पा सफल आता। पार्टी संगटन केवल विकसिते आयवा सुदृढ़ वेने बनेमात्ता। दुश्मन दिय्या-दिय्या ते मना पार्टी लोप्पा एकदम लोप्पाटल तोडफोड कियाना कोशिश कित्ता, मति पार्टी गद्दार लोर किन बाहार तेंडता। पार्टी लोप्पा ओसो उंदी बेरा बेहरा संख्या ते कार्यकर्ता लोर मुने वात्तोर, ओसो इंजे ओरु अदिना मुख्य सम्बल बनेमातोर। पार्टी जनता ना राजनीतिक सत्ता ता हर्षी तेरियता ओसो इद्रमे शासन ताकी कियाला करियता। इव मना पार्टी लोप्पाटा विकास ओसो महान सफलतांग आंदुंगा। इव महान संघर्षकु ताकनास्के मना उचुन कामरेड्स अवसरवादी रुझान लोप्पा फंसेमासी मत्तोर, ओसो कम से कम उचुन समय काजे फंसेए मातोर, अदिन काजे ओरु मुनेटा अनुभव ते नम्रतापूर्वक शिक्षा हासिल कित्ताद हिल्ले, चीन ता इतिहास ओसो चीनी समाज ता ओसो चीनी क्रांति ता विशेषतांग ओसो नियमकु ना ज्ञान हासिल कित्ताद हिल्ले ओसो मार्क्सवादी-लेनिनवादी सिद्धांत ओसो चीनी क्रांति ता व्यवहार नडमा ता एकता ता समझ हासिल कित्ता हिल्ले। इद पूरा मंजिल ते पार्टी ता नेतृत्वकारी संगटन लोप्पा उचुन मुल सही राजनीतिक ओसो संगठनात्मक कार्यदिशांग ने दृढ़तापूर्वक मंदाना लोप्पा असफल आतोरो। उंदी समय ते पार्टी ओसो क्रांति किन कामरेड ली-सान ना “वामपंथी” अवसरवाद तल नुकसान आता, ओसो

दूसरा कालम ते क्रांतिकारी युद्ध लोप्पा ओसो श्वेत इलाकांग ना काम लोप्पा दिसता “वामपंथी” अवसरवाद तल नुक्सान आता। चुनई मीटिंग (जनवरी 1935 लोप्पा क्वेचइओ ता चुनई पोर्टल ता जागा ते आता राजनीतिक ब्यूरो ता मीटिंग) लोप्पा हंजी पार्टी ता निश्चित रूप ते बोलशेविकीकरण ता हर्दे लागू कित्तोर ओसो चांग क्वो-थाओ ना दक्षिणपंथी अवसरवाद ता जीत दोरकता ओसो उंदी जापान-विरोधी राष्ट्रीय संयुक्त मोर्चा ता स्थापना कियाना काम ता नींव वाटतोर। पार्टी ता विकास लोप्पा इदु दूसरा मंजिल मत्ता।

तीसरा मंजिल जापान-विरोधी राष्ट्रीय संयुक्त मोर्चा मंजिल आंदू। इद मंजिल लोप्पा माटु मूँड साल आता ओसो संघर्ष ता इद साल वेल्ले महत्वपूर्ण मंता। हत्ता रेंडासी क्रांतिकारी मंजिल लोप्पा हासिल आता अनुभव कुना सहारा ते ओसो तन्ना संगठनात्मक ताकत ओसो तन्ना सशस्त्र सेनांग ना ताकत, पूरा देश ता जनता ना नडमा तन्ना उच्च राजनीतिक प्रतिष्ठा ओसो मार्क्सवाद-लेनिनवाद सिद्धांत ओसो चीनी क्रांति ता व्यवहार नडमा एकता ता तन्ना ओसो गहरी समझ पोर्टे आधार आसी मना पार्टी केवल जापान-विरोधी राष्ट्री संयुक्त मोर्चा ताए स्थापना किवा अदु जापानी-आक्रमण-विरोधी महाना युद्ध वेने ताकी किया मत्ता। संगठनात्मक रूप ते अदु तन्ना संकीर्ण सीमा तल बाहर वाता ओसो उंदी प्रमुख देशव्यापी पार्टी बनेमात्ता। जापानी हमलावर लोरा विरुद्ध संघर्ष लोप्पा अदिना सशस्त्र सेनांग ओसो उंदी बेरा विकसित आया मंतांग ओसो ज्यादाए मजबूत आया मंतांग। पूरा जनता लोप्पा पार्टी ता प्रभाव ओसो वेने व्यापक आया मंता। इव सब्बे महाना सफलतांग आंदूंग। इद्रमातेकाई मना पूना पार्टी-सदस्य लोरा लोप्पा वेल्लेतोर किन इंजे एवनल शीक्षा हीताद हिल्ले। पूना संगटन लोप्पाटल वेल्ले टोरा इंजे एवनल सुदृढीकरण आता हिल्ले, ओरा ओसो पाडना सदस्य, संगटन कुना नडमा इंजे वेने वेल्ले अंतर मंता। पार्टी ता पूना सदस्य लोर ओसो कार्यकर्ता लोरा लोप्पाटल वेल्लेटोर इंजे हालनाचोन क्रांतिकारी अनुभव दोरकी कित्ताद हिल्ले। ओरु चीन ता बारे ते इंजे एवनल वेने वेल्ले कम जानकारी हासिल कीसि मंतोर ओसो बोर-बोरकिन इत्तेके चीन ता बारे ते उचुन जानकारी हिल्ले। मार्क्सवाद-लेनिनवाद ता सिद्धांत ओसो चीनी क्रांति ता व्यवहार नडमा ता एकता ता समझदारी हालना लेकका हिल्ले। पार्टी-संगटन कुना विस्तार कियानास्के, केंद्रीय कमेटी ता “पार्टी ता साहसपूर्वक विस्तार कीमुट, मति वरोर वेने खराब मानेय किन नेंगला हीमाटु”, इंदाना नारा किन जोर ते वाटतेकाई वेल्ले कैरियवादीर ओसो लोप्पाटल नुक्सान कियाना दुश्मन मौका हूडसी पार्टी

लोप्पा नेंगना लोप्पा सफल आत्तोरा संयुक्त मोर्चा बने कितेके ओसो इंजे अदु हत्ता मूँड साल लोपाटल नितसी मत्तेकाई, पूँजीपति वर्ग ओसो खासकर बेहरा पूँजीपति वर्ग, मना पार्टी किन नष्ट कियाना कोशिश लगातार ताकसोर मंता, बेहरा पूँजीपति वर्ग ता आत्मसमर्पणवादी ओसो कट्टरतावादी पूरा देश लोप्पा गंभीर टकराव किन भडके किसोर वात्तोर, ओसो कम्युनिस्ट-विरोधी लेंग लगातार तेदा मंता। इव सब्बे बेहरा पूँजीपति वर्ग ता आत्मसमर्पणवादिरा ओस कट्टरतावादिरा जापानी साप्राज्यवाद मुन्ने आत्मसमर्पण कियाना संयुक्त मोर्चा किन देहना ओसो चीन किन पेरके पिंडगना तैयारी ते किया मंतोरा। बेहरा पूँजीपति वर्ग विचारधारात्मक रूप ते कम्युनिज्म किन “नुकसान कियाना” कोशिश कियाना मंता ओसो राजनीतिक ओसो संगठनात्मक रूप ते कम्युनिस्ट पार्टी, बार्डर इलाकांग लोप्पा ओसो पार्टी ता सशस्त्र सेनांग किन खत्म कियाना कोशिश कीया मंता। इव परिस्थितिंग लोप्पा बदे डावुट हिल्वा मना काम आत्मसमर्पण, फूट ओसो रुकावट आयना खतरांग पोर्रे काबू कियाना मंता, ओसो परताचोन राष्ट्रीय संयुक्त मोर्चा किन ओसो क्वोमिंगतांग-कम्युनिस्ट सहयोग किन निल्पी कीसि तासना, जापान ता खिलाफ लगातार प्रतिरोध काजे ओसो लगातार एकता अनि लगातार विकास काजे कियाना मंता, ओसो संगेने सब्बे आयना बद्रमताई घटनांग ना मुकाबला कियाना तैयारी तासना अस्केने पार्टी ओसो क्रांति किन नुकसान आयाना तल बचे किया परमूँडांता। इद उद्देश्य किन हासिल कियाला काजे माटु पार्टी ता संगटन किन ओसो अदिना सशस्त्र-ताकत किन मजबूत कियाना ओसो पूरा जनता किन आत्मसमर्पण, फूट ओसो रुकावट ता विरुद्ध दृढ़ता ते संघर्ष कियाला काजे उंदीकट्टु कियाना। इद काम की पूरा कियाला काजे पूरा पार्टी ता कोशिश, पार्टी ता सब्बे सदस्य, कार्यकर्ता लोर ओसो हर जगह अनि हर स्तर ता संगटनकु अदम्य ओसो गट्टिक मंजी संघर्ष कियाना पोर्रे निर्भर आसी मंता। माटु मना अठारह साल कुना अनुभव मंदाना चीनी कम्युनिस्ट पार्टी, तन्ना अनुभव मत्ता पाइना सदस्य लोर ओसो पाइना कार्यकर्ता लोर ओसो तन्ना स्फूर्तिमय नौजवान पूना सदस्य ओसो पूना कार्यकर्ता लोरा संयुक्त कोशिशकु, तन्ना बालशेविकीकृत केन्द्रीय कमेटी ओसो तन्ना स्थानीय संगठकुना संयुक्त कोशिश, तन्ना शक्तिशाली सशत्र सेनांग, प्रगतिशील जन-समुदाय ता संयुक्त कोशिश तेने इव सफलतांग किन दोरकी किया परता।

अबु मना पार्टी ता अठारह साल कुना इतिहास ता मुख्य अनुभव ओसो मुख्य समस्यांग।

मना अठारह साल कुना अनुभव कुनगडल संयुक्त मोर्चा ओसो सशस्त्र संघर्ष दुश्मन किन हारे कियाना रेंडु बुनियादी अस्त्र मंता इंजी दिसिंता। संयुक्त मोर्चा सशस्त्र संघर्ष ताकी कियाला काजे निल्पी कित्ता संयुक्त मोर्चा आंदू। ओसो पार्टी उंदी बहादुर योद्धा ना लेक्का दुश्मन पोरो हमला कियाना ओसो अदिन तहस-नहस कियाना काजे रेंडु अस्त्र, संयुक्त मोर्चा ओसो सशस्त्र संघर्ष किन तेहतादु मंता। अद्रमे इव मूँडासी उंदिनकु-उंदिना संगे जुडेमासी मंतांग।

नेंडु माटु मना पार्टी ता निर्माण बद्रम कियाना? माटु “उंदी देशव्यापी, जनव्यापी ओसो विचारधारात्मक, राजनीतिक ओसो संगठनात्मक रूप ते पूराए सुदृढ़ मंदाना बोलशेविकीकृत चीनी कम्युनिस्ट पार्टी ता” निर्माण बद्रम किया परितोम? इद सवाल ता जबाब मना पार्टी ता इतिहास किन अध्ययन कीसि, संयुक्त मोर्चा ओसो सशस्त्र संघर्ष ता समस्या, पूंजीपति वर्ग संगे एकता बने कियाना संगे-संगे अदिना खिलाफ संघर्ष कियाना समस्या, ओसो आठवीं राह सेना ओसो पूना चौथी सेना ता जापान-विरोधी छापामार युद्ध लोप्पा डटेमासी मंदाना ओसो जापान-विरोधी आधार-इलाकांग ना स्थापना कियाना समस्यांग ना संबंध ते पार्टी-निर्माण ता अध्ययन कीसि हासिल किया परमूँडांता।

मार्क्सवाद-लेनिनवाद सिद्धांत ओसो चीनी क्रांति ते व्यवहार नडमा एकता ता समझदारी पोरो आधार आसी अठारह साल कुना अनुभव ओसो तन्ना वर्तमान पूरा अनुभव कुना सारांश तेंडना ओसो इवे अनुभव कुना पूरा पार्टी लोप्पा फैले कियाना, इद्रम कित्तेके मना पार्टी फौलाद ओसो सुदृढ़ बनेमाया परिंता ओसो मुनेटा गलितंनडल बचेमाया परिंता- इदे मावा काम आंदू।

## नोट

1. जे.वी स्तालिन, “चीन लोप्पा क्रांति ता भविष्य”।
2. चीन क्रांति लोप्पा सशस्त्र संघर्ष इतेके छापामार युद्ध इंजी वेहची, कामरेड माओ त्सेतुंग दूसरा क्रांतिकारी गृहयुद्ध तल पोयसी जापानी-आक्रमण-विरोधी युद्ध ता शुरूआती दिय्या एवनल चीन ता क्रांतिकारी युद्ध ता अनुभव ता सारांश तेंडतोरा। दूसरा क्रांतिकारी गृहयुद्ध ताकनास्के वेल्ले समय ते चीनी कम्युनिस्ट पार्टी ता नेतृत्व लोप्पा सब्बे सशस्त्र संघर्ष कु छापामार युद्ध रूप एतिंतांग। इद कालम ता आखरी चरण लोप्पा लाल सेना ता ताकत बद्रम

बेरस्तायो अद्रमे छापामार लडाई वेने विकसित आसी छापामार लेक्काटा उंदी चलायमान लडाई लोप्पा बदलेमासोर हत्ता (कामरेड माओ त्सेतुंग वेहत्ता लेक्का, इद उंदी अपेक्षाकृत पोर्च स्तर ता छापामार लडाई मत्ता इंजी)। मति जापानी-आक्रमण-विरोधी युद्ध लोप्पा, उंदी अलग रकम ता दुश्मन मन्ने मत्तोर ओसो परिस्थिति अलग मत्ता, माटु शुरू तले छापामार लडाई लोप्पा वापास वाया लागता। जापानी-आक्रमण-विरोधी युद्ध ता शुरूआत ते पार्टी लोप्पाटा दक्षिणपंथी आवसरवाद ता गलती कित्ता कामरेड्स, पार्टी ता नेतृत्व ते ताकना छापामार युद्ध ता महत्व किन कम आल्सतोर ओसो खुद क्वोमिंगतांग सेनांग ना फौजी कार्फ्वाईग पोर्च आशा कित्तोरा कामरेड माओ त्सेतुंग “जापान-विरोधी छापामार युद्ध ता रणनीतिक समस्यांग”, “दीर्घकालीन युद्ध ता बारे ते” ओसो “युद्ध ओसो रणनीति ता समस्यांग” लेक्काटा तन्ना लेख कुना लोप्पा इव विचार कुना खंडन कित्तोर ओसो वर्तमान लेख लोप्पा ओरु चीनी क्रांति ता दीर्घकालीन छापामार युद्ध ता रूप एतिता सशस्त्र संघर्ष ताकी कियाना लोप्पा हासिल कित्ता अनुभवा कुना सैद्धांतिक सारांश पेश कित्तोरा। जापानी-आक्रमण-विरोधी युद्ध ता उत्तरकाल ते, ओसो खासकर तीसरा क्रांतिकारी गृहयुद्ध ता कालम ते चीनी कम्युनिस्ट पार्टी ता नेतृत्व ते ताकना सशस्त्र संघर्ष ता मुख्य रूप छापामार युद्ध तल विकसित आसी नियमित युद्ध लोप्पा बदलेमात्ता। बारांकु इतेके क्रांतिकारी ताकत ता ओसो ज्यादा विकास आयना ओसो दुश्मन ता परिस्थिति लोप्पा बदलाव आता। तीसरा क्रांतिकारी गृहयुद्ध ता उत्तरकाल लोप्पा इद सशस्त्र संघर्ष विकसित आसी ओसो वेने बेहरा स्तर ते युद्ध ता रूप एतिता, इदिना नेतृत्व हथियारबंद ओसो दुश्मन ता मोर्चाबिंदी मंदाना जागाने हमला किया परना लेक्का मंदाना बेहरा फौजी फारमेशकु कियानवु।

# वर्तमान परिस्थिति ओसो पार्टी ता कार्य<sup>14</sup>

10 अक्टूबर 1939

1. साप्राज्यवादी विश्वयुद्ध शुरू आयाना उंदी पूना आर्थिक ओसो राजनीतिक संकट तल पेसला काजे साप्राज्यवादी देश कुना कोशिश आंदू। जर्मन पक्ष ता दृष्टि ते हूऱ्हतेकाई लेवके आंग्ल-फ्रांसीसी पक्ष ता दृष्टि ते हूऱ्हतेकाई, इद युद्ध तन्ना स्वरूप ते उंदी अन्यायपूर्ण, **अपहारक** ओसो साप्राज्यवादी युद्ध आंदू दुनियामेटा कम्युनिस्ट पार्टिंग इद युद्ध ता दृढता ते विरोध कियाना ओसो सामाजिक-जनवादी पार्टिंग इद युद्ध ता समर्थन कीसि सर्वहारा वर्ग संगे गदारी कियाना अपराधी कार्रवाईंग ना वेने विरोध कियाना। समाजवादी सोवियत संघ शांति ता नीति पोर्चे मुनेटा लेक्काने गढिंग नितसी मंता, रेंडासी युद्ध ताकी कियाना पक्ष कुना कडी विरोध किया मंता ओसो अदु तन्ना सशस्त्र सेनांग पौलेंड लोहची हमला कियाना जर्मन फौज किन पूर्व बगिल रोमी कित्ता, पूर्व योरोप लोप्पा शांति किन मजबूत कित्ता ओसो पश्चिम यूक्रेन ओसो बैलोरूस ता तन्ना दोस्त-राष्ट्र किन पौलेंड ता शासक लोरा उत्पीडन तल मुक्त कित्ता। अंतर्राष्ट्रीय प्रतिक्रियावादी ताकत कुना बदे वेने हमला आयवा मंदाला काजे सोवियत संघ तन्ना पडोसी देश कुना संगे बचोनो समझौतांग कित्ता ओसो अदु विश्व-शांति तासना कोशिश किया मंता।
2. इद पूना अंतर्राष्ट्रीय परिस्थिति लोप्पा जापानी साप्राज्यवाद ता नीति इतेके तन्ना अंतर्राष्ट्रीय दुस्साहसपूर्ण व्यवहार कुना विस्तार ता तैयारी ता रूप ते चीन ता सवाल हल कियाला काजे चीन पोर्चे हमला कियना लोप्पा तन्ना पूरा ताकत वाटता। अदु बद नीति ता सहारा ते चीन ता सवाल हल कियाना कोशिश किया मंता, अदु दोड रास्ता लेक्का मंता।
  - 1) पोयता इलाकांग ना बारे ते अदिना नीति पूरा चीन किन गुलाम बने कियाना तैयारी ता रूप ते पोयता इलाकंग पोर्चा तन्ना पकड गढिंग तासना। इद उद्देश्य किन पूरा कियाला काजे जापान-विरोधी छापामार आधार-इलाकांग ना “सफाया कियाना”, आर्थिक साधन ता खोत

<sup>14</sup> \*इद फैसला कामेड माओ त्सेतुंग चीनी कम्युनिस्ट पार्टी ता केंद्रीय कमेटी काजे रासिस मनोग्र  
373 माओ संकलित रचनाक, भाग 2

कुना दोहन कियाना। कठपुतली शासन बने कियाना ओसो चीनी जनता ना राष्ट्रीय भावना किन मिटे कियाना।

- 2) चीन ता पृष्ठभागीय इलाकांग ना बारे ते अदिना नीति मुख्य रूप ते राजनीतिक हमला कियाना ओसो सहायक रूप ते फौजी हमला कियाना। राजनीतिक हमला इत्तेके जापान-विरोधी संयुक्त मोर्चा किन भंग कियाना, क्वोमिंगतांग सरकार किन आत्मसमर्पण कियालाकाजे तैयार कियाना लोपा जोर हियाना।

वर्तमान कालम ते दुश्मन तोर ऊहान ते कित्ता लेकका बदे आई बेहरा स्तर ता रणनीतिक हमला कियाना संभावना हिल्ले, बारांकु इत्तेके दुश्मन किन हत्ता रेंडु साल कुने चीन ता वीरतापूर्ण प्रतिरोध ता देब्बा तिंदा लागता ओसो अदिन सेना ओसो वित्तीय साधन किना कमी ता सामना किया लागता। अद्रमासी प्रतिरोध-युद्ध बुनियादी रूप ते रणनीतिक ठहराव ते एवता। इद रणनीतिक ठहराव ता कालम मना प्रत्याक्रमण ता तैयारी ता कालम आंदू मति माटु ठहराव ता परिस्थिति बुनियादी रूप ते पैदा आता इंजी इंतोम अस्के माटु दुश्मन ता अभियान लोप्पा आक्रमण कियाना संभावना मंता इंजी मानेमांतोम, इंजे छांगशा पोर्रे दुश्मन ता हमला आया मंता ओसो पेरके दूसरा जागाने वेने आया परिता। दूसरा पोल्लो नियमित लड़ाई लोप्पा ठहराव ता संभावना बद्रम बेरसिंता, अद्रमे दुश्मन मना छापामार आधार-इलाकांग लोप्पा “सफाया कियाना” तन्ना कार्बवाईंग किन तेज कियार। तीसरा पोल्लो चीन दुश्मन-पोयता इलाकांग पोर्रे दुश्मन ता कब्जा किन भंग किया परवो ओसो अब इलाकांग पोर्रे दुश्मन ता कब्जा मजबूत आयाला हीता ओसो अदिना लूट-खसोट कियाना लोप्पा दुश्मन ता उद्देश्य किन पूरा आयला हीता, चीन दुश्मन ता राजनीतिक हमलांग विफल कियाना लोप्पा ओसो प्रतिरोध, एकता, प्रगति ते डेटेमासी मंदाना लोप्पा असफल आता ओसो इद्रमे प्रत्याक्रमण काजे ताकत बेरसी किया परवो, ओसो क्वोमिंगतांग सरकार तन्ना तल्ला वरिहचितेके, वायना कालम ते दुश्मन ता बेहरा स्तर ते हमला कियाना संभावना बनेमासी मंदिंता। दूसरा पोल्लोने ठहराव ता परिस्थिति नेंडु पैदा आतादु मंता, अदिन दुश्मन या आत्मसमर्पणकारी इंजे वेने भंग किया परिंतोर।

3. नेटा परिस्थिति लोप्पा जापान-विरोधी संयुक्त मोर्चा लोप्पा आत्मसमर्पण, फूट ओसो प्रतिगमन ता खतरा इंजे वेने सबसे बेहरा खतरा मंता, वर्तमान कम्युनिस्ट-विरोधी, प्रतिगामी कार्बवाईंग इंजे वेने बडे जर्मांदार वर्ग, बेहरा

पूंजीपति वर्ग ता आत्मसमर्पण ता तैयारी ता कदम आंदू प्रत्याक्रमण काजे ताकत बेरसी कियाना लोप्पा इंजे वेने मना काम, मना पार्टी ता 7 जुलाई ता घोषणापत्र लोप्पा पेश कित्ता मूँड महान राजनीतिक नारांग- “प्रतिरोध-युद्ध पोर्टे डटेमासी मंदाना ओसो आत्मसमर्पण ता विरोध किमूट”, “एकता पोर्टे डटेमासी मनुट ओसो फूट ता विरोध कीमुट”- इंदाना पोर्टे कारगर रूप ते अमल कियाला काजे देशमेटा सब्बे देशभक्त लोर इद्रम सहयोग कीसि जन-समुदाय किन उंदीकट्ट कियानादु मंता। इद उद्देश्य किन हासिल कियाना काजे, दुश्मन ता पृष्ठभाग लोप्पा छापामार युद्ध पोर्टे डटेमासी मंदाना, दुश्मन ता “सफाया कियाना” कार्वाईंग किन हारे कियाना, दुश्मन ता कब्जा ते मंदाना इलाकांग पोर्टेटल अदिना कब्जा किन भंग कियाना ओसो जापान ता प्रतिरोध कियाना व्यापक जन-समुदाय काजे फायदा मंदाना प्रगतिशील राजनीतिक, आर्थिक सुधार लागू कियाना। नियमित लड़ाई लोप्पा फौजी रक्षा ताकि किसोरे मंदाना ओसो दुश्मन ता हर आक्रमणात्मक अभियान किना हारे कियाना। मावा पृष्ठभाग मंदाना इलाकांग लोप्पा राजनीतिक सुधार किन तेज कियाना संगे-संगे गंभीर रूप ते लागू कियाना जरूरी मंता, क्वोमिंगतांग ता उंदी पार्टी ता तानाशाही खत्म कियाना, अनि सही तरीका ते जनता ना इच्छा ता प्रतिनिधित्व कियाना ओसो सत्ता सम्पन्न मंदाना राष्ट्रीय एसेम्बली केयना, अदिन उंदी संविधान बने कीसि स्वीकृती कीसि कानूनी सरकार बने कियाना। बदे वेने रकम ता डुलमुलपन तोहनायो पेरके मुन्ने कियाना ओसो कोर्ट विपरित नीत लागू कियाना गलत आंता। संगेने मना पार्टी ता सब्बे स्तर ता नेतृत्वकारी संगठनकु सब्बे पार्टी-सदस्य लोर वर्तमान परिस्थिति लोप्पा ओसो ज्यादा होशियार मंदाना ओसो तन्ना पार्टी ता ओसो तन्ना नेतृत्व लोपा काम कियाना सशस्त्र सेनांग, राजनीतिक सत्ता ना संगठनकु विचारधारात्मक, राजनीतिक ओसो संगठनात्मक रूप ते पूरा जोर वाटसी सुढृढ़ कियाना अस्केने चीनी क्रांति किन मुश्किल परिस्थिति ता सामना कियाला काजे तैयार किया परिंतोम ओसो पार्टी, क्रांति किन अप्रत्याशित नुक्सानकुनगडल बचे कियमूँडांता।

## बुद्धिजीवी लोर किन बेहरा संख्या ते भर्ती कियाना<sup>14</sup>

1 दिसम्बर 1939

1. दीर्घ ओसो निर्मम राष्ट्रीय मुक्ति युद्ध लोप्पा, पूना चीन निर्माण ता महान संघर्ष लोप्पा, कम्युनिस्ट पार्टी बुद्धिजीवी लोर किन भर्ती कियाना लोप्पा सफल आयाना। इद्रम किसिए अद सशस्त्र प्रतिरोध ता महान ताकत किन संगठित कियाना लोप्पा, लाखों-करोड़ों किसान लोर किन संगठित कियाना लोप्पा, क्रांतिकारी संस्कृतिक आंदोलन ता विकास कियाना लोप्पा ओसो क्रांतिकारी संयुक्त मोर्चा ता विस्तार कियाना लोप्पा सफल आयरा बुद्धिजीवी लोर शामिल आयवा लेवा क्रांति लोप्पा जीत हासिल कियाना असंभव मंता।
2. हत्ता मूँड सालकुने मना पार्टी ओसो मना सेना बुद्धिजीवी लोर किन भर्ती कियाना लोप्पा वेल्ले कोशिश कित्ता, ओसो बेहरा संख्या ते क्रांतिकारी बुद्धिजीवी लोर किन पार्टी, सेना, सरकारी संस्थांग, सांस्कृतिक आंदोलन ओसो जन-आंदोलन लोप्पा शामिल कित्ता ओसो अद्रमे संयुक्त मोर्चा ता विस्तार आता, इद उंदी बेहरा सफलता आंदा मति सेना ता वेल्ले कार्यकर्ता लोर बुद्धिजीवीरा महत्व किन इंजे वेने समझेमातद हिल्ले, ओरु इंजे वेने बुद्धिजीवी लोरा पोर्रा डावुट किसोरे मंदितोर ओसो बस्के-बस्के ओरा बहिष्कार वेने कियाला तैयार मंदितोरा मना वेल्ले ट्रेनिंग सेंटर वेल्ले संख्या ते जवान विद्यार्थी लोर किन भर्ती कियाना लोप्पा इंजे वेने पेरके-मुन्ने आंतोरा मना बचोनो लोकल पार्टी-संगटन इंजे वेने बुद्धिजीवी लोर किन पार्टी लोप्पा वायला हियाला तैयार हिल्लेरा इव सब्बे पोल्लोंग इद क्रांतिकारी काम काजे बुद्धिजीवी लोरा बचोन महत्वपूर्ण मंता इंजी, ओसो औपनिवेशिक ओसो अर्ध-औपनिवेशिक देश कुना बुद्धिजीवी लोरा ओसो पूऱ्जीवादी देश कुना बुद्धिजीवी लोरा लोप्पा बाता अंतर मंता इंजी, जर्मींदार वर्ग ओसो पूऱ्जीपति

वर्ग ता सेवा कियाना बुद्धिजीवी लोर ओसो मजदूर वर्ग अनि किसान वर्ग ता सेवा कियाना बुद्धिजीवी लोरा लोप्पा बाता अंतर मंता इंजी, ओसो इद्रमता परिस्थिति बचोन कठीन मंता इंजी समझेमातद हिल्लो ओसो इदिना लोप्पा पूँजीवादी राजनीतिक पार्टींग बुद्धिजीवी लोर किन तम्मा बगिल पिंडगला काजे पोटी वाटा मंतोर ओसो<sup>15</sup> अदिना लोप्पा जापानी साप्राज्यवाद वेने चीनी बुद्धिजीवी लोर किन अस्सला ओसो ओरा दिमाग खराब कियाना वेने हर संभव कोशिश किया मंतोर इंजी समझेमासोर हिल्लेर। इव सब्बे खासकर इद अनुकूल परिस्थिति किन समझेमायवा कारण ते मना पार्टी ओसो मना सेना वेल्ले बेस जांच-पड़ताल कीसि मत्ता कार्यकर्ता लोरा उंदी मजबूत मोरकुल ता बनेमात्ता ओसो इद हिसाब ते बुद्धिजीवी लोरा नेतृत्व कियाना लेक्का बनेमात्ता।

3. अदिन काजे इंजे इव पोल्लोंग पोर्हे ध्यान हियाना जरूरत मंता।

- 1) युद्ध इलाकांग लोप्पा सब्बे पार्टी-संगटन ओसो पार्टी ता नेतृत्व लोप्पा ताकना सब्बे फौजी यूनिटकु मना सेना, ट्रेनिंग सेंटर ओसो सरकारी सेंटर कुना लोप्पा बुद्धिजीवी लोर किन बेहरा संख्या ते भर्ती कियाना। बुद्धिजीवी लोरा लोप्पाडल बोराई जापान संगे लडेमायला तैयार मत्तेके ओसो ईमानदार, मेहनती ओसो कठीन परिस्थितिंग ना सामना कियाला तैयार मंदानोर किन माटु अलग-अलग तरीकाने भरती कियाना जरूरत मंता। ओरकिन राजनीतिक शिक्षा हियाना ओसो युद्ध ओसो काम लोप्पा खुद किन तपे कियाना ओसो सेना, सरकार, जनता ना सेवा कियाना लोप्पा ओरा मदद कियाना ओसो बोरु पार्टी-सदस्य बनेमायना परीक्षा लोप्पा सही तरीका ते पास आंतोरो ओरकिने ठोस परिस्थिति ना अनुसार वीरिन पार्टी लोप्पा भर्ती कियाना। पार्टी ते भर्ती आयना काबिल हिल्वा बुद्धिजीवी ओसो पार्टी लोप्पा भर्ती आयला तैयार हिल्वा बुद्धिजीवी लोरा संगे वेने माटु बेसता कामकाजी संबंध तासना ओसो मना संगे काम कियाला काजे हर्ही तोहचोर मंदाना।
- 2) बेहरा संख्या ते बुद्धिजीवी लोर किन भर्ती कियाना नीति किन लागू कियाना लोप्पा माटु बदे डावुट लेवा दुश्मन ओसो पूँजीवादी

<sup>15</sup> इद फैसला कामरेड माओ त्सेतुंग चीनी कम्युनिस्ट पार्टी ता केंद्रीय कमेटी काजे रासीस मत्तोरा।

राजनीतिक पार्टींग ना षड्यंत्र किन रोमी कियाना लोप्पा पूरा ध्यान हियाना। इद्रम ता षड्यंत्र कुन रोमी कियाना लोप्पा मनम वेल्ले सख्त काम कियाना। इद्रम ता षड्यंत्र लोप्पा शामिल मंदानोर मना पार्टी, सेना लेवेके सरकारी संस्थांग लोप्पा मुने ने नेंगसी मत्तेके, ओरकिन सबूत कुना पोर्हो आधार आसी दृढ़ता ते ओसो चेतनापूर्वक चुने कीसि अलग कीसियाना। मति इद्रम कियानास्के ईमानदार बुद्धिजीवी लोरा पोर्हो बिल्कुल डावुट कियानायो ओसो बेगुनाह लोकुरा खिलाफ प्रतिक्रांतिकारी लोरा वाटना झूठी आरोपकुगडल पूराए बचेमायाना।

- 3) वीर सब्बे बुद्धिजीवी लोर किन, इतेक ईमानदार ओसो उचुन कालम काजे काम वायना बुद्धिजीवी लोरकिन माटु ओरु किया परना लेक्काटा काम सैंपे कियाना ओसो ओरकिन राजनीतिक शिक्षा हियाना ओसो ओरकिन सही हर्ही पोयला काजे प्रोत्साहन कियाना। अस्के ने ओरु दीर्घकालीन संघर्ष ताकनास्के कदम-ब-कदम तम्मा कमजोरिंग किन सुधरे किया परिंतोर, तम्मा दृष्टिकोण किन क्रांतिकारी दृष्टिकोण बने किया परिंतोर, आम जनता ना संगे कलियसी मंदा परिंतोर ओसो पाङ्ना पार्टी-सदस्य ओसो पाङ्ना पार्टी कार्यकर्ता लोरा संगे मिलेझुलेमाया परिंतोर अनि पार्टी ता मंजदूर-किसान सदस्य लोरा संगे कलियसी मंदा परिंतोर।
- 4) मना सेना ओसो पार्टी कार्यकर्ता लोरा लोप्पाटल बोराई मना काम लोप्पा बुद्धिजीवी लोरा शामिल आयना ता खिलाफ मंतोरो ओरकिन मना काम लोप्पा बुद्धिजीवी लोर शामिल आयना जरूरत किन बेस समझे कियाना। संगेने माटु मजदूर-किसान कार्यकर्ता लोरा पढाई पोर्हो ओसो तम्मा संस्कृतिक स्तर किन सुधरे कियाला काजे प्रोत्साहित कियाना काम किन वेने सही तरीका ते कियाना। इद्रम मजदूर-किसान कार्यकर्ता लोरा बुद्धिजीवी बनेमायना ओसो बुद्धिजीवी लोर मजदूर बनेमायना काम संगे-संगेने पूरा आया परिंता।
- 5) पोर्हो वेहता नियमकु क्वोमिंगतांग शासन कियाना इलाकांग लोप्पा ओसो जापान ता कब्जा ते मंदाना इलाकांग लोप्पा वेने मुख्य रूप ते लागू कियाना लेक्का मंतांग, मति अगा बुद्धिजीवी लोर किन पार्टी लोप्पा भर्ती कियानास्के ओरा ईमानदारी पोर्हो वेल्ले ध्यान हिया

लागियर, अस्केने पार्टी-संगटन ता पकका गारंटी मंदिंता। पार्टी ता बाहर मंदाना व्यापक बुद्धिजीवी लोरा संगे, पार्टी समर्थक लोरा संगे माटु सही संपर्क तासना ओसो ओरकिन जापान ता प्रतिरोध कियाना ओसो जनवाद दोरकी कियाना काजे ताकना महान संघर्ष लोण्ठा, सांस्कृतिक आंदोलन लोण्ठा ओसो संयुक्त मोर्चा ता काम लोण्ठा संगठित कियाना।

4. सब्बे पार्टी कामरेड्स बुद्धिजीवी लोरा बारे ते सही नीति लागू कियाना, क्रांति सफल कियाला काजे उंदी महत्वपूर्ण शर्त आंदू इंजी समझेमायना। बुद्धिजीवी लोरा बारे ते भूमि-क्रांति ताकनास्के बचोनो जागाने ओसो सेना ता युनिट कुना लोण्ठा पार्टी-संगटनकु कित्ता लेकका अद गलत रुझान दोबारा लोण्ठू कियानायो इंजी, वर्तमान बुद्धिजीवी लोरा मदद लेवा सर्वहारा वर्ग तम्मा बुद्धिजीवी लोर किन पैदा किया परवो। सब्बे स्तर कुना पार्टी कमेटिंग ओसो सब्बे पार्टी कामरेड्स इद विषय पोरों ठोस रूप ते ध्यान हींतिर इंजी केंद्रीय कमेटी आशा किया मंता।

# चीनी क्रांति ओसो चीनी कम्युनिस्ट पार्टी<sup>15</sup>

दिसम्बर 1939

## अध्याय 1 चीनी समाज

### 1. चीनी राष्ट्र

चीन देश ता गिनती दुनिया ता सबसे बेहरा देशकुना लोप्पा वांता, इदिना क्षेत्रफल लगभग पूरा यूरोप ता बराबर मंता। मना देश लोप्पा मना काजे तिंदाना-उडाना ओसो केरना गेत्तेंग दोरकनाचोन विस्तृत उपजाऊ जमीन मंता। देश ता उंदी कोंटा तल दूसरा कोंटा एवनल मेड्डांग फैलेमासी मंतांग, अविना लोप्पा विस्तृत जंगल खनिज-सम्पदा निंदसी मंता। सिंचाई सुविधा काजे बचोनो डोड्डांग-कुय्येरु मंतांग ओसो उंदी वेल्ले लम्बा समुद्र-तट मंता अद्रमासी समुद्र हब्बार ता राष्ट्र कुना संगे संपर्क बने कियाला काजे सुविधा आंता। पाइना कालम तिंचीए मना दादी-पीड़ी तोर इद विशाल भूमि पेरों मेहनत किसोर वातोर, पिस्वल पिस्सोर वातोर।

चीन ता वर्तमान हंदिंग, चीन ता उत्तर-पूर्व ओसो उत्तर-पश्चिम ओसो अदिना पश्चिम ता उंदी हिस्सा सोवियत समाजवादी लोकतंत्र संघ संगे कलियंता, अदिना उत्तरी<sup>16</sup> हिस्सा मंगोलिया लोक गणराज्य संगे कलियंता, अदिना पश्चिम ता हिस्सा

---

16 “चीनी क्रांति ओसो चीनी कम्युनिस्ट पार्टी” उंदी पुस्तक लेक्का मंता, इदिन कामरेड माओ त्सेतुंग ओसो येनान लोप्पा काम कियाना उचुन कामरेड्स कलियसी 1939 ता इंगम कालम ते रास्तोर। “चीनी समाज” पेरोंल ता पहली अध्याय ता मसौदा दूसरा कामरेड्स तैयार कीसि मत्तोर ओसो कामरेड माओ त्सेतुंग अदिन सुधरे कीसि मत्तोर। दूसरा अध्याय “चीनी क्रांति” खुद कामरेड माओ त्सेतुंग रासिस मत्तोर। तीसरा अध्याय “पार्टी-निर्माण” ता बारे ते, इदिन तैयार कियाना कामरेड्स इदिन नडमाए विडसतोर। इगा वेहता रेंडु छपेमाता अध्यायकु ओसो विशेष रूप ते दूसरा अध्याय चीनी कम्युनिस्ट पार्टी ओसो चीनी जनता किन शिक्षित किया लोप्पा महान भूमिका निभे कीतांग। दूसरा अध्याय लोप्पा कामरेड माओ त्सेतुंग नव-जनवाद पेरों तन्ना विचार वेहतोर, ताना पेरके जनवरी 1940 लोप्पा रास्ता “नव-जनवादी ता बारे ते” पेरोंल ता तन्ना खुद ता लेख लोप्पा ओरु पर्याप्त विकास कित्तोर।

ओसो अदिना दक्षिण-पश्चिमी हिस्सा अफगानिस्तान, भारत, भूटान ओसो नेपाल संगे कलियंता, अदिना दक्षिण लोप्पा बर्मा ओसो वियतनाम देशकु मंतांग ओसो पूर्व लोप्पो कोरिया, इद बगिल जापान ओसो फिलिपीन्स ता वेने गर्ने मंता। इद भौगोलिक अंतर्राष्ट्रीय परिस्थिति नगडले बाहर तल चीनी जनता ना क्रांति किन फायदा ओसो नुकसान ता परिस्थितिंग पुटिनंतांग सोवियत संघ ता हंदी बोयसी मंदानादु यूरोप ओसो अमरीका ता मुख्य साम्राज्यवादी देशकुनल वेल्ले जेक आयना ओसो अदिना आसपास वेल्ले औपनिवेशिक, अर्ध-औपनिवेशि देशकु मंदाना उंदी फायदा मंदाना पोल्लो आंदू। मति जापान साम्राज्यवाद तन्ना भौगोलिक सीमा चीन ता गर्ने मंदानादिना इस्तेमाल किसरे चीन ता सब्बे जातिंग ना अस्तित्व ओसो चीनी जनता ना क्रांति किन खतरा ते वाटनादु उंदी नुकसान ता पोल्लो मंता।

चीन ता इंजेटा संख्या 45 करोड़ मंता। इदु दुनिया ता कुल जन संख्या लोप्पाटल चौथा हिस्सा इचोन मंता। इदिना लोप्पा 90 प्रतीशत तुकू ज्यादा लोकुर हान जाति तोर मंतोर। इदे आयवा दूसरा 20 तुकू ज्यादा अल्पसंख्यक जातिनोर मंतोर अविना लोप्पा मंगोल, ह्वेइ, तिब्बत, वेवर, म्याओ, ई, च्वांग, चंगच्च्या ओसो कोरियाई जातिंग शामिल मंतांग। अविना संस्कृतिक विकास अलग-अलग स्तर ते आतादु मत्तेकाई वीरा सब्बे तोरा उंदी वेल्ला बेहरा इतिहास मंता। चीन उंदी विशाल जन संख्या वाले ओसो अलग-अलग जातिंग मंदाना देश आंदू।

दुनिया ता दूसरा बचोनो राष्ट्र कुना लेक्काने चीनी राष्ट्र वेने (इदिना लोप्पा मुख्य रूप ते मावा राय जाति पोरो मंता) तन्ना विकास ता इतिहास लोप्पा दसियों हजार साल एवनल वर्ग विहीन आदिम कम्यून कुना परिस्थिति तल पेसतादु मंता। इव आदिम कम्यून कु खत्म आयना ओसो वर्ग-समाज ते बदलाव आसी लगभग चार हजार साल आता। इद बदलाव आयनास्के सबसे मुन्ने दास समाज ता ओसो सामंती समाज ता जन्म आता। चीनी राष्ट्र ता इतिहास लोप्पा ओसो अगाडा कृषि ओसो दस्तकार तम्मा विकास किन उच्च स्तर ते ओयला काजे वेल्ले प्रसिद्ध मत्तोरा वेल्ले महान विचारक, वैज्ञानिक, आविष्कार, राजनीतिज्ञ, रणनीतिज्ञ, साहित्यकार ओसो कलाकार बनेमातोर ओसो मावगा सामाजिक ग्रन्थ कुना समृद्ध खजाना मंता। चीन लोप्पा कुतुब लेक्काटविना अविष्कार पाडना कालम तेने आसी मत्ता<sup>1</sup> काण्ज बने कियाना कला 1800 साल मुन्नने करियसी मत्तोरा<sup>2</sup> कारियल रंग ता छपाई ता आविष्कार 1300 साल मुन्ने आता<sup>3</sup> ओसो छापे कियाना काम वायना मशीन ता आविष्कार 800 साल मुन्ने<sup>4</sup> आसी मत्ता। चीन ता लोकुर योरोपवासीर किनकु

मुन्नेटले बारूद ता इस्तेमाल कियानोरा<sup>५</sup> अदिन काजे चीन दुनिया ता सबसे पाड़ना सभ्य देशकुना लोप्पा वांता ओसो अगा लगभग नालुंग हजार साल पाड़ना रासिस मत्ता इतिहास मंता।

चीनी राष्ट्र ता दुनियामेंड केवल तन्ना मेहनत-परिश्रम-कठीन परिस्थितिंग ना सामना कियानाए आयवा आजादी काजे तन्ना वेल्ले जीवा मंदाना ओसो समृद्ध क्रांतिकारी परम्परा काजे वेने वेल्ले प्रचार मंता। उदाहरण काजे, हान जाति ता इतिहास चीनी जनता कोंडांग हिल्वा शासन किन खत्म कियाना ओसो अदिन बदले कियाला काजे हमेशा क्रांतिकारी साधन कुन इस्तेमाल कित्ता। हान जाति ता हजारों साल ता इतिहास ते जर्मीदार लोरा ओसो अमीर लोरा कोंडांग हिल्वा शासन ता खिलाफ सैकड़ों सुडला-बेहरा किसान विद्रोह आतांग। ओसो राजवंश कुना बदलाव इव किसान विद्रोह कुना ताकत कुना ते आतांग। चीन ता सब्बे जातिंग ना जनता विदेशी उत्पीड़न ता विरोध किसोर वात्ता ओसो अदिन खत्म कियाला काजे जरूरत मत्तास्के विद्रोह किसोर वात्ता। अदु समानता पोरों आधार आसी एकता कियाना बगिल पक्ष एतिंता ओसो उंदी जाति दूसरा ता उत्पीड़न कियाना ता विरोध कींता। चीनी राष्ट्र ते हजारों साल कुना इतिहास लोप्पा वेल्ले राष्ट्रीय वीर ओसो क्रांतिकारी नेता लोरा जन्म आता। अद्रमे चीनी राष्ट्र उंदी सम्मानपूर्वक क्रांतिकारी परम्परा ओसो उंदी वेल्ले बेसता ऐतिहासिक विरासत मत्ता राष्ट्र आंदू।

## 2. पाड़ना सामंती समाज

चीन उंदी महान देश, वेल्ले बेहरा जन संख्या, उंदी लम्बा इतिहास, उंदी समृद्ध क्रांतिकारी परम्परा ओसो उंदी वेल्ले बेसता ऐतिहासिक विरासत मत्ता बेहरा देश मत्तेकाई दास समाज तल सामंती समाज लोप्पा बदलेमात्ता पेरके अदिना आर्थिक, राजनीतिक ओसो सांस्कृतिक विकास वेल्ले तीरम-तीरम आसोर मंता। इदु सामंती समाज चओ वंश ओसो छिन वंश तल शुरू आसी लगभग तीन हजार साल एवनल ताकता।

चीन ता सामंती समाज ता आर्थिक ओसो राजनीतिक व्यवस्था ता मुख्य विशेषतांग दोड़ रास्ता लेक्का मत्तांग:

1. मुख्य रूप ते इगा उंदी आत्मनिर्भर प्राकृतिक अर्थव्यवस्था मत्ता। किसान तम्मा काजे केवल खेतिए आयवा तन्ना जरूरत ता दस्तकारी सामान वेने खुद बने कियानोरा। जर्मीदार ओसो अमीर लोकुर किसान

लोरिकन लगान ता रूप शोषण कियानोर ओसो अदिन वेने विनिमय काजे आयवा मुख्य रूप ते तम्मा व्यक्तिगत जरूरत काजे ने मंदानदु। अदु कालम ते विनिमय ता प्रणाली ता विकास वेने आतेकाई, पूरा अर्थव्यवस्था लोप्पा बदे निर्णयात्मक भूमिका निभे किताद हिल्लो।

2. सामंती शासक वर्ग, जर्मांदार, अमीर ओसो सम्प्राट शामिल मत्तोर, वेल्ले जमीन पोर्हो कब्जा कित्तोर, किसान लोरगा वेल्ले कम जमीन मत्ता ओसो बेगाने-बेगाने बिल्कुले हिल्वा मत्ता। जर्मांदार, अमीर ओसो शाही परिवार ता जमीन किन किसान तम्मा खेती औजार संगे कियानोर ओसो फसल ता 40, 50, 60, 70, लेवेके 80 प्रतिशत तुकू वेने ज्यादा हिस्सा जर्मांदार, अमीर ओसो शाही परिवार ता व्यक्तिगत जरूरत कुना काजे हिया लागनदु। असल इत्तेके किसान अस्के वेने भूदास लेक्काने मत्तोर।
3. केवल जर्मांदार, अमीर, ओसो शाही परिवार तोरे आयवा जर्मांदार वर्ग ता राज्य वेने किसान लोर किन कर हीसी बेरोजगारी कीसि सरकारी ऑफिसर लोरा बेहरा संख्या ता ओसो मुख्य रूप ते किसान लोरा पोर्होने दमन कियाला काजे बने कित्ता उंदी सेना ता खर्चा तेहाला काजे जबरदस्ती कियानोर। ओसो किसान लोरा शोषण तिंची दोरकना लगान पोर्होने आधार आसी मंदानोर।
4. जर्मांदार वर्ग ता सामंती राज्य सामंती शोषण ता व्यवस्था ता रक्षा कियाना सत्ताधारी संगटन मत्ता। छिन वंश कालम तुकू मुन्ने इगा सामंती राज आपसी विरोधी सुडला-सुडला रियासत कुना लेक्का बनेमातांग, अद्रमासी पहला छिन सम्प्राट चीन देश ता एकीकरण कित्ता पेरके इद राज्य एकतंत्रीय ओसो केंद्रीकृत बनेमासी मत्तेकाई उचुन समय काजे सामंती फूट अद्रमे मत्ता। सामंती राज लोप्पा पोर्हो स्तर ता सत्ता सम्प्राट ना कैदे मंदानदु। ओरू देशमेंड सशस्त्र सेनांग, अदालत, सरकारी खजाना ओसो राजकीय अनाज-गोदाम कुना इनचार्ज ऑफिसर चुने कियानोर ओसो जर्मांदार लोरा इनचार्ज आफिसर चुने कियानोर, जर्मांदार ओसो शरीफजादा लोरा पोर्हो निर्भर आसी ओरकिन सामंती शासन व्यवस्था ता आधार बने कीसि तासानोर।

इद्रम सामंती आर्थिक शोषण ओसो सामंती राजनीतिक उत्पीड़न लोप्पा चीनी किसान लोर सालों-साल एवनल गरीबी ओसो दुक्कम ते मंजी गुलाम लोरा लेकका पिस्वल पिससोर वातोरा सामंती व्यवस्था ता साकड़ी (संकल) ते दोहची मत्ता किसान लोर किन बदे व्यक्तिगत आजादी दोरकताद हिल्वा मत्ता। जर्मींदार लोर किन किसान लोरा बारे ते मनमानी तरीका ते रांगाना, पिटाई कियाना हैकना वेने अधिकार मंदानदु। किसान लोर किन बदे राजनीतिक अधिकार हिल्वा मत्ता। जर्मींदार वर्ग ता तीव्र शोषण ओसो उत्पीड़न ता कारण ते किसान लोर वेल्ले तिष्पल पिस्सना ओसो वेल्ले पेरके अरसी मत्ता कारण तेने चीनी समाज ता सामाजिक-आर्थिक विकास बचोनो हजार साल एवनल उंदे स्तर ते नितसी मत्ता।

सामंती समाज लोप्पा मुख्य अन्तरविरोध किसान वर्ग ओसो जर्मींदार वर्ग नड़मा मत्ता।

अद समाज ता संपत्ति ओसो संस्कृति किन पुट्टी कियाना बुनियादी वर्ग केवल किसान ओसो दस्तकार मजदूर मत्तोरा।

जर्मींदार वर्ग किसान लोरा कियाना निर्मम आर्थिक शोषण ओसो राजनीतिक उत्पीड़न कारण ते किसान लोर बचोनो बेरा जर्मींदार वर्ग ता शासन खिलाफ विद्रोह कियाला काजे मजबूर आत्तोरा। छिन वंश लोप्पा छान शंग, ऊ क्वांग, श्यांग य्वी ओसो ल्यू पांग,<sup>6</sup> हान वंश लोप्पा शिनशि, फिंगलिन, रेंगल कोंडा मिंदिंग, कांच ता कोडाह<sup>7</sup> ओसो कमकाल पागा<sup>8</sup>, स्वेइ वंश लोप्पा ली म्यी ओसो तओ च्येन-त,<sup>9</sup> थांग वंश लोप्पा वांग श्येन-च ओसो ह्वांग छाओ,<sup>10</sup> सुंग वंश लोप्पा सुंग च्यांग ओसो फांग ला,<sup>11</sup> य्वान वंश लोप्पा चू य्वान-चांग<sup>12</sup> ओसो मिंग वंश लोप्पा ली चिं-छंग<sup>13</sup> तल पोयसी छिंग वंश लोप्पा थाइफिंग स्वर्गीय राज्य<sup>14</sup> ता क्रांति एवनल, सुडला-बेहरा सैकड़ों विद्रोह आतंग। इव सब्बे किसान विद्रोह ओसो किसान लोरा क्रांतिकारी युद्ध कु मत्तांग। हर बेहरा किसान विद्रोह ओसो किसान युद्ध तत्कालीन सामंती शासन किन नुक्सान कींता ओसो समाज ता उत्पादन शक्तिंग किन बेरसी कित्ता। मति अद कालम ते पूना उत्पादन शक्तिंग ओसो पूना उत्पादन-संबंधकिन अनि पूना वर्ग-शक्तिंग ओसो बदाई प्रगतीशील राजनीतिक पार्टी ता अस्तित्व हिल्वा मत्ता, अदिन काजे इंजे लेकका सर्वहारा वर्ग ओसो कम्युनिस्ट पार्टी लेकका किसान विद्रोह ओसो किसान युद्ध कुना सही नेतृत्व आताद हिल्लो। अद्रमासी हर किसान क्रांति असफल आतांग ओसो जर्मींदार व अमीर लोर क्रांति ताकनास्के क्रांति पेरके किसान क्रांति किन हमेशाए राजवंश किन बदले कियाला काजे उंदी हथियार लेकका

इस्तेमाल कियानोरा। अद्रमासी किसान लोरा कित्ता हर बेहरा क्रांतिकारी संघर्ष तल सामाज लोप्पा प्रगति आता, मति सामंती आर्थिक संबंध ओसो सामंती राजनीतिक व्यवस्था बुनियादी रूप ते अद्रमे जारी मत्ता।

हत्ता सौ साल लोप्पा पोर्रो वेहता परिस्थिति लोप्पा उंदी पूना बदलाव आता।

### 3. नेटा औपनिवेशिक, अर्ध-औपनिवेशिक ओसो अर्ध-सामंती समाज

पोर्रो वेहता लेक्का चीनी समाज हत्ता तीन हजार साल एवनल उंदी सामंती समाजे मत्ता। मति अदु नेंडु वेने सामंती समाज लेक्काने मंताया? हिल्ले, चीन बदलेमात्तादु मंता। 1840 ता अफीम-युद्ध<sup>15</sup> पेरके चीन उंदी पेरके उंदी अर्ध-औपनिवेशिक ओसो अर्ध-सामंती समाज लोप्पा बदलेमात्ता। जापानी सप्राज्यवादिर 18 सितम्बर 1931 ता घटना ते चीन ता खिलाफ तम्मा सशस्त्र आक्रमण शुरू कित्तास्के, चीन उंदी डाका मुन्ने वाटसी औपनिवेशिक, अर्ध-औपनिवेशिक ओसो अर्ध-सामंती समाजा लोप्पा बदलेमात्ता। इंजे माटु बदलाव ता प्रक्रिया ता बारे ते चर्चा कियाकाल।

दूसरा अध्याय ते वेहता लेक्का चीन ता सामंती समाज लगभग मूँड हजार साल एवनल मत्ता इंजी वेहतादु मंता। विदेशी पूंजीवाद ता घुसपैठ ता कारण तेने उन्नीसवी शताब्दी नड़मा चीनी समाज ते बेहरा-बेहरा बदलावकु आतांग।

चीन ता सामंती समाज लोप्पा व्यापार कियाना माल अर्थव्यवस्था ता विकास आसी मत्ता, अदिन काजे अदिना लोप्पा पूंजीवाद ता विज्जा मोडिसी मत्ता। विदेशी पूंजीवाद ता प्रभाव हिल्वेके, चीन तन्ना किन तीरम-तीरम पूंजीवादी समाज लोप्पा विकसित किसि मनवडा। विदेशी पूंजीवाद ता घुसपैठ इदिना रफ्तार तेज किसिता। विदेशी पूंजीवाद चीन ता सामाजिक अर्थव्यवस्था किन छिन-भिन्न कियाना लोप्पा महत्वपूर्ण भूमिका निभे कित्ता। अदु उंदी बगिल चीन ता आत्मनिर्भर मंदना प्राकृतिक अर्थव्यवस्था ता बुनियाद किन कमजोर किसिता ओसो शहर कुना दस्तकार ओसो किसान लोरा घेरलु दस्तकारी लोर किन बर्बाद कित्ता, ओसो दूसरा बगिल शहर ओसो ग्रामीण इलाकांग लोप्पा व्यापार माल अर्थव्यवस्था ता विकास ता रफ्तार किन बेरसी कित्ता।

इद्रम ता परिस्थितिंग केवल चीन ता सामंती अर्थव्यवस्था ता नींव किने छिन-भिन्न कियाना भूमिकाए आयवा चीन लोप्पा पूंजीवादी उत्पादन ता विकास काजे

उचुन वस्तुगत परिस्थितिंग ओसो संभावनांग किन वेने जन्म हीतांग। प्राकृतिक अर्थव्यवस्था किन खत्म कीसि पूँजीवाद काजे व्यापारीक माल ता मंडीग पुर्वी कित्ता ओसो बेहरा संख्या ते किसान ओसो दस्तकार लोरा बर्बाद आयना पूँजीवाद काजे श्रम-शक्ति ता हाटुम तैयार किसिता।

असल इत्तेके उचुन व्यापारी लोर जर्मांदार ओसो नौकरशाही लोर विदेशी पूँजीवाद तिंची प्रभावित आसी सामंती आर्थिक ढांचा लोप्पा उचुन कमजोरिंग वातांग अद्रमासी उन्नसवी शताब्दी नडुम नडुमा ते, इत्तेके नेटुकू साठ साल मुन्ने, आधुनिक उद्योग कुना लोप्पा पूँजी वाटना शुरू कित्तादु मत्ता। उन्नीसवी शताब्दी ता आखरी ते ओसो बीसवी शताब्दी ता शुरूआत ते इत्तेके लगभग चालीस साल मुन्ने, चीन ता राष्ट्रीय पूँजीवाद मुन्ने दायला काजे उंदी काल मुन्ने वाटता। पेरके लगभग बीस साल मुन्ने, इत्तेके पहली साप्राज्यवादी विश्वयुद्ध ताकनास्के योरोप, अमेरिका ता साप्राज्यवादी देशकुना लोप्पा हिकसी मत्तांग अस्के ओरु चीन पोर्णे तम्मा उत्पीडनकारी कब्जा किन अस्थाई रूप ते ढिल्ला कीसि मत्तोर, अस्के चीन ता राष्ट्रीय उद्योग ओसो मुख्य रूप ते कपडा उद्योग ओसो पिंडी नोराना उद्योग कुना वेल्ले तरक्की आता।

चीन लोप्पा राष्ट्रीय पूँजीवाद ता जन्म ओसो विकास ता इतिहास चीनी पूँजीवादी वर्ग ओसो सर्वाहारा वर्ग ता जन्म ओसो विकास ता इतिहास वेने मंता। बद हिसाब ते व्यापारी लोर, जर्मांदार लोर ओसो नौकरशाही ता उंदी हिस्सा चीनी पूँजीपति वर्ग ता मुन्नेटा रूप मत्ता, अद्रमे किसान लोर ओसो दस्तकारी मजदूर लोरा उंदी हिस्सा चीनी सर्वहारा वर्ग ता मुन्नेटा रूप मत्ता। विशेष सामाजिक वर्ग कुना रूप ते चीनी पूँजीपति वर्ग ओसो सर्वाहारा वर्ग बिल्कुले पूना वर्ग मत्ता ओसो अदिना अस्तित्व चीन ता इतिहास लोप्पा मुन्ने बस्केने हिल्वा मत्ता। सामंती समाज ता पोट्टातल इव रेंडासी पूना सामाजिक वर्ग कुना रूप ते पुटतांग। इव चीन ता पाडना (सामंती) समाज ता पोट्टा तल पुट्टना एमरे पिल्ला-पेकोर लेक्का मंता, अद्रमासी अविना उंदी-दूसरा संगे संबंध वेने मंता ओसो दुश्मनी वेने मंता। मति चीनी सर्वहारा वर्ग ता जन्म ओसो विकास केवल चीनी राष्ट्रीय पूँजीपति वर्ग ता जन्म ओसो विकास संगे-संगेने आयवा चीन लोप्पाटा साप्राज्यवादीर प्रत्यक्ष रूप ते ताकी कियाना कारोबार कुनागडल वेने विकास आता। ओसो चीनी सर्वहारा वर्ग ता उंदी वेल्ले बेहरा संख्या चीनी पूँजीपति वर्ग तुकू ज्यादा पाडना ओसो ज्यादा अनुभवी मंता

अदिन काजे अदिना सामाजिक शक्ति ओसो सामाजिक बुनियाद वेल्ले बेहरा ओसो वेल्ले व्यापाक मंता।

मति पोर्ने वेहता लेकाटा पूँजीवाद ता जन्म ओसो विकास चीन लोप्पा साम्राज्यवाद ता घुसपैठ पेरके आयाना बदलाव ता उंदी पहलू आँदू इदिना उंदी दूसरा इत्तेके चीनी पूँजीवाद ता विकास किन रोमी कियाला काजे साम्राज्यवादिरा ओसो चीन ता सामंती ताकत कुना आपसी सांठगांठ ता पहलू वेने मंता।

चीन लोप्पा अतिक्रमण कियाना साम्राज्यवादी ताकत कुना उद्देश्य सामंती चीन किन पूँजीवादी चीन लोप्पा बदले कियाना आयवा, चीन किन तम्मा अर्ध-औपनिवेश ओसो उपनिवेश बने कियानादु मत्ता।

तम्मा इद उद्देश्य किन पूरा कियाला काजे साम्राज्यवादी ताकतकु - उत्पीडन ता फौजी, राजनीतिक, आर्थिक ओसो सांस्कृतिक तरीकांग इस्तेमाल कित्ता ओसो किया मंतांग, अद्रमासी चीन तीरम-तीरम अर्ध-उपनिवेश ओसो उपनिवेश बनेमाया मंता। इस्तेमाल कित्ता तरीकांग दोड रास्ता लेकका मंतांग:

1. साम्राज्यवादी ताकतु चीन ता खिलाफ वेल्लेए आक्रमणकारी युद्ध शुरू कीतांग। 1840 ते ब्रिटेन ता अफीम-युद्ध, 1857 ते अंग्रेज ओसो फ्रांस ता संयुक्त सेनांग ना युद्ध,<sup>16</sup> 1884 ता चीन-फ्रांस युद्ध<sup>17</sup>, 1894 ता चीन-जापान युद्ध ओसो 1900 ता आठ ताकत कुना संयुक्त सेनांग ना युद्ध<sup>18</sup>। चीन किन युद्ध लोप्पा हारे कित्ता पेरके साम्राज्यवादी ताकतकु केवल चीन ता रक्षा कियाना बचोनो पडोसी देशकुना पोर्ने कब्जाए आयवा चीन ता उचुन इलाकांग पोर्ने वेने जबरदस्ती कब्जा कित्ता, लेवेके अविन “पट्टा” ते पोयता। उदाहरण काजे जापान थाइवान ओसो फंगहू द्वीप कुना पोर्ने कब्जा कित्ता ओसो ल्यूइशुन बंदरगाह किन “पट्टा” ते पोयता: ब्रिटिश तोरो हांगकांग किन कब्जा कित्तोर ओसो फ्रांस क्वांगचओवान किन “पट्टा” ते पोयता। इलाका कब्जा कियानाए आयवा ओरु अतिरिक्त हरजना वेने वसूल कित्तोरा इद्रम चीन ता विशाल सामंती साम्राज्य पोर्ने तीव्र प्रहार कित्तादु मंता।
2. साम्राज्यवादी ताकतकु चीन किन वेल्ले असमान समझौतांग कियाला काजे जबरदस्ती कीतांग, अद्रमा कीतांकु चीन लोप्पा तना नौसेना ओसो थल सेना तासना अधिकार ओसो कानसुलर न्यायाधिकार<sup>19</sup> पोर्ने कब्जा कितांग ओसो पूरा चीन किन बचोनो साम्राज्यवादी ताकतकुना प्रभाव मत्ता इलाकांग ने तूसतांग।<sup>20</sup>

3. साम्राज्यवादी ताकतकु इव असमान समझौतांग कीतांकु चीन ता सब्बे महत्वपूर्ण व्यापार कियाना बंदरगाह कुन तम्मा कब्जा ते तासतांग ओसो वेल्ले बंदरगाह कुना इलाकांग किन पट्टा ते पोयसी सीधा प्रशासन ते तासतांग।<sup>21</sup> अबु चीन ता टैक्स, विदेशी व्यापार ओसो संचार (समुद्र, थल, डोड्डा ओसो हवाई) व्यवस्था किन वेने तम्मा कब्जा ते कीतांग। इद्रम अबु चीन ता हाटुम लोप्पा तम्मा माल निहला काजे ओसो तम्मा औद्योगिक माल ता मंडी बनेकियाला सफल आतांग ओसो संगेने अबु चीन ता कृषि-उत्पादन किन वेने तम्मा साम्राज्यवादी जरूरत कुना अनुसार बने कीतांग।
4. साम्राज्यवादी ताकतकु चीन लोप्पा सुडला-बेहरा उद्योग किना वेल्ले कारोबार वेने ताकी कित्ता। बरांकु इत्तेके अदिना कच्चा माल ओसो सस्ता मजदूरी किन इविना लोप्पा ने इस्तेमाल कियानवु। इद्रम अबु सीधा चीन ता राष्ट्रीय उद्योग पोर्ँे आर्थिक दबाव वाटतांग ओसो अदिना उत्पादन ताकतकुना विकास किन अवरुद्ध कीतांग।
5. साम्राज्यवादी ताकतकु चीन सरकार किन कर्जा हिसी चीन लोप्पा तम्मा बैंक स्थापित कीसि चीन ता बैंक-व्यवस्था ओसो वित्त-व्यवस्था पोर्ँे तम्मा इजारेदारी निल्पी कित्तांग। अबु केवल तिजारती (व्यापारिक) माल लोप्पा चीन ता राष्ट्रीय पूँजीवाद किने पेरके अरहो चीन ता बैंक-व्यवस्था ओसो वित्त-व्यवस्था पोर्ँे वेने तम्मा कब्जा कीतांग।
6. साम्राज्यवादी ताकतकु चीन लोप्पा व्यापारिक शहरकुनल पोयसी ग्रामीण इलाकांग एवनल दलाल पूँजीपतिर ओसो सूदखोर-व्यापारीरा शोषण ता जाली वाटता ओसो तम्मा सेवा ने दलाल-पूँजीपति वर्ग ओसो सूदखोर-व्यापारी वर्ग पुट्टी कित्ता, इद्रम कित्तेके अविना काजे व्यापक चीन ता किसान ओसो जन-समुदाय ता दूसरा समूह ना शोषण कियाना हल्को आंता।
7. साम्राज्यवादी ताकतकु दलाल-पूँजीपति वर्गे आयवा सामंती जर्मीदार वर्ग किन वेने चीन लोप्पा तम्मा शासन ता मुख्य निशाना बने कीतांग। सम्राज्यवाद “सबसे मुन्ने बहुसंख्यक जनता ना खिलाफ पाडना समाजिक व्यवस्था ता शासक वर्ग-सामंती जर्मीदार ओसो व्यापारी, सूदखोर पूँजीपतिरा संगे गठजोड कींता। साम्राज्यवाद हर जागा (विशेष रूप ते ग्रामीण इलाकांग ने) पूँजीवाद तुकू मुन्नेटा शोषण कूना रूप किन सुरक्षित तासिंता ओसो स्थाई बने कियाना कोशिश कींता। बरांकु इत्तेके इवु साम्राज्यवादी

ताकतकुना प्रतिक्रियावादी संश्रयकरीरा अस्तित्व काजे आधार बने कियाना काम कींतांग।”<sup>22</sup> “साम्राज्यवादी ताकतकु ओसो चीन लोप्पा अविना सब्बे वित्तीय ओसो सैनिक ताकतकु पिस्ता सामंती तत्व कुन पूरा नौकरशाही-युद्धपतिवादी पोर्टेंटा ढांचा किन वेने सहारा हींता, अविन प्रोत्साहित कींता, पाले कींता ओसो सुरक्षित तासना का ताकत बनेमात्ता।”<sup>23</sup>

8. साम्राज्यवादी ताकतकु युद्ध-सरदार लोरा आपस ता लड़ाई शुरू तासला ओसो जनता किन दबे कीसि तासला काजे प्रतिक्रियावादी चीन सरकार किन गोला-बारूद ओसो हथियार कुना सप्लाई वेल्ले कींता ओसो वेल्ले संख्या ते सैनिक सलाहकार लोहिता।
9. पोर्टे वेहता तरीकांग आयवा साम्राज्यवादी ताकतकु चीनी जनता ना दिमाग खराब कियानादु बस्केने बंद किवो। इदु ओरा सांस्कृतिक आक्रमण नीतिए आंदू। इदु आक्रमण नीति मिशनरीरा काम कियाना, अस्पताल ओसो स्कूल खोले कियाना, अखबार प्रकाशित कीसि चीनी विद्यार्थीर किन विदेश हंजी पढ़ाई ता लालच हिसी अमल कियानोर। ओरा लक्ष्य ओरा हित कुना सेवा कियाना बुद्धिजीवी-कार्यकर्ता लोर किन तैयार किया ओसो व्यापक चीनी जनता ना कोंडा मुन्ने धोखा हियानादे मत्ता।
10. 18 सितम्बर 1931 ता घटना तल जापानी साम्राज्यवादीरा बेहरा स्तर ता हमला अर्ध-औपनिवेशिक चीन ता उंदी बेहरा हिस्सा किन जापान ता उपनिवेशिक व्यवस्था ते बदले कित्ता।

पोर्टे वेहता परिस्थिति चीन लोप्पा साम्राज्यवाद ता घुसपैठ पेरेके आता पूना बदलाव कुना दूसरा पहलू आंदू - इदु सामंती चीन ता अर्ध-सामंती, अर्ध-औपनिवेशिक ओसो औपनिवेशिक चीन लोप्पा बदले कित्ता।

इदिनगडल साम्राज्यवादी ताकतकु चीन पोर्टे हमला कितांकु उंदी बगिल चीन ता सामंती समाज ता तोड़फोड़ ओसो पूंजीवादी तत्व कुन तीव्र रूप ते पुट्टी कित्ता, अद्रमासी उंदी सामंती समाज किन अर्ध-सामंती समाज ते बदले किसिता, ओसो दूसरा बगिल ओरु चीन पोर्टेर तम्मा बर्बर शासन कियाना शुरू कित्तोरा। अद्रमासी उंदी स्वाधीन चीन किन अर्ध-औपनिवेशिक-औपनिवेशिक चीन ते बदले किसिता।

इव रेंडासी पहलुंग किन उंदी जागा तासिसी हूडतेके चीन ता औपनिवेशिक, अर्ध-औपनिवेशिक ओसो अर्ध-सामंती समाज ता दोड़ रास्ता विशेषतांग मत्तांग:

1. सामंती काल ता आत्मनिर्भर मंदना प्राकृतिक अर्थव्यवस्था ता नींव नष्ट आता, मति जर्मींदार वर्ग किसान लोरा शोषण, सामंती शोषण-व्यवस्था ता आधार बनेमासी मत्ता, इवु बद्रम मत्ता अद्रमे आयवा अदिन दलाल-पूँजी, सूदखोर-पूँजी ता शोषण संगे कलियसी स्पष्ट रूप ते चीन ता सामाजिक-आर्थिक पिस्वल ते तन्ना प्रभुत्व स्थापित कित्ता।
2. राष्ट्रीय पूँजीवाद ता उचुन विकास आसी मत्ता ओसो चीन ता राजनीतिक, सांस्कृतिक पिस्वल ते अदु वेल्ले महत्वपूर्ण भूमिका निभे कित्ता, मति अदु चीन ता सामाजिक अर्थव्यवस्था ता मुख्य रूप बनेमाया परवो, अदु वेल्ले कमजोर मत्ता ओसो अदु ज्यादातर ओसो अलग-अलग रूप ते विदेशी साम्राज्यवाद ओसो स्थानीय सामंतवाद संगे संबंध तासिंता।
3. सम्राट ओसो रईस लोकुरा एकतंत्रीय शासन ता तख्ता पलट कित्ता ओसो ओरा जागा ते मुन्ने जर्मींदार वर्ग ता युद्धपति-नौकरशाही शासन निल्पी कित्ता अनि पेरके जर्मींदार वर्ग ओसो बेहरा पूँजीपति वर्ग ता संयुक्त अधिनायकत्व आता। जापान ता कब्जा ते मंदाना इलाकांग लोप्पा जापानी साम्राज्यवाद ओसो अदिना कठपुतलिंग ना हुकुमत मत्ता।
4. साम्राज्यवाद केवल चीन ता मुख्य वित्तीय ओसो आर्थिक व्यवस्था किने आयवा राजनीतिक ओसो सैनिक शक्ति किन वेन तन्ना नियंत्रण ते कित्ता। जापान ता कब्जा ते मंदाना इलाकांग लोप्पा हर चीज जापानी साम्राज्यवाद ता कैदे मत्ता।
5. चीन पोरों बचोनो साम्राज्यवादी देशकु पूरा ओसो अंदरूनी रूप ते अधिकार कायम कित्तोर, चीन असल ते उंदी लम्बा समय तल लोप्पा-लोप्पा फूट कुना शिकार आसी मत्ता ओसो चीन ता क्षेत्रफल वेल्ले बेहरा मंता अदिन काजे अदिना आर्थिक, राजनीतिक ओसो सांस्कृतिक विकास वेल्ले असम्मान रूप ते आता।
6. साम्राज्यवाद ओसो सामंतवाद ता दोहरा उत्पीड़न ता कारण ते विशेषकर जापानी साम्राज्यवाद ता बेहरा स्तर ता आक्रमण कुना कारण ते चीन ता व्यापक जनता ओसो खासकर किसान लोर वेल्ले गरीब आसोर दाया मंतोर, वेल्ले संख्या ते दिवालिया आत्तोर। करविने इरंगम ते पिस्वल पिस्सा मंतोर ओसो ओरु बदे राजनीतिक अधिकार हासिल कित्ताद हिल्ले। चीनी जनता बचोन गरीब मंता ओसो आजादी तुकू बचोन जेक मंता इंदाना उदाहरण

दोरकना मुश्किल मंता। इवु चीन ता औपनिवेशिक, अर्ध-औपनिवेशिक ओसो अर्ध-सामंती समाज ता विशेषतांग आंदुंगा।

इद परिस्थिति मुख्य रूप ते जापानी ओसो दूसरी साम्राज्यवादी ताकतकु पुट्टी कित्ताद मत्ता। इदु विदेशी साम्राज्यवाद ओसो स्थानीय सामंतवाद नड़मा सांठगांठ ता कारण ते आता।

साम्राज्यवाद ओसो चीनी राष्ट्र नड़मा ता अन्तरविरोध ओसो सामंतवाद ओसो व्यापाक जन-समुदाय नड़मा ता अन्तरविरोध, इव रेंडासी आधुनिक चीनी समाज ता मुख्य अन्तरविरोध आंदू बदे डावुट हिल्वा ओसो वेने अन्तरविरोध कु मंतांग, इत्के पूँजीपति वर्ग ओसो सर्वहारा वर्ग ता नड़मा ता अन्तरविरोध ओसो प्रतिक्रियावादी शासक वर्ग कुना लोप्पाटा अन्तरविरोध लेक्काटवु। मति साम्राज्यवाद ओसो चीनी राष्ट्र नड़मा मंदना अन्तरविरोध प्रधान अन्तरविरोध आंदू। इव अन्तरविरोध कुना नड़मा संघर्ष आयना ओसो इदु तीव्र आता कारण ते क्रांतिकारी आंदोलन ता विकास आयना जरूरी मंदिता। आधुनिक चीन ओसो समकालीन चीन ता महान क्रांतिंग ना जन्म ओसो विकास इव बुनियादी अन्तरविरोधकुना पोरो आधार आसी आता।

## अध्याय 2 चीनी क्रांति

### हत्ता सौ साल ता क्रांतिकारी आंदोलकु

साम्राज्यवाद चीनी सामंतवाद संगे सांठगांठ कीसि चीन किन अर्ध-औपनिवेश ओसो उपनिवेश बने कियाना इतिहास चीनी जनता ना साम्राज्यवाद ओसो अदिना खिलाफ कित्ता संघर्ष ता इतिहास वेने मंता। अफीम-युद्ध, थाइफिंग स्वर्गीक-राज्य आंदोलन, चीन-फ्रांस युद्ध चीन-जापान युद्ध, 1898 ता सुधारवादी आंदोलन, ई हो थ्वान आंदोलन, 1911 ता क्रांति, 4 मई आंदोलन, 30 मई आंदोलन, उत्तरी

अभियान, भूमि-क्रांति युद्ध साम्राज्यवाद ओसो ओरा दलाल लोरा खिलाफ लड़ेमायला काजे चीनी जनता वेल्ले बेहरा उदाहरणकु मंतांग।

हत्ता सौ सालकुना लोप्पा चीनी जनता वीरतापूर्वक संघर्ष कित्ता, अद्रमासी साम्राज्यवाद चीन किन नेंदु वेने गुलाम बने कित्ताद हिल्ले ओसो बस्के गुलाम बने किया परियर।

जापानी साम्राज्यवाद इंजे तन्ना पूरा जोर वाटसी चीन पोर्रे बेहरा स्तर ता हमलांग किया मंता ओसो चीन ता वेल्ले जर्मीदार ओसो बेहरा पूँजीपति वर्ग अप्रच्छन्न ओसो प्रच्छन्न वांग चिंग-वेइ लेक्काटोर, दुश्मन मुन्ने मुन्ने ने आत्मसमर्पण कित्तोर ओसो आत्मसमर्पण कियाना तैयारी किया मंतोर, मति बहादुर चीनी जनता निश्चित रूप ते लडाई जारी तासियरा इद वीरतापूर्ण संघर्ष चीनी जनता जापानी साम्राज्य वाद किन पूँडनाचोन जोम ओसो देश किन पूराए ओरा कैदल मुक्त किवो आंतास्के एवनल रोमो।

1840 ता अफीम-युद्ध ते पोयतके चीनी जनता ना राष्ट्रीय क्रांतिकारी संघर्ष ता इतिहास पूरा सौ साल ता मंता, ओसो 1911 ता क्रांति तिंची पोयतेके वेने तीस साल आया मंता क्रांति ता इद प्रक्रिया इंजे पूरा आत्ताद हिल्ले ओसो क्रांति ता काम बदे महत्वपूर्ण सफलता संगे पूरा आत्ताद हिल्ले, अदिन काजे चीनी जनता किन खास कर चीनी कम्युनिस्ट पार्टी किन दृढ़ताते लडेमासोर मंदाना जिम्मेदारी तन्ना हड्डा ते पोयना जरूरत मंता।

आखरी ते क्रांति ता प्रहार ता लक्ष्य बातल मंता? अदिना काम बातल? अदिना प्रेरक शक्तिंग बवु? अदिना स्वरूप बद्रम मंता? ओसो अदु वायना कालम ते बद्रम मंदियर? इंजे माटु इवे सवालकुना पोर्रे चर्चा कियाकाला।

## 2. चीनी क्रांति ता हमला ता लक्ष्य

मुन्ने अध्याय ता तीसरा पैराग्राफ ते कित्ता विश्लेषण लोप्पा, वर्तमान चीनी समाज उंदी औपनिवेशिक, अर्ध-औपनिवेशिक ओसो अर्ध-सामंती समाज आंदु इंजी माटू पुत्तोमा इंजे माटु चीनी समाज ता स्वरूप किन स्पष्ट रूप ते समझेमायकाल, अस्केने माटु चीनी क्रांति ता हमला ता लक्ष्य, अदिना काम, अदिना प्रेरक शक्तिंग ओसो अदिना स्वरूप ओसो अदिना वायना कालम, अदिना बेहरा बदलाव किन स्पष्ट रूप ते समझेमाया परिंतोमा। अदिन काजे चीनी समाज ता स्वरूप किन इत्तेके चीन ता

परिस्थिति किन स्पष्ट रूप ते समझेमातेकेने अदु क्रांति ता सब्बे समस्यांग किन स्पष्ट रूप ते समझेमायना ता चाबी लेकका आंता।

वर्तमान चीनी समाज ता स्वरूप औपनिवशिक, अर्ध-औपनिवेशिक ओसो अर्ध-सामंती मंता, चीनी क्रांति ता वर्तमान मंजिल लोप्पा चीनी समाज ता मुख्य उत्पीड़क ओसो अदिना विकास ता हर्दे मुख्य बाधा बदे दूसरा आयवा इव रेंडासी आंदुंग। चीनी जनता ना उत्पीड़न कियाना लोप्पा इव रेंडासीए उंदी दूसरा संगे सांठगांठ कींतांग, साप्राज्यवाद चीनी जनता ना पहला दर्जा ता ओसो वेल्ले खतरनाक दुश्मन आंदू बारांकु इत्तेके साप्राज्यवाद ता राष्ट्रीय उत्पीड़न वेल्ले दुखकम लेकका मंदींता।

चीन लोप्पा जापान ता सशस्त्र हमला पेरके जापानी साप्राज्यवाद ओसो अदिना संगे सांठगांठ कियाना सब्बे चीनी गद्दार, प्रतिक्रियावादीर चीनी क्रांति ता मुख्य दुश्मन बनेमातोर, ओरु खुल्लमखुल्ला आत्मसमर्पण कितेकाई आत्मसमर्पण कियाना तैयारी कीतेकाई, सब्बे तोरे दुश्मन बनेमातोर।

चीनी पूंजीपति वर्ग, साप्राज्यवादी उत्पीड़न ता शिकार वेने आता, 1911 ता क्रांति लेक्काटा क्रांतिकारी संघर्ष कुना नेतृत्व कित्ता ओसो अदिना लोप्पा मुख्य नेतृत्वकारी भूमिका निभे कित्ता, अनि उत्तरी अभियान ओसो वर्तमान जापानी-आक्रमण-विरोधी युद्ध लेक्काटा क्रांतिकारी संघर्ष कुना लोप्पा हिस्सा एतता। मति 1927-1937 एवनल समय ते क्वोमिंगतांग प्रतिनिधित्व कियाना प्रतिक्रियावादी गुट, साप्राज्यवाद संगे सांठगांठ कित्ता जर्मींदार वर्ग संगे प्रतिक्रियावादी गठजोड़ कित्ता, तन्ना दोस्त-कम्युनिस्ट पार्टी, सर्वहारा वर्ग, किसान वर्ग ओसो निम्न-पूंजीपति वर्ग ता दूसरा हिस्सा-संगे गद्दारी कित्ता ओसो अदिन असफल कित्ता। अदिन काजे अद समय ते क्रांतिकारी जनता ओसो क्रांतिकारी जनता ओसो क्रांतिकारी राजनीतिक पार्टी (कम्युनिस्ट पार्टी) किन पूंजीपति वर्ग ता इव तत्व किन क्रांति ता प्रहार ता उंदी लक्ष्य बनेमाया लागता। जापानी-आक्रमण-विरोधी युद्ध ताकनास्के बडे जर्मींदार वर्ग ओसो बेहरा पूंजीपति वर्ग ता उंदी हिस्सा (इदिना प्रतिनिधि वांग चिंग-वेइ मत्तोर), गद्दारी कित्तोर ओसो दुश्मन संगे कलियतोरा अदिन काजे जापान-विरोधी जनता किन बेहरा पूंजीपति वर्ग इव तत्व किन मना राष्ट्रीय हितकुना संगे गद्दारी कित्तोर, क्रांति ता प्रहार ता उंदी लक्ष्य बने किया लागिंता।

अस्के चीनी क्रांति ता दुश्मन वेल्ले ताकतवर मत्तोरा ओरा लोप्पा शक्तिशाली साप्राज्यवादीर आयवा शक्तिशाली सामंती शक्तिंग वेने शामिल मत्तांग ओसो बदे

निश्चित समय ते जनता ना विरोध कियाला काजे साप्राज्यवादी ओसो सामंती शक्तिंग संगे साठंगाठ कियाना पूऱीपति वर्ग ता प्रतिक्रियावादी वर्ग वेने शामिल आंतांग। ओसो क्रांतिकारी चीनी जनता ना दुश्मन ता शक्ति किन कम आल्सना विचार गलत मंता।

इद्रम ता दुश्मन मंदानास्के, चीनी क्रांति केवल उंदे दीर्घकालीन ओसो निर्मम क्रांतिए आया परिंता। इद्रम ता शक्तिशाली दुश्मन मंदानास्के दीर्घकालीन काम कियवा लेवा क्रांतिकारी शक्तिंग किन एकता किया परमूडायो ओसो दुश्मन किन अन्तिम रूप ते हरे कियाला तैयार आया परिंतांग, अविन उंदी फौलादी ताकत वेने बने किया परमूडायो। इद्रम ता दुश्मन मंदानास्के चीनी क्रांति किन खतरनाक तरीका ते खत्म किंतोर, क्रांतिकारी ताकत कुना काजे बस्के एवनल बेस मजबूत आयोर अस्के एवनल तम्मा एकता तोहोर, अस्के एवनल दुश्मन ता मोर्चा पोर्हे कब्जा कियाना तो वेल्ले जेक पोल्लो, अदु तन्ना मोर्चा किन वेने निल्पी कियाना संभव हिल्ले। चीन ता क्रांतिकारी ताकतकुना निर्माण तुरंत आया परिंता ओसो चीन ता क्रांतिकारी संघर्ष केवल उंदे दिय्या ते सफल आया परिंता इंदाना पोल्लो गलत मंता।

इद्रम ता दुश्मन मंदानास्के चीनी क्रांतिता मुख्य तरीका ओसो मुख्य रूप सशस्त्र संघर्ष ताए मंदाना, शांतिपूर्ण संघर्ष आयो। बारांकु इतेके मावा दुश्मन चीनी जनता ना शांतिपूर्ण कामकाज किन असंभव बने किसिंतांग ओसो चीनी जनता किन सब्बे राजनीतिक आजादी तिंची जेक तासिंता। स्तालिन वेहता लेकका:- “चीन लोप्पा सशस्त्र क्रांति सशस्त्र प्रतिक्रांति संगे टक्कर एता मंता। इदु चीनी क्रांति ता विशेषतांग लोप्पाटल उंदी मंता”<sup>24</sup> इदु बिलकुल सही आंदू अदिन काजे सशस्त्र संघर्ष, क्रांतिकारी युद्ध, छापामार युद्ध ओसो फौजी कमांड ता उपेक्षा कियाना विचार गलत मंदिंता।

इद्रम ता दुश्मन मंदानास्के क्रांतिकारी आधार-इलाकांग ना सवाल पैदा आंतांग। चीन ता महत्वपूर्ण शहर कुना पोर्हे शक्तिशाली साप्राज्यवादीर ओसो ओरा प्रतिक्रियावादी चीनी संश्रयकारिर लम्बा समय तल कब्जा कीसि मत्तोर, अद्रमासी क्रांतिकारी पांत कु पेरके अरता नाहकुन तम्मा उन्नत ओसो सबसे मजबूत आधार-इलाकांग लोप्पा बदले कियाना जरूरी आंता, ओसो अविन क्रांति ता विशाल सैनिक, राजनीतिक, आर्थिक ओसो सांस्कृतिक गढ़ बने कियाना जरूरी आंता। इद्रम कीसिए तम्मा ग्रामीण इलाकांग पोर्हे हमला कियाला काजे शहरकुन इस्तेमाल कियाना तना खतरनाक दुश्मन खिलाफ लड़ेमाया परिंतांग ओसो इद्रम अवु

दीर्घकालीन लड़ाई संगे तना क्रांति लोप्पा कदम-ब-कदम पूर्ण जीत हासिल किया परिंतांग। साप्राज्यवाद संगे समझौता कियाला आयवा लड़ाई जारी तासना संकल्प एतिंतांग ओसो अबु तम्मा शक्तिंग ना एकता कियाला आलिसंतांग ओसो अविन फौलादी रूप हियाला आलिसंतांग, तम्मा शक्तिशाली दुश्मन संगे निर्णयात्मक लड़ाई लडेमायला, अस्के एवनल आल्सों आंता बस्के एवनल तम्मा ताकत हालो इत्तेके अस्के एवनल इद्रम कियाना पक्काए जरूरी मंदिता। इद्रम ता परिस्थिति ते चीनी क्रांति काजे मुने ग्रामीण इलाकांग लोप्पा जीत हासिल कियाना संभव मंता बारांकु इत्तेके चीन ता अर्थिक विकास संतुलित तरीका ते आत्ताद हिल्ले (अदिना अर्थव्यवस्था एकीकृत पूंजीवादी अर्थव्यवस्था हिल्ले), बारांकु इत्तेके अदिना भूमी बेहरा मंता (अद्रमासी क्रांतिकारी ताकतकुना काजे जागा बदले कियाला लागिंता), बारांकु इत्तेके प्रतिक्रांतिकारी ग्रुप लोप्पा फूट ओसो अन्तरविरोध मंदिता। बारांकु इत्तेके क्रांति ता मुख्य शक्ति किसान लोर मंतोर ओसो संघर्ष ता नेतृत्व कम्युनिस्ट पार्टी - सर्वहारा वर्ग ता पार्टी किया मंता। मति दूसरा बगिल इवे परिस्थितिंग क्रांति किन असंतुलित ओसो अदिना पूर्ण जीत हासिल कियाना काम किन दीर्घकालीन ओसो कठीन बने किसिंता। अद्रमे इद पोल्लो इत्तेके इद्रम ता क्रांतिकारी आधार-इलाकांग लोप्पा दीर्घकालीन क्रांतिकारी संघर्ष ता रूप मुख्य रूप ते किसान छापामार युद्ध आंदू इदिन चीनी कम्युनिस्ट पार्टी ता नेतृत्व ते ताकी कियाना पोल्लो साफ आंता। अदिन काजे ग्रामीण इलाकांग किन क्रांतिकारी आधार इलाकांग ना रूप ते इस्तेमाल कियाना जरूरत किन नजरअंदाज कियाना, किसान लोरा नड़मा काम किन नजरअंदाज कियाना ओसो छापामार युद्ध किन नजरअंदाज कियाना गलत आंता।

मति सशस्त्र संघर्ष पोर्रो जोर वाटना ता मतलब, संघर्ष ता दूसरा रूप किन विडसना इंजी आयो आंता। इदिना उल्टा, बस्के एवनल संघर्ष ता दूसरा रूप कुना संगे सशस्त्र संघर्ष तालमेल बने किवो आंता अस्के एवनल अदु सफलय आयो आंता। अद्रमे ग्रामीण आधार-इलाकांग लोप्पा काम कियाना पोर्रो जोर हियाना तुक मतलब इत्तेके शहर कुना लोप्पा ओसो दूसरा व्यापक इलाकांग लोप्पा, बदो इंजे एवनल दुश्मन ता शासन मंतांग – काम किन विडसना या अविना लोप्पा काम कियाना बंद कियाना इंजी आयो, उल्टा शहर किना लोप्पा ओसो व्यापक ग्रामीण इलाकांग लोप्पा काम कियवा लेवा मना ग्रामीण आधार-इलाकांग अलगाव ता परिस्थिति ते वांतांग ओसो क्रांति ता हार आंता। इदे आयवा क्रांति ता अन्तिम उद्देश्य

शहर पोरों इतेके दुश्मन ता मुख्य अडूडांग पोरों कब्जा कियाना मंता, शहरकुना लोप्पा वेल्ले काम कियोम इतेके इद उद्देश्य वेने पूरा आयो आंता।

इद्रमे ग्रामीण इलाकांग लोप्पा ओसो शहर कुना लोप्पा क्रांति अस्के एवनल सफल आयो बस्के एवनल जनता ना खिलाफ इस्तेमाल कियाना दुश्मन ता मुख्य हथियार इतेके ताना फौज किन नष्ट किवेके, इद पोल्लो वेने इदिनगडल स्पष्ट आंता। अदिन काजे दुश्मन ता फौज किन लड़ाई लोप्पा खत्म कियाना संगे उंदी महत्वपूर्ण काम अदिन छिन्न-भिन्न कियाना वेने मंता।

इदिनगडल इद वेने स्पष्ट समजेमायना कि दुश्मन ता दीर्घकालीन कब्जा ते मंदाना ओसो प्रतिक्रियावादी शासन दोड़ मत्ता शहरकु ओसो नाहकुना इलांकांग लोप्पा तम्मा प्रचार काम ओसो संगठनात्मक काम लोप्पा कम्युनिस्ट पार्टी किन जल्दबाजी ओसो दुस्साहसवादी नीति लागू कियवा लेवा मंदना ओसो ताना सबसे बेसता कार्यकर्ता लोर ओसो संगठनकुन दीर्घकालीन रूप ते भूमिगत काम कियाना लोप्पा वाटना ओसो ताकत बेरसी कियाना जोम वेल्ले बेसता मौका दोरकी कियाला काजे हर्री हूड़ना नीति लागू कियाना। दुश्मन ता खिलाफ ताकि कियाना संघर्ष लोप्पा जनता ना नेतृत्व कियानास्के पार्टी किन सब्बे कानून, आदेशकुना खुला रूप ते ओसो सही तरीका ते इस्तेमाल किया परना लेकका कार्यनीति लागू कियाना। अब सब्बे चीजकुन बदिना इज्जात सामाजिक रीति-रिवाज हींतोरो अदिन इस्तेमाल किसोर, न्याय पोरों आधार आसी, अपना फायदा हूड़सोरे, धीरा कीसि लडेमायना उसूल ता अनुसार, संघर्ष किन कदन-ब-कदम तीरम-तीरम ओसो स्थिर रूप ते मुने दायना लेककाटा कार्यनीति लागू कियाना। अंगडम ता कोलहार ओसो अंधाधुंध संघर्ष तल बस्के ने सफलता दोरको।

## 2. चीनी क्रांति ता काम

इद मंजिल ते चीनी क्रांति ता मुख्य दुश्मन साम्राज्यवाद ओसो सामंती जर्मींदार वर्ग मंता, इंदानास्के क्रांति ता वर्तमान काम बाताल मंता?

डावुट हिल्वा अदिना मुख्य काम इव रेंडासी दुश्मन तोरा पोरों हमला कियाना, इतेके साम्राज्यवाद उत्पीड़न किन खत्म कियाला काजे राष्ट्रीय क्रांति कियाना ओसो सामंती जर्मींदार वर्ग ता उत्पीड़न ता तख्ता पलट कियाला काजे जनवादी क्रांति

कियाना। अदिना पहला काम साप्राज्यवाद ता तख्ता पलट कियाला काजे राष्ट्रीय क्रांति कियानादु मंता।

चीनी क्रांति ता इव रेंडासी बेहरा काम उंदी-दूसरा संगे कलिसी मंता। बस्के एवनल साप्राज्यवादी शासन ता तख्ता पलट कियमूङायो, अस्के एवनल सामंती जर्मींदार वर्ग ता शासन किन वेने खत्म किया परमूङायो, बारांकु इत्तेके साप्राज्यवाद सामंती जर्मींदरा वर्ग ता मुख्य समर्थक मंता। अदिना उल्टा, बस्के एवनल सामंती जर्मींदार वर्ग ता तख्ता पलटे कियाला काजे किसान लोरा मदद किवोम अस्के एवनल साप्राज्यवादी शासन किन खत्म कियाला काजे शक्तिशाली क्रांतिकारी दलम ता निर्माण संभव हिल्ले, बारांकु इत्तेके चीन लोप्पा साप्राज्यवादी शासन ता मुख्य सामाजिक आधार सामंती जर्मींदार वर्ग मंता ओसो चीनी क्रांति ता मुख्य शक्ति किसान लोर मंतोरा। अदिन काजे राष्ट्रीय क्रांति ओसो जनवादी क्रांति इव रेंडासी बुनियादी काम अलग-अलग आसी वेने उंदीनकु-उंदी संगे जुड़ेमासी मंता।

असल इत्तेके रेंडासीए क्रांतिकारी काम उंदी दूसरा संगे संबंधित मंता, बारांकु इत्तेके नेंदु चीन ता राष्ट्रीय क्रांति ता मुख्य काम जापानी साप्राज्यवादी हमलांग ना खिलाफ लड़ेमायना मंता, ओसो इद युद्ध लोप्पा जीत हासिल कियाला काजे जनवादी क्रांति ता काम किन पूरा कियाना जरूरी मंता। राष्ट्रीय क्रांति ओसो जनवादी क्रांति किन क्रांति ता बिल्कुल अलग ओसो रेंदु मंजिलकु समझेमायना गलत आंता।

### 3. चीनी क्रांति ता प्रेरक शक्तिंग

वर्तमान मंजिल लोप्पा चीनी समाजता स्वरूप ओसो चीनी क्रांतिता हमलांगना लक्ष्यकु ओसो अदिना कामकु हूँडतेके चीनी क्रांति ता प्रेरक शक्तिंग बवु?

चीनी समाज उंदी औपनिवेशिक, अर्ध-औपनिवेशिक ओसो अर्ध-सामंती समाज मत्ताचोनजोम, चीनी क्रांति ता हमलांग ना लक्ष्य मुख्य रूप ते चीन पोरो विदेशी साप्राज्यवादी शासन ओसो स्थानीय सामंतवाद मंता, ओसो बस्के एवनल चीनी क्रांति ता काम इव रेंडासी उत्पीडित कियानोरा तख्ता पलट कियाना मंता, इंदानास्के चीनी समाज ता विभिन्न वर्ग ओसो समूह लोप्पाटल बद वर्ग ओसो समूह लड़ेमायला तैयार मंदाना वर्गे क्रांति ता ताकत बनेमांतांग? इद वर्तमान मंजिल लोप्पा चीनी क्रांति ता प्रेरक शक्तिंग ना सवाल आंदू। चीनी क्रांति ता बुनियादी कार्यनीति ता समस्या किन सही तरीका ते हल कियाला काजे इद सवाल किन स्पष्ट रूप ते समझेमायना जरूरी मंता।

चीन ता वर्तमान समाज लोप्पा बद-बदु वर्ग मंता? अदिना लोप्पा जर्मींदार वर्ग ओसो पूँजीपति वर्ग मंता। जर्मींदार वर्ग ओसो पूँजीपति वर्ग ता उच्च समूह चीनी समाज लोप्पा शासक वर्ग मंता। दूसरा बगिल सर्वहारा वर्ग, किसान वर्ग ओसो किसान लोर किन विडसी निम्न-पूँजीपति वर्ग ता दूसरा विभिन्न हिस्सांग मंतांग, चीन ता बेहरा इलाकांग लोप्पा इव मंडु वर्ग नेंडु वेने शासित वर्ग लेकका मंतांग।

चीनी क्रांति ता बारे ते इव वर्ग कुना समझदारी ओसो दृष्टिकोण पूर्ण रूप ते अविना सामाजिक-आर्थिक परिस्थिति पोरो आधार आसी मंता। इद्रम सामाजिक-आर्थिक व्यवस्था ता स्वरूप केवल क्रांति ता हमलाना लक्ष्यकु ओसो अदिना काम किने आयवा क्रांति ता प्रेरक शक्तिंग किन वेने निर्धारित कींता।

वाटु, इंजे माटु चीनी समाज ता विभिन्न वर्ग कुना विश्लेषण कियाकाला।

## 1. जर्मींदार वर्ग

जर्मींदार वर्ग चीन लोप्पा साप्राज्यवादी शासन ता मुख्य सामाजिक आधार मंता। इद सामंती व्यवस्था किन इस्तेमाल किसोरे किसान लोरा शोषण ओसो उत्पीड़न कियाना, चीन ता राजनीतिक, आर्थिक ओसो सांस्कृतिक इलाकांग लोप्पा चीनी समाज ता विकास किन रोमी कियाना ओसो बदे वेने रकम ता प्रगतिशील भूमिका निभे कियवा मंदाना वर्ग आंदू।

अदिन काजे जर्मींदार वर्ग उंदी वर्ग ता रूप ते क्रांति ता हमला ता लक्ष्य आंदु, अदिना प्रेरक शक्ति आयो।

जापानी-आक्रमण-विरोधी युद्ध लोप्पा बडे जर्मींदार लोरा उंदी हिस्सा बेहरा पूँजीपतिरा वर्ग उंदी हिस्सा (आत्मसमर्पणवादिरा) संगे-संगे जापानी आक्रमणकारिरा मुन्ने आत्मसमर्पण कित्ता ओसो अदु देशद्रोही बनेमात्ता, बडे जर्मींदार लोरा उंदी दूसरा हिस्सा बेहरा पूँजीपतिरा वर्ग ता उंदी दूसरा हिस्सा (कट्टरतावादिरा) संगे-संगे वेल्ले ढुलमुल आसोर दाया मंता, मति अदु इंजे एवनल जापान-विरोधी ग्रुप लोप्पाने मंता। मति वेल्ले जागरूक मध्यम ओसो सुडला जर्मींदार ओसो उचुन पूँजीवाद ता रूप एतसी मंदाना शरीफजादा लोर जापानी-आक्रमण-विरोधी युद्ध काजे उचुन गिर्दा तोहंतोर ओसो प्रतिरोध युद्ध लोप्पा माटु ओरा संगे एकता कियाना जरूरी मंता।

## 2. पूँजीपति वर्ग

पूंजीपति वर्ग लोप्पा बड़े दलाल-पूंजीपति वर्ग ओसो राष्ट्रीय पूंजीपति वर्ग नड़मा अंतर मंता।

बड़े दलाल-पूंजीपति वर्ग सीधा साम्राज्यवादी देशकुना पूंजीपति वर्ग ता सेवा कियाना ओसो ओरा जुठा तिंजी बत्कना वर्ग आंदू ग्रामीण इलाकांग लोप्पा सामंती ताकत कुना संगे अदिना वेल्ले घनिष्ठ संबंध मंदिता। अदिन काजे चीनी क्रांति ता इतिहास लोप्पा अदु बस्केने क्रांति ता प्रेरक शक्ति आयवा क्रांति ता प्रहार ता लक्ष्यए मंदिता।

मति बड़े दलाल-पूंजीपति वर्ग ता विभिन्न हिस्सा विभिन्न साम्राज्यवादी देशकुना वफादार वर्ग आंदू, अदिन साटी इंजे साम्राज्यवादी देश कुना आपसी अन्तरविरोध वेल्ले तेज आंतांग। ओसो क्रांति ता प्रहार ता लक्ष्य मुख्य रूप ते बदे उंदी साम्राज्यवादी देशकु बनेमांतांग, अस्के साम्राज्यवादी ग्रुप कुना सेवा कियाना दलाल-पूंजीपति वर्ग उचुन समय काजे तत्कालीन साम्राज्यवाद-विरोधी मोर्चा लोप्पा शामिल आयना संभव आंता। मति ओरु सेवा कियाना वर्ग चीनी क्रांति ता खिलाफ आंता अस्केने इद वर्ग वेने क्रांति ता विरोध कियाना शुरू किंतोरा।

जापानी-आक्रमण-विरोधी युद्ध लोप्पा बेहरा पूंजीपति वर्ग ता जापान-परस्त हिस्सा आत्मसमर्पण कित्ता या आत्मसमर्पण कियाना तैयारी किया मंता। बेहरा पूंजीपति वर्ग ता योरोप-परस्त ओसो अमेरिका-परस्त हिस्सा (कट्टरतावादी) इंजे एवनल जापान-विरोधी ग्रुप लोप्पा मत्तेकाई वेल्ले दुलमुल आया मंतोर ओसो जापान ता प्रतिरोध ओसो कम्युनिस्ट पार्टी ता विरोध उंदे बेरा कियाना रेंडु रकम ता चाल चले किया मंतोरा बेहरा पूंजीपति वर्ग ता आत्मसमर्पणवादिरा बारे ते माटु दुश्मन लेक्का व्यवहार कियाना ओसो दृढ़ता ते खत्म कियाना नीति लागू किंतोमा बेहरा पूंजीपति वर्ग ता कट्टरतावादिरा बारे ते माटु उंदी क्रांतिकारी दोहरी नीति लागू किंतोम, उंदी बगिल तो माटु ओरा संगे एकता किंतोम बारांकु इत्तेके ओरु इंजे एवनल जापान ता प्रतिरोध किंतोर, ओसो माटु ओरा अनि जापानी साम्राज्यवाद नड़मा ता अन्तरविरोध तिंची फायदा एतना, मति दूसरा बगिल माटु ओरा खिलाफ दृढ़ता ते संघर्ष किंतोम बारांकु इत्तेके ओरु उंदी जापान-प्रतिरोध ओसो एकता ता मोदोल कोय्यना, कम्युनिस्ट-विरोधी ओसो जन-विरोधी दमनकारी नीति लागू किंतोर, इद्रम ओरा खिलाफ संघर्ष ताकी कीवेके जापान-प्रतिरोध ओसो एकता रेंडासी किन नुक्सान आयरा।

राष्ट्रीय पूंजीपति वर्ग उंदी दोहरी चरित्र वाले वर्ग आंदू।

अदु उंदी बगिल साप्राज्यवाद तिंची उत्पीड़ित आंतोर ओसो सामंतवाद ता संकल ते दोहची मंता, अदिन काजे इव रेंडासी अदिना अन्तरविरोध आंदुंग। अद्रमासी इवु क्रांतिकारी ताकतकु ना उंदी हिस्सा आंदु चीनी क्रांति ता इतिहास लोप्पा अदु साप्राज्यवाद ओसो नौकरशाह, युद्ध-सरदार लोरा सरकार ता खिलाफ लड़ेमायला काजे उचुन जोश तोहता।

मति दूसरा बगिल अदिना लोप्पा साप्राज्यवाद, सामंतवादी ता विरोध कियाना साहस ता वेने कमी मंता, बारांकु इतेके अदु आर्थिक, राजनीतिक दृष्टि ते कमजोर मंदना ओसो साप्राज्यवाद, सामंतवादी संगे तन्ना आर्थिक संबंध किन इंजे वेने पूरा देहताद हिल्ले। जनता ना क्रांतिकारी ताकतकु विकसित आसी मजबूत आंतांग अस्के वेरु ओसो वेने स्पष्ट रूप ते मुन्ने वांतांग।

राष्ट्रीय पूंजीपति वर्ग ता इद रेंडु रकम ता रूप मत्ता कारण ते बदे निश्चित समय ओसो बदे उंदी सीमा एवनल साप्राज्यवाद ता खिलाफ नौकरशाही, युद्ध-सरदार लोरा सरकार ता खिलाफ क्रांति लोप्पा वेने शामिल आया परिता ओसो क्रांतिकारी ताकतकुना उंदी हिस्सा बनेमाया परिता, मति बदे दूसरा समय इदिना बड़े दलाल-पूंजीपति वर्ग किन ओसो प्रतिक्रांति ता गद्दार बनेमायना खतरा वेने मंदिता।

चीन ता राष्ट्रीय पूंजीपति वर्ग ता - मुख्य रूप ते अदु मध्यम पूंजीपति वर्ग मंतोर - राजनीतिक सत्ता पोरो असल अधिकार बस्केने मत्ताद हिल्लो। इगाटा राजनीतिक सत्ता पोरो हमेशा बड़े जर्मींदार वर्ग ओसो बेहरा पूंजीपति वर्ग ताए कब्जा मत्ता। इदिन किन प्रतिक्रियावादी नीतिंगे टिके कीसि तासतांग। मति 1927 तल 1931 (18 सितम्बर ता घटना तुकू मुन्ने) एवनल इदु क्रांति ता विरोध कियाना लोप्पा सहायता कित्ता। जापान-प्रतिरोध कियानास्के इद केवल बड़े जर्मींदार वर्ग ओसो बेहरा पूंजीपति वर्ग ता आत्मसमर्पणवादिरे आयवा बेहरा पूंजीपति वर्ग ता कट्टूतावादीर वेने अलग मत्तोर, ओसो इद्रमे इंजे एवनल अव मावा तुलनात्मक रूप ते बेसता गोतियल मत्तोर। अदिन काजे राष्ट्रीय पूंजीपति वर्ग ता बारे ते उंदी विवेकपूर्ण नीति लागू कियाना वेल्ले जरूरी मंता।

### 3. किसान लोर किन विड़सी निम्न-पूंजीपति वर्ग ता विभिन्न हिस्सांग

किसान लोर किन विड़सी निम्न-पूंजीपति वर्ग लोप्पा बुद्धिजीविर, सुडला व्यापारिर,  
दस्तकारिर ओसो आजाद पेशा वाले लोकुरा बेहरा संख्या शामिल मंता।

ओरा परिस्थिति उंदी समय ते किसान वर्ग लोप्पा शामिल मत्ता मध्यम किसान  
लोरा संग कलियंता। ओरु सब्बे साम्राज्यवाद, सामंतवाद ओसो बेहरा पूंजीपति वर्ग  
ता उत्पीड़न ता शिकार मंदितोर ओसो दिव्या-दिव्या तुकू नुक्सान आया मंतोरा।

निम्न-पूंजीपति वर्ग ता इव हिस्सांग क्रांति ता उंदी प्रेरक शक्ति आंदुंग ओसो  
सर्वहारा वर्ग ता विश्वासनीय वर्ग आंदू। केवल सर्वहारा वर्ग ता नेतृत्व लोप्पाने तन्ना  
मुक्ति हासिल किया परिंतोरा।

वाटु, इंजे माटु किसान लोर किन विड़सी निम्न-पूंजीपति वर्ग ता विभिन्न  
हिस्सांग ना विश्लेषण कियाकाल।

मुन्ने, बुद्धिजीवी ओसो नौजवान विद्यार्थीरा वीरु बदे अलग वर्ग या समूह  
आयो। मति तन्ना पारिवारिक उत्पत्ति, रहन-सहन ता परिस्थितिंग ओसो राजनीतिक  
दुष्टिकोण ता हिसाब ते नेंडु चीन ता बुद्धिजीवीर ओसो नौजवान विद्यार्थीरा लोप्पाटल  
ज्यादातर लोकुर किन निम्न-पूंजीपति वर्ग लोप्पा तासा परमूँडांता। हत्ता उचुन दशक  
ते चीन लोप्पा बुद्धिजीवीर ओसो नौजवान विद्यार्थीरा संख्या वेल्ले बेरसता। वीरा  
लोप्पा साम्राज्यवादिर ओसो बेहरा पूंजीपति वर्ग संगे कलितोर किन, ओसो जनता  
ना खिलाफ ओरा काजे काम कियानोर किन विड़सितेके वेरालोप्टल ज्यादातर  
लोकुर साम्राज्यवाद, सामंतवाद ओसो बेहरा पूंजीपति वर्ग ता उत्पीड़न ता शिकार  
आंतोरा बेरोजगारी ता वेरी ते ओसो पढाई रोमना वेरी तुकू परेशान मंतोरा। अदिन  
काजे क्रांति ता बारे ते ओरा तीव्र रुझान मंदिता। ओरु पूंजीवादी उचुन वैज्ञानिक ज्ञान  
हासिल कितोर, ओरा लोप्पा राजनीतिक समझदारी मंता ओसो चीनी क्रांति ता  
वर्तमान मंजिल ते हमेशा वेरु हिरावल भूमिका निभे किंतोर ओसो उंदी पुलिया  
लेक्काटा भूमिका निभे किंतोरा 1911 ता क्रांति तुकू मुन्ने विदेश ते चीनी विद्यार्थीर  
ताकी कित्ता आंदोलन, 1919 ता 4 मई आंदोलन, 1925 ता 30 मई आंदोलन  
ओसो 1935 ता 9 दिसम्बर ता आंदोलन इद पोल्लो ता सबूत आंदुंग। खासकर  
गरीब, मजदूर ओसो किसान लोरा संगे कलियसी क्रांति ते शामिल आया परना  
अदिना समर्थन कियाना परना बुद्धिजीवीरा संख्या वेल्ले बेहरा मंता। चीन लोप्पा  
मार्क्सवाद-लेनिनवाद विचारधारा मुन्ने बुद्धिजीवी ओसो नौजवान विद्यार्थीरा लोप्पा  
व्यापक रूप ते फैलेमात्ता ओसो ओरु इदिन स्वीकार वेने कित्तोर। क्रांतिकारी  
बुद्धिजीवीरलेवा क्रांतिकारी शक्तिंग किन संगठित ओसो क्रांतिकारी काम पूरा आया

परवो। मति बुद्धिजीवी लोकुर बस्के एवनल जीवा कीसि क्रांतिकारी जन-संघर्ष कुना लोप्पा वायोर आंतोर ओसो जनता ना अधिकार कुना सेवा कियाना ओसो जनता संगे एकता आयना पक्का लक्ष्य बनेकिवोर अस्के एवनल ओरा लोप्पा हमेशा मनोगतवाद ओसो व्यक्तिवादी रुझानकु मंदितांग। ओरा विचार अव्यवहारिक मंदितांग ओसो ओरा कार्हिवाईंग लोप्पा दृढ़ निश्चय ता कमी मंदिता। अदिन काजे चीन लोप्पा क्रांतिकारी बुद्धिजीवीरा जन-समुदाय हिरावल भूमिका ओसो उंदी पुलिया ता भूमिका निभे किया परिता, मति ओरा लोप्पा सब्बेतोर आखरी एवनल क्रांतिकारी बनेमासी मंदितोर इंजी आयो। ओरा लोप्पाटल उचुन मुल वेल्ले कमजोर परिस्थिति ते क्रांतिकारी पांत किन विडिसिंतोर ओसो निष्क्रिय बनेमांतोर, ओसो उचुन मुल क्रांति ता दुश्मन वेने बनेमांतोरा बुद्धिजीवी लोकुर केवल दीर्घकालीन जन-संघर्ष ताकनास्केने तम्मा कमजोरिंग किन दूर किया परितोर।

दूसरा सुडला व्यापारी लोरा। वीरु सुडला-सुडला दुकान ताकी किंतोर, साधारण रूप ते कर्माचारी तासोर आंतोर ओसो उचुन तासिंतोर वेने। साम्राज्यवाद, बेहरा पूँजीपति वर्ग ओसो सूदखोर लोरा शोषण ता कारण ते ओरा तल्ला पोर्हे कर्जा ता खतरा मंदिता।

तीसरा, दस्तकार वर्ग। ओरा संख्या वेल्ले ज्यादा मंता। ओरगा तम्मा उत्पादन-साधनकु मंदितांग। ओरु मजदूर तासवा लेवा वरोर-इरवुर नौकर या सहायक तासिंतोरा ओरा परिस्थिति मध्यम किसान लेक्काने मंदिता।

चौथा, आजाद पेशेवर लोकुरा ओरा लोप्पा डोक्टर ओसो दूसरा व्यवसायिक लोकुर शामिल मंतोरा। ओरु दूसरोरा शोषण किवोर आंतोर, कीतेकाई वेल्ले कम। वीरा परिस्थिति दस्तकार लोरा लेक्का मंदिता।

निम्न-पूँजीपति वर्ग ता इव हिस्सांग उंदी विशाल जन-समुदाय बनेमांता, इदिन माटु मना पक्ष ते कियाना, ओरा हितकुना रक्षा कियाना, बारांकु इतेके साधारण रूप ते ओरु क्रांति लोप्पा शामिल आंतोर ओसो अदिना समर्थन किया परितोर ओसो मावा बेसता क्रांतिकारी दोस्त बनेमांतोरा। ओरा लोप्पाटल उचुन मुल पूँजीपति वर्ग तल हल्कोए प्रभावित आंतोर। इदु ओरा कमजोरी आंदू। माटु ओरा नड़मा क्रांतिकारी प्रचार-कार्य ओसो संगठनात्मक कार्य कियाना।

#### 4. किसान वर्ग

किसान लोकुर चीन ता कुल आबादी लोप्पा लगभग 80 प्रतिशत मंतोर ओसो चीन ता वर्तमान राष्ट्रीय अर्थव्यवस्था ता मुख्य शक्ति आंदू।

किसान वर्ग लोप्पा तीव्र रूप ते ध्रुवीकरण आया मंता।

पहला, धनी किसान। ग्रामीण इलाकाना वेरा संख्या लगभग 5 प्रतिशत मंता (ओसो जर्मींदार वर्ग किन पोयसी लगभग 10 प्रतिशत मंता), ओसो इदिने ग्रामीण पूँजीपति वर्ग इंतोरा चीन ता ज्यादातर धनी किसान तम्मा जमीन ता उंदी हिस्सा ठेका ते हींतोर, सूदखोरी कींतोर ओसो खेत-मजदूर लोरकिन वेने शोषण कींतोर, ओसो ओरा शोषण ता स्वरूप अर्ध-सामंती आंदू। मति वीरू साधारण रूप ते तम्मा खुद वेने मेहनत किंतोर, ओसो अद्रमासी ओरू किसान लोरा लोप्पा शामिल आंतोरा धनी किसान लोरा उत्पादन-प्रणाली उंदी निश्चित काल ते उपयोगी मंदिता। साधारण रूप ते धनी किसान, किसान जन-समुदाय कुना ताकत साप्राज्यवाद-विरोधी संघर्ष लोप्पा वाटना ओसो जर्मींदार लोरा खिलाफ दायना भूमि-क्रांति ता संघर्ष लोप्पा उंदी बगिल मंदितोर। अदिन काजे माटु धनी किसान जर्मींदार वर्ग नडमा अंतर मंदाना वर्ग समझेमायना। ओसो समय तुकू मुन्ने ने धनी किसान लोर किन खत्म कियाना नीति लागू कियानायो।

दूसरा, मध्यम किसान। चीन ता ग्रामीण इलाकाना वेरा संख्या लगभग 20 प्रतिशत मंता। वीरू दूसरोरा शोषण किवोर ओसो आर्थिक रूप ते आत्मनिर्भर मंदितोर (फसल बेस वातेके उचुन बचता किया परिंतोर ओसो बस्के-बस्के मजदूरी हीसी उचुन काम कियी किंतोर ओसो सुडला-बेहरा रकम सूद वेने हींतोर)। साप्राज्यवाद, जर्मींदार वर्ग ओसो पूँजीपति वर्ग खुद ओरा शोषण कींता। वीरिन बदे राजनीतिक अधिकार हासिल हिल्ले आंता। वीरा लोप्पा उचुन लोकुरगा वेल्ले जमीन हिल्ले ओसो केवल उंदी हिस्सा (खुशहाल मध्यम किसान) लोरगा उचुन अतिरिक्त जमीन मंदिता। मध्यम किसा केवल साप्राज्यवाद-विरोधी क्रांति ओसो भूमि-क्रांति लोप्पाने शामिल आयवा समाजवाद किन वेने स्वीकार किया परिता। अदिन काजे सब्बे मध्यम किसान वर्ग सर्वहारा वर्ग ता विश्वासनीय प्रेरक वर्ग बनेमाया परिता ओसो क्रांति ता उंदी महत्वपूर्ण प्रेरक शक्ति बनेमांता। क्रांति ता बारे ते मध्यम किसान लोरा रुझान सकारात्मक ओसो नकारात्मक मंदिता, इदु क्रांति ता हार-जीत ता निर्णय कियाना रुझान आंदू। ओसो भूमि-क्रांति पेरके ग्रामीण मध्यम किसान लोरा बहुसंख्या ते मंदिता, अस्के इद पोल्लो सही साबित आयार।

तीसरा, गरीब किसान। चीन लोप्पा खेत-मजदूर किन मिले कीसि गरीब किसान लोरा संख्या ग्रामीण इलाकांग लोप्पा लगभग 70 प्रतिशत मंता। गरीब किसान व्यापक किसान जन-समुदाय आंदू। इदिनगा बिलकुले जमीन हिल्लो। ओसो मत्तेकाई वेल्ले कम मंता ओसो वीरु ग्रामीण ना अर्ध-सर्वहारा वर्गा ओसो वीरु चीनी क्रांति ता सबसे बेहरा संख्या प्रेरक शक्ति ओसो सर्वहारा वर्ग ता स्वाभाविक ओसो वेल्ले विश्वासनीय प्रेरक शक्ति ओसो चीन ता क्रांतिकारी शक्ति ना मुख्य दल बनेमांता। गरीब किसान ओसो मध्यम किसान तम्मा मुक्ति केवल सर्वहारा वर्ग ता नेतृत्व तेने हासिल किया परिंतोरा। केवल गरीब किसान ओसो मध्यम किसान लोरा संगे दृढ़तापूर्वक एकता कीसि सर्वहारा वर्ग क्रांति किन सफल किया परिंता। लेवेके रेंडासी पोल्लोंग संभव आयोंग आंतांग। “किसान” शब्द ता अर्थ मुख्य रूप ते गरीब किसान ओसो मध्यम किसान वर्ग हिसाब ते मंता।

## 5. सर्वहारा वर्ग

चीन ता सर्वहारा लोप्पा आधुनिक औद्योगिक मजदूर लोरा संख्या 25 लाख तल 30 लाख एवनल मंता। शहर लोप्पा सुडला उद्योग-धंधा ओसो दस्तकारीरा लोप्पा काम कियाना मजदूर ओसो दुकान-कर्मचारिरा संख्या 1 करोड़ 20 लाख गरे-गरे मंता। इदे आयवा बेहरा संख्या ग्रामीण सर्वहारा (खेती-मजदूर) ओसो शहर, ग्रामीण इलाका ना दूसरा सम्पत्तिहीन लोकुरा मंता।

हर जागा ता सर्वहारा वर्ग ता बुनियादी विशेषता इतेके - अर्थव्यवस्था ता सबसे उच्च रूप संगे संपर्क मंदाना, संगटन ओसो अनुशासन ता मजबूत भावना मंदाना ओसो निजी उत्पादन-साधन हिल्वा मंदाना, इदे आयवा चीनी सर्वहारा वर्ग ता तन्ना वेने वेल्ले खास विशेषता मंतांग।

सबसे पहला, चीनी सर्वहारा वर्ग क्रांतिकारी संघर्ष लोप्पा बदे दूसरा वर्ग तुकू ज्यादा दृढ़ता ते ओसो बेसता तरीका ते कींता बारांकु इतेके अदु तिहरा उत्पीड़न (साप्राज्यवाद, पूंजीपति वर्ग ओसो सामंती ताकतकु ना उत्पीड़न) ता शिकार आंदु, इद्रम ता बर्बर ओसो क्रूर उत्पीड़न दुनिया ता बदे देश ते हिल्लो। औपनिवेशिक, अर्ध-औपनिवेशिक चीन लोप्पा योरोप लेकका सामाजिक सुधारवाद ता बदे आर्थिक आधार हिल्ले, अदिन काजे उचुन मजदूर लोरकिन विडिसी बाकी पूरा सर्वहारा वर्ग वेल्ले क्रांतिकारी मंदिंता।

दूसरा, चीनी सर्वहारा वर्ग क्रांति ता मंच पोर्टो काल वाटतास्केने अदु तन्ना क्रांतिकारी पार्टी - चीनी कम्युनिस्ट पार्टी - ता नेतृत्व ते वाता ओसो चीनी समाज लोप्पा राजनीतिक रूप ते सबसे जागरूक वर्ग बनेमात्ता।

तीसरा, चीनी सर्वहारा वर्ग ता जन्म ज्यादातर कर्जदार किसान लोरगडल आता, अदिन काजे किसान जन-समुदाय तुकू अदिना स्वाभाविक संबंध मंता, अद्रमासी किसान लोरा संगे घनिष्ठ एकता बने कियाना आसान आंता।

तम्मा उचुन कमजोरिंग मतेकाई, इतेके किसान लोरकिनकु वीरा कम संख्या, पूंजीपति देशकुना सर्वहारा वर्ग तुकू वीरा कम उम्र ओसो तम्मा शिक्षा स्तर पूंजीपतिर किनकु कम मतेकाई, चीनी सर्वहारा वर्ग चीन क्रांति ता मूल प्रेरक शक्ति मंदिंता। सर्वहारा वर्ग ता नेतृत्व लेवा चीनी क्रांति बस्केने सफल आया परवो। हत्ता कालम ता उंदी उदाहरण, 1911 ता क्रांति ता विफलता सर्वहारा वर्ग ता अदिना लोप्पा जागरूकता ते शामिल आत्ताद हिल्ले ओसो कम्युनिस्ट पार्टी हिल्वा कारण ते आता। इंजेटा परिस्थिति ते 1924-27 ता क्रांति उचुन समय एवनल वेल्ले सफलता हासिल कित्ता बारांकु इतेके सर्वहारा वर्ग इदिना लोप्पा जागरूकता ते शामिल आता ओसो इदिना नेतृत्व वेने कित्ता। ओसो कम्युनिस्ट पार्टी वेने मत्ता। आखरी ते इद क्रांति वेने असफल आता बारांकु इतेके पेरके बेहरा पूंजीपति वर्ग सर्वहारा वर्ग संगे एकता ओसो क्रांतिकारी कार्यक्रम कुना लोप्पा विश्वासघात कित्ता, ओसो चीनी सर्वहारा वर्ग ओसो अदिना राजनीतिक पार्टी किन इंजे वेने क्रांति ता अनुभव हिल्वा मत्ता। वर्तमान जापानी-आक्रमण-विरोधी युद्ध किन हूँडितेके, सर्वहारा वर्ग ओसो कम्युनिस्ट पार्टी जापान-विरोधी राष्ट्रीय संयुक्त मोर्चा ता नेतृत्व किया मंता, अदिन काजे पूरा राष्ट्र एकताबद्ध आता ओसो महान जापानी-आक्रमण-विरोधी युद्ध शुरू आता ओसो दृढ़तापूर्क लडेमाया मंतोरा।

चीनी सर्वहार वर्ग उच्चतम राजनीतिक चेतना ओसो संगटन ता उच्चतम भावना तासना वर्ग आंदू अदु केवल तन्नाए ताकत पोरों जीत हासिल किया परवो इंजी समझेमायना। जीत काजे विभिन्न परिस्थिति ता अनुसार सब्बे क्रांतिकारी वर्ग ओसो समूह संगे, बोर क्रांति लोप्पा शामिल आया परिंतोर, एकता किया लागियर ओसो क्रांतिकारी संयुक्त मोर्चा बने किया लागियर। चीनी समाज ता सब्बे वर्ग लोप्पा किसान मजदूर वर्ग ता सुदृढ़ एकता कियाना लेककाटा शक्ति आंदु, शहरी निम्न-पूंजीपति वर्ग विश्वासनीय प्रेरक शक्ति ओसो राष्ट्रीय पूंजीपति वर्ग उंदी निश्चित समय

काजे ओसो उंदी निश्चित सीमा एवनल एकता कींता। इदु चीन ता आधुनिक क्रांतिकारी इतिहास ता उंदी बुनियादी नियम आंदू।

## 6. आवारा

चीन ता औपनिवेशिक, अर्ध-औपनिवेशिक परिस्थिति ग्रामीण ओसो शहरी बेरोजगार लोरा उंदी बेहरा जन-समूह किन जन्म हीता। बेसता पिस्वल पिस्सला काजे बदे बेसता साधन हिल्वा कारण ते वोल्लो लोकुर इद्रम ता पिस्वल पिस्सला मजबूर आंतोरा। अदिन काजे वेल्ले लोकुर डाकू-गुंडा, भिखारी, वैश्य लोरा रूप एतिंतोर ओसो अंधविश्वास ता हर्फी पोयसी रोजी-रोटी कर्मई कियानोर बनेमांतोरा।

इस सामाजिक समूह ढुलमुल मंदिंता। इदिना लोप्पा वेल्ले लोकुर किन प्रतिक्रियावादी ताकतकु असिंतांग, बाकी लोकुर क्रांति लोप्पा शामिल आया परिंतोरा। वीरा लोप्पा गुण कम मंतांग, विध्वंसात्मक रुझान ज्यादा मंदिंता। क्रांति लोप्पा शामिल आता पेरके इद्रमतोर क्रांतिकारी पांत लोप्पा घुमन्तु विद्रोही ओसो अराजकतावादिरा विचारधारा ता स्रोत बनेमांतोरा। अदिन काजे माटु ओरकिन पुनःसंस्कार कियाना लोप्पा निपुण मंदाना ओसो ओरा विध्वंसकारी रुझान किन रोमी कियाना लोप्पो ध्यान हियाना।

पोर्हो वेहत्ता पोल्लो चीनी क्रांति ता प्रेरक ताकत कुना बारे ते मावा विश्वेषण आंदू।

## 5. चीनी क्रांति ता स्वरूप

इंजे माटु चीनी समाज ता स्वरूप ता बारे ते इत्तेके चीन ता विशिष्ट परिस्थिति ता बारे ते उंदी समझदारी दोरकी कित्ताद मंता, इद समझदारी चीन ता सब्बे क्रांतिकारी समस्यांग किन हल कियाला काजे बुनियादी आधार बनेमांता। चीनी क्रांति ता प्रहार ता लक्ष्य, अदिना काम ओसो अदिना प्रेरक शक्तिंग ना बारे ते वेने मावा विचार स्पष्ट मंता। इव क्रांति ता वर्तमान मंजिल ता बुनियादी सवाल आंदू, चीनी समाज ता विशेष स्वरूप इत्तेके चीन ता विशिष्ट परिस्थितिंग लोप्पाटल पैदा आंतांग। इव सब्बे समजदारी वाता पेरके इंजे माटु चीनी क्रांति ता वर्तमान मंजिल ता उंदी दूसरा बुनियादी सवाल, चीनी क्रांति ता स्वरूप किन समझेमाया परिंतोम।

वर्तमान मंजिल ते चीनी क्रांति ता स्वरूप बद्रम मंता? इद पूँजीवादी-जनवादी क्रांति आंदू या सर्वहारा-समाजवादी क्रांति? इदु पहली रकम ता क्रांति आंदू दूसरा आयो।

चीनी समाज उंदी औपनिवेशिक, अर्ध-औपनिवेशिक ओसो अर्ध-सामंती समाज आंदू, चीनी क्रांति ता मुख्य दुश्मन साप्राज्यवाद ओसो सामंतवाद आंदू, चीनी क्रांति ता कबड़ वेर रेंडिना तख्त पलट कीसि राष्ट्रीय ओसो जनवादी क्रांति कियान आंदू, ताना लोप्पा बस्के-बस्के पूँजीपति वर्ग वेने शामिल आंता, ओसो बडे दलाल पूँजीपति वर्ग क्रांति ता गद्दार बनेमात्ता पेरके ओसो अदिना दुश्मन बनेमातेकाई, क्रांति ता प्रहार ता निशाना साप्राज्यवाद ओसो सामंतवाद किन बने किंतोर ओसो आम पूँजीवाद, पूँजीवादी निजी संपत्ति किन आयो - अदिन काजे वर्तमान मंजिल लोप्पा चीनी क्रांति ता स्वरूप सर्वहारा-समाजवादी आयवा पूँजीवादी-जनवादी मंदिंता।

मति नेटा चीन लोप्पा पूँजीवादी-जनवादी क्रांति पाड़ना रकम ता पूँजीवादी-जनवादी क्रांति आयवा उंदी पूना रकम ता पूँजीवादी-जनवादी क्रांति आंदू माटु इदिन नव-जनवादी क्रांति इंतोम, ओसो इद क्रांति चीन लोप्पा ओसो दूसरा सब्बे औपनिवेशिक ओसो अर्ध-औपनिवेशिक देशकुना लोप्पा विकसित आया मंता। इदु नवजवादी क्रांति दुनिया ता सर्वहारा-समाजवादी क्रांति ता उंदी अंग आंदू बारांकु इत्तेके इदु साप्राज्यवाद (अंतरराष्ट्रीय पूँजीवाद ता) डटकर विरोध कींता। राजनीतिक रूप ते इदु साप्राज्यवादिर, देशद्रोहिर ओसो प्रतिक्रियावादिरा पोर्रो क्रांतिकारी वर्ग कुना संयुक्त अधिनायकत्व लागू कींता, चीनी समाज किन पूँजीपतिरा अधिनायकत्व मंदना समाज लोप्पा बदलाव ता विरोध कींता। आर्थिक रूप ते इदिना लक्ष्य साप्राज्यवादी, देशद्रोही ओसो प्रतिक्रियावादीरा बेहरा पूँजी ओसो ओरा बेहरा-बेहरा कारोबार कुना राष्ट्रीयकरण कियाना, जर्मीदार लोरा जर्मीन किन किसान लोरा लोप्पा तूसनादु मंता, मति इदु निजी पूँजीवादी कारोबार कुना सुरक्षा कींता ओसो धनी किसान अर्थव्यवस्था किन खत्म किवो आंता। इद हिसाब ते इदु पूना रकम ता जनवादी क्रांति मंता इत्तेके उंदी बगिल पूँजीवाद काजे हर्री पंडिंता ओसो दूसरा बगिल समाजवाद काजे जरुरी परिस्थितिंग पुढ़ी कींता। चीनी क्रांति ता वर्तमान मंजिल औपनिवेशिक, अर्ध-औपनिवेशिक ओसो अर्ध-सामंती समाज किन खत्म कीसि समाजवादी समाज ता स्थापना कियाना संक्रमणकालीन मंजिल आंदू, इत्तेके इदु नव-जनवादी क्रांति ता कालम आंदू। इदु कालम पहली विश्व युद्ध ओसो रूसी

अक्तूबर क्रांति पेरकेने शुरू आता, चीन लोप्पा 1919 ता 4 मई आंदोलन ता ताकनास्केने शुरू आता। नवजनवादी क्रांति सर्वहारा वर्ग ता नेतृत्व ते जनता ना उंदी साप्राज्यवाद-विरोधी ओसो सामंतवादी-विरोधी क्रांति आंदू चीनी समाज लोप्पा केवल इदे क्रांति संगे समाजवाद बगिल दाया परिता। इदिन विड़सी दूसरा बदे हरी हिल्ले।

इदु नवजनवादी क्रांति हत्ता कालम ता योरोप ओसो अमेरिका ता जनवादी क्रांति तुकू एकदम अलग रकम ता मंता, बारांकु इत्तेके इदिना कारण ते पूँजीपति वर्ग ता नेतृत्व आयवा सर्वहारा वर्ग ता नेतृत्व लोप्पा सब्बे क्रांतिकारी वर्ग कुना संयुक्त मोर्चा ता नेतृत्व मंदिता। जापानी-आक्रमण-विरोधी युद्ध ताकनास्के चीनी कम्युनिस्ट पार्टी ता नेतृत्व ते आधार-इलाकांग लोप्पा जापान-विरोधी जनवाद राजनीतिक सत्ता मंता, अदु जापान-विरोधी राष्ट्रीय संयुक्त मोर्चा ता सत्ता आंदूः इदु पूँजीपति वर्ग या सर्वहारा वर्ग ता नेतृत्व मंदाना सत्ता आयो, इदु सर्वहारा वर्ग ता नेतृत्व ते क्रांतिकारी वर्ग कुना संयुक्त मोर्चा ता नेतृत्व मंदाना सत्ता आंदू अद्रमासी सब्बेतोर इत्तेके जापान ता प्रतिरोध कियानोर ओसो जनवाद किन लागू कियानोर इदिना पक्ष एतिंतोर ओसो ओरु बदे दूसरा पार्टी या ग्रुप लोप्पा मतेकाई इदु राजनीतिक सत्ता लोप्पा शामिल आया परितोर।

इद्रम ता नवजनवादी क्रांति समाजवादी क्रांति तुकू वेने अलग मंदिता, बारांकु इत्तेके इदु चीन लोप्पा साप्राज्यवादीर, देशद्रोहीर ओसो प्रतिक्रियावादी शासन ताए तख्ता पलट किसिंता, मति इंजे साप्राज्यवाद-विरोधी ओसो सामंतवाद-विरोधी संघर्ष लोप्पा शामिल आया परना पूँजीवादी तत्व किन नष्ट किवो आंता।

इद्रम ता नवजनवादी क्रांति बुनियादी रूप ते 1924 ते डा. सुन यात-सेन रास्ता मूँड जन-सिद्धांत कुना क्रांति संगे कलियंता इंजी अद साल ते “क्वोमिंगतांग ता पहली राष्ट्रीय कांग्रेस ता घोषणपत्र” लोप्पा डा. सुन यात-सेन वेहतोर।

आधुनिक राज्य कुना जनवादी व्यवस्था पोर्झे पूँजीपति वर्ग ता एकाधिकार मंता ओसो इद केवल आम लोकुर किन उत्पीडित कियाना साधन लेक्काने बनेमात्ता। इदना उल्टा क्वोमिंगतांग ता जनवाद ता सिद्धांत इत्तेके जनवाद लोप्पा वरोर-इरवुरा निजी मालिकना आयवा सब्बे आम लोकुरा हिस्सा मंदाना इंजी मंता

पेरके ओरु इद्रम इत्तोरः

इद्रमता निजी कारोबार किन इत्तेके अवु चीनी लोरा कैदे मतेकाई ओसो विदेशी लोरा कैदे मतेकाई, बद संपत्ति ता स्वरूप नीजि इजारेदार मंता, लेवेके अद निजी प्रबंध ते ताकवा लेकका बेहरा मतेके इत्तेके - बैंकिंग, रेलवे ओसो हवाई अड्डा लेक्काटविन – सरकार तानकिन तना कैदा तासियरा निजी पूँजी किन जनता ता आर्थिक पिस्वल नियंत्रित कियाला माटू अनुमति हिवोमा इव पूँजी ता प्रबंध कियना उंदी मुख्य उसूल बने मायरा।

ताना पेरके डा. सुन यात-सेन स्थानीय ओसो विदेशी नीति ना बुनियादी उसूल ता चर्चा किसोरे तन्ना वसीयत लोप्पा रासिंतोरः “माटु व्यापक जन-सुदाय किन जागृत कियाना ओसो दुनिया ता हर राष्ट्र इत्तेके मना संगे समानता ता व्यवहार कींतायो अदिना संगे एकता कीसि समिष्टी संघर्ष ताकि कियाना।” इद्रम ता पाड़ना जनवादी ता ओसो पाड़ना अंतर्राष्ट्रीय ओसो राष्ट्रीय परिस्थितिंग ना अनुसार मंदाना मूँड जन-सिद्धांतकु नवजनवाद ता मूँड जन-सिद्धांत लेकका बदले कित्ताद मंता। इवु पूना अंतर्राष्ट्रीय ओसो राष्ट्रीय परिस्थितिंग ना अनुसार मंदिता। चीनी कम्युनिस्ट पार्टींग तम्मा 22 सितम्बर 1937 ता घोषणापत्र लोप्पा “मूँड जन-सिद्धांत कुना चीन लोप्पा जरूरत मंता, अविन पूर्ण रूप ते लागू कियाला काजे संघर्ष कियाला काजे मावा पार्टी तैयार मंता” इंजी ऐलान कित्ता। चीनी कम्युनिस्ट पार्टी बदे दूसरा जन-सिद्धांत कुना आयवा इवे मूँड जन-सिद्धांत कुना बारे ते ऐलान कित्ता। इव मूँड जन-सिद्धांत कु इत्तेके डा. सुन यात-सेन ना मूँड महान नीतिंग- रूस संगे एकता, कम्युनिस्ट पार्टी ता सहयोग ओसो किसान-मजदूर लोरा सहायता पोरो आधार आसी मंदाना मूँड जन-सिद्धांतकु आंदुंगा। पूना अंतर्राष्ट्रीय ओसो राष्ट्रीय परिस्थितिंग लोप्पा इव मूँड महान नीतिंग किन विडसतेके बदे वेने रकम ता मूँड जन-सिद्धांतकु क्रांतिकारी हिल्लेंगा। (इगा माटु कम्युनिज्म ओसो मूँड जन-सिद्धांतकु बेगा जनवादी क्रांति ता बुनियादी राजनीतिक कार्यक्रम ता बारे ते उंदी लेकका मंतांग, अगा बाकी सब्बे पोल्लोंग ना बारे ते उंदी-दूसरा तुकू अलग मंदितांग इंजी इन्नोमा।)

इद्रम चीन ता पूँजीवादी-जनवादी क्रांति लोप्पा सर्वहारा वर्ग, किसान वर्ग ओसो निम्न-पूँजीपति वर्ग ता दूसरा समूह ता भूमिका किन संघर्ष काजे ताकत कुना संयुक्त मोर्चा लोप्पा आई ओसो राजसत्ता कायम कियाना लोप्पा आई इविन नजरअंदाज किया परमूळायो। बोरु इव वर्ग कुना अपमान कियाना कोशिश कियनोर,

ओरु जरूर चीनी राष्ट्र ता वायना कालम ते वायना समस्या किन ओसो चीन ता बदे वेने समस्या किन हल किया परवोर आयनूरा चीनी क्रांति ता वर्तमान मंजिल लोप्पा माटु उंदी मजूदर, किसान ओसो निम्न-पूँजीपति वर्ग ओसो साम्राज्यवाद अनि सामंतवाद ता विरोध कियाना सब्बे लोकुरा क्रांतिकारी एकता पोरों आधार आसी जनवादी गणराज्य ता स्थापना कियाना। इद्रम ता गणराज्य केवल सर्वहारा वर्ग ता नेतृत्व तेने पूर्ण रूप ते स्थापना किया परमूडांता।

## 2. चीनी क्रांति ता वायना कालम

इंजे वर्तमान मंजिल लोप्पा चीनी समाज ता स्वरूप ओसो चीनी क्रांति ता प्रहर ता लक्ष्य, अदिना काम, अदिना प्रेरक शक्तिंग ओसो अदिना स्वरूप कुना सब्बे बुनियादी समस्यांग स्पष्ट आंतांग। इंजे क्रांति ता वायना कालम किन समझेमातोम इतके चीनी पूँजीवादी-जनवादी क्रांति, सर्वहारा-समाजवादी क्रांति, चीनी क्रांति ता वर्तमान मंजिल ओसो वायना कालम ता मंजिल ता आपसी संबंध किन समझेमायना हल्को आंता।

वर्तमान मंजिल लोप्पा चीन ता पूँजीवादी-जनवादी क्रांति पाड़ना रकम ता पूँजीवादी-जनवादी क्रांति आयवा उंदी पूना रकम महत्वपूर्ण जनवादी क्रांति आंदू-उंदी नवजनवादी क्रांति आंदू- अनि इदु बीसवी शताब्दी ता चौथा ओसो पांचवा दशक ता उंदी पूना अंतर्राष्ट्रीय वातावरण ते मंदिता इदिना विशेषता समाजवाद ता उदय ओसो पूँजीवाद ता पतन मंदिता, बारांकु इकेते इदु दूसरा विश्व युद्ध ताकनास्के ओसो क्रांति कालम ते ताका मंता, अदिन काजे चीनी क्रांति ता वायना कालम पूँजीवाद आयवा समाजवाद ओसो कम्युनिज्म मंदिता इंदाना पोल्लो लोप्पा बदे डावुट हिल्ले।

मति वर्तमान मंजिल लोप्पा चीनी क्रांति ता लक्ष्य समाज ता वर्तमान औपनिवेशिक, अर्ध-औपनिवेशिक ओसो अर्ध-सामंती परिस्थिति किन बदले कियाना, इतेके नव-जनवादी क्रांति किन सफल कियाना आंता इंदाना पोल्लो ते उचुन वेने आश्चर्य आयना जरूरत हिल्ले, बारांकु इतेके क्रांति सफल आता पेरके पूँजीवाद ता विकास हर्दे वायना बाधांग किन दूर कितेके चीनी समाज लोप्पा पूँजीवादी अर्थव्यवस्था ता उचुन विकास आयारा। आर्थिक दृष्टिकोण ते पेरके अरसी मत्ता चीन लोप्पा जनवादी क्रांति जीडता कारण ते पूँजीवाद ता उचुन विकास

आयाना अनिवार्य आंता। मति इदु पूरा चीनी क्रांति ता कारण तेने आयवा इदिना उंदी पहलू मंदिता। चीनी क्रांति ता कारण ते उंदी बगिल उचुन-उचुन पूंजीवादी तत्व कुना रूप ते विकास आयार ओसो दूसरा बगिल उचुन-उचुन समाजवादी तत्व कुना रूप ते विकास आयार। समाजवादी तत्व बवु मंदितांग? देश ता राजनीतिक शक्तिंग लोप्पा सर्वहारा ओसो कम्युनिस्ट पार्टी ता व्यापक विस्तार ता महत्व, सर्वहारा वर्ग ओसो कम्युनिस्ट पार्टी ता नेतृत्व इदिन मुने ने किसान, बुद्धिजीवी ओसो शहरी निम्न-पूंजीपति वर्ग स्वीकार कित्ता ओसो स्वीकार कियाना संभावना मंता। इदिना लोप्पा अर्थव्यवस्था ता राजकीय क्षेत्र जनवादी गणराज्य ता संपत्ति मंदिता ओसो अर्थव्यवस्था ता सहकारी क्षेत्र मेहनतकश जनता ना संपत्ति मंदिता। इव सब्बे समाजवादी तत्व मंदितांग। इदिना संगे-संगे अंतर्राष्ट्रीय वातावरण अनुकूल मंदिता अद्रमासी इव पोल्लो ना वेल्ले संभावना मंदिता। चीन ता पूंजीवादी-जनवादी क्रांति आखरी ते पूंजीवाद ता वायना कालम ते मंदिता ओसो समाजवाद वायना कालम ते नेंगसोर मंदिता।

## 7. चीनी क्रांति ता दोहरा काम ओसो चीनी कम्युनिस्ट पार्टी

इद अध्याय ता मुनेटा पैराग्राफ कुना सारांश तेंडता पेरके माटु पूरा चीनी क्रांति मुने डबल काम मंता इंजी हूडा परिंतोमा। या इदिना लोप्पा पूंजीवादी-जनवादी क्रांति (नवजनवादी क्रांति) ओसो सर्वहारा-समाजवादी क्रांति, इतेके क्रांति ता वर्तमान ओसो वायना कालम ते मंजिल रेंडासी शामिल मंतांग। इद दोहरा क्रांतिकारी काम ता नेतृत्व ता जिम्मेदारी चीन ता सर्वहारा वर्ग ता राजनीतिक पार्टी - कम्युनिस्ट पार्टी पोरी मंता। इदिना नेतृत्व लेवा बदे वेने क्रांति सफल आया पख्वो।

चीनी ता पूंजीवादी-जनवादी क्रांति (नवजनवादी क्रांति) किन पूरा कियाना ओसो सब्बे जरुरी परिस्थितिंग परिपक्व आतास्के अदिन समाजवादी क्रांति ता मंजिल ते बदले किसियाना - कुल मिले कीसि इदे चीनी कम्युनिस्ट पार्टी ता सम्मानपूर्वक ओसो महान क्रांतिकारी काम आंदू हर पार्टी-सदस्य इदिना पूरा कियाला कोशिश कियाना ओसो बदे वेने परिस्थिति ते इदिन अधुरा विड़सनायो। उचुन कमजोर पार्टी-सदस्य लोर मावा काम वर्तमान जनवादी क्रांति एवनले सीमित मंता इंजी आलिसंतोर ओसो इदिना लोप्पा वायना कालम ता समाजवादी क्रांति शामिल हिल्ले ओसो असल इतेके वर्तमान क्रांति या भूमि-क्रांतिए उंदी समाजवादी

क्रांति आंदू इंजी आलिसंतोरा। इद्रम तोर किन ओरा विचार गलत मंता इंजी स्पष्ट रूप ते वेहचियाना। हर पार्टी-सदस्य संपूर्ण रूप ते हूड़तेके चीनी कम्युनिस्ट पार्टी ता नेतृत्व ते ताकना चीन ता क्रांतिकारी आंदोलन तारेंडु मंजिल मंतांग, इतेके जनवादी क्रांति ता मंजिल ओसो समाजवादी क्रांति ता मंजिल, इविना स्वरूप लोप्पा क्रांति ता रेंडु अलग-अलग घटनाक्रमकु मंतांग, ओसो केवल पहली घटनाक्रम पूरा आता पेरेके ने दूसरा घटनाक्रम किन पूरा किया परमूङांता इंजी पुंजी मंदाना। जनवादी क्रांति समाजवादी क्रांति ता आवश्यक तैयारी आंदू ओसो समाजवादी क्रांति जनवादी क्रांति ता महत्वपूर्ण रुझान आंदू। सब्बे कम्युनिस्ट लोरा लक्ष्य समाजवादी समाज ओसो कम्युनिस्ट समाज ता स्थापना कियानाए आखरी लक्ष्य आंदू। चीनी क्रांति लोप्पा सही नेतृत्व काजे जनवादी क्रांति ओसो समाजवादी क्रांति नड़मा ता अंतर ओसो अविना आपसी संबंध इव रेंडासी किन स्पष्ट रूप ते समझेमायना जरुरी मंता।

चीनी कम्युनिस्ट पार्टीए आयवा बदे दूसरा राजनीतिक पार्टी (अदु पूंजीपति वर्ग ता पार्टी मत्तेकाई या निम्न-पूंजीपति वर्ग ता पार्टी) मत्तेकाई चीन ता रेंडु महान क्रांतिंग - जनवादी क्रांति ओसो समाजवादी क्रांति - किन सही तरीका ते पूरा कियाना काम ता नेतृत्व किया परवो। चीनी कम्युनिस्ट पार्टी तन्ना जन्म तुकू मुनेटले दोहरा काम तन्ना हड्डा ते एतता ओसो इदिन पूरा कियाला काजे हत्ता 18 साल तिंची रोमवा लेवा संघर्ष किया मंता।

इदु वेल्ले सम्मानपूर्वक काम ओसो वेल्ले कठीन काम वेने मंता। इदिन देश व्यापी-जनव्यापी मंदाना, विचारधारात्मक, राजनीतिक ओसो संगठनात्मक रूप ते एकदम सुदृढ मंदाना बोलशेविकीकृत चीनी कम्युनिस्ट पार्टी लेवा पूरा किया परमूङायो। अदिन काजे हर पार्टी सदस्य ना कर्तव्य कम्युनिस्ट पार्टी ता निर्माण लोप्पा सक्रिय रूप ते शामिल आयनादु मंता।

## नोट

1. ऐतिहासिक रूप ते, चीन लोप्पा कम्पास ता अविष्कार मुन्नेने आसी मत्ता। “ल्वी पू-वेइ ना पंचाग” ते चुम्बक ता शक्ति ता बारे ते इसापूर्व तीसरी शताब्दी ते युद्धआयना-राज्य काल ते ने वेहताद मत्ता। अद्रमासी हूड़तेके चीनी लोकुर अद समय तेने चुम्बक ता शक्ति ता बारे पुंजी मत्तोरा। ईसा ता पहली शताब्दी ता शुरुआत ते इतेके पूर्वी हान वंश ता शुरुआती काल ते

वांग छुंग तन्ना “लुन हंग” पोर्रेल ता पुस्तक ते चुम्बक दक्षिण बगिल इसारा कींता इंजी इंतोरा। अद्रमासी अद कालम एवनल कम्पास ता खोज आसी मत्ता इंजी समझेमाया मंता। 12 वीं शतब्दी ता शुरूआत ते इत्तेके सुंग वंश ता सप्राट ह्वै छुंग ना कालम ते चू य्वी “फिंगचओ ना बारे ते” रास्तोर ओसो श्री चिंग “श्वानहो-संवत साल ते दूत लेकका मंजी कोरिया तल बौद्ध ग्रन्थ ता खोज” पोर्रेल ता यात्रा विवरण कुना लोप्पा समुद्री यात्रा लोप्पा कम्पास ता इस्तेमाल कित्तादु रास्तोर, इदिना लोप्पाटल वेने अद कालम एवनल चीन लोप्पा कम्पास ता इस्तेमाल व्यापक रूप ते कियानदु समझेमाया मंता।

2. पूर्वी हान वंश ता छाए लुन कागज ता अविष्कार कित्तोरा। इदिन किन ओरू छाल, सन, ओसो कीकेंग पोयना पाड़ना जाली संगे बने कीसि मत्तोरा 105 ईसवी (सप्राट हो ती ना शासन ता आखरी साल) ते छाए लुन तन्ना खोज सप्राट ना मुन्ने पेश कित्तोरा। ताना पेरके कागज बने कियाना तरीका पूरा चीन लोप्पा फैले मात्ता। अद समय ते कागज किन “छाए हओ च” इंदानोरा।
3. ब्लाक-प्रिंटिंग ता खोज स्वेइ वंश लोप्पा लगभग 600 ईसवी ते आसी मत्ता।
4. प्रिंटिंग ता अलग-अलग तरीकांग ना खोज सुंग वंश ता सप्राट रन युंद ना शासन ते छिंगली-संवत साल ते (1041-48) पी शंग कित्तोरा।
5. पारम्पारिक विश्वास ता अनुसार चीन लोप्पा बारद ता अविष्कार नौंवी शताब्दी ते आता। ओसो 11 वीं शताब्दी एवनल अदिना इस्तेमाल तोप कुना लोप्पा आयना शुरूप आता।
6. इगा चीन ता प्रथम महान किसान विद्रोह ता बारे ते वेहत्ताग मंता। ईसापूर्व 209 ते, इत्तेके छिन वंश ता दूसरा सप्राट ना शासन ता पहली साल, छन शंग ओसो ऊ क्वांग उंदी सीमावर्ती चौकी पोर्रो ड्यूटी कियाला काजे संगे दायना 900 लोकुरा नेतृत्व कीसि छेश्येन काउन्टी (इंजे आनह्वै प्रान्त ता सश्येन काउन्टी) लोप्पा छिन वंश ता अत्याचार कुना विरुद्ध विद्रोह कित्तोरा इदिन देशव्यापी समर्थन दोरकसी मत्ता। श्यांग य्वी ना चर्चा श्यांग ल्यांग, ऊ पोर्रेल ता जागा (इंजे च्यांगसू प्रांत ता ऊश्येन काउन्टी) ते ओसो ल्यू पांग फेइ पोर्रेल ता जागा (इंजे च्यांगसू प्रांत ता फेश्येन काउन्टी-अनु.) लोप्पा विद्रोह कित्तोरा। श्यांग य्वी ना फौज छिन वंश ता मुख्य सेना किन खत्म किसिता ओसो ल्यू पांग ता फौज क्वानचुंग इलाका ओसो छिन वंश ता राजधानी पोर कब्जा कित्तोरा। तीना पेरके ल्यू पांग ओसो श्यांग य्वी नड़मा लड़ाई आता।

ताना लोप्पा श्यांग य्वी होरेमातोर अनि अगाने ओरु शाहीद आत्तोर, ल्यू पांग छिन राज्य ता तख्ता पलट कीसि सम्राट ना पदवी पोयतोर अनि हान वंश ता नींव वाटतोर।

7. पश्चिम हान वंश ता आखरी काल ते हर जागा किसान लूटपाट ओसो सुडला-बेहरा किसान विद्रोह आतांग। ४ ईसवी ते वांग मांग हान वंश ता तख्ता पलट कित्तोर, अनि खुद गद्दी पोरो उदतोरा किसान लूटपाट किन शांत कियाला काजे ओर उचुन सुधार कियाना तरीका तेंडतोर। मति अस्के चीन ता दक्षिणी हिस्सा करवु ता शिकार आसी मत्ता, करवीने मंदाना जनता शिनशि (इंजे हुपे प्रांत ता चिंगशान काउन्टी) ता वांग ख्वांग ओसो वांग फंग पोरोल तोरकिन तम्मा नेताल चुने कित्ता ओसो बगावत कित्ता। इद किसान सेना नानयांग एवनल लडाई कित्ता, इदिन इंजे “शिनशि फौज” इंतोरा फिंगलिन (हुपे प्रांत ता वर्तमान स्वेइश्येन काउन्टी ता उत्तर-पूर्व ते) ते छन मू पोरोल तोर उंदी हजार तुकू ज्यादा लोकुरा नेतृत्व कीसि विद्रोह कित्तोर। ओना सेना किन “फिंगलिन फौज” इंदानोरा “लाल कोंडा मिंदिंग” ओसो “कांच ता घोड़ा” वेने उंदी किसान फौज मत्ता। इदु वांग मांग ना शासन काल ते बगावत कीसि मत्ता। “कांच ता घोड़ा” तन्ना विद्रोह हपे ता नडुम ता इलाका ते ओसो “लाल कोंडा मिंदिंग” ता विद्रोह शानतुंग ता नडमा ता इलाका ते कित्ता। “लाल कोंडा मिंदिंग” ता नेताल फान छुंग मत्तोरा। ओसो वीना सिपाही लोर तम्मा कोंडा मिंदिंग लाल कीसि तासनोर अद्रमासी इद सेना तो पोरोल “लाल कोंडा मिंदिंग” इंजी तास्तोर। इदु अस्केटा सबसे बेहरा किसान फौज मत्ता।
8. 108 ईसवी ते, पूर्वी हान वंश ता सम्राट लिंग ती ना कालम ते, चांग चयाओ किसान विद्रोह ता नेतृत्व कित्तोर। ओना सैनिक लोर कमकाल पगड़ी तल्ला ते वाटसी तम्मा निशाना कियानोर।
9. सातवीं शताब्दी ता शुरूआत ते स्वेइ वंश ता आखरी कालम ते, किसान लोर उचुन-उचन कीसि बचोनो विद्रोहंग कीसि मत्तोरा। ली म्यी ओसो तओ च्येन-त अद कालम ता किसान विद्रोह कुना नेताल मत्तोरा। ली म्यी हनान लोप्पा ओसो तओ च्येन-त-हपे ते मत्तोरा वीर इरवुरासीरा फौज कुना वेल्ले प्रभाव मत्ता।

10. 874 ईसवी ते (थांग वंश ता सप्राट शी चुंग ना शासन-काल ते) वांग श्येन इंदानोर शानतुंग लोप्पा विद्रोह कित्तोरा दूसरा साल ह्वांग छाओ ओना समर्थन ते उंदी बगावत कित्तोरा विस्तृत विवरण काजे:- “पार्टी लोप्पाटा गलत विचार कुन सुधरे कियाना ता बारे ते”, नोट 3 (“माओ त्सेतुंग ना संकलित रचनाए”, ग्रन्थ 1) लोप्पा हूङ्गाटू।
11. सुंग च्यांग ओसो फांग ला बारहवी शताब्दी ता शुरुआत ते सुंग वंश ता सप्राट ह्वै चुंग ना शासन-काल ता श्वानहो-संवत कालम ते चीन ता उत्तरी हिस्सा लोप्पा ओसो दक्षिणी हस्सा ता रेंडु किसान विद्रोह कुना प्रिय नेतालोर मत्तोरा सिंग च्यांग शानतुंग, हपे, हनान ओसो च्यांगसू ता सीमवर्ती इलाकांग लोप्पा तैनात मत्तोरा, ओसो फांग ला चच्यांग ओसो आह्वै इलाकांग लोप्पा मत्तोरा।
12. 1351 ईसवी ते, इतेके ख्वान वंश ता सप्राट शुन ती ना शासन काल ते चचंग-संवत ना ग्याराहवी साल, अलग-अलग जागा ना जनता विद्रोह कित्ता। क्वो चि-शंग ना नेतृत्व ते ख्वान वंश ता विरोध ते लडेमायना, आनह्वै इलाका ता फंगयांग लोप्पाटा चू ख्वान-चांग पोर्झेल ता मानेय अद फौज लोप्पा शामिल आत्तोरा क्वो डोलता पेरके ओरु अद सेना ता सेनापति बनेमातोरा लास्ट ते ओरु मंगोल वंश ता तख्ता पलट कीसि मिंग वंश ता स्थापना कियाना सप्राट बनेमातोरा।
13. हूङ्गाटू: “पार्टी लोप्पाटा गलत विचार कुन सुधरे कियाना ता बारे ते”, नोट 4 (“माओ त्सेतुंग ना संकलित रचनाए”, ग्रन्थ 1)।
14. हूङ्गाच्टू: “जापानी-साप्राज्यवाद-विरोधी कार्यनीति ता बारे ते”, नोट 34 (“माओ त्सेतुंग ना संकलित रचनाए”, ग्रन्थ 1)।
15. 18 वी शताब्दी ता आखरी तल लगातार बचोनो शताब्दिंग एवनल ब्रिटेन ची किन अफीम ता निर्यात वेल्ले किया मंतोरा इद व्यापार केवल चीन ता जनता किने आयवा वेल्ले बेहरा संख्या ते चीन ता चांदी वेने लूटे कित्ता। अद्रमासी चीन लोप्पा विरोध ता तीव्र भाव पैदा आता। 1840 ते चीन संगे तन्ना व्यापार ता रक्षा कियाना ता बहाना कीसि ब्रिटेन चीन पोर्झे सशस्त्र आक्रमण कित्ता। लिन त्से-शी ना नेतृत्व ते चीनी सेना अदिना प्रतिरोध कित्ता ओसो क्वांगचओ ता जनता खुद “अंग्रेज लोरा दमन कियाना कोर” संगठित कित्तोर, अदु हमला कियाना ब्रिटिश सेना पोर्झे तीव्र हमला कित्ता। मति

भ्रष्टचारी छिंग सरकार 1842 ते हमला कियाना ब्रिटिश सेना संगे “नानकिंग समझौता” पोर्ण साईन कित्तोरा इद समझौता लोप्पा चीन ब्रिटिश सेना किन तावान अदा कियार ओसो हांगकांग ब्रिटेश किन सौंपे कियार, शांघाई, फूचओ, अमोय, निंगपो ओसो क्वांगचओ किन ब्रिटिश व्यापार काजे हर्री तेरियर ओसो चीन लोप्पा ब्रिटिश आयात कियाना माल पोर्ण चुंगी ता कीमत चीन ओसो ब्रिटिश कलियसी निर्णय कियाना इंजी रासिस मत्ता।

16. 1856 तल 1890 एवनल ब्रिटेन ओसो फ्रांस संयुक्त रूप ते चीन ता खिलाफ उंदी आक्रमणकारी युद्ध ताकी कित्ता। अमरीका ओसो जारशाही रूस अविना बगिल तल सहायता किसोर मत्तांगा छिंग वंश ता सरकार अस्के तन्ना पूरा ताकत थाइफिंग राज्य ता किसान क्रांति किन दबे कियाना लोप्पा वाटता ओसो अदु अदु हमला कियाना विदेशी लोरा खिलाफ निष्क्रिय प्रतिरोध ता नीति लागू कित्ता। अंग्रेज-फ्रांस सेनांग क्वांगचओ, थ्येनचिन ओसो पेकिंग लोप्पा थ्वान मिंग महल किन लूटे कीसि किस वाटतोर ओसो छिंग सरकार किन “थ्येनचिन समझौता” ओसो “पेकिंग समझौता” कियाला दबाव वाटतोरा। इव समझौतांग लोप्पा मुख्य व्यवस्थांग लोप्पा थ्येनचिन, न्यूच्यांग, तंगचओ, थाइवान, तानश्वेइ, छाऊचओ, छयुगचओ, नानकिंग, चनच्यांग ओसो हानखओ लोप्पा व्यापार कियाला कजे खुल्ला हर्री विडसना ओसो चीन ता लोप्पटा हिस्सा ते विदेशिर किन यात्रा, धर्म-प्रचार ओसो अंतर्राष्ट्रीय जहाज कारखाना ना विशेषाधिकार हियाना लेक्काटा पोल्लो शामिल मत्तांगा अस्केटल विदेशी हमलावर ताकतकु चीन ता सब्बे समुद्र ओदा ता इलाकांग लोप्पा फैलेमातांग ओसो देश लोप्पा वेल्ले लोप्पट एवनल नेंगेतांग।
17. 1884-85 लोप्पा फ्रांस वियनाम पोर्ण ओसो चीन ता क्वांगशी, फूच्येन, थाइवान, ओसो चच्यांग इलाका पोर्ण सशास्त्र आक्रमण कित्ता। चीनी फौजकु फंग चि-छाए ओसो ल्यू युंग-फू ना नेतृत्व ते वीरतापूर्वक प्रतिरोध कित्तोर अनि जीड़तोर वेने। मति भ्रष्टचारी छिंग सरकार युद्ध लोप्पा जीड़तेकाई लज्जा हिल्वा लेकका “थ्येनचिन समझौता” पोर्ण साईन कित्ता।
18. चीनी जनता ना विदेशी-आक्रमण-विरोधी ई हा थ्वान आंदोलन किन खत्म कियाला काजे 1900 लोप्पा आठ साम्राज्यवादी देशकु-ब्रिटेन, अमरीका, जर्मनी, फ्रांस, जारशाही रूस, जापान, इटली, ओसो आस्ट्रीय - तम्मा संयुक्त

सेनांग लोहची चीन पोर्ट हमला कीतांग। चीनी जनता वीरतापूर्क प्रतिरोध कित्ता। आठ देशकुना संयुक्त सेनांग ताकू पोरे कब्जा कीतांग अनि थ्येनचिन, पेकिंग पोर्ट अधिकार हासिल कीतांग। 1901 ते छिंग सरकार आठ साप्राज्यवादी देशकुना संगे समझौता कित्ता। समझौता लोप्पा मुख्य व्यवस्थांग चीन इव देशकुन 45 करोड़ ल्यांग चांदी अचोन बेहरा रम चुंगी तावान ता रूप ते हियाना, ओसो इव साप्राज्यवादी देश कुन पेकिंग तल थ्येनचिन ओसो शानहाएक्वान एवनल इलाका लोप्पा सेनांग तासना विशेषाधिकार वेने मंदाना इंजी रासीस मत्ता।

19. कानसूलर न्यायाधिकार उंदी खास विशेषाधिकार मत्ता, अदिन साप्राज्यवादी देशकु पाड़ना चीन ता सरकार कुना पोर्ट वाटता असमान समझौता लोप्पा शामिल कीतांग। इदिना शुरुआत 1843 ता चीन-ब्रिटिश हूमन समझौता ओसो 1884 ता चीन-अमरीका वांगशा समझौता तल आता। इत्तेके बदे वेने देश ता निवासी किन चीन लोप्पा कानसूलर न्यायाधिकार हासिल मंदिंता ओसो ओरू दिवानी या फौजदारी मुकदमा लोप्पा प्रतिवादी मंदिंतोरो ओरू इद मुकदमा ता सुनवाई चीनी अदालत लोप्पाने आयवा चीन लोप्पा मंदाना तन्ना देश ता कानसूल ना मुन्ने आयारा।
20. इद प्रभाव-क्षेत्र चीन ता अलग-अलग हिस्सांग लोप्पा उन्नीवसवी शताब्दी ता आखरी ते चीन ता खिलाफ आक्रमणकारी युद्ध ताकी कित्ता साप्राज्यवादी देश कु निल्पी कींतांग। अविना लोप्पा हर देश अव इलकांग लोप्पा हदबंदी कीतांग अद्रमासी अविना आर्थिक ओसो सैनिक प्रभावित आता। इद्रम यांगत्सी घाटी ता दोड़ ओसो नड़मा ता इलाकांग किन ब्रिटिश प्रभाव-क्षेत्र, युनान, क्वांगतुंग ओसो क्वांगशी किन फ्रांस प्रभाव-क्षेत्र, शानतुंग किन जर्मन प्रभाव-क्षेत्र, फूच्येन किन जापानी प्रभाव-क्षेत्र ओसो तीन उत्तर-पूर्वी इलाकांग किन नजारशाही प्रभाव-क्षेत्र लेकका बनेमातांग। 1905 ता रूस-जापान युद्ध पेरके चीन उत्तर-पूर्वी इलाकांग ना दक्षिणी हिस्सा जापानी प्रभाव-क्षेत्र बनेमात्ता।
21. विदेश कुना पट्टा ते एतता इलाकांग - इविन किन साप्राज्यवादी देशकु वंश सरकार कुन दबाव ते तासिसी चीन ता समुद्र-डोड्डांग ओदा ता इलाकांग किन व्यापार कुना अड्डा बनेकित्ता पेरके इविन उंदी निश्चित इलाका किन तम्मा हिसाब ते कब्जा कीतांग। इव इलाकांग लोप्पा ओरू चीन ता कानून

ओसो प्रशासन तल सब्बे रकम ता आजादी औपनिवेशिक शासन ता साप्राज्यवादी व्यवस्था निल्पी कित्तोरा इव इलाकांग लोप्पा साप्राज्यवादी, चीन ता सामंती वर्ग, दलाल-पूंजीपति वर्ग ता हुकूमत ते प्रत्यक्ष ओसो अप्रत्यक्ष राजनीति, आर्थिक नियंत्रण तासनोरा 1924-27 ता क्रांति ताकनास्के चीनी कम्युनिस्ट पार्टी ता नेतृत्व ते क्रांतिकारी जनता इव इलाकांग किन दोबारा हासिल कियाना आंदोलन ताकी कित्ता ओसो जनवरी 1927 लोप्पा आनखओ ओसो च्योच्यांग लोप्पा ब्रिटेन ता कब्जा ते मंदाना इलाकांग किन वापस हासिल कित्ता। मति क्रांति ता गद्दार चांग काई-शेक गद्दारी कित्ता पेरके साप्राज्यवादीर चीन लोप्पा मना कब्जा ते मंदाना बचोनो इलाकांग पोर्हो कब्जा कित्तोरा।

22. हूडाटूः कोमिन्टर्न ता छठी कंग्रेस लोप्पा मानेमात्ता “औपनिवेशिक ओसो अर्ध-औपनिवेशिक देशकुना क्रांतिकारी आंदोलन संबंध स्थापना कियाना”।
23. 24 मई 1927 ते कोमिन्टर्न ता कार्यकारिणी कमेटी ता आठवी पूर्ण अधिवेशन लोप्पा जे.वी. स्तालिन ना “चीनी क्रांति ओसो कोमिन्टर्न का काम” पोर्होल ता हेडिंग मंदाना भाषण पोर्हो आधार आसी मंता।
24. जे.वी. स्तालिन, “चीन लोप्पा क्रांति ता भविष्य”।
25. हूडाटूः वी.आई. लेनिन, “सामाजिक-जनवादी पार्टी ता भूमि-कार्यक्राम”।

## चीनी जनता ना दोस्त स्टालिन

20 दिसम्बर 1939

21 दिसंबर ते कामरेड स्टालिन साठ साल तोर आयनोरा माकिन विश्वास मंता ओरु पुट्ठा दिय्या पूरा दुनिया ता सब्बे क्रांतिकारी लोकुर उत्साहपूर्वक जीवा कीसि मानेमांतोरा।

स्टालिन ना पुट्ठा दिय्या किन मानेमायना बदे हल्को पोल्लो हिल्लो। स्टालिन ना पुट्ठा दिय्या किन मानेमायना इत्तेकेने ओना ओसो ओना काम ता समर्थन कियाना आंता, समाजवाद ता जीत ता समर्थन कियाना आंता ओसो मानव जाति किन ओरु तोहता हर्री ता समर्थन कियाना आंता। इत्तेके उंदी वेल्ले जीवा कीसि कियाना दोस्ती ता समर्थन कियाना आंता। बारांकु इत्तेके मानव जाति ता वेल्ले बेहरा संख्या इंजे वेने उत्पीड़ित मंता, ओसो मानव जाति केवल स्टालिन तोहता हर्देने ताकसी ओसो ओना सहायता तेने उत्पीड़िन तिंची मुक्ति दोरकी किया परिंता।

इतिहास लोप्पा उंदी वेल्ले तीव्र उत्पीड़न ते मत्ता मना चीनी जनता किन, दूसरोरा मदद ता वेल्ले जरूरत मंता। “तन्ना दोस्त लोरा ध्यान तन्ना बगिल पिङ्गला काजे पिछे पाटा पारिंता।” इंजी “जमा कित्ता पाटांग” लोप्पा वेने वेहत्ताद मंता। मना वर्तमान परिस्थिति वेने इद्रमे मंता।

मति मना दोस्त लोर बोरु?

चीनी जनता ना इंजेटा दोस्त लोर इत्तेके उचुन मुल खुदसाख्ता दोस्त लोर ओसो उचुन मुल चीनी लोकुर वेने पेरके-मुन्ने आल्सवा लेवा ओरकिन दोस्त लेक्का मानेमासोर मंतोरा। मति इद्रमता दोस्त लोरकिन केवल थांग वंश ता प्रधानमंत्री ली लिन-फू<sup>१</sup> ना श्रेणी ते तासिंतोर ओरा रेंडु रकम ता चेहरा मंदाना “तोडी ते उंदी, पेरके उंदी” वेल्ले खतरनाक मानेय आंदु। असल इत्तेके वेरू बोर आंदूर? ओरु साप्राज्यवादीर आंदुर, ओरु चीन पोरों जीवा कियाना लेक्काटा ढोंग कींतोरा।

मति मना दूसरा रकम ता दोस्त लोर वेने मंतोर, ओरु मना पोरो निज्जमे जीवा कींतोर ओसो मना किन तम्मोर लेकका आलिसंतोर। ओरु बोरु? ओरु सोवियत जनता ओसो स्तालिन आंदुर।

दूसरा देशकु चीन लोप्पाटा तम्मा विशेष अधिकार कुन वेने विड़स्तद हिल्ले: केवल सोवियत संघे मना किन सहायता कित्ता।

जापानी-आक्रमण-विरोधी युद्ध शुरु आता पेरके बदे वेने साम्राज्यवादी देश ता सरकार मना किन निज्जता सहयोग कित्ताद हिल्लो। केवल सोवियत संघे तन्ना वायु-सेना ओसो रासन-सप्लाई लेककाटा काम कीसि मना मदद कित्ता।

इदु मुद्दा एकदम स्पष्ट मंताया?

केवल साम्राज्यवादी देश, अदिना नेता ओसो अदिना जनता, अनि समाजवादी विचारधारा वालेर, राजनीति कियानोर ओसो मेहनतकश लोरे चीनी राष्ट्र ओसो चीनी जनता ना मुक्ति-कार्य किन सच्चाई संगे मदद किया परिंतोर, वीरा मदद लेवा मना कार्य आखरी जीत हासिल किया परवो।

स्तालिन चीनी जनता ना मुक्ति-कार्य ता असली दोस्त आंदुर। स्तालिन किन चीनी जनता ना हार्दिक बधाई ओसो जीवा कियानादिन ओसो सोवियत संघ ता मना सच्ची दोस्ती लोप्पा फूट वाटना बदे वेने कोशिश कुन, झूटा प्रचार किन, आरोप किना संगे तोडे किया परमूडायो।

## नोट

1. ली लिन-फू (ईसा ता आठवी शताब्दी) थांग वंश ता सम्राट श्वान चुंग ता प्रधानमंत्री मत्तोरा “चि च थुंग च्येन” पोरोल ता ग्रन्थ लोप्पा ओना बारे ते इद्रम रासिस मत्ता “प्रधान मत्री ली लिन-फू बद्रमाई ओनकिनकु ज्यादा क्षमता मंदानोर ओसो ओनकिनकु ज्यादा अमीर मंदानोर, सम्राट ना भरोसा मंदानोर, ओनकिनकु खतरा मंदानोर किन खत्म कियाला कोशिश कित्तोरा। खासकर ओरु विद्वान लोर किन वेल्ले विचार कियानोर। तोहला काजे ओरु मुन्नेटल वेल्ले मिंगता-मिंगता पोल्लोंग कियानोर ओसो बेसता गुण मंदाना मानेय लेकका मंदानोर, मति पेरके ओरु ओरा विरोध ते साजिश कियानोर। अदिन काजे ओरु तन्ना कालम ता लोकुरा लोप्पा “तोड्डी ते उंदी, मोरकु ल पेरके उंदी” लेकका मंदाना मानेय इंजी इंदानोरा।”

## नार्मन बेथ्यून ना स्मृति ते

21 दिसम्बर 1939

कामरेड नार्मन बेथ्युन<sup>1</sup> कनेडियन कम्युनिस्ट पार्टी ता सदस्य मत्तोरा ओनकिन कनाडा कम्युनिस्ट पार्टी ओसो अमेरिका कम्युनिस्ट पार्टी चीन लोहतास्के, ओना उग्र लगभग पचास साल मत्ता। ओरु जापानी-आक्रमण-विरोधी युद्ध लोप्पा चीन ता मदद कियाला काजे वेल्ले तिप्पल आतेकाई ओरु हजारों मील लम्बा हर्ही पोयतोरा हत्ता साल वसंत कालम ते ओरु येनान एवतोर अनि पेरके ओरु ऊथाए मेढ्ठा ते काम कियाला हत्तोर, अगा तन्ना ड्रूटी ता काम किसोरे मंदानास्केने ओरु शहीद आत्तोरा वरोर विदेशी मानेय चीनी जनता का मुक्ति-कार्य किन स्वार्थ हिल्वा भावना संगे तन्नाए काम लेक्का आल्सतोर, इद्रम कियाला काजे ओरु बदु भावना तल प्रेरण एततोर? अदु अन्तरराष्ट्रवादी भावना आंदू, कम्युनिस्ट भावना आंदू, इद भावना तल हर चीनी कम्युनिस्ट किन करियाना जरूरत मंता। लेनिनवाद माकिन पूँजीवादी देश कुना सर्वहारा वर्ग ता मुक्ति संघर्ष ता समर्थन कियाना इंजी करिहिंता, केवल अस्केने विश्व-क्रांति सफल आया परिता<sup>2</sup> कामरेड बेथ्यून इदे लेनिनवादी कार्यदिशा किन अमल कित्तोरा। माटू चीनी कम्युनिस्ट लोर वेने इद कार्यदिशा किन अमल कियाना। माटु सबे पूँजीवादी देशकुना सर्वहारा वर्ग संगे, जापान, ब्रिटिश, अमेरिका, जर्मनी, इटली ओसो बाकी सब्बे पूँजीवादी देशकुना सर्वहारा वर्ग संगे एकता कियाना अस्केने माटु साप्राज्यवाद ता तख्ता पलट कियाना, मना राष्ट्र ओसो मना जनता किन मुक्त कियाना ओसो दुनिया ता बाकी राष्ट्र ओसो जनता किन मुक्त कियाना लोप्पा सफलता हासिल किया परितोमा। इदे मावा अन्तरराष्ट्रवाद आंदू, इद्रम ता अन्तरराष्ट्रवाद संगे माटु संकीर्ण राष्ट्रवाद ओसो संकीर्ण देशभक्ति ता विरोध कीतोमा

कामरेड बेथ्यून ना भावना, बदे स्वार्थ हिल्वा जीवा कीसि दूसरोरा सेवा कियाना, बच्चोनो जिम्मेदारिंग संगे काम कियाना ओसो सब्बे कामरेड्स ओसो जनता पोरो वेल्ले जीवा कियाना रुझान कुन रूप ते दिसता। हर कम्युनिस्ट किन ओनगडल करियाना जरूरत मंता। गैर-जिम्मेदार, कडी मेहनत ता काम ता जागा

हल्का-पुल्का कियाला आल्सानोर, वेल्ले मेहनत का काम किन दूसरोर पोरों वाटाना ओसो हल्को काम खुद चुने कियानोरा संख्या वेल्ले दोरकिंता। इद्रमतोर हमेशा दूसरोर बारे ते आयवा खुद ता बारे ते ज्यादा आलिसंतोर ओसो खुद किने ज्यादा महत्व हींतोरा बस्केनाई उचुन योगदान हीतेके, ओना घंड वेल्ले बेरसिंता ओसो दूसरोर वेने पुंदाना इंजी तन्ना योगदान ता बारे ते कोलार पोयसोर वेहिंतोरा। ओरु कामरेड्स ओसो जनता पोरों जीवा कियाना आयवा गलत रुझान कु लागू कींतोरा असल ते इद्रतोर कम्युनिस्ट आयोर, ओसो कम से कम इतेके सच्चा कम्युनिस्ट तो आयोरे-आयोर इंजी इंदा परिंतोम। युद्ध तल वापस वायनोर बस्के बेथ्यून ना चर्चा किंतोर, अस्के ओरा लोप्पा वेने बेथ्यून ना भावना संगे वेल्ले प्रभावित लेकका दिसिंतोरा। शानशी-छाहाड़-हपे हंदी इलाकांग ना बदे आई सैनिक या सिविल ते मंदानोर डाक्टर बेथ्यून कैदे इलाज कीसि मंतोर ओसो बोरु ओनकिन काम कियानास्के हूडतोर ओरु वेल्ले प्रभावित आत्तोर। हर कम्युनिस्ट किन कामरेड बेथ्यून ना इग सच्चा कम्युनिस्ट ता भावना जरूर ग्रहण कियाना।

कामरेड बेथ्यून वरोर डाक्टर मत्तो, चिकित्सा (इलाज) ओना पेशा मत्ता ओसो ओरु तन्ना इलाज-तकनीकी स्तर किन लगातार बेरसी कियानोरा आठवीं राह सेना ता सब्बे डाक्टर लोरा लोप्पा ओना इलाज कियाना स्तर वेल्ले पोरों मत्ता। इदु काम दूसरा काम हूडसी तन्ना काम बदले कियाला आलिसंतोर ओसो बोरु तकनीकी काम किन सुडला आलिसंतोर ओसो लापरवाही ते मंतोरो ओरा काजे इदु उंदी वेल्ले बेसता सबक आंदू।

कामरेड बेथ्यून किन नन्ना बचोनो बेरा कलियताना। ताना पेरके ओरु नाकिन बचोनो चिट्ठिंग रास्तोर। मति वेल्ले काम मत्ता कारण ते नन्ना ओरकिन सिर्फ उंदिए चिट्ठी लोहा परतान, ओसो अदु वेने ओनकिन दोरकता या दोरको पुन्नोन। ओरु शहीद आतादु नाकिन वेल्ले दुक्कम पोयता। नेंदु माटु सब्बे तोर ओनकिन सुरता किया मंतोम, इदिन हूडतेके ओना भावना ता प्रभाव मावा पोरों गहरा मंता इंजी समझेमाया मंता। माटु सब्बे तोर ओना पूर्ण निस्वार्थ भावना तिंची करियाना। इदु भावना संगे काम कियाना हर मानेय जनता काजे वेल्ले बेस साबित आंतोरा। मानेय ना क्षमता ओसो कम ओसो ज्यादा आया परिता, मति ओना लोपा भावना मत्तेके बेस, जीवाकियोनर, चरित्रवान ओसो लबड़ता रुचि नगडल जेक मंदाना मानेय बनेमांतोर ओसो जनता ना काजे वेल्ले महत्वपूर्ण व्यक्ति बनेमांतोर।

## नोट

1. प्रसिद्ध नार्मन बेथ्यून कनाडा कम्युनिस्ट पार्टी ता सदस्य मत्तोरा 1936 ते ओरु जर्मन वातास्के ओसो इटली ता फासीवादीर स्पेन पोर्चे आक्रमण कियानास्के ओरु युद्ध मोर्चा ते हंजी फासीवादी-विरोधी स्पेन जनता ना सेवा कित्तोरा 1937 ते चीन ता जापानी-आक्रमण-विरोधी युद्ध शुरू आता पेरके ओरु कनाडा ओसो अमेरिका ता उंदी चिकित्सा-दल (डॉक्टर टीम) पोयसी चीन ता मुक्त इलाकांग लोप्पा वात्तोरा अप्रैल 1938 ते ओरु येनान तल शानशी-छाहाङ-हपे हंदी इलाकांग लोप्पा हंजी कम से कम रेंडु साल एवनल काम कित्तोरा ओना आत्म-बलिदान ता भावना, काम कियाना गिर्दा ओसो जिम्मेदारी ता भावना मना मुन्ने उंदी आदर्श लेकका मंतांग। वरोर घायल सैनिक ना ऑफेरेशन कियानास्के ओना नेतुर ते जहर फैलेमात्ता ओसो 12 नम्बर 1939 ते हपे इलाका ता थांगश्येन काउन्टी ते ओना जीवा हत्ता।
2. हूँडाटूः जे.वी. स्टालिन, “लेनिनवाद ता आधारभूत सिद्धांत” ता छठवा भाग “राष्ट्र ता सवाल”।

## नवजनवाद ता बारे ते

जनवरी 1940

### 1. चीन बेके?

प्रतिरोध-युद्ध शुरू आतास्केडल पूरा देश लोप्पा उंदी जीवातोस्ता लेकका माहौल फैलेमात्ता, लोकुरकिन गतिरोध तिंची बाहर वेंडना हर्ही दोरकता इंजी लोकुर नाराज आसी अंगडम उदसी मन्नोरा मति इगा उचुन कालम तल सुलाह-समझौता ओसो कम्युनिज्म-विरोध ता कोलार ओसो उंदी बेरा फैलेमात्ता, लोकुर ओसो उंदी बेरा डाउटने फसेमातोरा सबसे ज्यादा संवेदनशील ओसो सबसे मुन्ने प्रभावित आयना लोकुर सांस्कृतिक दुनिया ओसो नौजवान छात्रालोर आंदरा अद्रमासी ओसो उंदी बेरा “बाता कियाना? चीन बेके दाया मंतां?” इंदाना सवाल पैदा आया मंतांग। अदिन काजे, “चीनी संस्कृति” ता प्रकाशन कियानास्के चीन ता राजनीतिक ओसो सांस्कृतिक रुझान कुन स्पष्ट कितेके वेल्ले फायदा आयारा। नन्ना संस्कृति समस्यांग ना बारे ते वेल्ले पुन्नोन, नन्ना अदिना अध्ययन कियाला आल्सा मंतान, मति इंजे नन्ना शुरूए कित्ताद मंता। भगवान ता दया ते, येनान लोप्पा विस्तारपूर्वक रासनोर बचोनो कामरेड्स मंतोर, अदिन काजे असल काम वीरे किंतोर, नावा पोल्लोंग ना अचोन ज्यादा महत्व हिल्ले, नावा पोल्लोंग इतेके बदेआई प्रोग्राम तुकू मुन्ने सब्बे तोर किन जम्मा कियाला केयना लेकका मंतांग। राष्ट्र ता सांस्कृतिक दुनिया ता प्रगशील लोकुरा काजे मावा पोल्लोंग निज्जमे ता उंदी कण लेकका मंतांग। इव पोल्लोंग ओरकिन तम्मा मूल्यवान योगदान संगे मुन्ने वायला काजे उचुन प्रोत्साहन हियाना लेकका मंतांग। ओरू मना राष्ट्रीय जरूरत किन पूरा किया परना लेक्काटा सही फैसला कियाला काजे मना संगे बहस लोप्पा शामिल आयनोर इंजी आशा किया मंतोम। “तथ्यकुनगडल सच्चाई परहकना” उंदी वैज्ञानिक दृष्टिकोण आंता, बदे आशा हिल्वा लेकका या दोषी हिल्वा लेकका मंदाना पोल्लोंग किसोरे जनता मुन्ने भाषण हियानोर बस्केने बाताले तय किया परवोरा मना देश पोरीं बवु मुश्किलकु

वातांगो अबु बेल्ले गंभीर मंतांग अद्रमासी केवल उंदी वैज्ञानिक दृष्टिकोण ओसो जिम्मेदारी ता सोच संगेने अदिन मुक्ति हर्दे मुन्ने दाया परिंता। इदे निज्जम आंदू, ओसो इमा एवनल बोराई एवतोरा एव्वोरे इंदाना उंदी सवाल मंता, इदु मनोगत गर्व पोरो आयवा वस्तुगत व्यवहार पोरो आधार आसी मंता। सच्चाई ता परीक्षा केवल करोड़ों लोकुरा क्रांतिकारी व्यवहार आंदू। नना इद पोल्लो किन “चीनी संस्कृति” ता दृष्टिकोण मानेयमूङांता इंजी समझेमांतान।

## 2. माटु उंदी पूना चीन ता निर्माण कियाला आल्सा मंतोम

माटु कम्युनिस्ट लोर बचोनो साल तल उंदी राजनीतिक ओसो आर्थिक क्रांति काजेने आयवा उंदी सांस्कृतिक क्रांति काजे वेने संघर्ष किसोर वाताद मंता। ओसो मावा लक्ष्य चीन देश काजे उंदी पूना समाज ओसो उंदी पूना राज्य ता निर्माण कियानादु मंता। अद पूना समाज ओसो पूना राज्य ता उंदी पूना राजनीति ओसो पूना आर्थिक व्यवस्थाए आयवा उंदी पूना संस्कृति वेने मंदियारा। दूसरा पोल्लोने हूँडेके केवल माटु राजनीतिक रूप ते उत्पीडित ओसो आर्थिक रूप ते शोषित चीन किन राजनीतिक रूप ते स्वतंत्र ओसो आर्थिक रूप ते समृद्ध चीन लेक्का बदली कियानाए आयवा इदु पाड़ना संस्कृति ता प्रभुत्व ते मत्ता ओसो पेरके अरसी मत्ता चीन किन उंदी पूना संस्कृति ता प्रभुत्व ते उंदी विकसित ओसो प्रगतिशील चीन लोप्पा बदली कियाला आल्सा मंतोम। संक्षिप्त रूप ते माटु उंदी पूना चीन ता निर्माण कियाला आल्सा मंतोम। सांस्कृतिक रूप ते मना लक्ष्य उंदी पूना चीनी राष्ट्रीय संस्कृति ता निर्माण कियानादु मंता।

## 3. चीन ता ऐतिहासिक प्रधानतांग

माटु उंदी पूना राष्ट्रीय संस्कृति ता निर्माण कियाला आल्सा मंतोम, मति अदु संस्कृति बदु रकम ता मंदाना?

बदे वेने संस्कृति-विशेष (उंदी विचारधारात्मक दृष्टि ते) उंदी समाज-विशेष ता राजनीति ओसो अर्थव्यवस्था ताए रूप मंदिता, अद्रमासी अदु समाज-विशेष ता राजनीति ओसो अर्थव्यवस्था पोरो उंदी जबरदस्त प्रभाव वाटिता। मति अर्थव्यवस्था आधार मंदिता ओसो राजनीतिक अर्थव्यवस्था ता केंद्रित अभिव्यक्ति। इदु राजनीति

ओसो अर्थव्यवस्था संगे संस्कृति ता संबंध ओसो अर्थव्यवस्था संगे राजनीति ता संबंध ता बारे ते मना बुनियादी दृष्टिकोण आंदू अदिन काजे संस्कृति ता रूप मुन्ने राजनीतिक ओसो आर्थिक रूप संगे ने तय आंता, ताना पेरके ने अदु उंदी राजनीतिक ओसो आर्थिक रूप ते क्रियाशील आंता ओसो अदिन प्रभावित कींता। मार्क्स वेहतोर “मानेय ना चेतना ओना अस्तित्व किन तय किवो आंता, इदिना उल्टा ओना सामाजिक अस्तित्व ओना चेतना किन तय कींता।”<sup>2</sup> ओसो “दार्शनिक लोरु दुनिया ता बारे ते इंजे एवनाल ताना रक-रकम ता व्याख्यांग कित्तोर, मति सवाल अदिन बदले कियानादु मंता”<sup>3</sup> इंजी इंतोरा इद्रमता वैज्ञानिक स्थापनांग मानैना इतिहास लोप्पा पहली बेरा चेतना ओसो अस्तित्व नडमा ता संबंध कुना समस्यांग किन सही तरीका ते हल कित्ता, ओसो इव स्थापनांग व्यवहार ता रूप ते ज्ञान ता गतिशील क्रांतिकारी सिद्धांत लोप्पाटा बुनियादी धारणांग आंदुंग। अविना बारे मुन्ने हंजी कामरेड लेनिन वेल्ले गंभीर रूप ते समझे कित्तोरा चीन ता सांस्कृतिक समस्यांग ना आलोचना कियानास्के माटु इवु बुनियादी धारणांग किन जरूर सुरता तासना।

चीन ता माटु बहिष्कार कियाला आल्सोरे मत्ता पाड़ना राष्ट्रीय संस्कृति ता प्रतिक्रियावादी तत्व, पाड़ना राष्ट्रीय राजनीति ओसो अर्थव्यवस्था संगे अलग आया परवा लेकका जुड़ेमासी मंतांग, ओसो माटु निर्माण कियाला आल्सना पूना राष्ट्रीय संस्कृति, पूना राष्ट्रीय राजनीति ओसो अर्थव्यवस्था संगे अलग आयवा लेकका जुड़ेमासी मंता। चीनी राष्ट्र ता पाड़ना राजनीति, अर्थव्यवस्था अदिना पाड़ना संस्कृति पोरों आधार आसी बनेमातांग, अद्रमासी पूना राजनीति, अर्थव्यवस्था अदिना पूना संस्कृति पोरों आधार आसी बनमायनूंगा।

चीन ता पाड़ना राजनीति ओसो अर्थव्यवस्था बाताल मंता? ओसो अदिना पाड़ना संस्कृति बद्रम ता मंता?

चओ ओसो छिन वंश ता कालाम तले चीनी समाज उंदी सामंती समाज मत्ता, अद्रमे अदिना राजनीति ओसो अर्थव्यवस्था वेने सामंती मत्ता। राजनीति ओसो अर्थव्यवस्था किन तोहना प्रधान संस्कृति उंदी सामंती संस्कृति मत्ता।

चीन पोरों विदेशी पूंजीवाद ता आक्रमण ओसो चीनी समाज लोप्पा पूंजीवादी तत्व कुना विकास आयनास्केटले इदु देश तीरम-तीरम उंदी औपनिवेशिक, अर्ध-औपनिवेशिक ओसो अर्ध-सामंती समाज लोप्पा बदलेमाता। चीन नेंडु जापान-अनधिकृत इत्तेके जापान ता कब्जा ते हिल्वा मत्ता इलाकांग लोप्पा औपनिवेशिक समाज मंता, क्वोमिंगतांग शासन कियाना इलाकांग लोप्पा बुनियादी रूप ते अर्ध-

औपनिवेशिक समाज मंता, इव रेडांसी इलाकांग लोप्पा मुख्य रूप ते सामंती, अर्ध-सामंती समाज मंता। वर्तमान चीन ता समाज ता स्वरूप ओसो मना देश ता स्थिति इद्रम आंदू इद समाज ता राजनीति, अर्थव्यवस्था मुख्य रूप ते औपनिवेशिक, अर्ध-औपनिवेशिक ओसो अर्ध-सामंती मंता।

इवु प्रधान राजनीतिक, आर्थिक ओसो सांस्कृतिक रूपके मना क्रांति ता प्रहार ता निशान आंदू बदु चीज किन माटु जेक कियाला आलिसंतोम अदु पाड़ना औपनिवेशिक, अर्ध-औपनिवेशिक ओसो अर्ध-सामंती राजनीति अनि अर्थव्यवस्था ओसो इविन जोडे कीसि तासना पाड़ना संस्कृति आंदू माटु निर्माण कियाला आलिसंतोम अदु चीज इविना बिल्कुल उल्टा मंता इतेके चीन देश ता पूना राजनीति, पूना अर्थव्यवस्था ओसो पूना संस्कृति ता निर्माण कियाला आत्सा मंतोम।

इद्रम कितेकाई, चीन देश ता पूना राजनीति, पूना अर्थव्यवस्था ओसो अदिना पूना संस्कृति बदु?

तन्ना इतिहास बने कियानास्के चीनी क्रांति किन रेंडु मंजिल किन जरूर पार किया लागियर, पहली मंजिल जनवादी क्रांति ओसो दूसरी मंजिल समाजवादी क्रांति, इव रेंडासी तन्ना स्वरूप लोप्पा रेंडु भिन्न क्रांतिकारी प्रक्रियांग आंदुंग। इगा पाड़ना जनवाद आयवा, पूना जनवाद मंता।

अद्रमें चीन ता पूना राजनीति नव-जनवाद ता राजनीति, चीन ता पूना अर्थव्यवस्था नव-जनवाद ता अर्थव्यवस्था आंदू ओसो चीन ता पूना संस्कृति नव-जनवाद ता संस्कृति आंदू इंदी वेहा परितोमा।

वर्तमान कालम ते चीनी क्रांति ता ऐतिहासिक विशेषतांग इद्रमें मत्तांग। चीनी क्रांति लोप्पा हिस्सा एतना बदे वेने राजनीतिक पार्टी, ग्रुप या मानेय इद पोल्लो किन समझेमायवेके, ओरू क्रांति ता नेतृत्व कियाना लोप्पा ओसो जीत हासिल कियाना एवनल ओयना लोप्पा असफल आयनोर, अद्रमातेके ओरकिन जनता अलग-थलग किसियार, ओरू फेरके तल्ला पोर्रो कै वाटसी मंदियरा।

#### 4. चीनी क्रांति विश्व क्रांति ता अंग आंदू

चीनी क्रांति ता ऐतिहासिक विशेषतांग:- अदु रेंडु मंजिल कुने ताकियना उंदी जनवादी ओसो दूसरा समाजवादी क्रांति आंदू। इविना लोप्पा पहला इंजे ताकना चीनी रकम ता जनवाद आंदू, उंदी पूना ओसो विशेष रकम ता जनवाद, इतेके नव-

जनवाद आंदू। मति, इवु ऐतिहासिक विशेषतांग बद्रम अस्तित्व ते वातांग? इदु हत्ता सौ सालकुनले अस्तित्व ते मंता या, इंजेने वाता?

चीन ता ओसो विश्व ता ऐतिहासिक विकास ता संक्षिप्त ते अध्ययन कित्तेके इवु विशेषतांग अफीम युद्ध ता तुरंत पेरके अस्तित्व ते वाताद हिल्लो। इवु पहली साम्राज्यवादी विश्वयुद्ध ओसो रूस ता अक्तूबर क्रांति पेरके अस्तित्व ते वातांग वाट्, इंजे माटु इदिना उत्पत्ति ता प्रक्रिया किन हूड़ांकाल।

स्पष्ट रूप ते वर्तमान चीनी समाज ता औपनिवेशिक, अर्ध-औपनिवेशिक ओसो अर्ध-सामंती स्वरूप तले चीनी क्रांति किन अनिवार्य रूप ते रेंडु मंजिलकुने तूसमूड़ांता इंदाना पोल्लो समझेमांता। पहला समाज ता औपनिवेशिक, अर्ध-औपनिवेशिक ओसो अर्ध-सामंती रूप ते उंदी स्वाधीन जनवादी समाज लोप्पा बदले कियाना। दूसरा क्रांति किन मुन्ने ओयना ओसो उंदी समाजवादी समाज ता निर्माण कियाना। इदु कालम ते चीनी क्रांति का पहला रकम आंदू।

पहली रकम ता क्रांति काजे तैयारी ता समय 1840 ता अफीम युद्ध तल शुरू आता, इतेके चीन ता सामंती समाज उंदी अर्ध-औपनिवेशिक ओसो अर्ध-सामंती समाज लोप्पा बदले कियाना शुरू आतास्केडल। इदे कालम ते थाईफिंग स्वर्गिक राज्य ता आंदोलन, चीन-फ्रांस युद्ध, चीन-जापान युद्ध, 1898 ता सुधारवादी आंदोलन, 1911 ता क्रांति, 4 मई आंदोलन, उत्तरी अभियान, भूमि-क्रांति युद्ध ओसो जापान ता खिलाफ वर्तमान प्रतिरोध-युद्ध ताकतांग। इव सब्बे पूरा उंदी शताब्दी एवनल ताकतांग। उंदी हिसाब ते हूड़तेके इवु पहली रकम ता क्रांति ता स्वरूपकु आंदुंग, चीनी जनता बचोनो मौकांग ओसो बचोनो रकम ते तेहचा पहले कदम ता स्वरूप आंदुंग, जनता इविन उंदी स्वाधीन जनवादी समाज ता निर्माण कियाला ओसो पहली क्रांति किन पूरा कियाला काजे साम्राज्यवाद ओसो सामंती ताकत कुना विरुद्ध ते ताकी कियाना संघर्ष कुना रूप ते कित्ता। 1911 ता क्रांति अपेक्षाकृत रूप ते अदु क्रांति ता शुरूआत मत्ता। तन्ना सामाजिक स्वरूप लोप्पा इदु क्रांति उंदी पूंजीवादी-जनवादी क्रांति आंदू, उंदी सर्वहारा-समाजवादी क्रांति आयो। इदु क्रांति इंजे पूरा आत्ताद हिल्ले इदिना लोप्पा इंजे वेने वेल्ले कोशिश कुना जरूरत मंता, बारांकु इतेके नेंडु एवनल वेने इदिना दुश्मन वेल्ले ताकवर मंतोर। डा. सुन यात-सेन “क्रांति इंजे पूरा आत्ताद हिल्ले, नावा सब्बे कामरेड्स अपना कोशिश जारी तासना” इंदांस्के, असल ते ओरु पूंजीवादी-जनवादी क्रांति ताए बारे ते वेहा मंतोर।

मति 1914 ते पहली साम्राज्यवादी विश्वयुद्ध शुरूआतास्के ओसो 1917 ता रूसी अक्तूबर क्रांति ता कारण ते भूमंडल ता छठी हिस्सा ते उंदी समाजवादी राज्य ता स्थापना आता पेरके, चीन ता पूँजीवाद-जनवादी क्रांति लोप्पा उंदी बदलाव वाता।

इवु घटनांग लोप्पाटल मुन्ने, चीन ता पूँजीवादी-जनवादी क्रांति विश्व ता पूँजीवादी-जनवादी क्रांति ता पाडना श्रेणी लोप्पा वायनदु, अदिना अंग मत्ता।

इव घटनांग पेरके चीन ता पूँजीवादी-जनवादी क्रांति बदलेमासी पूँजीवादी-जनवादी क्रांति ता पूना श्रेणी लोप्पा वाता, ओसो क्रांतिकारी ताकतकुना गठबंधन हिसाब ते इदु विश्व ता सर्वहारा-समाजवादी क्रांति ता अंग बनेमात्ता।

इद्रम बारांकु आता? बारांकु इत्तेके पहली साम्राज्यवादी विश्वयुद्ध ओसो पहली समाजवादी क्रांति ता जीत, इत्तेके अक्तूबर क्रांति विश्व इतिहास ता पूर पक्ष किने बदले किसिता, ओसो पूना समाज ता निर्माण कित्ता।

इदु समाज लोप्पा विश्व पूँजीवादी मोर्चा भूमंडल ता हिस्सा लोप्पा (दुनिया ता छठी हिस्सा ते) वाता ओसो दूसरा हिस्सांग लोप्पा अदु पूराए खत्म आता, अदिना लोप्पा ता पूँजीवादी हिस्सांग उपनिवेश ओसो अर्ध-उपनिवेश पोर्णे वेल्ले निर्भर आसी मनवेके तन्ना अस्तित्व किन बचे किया परवोंग, अदिना लोप्पा उंदी समाजवादी राज्य स्थापना आतादु मंता ओसो अदु सब्बे उपनिवेशकु, अर्ध-उपनिवेशकु ना मुक्ति-आंदोलन लोप्पा सक्रिय रूप ते समर्थन किंता इंजी घोषणा कित्ता। ताना लोप्पा पूँजीवादी देशकुना सर्वहारा वर्ग दिया-दिया तुकू तन्ना किन सामाजिक-साम्राज्यवादी स्वरूप वाले सामाजिक-जनवादी पार्टिंग नगडल पूराए मुक्त किसोर दाया मंता। उपनिवेश, अर्ध-उपनिवेशकुना मुक्ति आंदोलन कुना समर्थन कियाना इंजी ऐलान कित्तादु मंता। इदु समाज लोप्पा बदे वेने औपनिवेशिक या अर्ध-औपनिवेशिक देश कुना बदे वेने क्रांति, इत्तेके अंतर्राष्ट्रीय पूँजीपति वर्ग ओसो अंतर्राष्ट्रीय पूँजीवाद ता विरुद्ध ताकना क्रांति, पूँजीवादी-जनवादी विश्व-क्रांति ता पाडना श्रेणी लोप्पा आयवा अदिना पूना श्रेणी लोप्पा वांता। अदु इंजे पाडना रकम ता पूँजीपति वर्ग ता लेवेके पूँजीवादी विश्व-क्रांति ता हिस्सा आयवा, पूना विश्व-क्रांति इत्तेके विश्व ता सर्वहारा-समाजवादी क्रांति ता हिस्सा आंदू। इद्रम ता क्रांतिकारी उपनिवेशकु, अर्ध-उपनिवेश किन इंजे विश्व पूँजीवाद ता प्रतिक्रांतिकारी मोर्चा ता एकता समझेमायनायो, अवु विश्व समाजवाद ता क्रांतिकारी मोर्चा ता एकता बनेमातांग।

उंदी औपनिवेशिक, अर्ध-औपनिवेशिक देश लोप्पा इद्रम ता क्रांति ता पहली मंजिल ओसो पहली कदम तेहानास्के तना सामाजिक स्वरूप लोप्पा इंजे वेने अद बुनियादी रूप ते पूँजीवादी-जनवादीए आंदू ओसो इदिना असल उद्देश्य पूँजीवाद ता विकास काजे हर्ही पंडनादे मंता, मति इंजे इदु क्रांति पूँजीपति वर्ग ता नेतृत्व ते ताकना उंदी पाडना रकम ता क्रांति आयो। अदिना लक्ष्य उंदी पूँजीवादी समाज ता ओसो पूँजीपति वर्ग ता नेतृत्व वाले राज्य ता स्थापना कियानादू आयो। इदु सर्वहारा वर्ग ता नेतृत्व ते उंदी पूना रकम ता क्रांति आंदू इदिना लक्ष्य पहली मंजिल लोप्पा उंदी नव-जनवादी समाज ता ओसो सब्बे क्रांतिकारी वर्ग किन संयुक्त नेतृत्व वाले राज्य ता स्थापना कियाना मंता। इद्रम ता क्रांति असल तेने समाजवादी विकास ता हर्ही किन वेल्ले हल्को कींता। इदिना विकास आयनास्के, दुश्मन पक्ष ते ओसो मना संयुक्त मोर्चा लोप्पा आयना बदलाव कुना कारण ते इदु क्रांति ता बचोनो उप-मंजिलकु मंदा परिंतांग, मति इदिना बुनियादी स्वरूप बदलेमायवा लेवा अदे मंदिता।

इद्रम ता क्रांति साप्राज्यवाद किन वेल्ले नुक्सान कींता अदिनकाजे साप्राज्यवाद इदिन सहन किवा लेवा विरोध कींता। मति समाजवाद इदिन स्वीकार कींता, समाजवादी देश ओसो समाजवादी अंतर्राष्ट्रीय सर्वहारा वर्ग इदिन समर्थन कींता।

अदिन काजे, इद्रम ता क्रांति अनिवार्य रूप ते सर्वहारा-समाजवादी विश्व-क्रांति ता अंग बनेमांता।

इदु “चीनी क्रांति विश्व-क्रांति ता उंदी अंग आंदु”, चीन ता पहली महान क्रांति ताकनास्के 1924-27 लोप्पाने इदिना सही स्थापना आसी मत्ता। इदिन चीनी कम्युनिस्ट लोर पेश कीसि मत्तोर ओसो अद समय ता साप्राज्यवाद-विरोधी ओसो सामंतवाद-विरोधी संघर्ष लोप्पा शामिल आयना सब्बे लोकुर इदिना अनुमोदन कीसि मत्तोरा मति, अस्के इदु स्थापना ता महत्व किन पूरा स्पष्ट कित्ताद हिल्वा मत्ता, अद्रमासी इदिन केवल अस्पष्ट रूप ते ने समझेमायमूङ्डाता।

इगा “विश्व-क्रांति” इत्तेके पाडना विश्व-क्रांति आयो, बारांकु इत्तेके पाडना पूँजीवादी विश्व-क्रांति वेल्ले मुन्ने ने खत्म आसी मत्ताय अदिन काजे इदु पाडना विश्व-क्रांति आयवा पूना समाजवादी क्रांति ता उंदी अंग आंदु। इदु चीन ओसो विश्व ता इतिहास लोप्पा वेल्ले बेसता ओसो उंदी जबरदस्त बदलाव आंदू।

चीनी कम्युनिस्ट लोर पेश कित्ता सही स्थापना कामरेड स्तालिन ना सिद्धांत पोर्हो आधार आसी मंता।

1918 लोप्पा ने अक्तूबर क्रांति ता प्रथम वर्षगांठ समय ते रास्ता लेख लोप्पा कामरेड स्तालिन इद्रम इत्तोर:

अक्तूबर क्रांति ता महान विश्वव्यापी महत्व मुख्य रूप ते दोड़ रास्ता लेकका मंता।

1. इदु राष्ट्रीय सवाल किन वेल्ले बेहरा सवाल बनेकिसिता ओसो अदिन योरोप लोप्पा राष्ट्रीय उत्पीड़न ता मुकाबला कियाना खास प्रश्न तिंची उत्पीडित जनगण, उपनिवेशकु ओसो अर्ध-उपनिवेशकु साम्राज्यवाद किन मुक्त कियाना आम सवाल लोप्पा बदले किसिता।
2. इदु अविना मुक्ति काजे व्यापक संभावनांग पैदा कित्ता ओसो अदिना बगिल दायला काजे सही हर्री तरियसिता, अद्रमे पश्चिम ओसो पूर्व ता उत्पीडित जनगण ता मुक्ति-कार्य किन वेल्ले मुन्ने ओता, अदिन साम्राज्यवाद खिलाफ जीत हासिल कियाना संघर्ष बगिल ओसिता।
3. अदिन काजे, इदु विश्व साम्राज्यवाद ता विरुद्ध क्रांतिंग ना उंदी पूना मोर्चा ता रचना कीसि पश्चिम ता सर्वहारा तल पोयसी रूसी क्रांति तिंची पूर्व ता उत्पीडित जनगण एवनल फैलेमासी मंता, समाजवादी पश्चिम ओसो गुलामी ते तोहची मत्ता पूर्व नड़मा उंदी पुलिया लेकका निर्माण कित्ता।<sup>4</sup>

इदु लेख किन रास्ता पेरकेटल कामरेड स्तालिन वेल्ले बेरा इद उपनिवेशकु ओसो अर्ध-उपनिवेशकुना लोप्पा क्रांतिंग पाड़ना श्रेणी तिंची संबंध देहतांग ओसो सर्वहारा-समाजवादी क्रांति ता अंग बनेमात्ता इंदाना सिद्धांत किन स्पष्ट रूप ते वेहतोरा सबसे स्पष्ट ओसो सबसे सूक्ष्म रूप ते 30 जून 1925 ते प्रकाशित उंदी लेख लोप्पा पेश कित्ताद मंता, अदिना लोप्पा कामरेड स्तालिन अद समय ते यगोस्लाव राष्ट्रवादिरा संगे उंदी चर्चा ताकी कीसि मत्तोरा इदु लेख ता हेडिंग “राष्ट्रीय सवाल ओसो उंदी बेरा”, चांग चुंग-श ना अनुवाद कित्ता “राष्ट्रीय सवाल ता बारे ते स्तालिन ना विचार” पोर्नेल ता पुस्तक लोप्पा शामिल कित्ताद मंता। अदिना लोप्पा दोड़ रासिस मत्ता लेख शामिल कित्ताद मंता।

सेमिच स्तालिन ना पुस्तक “मार्क्सवाद ओसो राष्ट्रीय सवाल” 1912 ता ओखरी ते रास्तद मत्ता, अदिना उंदी लेख ता उदाहरण हितोर अदिना लोप्पा “उदीयमान पूँजीवाद ता स्थिति लोप्पा राष्ट्रीय संघर्ष पूँजीपति वर्ग ता आपस ता संघर्ष मंदिंता।” स्पष्ट रूप ते सेमिच इदिना संगे वर्तमान ऐतिहासिक स्थिति लोप्पा राष्ट्रीय आंदोलन ता सामाजिक महत्व ता बारे ते वेहाना ओना फार्मूला सही मंता

इंजी वेहाना कोशिश किया मंतोर। मति स्तालिन ना इद पुस्तक साप्राज्यवादी युद्ध तुकु मुने रास्तोर, अस्के राष्ट्रीय सवाल किन मार्क्सवादिर इंजे विश्वव्यापी महत्व ता सवाल इंजी समझेमायोर आयानोर, अस्के आत्मनिर्णय ता अधिकार काजे मार्क्सवादिर बुनियादी मांग किन सर्वहारा क्रांति ता अंग आल्सवा लेवा पूँजीवादी-जनवादी क्रांति ता अंग मानेयमायानोर। अस्केटले अंतराष्ट्रीय परिस्थिति मूल रूप ते बदलेमात्ता इंजी, उंदी बगिल युद्ध ओसो दूसरा बगिल रूस लोप्पा अक्कूबर क्रांति राष्ट्रीय सवाल किन पूँजीवादी-जनवादी क्रांति ता अंग तिंची सर्वहारा-समाजवादी क्रांति ता उंदी अंग ते बदले कित्ताद मंता। अक्कूबर 1916 तेने “आत्मनिर्णय ता बारे ते कित्ता विचार-विमर्श कुना सारांशा” इद हेडिंग मंदना तन्ना लेख लोप्पा लेनिन राष्ट्रीय सवाल ता मुख्य मुद्दा, आत्मनिर्णय ता अधिकार, इंजे आम जनवादी आंदोलन ता हिस्सा हिल्ले, इदु आम सर्वहारा वर्ग ता, समाजवादी क्रांति ता उंदी अलग किया परवा लेक्काटा हिस्सा बनेमात्ता इंजी इत्तोरा राष्ट्रीय सवाल पोर्रो लेनिन ना ओसो रूसी कम्युनिज्म ता उचुन प्रतिनिधि लोरा पेरके रास्ता लेख कुना बारे ते नन्ना वेहचोर हिल्लेन। नन्ना उंदी पूना ऐतिहासिक परिस्थिति ता कारण ते माटु उंदी पूना समाज लोप्पा, सर्वहारा क्रांति ता समाज लोप्पा काल वाटा मंतोम, रूस लोप्पा पूँजीवादी-जनवादी क्रांति ताकनास्के रास्ता स्तालिन ना पुस्तक ता लेख कुना उदाहरण सेमिच बारांकु हीतोर? बारांकु इतेके सेमिच जागा ओसो कालम तुकु हब्बर हंजी, जिंदा ऐतिहासिक परिस्थिति पोर्रो ध्यान हिवा लेवा उदाहरण हींतोर अद्रमासी द्वन्द्ववाद ता सबसे बुनियादी जरूरत कुना उल्लंघन कींतोर ओसो उंदी ऐतिहासिक परिस्थिति काजे सही मंदाना पोल्लो दूसरा ऐतिहासिक परिस्थिति लोप्पा गलता साबित आया परिंता इंदाना पोल्लो किन नजरअंदाज कींतोर

अद्रमासी विश्व-क्रांतिंग रेंडु रकम ता मंदिंता, इविना लोप्पा पहली पूँजीपति वर्ग ता ओसो पूँजीवादी श्रेणी ता मत्ता। इद्रम ता विश्व-क्रांति ता युग वेल्ले मुन्ने ने हत्ता। अदु 1914 लोप्पा पहली साप्राज्यवाद विश्वयुद्ध शुरू आतास्के ओसो विशेष रूप ते 1917 ता रूसी अक्कूबर क्रांति आतास्केने खत्म आता। ताना पेरके दूसरा रकम ता विश्व-क्रांति इतेके सर्वहारा-समाजवादी विश्व-क्रांति शुरू आता। पूँजीवादी देशकुना सर्वहारा वर्ग इद क्रांति ता मुख्य ताकत आंदू उपनिवेशकु ओसो अर्ध-उपनिवेशकुना उत्पीडित जनता इदिना दोस्त लोर आंदुरा बदे आई उत्पीडित देश बदे वेने वर्ग पार्टिंग ओसो मानेय क्रांति लोप्पा शामिल आंतोर, ओरु खुद इदिना बारे ते आल्ससोर मत्तेकाई, आल्सवेकाई या अदिन समझेमातेकाई, समझेमायवेकाई, बस्के

एवनल ओरु साम्राज्यवाद ता विरोध किंतोरो अस्के एवनल ओरा क्रांति सर्वहारा-समाजवादी विश्व-क्रांति ता अंग बनेमांता ओसो ओरु अदिना दोस्त वर्ग बनेमांतोरा।

नेंडु चीनी क्रांति ता महत्व ओसो वेने बेरसता। इदु पूँजीवाद ता आर्थिक संकट ओसो राजनीतिक संकट दुनिया किन दिय्या-दिय्या तुकू दूसरी विश्व युद्ध बगिल ओयना लेक्काटा कालम आंदु। सोवयत संघ समाजवाद तल कम्युनिज्म ते दायना कालम ते एवता। साम्राज्यवादी युद्ध ओसो पूँजीवादी प्रतिक्रियावाद ता विरुद्ध लडेमायना लोप्पा अदु पूरा दुनिया ता सर्वहारा वर्ग ओसो उत्पीडित देश कुना नेतृत्व कियाना ओसो सहायता कियाला तैयार मंता। पूँजीवादी देशकुना सर्वहारा वर्ग पूँजीवाद ता तख्ता पलट कियाना ओसो समाजवाद ता स्थापना कियाना तैयारी किया मंता। चीन लोप्पा सर्वहारा वर्ग, किसान वर्ग, बुद्धिजीवी ओसो निम्न-पूँजीपति वर्ग ता उचुन हिसांग चीनी कम्युनिस्ट पार्टी ता नेतृत्व लोप्पा उंदी महान स्वतंत्र राजनीतिक ताकत बनेमातांग। नेंडु माटु उंदी इद्रम ता परिस्थिति लोप्पा मंतोम, ताना लोप्पा माटु चीनी क्रांति ता विश्वव्यापी महत्व ओलो वेल्ले बेरसता इंजी अदिना मूल्यांकन कियानायो या? नावा हिसाब ते माटु इद्रम कियाना इंजी आलिसंतान। चीनी क्रांति विश्व-क्रांति ता वेल्ले महत्वपूर्ण अंग बनेमाता।

चीनी क्रांति इद पहली मंजिल लोप्पा (तन्ना बचोनो उप-मंजिलकुन पोयसी) तन्ना सामाजिक स्वरूप लोप्पा उंदी पूना रकम ता पूँजीवादी-जनवादी क्रांति ओसो खुद इंजे एवनल उंदी सर्वहारा-समाजवादी क्रांति आयो, अदु उंदी वेल्ले मुन्ने सर्वहारा-समाजवादी विश्व-क्रांति ता अंग बनेमाता ओसो इंजे इतेके अदु इद विश्व-क्रांति ता उंदी वेल्ले महत्वपूर्ण अंग ओसो उंदी महान क्रांति ता दोस्त वर्ग वेने बनेमाता। मावा क्रांति लोप्पा पहला कदम या पहली मंजिल चीनी पूँजीपति वर्ग ता नेतृत्व वाले पूँजीवादी समाज ता स्थापना बिल्कुले आयो। अद्रमासी चीनी सर्वहारा वर्ग नेतृत्व ते चीन ता सब्बे क्रांतिकारी वर्ग कुना संयुक्त नेतृत्व वाले उंदी नव-जनवादी समाज ता स्थापना आयारा अस्के क्रांति किन मुन्ने ओसी दूसरी मंजिल लोप्पा ओयमूळायर, ताना लोप्पा चीन ते उंदी समाजवादी समाज ता स्थापना आयारा।

इदु नेटा चीनी क्रांति ता, हत्ता बीस सालकुना (1919 ता 4 मई आंदोलन तल गिनती किसोरे) पूना क्रांतिकारी प्रक्रिया ता बुनियादी विशेषतांग ओसो अदिना ठोस सार आंदु।

## 5. नव-जनवाद ता राजनीति

चीनी क्रांति ता पूना ऐतिहासिक विशेषता अदु रेंडु मंजिलकुने तूसिस मत्तादु मंता, ताना लोप्पा पहली मंजिल नव-जनवादी क्रांति आंदु। इदु विशेषता चीन ता अन्दरूनी राजनीतिक ओसो आर्थिक संबंध लोप्पा खुद किन ठोस रूप ते बद्रम तोहिंता? वाटु माटु इदु सवाल पोर्रो आल्सकाल।

1919 ता 4 मई आंदोलन तुकू मूने (इदु प्रथम साम्राज्यवादी विश्वयुद्ध ओसो 1917 ता रूसी अक्तूबर क्रांति पेरके ताकता), पूँजीवादी-जनवादी क्रांति ता राजनीतिक नेतृत्व निम्न-पूँजीपति वर्ग ओसो पूँजीपति वर्ग (तना बुद्धिजीवी लोरा संगे) कित्ता। चीनी सर्वहारा वर्ग अस्के एवनल जागृत ओसो स्वाधीन वर्ग-ताकत ता रूप ते राजनीतिक मैदान लोप्पा वायवा मत्ता, अदु क्रांति लोप्पा निम्न-पूँजीपति वर्ग ओसो पूँजीपति वर्ग किन अमल कियानोरा रूप ते शामिल आसी मत्ता। 1911 ता क्रांति ताकनास्के सर्वहारा वर्ग ता परिस्थिति वेने इद्रमे मत्ता।

4 मई आंदोलन पेरके, चीन ता पूँजीवादी-जनवादी क्रांति ता राजनीतिक नेतृत्व पूँजीपति वर्ग कैदे आयवा सर्वहारा वर्ग कैदे वासी मत्ता, मति अस्के एवनल वेने राष्ट्रीय पूँजीपति वर्ग ता क्रांति लोप्पा हिस्सा एतनादु जारी मत्ता। चीनी सर्वहारा वर्ग तना अटलता ओसो रूसी क्रांति ता प्रभाव ता कारण ते वेल्ले स्पीड ते जागृत ओसो स्वाधीन राजनीतिक ताकत बनेमातू। इद्रम “साम्राज्यवाद ता नाश आयना” इंजी नारा केयना, ओसो संपूर्ण पूँजीवादी-जनवादी क्रांति काजे उंदी बेसता प्रोग्राम पेश कियाना ओसो भूमि-क्रांति किन सफल कियाना काम सिर्फ चीनी कम्युनिस्ट पार्टीए किया परिंता।

उंदी औपनिवेशिक, अर्ध-औपनिवेश देश ता पूँजीपति वर्ग किन साम्राज्यवाद उत्पीडित किसोर मत्ता कारण ते, चीन ता राष्ट्रीय पूँजीपति वर्ग विदेशी साम्राज्यवादिर ओसो नौकरशाह, युद्ध-सरदार लोरा स्थानीय सरकार कुना विरोध कियाना लोप्पा (इद्रम ता स्थानीय सरकार कुना विरोध कियाना उदाहरण 1911 ता क्रांति ओसो उत्तरी अभियान कालम ते दोरकिंतांग, साम्राज्यवाद युग ते वेने उचुन खास समय ते ओसो उंदी खास समय एवनल तना क्रांतिकारी गुण किन बचे कीसि तासिंता, ओसो विरोध कियाला तैयार मंदाना दुश्मन ता खिलाफ सर्वहारा वर्ग ओसो निम्न-पूँजीपति वर्ग संगे एकता किया परिंता। इद्रम ता दृष्टिकोण ते चीन का पूँजीपति वर्ग पाड़ना जारशाही रूस ता पूँजीपति वर्ग तुक अलग मंता। बारांक इतेके पाड़ना जारशाही रूस उंदी फौजी-सामंती साम्राज्यवाद मत्ता ओसो दूसरा देशकुना पोर्रो आक्रमण कियानदु,

अदिन काजे रूसी पूँजीपति वर्ग लोप्पा क्रांतिकारी गुण ता वेल्ले कमी मत्ता। अगा सर्वहारा वर्ग काम पूँजीपति वर्ग ता विरोध कियाना मत्ता, ताना संगे एकता कियाना आयो। मति चीन उंदी औपनिवेशिक ओसो अर्ध-औपनिवेशिक देश आंदू, अदु दूसरोरा आक्रमण कुना शिकार बनेमाया मंता, अदिन के अदिना राष्ट्रीय पूँजीपति वर्ग लोप्पा उचुन खास समय ते ओसो उंदी खास समय एवनल क्रांतिकारी गुण कु मंदितांग। इगा सर्वहारा वर्ग ता काम राष्ट्रीय पूँजीपति वर्ग ता क्रांतिकारी गुण किन नजरअंदाज कियवा लेवा साप्राज्यवाद ता ओसो नौकरशाह, युद्ध-सरदार लोरा सरकार कुना खिलाफ उंदी संयुक्त मोर्चा बने कियाना मंता।

मति इदिना संगेने उंदी औपनिवेशिक, अर्ध-औपनिवेशिक देश ता पूँजीपति वर्ग मत्ता कारण ते ओसो आर्थिक, राजनीतिक दृष्टिकोण ते वेल्ले कमजोर मत्ता कारण ते चीन ता राष्ट्रीय पूँजीपति वर्ग ता ओसो उंदी गुण मंता, अदु क्रांति ता दुश्मन संगे सुलह-समझौता कियाना रुझान। क्रांति लोप्पा शामिल आयनास्के वेने अदु साप्राज्यवाद संगे पूराए संबंध देहला काजे तैयार मन्नो आंता, इदे आयवा ग्रामीण इलाकांग लोप्पा लगान वसूल कियाना लेकाटा शोषण संगे इद वर्ग ता वेल्ले गर्ने ता संबंध मंदिता। अद्रमासी इदु साप्राज्यवाद किन मोदोल तिंची तेहकसी वाटला तैयार मन्नो आंता, सामंती ताकत किन पूराए तेहकसी वाटाना इत्तेके वेल्ले जेक ता पोल्लो आंता। अद्रमासी इदु राष्ट्रीय पूँजीपति वर्ग चीन ता पूँजीवादी-जनवादी क्रांति तारेंडासी बुनियादी समस्यांग ओसोरेंडासी काम कुना लोप्पाटल उंदी किन वेने हल किया परवो आंता। चीन ता बेहरा पूँजीपति वर्ग ता संबंध किन हूँडितेके, इदिना प्रतिनिधित्व क्वोमिंगतांग कींता, अदु 1927 तिंची 1937 एवनल पूरा साप्राज्यवाद कैदे मत्ता ओसो सामंती ताकत कुना संगे एकता कीसि क्रांतिकारी जनता ना विरोध कित्ता। 1927 पेरके उचुन समय एवनल चीन ता राष्ट्रीय पूँजीपति वर्ग वेने प्रतिक्रांति ता पालन कित्ता। वर्तमान जापानी-आक्रमण-विरोधी युद्ध ताकनास्के, वांग चिंग-वेइ ना नेतृत्व ते ताकना बेहरा पूँजीपति वर्ग ता उंदी हिस्सा दुश्मन मुन्ने हंजी आत्मसमर्पण कित्ता, इदु बेहरा पूँजीपति वर्ग ता दूसरा धोखा आंदू। इद हिसाब ते चीन ता पूँजीपति वर्ग योरोपीयन ओसो अमरीकी देशकु ओसो खासकर फ्रांस ता मुन्नेटा पूँजीपति वर्ग तुक अलग मंता। अद देशकुना लोप्पा खासकर फ्रांस ते बस्के पूँजीपति वर्ग क्रांतिकारी युग तेने मत्ता, अस्के अदिना लोप्पा पूँजीवादी क्रांति तुलनात्मक रूप ते पूर्ण मत्ता लेकका मत्ता। मति चीन ता पूँजीपति वर्ग लोप्पा इद्रमता पूर्णता ना कमी मंता।

उंदी बगिल क्रांति लोप्पा शामिल आयना संभावना ओसो दूसरा बगिल क्रांति ता दुश्मन संगे समझौता कियाना रुझान - चीन ता पूँजीपति वर्ग ता चरित्र इद्रम रेंडु रकम ता मंता, इदु रेंडो बगिल डुलमुल रुझान तेने मंदिता। यूरोपीय ओसो अमरिका ता इतिहास लोप्पा वेने पूँजीपति वर्ग इदे रेंडु रकम ता चरित्र ता भागीदार मत्ता। इदु मजबूत दुश्मन ता सामना आतास्के दुश्मन ता विरुद्ध मजदूर ओसो किसान लोरा संगे एकता कियानदु ओसो मजदूर अनि किसान लोरा जागृत आतास्के, वापिस मिंडिंसी मजदूर ओसो किसान लोरा खिलाफ दुश्मन संगे एकता कियानदु। इदु पूँजीपति वर्ग पोर्णे लागू आयना पूरा दुनिया लोप्पाटा आम नियम आंदू, मति चीन ता पूँजीपति वर्ग लोप्पा इदु लक्षण वेल्ले तीव्र रूप एतसी मंता।

चीनी लोप्पा बोरु साम्राज्यवाद ओसो सामंती ताकत किन तेहकसी वाटला काजे जनता ना नेतृत्व किया परिंतोरो औरे जनता ना विश्वास दोरकी किया परिंता इंदाना पोल्लो स्पष्ट आत्ता। बारांकु इत्तेके इव रेंडासी इत्तेके साम्राज्यवाद ओसो सामंतवाद ओसो खासकर साम्राज्यवाद इत्तेके जनता ना वेल्ले बेहरा दुश्मन आंदू नेंडु, बोराई जापानी साम्राज्यवाद किन खत्म कियाना लोप्पा नेतृत्व किया परिंतोरो ओसो जनवादी सरकार ता स्थापना किया परिंतोरो, औरे जनता ना रक्षक बनेमाया परिंतोरा। चीन ता पूँजपति वर्ग इद जिम्मेदारी किन पूरा किया परवो इंजी इतिहास लोप्पा साबित आता, इदु जिम्मेदारी अनिवार्य रूप ते सर्वहारा वर्ग पोर्णे वात्ता।

अदिन काजे सर्वहारा वर्ग, किसान, बुद्धिजीवी ओसो निम्न-पूँजीपति वर्ग ता उचुक हिस्सांग जरूर चीनी जनता ना पिस्वल ता बारे ते निर्णय कियाना बुनियादी ताकतकु आंदुगा। इव वर्ग कुना लोप्पाटल उचुन वर्कु जागृत आत्ताद मंता ओसो उचुक जागृत आया मंतांग। इवु अनिवार्य रूप ते चीन ता जनवादी गणराज्य लोप्पा राजसत्ता ओसो सरकारी ढांचा ता बुनियादी संघटक अंग बनेमायनुंग, इविना नेतृत्वकारी ताकत सर्वहारा वर्ग मंदियरा। माटु स्थापना कियाला आल्सोर मत्ता चीन जनवादी गणराज्य सर्वहारा वर्ग ता नेतृत्व ते सब्बे साम्राज्यवाद-विरोधी ओसो सामंतवाद-विरोधी लोकुरा संयुक्त नेतृत्व ते उंदी जनवादी गणराज्य लेकका मंदाना, इत्तेके उंदी नव-जनवादी गणराज्य लेकका मंदाना। अदिना मूँड महान नीतिंग किन लागू किसोरे सही क्रांतिकारी पूनांग मूँड जन-सिद्धांत वाले गणराज्य लेकका मंदाना।

इदु नव-जनवादी गणराज्य उंदी बगिल पूँजीपति वर्ग ता नेतृत्व ते पाड़ना यूरोपीय-अमरीकी तरीका ते पूँजीवादी गणराज्य तुकु अलग मंदिता, इदु वेल्ले पाड़ना आसी मत्ता पाड़ना जनवादी गणराज्य आंदू। दूसरा बगिल इदु सर्वहारा वर्ग ता नेतृत्व

ते सोवियत तरीका ते समाजवादी गणराज्य तुकू वेने अलग मंदिता, बारांकु इत्तेके इदु सोवियत समाजवादी लोकतंत्र लोप्पा पूयसोर-पंडसोर मंता ओसो सब्बे पूजीवादी देशकुना लोप्पा वेने स्थापित आयार ओसो औप्योगिक रूप ते उन्नत मंदाना सब्बे देशकुना लोप्पा राजसत्ता ओसो सरकारी ढांचांग ना प्रधान रूप बनेमायारा मति उंदी खास ऐतिहासिक समय ते इदु औपनिवेशिक ओसो अर्ध-औपनिवेशिक देश कुना क्रांतिंग काजे सही हिल्लो अस्के सब्बे औपनिवेशिक ओसो अर्ध-औपनिवेशिक देशकुना क्रांतिंग लोप्पा राज्य ता उंदी तीसरा रूप इत्तेके नव-जनवादी गणराज्य किने लागू कियाना। इद उंदी खास ऐतिहासिक समय काजे सही रूप आंदू अदिन काजेने उंदी शुरुआती रूप वेने आंदू, इद उंदी वेल्ले जरूरी रूप आंदू इदिनगाडल पिस्सा परमङ्गाया परवो।

इद्रम दुनिया लोप्पा बचोनो रकम ता राज्य-तंत्र किन अविना राजनीतिक सत्ता ता वर्ग-स्वरूप ता अनुसार मूँड बुनियादी श्रेणी ने तासमूँडांताः 1. पूजीपति वर्ग ता नेतृत्व वाले गणराज्य, 2. सर्वहारा वर्ग नेतृत्व वाले गणराज्य, ओसो 3. कई क्रांतिकारी वर्ग कुना संयुक्त नेतृत्व वाले गणराज्य,

पहली श्रेणी लोप्पा पाड़ना जनवादी गणराज्य मंता। नेंडु दूसरी साम्राज्यवादी युद्ध शुरू आता पेरके बचोनों पूजीवादी देशकुना लोप्पाटा पूजीपति वर्ग कुना बेयल सैन्यवादी नेतृत्व ता शासन लोप्पा मंता ओसो वाया मंता, जनवाद ता चिन्ह उचुन वेने हिल्लो। जर्मांदार ओसो पूजीपति वर्ग ता संयुक्त नेतृत्व वाले उचुन देशकुन वेने इदे श्रेणी लोप्पा तासमूँडांता।

दूसरा श्रेणी लोप्पाटा राज्य सोवियत संघ लोप्पा वांता, पूजीवादी देशकुना लोप्पा इदिना जन्म आयना परिस्थितिंग बनेमाया मंतांग। वायाना कालम ते उंदी खास समय काजे इद रूप पूरा दुनिया लोप्पा राज्य ता प्रधान रूप बनेमायरा।

तीसरा श्रेणी लोप्पा औपनिवेशिक ओसो अर्ध-औपनिवेशिक देश कुना क्रांतिंग लोप्पा लागू कियाना राज्य ता शुरुआती रूप मंदिता। इव क्रांतिंग लोप्पा सब्बेटविना अनिवार्य रूप ते तन्ना खुद ता विशेषतांग मंदितांग, मति आम विषय ता दृष्टिकोण ते इविना लोप्पा केवल सुडला-बेहरा विभिन्नतांग मंदितांग। बस्के एवनल इव औपनिवेशिक ओसो अर्ध-औपनिवेशिक देशकुना क्रांतिंग मंदितांग अस्के एवनल इविना राजसत्ता, सरकारी ढांचांग ना रूपकु बुनियादी रूप ते उंदी लेक्का मंदितांग, इत्तेके बचोनो साम्राज्यवाद-विरोधी वर्ग कुना संयुक्त नेतृत्व ते उंदी नव-जनवादी राज्य मंदिता। नेंडु चीन लोप्पा, जापान-विरोधी संयुक्त मोर्चा ता नव-

जनवादी रूप ताना प्रतिनिधित्व कींता। इदु जापान-विरोधी ओसो समाजवाद-विरोधी आंदू। इदु संयुक्त मोर्चा वेने आंदू, बचोनो क्रांतिकारी वर्ग कुना उंदी एकता वेने आंदू। इव सब्बे मतेकाई प्रतिरोध-युद्ध वेल्ले कालम तिंची ताकसोर मतेकाई, जनवाद किन लागू कियाना काम, कम्युनिस्ट पार्टी ता नेतृत्व वाले जापान-विरोधी जनवादी आधार-इलाकांग किन विडसी, देशता ज्यादातर हिस्सांग वेल्ले मुश्किल ते शुरू आतांग, ओसो इद बुनियादी कमजोरी ता फायदा एतसी जापानी साम्राज्यवाद वेल्ले बेहरा-बेहरा डाका वाटसोर मना देश लोप्पा नेंगता। इदिना बाताले किवेके मना देश वायना कालम गंभीर खतरा ते अरिंता।

इगा चर्चा कियाना विषय “राज्य-तंत्र” ता सवाल आंदू छिंग राजवंश ता आखरी सालकुनल पोयसी बचोनो दशाब्दिंग ना वाद-विवाद आता पेरके वेने इद सवाल इंजे एवनल हल आत्ताद हिल्लो। असल इत्तेके इद केवल राज्य लोप्पा विभिन्न सामाजिक वर्ग कुना समस्या किन मक्की कींता ओसो “राष्ट्रीय” ता लेबल लोप्पा तन्ना एकवर्गीय तानाशाही ताकी कींता। इदु क्रांतिकारी जनता काजे बिल्कुले फायदा हिल्ले ओसो इद समस्या किन स्पष्ट रूप ते अदिन समझे किसियाना “राष्ट्रीय” पोर्ऱेल बेसे मंता, मति तीना लोप्पा प्रतिक्रांतिकारीर ओसो देशद्रोहीर किन बिल्कुले शामिल किया परमूडायो। नेंदु बद रकम ता राज्य जरूरत मंतायो अदु प्रतिक्रांतिकारीर ओसो देशद्रोहीरा पोर्ऱे सब्बे क्रांतिकारी वर्ग कुना अधिनायकत्व आंदू।

आधुनिक राज्य कुना जनवादी व्यवस्था पोर्ऱे पूंजीपति वर्ग ता एकाधिकार मंता ओसो इद केवल आम लोकुर किन उत्पीडित कियाना साधन लेक्काने बनेमात्ता। इदिना उल्टा क्वोमिंगतांग ता जनवाद ता सिद्धांत इत्तेके जनवाद लोप्पा वरोर-इरुवारा निजी मालिकना आयवा सब्बे आम लोकुरा हिस्सा मंदाना इंजी मंता

इदु गंभीर ऐलान क्वोमिंगतांग ता प्रथम राष्ट्रीय कांग्रेस ता इत्तेके क्वोमिंगतांग-कम्युनिस्ट एकता आयानास्के 1924 ते घोषणापत्र लोप्पा कित्ताद मत्ता। हत्ता सोलाह सालकुनल खुद क्वोमिंगतांग इद ऐलान ता उल्लंघन किया मंता ओसो अदिना कारण ते अदु वर्तमान गंभीर राष्ट्रीय संकट पुढ़ी कित्ता। इद अदिना उंदी बेहरा गलती आंदू, माटु जापानी-आक्रमण-विरोधी युद्ध ता शुद्धीकरण लोप्पा अदु खुद किन सुधेरे कींता इंजी आशा किया मंतोमा।

“शासन-तंत्र” ता सवाल किन हूड़तेके, अदिना संबंध राजनीतिक सत्ता किन बद्रम संगठित कियमूँडांता इंदा पोल्लो संगे मंता, इतेके बदे सामाजिक वर्ग तन्ना दुश्मन ता विरोध ते ओसो तन्ना रक्षा कियाला काजे राजनीतिक सत्ता ता संगटन किन बद्रम संगठित कींता। अदिना प्रतिनिधित्व कियाला काजे राजनीतिक सत्ता ता सही यंत्र हिल्वा लेक्काटा बदे राज्य हिल्ले। चीन इंजे राष्ट्री जन-प्रतिनिधि सभा तल पोयसी प्रांतीय, काउन्टी, जिला ओस श्यांग जन-प्रतिनिधि सभा एवनल विभिन्न स्तर ता जन-प्रतिनिधि सभांग वाले व्यवस्था किन लागू किया परिंता, ताना सब्बे स्तर ता तन्न-तन्न सरकारी संगटनकुना चुनाव कियाना। मति राज्य लोण्णा हर क्रांतिकारी वर्ग ता अनुसार सही प्रतिनिधित्व कियाना मत्तेके, जनता ना इच्छा ता पातलन कियानास्के, क्रांतिकारी संघर्ष ता सही मार्गदर्शन कियानास्के ओसो नव-जनवाद ता विचार किन लागू कियानास्के, लिंग इतेके महिला-पुरुष, आस्था, सम्पत्ति ओसो शिक्षा लेक्काटाविना लोण्णा भेदभाव किवा लेवा उंदी निज्जम ता व्यापक ओसो समान अधिकार वाले व्यवस्था लागू कियाना। जनवादी केंद्रीयता ता व्यवस्था इद्रमें मंदिता। केवल जनवादी केंद्रीयता पोर्रे आधार आसी मत्ता सरकारे सब्बे क्रांतिकारी लोकुरा इच्छांग किन पूरा किया परिंता ओसो क्रांति ता दुश्मन खिलाफ सबसे ज्यादा ओसो असरदार तरीका ते लड़ेमाया परिंता। सरकार ओसो सेना लोण्णा “उचुन लोकुरा निजी मालीकाना अधिकार” मत्तांकु इनकार कियाना विचार जरूर मंदिता। उंदी सही जनवादी व्यवस्था लेवा इद लक्ष्य किन पूरा किया परमूडायो ओसो शासन-तंत्र ओसो राज्य-तंत्र नड़मा एकता आया परवो आयारा।

राज्य-तंत्र इतेके क्रांतिकारी वर्ग कुना संयुक्त नेतृत्व, ओसो शासन-तंत्र इतेके जनवादी केंद्रीयता- नवजनवाद ता राजनीति, नवजनवाद ता गणराज्य, जापान विरोधी संयुक्त मोर्चा खिलाफ गणराज्य, मंडु नीतिंग किन अमल कियाना मंडु पूना जन-सिद्धांत वाले गणराज्य, उंदी मजबूत चीन गणराज्य किन संगठित कींतांग। नेंडु मावगा पोर्रेलतुके चीन गणराज्य मंता मति असल इतेके हिल्ले, मना वर्तमान काम उंदी असली गणराज्य ता निर्माण कियानादु मंता।

जापानी आक्रमण ता खिलाफ लड़ेमायला क्रांतिकारी चीन जरूर आन्तरिक राजनीतिक संबंध स्थापित कियाना, इंजे “राष्ट्रीय निर्माण” कियाना ता मना वर्तमान काम काजे केवल इदे उंदी सही दिशा आंदू।

## 6. नवजनवादी आर्थिक व्यवस्था

चीन लोप्पा इद्रम ता गणराज्य ता स्थापना कियाना इतेके, अदिन किन तना राजनीतिए आयवा तना आर्थिक व्यवस्था लोप्पा वेने नवजनवादी आया लागियरा।

बेहरा बैंक ओसो उद्योग-वाणिज्य ता बेहरा-बेहरा कारोबार कुना मालिकाना अधिकार तना कैदे पोया लागियरा।

बैंक, रेल, हवाई जहाज लेककाटा बेहरा सब्बे चीन ता देशी-विदेशी निजी कारोबार किन सरकार तना कैदे तासना। इद्रम कित्तेकेने निजी पूँजीवाद जनता ना आर्थिक पिस्वल किन नियंत्रित किया परवो आयार। इदे पूँजी किन नियंत्रित कीसि तासना मुख्य उसूल आंदू।

इदु क्वोमिंगतांग-कम्म्युनिस्ट एकता आयानास्के आता क्वोमिंगतांग ता प्रथम राष्ट्रीय कांग्रेस ता घोषणापत्र लोप्पा कित्ता गंभीर ऐलान आंदु। ओसो इदु नवजनवादी गणराज्य ता आर्थिक ढांचा काजे उंदी सही नीति वेने आंदू। सर्वहारा वर्ग ता नेतृत्व वाले नवजनवादी गणराज्य लोप्पा राजकीय अर्थ व्यवस्थ ता स्वरूप समाजवादी मंदिता ओसो अदु पूरा राष्ट्रीय अर्थ व्यवस्था लोप्पा नेतृत्वकारी ताकत मंदिता, मति इदु गणराज्य साधारण पूँजीवादी निजी सम्पत्ति किन जब्त कीवो आंता ओसो “जनता ना आर्थिक पिस्वल किन नियंत्रित” कीवा मंदाना पूँजीवादी उत्पादन विकास पोर्हे वेने पाबंदी वाटो आंता, बारांकु इतेके चीन ता अर्थ व्यवस्था इंजे वेने वेल्ले पेरके अरसी मंता।

इदु गणराज्य जर्मींदार लोरा जमीन किन जब्त कियाना ओसो अदिन भूमिहीन किसान ओसो वेल्ले कम जमीन मंदाना किसान लोप्पा तूसला काजे जरूरी कदम तेहिंता, “पुहतानोनके जमीन” ता नारा डा. सुन यात-सेन लागू कियानूर, ग्रामीण इलाकांग लोप्पा सामंती संबंध किन खत्म कियानूर ओसो जमीन पोर्हे किसान लोरा निजी अधिकार निल्पी कियानोरु। ग्रामीण इलाकांग लोप्पा धनी किसा लोरा अर्थ व्यवस्था अस्तित्व ते मंदाना ता अनुमति मंदिता। “जमीन ता मालिकाना अधिकार ता समानीकरण” ता नीति इद्रमे मंता। “पुहतानोनके जागा” ता नारा इद नीति ता सही नारा आंदु। आम रूप ते इद मंजिल ते समाजवादी कृषि ता स्थापना कियमूँडायो, मति “पुहतानोनके जागा” ता नारा पोर्हे आधार आसी विकसित आयना बचोनो रकम ता सहकारी संस्थांग लोप्पा समाजवाद ता रुझानकु मंदितांग।

चीन ता अर्थ व्यवस्था किन “पूँजी किन नियंत्रित” ओसो “जमीन ता मालिकाना अधिकार ता समानीकरण” हर्दे विकसित कियाना, ओसो “उचुन लोकुरा

निजी मालिकाना” किन बिल्कुले खत्म किसियाना। माटु उचुन पूँजीपतिर ओसो जर्मांदार लोर किन “जनता ना आर्थिक पिस्वल किन नियंत्रित कियाना” अधिकार बिल्कुले हियानायो। माटु यूरोपीयन-अमरीकी रकम ता पूँजीवादी समाज ता स्थापना इनपडे कियानायो। ओसो पाड़ना अर्ध-सामंती समाज वेने मोदोल तिंचिए खत्म कीसियाना। बोरु इदु प्रगति दिशा ता खिलाफ दायला कोशिश कियानू ओरु पक्का असफल आयानू।

क्रांतिकारी चीन किन जापानी आक्रमण खिलाफ लड़ेमायना लेक्काटा चीन लोप्पा निल्पी कियाना ओसो अनिवार्य रूप ते निल्पी किया लागियरा। आन्तरिक आर्थिक संबंध इद्रमें मंतांग।

इदे नवजनवाद ता अर्थ व्यवस्था मंता।

नवजनवाद ता राजनीति असलते नवजनवादी अर्थव्यवस्था ताए केंद्रित अभिव्यवक्ति मंता।

## 7. पूँजीपति वर्ग ता अधिनायकत्व ता खंडन

पूरा देश लोप्पा 90 प्रतिशत तुकू ज्यादा लोकुर नवजनवादी राजनीति ओसो नवजनवादी अर्थव्यवस्था मंदना गणराज्य ता पक्ष ते मंतोरा। इदे आयवा दूसरा बदे हर्ही हिल्लो।

पूँजीपति वर्ग ता अधिनायकत्व मंदना पूँजीवादी समाज ता स्थापना हर्दे दायानाया? इंगो, पक्का दायना, इदु योरोपीय ओसो अमरीकी पूँजीपति वर्ग लागू कियाना पाड़ना हर्ही आंदू। मति अंतर्राष्ट्रीय परिस्थिति ओसो स्थानीय परिस्थिति चीन किन इद्रम कियाना अनुमति हीवो।

अंतर्राष्ट्रीय परिस्थिति ता दृष्टिकोण ते इदु बंद आत्ताद मंता। वर्तमान अंतर्राष्ट्रीय परिस्थिति पूँजीवाद ओसो समाजवाद नड़मा संघर्ष ता परिस्थिति मंता, तीना लोप्पा पूँजीवादी मुट्सोरे मंता ओसो समाजवाद तेदसोरे मंता। मुने अंतर्राष्ट्रीय पूँजीवाद, इत्तेके साप्राज्यवाद, चीन लोप्पा पूँजीपति वर्ग ता नेतृत्व वाले पूँजीवादी समाज ता स्थापना आयाला हीवो आंदू। आधुनिक चीन ता इतिहास चीन पोर्हे साप्राज्यवादी आक्रमण ता चीन ता स्वाधीनता ओसो अदिना पूँजीवादी विकास ता बारे ते साप्राज्यवादी विरोध ताए इतिहास मंता। चीन लोप्पा मुने टा क्रांतिग विफल आतांग बारांकु इत्तेके साप्राज्यवाद अदिन किन नुकसान कित्ता, ओसो इदिना लोप्पा

वेल्ले क्रांतिकारी लड़ेमासोरे शहीद आत्तोरा नेंदु, उंदी शक्तिशाली जापानी साम्राज्यवाद चीन लोप्पा जबरदस्ती नेंगा मंता ओसो अदिन उंदी उपनिवेश देश लेकका बदले किया मंता। मना देश लोप्पा चीनी पूंजीवाद ता विकास कियवा लेवा जापान जापानी पूंजीवाद ता विकास किया मंता। ओसो मना देश लोप्पा चीनी पूंजीपति वर्ग आयवा जापानी पूंजीपति वर्ग ता अधिनायकत्व ताका मंता। इदु कालम ते साम्राज्यवाद डोल्ला मंता इंदाना पोल्लो निज्जमे। “साम्राज्यवाद डोल्सोरे मत्ता पूंजीवाद आंदू”<sup>५</sup>। मति अदु डोल्ला मंता, अदिन काजे तन्ना जिंदा मंदाला काजे अदु उपनिवेश ओसो अर्ध-उपनिवेश कुना पोर्हे वेल्ले निर्भर आसी मंता। बदे वेने उपनिवेश ओसो अर्ध-उपनिवेश किन तन्ना पूंजीपति वर्ग ता अधिनायकत्व मंदना पूंजीवादी समाज ता स्थापना कियाना अनुमति हिल्लो। अदिन काजे जापानी साम्राज्यवाद गंभीर आर्थिक ओसो राजनीतिक संकट ते फंसे मात्ता, इतेके अदु डोल्ला मंता। अदिन काजे अदु जरूर चीन पोर्हे आक्रमण कियार, अदिन जरूर उंदी उपनिवेश लोप्पा बदले कियार, इद्रम कीसिए चीन लोप्पा पूंजीपति वर्ग ता अधिनायकत्व ता स्थापना कियाना ओसो राष्ट्रीय पूंजीवाद ता विकास हर्ही किन बंद कीसियर।

दूसरा समाजवाद इदिना अनुमति हीवो आंता। दुनिया ता सब्बे साम्राज्यवादी ताकतकु मना दुश्मन आंदुंगा। समाजवादी देश ओसो अंतर्राष्ट्रीय सर्वहारा वर्ग ता सहायता लेवा चीन तन्ना आजादी दोरकी किया परवो। इतेक अदु सोवियत संघ ता सहायता लेवा ओसो जापान, ब्रिटेन, अमरीका, फ्रांस, जर्मनी ओसो इटली ता सर्वहारा वर्ग तन्ना-तन्ना देश लोप्पा पूंजीवाद विरुद्ध संघर्ष कीसि कियाना सहायता लेवा आजादी दोरकी किया परवो। चीनी क्रांति ता जीत इव सब्बे देश कुना ओसो इविना लोप्पाटल उंदी या रेंडु देश कुना क्रांति ता जीत पेरके आयार इंजी बोरे वेहा परवोर, मति सर्वहारा वर्ग ता ताकत लेवा माटु जीडा परवोम इंदाना पोल्लो पोर्हे बदे डावुट हिल्लो। खासकर सोवियत संघ ता सहायता प्रतिरोध-युद्ध लोप्पा चीन ता आखरी जीत काजे वेल्ले जरूरी मंता। सोवियत संघ ता सहायता तुकू इनकार कीतके क्रांति विफल आयारा। 1927 पेरके सोवियत संघ-विरोध अभियानकुना<sup>६</sup> लोप्पाडल असाधारण रूप ते स्पष्ट सबक दोरकोंगा? दुनिया नेंदु क्रांतिंग ओसो युद्ध कुना इंदी पूना युग लोप्पा मंता, अदिना लोप्पा पूंजीवाद बदे डावुट हिल्वा पक्का डोल्ला मंता ओसो समाजवाद बिना डावुट हिल्वा पूया-पंडा मंता। इव परिस्थितिंग लोप्पा, चीन ते साम्राज्यवाद ओसो सामंतवाद किन हारे कित्ता पेरके, पूंजीपति वर्ग ता

अधिनायकत्व मंदना पूँजीवादी समाज ता स्थापना कियाना विचार अंगड़म आयो या?

प्रथम साम्राज्यवादी विश्वयुद्ध ओसो अक्कूबर क्रांति पेरके उचुन विशेष परिस्थितिंग (ग्रीक आक्रमण किन पेरके अरहला काजे पूँजीपति वर्ग सफलता दोर्की कियाना ओसो सर्वहारा वर्ग ता कमजोर आयाना) ना कारण ते पूँजीपति वर्ग ता कमालवादी नेतृत्व ते सुडला तुर्की ता<sup>7</sup> जन्म आता। मति दूसरी विश्व युद्ध पेरके ओसो सोवियत संघ लोप्पा समाजवादी निर्माण पूरा आता पेरके, बदे दूसरा तुर्की बनेमाया परवो, 45 करोड़ आबादी मंदाना “तुर्की” बद्रम कीतेकाई बनेमाया परवो। चीन ता विशेष परिस्थितिंग (पूँजीपति वर्ग ता कमजोरी, अदिना सुलह-समझौतांग ना रुझानकु ओसो सर्वहारा वर्ग ता कमजोरिंग ओसो अदिना क्रांतिकारी रुझानकु) ना कारण ते चीन लोप्पा तुर्की लेक्काटा घटनांग आया परवोंग आंतांग। 1927 लोप्पा प्रथम महान क्रांति विफल आता पेरके चीन ता पूँजीपति वर्ग ता सदस्यलोर कमालवाद काजे कोलोर पोयोरा? मति चीन ता कमाल बेगा मंता? ओसो चीन ता पूँजीपति वर्ग ता नेतृत्व ओसो पूँजीवादी समाज बेगा मंता? इदे आयवा, कमालवादी तुर्की किन बेने आंगल-फ्रांसीसी साम्राज्यवाद कैदे वाटा लगाता, अदु दिय्या-दिय्या तुकु उंदी अर्ध-उपनिवेश ओसो प्रतिक्रियावादी साम्राज्यवादी दुनिया ता हिस्सा बनमासोर दाया मंता। नेटा अंतर्राष्ट्रीय परिस्थिति लोप्पा उपनिवेश ओसो अर्ध-उपनिवेश कुना “योद्धा” लोर साम्राज्यवाद ता मोर्चा ते दांतोर ओसो विश्व-प्रतिक्रांति ता ताकत कुना अंग बनेमासिंतोर, या साम्राज्यवाद-विरोधी मोर्चा ते दांतोर ओसो विश्व-क्रांति ता अंग बनेमासिंतोर। इव रेंडासी ना लोप्पाटल बदे उंदी किने लागू किया लागियर, बारांकि इतेके तीसरा हर्री बदे हिल्ले।

स्थानीय परिस्थिति ता दृष्टिकोण ते चीनी पूँजीपति वर्ग किन इंजे एवनल सबक एतना मंता। सर्वहारा वर्ग ता ओसो किसान वर्ग ओसो निम्न-पूँजीपति वर्ग ता उचुक हिस्सांग ना जन-समुदाय कुना ताकत 1927 ता क्रांति किन जीड़ना स्तर ते एवसी कित्ता, अस्केने चीन ता पूँजीपति वर्ग, बेहरा पूँजीपति वर्ग ता नेतृत्व ते व्यापक जन-समुदाय किन उंदी बगिल वाटसी क्रांति तिंची दोरकना फायदा अदु खुद एतिता, साम्राज्यवाद ओसो सामंती ताकतकुना संगे प्रतिक्रांतिकारी गठजोड़ बनेकित्ता अनि दस साल एवनल “कम्युनिस्ट लोरा विनाश कियाना” युद्ध लोप्पा पूरा जोर वाटता। मति इद्रम कितेकाई बाता फायदा? नेंदु उंदी शक्तिशाली दुश्मन मना भूमि पोर्रो लोप्पा एवनल नेंगतादु मंता ओसो हत्ता रेंडु सालकुनल जापानी-आक्रमण-विरोधी युद्ध

ताका मंता, इदु इंजे वेने योरोप ओसो अमरीका पूँजीपति वर्ग ता पाड़ना तरीकांग ना नकल कियाना कोशिश कियाना या? “दस साल एवनल कम्युनिस्ट लोरा विनाश” कितेकाई इदु “विनाश” तिंची पूँजीपति वर्ग ता नेतृत्व मंदाना बदे पूँजीवादी समाज अस्तित्व ते वाताद हिल्लो। इद्रम ओसो उंदी बेरा कोशिश कियाना संभव मंताया? “दस साल एवनल कम्युनिस्ट लोरा विनाश कीसि” इद “विनाश” तिंची “उंदी दल ता नेतृत्व” अस्तित्व ते वातादु निज्जमे, मति इदु उंदी अर्ध-औपनिवेशिक ओसो अर्ध-सामंती नेतृत्व आंदू। इदे आयवा “कम्युनिस्ट लोरा विनाश कियाना” चार सालकु (1927 तिंची 18 सितम्बर 1931 ता घटना एवनल) ना आखिरी ते इद “विनाश” तिंची “मंचूक्वो” अस्तित्व ते वाता ओसो छै साल कुना “विनाश” पेरके, 1937 लोप्पा जापानी साम्राज्यवादी चीन ता लम्बा दीवाल ता दक्षिण बगिल नेंगतोरा नेंडु ओसो उंदी दशबदी एवनल “विनाश” विना कियाना जारी तासना इतेके उंदी पूना रकम ता “कम्युनिस्ट लोरा विनाश” किया लागियर, इदु विनाश पाड़ना विनाश तुकु उचुन अलग मंदियरा मति बोराई स्पीड ते ताकना मानेय “कम्युनिस्ट लोरा विनाश” कियाना इद पूना काम किन वेल्ले जल्दी ओसो साहस संगे कैदे पोयतोरा? इंगे, वीरू वांग चिंग-वेइ आंदुर, वेर पूनोर रकमतोर ओसो सब्बेतोर पुत्ता-मानेमात्ता कम्युनिस्ट-विरोधी मानेय बनेमातोरा। ओना ग्रुप लोप्पा बोराई शामिल आयला आल्सा मंतोरो ओरु खुशी-खुशी शामिल आया परिंतोर, मति पूँजीपति वर्ग ता अधिनायकत्व ते पूँजीवादी समाज, कमालवाद, उंदी आधुनिक राज्य, एकदलीय नेतृत्व, “एक वाद” ता सिद्धांत लेक्काटविना बारे ते वडकनास्के लज्जा हिल्वा लेक्का आंता? बोराई वांग चिंग-वेइ ग्रुप लोप्पा शामिल आयवा लेवा जापान-विरोधी लोरा शिविर लोप्पा वायला आलिसंतोर मति ताना संगे-संगे उंदी बेरा युद्ध लोप्पा सफलता दोरकातास्के ओरु जापान संगे लडेमायना जनता किन लाता वाटसी उंदी बगिल तुरसियाना बारे ते वेने आलिसंतोर ओसो प्रतिरोध-युद्ध लोप्पा जीड़तास्के दोरकना फायदा कुना फायदा एतानोर ओसो “शासन कियाना एकदलीय नेतृत्व” निल्पी कियाना इंजी आलिसंतोर, अस्के ओरु केवल कोंडांग नाहकीसि कंजहकना लेक्का आयोरा? “जापान संगे लडेमायमूट!” “जापान संगे लडेमायमूट!” इंजी। मति असल ते बोर लडेमायमंतोर? मजदूर, किसान ओसो निम्न-पूँजीपति वर्ग ता उचुन हिस्सांग लेवा इदु उचुन वेने ताका परवो। इंजे वेने बोराई ओरकिन लाता वाटसी उंदी बगिल कियाना हिम्मत कियानूर ओरु खुदे खत्म आयनूर। इद वेने आम समझदारी ता समस्या बनेमात्ताद हिल्लेया? मति चीनी पूँजीपति वर्ग लोप्पा कट्टपथिर

(नन्ना केवल कट्टरपंथी लोरो बगिल इशारा किया मंतान) हत्ता बीस लोप्पा उचुन वेने सबक एताद हिल्लो। ओरु इंजे वेन “कम्युनिस्ट पार्टी पोर्रे अंकुश वाटना”, “कम्युनिस्ट पार्टी किन खत्म कियमूट”, “कम्युनिस्ट पार्टी ता विरोध कियमूट” इंजी कोलार पोऱ्या मंतोरा? माटु “दुश्मन पार्टिंग ना कार्रवाईंग किन रोमी कियाना तरीकांग” ताना पेरके “दुश्मन पार्टिंग ना समस्या किन हल कियाना तरीकांग”, “दुश्मन पार्टिंग ना समस्यांग किन हल कियाना काजे निर्देश” हूडताद हिल्लेया? बाप रे! इद्रम ता “रोकथाम कियाना” ओसो “हल किसोर दायना” कित्तेके ओरु मना देश काजे ओसो खुद काजे बद्रम ता भविष्य बने कियाला आल्सा मंतोर? माटु इव महान अनुभव किन वेल्ले जीवा कीसि सलाह हिया मंतोमः- कोंडांग नाहकीसि हूडाटू, चीन ओसो दुनिया पोर्रे बेस हूडाटू, देश लोप्पा ओसो देश ता बाहर ता परिस्थितिंग बद्रम मंतांगो हूडाटू ओसो खुद ता गलतिंग किन दोबारा दुहो कियमाटु। मीटु मीवा गलतिंग वेंडे-वेंडे कित्तेके मावा देश ता वायना कालाम पक्का नुक्सान आयार। मति मीवा पिस्वल वेने बेसे ताकियर इंजी नन्ना पक्का विश्वास संगे वेहा मंताना। चीन ता पूँजीपति वर्ग ता कट्टरपंथी लोकुर होशियार आयवेके ओरा पिस्विल बस्केने बेस आयो आयार, ओरु तन्ना काल दोड गुमिया पक्का खुदे तरवानूरा अदिन काजे चीन ता जापान-विरोधी संयुक्त मोर्चा निल्पी कीसि तासना ओसो केवल गुट ता इजारेदारी आयवा सब्बे तोरा सहयोग ते जापान-विरोधी काम किन पूरा कियाना। सिरफ इदे नीति बेस मंता- दूसरा बदे हिल्लो। इदु माटु कम्युनिस्ट लोर हियाना सही सलाह आंदू, पेरके मीटु माकिन मुन्ने चेतावनी हीविन इंजी माकिन दोष हियमाटु।

“गाटो मत्तेके सब्बेतोर तूसीसी तिंदाना” इदु चीन ता पाडना पीटो लोप्पा निज्जम दिसिंता। दुश्मन संगे लडेमायना लोप्पा माटु सब्बेतोर शामिल आंतोम, अदिन काजे गाटो तिंदाना लोप्पा माटु सब्बेतोर किने वायना। इद्रम ता विचारकु “सब्बे नन्नाए पोयकान”, “बोरे नाकिन नुक्सान कियाना हिम्मत कियानायो”, सामंती सरदार लोरा पाडना रकम ता चालकु इद बीसवी शताब्दी ता पांचवी दशक लोप्पा काम वायोंग।

माटु कम्युनिस्ट लोर वरोर क्रांतिकारी मानेय किन बस्केने अलग कीवोम, माटु जापानी आक्रमण ता विरुद्ध आखीरी एवनल लडेमायला तैयार मंदाना सब्बे वर्गकु, तबकांग, राजनीतिक पार्टिंग, ग्रुपकु मानेय ना संगे संयुक्त मोर्चा लोप्पा अटल मंदाकोम ओसो दीर्घकालीन सहयोग कियाकोमा। मति उचुन मुल कम्युनिस्ट पार्टी किन उंदी बगिल तुरसला आलिसंतोर, ओरु इदु ओरा सपना किन बस्के ने पूरा किया

परवोर, ओरु संयुक्त मोर्चा लोप्पा फूट वाटला आलिसंतोर इतेके अगा वेने ओरु सफल आया परवोरा चीन किन जापान ता खिलाफ पक्का लड़ेमासेरे मंदा लागियर, एकता बनेकीसि तासा लागियर ओसो प्रगति किया लागियर, माटु आत्मसमर्पण कियाना, फूट वाटना ओसो प्रगति किन रोमी कियाना कोशिश कियाना मानेय किन अद्रमे हूडा परवोमा।

## 8. “वामपंथी” पोंगड़िंग ना खंडन

बुर्जुआ अधिनायकत्व ता पूंजीवादी हर्ही लागू कियना असंभव मंता इतेके सर्वहारा अधिनायकत्व मंदना समाजवादी हर्ही लागू कियाना संभव मंताया?

हिल्ले, अदु वेने संभव हिल्ले।

बदे डावुट हिल्वा इदु वर्तमान क्रांति ता पहला चरण आंदू पेरके इदिना दूसरा चरण वायार ओसो अदु समाजवाद लोप्पा विकसित आयरा चीन समाजवादी समाज वातेकेने चीनी पिस्वल बेस आयारा मति इंजे समाजवाद वायना लेक्का हिल्लो चीन लोप्पा क्रांति ता वर्तमान काम साप्राज्यवाद ओसो सामंतवाद संगे लड़ेमायना मंता, बस्के एवनल इदु काम पूरा आयो, अस्के एवनल समाजवाद ता सवाल वेने पैदा आयो। चीन क्रांति किन अनिवार्य रूप ते रेंडु चरण कुना क्रांति किया लागियर, पहला नवजनवादी ओसो दूसरा समाजवादी। पहला चरण किन जल्दी पूरा किया परमूड़ायो इदिना काजे दीर्घकालीन काम किया लागियर। माटु आदर्शवादी हिल्लेम ओसो मन्ना मुने मत्ता वास्तविक परिस्थितिंग लोप्पाटल खुद किन अलग वेने किया परवोमा।

पूंजी-पूंजी विरोधी प्रचार कियाना इचुक प्रचारक, अलग-अलग चरणकुना अंतर लेससी कीसि, मूँड जन सिद्धांतकु सब्बे रकम ता क्रांतिंग लोप्पा लागू आंता इंजी, उंदिए क्रांति कियाना सिद्धांत ता वकालत किंतोर, अद्रमासी कम्युनिज्म ता आधार खत्म आंता इंतोर। इद “सिद्धांत” ता इस्तेमाल किसोर ओरु कम्युनिज्म ओसो कम्युनिस्ट पार्टी, आठवीं राह सेना ओसो पूना चौथी सेना, शेनशी-कानसू-निंगश्या सीमा इलाका ना वेल्ले जोरशोर ते विरोध कींतोर। ओरा असली लक्ष्य सब्बे रकम ता क्रांतिंग कुना उन्मूलन कियाना, व्यापक बुर्जुआ-लोकतांत्रिक क्रांति ता विरोध कियाना, जापान ता व्यापक प्रतिरोध ता विरोध कियाना ओसो जापानी आक्रमणकारिरा मुने आत्मसमर्पण कियाला काजे जनता किन तैयार कियानादु

मंता। इदिन जापानी साम्राज्यवादीर पुंजी-पुंजी बेरसी किया मंतोर। ऊहान पोर्रो कब्जा किता पेरके, केवल फौजी ताकत पोर्रो आधार आसी चीन किन गुलाम बने किया परमूङ्गयो इंजी समझेमातोर। अदिन काजे ओरु राजनातिक आक्रमणकु ओसो आर्थिक लालच कुना साहारा एतितोर। ओरा राजनीतिक आक्रमणकुना लोप्पा जापान-विरोधी मोर्चा लोप्पा ढुलमुल विचार पैदा कियाना, संयुक्त मोर्चा लोप्पा फूट वाटना, क्वोमिंगतांग-कम्युनिस्ट एकता ता मोदोल कोय्यना लेक्काटवु मंतांग। ओरा आर्थिक लालच “संयुक्त कारोबार” ता रूप एतिता। मध्य चीन ओसो दक्षिण चीन लोप्पा जापानी आक्रमणकारीर, चीनी पूंजीपतिर किन इद्रम ता कारोबार कुना लोप्पा 51 प्रतिशत पूंजी निवेश कियाना अनुमति हिया मंतोर ओसो बाकी 49 प्रतिशत पूंजी जापानी मंदिता। उत्तर चीन लोप्पा चीनी पूंजीपतिर किन 49 प्रतिशत पूंजी निवेश कियाना अनुमति हिया मंतोर ओसो बाकी 51 प्रतिशत पूंजी जापानी मंदिता। जापानी आक्रमणकारीर चीनी पूंजीपतिरा पाड़ना सम्पत्ति किन निवेश लोप्पा पूंजी शेयर कुना रूप ते वापिस कियाना पोल्लोंग कींतोरा मुनाफा कमै कियाना संभावना मत्ता जागा ते उचुन लज्जा हिल्वा लेक्का मत्ता पूंजीपतिर सब्बे नैतिक सिद्धांत कुन मरंगितोर, ओसो जुआ करसला तैयार आंतोर। वांग चिंग-वेइ नेतृत्व ते ताकना उंदी पूंजीपतिरा हिस्सा मुन्ने ने आत्मसमर्पण कित्ताद मंता। जापान-विरोधी मोर्चा लोप्पा कुसकुने नेंगसी उद्दी मंता ओसो उंदी हिस्सा वेने अद्रमे कियाला आल्सा मंता। मति ओरा गूडे लोप्पा चोर मंता, कम्युनिस्ट लोर ओरकिन बाहर दायला हीवोर आयनूर इंदाना ओरा लोप्पा वेरी वेने मंता। तानकु वेंडसी ओरु आम जनता ओरकिन गद्दार घोषित कियानोर इंजी ज्यादा वेरियतोर। अदिन काजे ओरु तम्मा दिमाग इस्तेमाल कीसि कलियसी मंदाना इंजी आल्सतोर, अनि सांस्कृतिक दुनिया ओसो प्रकाशन-प्रसारन पोर्रो निर्भर आसी उंदी आधार तैयार कियाना फैसला कितोर। तम्मा नीति तय कित्ता पेरके ओरु उचुन वेने लेट आयवा लेवा “आध्यत्मवाद-ता व्यापार कियानोर किन”<sup>8</sup> किन ओसो उचुन त्रात्सकीवादिर किन किराया ते तास्तोर। ओरु तम्मा कलम किन परसी ता लेक्का चले किसोरे सब्बे बगिल तिंचि तिरहा मंतोर, बेय्यल आता लेक्का कोलार पोया मंतोर। नालुंग बगिल दुनिया लोप्पा बाताल आया मंता इंदानुद पुनवोर किन धोखा हियाला काजे पूरा षड्यंत्र कुना पूरा झोला ओरा मुन्ने तासतद मत्ता-“एकल क्रांति ता सिद्धांत” पोयसी ताकना, ओसो कम्युनिज्म चीन ता राष्ट्रीय परिस्थितिंग ना अनुकूल हिल्ले इंदाना, आठवीं राह सेना, पूना चौथी सेना प्रतिरोध-युद्ध ता मोदोल कोय्या मंता ओसो लडेमायवा लेवा केवल हिक्के-हाक्के वेलिया

मंता इंदाना, शेनशी-कानसू सीमा इलाकांग सामंतवादी हुकूमत वाले इलाकांग आंदू इंजी, कम्यनिस्ट पार्टी उंदी खराब पार्टी आंदू इंजी, बहुमत-विरोधी, षडयंत्रकारी ओसो विध्वंसकारी पार्टी आंदू इंजी कहानिंग बने कियानोरा वीर सब्बे तोरा लक्ष्य सही मौका दोरकतास्केने तम्मा 49 या 51 प्रतिशत हिस्सा किन दोरकी कियाला काजे मदद कियाना ओसो इद देश किन दुश्मन कैदे वम्मानादु मंता। इदु असल इत्तेके “राई लेवेके पिल्लर किन चोरी कीसि ताना जागा ते उंदी पाड़ना कडियता मर्रा तासना लेकका” कियाना आंता, आत्मसमर्पण काजे लोकुरा दिमाग किन प्रभावित कियाना-ओरकिन तैयार कियाना आंता। गंभीर रूप ते वेहना इत्तेके ओरु कम्युनिज्म ओसो कम्युनिस्ट पार्टी ता विरोध कियाना ओसो “एकल क्रांति ता सिद्धांत” किन लागू कियाना नाटक केवल तम्मा 49 लेवेके 51 प्रतिशत हिस्सा दोरकी कियाला काजे किया मंतोरा वीरु वेल्ले आल्सोर मतोरा। “एकल क्रांति ता सिद्धांत” इंदानदु केवल क्रांति कियवा लेवा मंदाना सिद्धांत आंदू ओसो समस्या ता सारतत्व इदे आंदू।

मति उचुन मुल इद्रम ता विचार तो हिल्लेर ओरु केवल “एकल क्रांति ता सिद्धांत” ओसो “उंदे बेरा राजनीतिक क्रांति ओसो सामाजिक क्रांति रेंडासी किन पूरा कियाना” इंदाना काल्पनिक विचार लोप्पा लेसिसी मंतोर, ओरु मना क्रांति ता चरण कुना हिसाब ते विभाजन आसी मंता इंजी समझेमायोरे, माटु क्रांति ता पहली चरण किन पूरा कित्ता पेरकेने दूसरा चरण लोप्पा काल वाटा परिंतोम इंजी समझेमात्ताद हिल्ले, “उंदे बेरा रेंडासी चरण किन पूरा कियाना” लेकका बदे जादू हिल्ले इंदानादु समझेमात्ताद हिल्लो। इद्रम तोरा दृष्टिकोण वेल्ले नुक्सादायक मंदिंता, बारांकु इत्तेके क्रांति लोप्पा कियाना काम किन आपस तेने लेसी किंतोर ओसो वर्तमान काम कियला काजे कियाना कोशिश किन कमजोर किसिंतोरा इव रेंडासी क्रांतिकारी चरण कुना बारे ते निज्जम वेहना इत्तेके इदु क्रांतिकारी विकास ता बारे ते मार्कर्सवादी सिद्धांत संगे कलियंता। पहली चरण दूसरा चरण काजे परिस्थितिंग बने कींता। इव रेंडासी चरणकु उंदीन पेरके उंदी वायना, इविना नडमा पूंजीवादी नेतृत्व ता बदे वेने मंजिल वायला हियानायो। मति, इदु पोल्लो किन असली क्रांतिकारीर नामंजूर कितोरा। ओरु जनवादी क्रांति ता बदे विशिष्ट कार्य मन्नो आंता ओसो अदिना उंदी निश्चित समय वेने मन्नो आंता, मति इदिन उंदी दूसरा काम संगे-संगे पूरा किया परमूङांता, इत्तेके समाजवादी काम (इद काम किन बदे दूसरा समय ते कियमूङांता) ओसो इदिन किने ओरु “उंदे बेरा रेंडासी किन पूरा कियाना” इंतोरा।

## 9. कट्टरपंथिरा खंडन

बुर्जुआ कट्टरपंथिर मुन्ने वासी इंतोरः- मीट कम्युनिस्टलोर समाजवादी व्यवस्था किन दूसरा चरण ते तासतिर ओसो “नेंडु चीन किन जरूरत मत्ता मूँड जन-सिद्धांत कुन, पूर्ण रूप लागू कियाला काजे मावा पार्टी तैयार मंता” इंजी घोषणा वेने कीतीरा अद्रम इत्तेके बेस! फिलहाल मीवा कम्युनिज्म किन मीट अद समय काजे तहकीसि तासाटु। इगा इंजेने “एक वाद” सिद्धांत ता रूप ते इद्रम ता विवाद कुना कारण ते वेल्ले कोलार पोयतादु मंता। संक्षिप्त रूप ते इदु बुर्जुआ तानाशाहीरा काजे कट्टरपंथिर पोयना कोलार आंदू। इद्रमातेकाई माटु इदिन किन सामान्य ज्ञान ता मत्ता लेक्का हूँडितोमा।

कम्युनिज्म सर्वहारा उंदी विचार व्यवस्था ता संगेने उंदी पूना सामाजिक व्यवस्था व्यवस्था वेने आंदू। इदु मानव जाति ता इतिहास लोप्पा सबसे ज्यादा पूर्ण सबसे ज्यादा प्रगतिशील, सबसे ज्यादा क्रांतिकारी ओसो सबसे ज्यादा वैज्ञानिक व्यवस्था आंदू। इदु बदे वेने विचारधारा या सामाजिक व्यवस्था तुकू अलग मंदिता। सामंतवादी विचार व्यवस्था ओसो समाज-व्यवस्था ता स्थान इंजे ऐतिहासिक म्यूजियम लोप्पाने मंता। दुनिया ता उंदी हिस्सा ते (सोवियत संघ लोप्पा) पूँजीवादी विचार-व्यवस्था ओसो समाज-व्यवस्था वेने म्यूजियम ता चीज लेक्का बनेमात्ता, उचुक देशकुना लोप्पा इदु “डोलसोरे मत्ता मानेयना लेक्का मंता” पश्चिम बगिल मेड्वांग लोप्पा पोड्ड अरना लेक्का, अगा वेने इदिन जलिदए म्यूजियम ते तासमूँडायरा केवल कम्युनिस्ट विचार-व्यवस्था ओसो समाज-व्यवस्थाए इंजे जवान ओसो जीवा मत्ता लेक्का ताकतवर मंता। इदु भूकम्प वाता लेक्का ओसो मोय्योल गुँडंजना लेक्का स्पीड ते पूरा दुनिया लोप्पा फैलेमाया मंता। चीन लोप्पा वैज्ञानिक कम्युनिज्म ता शुरुआत आतांकु जनता किन पूना-पूना हर्रिंग दोरकतांग ओसो चीनी क्रांति ता रूप वेने बदलेमता। कम्युनिज्म ता मार्गदर्शन लेवा चीन ता जनवादी क्रांति बिल्कुले सफल आया परवो, दूसरा मंजिल ते इतेके इनपडे एव्वा परवो। अदिन काजे ने बुर्जुआ कट्टरपंथीर वेल्ले जोरशोर ते कम्युनिज्म ता “जरूरत हिल्ले” इंजी मांग किया मंतोरा मति कम्युनिज्म किन “जरूरत हिल्वा लेक्का उंदी कोंटा ते तास्तेके” चीन किन वेल्ले नुकसान कुना सामना किया लागियर, अदिन काजे इदिन “बस्के उंदी कोंटा ते” तासा परमूँडायो। नेंडु पूरा दुनिया तन्ना मुक्ति काजे कम्युनिज्म पोरों निर्भर आसी मंता ओसो चीन वेने इदिन विड्सा परवो।

कम्युनिस्ट पार्टी बद सामाजिक व्यवस्था ता बारे ते बड़किंतायों अदिना बारे ते कम्युनिस्ट पार्टी लोप्पा उंदी तात्कालिक ओसो उंदी भविष्य ता कार्यक्रम मंता (न्यूनतम ओसो अधिकतम कार्यक्रम आंदू) इंजी सब्बेतोर पुत्तोर। वर्तमान समय काजे नवजनवादी, ओसो वायना कालम (भविष्य) काजे समाजवाद, इव रेंडासी कम्युनिस्ट विचारधारा पोयसी ताकना रेंडु हिस्सांग आदुंगा। अदिन काजे बुनियादी रूप ते कम्युनिस्ट पार्टी ता न्यूनतम कार्यक्रम मूँड जन-सिद्धांत कुना राजनीतिक नियम कुना संगे मिले मांता इंजी कम्युनिज्म किन “जरूरत हिल्वा लेक्का उंदी कोंटा ते तासना” इंजी कोलार पोयनादु वेल्ले बेहरा पागलपन आयो या? इवु रेंडासी रकम ता बुनियादी समानतांग ना कारण ते माटु कम्युनिस्ट लोर किन “मूँड जन-सिद्धांत कुन जापान विरोधी संयुक्त मोर्चा ता राजनीतिक आधार” मानेमायना संभव आता ओसो “इव मूँड जन-सिद्धांत कुना जरूरत चीन किन मंता, इविन पूर्ण रूप ते लागू कियाला काजे संघर्ष कियाला मना पार्टी तैयार मंता” इंजी स्वीकार कियाना संभव आता, लेवेके इद्रम ता कियाना बदे संभावना हिल्ले आसी मनवडा। इदु जनवादी क्रांति ता चरण लोप्पा कम्युनिज्म ओसो मूँड जन-सिद्धांत कुना नडमा ता संयुक्त मोर्चा आंदू डा। सुन यात-सेन “कम्युनिज्म मूँड जनसिद्धांत कुना दोस्त आंदु”<sup>10</sup> इंदानास्के ओरु इदे संयुक्त मोर्चा ता बारे ते इत्तोरा कम्युनिज्म किन अस्वीकार कियाना इत्तेके संयुक्त मोर्चा किन अस्वीकार कियाना आंता। कटुरपंथिर कम्युनिज्म किन अस्वीकार कियाना अंगडम ता पोल्लोंग बारांकु किंतोर इत्तेके ओरु संयुक्त मोर्चा किन नामंजूर कियाला आलिसंतोर ओसो तम्मा एकदलीय सिद्धांत पोयसी ताकला आलिसंतोर।

इदे आयवा, “एकवाद” ता सिद्धांत वेने इनपडे अंगडम ता आंदु बस्के एवनल वर्ग मंदिता अस्के एवनल बचोन वर्ग मंतांग अचोके सिद्धांतकु मंदितांग ओसो उदे वर्ग लोप्पा अलग-अलग दलकुना तम्मा-तम्मा सिद्धांतकु वेने मंदा परिंतांग। सामंती वर्ग ता सामंती सिद्धांत, पूँजीपति वर्ग ता पूँजीवादी सिद्धांत, बौद्ध लोरा बौत धर्म, ईसाई लोरा ईसाई धर्म ओसो किसान लोरा बहुदेववाद (इत्तेके उंदी तुकू ज्यादा पेनकुना पोरों विश्वास कियाना) मंदिता, इंजेटा उचुक साल कुना लोप्पा कुल लोकुर कमालवाद, फासीवाद, जीवनशक्तिवाद<sup>11</sup>, ओसो “श्रम ता अनुसार वितरण ता सिद्धांत”<sup>12</sup> पोयसी ताकना आंता, इत्तेके सर्वहरा वर्ग ता कम्युनिज्म बारांकु मन्नो आंता? इदु बचोनो रकम ता “वाद” कु मंतांग इंदानास्के सिर्फ कम्युनिज्म किने “जरूरत हिल्वा लेक्का उंदी बगिल तासना” इंजी बारांकु

कोलार आया मंता? अदिन किन “जरूरत लेवा लेकका कोंटा ते तासनादु” बेस आयो इंदाना पोल्लो स्पष्ट मंता। इदिना काजे माटु होड़ वाटतेके ज्यादा बेस आयारा कम्युनिज्म किन हारे कित्तेके, माटु कम्यूनिस्ट लोर वेल्ले ईमानदारी ते हार मानेमायकोमा ओसो इद्रम आयवेके जनवाद ता सिद्धांत कुना उल्लंघन कियाना “एकवाद” ता पोंगडिंग किन परताचोन जल्दी “डम्प” किया लागियर।

गलत समझदारी तल बचेमायला काजे ओसो कटृपंथिरा ज्ञानवृद्धि काजे मूँड जनसिद्धांतकु ओसो कम्युनिज्म बेगा मिले मांता ओसो बेगा मिले मायो इंजी स्पष्ट रूप ते समझे कियाना वेल्ले जरूरत मंता।

इव रेंडासी किन तुलना कीसि हूडतेके अविना समानतांग ओसो भिन्नतांग रेंडासी दिसिंतांग।

मुने माटु अविना समानतांग किन हूडाकाल - इवु चीन लोप्पा बुर्जुआ जनवादी क्रांति ता चरण लोप्पा रेंडासी सिद्धांत कुना बुनियादी राजनीतिक कार्यक्रम लोप्पा दोरकिंतांग। राष्ट्रवाद, जनवाद ओसो जन-जीविका इव मूँडासी क्रांतिकारी राजनीतिक ऊसूल आंदुंग, इविन 1924 ते डा. सुन यात-सेन मूँड जनसिद्धांतकुना बारे ते दूसरी बेरा वेहनास्के पेश कीसि मत्तोर, चीन लोप्पा जनवादी क्रांति ता चरण काजे तय कित्ता कम्युनिज्म राजनीतिक कार्यक्रम संगे बुनियादी रूप ते मिले मांता। इव समानतांग मत्ता कारण ते ओसो मूँड जन सिद्धांत कुन लागू कियाना कारण ते, रेंडासी सिद्धांतकु ओसो रेंडासी पार्टिंग ना संयुक्त मोर्चा बनेमात्ता। इदिन किन नजरअंदाज कियाना गलत आयारा।

तीना पेरके माटु अविना भिन्नतांग ना बारे हूडाकाला। 1) जनवादी क्रांति ता चरण काजे तय कित्ता कार्यक्रम ता उंदी हिस्सा लोप्पा भिन्नता मंता। कम्युनिज्म ता पूरा जनवादी क्रांति संबंधित राजनीतिक कार्यक्रम लोप्पा जनता काजे पूर्ण अधिकार, दिया ते आठ घंटांग काम कियाना ओसो उंदी स्पूर्ण भूमि-क्रांति शामिल मंतांग। मूँड जनसिद्धांतकुना लोप्पा इवु पोल्लो शामिल हिल्लेंग। बस्के एवनल इव समस्यांग मूँड जनसिद्धांत कुना लोप्पा शामिल आयोंग, अविन अमल कियाना लक्ष्य पैदा आयो, अस्के एवनल इव रेंडासी जनवादी कार्यक्रम कुना लोप्पा केवल बुनियादी रूप तेने समानता मंदिता। अवि पूर्ण समानता वाले कार्यक्रम इंदा परमूळायो। 2) रेंडासीं ना लोप्पा ओसो उंदी भिन्नता मंता, अदु उंदी लोप्पा समाजवादी क्रांति ता

चरण शामिल मंता ओसो दूसरा लोप्पा हिल्ले। कम्युनिज्म लोप्पा जनवादी क्रांति ता चरण आयवा समाजवादी क्रांति ता चरण वेने शामिल मंता, अदिन काजे तन्ना न्यूनतम कार्यक्रम आयवा उंदी अधिकतम कार्यक्रम वेने मंता, इतेके समाजवाद ओसो कम्युनिज्म किन लागू कियाना कार्यक्रम मंता। मूँड जनसिद्धांत कुना लोप्पा केवल जनवादी क्रांति ता चरण मंता, समाजवादी क्रांति ता चरण हिल्ले, अद्रमासी अविना केवल उदे न्यूनतम कार्यक्रम मंता, ओसो अधिकतम कार्यक्रम हिल्ले, इतेके अविनगा समाजवाद ओसो कम्युनिज्म किन लागू कियाना बदे कार्यक्रम हिल्लो। 3) रेंडासी ना विश्व-दृष्टिकोण अलग मंता। कम्युनिज्म ता विश्व-दृष्टिकोण द्वन्द्वात्मक भौतिकवाद ओसो ऐतिहासिक भौतिकवाद मंता। अनि मूँड जन-सिद्धांत कुना इतिहास ता बारे ते जन जीविका ता भाषा ते वेहाकाल, संक्षिप्त रूप ते इदु उंदी द्वैतवादी या आदर्शवादी दृष्टिकोण आंदू, इव रेंडासी विश्व-दृष्टिकोण उंदी दूसरा तुकू उल्टा मंतांग। 4) रेंडासी ना क्रांतिकारीता लोप्पा पूर्ण अन्तर मंता। कम्युनिस्ट लोर सिद्धांत ओसो व्यवहार किन उंदी कीसि हूँडिंतोर, इतेके ओरा क्रांतिकारी पूर्णता मंदिता। मूँड जनसिद्धांत किन लागू कियानोर किन विडसी क्रांति काजे ईमानदार ओसो सच्चाई ता संगे व्यवहार किंतोर ओरु सिद्धांत ओसो व्यवहार किन उंदी कीसि हूँडिंतोर ओसो ओरा कियाना ओसो वडकना लोप्पा आपसी अन्तरविरोध मंदिता इतेके ओरा लोप्पा क्रांतिकारी पूर्णता ता कमी मंदिता। माटु पोरे रेंडासी कुना भिन्नतांग ना बारे ते वेहतोमा इविनगडल कम्युनिस्ट लोर ओसो मूँड जनसिद्धांत कुन लागू कियानोरा नडमा अंतर दिसिंता। इद अंतर किन नजरअंदाज कियाना इतेके एकता ता पहलू किने हूँडना ओसो अन्तरविरोध ता पहलू किन हूँडवा लेकका आंता ओसो इदु निजजमे वेल्लाए गलत आयरा।

उंदी बेरा इद समझेमाता इतेकेने बुर्जुआ कट्टरपंथिरा कम्युनिज्म किन “डम्प” कियाना इंजी मांग कियाना लक्ष्य किन वेने समझेमायना हल्को आंता। ओरा मांग बूर्जुआ निरंकुशता आयो, इतेके ओरा इद मांग लोप्पा सामान्य ज्ञान ता वेने पक्काए कमी मंता।

## 10. पाड़ना ओसो पूना मूँड जन-सिद्धांतकु

बुर्जुआ वर्ग ता कट्टरपंथिर किन ऐतिहासिक बदलाव ता बाताए समझदारी हिल्ले, ओरा ज्ञान बिल्कुले हिल्वा लेकका मंता। ओरु कम्युनिज्म ओसो मूँडु जन-

सिद्धांतकुना नडमा अन्तर ता बारे ते पुन्नोरा ओसो इवु मूँडु जन-सिद्धांत कुना पूना-पाडना नडमा ता अंतर वेने ओरु पुत्तद हिल्ले।

माटु कम्युनिस्ट लोर “मूँड जन-सिद्धांत कुन जापान-विरोधी राष्ट्रीय संयुक्त मोर्चा ता राजनीतिक आधार” मानेमांतोम, माटु इवु “नेंडु चीन किन जरूरत मत्ता मूँड जन-सिद्धांत कुन पूर्ण रूप ते लागू कियाला काजे संघर्ष कियाला मना पार्टी तैयार मंता” इंजी स्वीकार कींतोम, माटु कम्युनिज्म ता न्यूनतम कार्यक्रम ओसो मूँड जन-सिद्धांत कुना राजनीतिक उसूल कुना नडमा मंदाना बुनियादी समानतांग किन वेने स्वीकार कींतोम। मति इव बदु रकम ता मूँड जन-सिद्धांतकु आंदुंगा? इवु डा. सुन यात-सेन “क्वोमिंगतांग ता पहली राष्ट्रीय कांग्रेस ता घोषणापत्र” लोप्पा दोबारा पेश कीसि मत्ता मूँड जन-सिद्धांतकु आंदुंगा। कट्टरपंथी महा अनुभवीर “कम्युनिस्ट पार्टी पोरों अंकुश वाटला”, “कम्युनिस्ट पार्टी किन नुक्सान कियाला” ओसो “कम्युनिस्ट पार्टी ता विरोध कियाना” लेक्काटा काम ओरु वेल्ले जोरशोर ते किया मंतोर, मति अगटल उचुन समय तेंडसी इदु घोषणापत्र पोरों कोंडा वाटितोर इंजी नना आशा किया मंताना। इद घोषणापत्र लोप्पा डा. सुन यात-सेन “इदे क्वोमिंगतांग ता मूँड जन सिद्धांत कुना सच्चाई आंदू इतोरा” अदिन काजे केवल असली मूँड जन सिद्धांतके मंतांग बाकी सब्बे नकली मंतांग। “क्वोमिंगतांग ता पहली राष्ट्रीय कांग्रेस ता घोषणापत्र लोप्पा मंदाना मूँड जन-सिद्धांत कुना उदाहरणे सही उदाहरण आंदू” बाकी सब्बे नकली उदाहरण आंदुंगा कम्युनिस्ट पार्टी ता “अंगडम” ता प्रचार आयो, बारांकु इत्तेके क्वोमिंगतांग ता बचोनो सदस्य लोर ओसो नना खुद इद घोषणापत्र ता अनुमोदमन आयनास्के हूडताद मंता।

इद घोषणापत्र मूँड जन-सिद्धांत कुना इतिहास लोप्पा रेंडु अलग-अलग कालम किन चिह्नित कींता। अद्रमासी मुन्ने इवु मूँडु जन-सिद्धांत कुना पाडना श्रेणी ता मत्तांग, उंदी अर्ध-उपनिवेश ता पाडना पूँजीवादी-जनवादी क्रांति ता जन सिद्धांत मत्ता, पाडना जनवाद ता पाडना मूँड जन-सिद्धांत मत्तांग, ओसो पाडना मूँड जनसिद्धांत मत्तांग।

तीना पेरके इवु पूना श्रेणी ते वात्तांग, उंदी अर्ध-उपनिवेश ता पूना पूँजीवादी-जनवादी क्रांति, नव-जनवाद ता पूना मूँड जन-सिद्धांत कु बनेमातांग। केवल इवे पूना कालम ता क्रांतिकारी मूँड जन सिद्धांत कु आंदुंगा।

पूना कालम ता क्रांतिकारी मूँड जन सिद्धांत कु पूना ओसो असली मूँड जन सिद्धांतकु, रूस ता एकता, कम्युनिस्ट पार्टी संगे एकता ओसो किसान-मजदूर लोरा

एकता ता मूँडु महान नीतिंग किन बने कींतांग पूना कालम ता इव मूँड महान नीतिंग लेवेके या इविना लोप्पाटल बदे उंदी नीति हिल्वेके मूँडु जन सिद्धांतकु नकली या अधुरा मंदिंतांग।

सबसे मुन्ने क्रांतिकारी, पूना ओसो असली मूँड जन-सिद्धांत कुना लोप्पा रूस संगे एकता जरूर शामिल मंदाना। इंजेटा परिस्थिति अनुसार रूस लेक्काटा समाजवादी देश संगे एकता ता नीति लागू कीवेके अनिवार्य रूप ते साम्राज्यवाद संगे, साम्राज्यवादी ताकत कुना संगे एकता कियाना नीति लागू कियमूँडायर इंदानादु स्पष्ट मंता। 1927 पेरके इद्रमें आयो या? उंदी बेरा समाजवादी सोवियत संघ ओसो साम्राज्यवादी ताकत कुना नडमा संघर्ष तेज आता इत्तेकेने चीन किन किन रेंडासी ना लोप्पा बदे उंदी पक्ष ता समर्थन किया लागियरा इदु उंदी अनिवार्य रुझान आंदू बदे उंदी पक्ष ता समर्थन कियाना तुकू बचेमायमूँडांता या? आयो, इदु उंदी भ्रम आंदू पूरा दुनिया इव रेंडासी पक्ष कुना लोप्पाटल बदे उंदी पक्ष ता समर्थन कियार, अस्के “निष्पक्षता” उंदी धोखा हियाना लेक्का साबित आंता। चीन काजे विशेष रूप ते मना भूमि लोप्पा नेंगता साम्राज्यवादी ताकत कुना खिलाफ लडेमायानास्के सोवियत संघ ता सहायता हिल्वा आखरी जीत हासिल किया परवोम इंदाना पोल्लो निज्जमें आंदू साम्राज्यवाद संगे एकता कियाला काजे रूस ता एकता किन कुर्बान कित्तेके, “क्रांतिकारी” शब्द किन मूँड जन-सिद्धांत कुना लोप्पाटल तेंडसियाना लेक्का आंता, इद्रम कित्तेके प्रतिक्रियावादी आंतोम। आखरी ते “तटस्थ (बदे वेने पक्ष ता समर्थन किवा लेवा मंदाना)” इव मूँड सिद्धांत कुना पोरोल ते बदे सिद्धांत मन्नो आंता। अतु क्रांतिकारी मंदिंतांग लेवेके प्रतिक्रांकारी मंदिंतांग। उंदी बेरा वांग चिंग-वेइ वेहत्ता लेक्का “रेंडासी पक्ष कुना बगिल तिंची आयना हमलांग ना मुकाबला कियाना”,<sup>13</sup> ओसो इदिना “मुकाबला” कियाला काम वायना मूँडु जन-सिद्धांतकुन तासना वेल्ले वीरतापूर्ण काम आयो या? इद्रम ता मूँड जन-सिद्धांत कुना त्याग इविना आविष्कार कियानोर वांग चिंग-वेइ वेने किसितोर या (लेवेके अवन “जरूरत हिल्वा लेक्का उंदि बगिल वाटसितोर”), बारांकु इत्तेके ओरु साम्राज्यवाद संगे एकता कियाना मूँड जन-सिद्धांत कुन लागू किया मंतोर। बोराई पूर्वी साम्राज्यवादी ओसो पश्चिमी साम्राज्यवाद नडमा अंतर मंता इत्तेके लेवेके वांग चिंग-वेइ लेक्का खुद पूर्वी साम्राज्यवाद संगे जुडेमात्ता लेक्का बोराई पूर्व बगिल हंजी हमला कियाला काजे पश्चिमी साम्राज्यवाद संगे संबंध बने कियाला आल्सतेके, अदु कार्वाई सही क्रांतिकारी आयो आंता? मीटु इदिन विचार कितेकाई किवेकाई पश्चिमी साम्राज्यवाद सोवियत संघ ओसो

साम्यवाद ता विरोध कियला काजे दृढ़ मंता। मीटु ओरा समर्थन कीतके ओरु मीकिन उत्तर बगिल दायाला ओसो हमला कियाला वेहानूर, अद्रमासी मीवा क्रांति अंगडम आयार। इव सब्बे परिस्थितिंग लोप्पाटल क्रांतिकारी, पूना ओसो असली मूँड जन-सिद्धांतकुना लोप्पा रूस संगे एकता जरूर शामिल मंदाना इंजी समझेमाया मंता ओसो इवु बदे वेने परिस्थिति ते रूस ता खिलाफ साम्राज्यवाद संगे एकता किया परवेंगा।

दूसरा जागा ते क्रांतिकारी, पूना ओसो असली मूँड जन-सिद्धांत कुना लोप्पा कम्युनिस्ट पार्टी संगे एकता शामिल मंदाना। मीटु कम्युनिस्ट पार्टी संगे एकता कियाकिर लेवेके अदिना विरोध कियाकीरा कम्युनिस्ट पार्टी ता विरोध कियाना जापानी साम्राज्यवादीरा ओसो वांग चिंग-वेइ ना नीति आंदू ओसो मीटु वेने इद्रमे कियाला आल्सा मंतिर इत्तेके मीकिन वेने कम्युनिस्ट-विरोधी कम्पनी लोप्पा शामिल आयला काजे केयाकोमा। मति इदु उंदी डावुट मत्ता लेककाटा गद्दार बनेमायना लेकका आयो या? मीटु “नन्ना जापान ता आयवा बदे दूसरा देश ता समर्थन किया मंतान” इंजी इंदा परिंतीर। इदु वेल्ले लब्बड आयरा मीटु बोनाई समर्थन किसोर मत्तेकाई बाताले आयो, मति मीटु बस्केटल कम्युनिस्ट पार्टी ता विरोध किंतिर, अस्केटले मीटु गद्दार बनेमांतिर, बारांकु इत्तेके अस्के मीटू जापान ता प्रतिरोध किया परवीर आंतिर। ओसो मीटु “नन्ना स्वतंत्र रूप ते कम्युनिस्ट पार्टी ता विरोध कियाकान” इंजी इत्तेके वेने मीवा पोल्लोंग अंगडम आंतांग। इदु उंदी उपनिवेश ओसो अर्ध-उपनिवेश ता “बीर”, सम्राज्यवादी ताकत पोरो निर्भर आयवा लेवा प्रतिक्रांति ता इद्रम ता महान काम बद्रम किया परिंतीर? दुनिया ता लगभग सब्बे साम्राज्यवीदी ताकतकु दस साल एवनल कम्युनिस्ट पार्टी ता खिलाफ उंदी आसी मत्तांग, मति अवु विफल आतांग। ओसो मीटु अचानके इदिना विरोध “स्वतंत्र रूप ते” बद्रम किया परिंतीर? माकिन सीमा इलाका तुकू हब्बार उचुन मुल “कम्युनिस्ट पार्टी ता विरोध कियानादु बेसे, मति मीटु इदिना लोप्पा बस्केने सफलता दोरकी किया परिविर” इंजी इंतोरा। इदु पोल्लो केवल हिक्के-हक्केटल केंजा वायनदु आंदू, इदिना आधा हिस्सा गलत मंता, बारांकु इत्तेके “कम्युनिस्ट पार्टी ता विरोध कियाना” लोप्पा “बाताल बेस” मंता? मति इद पोल्लो ता बाकी आधा सही हिस्सा “तीना लोप्पा बस्केने सफल आया परविर” इंदानदु निज्जमे। इदिन बुनियादी कारण कम्युनिस्ट पार्टी आयवा आम जनता आंदू, बारांकु इत्तेके आम जनता कम्युनिस्ट पार्टी पोरो विश्वास कींता ओसो अदिन किन “विरोध कियानदु” विचार वायो आंता। मीटु मना देश

लोप्पा दुश्मन नेंगना मौका ते कम्युनिस्ट पार्टी ता विरोध किया मंतिर, इतेके आम जनता मीवा पेरके अरियार, जनता मीकिन उचुन वेने जीवा कीवो आयरा बोराई कम्युनिस्ट पार्टी ता विरोध कियाला आलिसंतोर, ओरु डुंडुल ते मिंजला काजे तैयार मंदाना। मीटु डुंडुल ते मिंजला तैयार हिल्वेके मीटु इदिना विरोध कियाना बंद कियमूटा सब्बे कम्युनिस्ट-विरोधी “वीर” लोरा काजे मावा निज्जम ता सलाह आंदू इद्रमे नेटा मूँड जन-सिद्धांत कुना लोप्पा कम्युनिस्ट पार्टी संगे एकता जरूर शामिल मंदाना लेवेके इव सिद्धांत कु नष्ट आयनुंग इंदाना पोल्लो वेने स्पष्ट आता। मूँड जन-सिद्धांत कुना काजे इदु हायना-पिस्सना ता सवाल आंदू कम्युनिस्ट पार्टी संगे एकता कीसि अवु जिंदा मंदितांग, कम्युनिस्ट पार्टी ता विरोध कित्तेके अवु नष्ट आंतांग। बोराई इद्रम आतेके बाताल आयरा इंजी साबित किया परिंतोरा?

तीसरा, क्रांतिकारी, पूना ओसो असली मूँड जन-सिद्धांत कुना लोप्पा किसान-मजदूर लोरा एकता ता नीति जरूर शामिल मंदाना। इद नीति किन मानेमायवा लेवा मंदानादु, किसान-मजदूर लोरा संगे एकता कियवा मंदाना या डा. सुन यात-सेन ना वसीयत ते रास्ता “व्यापक जन-समुदाय किन जागृत कियाना” पोल्लो ता पालन कियवा लेकका, क्रांति ता हार ओसो खुद ता हार काजे हर्री पंडना लेकका आंता। स्तालिन वेहता लेकका ‘राष्ट्रीय सवाल अनिवार्य रूप ते किसान लोरा सवाल आंदू’<sup>14</sup> इंजी: इतेके चीनी क्रांति अनिवार्य रूप ते किसान लोरा क्रांति आंदू इंजी। जापान ता खिलाफ वर्तमान प्रतिरोध अनिवार्य रूप ते किसान लोर कियाना प्रतिरोध आंदू इंजी। नवजनवाद ता राजनीति इतेकेने किसान लोर किन ओरा अधिकार हासिल कियाना क्रांति आंदू। पूना ओसो असली ता मूँडु जन-सिद्धांत कु अनिवार्य रूप ते किसान क्रांति ता सिद्धांतकु आंदुंग। लोक-संस्कृति इतेके किसान लोरा सांस्कृतिक स्तर किन सुधेरे कियाना। जापानी-आक्रमण-विरोधी युद्ध मुख्य रूप ते उंदी किसान युद्धे आंदू। माटु नेंडु “मेड्वांग पोर्रो तरगाना सिद्धांत”<sup>15</sup> लागू आयना समय ते मंतोमा। मीटिंग कियाना, काम कियाना, क्लास ताकी कियाना, न्यूज पेपर छापे कियाना, कित्ताब रासना, नाटक कियाना इव सब्बे मेड्वांग पोर्रो कियमूँडांतांग, मुख्य रूप ते इव सब्बे किसान लोरा काजे आंदुंग। प्रतिरोध-युद्ध किन जारी तासला ओसो माटु पिसिसी मंदाला काजे अनिवार्य रूप ते किसान लोरा मदद तेने पिस्सा परिंतोमा “अनिवार्य रूप ते” इतेके बुनियादी रूप ते कामरेड स्तालिन समझे कित्ता लेकका जनता ना बाकी ता हिस्सांग किन नजरअंदाज कियानायो। चीन लोप्पा 80 प्रतिशत संख्या किसान लोरा मंता इंजी स्कूल दायाना पिल्ला-

पेकोर वेने पुत्तोरे। ओसो किसान लोरा समस्या चीनी क्रांति ता बुनियादी समस्या आंदू अनि किसान लोरा ताकत चीनी क्रांति ता मुख्य ताकत आंदू। चीन ता जनसंख्या लोप्पा मजदूर लोर दूसरा नंबर ते वांतोरा। चीन लोरा औद्योगिक मजदूर लोरा संख्या लाखों मंता, दस्तकार ओसो कृषि-मजदूर लोरा संख्या करोड़ों मंता। चीन विभिन्न उद्योग कुना लोप्पा काम कियाना मजदूर हिल्वे पिस्सा परवो, बारांकु इत्तेके ओरे अर्थव्यवस्था ता औद्योगिक उत्पादन कींतोरा। आधुनिक औद्योगिक मजदूर वर्ग लेवा क्रांति सफल आया परवो, बारांकु इत्तेके चीनी क्रांति ता नेता ओसो सबसे ज्यादा क्रांतिकारी वर्ग इदे आंदू। इव परिस्थितिंग लोप्पा क्रांतिकारी, पूना ओसो असली मंडु जन-सिद्धांत कुना लोप्पा किसान-मजदूर लोरा एकता नीति किन जरूर शामिल कियाना। बाकी सब्बे रकम ता मंडु जन-सिद्धांतकु इत्तेके इद नीति तुकू अलग मंदाना या किसान-मजदूर सहायात किवा मंदाना या “व्यापाक जन-समुदाय किन जागृत कियाना” पोल्लो ता पालन कीवा मंतांग, अबु जरूर नष्ट आयनुंग।

अद्रमे रूस संगे एकता, कम्युनिस्ट पार्टी संगे एकता ओसो किसान-मजदूर लोरा एकता ता मंडु महान नीतिंग निगडल अलग आतेके बवे वेने मंडु जन-सिद्धांत कुना पिस्वल मन्नो आंता। मंडु जन सिद्धांत कुन सही तरीका ते लागू कियाना हर मानेय किन इदिना पोर्रों गंभीर रूप ते विचार कियाना जरूरत मंता।

मंडु महान नीतिंग वाले मंडु जन-सिद्धांत - दूसरा हिसाब ते क्रांतिकारी, पूना ओसो असली मंडु जन-सिद्धांत - इवे नवजनवाद ता मंडु जन-सिद्धांतकु आंदुंग, पाडना मंडु जन-सिद्धांतकु विकास आंदुंग, डा. सुन यात-सेन ना महान योगदान आंदुंग। ओसो चीनी क्रांति समाजवादी विश्व-क्रांति ता अंग बनेमात्तास्केटा उपज आंदुंग। चीन कम्युनिस्ट पार्टी केवल मंडु जन-सिद्धांत कुना “नेंडु चीन किन जरूरत हिल्ले” इंजी आलिसंता, ओसो “अविन पूर्ण रूप ते लागू कियाला काजे संघर्ष कियाला मावा पार्टी तैयार मंता” इंजी घोषणा कींता। जनवादी क्रांति चरण काजे तय आता कम्युनिस्ट पार्टी ता राजनीतिक कार्यक्रम संगे इत्तेके अदिना न्यूनतम कार्यक्रम संगे बुनियादी रूप ते मिले मायना मंडु जन-सिद्धांत कु इवे आंदुंग।

पाडना मंडु जन-सिद्धांत कुना संबंध किन हूडतेके अबु चीनी क्रांति ता पाडना कालम ते पुट्ठिसी मत्ता। रूस अद कालम ते उंदी साप्राज्यवादी ताकत मत्ता, ओसो

अदिना संगे एकता कियाना नीति लागू किमुङ्ड आयना गलत मत्ता, अद कालम ते मना देश लोप्पा बदे कम्युनिस्ट पार्टी हिल्वा मत्ता। अद्रमासी अदिना संगे वेने एकता कियाना नीति मंदाए परवो। मजदूर-किसान आंदोलन ता पूरा राजनीतिक महत्व इंजे मुन्ने वातद हिल्ले, लोकुरा ध्यान वेने तन्ना बगिल पिङ्गताद हिल्ले अद्रमासी वीरा संगे एकता कियाना नीति वेने लागू कियमूडाया परवो आंदु। अदिन काजे 1924 ते क्वोमिंगतांग ता पुर्णगठन तुकू मुन्नेटा मूँड जन-सिद्धांत पाड़ना श्रेणी ता मत्तांगा क्वोमिंगतांग अविन किन पूना मूँड जन-सिद्धांतकुने विकसित कीवके अवु मुन्ने वायोंग आसी मनवंगा डा. सुन यात-सेन इविना बारे ते आल्सतोर अनि सोवियत संघ ओसो चीनी कम्युनिस्ट पार्टी ता मदद ते मूँड जन-सिद्धांतकुन परिस्थिति ता अनुकूल पूना विशेषतांग संगे विकसित कित्तोरा। अदिना कारण ते मूँड जन-सिद्धांत कु ओसो साम्यवाद नडमा उंदी संयुक्त मोर्चा बनेमासी मत्ता, पहली बेरा क्वोमिंगतांग ओसो कम्युनिस्ट पार्टी ता एकता आता, पूरा देश ता जनता ना समर्थन दोरकाता अनि 1924-27 ता क्रांति शुरू आता।

मूँड जन-सिद्धांत कुना स्थापना आता पेरके पाड़ना कालम ता पोल्लोंग कित्तेके या समाजवादी राज्य ता स्थापना आता पेरके रूस संगे एकता कियाना ता विरोध कित्तेके लेवेके कम्युनिस्ट पार्टी संगे एकता कियाना ता विरोध कित्तेके लेवेके जागृत आसी तम्मा राजनीतिक ताकत प्रदर्शन किसोरे मत्ता किसान-मजदूर लोरा एकता कियाना नीति ता विरोध कित्तेके, प्रतिक्रियावादी आंता ओसो अद कालम ता अज्ञानता किन तोहिंता। 1927 पेरकेटा प्रतिक्रिया कालम इद अज्ञानता ता कारण तेने मत्ता। उंदी पाड़ना पीटो मंता “बोरो परिस्थिति ता इसारा किन समझेमांतोरो, ओरे महान मानै आंदुरा” नेटा मूँड जन-सिद्धांत किन लागू कियानोर इदिन ध्यान ते तासिंतोर इंजी नन्ना आशा किया मंता।

मूँड जन-सिद्धांत कु पाड़ना श्रेणीतांग मत्तेके कम्युनिज्म ता न्यूनतम कार्यक्रम संगे बुनियादी रूप ते अविना बदे समानता मन्नो आंता, बारांकु इत्तेके अवु हत्ता कालम तांग ओसो पाड़ना आसी मंदितांदा। रूस, कम्युनिस्ट पार्टी ओसो किसान-मजदूर वर्ग ता विरोध कियाना बदे वेने रकम ता मूँड जन-सिद्धांतकु जरूर प्रतिक्रियावादी मंदितांग, कम्युनिज्म ता न्यूनतम कार्यक्रम संगे अविना उचुन वेने समानता मन्नो आंता, इदे आयवा अवु कम्युनिज्म ता दुश्मन आंदुंग, रेंडासी ना नडमा समान अधिकार इत्तेके बिल्कुले मन्नो आंता। इद पोल्लो ता बारे ते वेने मूँड जन-सिद्धांत कुन लागू कियानोर वेल्ले ध्यान ते आल्सना।

बद्रमातेकाई, बस्के एवनल साप्राज्यवाद ओसो सामंतवाद ता विरोध कियाना काम मूल रूप ते पूरा आयो आंता, अस्के एवनल लोकुर पूना मूँड जन-सिद्धांत कुना त्याग किवोर आयनुर। केवल वांग चिंग-वेइ ओसो ओना लेक्काटा लोकुरे इद्रम किया परितोरा ओरु रूस, कम्युनिस्ट पार्टी ओसो किसान-मजदूर लोरा विरोध कियाना तम्मा नकली मूँड जन-सिद्धांत किन बचोन जोर वाटसी मुन्ने तत्तेकाई, जीवा कीसि लेवेके सही हर्दे ताकनोरा कमी आयो आयार, इद्रमतोर डा. सुन यात-सेन ना असली मूँड जन-सिद्धांत कुना समर्थन कियाना जारी तासनोरा 1927 ता प्रतिक्रिया पेरके वेने असली मूँड जन-सिद्धांत कुन लागू कियाना बचोनो लोकुर चीनी क्रांति काजे कोशिश जारी तासतोर, इत्तेके नेंडु राष्ट्रीय दुश्मन मना भूमि ते लोप्पा एवनल नेंगतोर इंदानास्के इद्रमतोरा संख्या बदे डावुट हिल्वा सैकड़ों-हजारों एवताता माटु कम्युनिस्ट लोर मूँड जन-सिद्धांत कुन लागू कियाना सब्बे सही लोकुरा संग दीर्घकालीन एकता कीसि तासाकोम, ओसो गद्दार लोरा संगे ओसो कम्युनिस्ट-विरोधी कट्टर दुश्मन किन विड्चसी मना बोरे वेने दोस्त लोरा त्याग किवोम।

## 11. नवजनवाद की संस्कृति

पोरों वेहत्ता पूना कालम ते माटु चीनी राजनीति ता ऐतिहासिक विशेषतांग ओसो नवजवादी लोकतंत्र ता सवाल किन समझे कित्ताद मंता। इंजे माटु संस्कृति ता सवाल पोरों आल्सा परितोम।

बदे वेने संस्कृति उंदी समाज-विशेषता राजनीति ओसो अर्थ व्यवस्था ताए विचारधारात्मक रूप मंदिता। चीन लोप्पा उंदी साप्राज्यवादी संस्कृति मंता, इदु राजनीतिक, आर्थिक रूप ते साप्राज्यवादिर शासन ओसो आंशिक शासन ता रूप मंता। इदु संस्कृति किन चीन लोप्पा साप्राज्यवादीर सीधा ताकिकियाना सांस्कृतिक संगठनके आयवा इद्रम ता संस्कृति किन बचोनो चीनी लोर वेने लज्जा हिल्वा लेक्का इदिन बेरसी कितोरा। इद श्रेणी लोप्पा गुलाम विचारधारा किन साकार रूप हियाना पूरा संस्कृति वांता। चीन लोप्पा अर्ध-सामंती राजनीति ओसो अर्थव्यवस्था किन प्रदर्शित कियाना उंदी अर्ध-सामंती संस्कृति वेने मंता। अदिना प्रतिपादन कियानोरा लोप्पा कनफ्यूशियस ना पूजा कियानोर, कनफ्यूशियस सिद्धांत कुना अध्ययन, पाडना नैतिक-संहिता ओसो पाडना विचार कुना वकालत कियानोर ओसो पूना संस्कृति ओसो पूना विचार कुना विरोध कियानोर शामिल मंतोरा। साप्राज्यवादी संस्कृति ओसो अर्ध-सामंती संस्कृति तम्मोर इरवुर लेक्का मंतांग ओसो चीन ता पूना

संस्कृति ता विरोध ते प्रतिक्रियावादी सांस्कृतिक गठबंधन निल्पी कींतांग। इद्रमता प्रतिक्रियावादी संस्कृति साम्राज्यवादिर ओसो सामंति वर्ग ता सेवा कींता अद्रमासी इदिन खत्म कियाना जरुरी मंता। इदिन बस्के एवनल खत्म कियमूळायो अस्के एवनल बदे वेने रकम ता पूना संस्कृति ता निर्माण किया परमूळायो। पाडनदु नष्ट आयवा लेवा पूना निर्माण आया परवो, बांध हिल्वा पोंगनादु हिल्ले ओसो विराम हिल्वा गति मन्नो आंता। इव रेंडासीए हायना-पिस्सना संघर्ष लोप्पा जुडेमासी मंता।

पूना संस्कृति ता संबंध किन हूडतेके अदु पूना राजनीति ओसो पूना अर्थव्यवस्था ताए विचारधारात्मक रूप आंदू अनि अविनाए सेवा कींता।

माटु अध्याय 3 लोप्पा वेहतादु मंता, चीन लोप्पा बस्केडल पूंजीवादी अर्थव्यवस्था ता जन्म आता अस्केटले चीनी समाज ता स्वरूप कदम-ब-कदम बदलेमाता। इंजे इदु उंदी संपूर्ण सामंति समाज आयवा उंदी अर्ध-सामंती समाज आंदू मति सामंती अर्थव्यवस्थाए इंजे वेने प्रधान मंता। सामंती अर्थव्यवस्था ता तुलना ते इदु पूंजीवादी अर्थव्यवस्था उचुन पूना मंता। पूंजीपति वर्ग, निम्न-पूंजीपति वर्ग ओसो सर्वहारा वर्ग ता राजनीतिक ताकतकु पूना राजनीतिक ताकतकु आंदुंग, इद पूना पूंजीवादी अर्थव्यवस्था संगेने पैदा आता ओसो विकसित आता। इदु पूना संस्कृति विचारधारात्मक रूप ते इव पूना आर्थिक, राजनीतिक ताकत किन प्रदर्शित कींता ओसो अविना सेवा कींता। पूंजीवादी अर्थव्यवस्था लेवा, पूंजीपति वर्ग, निम्न-पूंजीपति वर्ग ओसो सर्वहारा वर्ग लेवा, इवु राजनीतिक वर्ग कुना ताकत लेवा, पूना विचारधारा ओसो पूना संस्कृति ता जन्म आया परवो आंता।

इव सब्बे पूना राजनीतिक, आर्थिक, सांस्कृतिक ताकतकु चीन ता क्रांतिकारी ताकतकु आंदुंग, इवु पाडना राजनीति, पाडना अर्थव्यवस्था ओसो पाडना संस्कृति ता विरुद्ध मंता। पाडना रेंडु हिस्सांग, उंदी चीन ता अर्ध-सामंती राजनीति, अर्थव्यवस्था, संस्कृति ओसो दूसरा साम्राज्यवाद ता राजनीति, अर्थव्यवस्था, संस्कृति ओसो ताना पेरकेटा हिस्सा इद गठबंधन ता प्रमुख हिस्सा आंदू रेंडासी हिस्सांग गलत मंतांग ओसो अविन पूर्ण रूप ते नष्ट कियाना। चीनी समाज लोप्पा पूना ओसो पाडना नडमा ता संघर्ष आम जनता (अलग-अलग क्रांतिकारी वर्ग) ना पूना ताकतकु ओसो साम्राज्यवाद, सामंती वर्ग कुना पाडना ताकत कुना नडमा ता संघर्ष आंदु। इदु क्रांति ओसो प्रतिक्रांति नडमा ता संघर्ष आंदू कालम ते हिसाब ते हूडतेके इदु अफीम युद्ध संगे गिनती कित्तेके इदु सौ साल ताकता, ओसो 1911 ता क्रांति संगे गिनती कित्तेके लगभग तीस साल ताकता।

मति मुन्ने वेहता लेकका क्रांतिंग ना वेने पूना ओसो पाड़ना लोप्पा वर्गीकरण कियमूँडांता, ओसो क्रांति उंदी ऐतिहासिक समय लोप्पा पूना मंदिंता ओसो उंदी दूसरा ऐतिहासिक समय लोप्पा पाड़ना आंता। चीन ता पूंजीवादी-जनवादी क्रांति ता शताब्दी किन रेंडु मुख्य चरण कुने तूसमूँडांता। पहली चरण 80 साल एवनल ओसो दूसरा चरण बीस साल एवनल मंता। हर चरण ता उंदी बुनियादी ऐतिहासिक विशेषता मंता, इत्तेके पहली 80 साल लोप्पा चीन ता पूंजीवादी-जनवादी क्रांति पाड़ना श्रेणी लोप्पा वांता, ओसो आखरी बीस साल कुना लोप्पा अंतर्राष्ट्रीय ओसो स्थानीय राजनीतिक परिस्थितिंग लोप्पा बदलाव आता कारण ते इद क्रांति पूना श्रेणी लोप्पा वांता। पाड़ना जनवादी मुन्नेटा 80 साल कुना विशेषता आंदू। नवजनवाद आखरी बीस साल कुना विशेषता आंदू। इद अंतर राजनीति ओसो संस्कृति लोप्पा वेने लागू आंता।

## 12. चीन ता सांस्कृतिक क्रांति ता ऐतिहासिक विशेषतांग

सांस्कृतिक ओसो विचारधारात्मक मोर्चा ते 4 मई आंदोलन तुकू मुन्नेटा कालम ओसो अदिना पेरकेटा कालम, इव रेंडासी अलग ऐतिहासिकि कालम आंदुंग।

4 मई आंदोलन तुकू मुन्ने चीन ता सांस्कृतिक मोर्चा पोर्झे ताकना संघर्ष पूंजीपति वर्ग ता पूना संस्कृति ओसो सामंती वर्ग ता पाड़ना संस्कृति नड़मा ता संघर्ष मत्ता। 4 मई आंदोलन तुकू मुन्ने आधुनिक-स्कूल व्यवस्था ओसो शाही-परीक्षा व्यवस्था पेरके, 16 पूना विद्या ओसो पाड़ना विद्या नड़मा ओसो पश्चिमी विद्या अनि चीनी विद्या नड़मा ताकना संघर्ष कुना स्वरूप इदे मत्ता। अस्केटा आधुनिक स्कूल, पूना विद्या ओसो पश्चिमी विद्या ता ध्यान मुख्य रूप ते प्राकृतिक विज्ञान ओसो पूंजीपति वर्ग ता सामाजिक-राजनीतिक सिद्धांत कुना पोर्झे केंद्रित मत्ता। इविना जरूरत पूंजीपति वर्ग ता प्रतिनिधि लोर किन मत्ता (माटु “मुख्य रूप ते” इंजी बारांकु इत्ताद मंता इत्तेके, अस्के एवनल वेने चीनी सामंतवाद ता उचुक रुझानकु आंशिक रूप ते पिसिस मत्तांग।) अस्के पूना विद्या ता विचारधारा चीनी सामंतवादी विचारधारा संगे संघर्ष कियाना लोप्पा उंदी क्रांतिकारी भूमिका निभे कित्ता ओसो पाड़ना कालम ता पूंजीवादी-जनवादी क्रांति ता सेवा कित्ता। मति चीनी पूंजीपति वर्ग लोप्पा ताकत कम मत्तांकु ओसो दुनिया साम्राज्यवाद ता युग लोप्पा नेंगसी मत्तांकु इद पूंजीवादी विचारधारांग पोर्झे टिकेमाया परता। विदेशी साम्राज्यवाद ता गुलाम

बने कियाना विचाराधारा ओसो सामंतवाद ता “पाइना” विचारधारा ता प्रतिक्रियात्मक विचारधारात्मक गठबंधन उंदी सुडला काउंटर हमला शुरू कित्तास्के, पूना विद्या तन्ना झंडा दोड़ कीसि पेरके गुचता, इद्रम कीसि अदु तन्ना बहारी रूप किन बचे कित्ता मति अदु तन्ना लोप्पाटल पूरा खाली आता लेकका आता। साप्रज्यवाद ता युग लोप्पा पाइना पूंजीवादी-जनवादी संस्कृति कमजोर आंता अद्रमासी अदु अनिवार्य रूप ते विफल आंता।

मति 4 मई आंदोलन लोप्पा परिस्थिति बदलेमात्ता। चीन लोप्पा उंदी बुल्कुल पूना सांस्कृतिक ताकत पुट्टा। अदु चीनी कम्युनिस्ट ता नेतृत्व ते ताकना कम्युनिस्ट संस्कृति, विचारधारा ओसो कम्युनिस्ट विश्व-दृष्टिकोण ओसो सामाजिक क्रांति ता सिद्धांत आंदू। 4 मई आंदोलन 1919 लोप्पा आता, चीनी कम्युनिस्ट पार्टी ता स्थापना ओसो चीन ता मजदूर आंदोलन ता वास्तविक शुरूआत 1921 ते आता - इवु सब्बे प्रथम विश्वयुद्ध ओसो अक्कूबर क्रांति पेरके इत्तेक राष्ट्रीय सवाल ओसो दुनिया ता औपनिवेशिक क्रांतिकारी आंदोलन कुना लोप्पा उंदी बदलाव आता। इद्रमे चीनी क्रांति ओसो विश्व-क्रांति नड़मा ता संबंध एकदम स्पष्ट आतांग। चीन ता पूना राजनीतिक ताकत - सर्वहारा वर्ग ओसो कम्युनिस्ट पार्टी चीन ता राजनीतिक मंच ते काल वाटता अदिना कारण ते पूना सांस्कृतिक ताकत पूना ड्रेस ओसो पूना हथियार कुना संगे सब्बे दोस्त वर्ग संगे परताचोन एकता कीसि, युद्ध ता मैदान ते तैनात आसी साप्राज्यवादी संस्कृति ओसो सामंती संस्कृति पोर्से वीरतापूर्वक हमला कित्तोर। इद पूना ताकत सामाजिक विज्ञान, राजनीतिक विज्ञान, सैनिक विज्ञान, इतिहास, साहित्य ओसो कला (नाटक, सिनेमा, पाटांग, मूर्तिकला ओसो चित्रकला) लेकटविना लोप्पा महान प्रगति हासिल कित्ता। हत्ता बीस सालकुनल इद पूना सांस्कृतिक ताकत बेगा हमला कित्ता अगा विचारात्मक विषय-वस्तु ओसो रूप रेंडासी ना लोप्पा (उदाहरण काजे, रासिस मत्ता भाषा ते) उंदी महान क्रांति आता। इदिना प्रभाव वेल्ले जबरदस्त मत्ता अद्रमासी इदु बेगे हत्ता अगा जीत हासिल कित्ता। इदु क्रांति बचोन लोकुरा संख्या किन तन्ना पेरके वाटतायो, अचोन चीन ता इतिहास लोप्पा इदिना बदे उदाहरण हिल्लो। लू शुन इद पूना सांस्कृतिक ताकत ता सबसे महान ओसो सबसे सही उदाहरण आंदुर। ओरु चीन ता सांस्कृतिक क्रांति ता प्रधान सेनानी मत्तोर। ओरु केवल साहित्य ता महान मानेये आयवा ओरु वरोर महाना विचारक ओसो क्रांतिकारी वेने मत्तोर। लु शुन बस्केने होरे मायवा लेककाटा मानेय मत्तोर ओरु बदे वेने रकम ता आदेश कुन मानेमायनोर या तोका पोयसी ताकनोर

लेककाटोर हिल्लोरा औपनिवेशिक ओसो अर्ध-औपनिवेशिक लोकुरा लोप्पा इद्रम ता गुण वेल्ले महत्वपूर्ण मंदिता। लू सुन देश ता विशाल बहुमत ता प्रतिनिधित्व किसोरे दुश्मन ता केंद्र पोर्टे हमला कीतोगा सांस्कृतिक मोर्चा लोप्पा ओरु सबसे बहादूर ओसो सबसे ईमानदार, सबसे मजबूत, सबसे सही ओसो वेल्ले गिर्दा ते मंदाना राष्ट्रीय नेताल मत्तोर, इद्रम ता नेता ना उदाहरण मना इतिहास लोप्पा ए हिल्लो। ओरु बदु हर्री पोयसी ताकतोरो अदे पूना राष्ट्रीय संस्कृति ता हर्री आंदू।

4 मई आंदोलन तुकू मुन्ने चीन ता पूना संस्कृति पाइना-जनवादी रकम ते मत्ता ओसो विश्व पूंजीपति वर्ग ता पूंजीवादी सांस्कृतिक क्रांति ता हिस्सा बनेमासी मत्ता। 4 मई आंदोलन पेरके इदु नव-जनवादी ओसो विश्व सर्वहारा वर्ग ता समजावादी सांस्कृतिक क्रांति ता हिस्से बनेमात्ता।

4 मई आंदोलन तुकू मुन्ने, चीन ता पूना सांस्कृतिक आंदोलन ओसो अदिना सांस्कृतिक क्रांति, इदिना नेतृत्व पूंजीपति वर्ग कित्ता ओसो इंजे वेने नेतृत्व लोप्पा उंदी प्रमुख भूमिका निभे किया मंता। 4 मई आंदोलन पेरके इदिना संस्कृति ओसो विचारधारा इदिना राजनीति तुकू वेने पेरके अरसी मत्ता अद्रमासी बदे वेने प्रमुख भूमिका निभे कियाना लेकका हिल्वा मत्ता, ज्यादा से ज्यादा, वीरु क्रांतिकारी कालम ते सहायता रूप ते उंदी तय कित्ता हंदी एवनले सेवा किया परितोर। मति असल इत्तेके अनिवार्य रूप ते गठबंधन ता नेतृत्व कियाना जिम्मेदारी सर्वहारा संस्कृति ओसो विचारधारा पोर्टे टिकेमासी मत्ता। इदु उंदी निर्विवाद तथ्य आंदू।

नवजनवादी संस्कृति व्यापक जनता ना साम्राज्यवाद विरोधी ओसो युद्ध-विरोधी संस्कृति आंदू नेंडु इदु जापान विरोधी संयुक्त मोर्चा ता संस्कृति आंदू। इद संस्कृति ता नेतृत्व बदे दूसरा संस्कृति या विचारधारा ते आयवा केवल सर्वहारा वर्ग ता संस्कृति, विचारधारा ओसो साम्यवादी विचारधारा तेने आया परिंता। उंदी पोल्लो ते वेहाना इत्तेके, नवजनवादी संस्कृति व्यापक जनता ना सर्वहारा नेतृत्व मत्ता साम्राज्यवाद-विरोधी ओसो सामंती-विरोधी संस्कृति आंदू।

### 13. नालुंग कालमकु

उंदी सांस्कृतिक क्रांति राजनीतिक क्रांति ओसो आर्थिक क्रांति ताए विचारधारात्मक रूप मंदिता ओसो अविनाए सेवा कींता। चीन लोप्पा राजनीतिक क्रांति ताए लेकका सांस्कृतिक क्रांति लोप्पा वेने उंदी संयुक्त मोर्चा मंता।

हत्ता बीस सालकुना सांस्कृतिक क्रांति लोप्पा संयुक्त मोर्चा ता इतिहास किन नालुंग कालमकुने तूसमूढांता। मुनेटा कालम ते 1919 तल 1921 एवनल रेंडु साल मंतांग, दूसरा कालम ते 1921 तल 1927 एवनल छै सालकु, तीसरा कालम ते 1927 तल 1937 एवनल दस सालकु मंतांग ओसो चौथा कालम ते 1937 तल इंजे एवनल मंडु सालकु मंतांग।

पहली कालम 1919 ता 4 मई आंदोलन तल पोयसी 1921 ता चीनी कम्युनिस्ट पार्टी ता स्थापना एवनल मत्ता। 4 मई आंदोलन इदिना मुख्य बदलाव ता घटना मत्ता।

4 मई आंदोलन उंदी साप्राज्यवाद-विरोधी आंदोलन मत्ता ओसो संगेने उंदी सामंतवादी-विरोधी आंदोलन वेने मत्ता। इदिना मुख्य ऐतिहासिक महत्व 1911 ता क्रांति लोप्पा मंत्ता, इतेके साप्राज्यवाद ओसो सामंतवाद ता पूर्ण रूप ते ओसो गढिक मंजी विरोध कींता। 4 मई आंदोलन लोप्पा इद गुण बारांकु मत्ता इतेके, अदु अस्के चीन लोप्पा पूंजीवादी अर्थव्यवस्था तन्ना विकास हर्दे उंदी डाका मुन्ने वाटसी मत्ता, बारांकु इतेके अदु रूस, जर्मनी आस्ट्रिया-हंगरी लेक्काटा मंडु बेहरा साप्राज्यवादी ताकत ता पतन आयना हूड़सी रेंडु दूसरा साप्राज्यवादी ताकतकु, ब्रिटेन ओसो फ्रांस किन कमजोर आयानदु हूड़सी ओसो रूसी सर्वहारा वर्ग किन उंदी समाजवादी राज्य ता स्थापना कियानादु हूड़सी, जर्मनी, हंगरी, इटली ता सर्वहारा वर्ग किन क्रांति काजे तेदनादु हूड़सी, चीन ता क्रांतिकारी बुद्धिजीविरा लोप्पा चीन देश ता मुक्ति काजे पूना आशा पैदा आसी मत्ता। 4 मई आंदोलन ता विश्व क्रांति, रूसी क्रांति ओसो कामरेड लेनिन ना आह्वान तिंची पुटता। इदु अद समय ता विश्व सर्वहारा क्रांति ता हिस्सा मत्ता। इंजे एवनल वेने कम्युनिस्ट पार्टी ता जन्म आत्ताद हिल्ले, मति मुनेटले वेल्ले बेहरा संख्या ते रूसी क्रांति ता समर्थन कियानोर ओसो कम्युनिस्ट विचाराधारा ता शुरुआती ज्ञान मत्ता बुद्धिजीवीर मत्तोर। 4 मई आंदोलन शुरू ते जनता ना मंडु हिस्सांग-कम्युनिस्ट बुद्धिजीवीर, क्रांतिकार निम्न-पूंजीवादी बुद्धिजीविर ओसो पूंजीपति वर्ग ता बुद्धिजीविरा (इद आंदोलन ता आखरी हिस्सा दक्षिण पंथ मत्ता)-उंदी संयुक्त मोर्चा ता क्रांतिकारी आंदोलन मत्ता। इदिना कमजोरी बुद्धिजीविर एवनले सीमित आसी मंदानदु मत्ता ओसो मजदूर किसान इदिना लोप्पा शामिल आत्ताद हिल्लो। मति इद आंदोलन 3 जून आंदोलन<sup>17</sup> ते विकसित आता इतेकेने केवल बुद्धिजीविरे आयवा सर्वहारा वर्ग, निम्न-पूंजीपति वर्ग ओसो पूंजीपति वर्ग ता व्यापक जन-समुदाय वेने तीना लोप्पा शामिल आता, ओसो इद उंदी देशव्यापी क्रांतिकारी

आंदोलन बनेमात्ता। 4 मई आंदोलन संगे शुरू कित्ता सांस्कृतिक क्रांति सामंती सांस्कृतिक ता गटिंग विरोध कित्ता। चीनी इतिहास ता शुरूआत तिंची इंजे एवनल इद्रम ता महान ओसो संपूर्ण सांस्कृतिक क्रांति बस्केने आयवा मत्ता “पाड़ना नैतिकता ता विरोध कीमुटु ओसो पूना नैतिकता ता अनुमोदन कियमुटु!” ओसो “पाड़ना साहित्य ता विरोध कियाना ओसो पूना साहित्य ता अनुमोदन कियाना!” अद काल ते इव रेंडु महान नारांग पोयसी इद सांस्कृतिक क्रांति उंदी महान योगदान कित्ता। अद कालम ते इद सांस्कृतिक आंदोलन ता मजदूर, किसान लोरा नड़मा व्यापक रूप ते फैलेमायना संभव हिल्वा मत्ता। इदु “साधारण जनता काजे साहित्य” ता नारांग पेश कित्ता मति असल ते अस्के “साधारण-जनता” इत्तेके केवल शहरी निम्न-पूंजीपति वर्ग ता बुद्धिजीविर ओसो पूंजीपति वर्ग ता बुद्धिजीविर इंजी मत्ता, इत्तेके शहरी बुद्धिजीविर इंजी। विचारधारा ओसो कार्यकर्ता लोरा दृष्टिकोण ते 4 मई आंदोलन 1921 ते चीनी कम्युनिस्ट पार्टी ता स्थापना ओसो 1925 लोप्पा 30 मई ता आंदोलन ओसो उत्तरी अभियान काजे हर्फी पंडता। इदु कालम ते पूंजीपति वर्ग ता बुद्धिजीवीर 4 मई आंदोलन ता दक्षिण पंथी मत्तोर ओसो ओरा लोप्पाटल ज्यादातर लोकुर दूसरा कालम ते दुश्मन संगे समझौता कीसि मत्तोर अनि प्रतिक्रियावादी पक्ष ते हंजी मत्तोरा।

दूसरा कालम ते, इदिना महत्वपूर्ण युग परिवर्तन ता घटनांग चीनी कम्युनिस्ट पार्टी ता स्थापना, 30 मई आंदोलन ओसो उत्तरी अभियान मत्ता, 4 मई आंदोलन ताकनास्के बने कित्ता मूँड वर्ग कुना संयुक्त मोर्चा जारी तासतद मत्ता ओसो इव सब्बे वर्ग कुना उंदी राजनीतिक संयुक्त मोर्चा बनेकिताद मत्ता अनि इदे प्रथम क्वोमिंगतांग-कम्युनिस्ट एकता ता रूप एतता। डा. सुन यात-सेन केवल 1911 ता महान क्रांति ता (पाड़ना कालम ताए जनवादी क्रांति मत्ता) नेतृत्व कित्तोर इंजीए आयवा “खुद किन दुनिया ता रुझान कुना अनुकूल बने किसोरे आम जनता ना मांग किन पूरा कीसोरे”, रूस संगे एकता, कम्युनिस्ट पार्टी संगे एकता ओसो किसान-मजदूर लोरा सहायता कियाना मूँड महान क्रांतिकारी नीतिंग किन पेश कितांकु, मूँड जन-सिद्धांत कुन पूना तरीका ते पेश कियाना ओसो इद्रमताए मूँडु महान नीतिंग वाले पूनांग मूँडु महान जन-सिद्धांत कुना स्थापना कियाना ताकत ओना लोप्पा मत्तोके ओरु वरोर महान मानेय मत्तोरा। इदिनकु मुन्ने, मूँड जन-सिद्धांतकुना शैक्षणिक, अकादमिक रूप ते ओसो नौजवान लोप्पा वेल्ले कम प्रभाव अरता, बारांकु इत्तेके अवु साम्राज्यवाद या सामंती सामाजिक व्यवस्था ओसो सामंती संस्कृति ओसो विचारधारा ता विरोध कियाना

बदे नारा हिल्वा मत्ता। अस्के ओरु पाड़ना मूँड जन-सिद्धांतकु मत्तांग, इविन उचुन मुल सत्ता पोरों कब्जा कियाला काजे, सरकारी पद कुन हासिल कियला काजे अस्थाई रूप ते तेहता झंडा इंजी आल्सानोरा। उंदी विशुद्ध रूप ते राजनीतिक डावपेज काजे इस्तेमाल कियमूँडांदू ताना पेरके मूँड महान नीतिंग वाले पूना मूँड जन-सिद्धांतकु मुने वातांग, क्वोमिंगतांग ओसो कम्युनिस्ट पार्टी नड़मा एकता आता ओसो रेंडासी पार्टिंग ना क्रांतिकारी सदस्य लोर कोशिश कीसि इव पूना मूँड जन-सिद्धांत कुन पूरा चीन लोप्पा फैले कीसितोर, तीना लोप्पा शैक्षणिक, अकादमिक रूप ते उंदी हिस्सा ओसो नौजवान छात्र लोरा व्यापक हिस्सा वेने शामिल मत्ता। इदिना कारण ते केवल मूँड मूल जन-सिद्धांत, साम्राज्यवाद-विरोधी, सामंतवाद-विरोधी मूँड महान नीतिंग वाले नवजनवादी मूँड जन-सिद्धांत कुना लोप्पा विकसित आतांग।

इद कालम ते इव क्रांतिकारी मूँड जन-सिद्धांतकु क्वोमिंगतांग ओसो कम्युनिस्ट पार्टी ओसो सब्बे क्रांतिकारी वर्ग किन संयुक्त मोर्चा ता राजनीतिक आधार बनेमातांग। “कम्युनिज्म मूँड जन-सिद्धांत कुना बेसता दोस्त आंदु” अदिन काजे व रेंडासी ना नड़मा उंदी संयुक्त मोर्चा बनेमाया परता। सामाजिक वर्ग कुना दृष्टि ते इदि सर्वहारा वर्ग, किसान वर्ग, शहरी निम्न-पूंजीपति वर्ग ओसो पूंजीपति वर्ग ता संयुक्त मोर्चा मत्ता। कम्युनिस्ट “सामाजिक मार्गदर्शन”, शांघाई तिंची क्वोमिंगतांग प्रकाशित कियाना “रिपब्लिकन डेली न्यूज़” ओसो विभिन्न इलाकांग ना अलग-अलग अखबार किन तन्ना कार्रवाई ता आधार ता रूप ते इस्तेमाल कीसोरे, रेंडासी पार्टिंग साम्राज्यवाद-विरोध ते संयुक्त रूप ते प्रचार कीतांग, कन्फूशियस ना पूजा कियाना ओसो कन्फूशियस सिद्धांत कुना अध्ययन कियाना पोरों आधार आसी मत्ता सामंतवादी शिक्षा ता संयुक्त रूप ते विरोध कित्ता ओसो सामंती साहित्य, शास्त्रिय भाषा ता विरोध कित्ता अनि उंदी साम्राज्यवादी विरोधी, सामंतवादी विरोधी सामग्री संगे पूना साहित्य ओसो रासना स्थानीय तरीका किन बेरसी कियाना पोरों जोर हीता। क्वांगतुंग इलाका ता युद्ध ओसो उत्तरी अभियान ताकनास्के चीन ता फौज किन साम्राज्यदी-विरोधी, सामंतवादी-विरोधी विचार कुना शिक्षा हीसी ओरा अविना लोप्पा सुधार कित्ता। “भ्रष्टाचारी अफसर लोर नाश आयना”, “स्थानीय निरंकुश तत्व, बुरे शरीफजादा लोर नाश आयना” ता नारा करोड़ों किसान लोरा नड़मा केयता, ओसो महान किसान क्रांतिकारी संघर्ष शुरू कित्ता। इव सब्बे कारण कुना कारण ते ओसो सोवियत संघ ता सहायता ते उत्तरी अभियान जीड़ता। मति बेहरा

पूंजीपति वर्ग सत्तारूढ़ आतास्के, तुरंत इद क्रांति समाप्त आता ओसो इद्रमे उंदी एकदम पूना राजनीतिक परिस्थिति पैदा आता।

तीसरा कालाम, 1927-37 ता पूना क्रांतिकारी कालम मत्ता। दूसरा कालाम ता आखरी ते क्रांतिकारी शिविर लोप्पा उंदी बदलाव आसी मत्तांकु ओसो चीन ता बेहरा पूंजीपति वर्ग ता साम्राज्यवादी, सामंती ताकत कुना प्रतिक्रांतिकारी शिविर लोप्पा हत्तांकु ओसो राष्ट्रीय पूंजीपति वर्ग वेने अदिन लागू किसोर मत्तांकु, क्रांतिकारी शिविर लोप्पा मुन्ने नालुंग वर्ग कुना लोप्पाटल केवल मूँडे वर्गकु पिसतांग। इतेके सर्वहारा वर्ग, किसान वर्ग ओसो निम्न-पूंजीपति वर्ग ता उचुक हिस्सांग (क्रांतिकारी बुद्धिजीवीर किन पोयसी)। ओसो इदिना कारण ते चीनी क्रांति अनिवार्य रूप ते उंदी पूना कालम लोप्पा नेंगता ताना लोपा चीनी कम्युनिस्ट पार्टीए आम जनता ना नेतृत्व कित्ता। इद कालम उंदी बगिल “घेराव कियाना ओसो विनाश कियाना” ता प्रतिक्रांतिकारी अभियान कुना कालाम मत्ता ओसो दूसरा बगिल क्रांति तेज आयाना कालाम वेने मत्ता। “घेराव कियाना ओसो विनाश कियाना” ता प्रतिक्रांतिकारी अभियान रेंडु रकम ता मत्ता - फौजी ओसो सांस्कृतिक। क्रांति तेज आयाना वेने रेंडु रकम ता मत्ता - ग्रामीण क्रांति ओसो सांस्कृतिक। क्रांति रेंडासीना लोप्पा गहराई वासी मत्ता। साम्राज्यवादीर भडके कीतांकु, दस सालकुनल दीर्घकालीन रूप ते ताकसोरे मत्ता ओसो अविना क्रूर दूसरा बदे हिल्वा लेक्काटाविन “घेराव कियाना ओसो विनाश कियाना” ता रेंडासी रकम ता अभियान कुना लोप्पा पूरा देश ता ओसो पूरा दुनिया ता प्रतिक्रांतिकारी ताकत किन उंदी कियमूळाता। लाखो कम्युनिस्ट ओसो नौजवान छात्र लोरकिन हौकमूळाता ओसो करोड़ों मजदूर-किसान लोर क्रूर उत्पीडन ता शिकार आत्तोरा। इव सब्बे पोल्लोंग ना जिम्मेदार लोकुरा नजर ते कम्युनिज्म ओसो कम्युनिस्ट पार्टी पूराए खत्म आयाना लेकका स्पष्ट रूप ते ओसो पक्का दिससोरे मत्ता। मति इदिना बिल्कुल उल्टा आता - “घेराव कियाना ओसो विनाश कियाना” रेंडासी अभियानकु पूराए विफल आतांग। फौजी अभियान ता कारण ते लाल सेना जापान ता प्रतिरोध कियाला काजे उत्तर बगिल मार्च कित्ता ओसो सांस्कृतिक अभियान ता कारण ते 1935 ते नौजवान लोर 9 दिसम्बर क्रांतिकारी आंदोलन ता समर्थन कित्तोरा। ओसो इव रेंडासी रकम ता प्रतिक्रांतिकारी अभियान कुना कारण ते पूरा देश लोप्पाटा जनता जागृत आता। इव मंडु सकारात्मक कारणकु मत्तांग। सबसे ज्यादा आल्सना लेक्काटा पोल्लो क्वोमिंगतांग ता “घेराव कियाना ओसो विनाश कियाना” ता सांस्कृतिक अभियान

ओसो कम्युनिस्ट पार्टी अगाठा सब्बे सांस्कृतिक संस्थांग लोप्पा बिल्कुले असुरक्षित परिस्थिति ते मत्ता क्वोमिंगतांग ता इलाकांग लोप्पा वेने पूर्ण रूप ते विफल आता। इद्रम बारांकु आता ? इविना पोर्हे वेल्ले गंभीर रूप ते चर्चा कियाना या आल्सना जरूरत हिल्लेया ? “धेराव कियाना ओसो विनाश कियाना” ताए अभियान कुना नडमा कम्युनिस्ट विचारधारा संगे निंडसी मत्ता लू शुन मत्तोर, अनि चीन ता सांस्कृतिक क्रांति ता महान मानै बनेमासी मत्तोर।

“धेराव कियाना ओसो विनाश कियाना” ता प्रतिक्रांतिकारी अभियान कुना नकारात्मक परिणाम जापानी साम्राज्यवाद मना देश लोप्पा नेंगनदु मत्ता। इदे पोल्लो ता मुख्य मुख्य कारण नेंडु एवनल वेने पूरा देश ता जनता अव दास सालकुना कम्युनिस्ट-विरोधी अभियान कुना पोर्हे वेल्ले होंग आंता।

इद कालम ता संघर्ष कुना लोप्पा क्रांतिकारी पक्ष जनता ना साम्राज्यवाद-विरोधी ओसो सामंतवाद-विरोधी नवजनवाद, पूना मूँड जन-सिद्धांत कुना पोर्हे गटीग नितसी मत्ता। प्रतिक्रांतिकारी पक्ष साम्राज्यवाद ता नेतृत्व ते जर्मींदार वर्ग ओसो बेहरा पूंजीपति वर्ग ता गठबंधन ता जबरदस्ती निरंकुश शासन ताकी कित्ता। इद शासन चीन देश काजे विनाशकारी परिस्थिति पुटी कियाना संगे-संगे अगाठा राजनीतिक ओसो सांस्कृतिक रेंडांसी ना रूप ते डा. सुन यात-सेन ना मूँड महान नीतिंग ओसो ओसो अविना मूँड जन-सिद्धांतकुन खत्म किसिता।

चौथा कालम वर्तमान जापानी-आक्रमण-विरोधी युद्ध ता कालम आंदू विंको-वंको हर्फी ते ताकसोरे चीनी क्रांति इंजे ओसो उंदी बेरा नालुंग वर्ग कुना संयुक्ता मोर्चा ते वाता। मति इद संयुक्त मोर्चा ता हंदी इंजे ओसोए ज्यादा व्यापक आता, बारांकु इत्तेके अदिना पोर्हेटा श्रेणी लोप्पा शासक वर्ग ता बचोनो सदस्य लोर शामिल मंतोर, इविना नडमा ता श्रेणी लोप्पा राष्ट्रीय पूंजीपति वर्ग ओसो निम्न-पूंजीपति वर्ग शामिल मंता ओसो अदिना दोङ ता श्रेणी लोप्पा पूरा सर्वहारा वर्ग शामिल मंता, अद्रमासी देश ता विभिन्न वर्ग ओसो समूह जापानी साम्राज्यवाद ता दृढतापूर्वक प्रतिरोध कियाना गठबंधन ता सदस्य बनेमातोर। इद कालम ता पहला चरण ऊहान ता पतन तुकु मुन्ने एवनल मत्ता। इद ताकसोरे मत्तास्के देश ता हर इलाका उंदी जीवा ते जीवा वाता लेक्काटा वातावरण मत्ता। राजनीतिक दृष्टि ते जनवादीकरण ता रुझान मत्ता ओसो सांस्कृतिक दृष्टि ते वेल्ले व्यापक गतिविधिंग ताकसोरे मत्तांग। ऊहान ता पतन तिंची दूसरा चरण शुरू आता, इद चरण लोप्पा राजनीतिक परिस्थिति ते बचोनो बदलावकु वातांग, बेहरा पूंजीपतिरा वर्ग ता उंदी हिस्सा दुश्मन मुन्ने आत्मसमर्पण

कीसिता ओसो अदिना दूसरा हिस्सा वेने प्रतिरोध-युद्ध किन जल्दी खत्म कियाला आल्सोर मत्ता। सांस्कृतिक रूप ते इद परिस्थिति छिंग ओसो चांग च्युन-माए लेक्काटा प्रतिक्रियावादी कारंवाईंग ना रूप ते ओसो भाषण, प्रेस ता आजादी ता दमन ते रूप ते प्रकट आता।

इद संकट किन दूर कियाला काजे सब्बे प्रतिरोध-विरोधी, एकता-विरोधी ओसो प्रगति-विरोधी विचार कुना खिलाफ दृढ़तापूर्वक संघर्ष ताकी कियाना, ओसो बस्के एवनल इव प्रतिक्रियावादी विचार किन खत्म कियमूळायो, अस्के एवनल प्रतिरोध-युद्ध लोप्पा जीत हासिल कियाना आशा कियमूळायो। इद संघर्ष ता परिणाम बातल आयार? पूरा देश ता जनता ना दिमाग ते इदु वेल्ले बेहरा सवाल तेदता। स्थानीय ओसो अंतर्राष्ट्रीय परिस्थिति ता दृष्टिकोण ते हूँडतेके प्रतिरोध हर्ही ते बचोन मुश्किल बातेकाई चीनी जनता ना जीत पक्का मंता। 4 मई आंदोलन तल इंजे एवनल हत्ता बीस साल कुना प्रगति केवल हत्ता अस्सी साल कुना प्रगति ज्यादा आयवा असली ते चीन ता इतिहास लोप्पा हत्ता हजारों साल कुना प्रगति तुकु वेने ज्यादा मंता। माटु वायना बीस साल कुना लोप्पा चीन ओसो बचोन प्रगति कियाना परिंता इंदाना पोल्लो पोर्रे आल्सा परवोमा? स्थानीय आई ओसो विदेशी ताकत कुनाई अंधाधुंध हिंसा कियानादु, मना देश पोर्रे वेल्ले मुश्किल परिस्थितिंग पैदा कित्ता। मति इदिना लोप्पाटले इव ताकतकुना लोप्पा इंजे वेने उचुन ताकत मंता इंजी वेहिंता ओसो इदु मुनेटले डोल्लाना लेक्का आसी मत्तादु वेने वेहिंता ओसो जनता तीरम-तीरम तम्मा जीत हासिल कियाना बगिल एवा मंतोर इंजी वेने वेहिंता। इद पोल्लो चीन काजे पूरा पूर्व काजे ओसो पूरा दुनिया काजे सही मंता।

#### 14. संस्कृति ता स्वरूप ता बारे ते उचुन गलत विचारक

हर पूना चीज कठोर ओसो तीव्र संघर्ष लोप्पाटले पेसिंता। इद पोल्लो हत्ता बीस साल तींचि ताकना, ओसो सही-गलत ता परख कित्ता ओसो संघर्ष लोप्पा साबित आता पूना संस्कृति ता बारे ते वेने सही मंता।

पूँजीपति वर्ग ता कट्टपंथी लोकुर राजनीतिक सत्ता ता सवाल ताए लेक्का संस्कृति ता सवाल पोर्रे वेने एकदम गलत मंतोर। ओरु चीन ता इद पूना कालम ता ऐतिहासिक विशेषतांग किन समझेमायोर, जनता ना नवजनवादी संस्कृति किने स्वीकार किवोरा ओरा शुरूआते पूँजीपति वर्ग ता निरंकुशता तिंची मंदिता, इदु

संस्कृति लोप्पा पूँजीपति वर्ग ता सांस्कृतिक निरंकुशता बनेमांता। यूरोपीय-अमेरिका स्कूल ते करियता लोकुरा उंदी वर्ग (नन्हा केविल उंदे वर्ग ता बरे वेहा मंतान) निज्जमे मुनेटा कालम ते सांस्कृतिक क्रांति लोप्पा क्वोमिंगतांग सरकार ता “कम्युनिस्ट लोरो विनाश कियाना” ओसो कम्युनिस्ट पार्टी पोरो “प्रतिबंध वाटना” अभियान ता समर्थन किया मंतोरा ओरु मजदूर-किसान लोर राजनीतिक ओसो सांस्कृतिक रूप ते तम्मा स्तर पोरो तेहना इंजी बस्केने आल्सोरा पूँजीपति वर्ग ता कट्टरपंथिरा सांस्कृतिक निरंकुशता हरी बेकेने ओयो। राजनीतिक निरंकुशता ता सवाल लेककाने तीना लोप्पा वेने स्थानीय ओसो अंतर्राष्ट्रीय पूर्व-शर्तकुना कमी मंता। अदिन काजे इद्रम ता सांस्कृतिक निरंकुशता किन वेने “उंदी बगिल” तासतेके बेस आयारा।

मना राष्ट्रीय संस्कृति ता दिशानिर्देश ता संबंध हूँडतेके, कम्युनिस्ट विचारधारा मार्गदर्शक भूमिका निभे कींता ओसो माकिन मजदूर वर्ग नडमा समाजवाद, कम्युनिज्म ता प्रचार कियाना ओसो किसान वर्ग, जनता ना दूसरा हिस्सांग किन पूर्ण रूप ते ओसो कदम-ब-कदम समाजवादी शिक्षा हियाना भरपूर कोशिश कियाना। मति समग्र रूप ते हूँडतेके, मावा राष्ट्रीय संस्कृति इंजे वेने समाजवादी हिल्लो।

सर्वहारा वर्ग ता नेतृत्व ता कारण ते नवजनवादी राजनीति, अर्थव्यवस्था, संस्कृति लोप्पा समाजवादी रुझान मंता, इदु केवल साधारण रुझान आयो इदु उंदी निर्णयिक रुझान आंदू मति राजनीतिक, आर्थिक, सांस्कृतिक परिस्थिति किन समग्र रूप ते हूँडतेके इदु इंजे एवनल नवजनवादीए मंता, समाजवादी हिल्लो। बारांकु इतेके चीनी क्रांति तन्ना वर्तमान चरण ते पूँजीवाद ता तख्ता पलट कियाला काजे कियाना समाजवादी क्रांति आयवा उंदी पूँजीवादी-जनवादी क्रांति आंदू, इदिना केंद्रीय कार्य मुख्य रूप ते विदेशी साप्राज्यवाद ओसो स्थानीय सामंतवाद ता विरोध कियाना मंता। राष्ट्रीय सांस्कृतिक रूप ते नेंडु पूना राष्ट्रीय सांस्कृतिक उंदी समाजवादी संस्कृति मंता या समाजवादी संस्कृति मंदाना इंजी समझेमायना गलत आंता। इदु कम्युनिस्ट विचारधारा ता प्रचार-प्रसार किन संघर्ष ता उंदी फौरी कार्यक्रम ता रूप ते लागू कियाना संगे लेसी कियाना ओसो समस्यांग कुना जांच-पड़ताल कियाना, खोज शुरू कियाना, काम संभाले कियाना, कार्यकर्ता लोर किन प्रशिक्षित कियाना लोप्पा कम्युनिस्ट दृष्टिबिन्दु, तरीका ता इस्तेमाल किन चीन ता जनवादी क्रांति ता मंजिल लोप्पा पूरा राष्ट्रीय शिक्षा, राष्ट्रीय संस्कृति ता कार्यदिशा संगे लेसी कींता। समाजवादी सामग्री वाले राष्ट्रीय संस्कृति अनिवार्य रूप ते समाजवादी राजनीति ओसो समाजवादी अर्थ व्यवस्था ता रूप मंदिंता। मावा राजनीति ओसो मावा

अर्थव्यवस्था लोप्पा समाजवादी रुझान मंता, अदिन काजे इदु समाजवादी रुझान मना राष्ट्रीय संस्कृति लोप्पा वेने दिसिंता। मना समाज ता समग्र रूप ते हङ्गतेके मनगा इंजे उंदी संपूर्ण समाजवादी राजनीति, अर्थव्यवस्था हिल्ले, अदिन काजे उंदी संपूर्ण समाजवादी राष्ट्रीय संस्कृति वेने मन्नो आंता। वर्तमान चीनी क्रांति विश्व सर्वहारा-समाजवादी क्रांति ताए अंग आंदू अदिन काजे नेंडु चीन ता पूना संस्कृति वेने विश्व ता सर्वहारा-समाजवादी पूना संस्कृति ताए अंग आंदू ओसो अदिना महान दोस्त आंदू। इदु अंग लोप्पा समाज वादी संस्कृति ता महत्वपूर्ण रुझान मंता, मति पूरा राष्ट्रीय संस्कृति, विश्व ता सर्वहारा-समाजवादी पूना संस्कृति ता रुझान लोप्पा उंदी संपूर्ण समाजवादी संस्कृति ता रूप ते आयवा आम जनता ना साम्राज्यवादी -विरोधी , सामंतवादी-विरोधी नवजनवादी संस्कृति ता रूप ते मंदिता। वर्तमान चीनी क्रांति सर्वहारा वर्ग ता नेतृत्व लेवा ताका परवो, अदिन काजे चीन ता पूना संस्कृति वेने सर्वहारा वर्ग ता संस्कृति, विचारधारा ता नेतृत्व इच्छेके कम्युनिस्ट विचारधारा ता नेतृत्व लेवा ताका परवो। मति वर्तमान मंजिल लोप्पा इद्रम ता नेतृत्व मत्तेके उंदी साम्राज्यवाद-विरोधी ओसो सामंतवाद-विरोधी राजनीतिक, सांस्कृतिक क्रांति लोप्पा आम जनता ना नेतृत्व कियाना, अदिना काजे चीन ता पूना राष्ट्रीय संस्कृति ता सामग्री इंजे वेने समग्र रूप ते समाजवादी आयवा नवजनवादी मंता।

नेंडु कम्युनिस्ट विचारधारा किन ओसो वेने व्यापक रूप ते फैले कियाना ओसो मार्क्सवाद-लेनिनवाद ता अध्ययन लोप्पा ओसो ज्यादा जोर वाटना, लेवके माटु केवल चीनी क्रांति किन वायाना समाजवादी मंजिल एवनल ओयना लोप्पा विफल आंतोम, ओसो वर्तमान जनवादी क्रांति ता जीत ओसो मार्गदर्शन कियाना लोप्पा वेने विफल आंतोम इंदाना पोल्लो लोप्पा बदे डावुट हिल्ले। मति माटु केवल कम्युनिस्ट विचारधारा ओसो कम्युनिस्ट सामाजिक व्यवस्था ता प्रचार कियाना ओसो संघर्ष ता नवजनवादी कार्यक्रम किन लागू कियाना नडमा फर्क कियानाए आयवा, समस्यांग कुना जांच-पडताल कियाना, खोज कियाना, काम संभाले कियाना ओसो कार्यकर्ता लोरिन प्रशिक्षित कियाना ता कम्युनिस्ट सिद्धांत, तरीका ओसो पूरा राष्ट्रीय संस्कृति ता नवजनवादी कार्यदिशा नडमा वेने फर्क कियाना। इव रेंडासी किन उंदी-दूसरा संगे हिर्की कियाना सही मन्नो आंता।

इद्रमे वर्तमान मंजिल लोप्पा चीन ता पूना राष्ट्रीय संस्कृति ता सामग्री पूंजीवादी संस्कृतिक निरंकशता ओसो सर्वहारा वर्ग ता समाजवाद संस्कृति आयवा सर्वहारा-

समाजवादी संस्कृति, विचारधारा ता नेतृत्व लोप्पा आम जनता ना साम्राज्यवाद-विरोधी, सामंतवाद-विरोधी नवजनवाद आंदू।

## 15. उंदी राष्ट्रीय, वैज्ञानिक ओसो लोक संस्कृति

नवजनवादी संस्कृति उंदी राष्ट्रीय संस्कृति आंदू। इदु साम्राज्यवादी उत्पीड़न ता विरोध कींता ओसो चीन देश ता सम्मान ओसो आजादी किन रक्षा कींता। इदु मना राष्ट्र ता संस्कृति आंदू ओसो मना राष्ट्रीय विशेषतांग किन पोयसी ताकिंता। इदु बाकी सब्बे राष्ट्र कुना समाजवादी ओसो नवजनवादी संस्कृतिंग संगे जुडेमासी मंता ओसो इवु उंदी दूसरातगड़ल करियंता ओसो उंदी दूसरा ता विकास लोप्पा मदद कींता ओसो आपसते कलियसी उंदी पूना पूना विश्वसंस्कृति ता निर्माण कींतांगा मति उंदी क्रांतिकारी राष्ट्रीय संस्कृति मत्तांकु इद बदे वेने देश ता साम्राज्यवादी प्रतिक्रियावादी संस्कृति संगे बस्केने जुडेमायो। चीन किन तना संस्कृति किन पोसे कियाला काजे दूसरा देशकुना प्रगतिशील संस्कृति किन उंदी हंदी एवनल पोयसी ताका लागियरा इद काम मुनेटा कालम ते वेल्ले कम आत्ताद मंता। माटु केवल नेटा समाजवादी, नवजनवादी संस्कृतिंग संगेने आयवा मना काजे उचुन वेने मदद आयना लेक्काटा दूसरा देश कुना पाइना संस्कृतिंग संगे, इतेके विभिन्न पूंजीवादी देश कुना नवजागरण युग ता संस्कृतिंग संगे वेने संबंध तासिसी अविन पोयसी ताका लागियरा मति माटु इद्रम ता सब्बे विदेशी सामग्री लोप्पा सही-गलत गुण किन हूडवा लेवा यांत्रिक रूप ते बस्केने लागू कियानायवा, इदिन मनम गाटो तिंदाना लेक्का ध्यान ते कियाना-इतेके मुने हल्किंतोम, पेरके लोपितोम पोट्टा ओसो पोरहकिन काम कियाला तैयार कींतोम। ताना पेरके पोरहकू बेसता चीज संगे नेतुर बनेकींतांग ओसो खराब चीज किन डोड्डी ता रूप ते अलग कीसि बाहार वाटिता, ओसो बेसता मेंदूल ग्रहण किंता। “पुराए पश्चिमीकरण”<sup>19</sup> किन लागू कियाना गलत मंता। विदेशी सामग्री किन बद्रम ता अद्रमे लागू किता कारण ते चीन किन वेल्ले नुक्सान तेहा लागता। अद्रमे, चीन लोप्पा मार्क्सवाद किन लागू कियाना लोप्पा चीनी कम्युनिस्ट लोर चीनी क्रांति ता ठोस अध्ययन संगे मार्क्सवाद ता सार्वभौमिक सत्य ता पूरा ओसो सही तरीका ते एकीकृत कियाना या मार्क्सवाद ता सार्वभौमिक सत्य किन विशिष्ट राष्ट्रीय विशेषतांग संगे जोडे कियाना ओसो उंदी सही राष्ट्रीय रूप ते ग्रहण कियाना इतेके बेस मंता। इद्रमे आयवा जरूर मार्क्सवाद ता पूरा सच्चाई किन चीनी क्रांति ता ठोस

अमल संगे पूरा ओसो सही तरीका ते काल्पना, ओसो दूसरा माटा ते इदु मार्क्सवाद ता पूरा सच्चाई किन चीन ता राष्ट्रीय विशेषतांग संगे काल्पन्मूडायर ओसो अदु उंदी निश्चित राष्ट्रीय रूप ग्रहण कियाना, ओसो अदिन बदे वेने परिस्थिति ते केवल उंदी फार्मूला हिसाब ते मनोगत रूप ते लागू किया परमूडायो। फार्मूला वाले ढोंगी मार्क्सवादीलोर मार्क्सवाद ओसो चीनी क्रांति संगे बकवल लेकका करसा मंतोर, ओरा काजे चीनी क्रांति लोप्पा बदे जागा हिल्लो। चीनी संस्कृति ता तना खुद ता रूप मंता ओसो खुद ता राष्ट्रीय रूप मंता। स्वरूप लोगा राष्ट्रीय ओसो विषय-वस्तु लोप्पा नवजनवाद मंदना - इदे मावा नेटा ता पूना संस्कृति।

नवजनवादी संस्कृति उंदी वैज्ञानिक संस्कृति आंदू। इदु सब्बे सामंती, अंधविश्वासपूर्ण विचार कुना विरोध कींता, ओसो व्यवहार तिंची सच्चाई परकना, वस्तुगत सच्चाई ओसो सिद्धांत किन व्यवहार संगे कालपना पोर्हे निच्ची मंता। इद समझदारी पोर्हे आधार आसी, साप्राज्यवाद औसो सामंतवाद खिलाफ संयुक्त मोर्चा बने कियाला संभवाना मंता, इदिना लोप्पा चीनी सर्वहारा वर्ग ता वैज्ञानिक विचारकु ओसो चीनी पूंजीपति वर्ग ता भौतिकवाद, प्रगतिशील मंदना प्राकृतिक वैज्ञानिक लोरा नड़मा स्पष्ट श्रेणी बना कीसि एकजुट आया परिंतोम मति मति बदे वेने प्रतिक्रियावादी आदर्शवाद संगे संयुक्त मोर्चा बनेकियाना आयो। बदे वेने परिस्थिति ते हिल्लो। राजनीतिक कार्बाईंग ताकनास्के कम्युनिस्ट आदर्शवादिर ओसो उचुन धार्मिक लोकुरा संगे वेने उंदी साप्राज्यवाद-विरोधी ओसो सामंतवाद-विरोधी संयुक्त मोर्चा बने किया परिंतोर, मति ओरा आदर्शवाद ओसो धार्मिक सिद्धांत कुना समर्थन बस्के कियाना आयो। चीन ता सामंती समाज ता दीर्घकालीन समय ते पाड़ना संस्कृति ता निर्माण कित्ताद मत्ता। इद पाड़ना संस्कृति ता विकास ता अध्ययन कियाना, इदिन सामंतवादी कूड़ा-कचरा किन वाटसियाना ओसो इदिना जनवादी सारतत्व किन पोयसी ताकना मना पूना राष्ट्रीय संस्कृति किन विकसित कियाना ओसो मना राष्ट्रीय आत्मविश्वास किन बेरसी कियाला काजे जरूरी शर्त मंता, मति माटु सही-गलत ता परख किवा लेवा बदे वेने चीज किन बदे वेने परिस्थिति ते ग्रहण कियानायो। जनता ना पाड़ना संस्कृति ता उंदी जनवादी, क्रांतिकारी स्वरूप मत्ता, अदिन पाड़ना सामंती शासक वर्ग ता कड़ीता चीजकुनगडल अलग कियाना जरूरी मंता। चीन ता वर्तमान पूना राजनीति ओसो पूना अर्थव्यवस्था अदिना पाड़ना राजनीति ओसो पाड़ना अर्थव्यवस्था तिंचिए विकसित आता, ओसो अदिन वर्तमान पूना संस्कृति वेने अदिना पाड़ना संस्कृति तिंचिए विकसित आता। अदिन

काजे माटु जरूर मना इतिहास ता आदर कियाना ओसो अदिन कट कीसि अलग कियानायो। मति, इतिहास ता सम्मान कियाना इत्तेके अदिन उंदी विज्ञान ता रूप ते उंदी सही जागा हियाना, ताना द्वन्द्वात्मक विकास ता सम्मान कियाना, ओसो पाड़ना कालम किन सुरता कियाना अस्के वर्तमान कालम किन नजरंदाज कियाना आयो इत्तेके सामंती जहर ता उंदि बूंद किन बेस इंजी वेहना आयो। आम जनता ओसो नौजवान छात्रा लोरकिन पेरके हूडवा लेवा मुने दायला काजे मार्गदर्शन हियाना।

नवजनवादी संस्कृति इत्तेके आम जनता ना संस्कृति आंदू अदेनके इद जनवादी संस्कृति मंता। इदिन राष्ट्र ता कुल जन संख्यता ९० प्रतिशत मंदना मजदूर किसान समुदाय ता सेवका कियाना पाहिजे औसो धीर-धीर तना संस्कृति लोप्पा बदले मायना पाहिजे। क्रांतिकारी कार्यकर्ता लोर किन हियाना ज्ञान और क्रांतिकारी जनता किन हियाना ज्ञान लोप्पा, संस्कृति स्तर बेरसी कियाना लोप्पा और जनता लोप्पा लागू कियाना लोप्पा ताकसोरे मत्ता काम लोप्पा फर्क कियाना पाहिजे ओसो ताना लोप्पा तालमेल बने कियाना पाहिजे। क्रांतिकारी संस्कृति व्यापक जनता काजे उंदी जबरदस्त क्रांतिकारी हथियार लेक्का मंता। इद क्रांति वायना मुने तना लोप्पा विचारधारात्मक आधार किन तैयार कीसि तासिंता और क्रांति ताकसोरे मंदना अस्के इद उंदी आम क्रांतिकारी मोर्चा और उंदी महत्वपूर्ण लेवेके जरूरी लड़ाकू मोर्चा लेक्का मंदिता। क्रांतिकारी संस्कृति कबड़ लोप्पा काम कीसोरे मंदना लोकूर इद सांस्कृति मोर्चा पोरो तैनात कमांडर लेक्का मंतोर। "क्रांतिकारी सिद्धांत लेवा बदे क्रांतिकारी आंदोलन ताको इंजी 20" इत्तेके क्रांतिकारी व्यवहारिक आंदोलन लोप्पा क्रांतिकारी सांस्कृतिक आंदोलन ता बचोन महत्व मंतायो माटू अंदाजा वाटा परिंतोम। सांस्कृतिक ओसो व्यवहारिक रेंडासी आंदोलन जनता ता आंदोलन मंदना। अदेनके जापान हमला विरोधी युद्ध लोप्पा सब्बे प्रगतिशील सांस्कृतिक कार्यकर्तालोराग तना सांस्कृतिक सेना इत्तेके व्यापक जनता जरूर मंदना। आम जनता किन संपर्क हिलवा मंदना क्रांतिकारी सांस्कृतिक कार्यकर्ता लोर उंदि 'सेना हिलवा सैनिक' लेक्का मंतोर, वेरा एकजुट आयना दुश्मन किन मुट्ठी किया परवो। इद लक्ष्य किन पूरा कियाला काजे चीनी भाषा लिपी लोप्पा समया आतास्के सुधार कियाना जरूरी मंता ओसो मावा भाषा किन जनता ता भाषा हेरे ओयना जरूरत मंता। इदिना पोरों पक्काए जोर वाटना कि मावा क्रांतिकारी संस्कृति का स्रोत जनताए मंता।

उंदी राष्ट्रीय, वैज्ञानिक ओसो लोकुरा संस्कृतिए आम जनता ता साप्राज्यवाद  
विरोधी ओसो सामंतवाद विरोधी संस्कृति मंता, इदे नव जनवादी संस्कृति ओसो इदे  
चीनी राष्ट्र ता पूना संस्कृति मंता।

नव जनवादी ता राजनीति, अर्थतंत्र ओसो संस्कृति ओसो इदे उंदि आसी -  
नवजनवादी गणराज्य ता निर्माण किंता, इदे पोर्ँ तुकू ओसो इदे असल लोप्पा चीनी  
गणराज्य आंदू, बदिना माटू निर्माण कियाना मंतायो इदे पूना चीन आंदू।

अद हूडाटू, पूना चीन मावा कोंडा मुन्ने मंता। वाटू माटू सब्बे तोर तानकिन  
जोहार वेहत्ताकाला।

पूना चीन ता मारेंग मोयूल लोप्पा उडे माया मंता, वाटू अदिना स्वागत लोप्पा  
डाका वाटाकाला।

वाटू रेंड कैइ तेहाटू। पूना चीन मावा आंदू।

## नोट

16. “चीनी संस्कृति” जनवरी 1940 लोप्पा येनान लोप्पा स्थापित किता उंदी  
पत्रिका मत्ता: इद लेख पहली बेरा इदे पत्रिका ता पहली लोप्पा प्रकाशित  
आसी मत्ता।
17. कार्ल मार्क्स, “राजनीतिक अर्थशास्त्र ता आलोचना कियाना लोप्पा उंदी  
योगदान”, प्राक्कथन।
18. कार्ल मार्क्स, “फायरबाख संबंधी स्थापनाएं”।
19. जे.वी. स्टालिन, “अक्तूबर क्रांति ओसो राष्ट्रीय सवाल”।
20. वी.आई. लेनिन, “साप्राज्यवाद, पूँजीवाद की चरम अवस्था”।
21. इव सोवियत-विरोधी अभियान च्यांग काई-शेक क्रांति तुकू धोखा हीता  
ऐरेके क्वोमिंगतांग सरकार भडकेकीतांकु ताकतांग। 13 दिसम्बर 1927 ते,  
क्वोमिंगतांग क्वांगचओ लोप्पा सोवियत वाइस-कान्सुल किन हौकता अनि  
दूसरा दिय्या नानकिंग लोप्पा मत्ता क्वोमिंगतांग सरकार “रूस संगे मत्ता  
संबंध तोडे कियाना आदेश” जारी कीसि, विभिन्न इलाकांग लोप्पा  
सोवियत कान्सुल किन हीता अधिकार किन वापिस पोयता ओसो सोवियत  
वाणिज्य संस्थांग कुना गतिविधिंग बंद कियाना आदेश हीता। अगस्त 1929  
लोप्पा च्यांग काई-शेक साप्राज्यवाद ता भडकावा ते वासी उत्तर-पूर्व ते

सोवियत संघ ता विरुद्ध कार्रवाईंग कित्तोर, अदिना कारण तेने सब्बे मुठभेड़कु आतांग।

22. कमाल पहली विश्व युद्ध पेरके तुर्की ता सौदागर पूँजीपति वर्ग ता प्रतिनिधि मत्तोरा पहली विश्वयुद्ध पेरके ब्रिटिश साप्राज्यवादीर तम्मा कब्जा ते मत्ता राज्य किन तुर्की ता विरुद्ध सशस्त्र आक्रमण कियाला काजे भडके कित्तोर, मति तुर्की ता जनता ना सोवियत संघ ता मदद ते 1922 ते यूनानी फौज किन होरे कित्तोरा। 1923 ते कमाल तुर्की ता राष्ट्रीपति बनेमातोरा इंजी स्तालिन इत्तोः कमालवादी क्रांति, विदेशी साप्राज्यवादिरा विरुद्ध संघर्ष ताकनास्के, शुरू आता उच्च श्रेणिंग ना क्रांति आंदू राष्ट्रीय सौदागर पूँजीपति वर्ग ता क्रांति आंदू, इदिना विकास पेरके सारतः किसान, मजदूर लोग विरुद्ध, उंदी भूमि-क्रांति ता परताचोन विरोध आयाना लेकका मंता। (हूङ्गामा:स्तालिन, “सुन यात-सेन विश्वविद्यालय ता छात्रा लोग संगे कित्ता चर्चा”)।
23. इगा कामरेड माओ त्सेतुंग च्यांग च्युन-माए ओसो ओना अपराध कुना बगिल इसारा कित्तोरा। 4 मई आंदोलन पेरके च्यांग च्युन-माए खुल्लमखुल्ला विज्ञान ता विरोध कित्तोर ओसो अध्यात्मवाद “आत्मिक संस्कृति” किन पोयसी ताकतोर, अद्रमासी ओनकिन लोकुर “अध्यात्मवाद-विक्रेता” इंजी इंदानोरा। च्यांग काई-शेक ओसो जापानी आक्रमणकारीरा समर्थन कियाला काजे ओरु च्यांग काई-शेक ना आदेश ते दिसम्बर 1938 ते “कामरेड माओ त्सेतुंग के नाम खुला पत्र” प्रकाशित कित्तोर, तीना लोप्पा आठवीं राह सेना, पूना चौथी सेना ओसो शेनशी-कानसू-निगंश्या हंदी इलाका ता उन्मूलन कियाना प्रचार कित्तोरा।
24. हूङ्गामा: क्वोमिंगतांग-कम्युनिस्ट एकता ता स्थापना चीनी कम्युनिस्ट पार्टी ता केंद्रीय कमेटी ता घोषणापत्र, इदिन सितम्बर 1937 ते जारी कीसि मत्तोरा।
25. हूङ्गामा: डा. सुन यात-सेन 1924 ते हीता “जन-जीविका ता सिद्धांत पोर्ण भाषण”, भाषण2।
26. छन ली-फू, च्यांग काई-शेक ग्रुप ता क्रूर खुफिया अधिकारीर लोप्पाटल वरोर मत्तोर, बचोनो प्रतिक्रियावादी लेखक लोरकिन पोयसी “जीवन-शक्तिवाद” हेडिंग वाले तोका-तल्ला हिल्वा लेख रासी कित्तोर, ताना लोप्पा क्वोमिंगतांग ता फासीवाद ता बारे ते रासिस मत्तोर ओसो छन ली-फू ना क्रूर पोर्णल ते प्रकाशित कीसि मत्तोरा।

27. “श्रम ता अनुसार वितरण ता सिद्धांत” शानसी इलाका ता बडे जर्मींदार ओसो बडे दलाल-पूँजीपतिरा प्रतिनिधि, युद्ध-सरदार येन शी-शान लज्जा हिल्वा लेक्का पेश कित्ता नारा मत्ता।
28. “रेंडासी पक्ष कुना संगे आयना हमलांग ना मुकाबला कियाना”-इद वांग चिंग-वेइ 1927 लोप्पा क्रांति संगे गद्दारी कित्ता पेरके रास्ता लेख ता हेडिंग मत्ता।
29. “यूगोस्लाविया ता राष्ट्रीय सवाल ताब बारे ते” हेडिंग मत्ता भाषण जे.वी.स्तालिन 30 मार्च 1925 ते कम्युनिस्ट इन्टरनेशमल ता कार्यकारिणी समिति ता यूगोस्लाव कमीशन लोप्पा हीसी मत्तोरा ताना स्तालिन इंजी मत्तोरः किसान समूह राष्ट्रीय आंदोलन ता मुख्य सेना आंदू किसान लोरा इद सेना लेवा बदे शक्तिशाली राष्ट्रीय आंदोलन मन्नो ओसो मंदा वेने परवो। इत्तेके राष्ट्रीय सवाल मुख्य रूप ते उंदी किसान लोरा सवाल आंदू इंजी इंदा परितोम।

## आत्मसमर्पण ता खतरा किन दूर किमुट ओसो परिस्थितिकुन बेस बने कियाला कोशिश किमुट

२८ जनवरी १९४०

केंद्रीय कमेटी कित्ता मूल्यांकन किन वर्तमान घटना-क्रम ता विकास सही साबित कित्ता। बेहरा जर्मांदार ओसो बेहरा पूंजीपति वर्ग लागू कित्ता आत्मसमर्पणवादी कार्यदिशा सर्वहारा वर्ग, किसान, शहरी ओसो मध्यम पूंजीपति वर्ग लागू कित्ता सशस्त्र प्रतिरोध ता कार्यदिशा तुक इनपडे उलटा मंता, इव रेंडू कार्यदिशाकुना लोप्पा संघर्ष ताकसोरे मंता। इंजे वेने रेंडू कार्यदिशाकु ताकसोरे मंता, वायना कालम लोप्पा इविनगडल उंदिए जीझुमड आयरा अलग-अलग जगा लोप्पा जर्गता आत्मसमर्पण, कम्युनिस्ट-विरोध ओसो प्रतिगमन ता गंभीर घटनाकु, अलग-अलग घटना आयो इंजी मावा पूरा पार्टी ता कामरेड्स लोर इदिन जरूर समजेमायना। माटू अदिना गंभीरता कुन समजेमायना, अदिना खिलाफ गट्टिक मंजी संघर्ष कियाना ओसो अदिना प्रभाव दोड दबे मासी मंदनायो। मावा लोप्पा इद विचार खत्म आयना आओ। इव घटनाकुना खिलाफ गट्टिक मंजी हल कियना सही नीति लागू कीवेके, कोमिंगतांग ता कड्हरतावादी “कम्युनिस्ट पार्टी विरोधी फौजी नियंत्रण ओसो कम्युनिस्ट पार्टी पोरो राजनीतिक नियंत्रण” ता नीति लागू कियाला हित्तेके, मावा लोप्पा संयुक्त मोर्चा देगला वेरी मत्तेके मावा प्रतिरोध युद्ध ता भविष्य खतरा लोप्पा अर्हिता, आत्मसमर्पण ओसो कम्युनिस्ट-विरोध देशमेंड फैलेमायर, अस्के संयुक्त मोर्चा देगना वास्तविक खतरा पुढियरा प्रतिरोध-युद्ध जारी तासला काजे, एकता कीसि मंदला काजे ओसो प्रगति किन ताकि किसोरे मंदला काजे मावा संघर्ष ता अनुकूल देश लोप्पा ओसो बाहर वेने वेल्ले वस्तुगत परिस्थिति मंता इंजी समजेमायना वेने मावा काजे स्पष्ट रूप ते जरूरी मंता। उदाहरण तुकु, हमेसा लेक्काने जापान इंजे वेने चीन ता खिलाफ कठोर नीति लागू कीसोरेने मंता, उंदि बगिल ब्रिटेन, अमेरिका, क्रांश ओसो दूसरा बगिल जापान ता नड़मा मंदना अंतरविरोध इचुन कम

आतेके वेने ओरा नड़मा बदे सही तालमेल बनेमात्ताद हिल्ले ओसो यूरोपीय युद्ध ता कारण पूर्व लोप्पा ब्रिटेन ओसो फ्रांस ता स्थिति कमजोर बने मात्ता। अदेनके बदे दूरपूर्वी म्यूनिख सम्मेलन ता आयोजन कियाना पक्काए मुश्किल मंता, ओसे सोवियत संघ चीन किन सक्रिय मदद किसोरे मंता। इद्रम ता अंतर्राष्ट्रीय परिस्थिति किन हूड़सोरे कोमिंगतांग आत्मसमर्पण, सुलह-समझौता लेवेके देशमेंड कम्युनिस्ट विरोधी युद्ध शुरू कियाना लेक्का हिल्ले। देश लोप्पा कम्युनिस्ट पार्टी ओसो आठवी राह सेना ओसो पूना चौथी सेना आत्मसमर्पण ता गट्टिकमंजी विरोध किसोर मंता, प्रतिरोध ओसो एकता ता नीति ता गट्टिक मंजी समर्थन किया मता, मध्यमवर्ती वर्ग वेने आत्मसमर्पण नीति ता विरोध ते मंतोरा कोमिंगतांग लोप्पा मंदना आत्मसमर्पणवादीर ओसो कट्टरतावादी लोकुर सत्ता लोप्पा मत्तेके वेने ओरू अल्पमत ते मंतोर। इव घेरेलू परिस्थिति ता कारण ते वेने कोमिंगतांग आत्मसमर्पण, सुलह-समझौता लेवेके देशमेंड कम्युनिस्ट विरोधी युद्ध शुरू कियाना लेक्का हिल्ले। इद्रम ता परिस्थिति लोप्पा मावा कम्युनिस्ट पार्टी उंदि बगिल आत्मसमर्पणवादीर ओसो कट्टरतावादिरा सैनिक, राजनीतिक हमलाकुना गट्टिकमंजी प्रतिरोध कियाना, दूसरी बगिलित राजनीतिक पार्टिंग कुन, सरकारी संगटनकुन, फौज, नागरिक ओसो बुद्धिजिविर कुन संयुक्त मोर्चा लोप्पा सक्रिय रूप ते विकसित कियाना। कोमिंगतांग ता बहुसंख्यक लोकुर, मध्यवर्ती तबाकांग ओसो जापान-विरोधी फौजकु कुना लोप्पा मंदानोर हमर्दद लोरु मावा पक्ष लोप्पा मंदना इंजी माटू परताच्चोन कोशिश कियाना। जनांदोलनकुन वेल्ला बेहरा बने कियाना, बुद्धिजीविर किन मावा बगिल पीड़ंगना, जापान-विरोधी आधार-इलाकंगकुन सुदृढ़ कियाना, जापान विरोधी सशस्त्र ताकतकुना ओसो जापान विरोधी राजनीतिक सत्ता ता संगटनकुना विस्तार कियाना। माटू खुद माकिन सुदृढ़ बने कियाना ओसो गारंटी मंजी माटू विकसित आयना। इव रेंड कबस्कु माटू उंदे बेरा किस मत्तेके माटू बेहरा जर्मीदार वर्ग ओसो बेहरा पूंजीपति वर्ग कियाना आत्मसमर्पण ता खतरा किन दूर किया परिंतोम ओसो पूरा परिस्थिति किन बेस बने किया परिंतोम। अदेनके पार्टी ता इंजेटे आम पोलिसी हिसाब ते पूरा परिस्थिति किन बेस बने कियाना कोशिश कियाना, वायना सब्बे संकटकुनगडल सर्तर्क मंदना, (इंजे एवनल इद्रम ता संकट स्थानीय स्तर तेने पुट्ताद मंता)।

इंजे वांग चिंग-वेई तना देशकिन वम्मना समझौता<sup>1</sup> ता एलान कित्तोर, चांग काई-शेक राष्ट्र ता पोरल ते तना संदेश वेने छापे कित्तोर, अदेनके उंदि बगिल शांति बने कियाला ताकसोरे मंदना आंदोलन किन बेहरा धक्का दलगियरे ओसो प्रतिरोध

ता समर्थन कियाना शक्ति कुना लोप्पा वेने बढ़ोतरी आयरा दूसरी बगिल “कम्युनिस्ट-पार्टी पोरो फौजी नियंत्रण ओसो कम्युनिस्ट पार्टी पोरों राजनीतिक नियंत्रण” वेने ताकसोरे मंदियर, स्थानीय घटनाकु मुनेतुक ज्यादा आयर, कोमिंगतांग मावा पोरों हमला कियाना काजे तथाकथित “विदेशी दुश्मन खिलाफ एकता बने कियाला काजे” मावा पोरों दबाव तत्त्वाना वेने संभावना मंता। बारंकु इतेके तुरंत वायना कालम लोप्पा प्रतिरोध ओसो प्रगति ता समर्थन किसोरे मंदना ताकतकु, आत्मसमर्पणवादिरा और प्रतिगामी शक्तिकुनगडल ज्यादा शक्तिशाली बने मायना संभावना हिल्लो। माटू कम्युनिस्ट पार्टी ता संगटन मंदना देश ता सब्बे जागाकुना लोप्पा वांग चिंग-वेर्ई ता देशतुन वम्मसियाना समझौता ता खिलाफ बेहरा स्तर ते प्रचार-प्रसार कियाना पोलिसी लागू कियाना। वांग काई-शेक तना संदेश लोप्पा प्रतिरोध-युद्ध किन जारी तासना, राष्ट्रीय एतता किन मजबूत बने कियाना जरूरत पोरों जोर हिताद हिल्ले ओसो प्रतिरोध ओसो प्रगति पोरों गढ़िक मंजी निच्ची मंदना बदे पोलिसी ता वेने ओरु चर्चा किताद हिल्ले, इद लेवेके प्रतिरोध-युद्ध लोप्पा डेटेमासी मंदना इनपडे असंभव मंता। अदेनके वांग चिंग-वेर्ई ता विरोध ते ताकि कियाना आंदोलन लोप्पा माटू इद्रम ता मांग पोरों जोर वाटसोरे मंदना - 1) प्रतिरोध-युद्ध किन आखिर एवनल ताकि कियाना राष्ट्रीय नीति ता समर्थन कियाकाल, वांग चिंग-वेर्ई ता देशकुन वम्मसियाना सौझाता ता विरोध कियाकाल। 2) पूरा देश ता जनता एकजुट आयमुट ओसो गद्दार वांग चिंग-वेर्ई ता कठपुतली केंद्रीय सरकार ता तख्ते पलट कीसिमुट। 3) कोमिंगतांग ओसो कम्युनिस्ट पार्टी ना सहयोग ता समर्थन किमुट ओसो वांग चिंग-वेर्ई ता कम्युनिज्म-विरोधी नीतिकुन गुंडा कीमुट। 4) वांग चिंग-वेर्ई ब्रांडिड गद्दारकुना नाश आयना, कम्युनिज्म-विरोध वांग चिंग-वेर्ई पंडता उंदि साजिश आंदू, इटिना मकसद जापान-विरोधी संयुक्त मोर्चा लोप्पा फूट वाटसियना मंता। 5) राष्ट्रीय एकता किन मजबूत बने कियाना ओसो अंदरूनी “टकराव” किन खत्म कियाना। 6) राजनीतिक सुधार लागू कियाना, कानूनी व्यवस्था बने कियाना आंदोलन किन मुने ओयकाल ओसो जनवाद किन लागू किमुट। 7) राजनीतिक पार्टीकुना पोरा वाटा प्रतिबंद किन हेटे किमुट ओसो जापान-विरोधी पार्टिंग ओसो ग्रुपकुन कानूनी दर्जा हिमुट। 8) जनता लोप्पा भाषण हियाना, सभा केयना आजादी दा अधिकार किन गारंटी हिमुट, इद्रम आसिये जापान हमलावरकुना ओसोस चीनी गद्दारलोरा खिलाफ संघर्ष ताकि किमुडांता। 9) जापान-विरोधी आधार-इलाकांग किन सुदृढ़ बने किमुट ओसो वांग चिंग-वेर्ई ब्रांड ता गद्दार

लोरा फुट वाटसियना साजिश ता विरोध किमुट। 10) प्रतिरोध-युद्ध लोप्पा असल ते लड्ने मायना फौजकुना समर्थन किमुट ओसो मोर्चा काजे बेहरा स्तर ते रासन-सप्लाई किमुट। ओसो 11) प्रतिरोध ता सेवा कीसोरे मंदना सांस्कृतिक गतिविधिंग कुन बेरसी किमुट, प्रगतिशील नौजवान लोरा रक्षा किमुट ओसो दुश्मन संगे समझौता ता समर्थन कियाना विचारकुना अभिव्यक्ति पोर्णे प्रतिबंध लगे किमुट। इव नाराकुना वेल्ले प्रचार कियाना। सब्बे जागा वेल्ले संख्या ते लेख, घोषणा पत्र, पर्चा ओसो बुकलेट तेंडना, भाषण हीयना। स्थानीय परिस्थिति किन हूङ्सोरे ओसो नारांग वेने इदिना लोप्पा जोडे किमुट।

वांग चिंग-वेर्ड ता देशतुन वम्मसियाना समझौता ता खंडन कियाला काजे एक फरवरी ते येनान लोप्पा उंदि आम सभा जर्गियरा रक-रकम ना कबस्कु कियाना सबे जनता किन मिलेकीसि ओसो कोमिंगतांग ता जापान-विरोधी सदस्यकुन मिलेकिसी इद्रम ता रैलीकुन माटू फरवरी शुरूआत तिंची नडमा एवनल आयोजित कियाना। इद्रम आसी माटू आत्मसमर्पण ता खिलाफ, गदारकुना खिलाफ ओसो “टकराव” ता खिलाफ देशव्यापी आंदोलन निल्पी किया परिंतोमा।

## नोट

1. वांग चिंगूवर्डे 1936 ता आखिर ते जापानी हमलावरकुना संगे मिलेमासी देशतुन वम्मसियाना उंदि गुप्त समझौता पोर्हे दस्तक कीसि मत्तोरा इदिन “जापान चीन संबंधकुन पुनर व्यवस्थित कियाना कार्यक्रम” इतोरा इव समझौता ता मुख्य पोल्ला इद्रम मंतांग -

1) उत्तर-पूर्वी चीन किन जापान ता कब्जा ते हियाना ओसो “मंगोलियाई प्रदेश” (लेवेके तत्कालीन स्वेच्छान, छाहाड ओसो उतर शानशी), उतरी चीन, यांगत्सी घाटी ता दोड्ता भाग, दक्षिणी चीन ता द्वीप किन “घनिष्ठ जापान-चीन गठबंधन क्षेत्र” बने किसियाना इदिना पोरो जापानी फौजकुना स्थाई रूप ते कब्जा मंदना।

2) केंद्र सरकार तल पोयसी स्थानीय सरकार एवनाल हर स्तर ते कठपुतली सरकार जापानी सलहाकारकुना लेवेके अधिकारिरा देखोरेख ते काम कियाना।

3) कठपुतली फौज ओसो पुलिस किन ट्रेनिंग वेने जापानी फौज ता इंस्टक्टर लोरे हियाना ओसो ओरा काजे सब्बे सामान वेने जापाने सप्लाई कियाना।

4) कठपुतली सरकार ता वित्तीय ओसो आर्थिक पोलिसी, तना औद्योगिक ओसो कृषि कारोबार, तना संचार-साधन जापान ता नियंत्रण ते मंदना। चीन ता सब्बे प्राकृतिक साधन-सोरस ता शोषण जापान बदे नियंत्रण हिलवा कियाना।

5) जापान-विरोधी गतिविधिकुना पोरो पूरा प्रतिबंध वाटना।

## सब्बे जापान-विरोधी ताकत कुन एकता कीमुट ओसो कम्युनिस्ट-विरोधी कटूरतावादिरा खिलाफ संघर्ष कीमुट<sup>16</sup>

1 फरवरी 1940

माटु येनान ता सब्बे रकम ता लोकुर नेंदु इगा बारांक सभा किया मंतोम? माटु इगा गद्वार वांग चिंग-वेइ ना निंदा कियाला काजे ओसो सब्बे जापानी विरोधी ताकत कुन एकता कियाला ओसो कम्युनिस्ट विरोधी कटूरपंथीरा मुकाबला कियाला काजे इद सभा किया मंतोम।

माटु कम्युनिस्ट लोर बार-बार जापानी साम्राज्यवाद चीन किन तन्ना कब्जा पोयना नीति पोर्रे आधार आसी मंता इंजी इत्ताद मंता। जापान लोणा मंत्रिमंडल बद्रम स्थापित आतेकाई अदु चीन किन गुलाम बने कियाना ओसो उपनिवेश बने कियाना बुनियादी नीति किन बिलकुले बदले किवो आंता। अद्रमासी चीन ता बेहरा पूंजीपति वर्ग ता जापान-परस्त ग्रुप ता राजनीतिक प्रतिनिधि मत्ता वांग चिंग-वेइ वेल्ले वेरियतोर, अनि जापान मुन्ने आत्मसमर्पण कित्तोर ओसो जापान संगे देशद्रोहपूर्ण समझौता कित्तोर, इद्रमे ओरु चीन किन जापानी साम्राज्यवाद कैदे वमसीतोर। इदे आयवा ओरु जापान-विरोधी सरकार ता खिलाफ उंदी कठपुतली सरकार बने कियाला आल्सा मंतोर ओसो जापान-विरोधी फौज ता खिलाफ उंदी कठपुतली फौज बने कियाला आल्सा मंतोर। नेंदु ओरु च्यांग काई-शेक ना विरोध कियाना चर्चा कम किया मंतोर ओसो ओरु “च्यांग संगे एकता कियाना” नीति लागू कित्तोर इंजी केंजा वाया मंता। कम्युनिस्ट लोरा विरोध कियाना जापान ओसो वांग चिंग-वेइ इवुरासी ना मुख्य उद्देश्य आंदू। कम्युनिस्ट पार्टी सबसे सही तरीका ते जापान ता प्रतिरोध कींता ओसो क्वोमिंगतांग-कम्युनिस्ट एकता ता कारण ते जापान ता प्रतिरोध कियाला काजे डब्बल आयार इंजी समझेमासोरे, ओरु इद एकता किन तोड़े कियाना ओसो रेंडासी पार्टिंग किन उंदी दूसरा तल अलग कीसि अविन

अलगाव ता परिस्थिति ते वाटना ओसो<sup>17</sup> तीनकु वेने वेंडसी उंदी दूसरा ता खिलाफ लड़ेमायाना इंजी कोशिश किया मंतोर। अदिन काजे ओरु हर जागा गडबड कियाला काजे क्वोमिंगतांग ता कट्टरतावादीर कि इस्तेमाल किया मंतोर। हूनान लोप्पा फिंगच्च्यांग हत्याकांड<sup>1</sup> आसी मत्ता। हनान लोप्पा छवेशान हत्याकांड<sup>2</sup> आसी मत्ता। शानशी लोप्पा पाडना सेना पूना सेना पोर्रे हमला कीता,<sup>3</sup> हपे लोप्पा चांग इन-ऊ आठवी राह सेना पोर्रे हमला कीतोर,<sup>4</sup> शानतुंग लोप्पा छिन छी-रुंग लोप्पा छापामार पोर्रे हमला कीतोर,<sup>5</sup> पूर्वी हपे लोप्पा छंग रु-ह्वाए पांच-छै सौ कम्युनिस्ट लोर किन हौकतोर,<sup>6</sup> ओसो शेनशी-कानसू-निंगश्या हंदी इलाका ता खिलाफ कट्टरतावादी लोकुर लोप्पा नेंगसी “अड्डा” बने कियाना जाल वाटना<sup>7</sup> ओसो बाहर तिंची “नाकाबंदी” कियाना कोशिश किया मंतोर।<sup>8</sup> इदे आयवा ओरु प्रगतिशील नौजवान लोर वेल्ले बेहरा संख्या ते गिरफ्तार कित्तोर ओसो ओरु नजरबंदी कैम्प कुना लोप्पा वाटसितोर,<sup>9</sup> ओरु अध्यात्मवाद-विक्रेता चांग च्युन-माए किन तम्मा किराया ता सेना बनेकीसि कम्युनिस्ट पार्टी पोर्रे अंधाधूंद फायरिंग कियाना लेख रासी कित्तोर। इव सब्बे पोल्लो ना लक्ष्य-जापान ता प्रतिरोध कियाना परिस्थिति किन कमजोर कियाना ओसो पूरा देश ता जनता किन गुलाम बने कियानादु मत्ता।<sup>10</sup>

इद्रम वांग चिंग-वेइ ग्रुप ओसो क्वोमिंगतांग ता कम्युनिस्ट-विरोधी कट्टरतावादी उंदी दूसरा संगे गठबंधन किसोरे काम किया मंतोर, उंदी बाहर तल ओसो दूसरा लोप्पाटल कोलार पोयसी परिस्थिति किन बिल्कुले खराब कित्तोर।

इद परिस्थिति किन हूडसी वेल्ले लोकुर होंग आत्तोर, ओरु जापान ता प्रतिरोध खत्म आता इंजी आलिसंतोर ओसो क्वोमिंगतांग ता सब्बे सदस्य लोर बदमाश लोर आंदुर, ओरा विरोध कियाना इंजी आलिसंतोर। माटु ओरा होंग सही मंता इंदाना, बारांकु इत्तेके इद्रम ता गंभीर परिस्थिति किन हूडसी बोनकिन होंग वायो? मति जापान ता प्रतिरोध इंजे वेने जारी मंता ओसो क्वोमिंगतांग ता सब्बे सदस्य लोर बदमाश मंतोर। क्वोमिंगतांग ता अलग-अलग वर्ग कुना काजे अलग-अलग नीतिंग लागू कियाना। इद्रम ता बदमाश लोर किन, आठवी राह सेना ओसो पूना चौथी सेना काजे गुमिया कातना फिंगच्च्या हत्याकांड ओसो छवेशान हत्याकांड कियाना, सीमा इलाका लोप्पा तोडफोड कियाना ओसो प्रगतिशील सेनांग, संगटन कुना ओसो प्रगतिशील लोकुरा पोर्रे हमला कियाना हिम्मत कित्तोर, बिल्कुले सहेमायनायो

<sup>17</sup> \*इदु भाषण कामरेज माओ त्सेतुंग येनान लोप्पा वांग चिंग-वेइ ना विरोध कियाला काजे आयोजित उंदी बेहरा जन-सभा लोप्पा हीसी मत्तोर।

ओसो ओरा पोरो जवाबी हमला कियाना। ओरकिन बदे रियायत हियानायो। बारांकु इतेके ओरू पूरा चेतनाहीन मंतोर, मना राष्ट्र ता दुश्मन मना प्रदेश ता भूमि ते लोप्पा एवनल नेंगतेकाई टकराव पैदा किया मंतोर, हत्याकांड किया मंतोर ओसो फूट वाटा मंतोर। ओरू बचोन बाताल कितेकाई असल ते ओरू जापान ओसो वांग चिंग-वेइ ना मदद किया मंतोर ओसो ओरा लोप्पाटल उचन मुल शुरू तले गुप्त रूप ते गद्वार बनेमासी मंतोर। वीरकिन सजा हियवा मंदाना गलत आयार इदु दुश्मन संगे गठबंधन कियानोर ओसो गद्वार लोर किन प्रोत्साहन कियाना लेकका आयार, राष्ट्रीय प्रतिरोध-युद्ध, यायोभूमि संगे गद्वारी कित्ता लेकका आयार, बदमाश लोरकिन संयुक्त मोर्चा भंग कियाना लेकका आयार, ओसो मावा पार्टी नीति ता उल्लंघन कित्ता लेककाट आयरा मति आत्मसमर्पणवादिर ओसो कम्युनिस्ट-विरोधी कट्टरतावादिर पोरो हमला कियाना नीति ता उद्देश्य केवल जापान ता प्रतिरोध जारी तासना ओसो जापान-विरोधी संयुक्त मोर्चा ता रक्षा कियानादु मत्ता। अदिन काजे माटु क्वोमिंगतांग लोप्पटा प्रतिरोध-युद्ध ता वफादार ओसो आत्मसमर्पणवादी कम्युनिस्ट-विरोधी कट्टरतावादी हिल्वोरा काजे सद्भावनापूर्ण रुझान लागू कियाना, ओरा संगे एकता कियाना ओरा सम्मान कियाना ओसो ओरा संगे दीर्घकालीन एकता कियाला कियाला काजे तैयार मंदाना, इद्रम कितेके मना देश किन सुरक्षित तासा परितोमा बोरु इदिन व्यवहार ते लागू कीवोर ओरू पार्टी नीति ता उल्लंघन कींतोर।

मना पार्टी ता रेंडु नीतिंग मंतांग, उंदी बगिल अदु सब्बे प्रगतिशील ताकत ओसो जापान ता प्रतिरोध कियाना सब्बे ईमानदार लोकुर किन एकता कियाना नीति मंता। ओसो दूसरा बगिल अदु सब्बे बुद्धि हिल्वा बदमाश लोर इतेके आत्मसमर्पणवादीर ओसो कम्युनिस्ट-विरोधी कट्टरतावादीरा विरोध कींता। मना पार्टी ता इव नीतिंग ना लक्ष्य - वर्तमान परिस्थिति किन सुधरे कियाना ओसो जापान किन होरे कियानादु मंता। कम्युनिस्ट पार्टी ओसो पूना देश ता जनता ना मुन्ने सब्बे जापान-विरोधी ओसो प्रगतिशील ताकत किन एकताबद्दु कियाना ओसो सब्बे आत्मसमर्पणवादिर ओसो प्रतिगामी ताकत कुना मुकाबला कियाना ओसो वर्तमान परिस्थिति किन सुधरे कियाना पूरा कोशिश कियाना काम मंता। इदे मावा बुनियादी नीति आंदू माटु आशावादी आंदोम, निराशावादी या दुक्कम पोयसी उदसी मन्नोमा आत्मसमर्पणवादीर ओसो कम्युनिस्ट कट्टरतावादिर बद्रमताई हमला तुकू वेरियोमा। माटु ओरकिन गुंडा-गुंडा किसियाना, जरूर किसियाकोमा। चीन तन्ना राष्ट्रीय मुक्ति

जरूर दोरकी कियार, चीन बस्केने नष्ट आया परवो। चीन जरूर प्रगति हासिल कियार, अदिना वर्तमान परिस्थिति ता केवल उंदी अस्थाइ घटना आंदू।

नेटा सभा लोप्पा माटु पूरा देश ता जनता ना मुने पूरा देश ता जनता ना एकता ओसो विकास जापान ता प्रतिरोध कियाला काजे जरूरी मंता इंजी स्पष्ट कियाला आल्सा मंतोमा उचुन मुल केवल जापान ता प्रतिरोध कियाना पोर्रे जोर हिंतोर, मति एकता ओसो विकास पोर्रे हीयाला आल्सोर आंतोरा इदे आयवा अदिना बारे ते बड़कोर वेने आंतोरा इद्रम कियाना गलत आंदू असली ओसो सुदृढ़ एकता बने कियवा लेवा, जल्दी ओसो ठोस रूप ते विकास कियवा लेवा प्रतिरोध-युद्ध किन बद्रम जारी तासमूळायार? क्वोमिंगतांग लोप्पा मत्ता कम्युनिस्ट-विरोधी कट्टरतावादी एकीकरण पोर्रे जोर हींतोर, मति ओरा इंजेटा “एकीकरण” नकली आंदू, असली आयो। ओरु एकीकरण इंजी कोलार पोयंतोर, मति असल इत्तेके ओरु कम्युनिस्ट पार्टी, आठवी राह सेना, पूना चौथी सेना ओसो शेनशी-कानसू-निंगश्या सीमा इलाका किन तोड़े कियाला आल्सिंतोर, इवु बस्के एवनल मंतांग अस्के एवनल चीन ता एकीकरण आया परवो इंजी बहाना बने किंतोर। ओरु देश किन क्वोमिंगतांग कैदे वमला आल्सा मंतोरा ओरु तम्मा उंदे पार्टी ता तानाशाही मंदाना इंजी आल्सिंतोर, अनि अदिना विस्तार कियाला आल्सिंतोर। इद्रम आतेके एकीकरण बद्रम आया परिंता? असली पोल्लो कम्युनिस्ट पार्टी, आठवी राह सेना ओसो पूना चौथी सेना ओसो शेनशी-कानसू-निंगश्या बार्डर इलाका ओसो गृहयुद्ध किन खत्म कियाना जापान ता प्रतिरोध कियाला काजे एकताबद्ध आयना ता पक्ष एतवा मत्तेके जापान-विरोधी राष्ट्रीय संयुक्त मोर्चा बने कियाना लोप्पा पहलकदमी कियाना शीआन घटना किन शांतिपूर्ण हल कियाना लोप्पा पहल कियाना कोर्ट हिल्वा मत्तेके, ओसो जापान ता प्रतिरोध कियाना संभावना वेने हिल्ले आयवरा ओसो नेंडु कम्युनिस्ट पार्टी, आठवी राह सेना ओसो पूना चौथी सेना, शेनशी-कानसू-निंगश्य सीमांत इलाका ओसो सब्बे जापान-विरोधी जनवादी आधार इलाकांग मुने वायो आसी मनवंग, असली जापान विरोधीर जापान ता प्रतिरोध जारी तासवेके ओसो आत्मसमर्पण, फूट वाटानोर, प्रतिगमन ता खतरनाक रुझान कुना मुकाबला किया कीवा मत्तेके परिस्थिति निज्जमे वेल्ले बिगड़ेमासी मनवड़। आठवी राह सेना ओसो पूना चौथी सेना ता बचोनो लाख सैनिक चालीस जापानी डीवीजन कुना लोप्पाटल 17 डिविजन कुन लड़ाई लोप्पा लेसी कीसि दुश्मन ता फैज ता चालीस प्रतिशत हिस्सा किन रोमी किया मंतोरा।<sup>11</sup> इद्रम ता सेनांग किन बारांकु तोड़े कियाना? शेनशी-कानसू-

निंगश्य बार्डर इलाका देश ता सबसे प्रगतिशील इलाका आंदू, इदु उंदी जापान-विरोधी जनवादी आधारा इलाका आंदू। पहला इगा भ्रष्टचार हिल्ले, दूसरा, बदे स्थानीय निरंकुश तत्व या बुरे शरीफजादा लोर हिल्लेर, तीसरा, बदे जुआ खाना हिल्ले, चौथा, बदे वैश्या हिल्ले, पाँचवाँ, बदे रखैल (मुत्ते मंदानास्के पराई महिला संगे संबंध) हिल्ले, छठवा, भीख तालकानोर हिल्लेर, सातवा, नीजि अधिकार काजे गुट बनेकियानोर हिल्लेर, आठवां निराशा, ढुलमुलपन ता वातावरण हिल्ले, नैवी, पेशेवर टकरावबाजी<sup>12</sup> हिल्ले, दसवां, बोराई राष्ट्रीय संकट ता फायदा एतसी मुनाफा कमाई कियानोर हिल्लेर। इद्रम मत्ता सीमा इलाका किन बारांकु खत्म कियाना? केवल लज्जा हिल्वा लेक्काट बकवल लोकुरे इद्रम ता पोल्लोंग कियाना परिंतोरा इद्रम ता कटरतावादिर किन मना खिलाफ बड़कना अधिकार हिल्ले। हिल्ले, कामरेड्स! बार्डर इलाका किन भंग कियाना जरूरत हिल्वा, आठवी राह सेना ओसो पूना चौथी सेना किन तोड़ कियवा लेवा, कम्युनिस्ट पार्टी किन भंग कियवा लेवा पूरा देश इविना उदाहरण किन पोयसी ताकना। प्रगतिशील लोकुर पेरके अरता लोकुरा स्तर ते हनवा पेरके अरता लोकुर प्रगतिशील लोकुरा स्तर ते तत्ताना। माटु कम्युनिस्ट लोकुर एकीकरण ता सबसे ज्यादा रक्षा कींतोम, माटु संयुक्त मोर्चा ता सिद्धांति बनेकींतोम ओसो अदिन निल्पी कीसि तासताद मंता। ओसो माटे एकीकृत जनवादी लोकतंत्र ता नारा पेश कित्ताद मंता। इद्रम ता काम बोरे दूसरोर किया परिंतोरा? बोरे दूसरोर इविना पोरों अमल किया परिंतोरा? केवल पांच घ्वान ते मासिक भत्ता संगे बोर खुश मंदा परिंतोरा? एकीकरण वेने अलग-अलग रकम ता मंदिंता। आत्मसमर्पणवादीरा अलग एकीकरण मंदिंता, ओरु मना किन आत्मसमर्पण ता रूप ते एकीकरण कियाला आलिसंतोर, कम्युनिस्ट-विरोधी कट्टरतावादिरा वेने अलग एकीकरण मंदिंता, ओरुप मना किन फूट ओसो प्रतिगमन ता रूप ते एकीकरण कियाला आलिसंतोर। ओरा इद्रम ता विचार किन माटु स्वीकार कींतोमा? प्रतिरोध-युद्ध, एकता ओसो प्रगति पोरों आधारासी हिल्वा एकीकरण असली मंता या नकली? लेवेके युक्तियुक्त एकीकरण इंदा परिंतोमा? या इदिन वास्तविक इंदा परिंतोमा? इव सब्बे अंगड़म ता पोल्लोंग आंदुंग! नेंदु माटु इगा एकीकरण ता बारे ते मना विचार पेश कियाला काजे मीटिंग केयताद मंता। मावा एकीकरण ता विचार असल इत्तेके पूरा देश ता जनता ना एकीकरण ता विचार आंदू हर ईमानदार मानेय ना एकीकरण ता विचार आंदू। इद एकीकरण ता विचार प्रतिरोध-युद्ध, एकता ओसो प्रगति पोरों आधार आसी मंता। केवल प्रगति संगे ने माटु एकता

किया परिंतोम, ओसो सिर्फ एकता संगे ने माटु जापान ता प्रतिरोध किया परिंतोम, ओसो केवल प्रगति, एकता ओसो प्रतिरोध संगे ने माटु एकीकरण किया परिंतोम। इदे मावा एकीकरण ता विचार आंदू, उंदी असली, युक्तियुक्त ओसो वास्तविक एकीकरण ता विचार आंदू नकली, युक्तिहीन ओसो केवल बाहरी रूप ते एकीकरण ता विचार मना किन राष्ट्रीय गुलामी बगिल ओंता ओसो बकवल लोकुरा विचारा आंदू। इद्रम तोर कम्युनिस्ट पार्टी, आठवी राह सेना, पूना चौथी सेना, ओसो जापान-विरोधी जनवादी आधार इलाका किन नष्ट कियाला आलिसंतोर ओसे सब्बे स्थानीय जापान-विरोधी ताकत किन खत्म कियाला आलिसंतोर। इद्रम कीसि क्वोमिंगता कैदे एकीकरण कियाना इंजी आलिसंतोर। इदु उंदी षड्यंत्र आंदू, एकीकरण ता बहाना ते तानाशाही शासन ताकि कियाना कोशिश आंदू, एकीकरण ता बहाना ते उंदे पार्टी ता तानाशाही तासना कोशिश आंदू: इव सब्बे लज्जा हिल्वा लोकरा अंगडम ता पोल्लोंग आंदुंग। माटु नेंडु इगा इद्रम ता लोकुरा रूप ते मत्ता कागज ता डुब्बल ते बूका किसियाना इंजी मीटिंग केयताद मंता। माटु कम्युनिस्ट-विरोधी कहृतावादिर दृढ़ता ते मुकाबला किसोर मंदाना।

## नोट

1. हूङ्गाटू “प्रतिक्रियावादिर किन सजा हिया लागियर,” नोट 1
2. 11 नवंबर 1936 ते हनान प्रांत ता छवेशान काउंटी लोप्पा तैनात कोमिंगतांग ता 1800 तुक ज्यादा गुप्त एजेंट ओसो सैनिक छवेशान काउंटी ता चूकओचन नामक स्थान लोप्पा पूना चौथी सेना ता पृष्ठभागीय कार्यालय पोररो हमला कित्तोर। दौसो तुक ज्यादा लोकुरा हत्या कित्तोर वेरा लोप्पा प्रतिरोध-युद्ध ते घायल आत्तोर पूना चौथी सेना ता कार्यकर्ता ओसो सैनिक लोर संगे ताना परिवारकु वेने मत्तांग।
3. पाइना सेना इतेके शानसी ते लोप्पा मत्ता कोमिंगतांग युद्ध-सरदार येन शी-शान मंदना सेना। पूना सेना जापानी-आक्रमाण-विरोधी युद्ध ता शुरुआत लोप्पा शानशी ता जनताना जापान विरोधी सशस्त्र सैन्य-शक्ति मत्ता। अद चीनी कम्युनिस्ट पार्टी ता नेतृत्व ओसो प्रभाव ते विकसित आस मत्ता। अस्के पूना सेना किन जीवा हियाला तुक वेरियवा लेवा मंदना जापान-विरोधी पलटन लेकका प्रचार आत्ताद मत्ता। दिसंबर 1936 लोप्पा चांग काई-शेक ओसो येन शीन-शान पूना सेना किन खत्म कियाला काजे पश्चिम शानसी लोप्पा तना छह फौजी कोरकुन केंद्रित कीसि ताना पोर्ँे

हमला कित्तोर, मति ओरु गट्टिक देब्बा तित्तोरा। संगेने दक्षीण-पूर्वी शानसी लोप्पा येन ता फौजकु यांगछंग-चिनछंग क्षेत्र ता जापान-विरोधी जनवादी काउंटी ता सरकार ओसो जनसंगठकुना पोर्हे हमला कीस मत्तोरा। अद वेल्ला संख्या ते कम्युनिस्ट ओसो प्रगतिशील मानेकुन हौकताद मत्ता।

4. चांग इन-ऊ हपे प्रांत में तैनात कोमिंगतांग डाकू गुट ता शांति-रक्षक कौर कमांडर मत्तोरा। 1936 ता शुरुआत तेने वेर चांग काई-शेक ता आदेश पोरो आठवी राह सेना पोर्हे लगातार हमला किसोरे मत्तोरा। अदे साल जून लोप्पा वेर तना सेना संगे मुन्ने हंजी हपे प्रांत ता शनश्येन काउंटी ते मंदना आठवी राह सेना ता पृष्ठभागीय संस्थानकुना पोर्हे अचानक हमला कित्तोरा। अगा वेरु चार सौ तुक ज्यादा कार्यकर्ता ओसो सैनिक लोरकिन हौकतोरा।
5. अप्रैल 1936 ते शानतुंग प्रांत ता कोमिंगतांग गवर्नर शन हुंग-ल्ये ता निर्देश पोरो, छिन छी-रुंग ता लुटेरी सेनाकु पोशान लोप्पा आठवी राह सेना ता शानतुंग कॉलम ता तीसरी छापामर टुकडी पोर्हे हमला कित्तोरा। अगा वेर रेजिमेटल अफसरकुना संगे चार सौ तुक ज्यादा सैनिक लौर किन हौकतोरा।
6. सितंबर 1936 ते पूर्वी हुपे ता कोमिंगतांग प्रतिक्रियावादीर छंग रु-ह्वाए तना लुटेरी सेनाकुन सकले किसी पूना चौथी सेना ता पृष्ठभागीय संस्थानकुना पोर्हे हमला कित्तोर औसो अगा पांच-छै सौ कम्युनिस्ट लोर किन हौकतोरा।
7. कोमिंगतांग ता गुप्ट एजेंट ओसो जासूस शेनशी-सानसू-निंगश्या सीमा क्षेत्र ता शहरकुना लोप्पा तना अड्डा बना कित्तोर, अव सब्बे अड्डा कुना उंदी वदी लेक्का बने कीसि तना प्रतिक्रांतिकारी गतिविधिंग ताकि कींदू। इद्रम ता कबस्कु किन वेरु “अड्डे कायम किसी वदी बिछे कियाना” कबस्कु इंदू।
8. 1936 ता इंगम कालम 1940 ता वसंत कालम ते कोमिंगतांग फौजकु शेनशी-कानसू-निंगश्या सीमा क्षेत्र ता छुनह्वा, श्युनई, चिंगनिंग, निंगश्येन ओसो चनय्यान पोरोल ता पांच काउंटी-केंद्र कुना पोर्हे कब्जा कित्तोरा।
9. जर्मन ओसो इटली ता फासीवादीर जापान आक्रमाण विरोधी युद्ध समय ते वेल्ले नजरबंदी कैप बने कित्तोरा। इव उत्तर-पश्चिम ता लानचओ ओसो शीआन तुक

दक्षिण-पूर्व लोप्पा कानचओ ओसो शांगराओ एवनल फैले मासी मत्ताद मत्ता। इव कैंपकुना लोप्पा कम्युनिस्ट, देशभक्त ओसो प्रगतिशील नौजवान लोराकिन वेल्ले संख्या ते नजरबंद कित्ताद मत्ता।

10. अक्तुबर 1938 लोप्पा ऊहान मुडृता पेरके, कोमिंगतांग तना कम्युनिस्ट-विरोधी गतिविधिकुन बेरसी कित्तोरा फरवरी 1939 लोप्पा चांग काई-शेक “कम्युनिस्ट समस्या संगे निपटे कियाला तरीकांग” ओसो “जापान पोयत्ता क्षेत्र लोप्पा कम्युनिस्ट कार्बाइंग पोरो रोक ता तरीकांग” लेक्का प्रतिक्रियावादी दस्तावेज गुप्त ते जारी कित्तोरा। इद्रम किसी ओरु कोमिंगतांग पोयत्ता इलाकांग लोप्पा, मध्या चीन ओसो उत्तर चीन लोप्पा कम्युनिस्ट पार्टी पोरो राजनीतिक दमन औसो सैनिक हमला किन दिन ब दिन बेरसी किस मत्तोरा। दिसंबर 1939 तल मार्च 1940 एवनल इद्रम ता दमन ओसो हमलाकुना उंदि उसा तेदसी मत्ता, इदिन कम्युनिस्ट विरोधी पहली हमला इंतोरा। इग कामरेड माओ रेंदू उदाहरण हित्तोर – शेनशी, कानशू सीमा क्षेत्र पोरो हमला ओसो पश्चिम शानशी लोप्पा कम्युनिस्ट पार्टी ता नेतृत्व ते ताकना जापान विरोधी सेना पोरो हमला, इदिन पहला कम्युनिस्ट विरोधी हमला लोप्पा कोमिंगतांग रेंदू बेहरा फौजी हमला कित्तोरा। इदिना पेरके फरवरी ओसो मार्च 1940 लोप्पा चांग काई-शेक ता आदेश पोरो कोमिंगतांग प्रतिक्रियावादी चू छ्वाए-पिंग फांग पिंग-श्युन, चांग इन-ऊ ओसो हओ रू-युंग ता लुटेरी सेनकुन मिलेकीसि तीन कॉलम लोप्पा थाएहांग इलाका लोप्पा मत्ता आठवी राह सेना पोरो हमला कित्तोरा। आठवी राह सेना इद हमला किन जोरदार तरीका ते हारा कित्ता। कोमिंगतांग ता तीन डिविजनकुन खत्म कित्तोरा। इद्रम आसी चांग काई-शेख शुरू कित्ता पहला कम्युनिस्ट विरोधी हमला जोरदार तरीका ते हारे मात्ता।
11. चीनी कम्युनिस्ट पार्टी ता नेतृत्व ते ताकना सेना पेरके-पेरके जापानी हमलावर सैनिकुना जोरदार प्रतिरोध कित्तोरा। 1943 लोप्पा आठवी राह सेना ओसो पूना चौथी सेना जापान ता आक्रणकारी सैन्य शक्ति ता 64 प्रतिशत हिस्सा किन ओसो कठपुतली फौजकुना 65 प्रतिशत हिस्सा कुना खिलाफ लडे मासोरे मत्ता। हूडाटू - “मिली जुली सरकार ता बारे ते” लेख ओसो ‘रेंड युद्ध मार्चा’ पोरोल ता पहरा (माओ न्सेतुंग संकलित रचनाकु, ग्रंथ 3)

12. “पेशेवर टकरावबाज” ता मतलब कोमिंगताग ता वेर लोकुर मत्तोर बदिना पेशा केवल कम्युनिस्ट लोरा विरोध कियाना मत्ता।
13. अद समय कम्युनिस्ट पार्टी ता नेतृत्व लोप्पा ताकना जापान विरोधी फौजकुना ओसो जापान विरोधी सरकार ता दफ्तर कुना लोप्पा काम कियाना हरेक मानेय किन तिंदना ओसो अन्य जरूरत काजे उंदि महीना ते औसतन पांच व्यान चांदी ता सिक्का दोरकिंदूर।

## क्वोमिंगतांग तिंची दस मांगकु<sup>१७</sup>

1 फरवरी 1940

फरवरी 1 तारीख ते येनान लोण्या वांग चिंग-वेइ ना खिलाफ कित्ता वेल्ले बेहरा जन-सभा सब्बे तोरा सहमति ते ओसो देशद्रोह ओसो आत्मसमर्पण ता निंदा कियाला काजे ओसो जापान खिलाफ प्रतिरोध युद्ध किन वेल्ले समय एवनल ताकी कियाना संकल्प एतिंता। वर्तमान संकट पोर्णे रोकथाम कियाला ओसो प्रतिरोध युद्ध लोण्या जीत हासिल कियाना गारंटी काजे, माटु देश किन बचे कियाना उद्देश्य ते दस मुख्य सुझाव पेश किया मंतोमा। राष्ट्रीय सरकार सब्बे राजनीतिक पार्टींग, ग्रुप, प्रतिरोध-युद्ध लोण्या लडेमायना सब्बे अफसर ओसो सैनिक लोर अनि मना देशवासिर इविन स्वीकार कींतीर ओसो अविना पोर्णे अमल किंतीर इंजी आशा किया मंतोमा।

1. पूरा राष्ट्र किन वांग चिंग-वेइ लेक्काटा लोकुरा निंदा किया हीमूट। नेंदु देशद्रोही वांग चिंग-वेइ तन्ना ग्रुप किन जम्मा किंतोर, दुश्मन संगे गठबंधन कीसि देश किन धोखा हीतोर ओसो दुश्मन संगे देशद्रोहपूर्ण गुप्त समझौता कीसि दुश्मन ता वफादार नैय लेक्का काम कींतोर, पूरा देशवासीर वीरकिन हौकना सजा हियाना इंजी मांग किंतोर। मति केवल खुल्ला वांग चिंग-वेइ लेक्काटा लोकुरा पोल्लोंग कित्ताद मंता ओसो गुप्त वांग चिंग-वेइ लेक्काटा लोकुर वेल्ले चालाकी ते वेल्ले बेहरा ओसो खास ओहदा पोयला किंतोर, ओसो तल्ला पोर्णे तेहची हिक्के-हक्के वेलिया मंतोर, लेवेके ओरा असली रूप मक्की कीसि समाज ता हर इलाका लोण्या घुसपैठ किया मंतोर। असल ते भ्रष्टाचारी अफसर लोरा ग्रुप ता अंग आंदू ओसो सब्बे टकराव पैदा कियाना लोकुर इदिना नौकर लोर आंदुरा। बस्के एवनल वांग चिंग-वेइ लेक्काटोरा निंदा कियाला काजे राष्ट्रीय आंदोलन हिल्वेके, शहर ओसो देश लोण्या पोर्णोटल दोळ एवनल उंदी अभियान अदिना लोण्या सब्बे राजनीतिक पार्टींग, सरकारी अंग, सशस्त्र बल, नागरिक निकाय, प्रेस ओसो शैक्षणिक संस्थान किन उंदीकडू

कियानास्के एवनल वांग चिंग-वेइ लेक्कटोर ग्रुप किन बिल्कुले<sup>18</sup> खत्म किया परमूडायो आयर, उल्टा ओरु तन्ना दुष्टापूर्ण गतिविधिंग किन जारी तासनूर ओसो बाहर तिंची दुश्मन काजे हर्ही तेरियानूर अनि लोप्पा तोड़फोड़ कीसि वेल्ले नुकसान कियानरा सरकार किन उंदी स्टेटमेंट जारी किया लागता, ताना लोप्पा वांग चिंग-वेइ लेक्कटोरा निंदा कियालाकाजे आह्वान कित्ताद मत्ता। इद स्टेटमेंट बेगा अमल आयो, अगाठा अधिकारी लोर किन दोषी मानेयमायमूडायरा वांग चिंग-वेइ लेक्कटोरा लोकुरा ग्रुप किन जरूर नष्ट कियाना। मीटू इदिन मंजूर कियाना ओसो अमल कियाना इंजी पहली बेरा मांग किया मंतोमा।

2. एकता किन सदृढ़ कीमुटा इस्सल उचुन मुल एकता ता पोल्लोंग आयवा एकीकरण ता पोल्लोंग किया मंतोर, ओसो ओरा हिसाब ते एकीकरण इत्तेके कम्युनिस्ट पार्टी किन खत्म कियाना, आठवी राह सेना ओसो पूना चौथी सेना किन भंग कियाना, शेनशी-कानसू-निंगश्य सीमा इलाका किन खत्म कियाना ओसो सब्बे जापान-विरोधी ताकत किन खत्म किसियाना इंजी मंता। इद्रम ता पोल्लोंग कम्युनिस्ट पार्टी, आठवी राह सेना ओसो पूना चौथी सेना अनि शेनशी-कानसू-निंगश्य सीमा इलाका पूरा चीन लोप्पा एकीकरण ता सबसे ज्यादा दृढ़ता ते पक्ष एतना पोल्लोंग आयोया? इव पोल्लोंग शीआन घटना किन शांतिपूर्ण तरीका ते हल कियाना सलाह हीसी मत्तांग। इव जापान-विरोधी राष्ट्रीय संयुक्त मोर्चा ता शुरूआत कित्ता, उंदी एकीकृत जनवादी गणराज्य ता स्थापना ता प्रस्ताव तास्ता ओसो इव रेंडासीना स्थापना काजे परताचोन कोशिश कित्ता पोल्लोंग आयोया? इवु राष्ट्रीय प्रतिरक्षा ता अग्रिम मोर्चा ते नितसी दुश्मन ता 17 डिविजन कुना मुकाबला किया मंतांग, मध्यवर्ती मैदान कुना उत्तर-पश्चिम ता रक्षा किया मंतांग ओसो उत्तरी चीन ओसो यांगत्सी डोड्डा ता दोड ता हिस्सा तुकू दक्षिण बगिल मत्ता इलाकांग ना रक्षा किया मंतांग ओसो मूँड जन-सिद्धांत कुना संगे-संगे “सशस्त्र प्रतिरोध, राष्ट्रीय पूनर्निर्माण ता कार्यक्रम” किन दृढ़ता ते लागू कियाना पोल्लोंग आंदुंगा। मति वांग चिंग-वेइ खुल्लमखुल्ला कम्युनिस्ट लोरा विरोध ओसो जापान ता पक्ष एतिंतोर अस्केने, चांग च्युन-माए ओसो छिंग लेक्कटोरा संगे कलियसी तल्ला-तोका हिल्वा लेख रास्तोर ओसो कम्युनिस्ट-विरोधी ग्रुप, कट्टरपंथी ग्रुप वेने टकराव पैदा कीसि अदिना लोप्पा शामिल आतांग एकीकरण पोर्रोल ते तानाशाही शासन लागू कित्तोरा।

<sup>18</sup> इद उंदी खुला लेटर आंद इदिन कामरेड माझे त्सेतुंग वांग चिंग-वेइ ना खिलाफ येनान लोप्पा आता बेहरा जन-सभा बगिल तिंची तैयार कीसि मत्तोरा।

एकता ता उसूल किन विड़सी फूट वाटना कार्बवाईंग कियाना शुरू कित्तोरा समा चाओ ना चाल किन इंजे सब्बेतोर पुंजी मत्तोरा<sup>1</sup> कम्युनिस्ट पार्टी, आठवी राह सेना, पूना चौथी सेना ओसो सीमा इलाका दृढ़ता ते असली एकीकरण ता पक्ष एतिंतांग ओसो नकली एकीकरण ता विरोध कींतांग, सही एकीकरण ता पक्ष कींतांग ओसो सही हिल्वा एकीकरण ता विरोध कींतांग, असल ते एकीकरण ता पक्ष कींतांग ओसो पोर्रोल तुकू ताकना एकीकरण ता विरोध कींतांग। एकीकरण ता पक्ष एतना प्रतिरोध काजे, एकता काजे, प्रगति काजे कींतांग, आत्मसमर्पण लेवेके फूट ओसो प्रतिगमन काजे आयो। केवल इव मूँड-प्रतिरोध, एकता ओसो प्रगति पोर्रो आधार आसी कित्ता एकीकरणे असली, सही एकीकरण आंदू बद्रमाई कीसि एकीकरण कियाना, असल ते “उत्तर बगिल मुन्ने कीसि दक्षिण बगिल दायना लेक्का आंता”। इद पोल्लो संगे मावा सहमती हिल्ले। सब्बे स्थानीय जापान-विरोधी ताकत कुन समान रूप ते हूड़ाना, अविना लोप्पाडल उचुकना संगे भेदभाव ओसो उचुकना संगे पक्षपात ता व्यवहार कियानायो, अव सब्बे ना पोर्रो विश्वास कियाना, अविन काजे रासन सप्लाई कियाना, अविना समर्थन कियाना ओसो अविन इनाम हीसी प्रोत्साहित कियाना। लोकुरा संगे व्यवहार कियानास्के ईमानदारी ते व्यवहार कियाना, धोखा या नाड़ेह कियानायो, निज्जमे इद्रम कितेके गलत विचार तासनोर किन विड़चसी बाकी सब्बेतोर एकता ओसो राष्ट्रीय एकीकरण ता हरदे ताकनूरा इद एकीकरण पोर्रो आधार आसी एकता आयना ओसो एकता पोर्रो आधार आसी प्रगति आयना, केवल प्रगति संगे ने एकता ता स्थापना किया परमूड़ायो ओसो एकता संगेने एकीकरण दोरकी कियमूड़ायों इंदानदु बदलेमायवा मंदाना सच्चाई आंदू माटू मंजूर कियाना ओसो अमल कियाना मांग कियाना दूसरा पोल्लो आंदू।

3. संवैधानिक सरकार किन लागू कीमुटा बचोनो साल एवनल “राजनीतिक संरक्षण” तिंची बदे फायदा दोरकद हिल्ले। “बदे वेने चीज किन वेल्ले जेक एवनल तुस्तेके अदु दिशा ते बदले मांता”; अदिन काजे संवैधानिक सरकार ता सवाल इंजे मना मुन्ने वातां। मति वडकना आजादी इंजे वेने हिल्ले, राजनीतिक पार्टिंग पोर्रो पाबंदी इंजे वेने मंता ओसो संवैधानिकता ता हर जागा उल्लंघन आया मंता। संविधान किन इद्रम ता पोल्लोंग पोर्रो आधार आसी बनेकियमूड़ांता इतेके अदु केवल अधिकारिक कागज कुना रद्दी लेक्का आयारा अद्रमासी संविधानवाद एकदलीय (उंदे पार्टी) ता तानाशाही तुकू अलग मन्नो आयारा असल इतेके नेंडु उंदी गंभीर राष्ट्रीय संकट पैदा आतादु मंता ओसो बाहर तिंची जापानी ओसो वांग चिंग-

वेइ कंद्रेह किया मंतोर। लोप्पाटल गद्दार लोर तोड़फोड़ किया मंतोर। इद नीति लोप्पा बदलाव कीवेके राष्ट्र ओसो जनता ना पिस्वल खतरा ते वांता। अदिन काजे सरकार तुरंत राजनीतिक पार्टीग पोर्टेटल पाबंदी गुचिह कियाना ओसो विचार कुना आजादी तुकू प्रोत्साहन हियाना, इद्रम कितेके सरकार ईमानदारी ते संविधानबाद किन लागू किया मंता इंजी साबित आयरा जनताना पूरा विश्वास दोखकी कियाला ओसो राष्ट्र ता पिस्वल किन पूना रूप हियाला काजे इदिन विड्चसी दूसरा बदे वेने तुरंते कियना लेकका पोल्लो हिल्ले। इदु तीसरा पोल्लो आंदू - माटु इदिन मंजूर कियाना ओसो अमल कियाना मांग किया मंतोम।

4. टकराव किन रोमी कियाना। हत्ता साल मार्च महीना ते “दुश्मन पार्टीग ना कार्वाईग किन रोमी कियाना तरीकांग” लागू कित्तास्केडल पूरा देश लोप्पा कम्युनिस्ट पार्टी पोर्रो रोक वाटना, नुक्सान कियाना ओसो अदिना विरोध कियाना लेक्काटा कोलार पोयाता, उंदी ऐरेके उंदी दुक्कम पोयता घटनांग आतांग ओसो नेत्तुर डोड्डांग पोंगतांग। सिर्फ इगाने रोमताद हिल्ले, हत्ता साल अक्कूबर ते “दुश्मन पार्टीग ता समस्यांग हल कियाना तरीकांग” वेने लागू कियमूळाता। इदे आयवा उत्तर-पश्चिम, उत्तरी ओसो मध्य चीन लोप्पा “दुश्मन पार्टीग ना समस्यांग किन हल कियाला काजे आदेशा” वेने जारी कियमूळाता। लोकुर कम्युनिस्ट पार्टी पोर्रो “राजनीतिक नियंत्रण” इंजे “फौजी नियंत्रण” लोप्पा बदलेमात्ता इंजी इंतोर, लोकुरा इद्रम इंदानदु सही मंता ओसो असल परिस्थिति वेने इद्रमे मंता। कम्युनिस्ट पार्टी पोर्रो नियंत्रण कियानादु असल इतेके कम्युनिस्ट पार्टी ता विरोध कियानादे आंदू। कम्युनिस्ट पार्टी ता विरोध कियानादु जापानी ओसो वांग चिंग-वेइ चीन किन गुलाम बने कियाला काजे इस्तेमाल कियाना स्कीम आंदू। अदिन काजे ने लोकुर इदिना बारे ते वेल्ले आल्सड पोयसी मंतोर ओसो वरोर वरोना संगे चर्चा किया मंतोर ओसो 10 साल मुन्ने आता वेल्ले दुक्कम हीता घटना ओसो उंदी बेरा आंता बहे इंजी वेरियसोर मंता। हुनान इलका लोप्पा फिंगच्यांग हत्याकांड ओसो हनान इलाका लोप्पा छवेशान हत्याकांड आता, हपे इलाका लोप्पा चांग इन-ऊ आठवी राह सेना पोर्रो हमला कित्तोर, शानतुंग इलाका लोप्पा छीन छी-रुंग छापामार लोरा पोर्रो हमला कित्तोर, पूर्वी हपे लोप्पा छंग रू-ह्वाए 500-600 कम्युनिस्ट लोरा निर्मम हत्या कित्तोर, पूर्वी कानसू लोप्पा केंद्रीय सेना आठवी राह सेना ता गैरीजन फौज पोर्रो वेल्ले बेहरा हमला कित्ता अनि इस्साले शानशी इलाका लोप्पा वेल्ले नुक्सानदाय घटना आता, तीना लोप्पा पाइना सेना पूना सेना पोर्रो हमला कित्ता ओसो आठवी राह सेना ता मोर्चांग पोर्रो आक्रमण

कित्ता। इद्रम ता घटनांग किन तुरंत रोमी कीवेके रेडासी पक्ष कुना नुकसान आयार, ओसो जापान किन हारे कियाना आशा हिल्ले आयार। एकता ओसो प्रतिरोध युद्ध ता हित काजे सरकार उंदी आदेश जारी कीसि इव नरसंहार कियानोर सब्बेतोर किन सजा हियाना ओसो राष्ट्र मुन्ने इद्रम ता घटनांग दुबारा बस्केने आयला हियमूळायो आयार इंजी ऐलान कियाना। इदु माटु लागू ओसो अमल कियाला मांग कियाना चौथा पोल्लो आंदु।

5. नौजवान लोरा रक्षा कियाना। इंजे-इंजेने शीआन गर्ने नजरबंदी कैम्प बने कित्ताद मंता, इदिना बारेते पुंजी उत्तर-पश्चिमी ओसो मध्यवर्ती इलाकांग लोप्पा सात सौ तुकू ज्यादा प्रगतिशील नौजवान लोर किन नजरबंद कित्ताद मंता ओसो ओरकिन मानसिक, शारीरिक रूप ने बंदी बने कित्ताद मंता ओसो ओरा संगे कैदी लोरा लेका व्यवहार आया मंता इंजी प्रचार आतांकु लोकुरा लोप्पा वेरी मंता। ओरा पोरो इद्रम ता अत्याचार बारांकु आयाना? नौजवान लोर राष्ट्र ता सबसे महत्वपूर्ण अंग आदुर, खासकर प्रगतिशील नौजवान लोर इतेके प्रतिरोध युद्ध लोप्पा मावा वेल्ले मूल्यवान सम्पत्ति आंदुरा। हर मानेय तन्ना इच्छानुसार आस्था तासना आजादी मंदाना, विचार कुना हिंसा संगे दमन बिल्कुस कियमूळायो। हत्ता 10 साल ता “सांस्कृतिक दमन” ता अपराध ता बारे सब्बेतोर पुतादे मंता। नेंडु ओसो उंदी बेरा अद्रमे आयनाया? सरकार तुरंत राष्ट्रव्यापी आदेश जारी कीसि नौजवान लोरा रक्षा कियाना, शीआन गर्ने मत्ता नजरबंदी कैम्प कुन खत्म कियाना ओसो अलग-अलग जागाना नौजवान लोरा पोरो आयना अत्याचार किन रोमी कियाना। इदु मावा पांचवी मांग आंदू।

6. मोर्चा ता समर्थन कीमुटा। फौजकु सबसे मुन्ने नितसी ईमानदारी ते लडे मासोर मंतांग। मति आठवी राह सेना, पूना चौथी सेना ओसो उचुक दूसरांग फौजकुना युनिटकुना लेक्का अविना संगे वेल्ले खराब व्यवहार आया मंता। अविन किन वेल्ले कम कपडांग ओसो वेल्ले कम तिंदाना-उंडाना हियमूळाया मंता ओसो गोला-बारूद, दवाईंग इतेके पोरोल तुके सप्लाई आया मंता। इद्रम आतेकाई लज्जा हिल्वा लेक्काटा गद्दार लोरकिन ओरा पोरो विचार वाता लेक्का आरोप वाटना छूट हीताद मंता। ओरा बारे ते गैरजिमेदारी ओसो अंगडम ता पोल्लोंग केंजसी-केंजसी मावांग केब्बिंग निंडतांग। ओरु बेसता काम कितेकाई ओरकिन सम्मान कियानदु हिल्ले, ओरु कियाना सेवा ता बगाने रासानदु हिल्ले, उल्टा ओरा खिलाफ परताचौन झूठा आरोपकु वाटना ओसो षड्यंत्रंग कियाना आया मंता। इद्रम ता परिस्थिति ते मना ऑफिसर लोरा ओसो सैनिक लोरा जोश कम आंता, इदिन हूङ्सी दुश्मन गिर्दा

आंतोर, दुश्मन ता जोश बेरसिंता। इद्रम बिल्कुले ताकला हियानायो। सैनिक लोरा जोश बेरसी कियाला ओसो इद्रम ता लड़ाईंग लोप्पा मदद कियाला काजे सरकार उंदी बिगिल बेस सेवा कियाना ओसो लड़ाई लोप्पा मुने नितसी मत्ता सैनिक लोर किन हालनाचोन रासन सप्लाई कियाना ओसो दूसरा बिगिल ओरा पोर्हे गदार लोर वाटना आरोप कुना पोर्हे रोक वाटना। इदु मावा 6वा मांग आंदु, इदिन मीटु मंजूर ओसो अमल कियाना इंजी मांग किया मंतोम।

7. गुप्त विभाग किन गैरकानूनी घोषित कियाना। गुप्त एजेन्ट लोर वेल्ले गुंडागर्दी ओसो हिंसा कींतोर अद्रमासी लोकुर वीरकिन थांग राजवंश ता चओ शिंग ओसो लाइ च्युन-छन<sup>2</sup> संगे ओसो मिंग राजवंश ता वेई चुंग-श्येन ओसो ल्यू चिन<sup>3</sup> संगे तुलना किंतोर। दुश्मन पोर्हे खुद ता देश पोर्हेने निशाना वाटसी हमला कींतोर अनि गिनती हिल्वा लोकुर किन हौकिंतोर, रिश्वत एतिंतोर मति ओरा पोट्टा बस्केने निंडो, असल इतेके गुप्त सेवा अंगडम प्रचार कियानोरा ओसो राजद्रोह कियानोरा हेडक्वार्टर आंदू। तन्ना इज्जत बचे कियाला काजे सरकार इद गुप्त विभाग ता सब्बे रकम ता कामकाज किन तुरंत गैरकानूनी घोषति कियाना ओसो अदिना पुनर्गठन कीसि ओसो उंदी बेरा जनता विश्वास दोरकी कियाला काजे ओसो राज्य ता बुनियाद किन मजबूत कियाला काजे अदिना कामकाजकुना निशाना सिर्फ दुश्मन ओसो गदार लोरा पोर्हे तासना लेक्का कियाना। इदु मावा सातवी मांग आंदू।

8. भ्रष्टाचारी ऑफिसर लोर किन निलंबित कियाना। प्रतिरोध युद्ध शुरू आता पेरके राष्ट्रीय संकट ता फायदा एतसी कुल 10 करोड़ ख्यान हडपे कित्ता ओसो 8-9 रखैल (वैश्या महिला) तासना लेक्काटा ऑफिसर लोर वेने मंतोरा<sup>4</sup> जबरदस्ती भर्ती, सरकारी बैंड, आर्थिक नियंत्रण, अकाल-पीडित ओसो युद्ध आतंकु पलायन आतोरा सहायता, इव सब्बे भ्रष्टाचारी ऑफिसर लोरा पैसा कमाई कियाना धंधा बनेमातांग। इद्रम ता जंगली जानवर कुना झुंडकु मत्ता देश लोप्पा गडबड-घोटाला आयवा लेवा बद्रम मंदिता। जनता लोप्पा होंग वेल्ले बेरसा मंता, मति इद्रम ता ऑफिसर लोरा अत्याचार कुना पर्दाफाश कियाना हिम्मत बोनिगाए हिल्लो। देश किन तहम-नहस आयना तुकू पिस्सी कियाला काजे तुरंत ठोस फैसला कीसि सब्बे भ्रष्टाचारी ऑफिसर लोर किन बाहर कियाना। इदु मावा आठवी आंग आंदू।

9. डा. सुन यात-सेन ना वसीयत किन लागू कियाना। वसीयत इद्रम रास्तोर - हत्ता चालीस सालकुनल नन्ना चीन ता काजे आजादी ओसो समानता दोरकी कियाना लक्ष्य ते राष्ट्रीय क्रांति ता काम किया मंताना। इव चालीस सालकुना अनुभव

तिंची नाकिन इद लक्ष्य किन पूरा कियाला काजे माटू व्यापक जन-समुदाय किन जागृत कियाना इंजी गंभीर रूप ते समझेमात्ता।

इदु निज्जमे उंदी उल्लेखनीय पोल्लो आंदू, ओसो माटु 45 करोड़ चीनी लोकुर वेल्ले बेस पुत्तोमा। मति इदु वसीयत किन मिठू लेक्का रटे कियाना ज्यादा आंता ओसो अमल कियाना वेल्ले कम आया मंता। वसीयत ता उल्लंघन कियानोरा सम्मान कियूङ्गाया मंता ओसो अदिन लागू कियानोर किन सजा दोरका मंता। इदिनकु वेंडसी लब्बड़ ता पोल्लो दूसरा बाता मंता? सरकार बोरे वेने वसीयत ता उल्लंघन कियानोर ओसो व्यापक जन-समुदाय किन जागृत कियाना विड़ससी ओरकिन खत्म कियाना कोशिश कियानोर, ओर किन डा. सुन यात-सेन ना विश्वासधात कियाना अपराध ते सजा हियमूङ्गायर इंजी आदेश जारी कियाना। इदु मावा नौवी मांग आंदू।

10. मूँड जन-सिद्धांत कु लागू कियाना। मूँड जन-सिद्धांतकु क्वोमिंगतांग ता मूल सिद्धांत आंदुंग। मति वेल्ले लोकुर कम्युनिस्ट-विरोध किन सबसे बेहरा काम लेक्का हूङ्गसी प्रतिरोध-युद्ध ता कोशिशकुन तिलांजसी हिया मंतोर, ओसो जनता जापाना ता प्रतिरोध कियाला काजे बद्रम-बद्रम तेंदितायो, अद्रमे ओरु दमन कियला ओसो अदिन पेरके पिड़ंगला काजे हरदम कोशिश किया मंतोर, इद्रम कितेके राष्ट्रवाद ता सिद्धांत किन त्याग कियाना आंता। ऑफिसर लोकुर जनता किन सब्बे जनवादी अधिकार कुनगडल जेक कितोर ओसो इदु जनवादी सिद्धांत कुना परित्याग कियाना आंता। ओरु जनता ना मुश्किल कुन नजरअंदाज कींतोर, इद्रम कितेके जन-जीविका ता सिद्धांत कुना त्याग कियाना आंता। इद्रम तोर मूँड जन-सिद्धांत कुना बारे ते केवल पोँगडिंग पोल्लोंगे कींतोर ओसो बोरे वेने इव सिद्धांत कुना पोर्णे गंभीरतापूर्वक अमल कियाना कोशिश कीवोर आंतोर, इद्रमतोर किन अंगडमे नडमा-नडमा काल वाटना मानेय इंजी मजाक उडे कींतोर, लेवेके ओनकिन कड़ सजा हिसींतोरा इद्रम रक-रकम ता पोल्लोंग उंदी पेरके उंदी मुन्ने वाया मंतांग ओसो मूँड जन-सिद्धांतकुना पोर्णेटल लोकुरा विश्वास हिल्वा लेक्का आया मंता। पूरा देश लोप्पा मूँड जन सिद्धांत कुना गंभीर रूप ते पालन आयला काजे तुरंत उंदी वेल्ले स्पष्ट आदेश जारी कियाना। बोरु इद आदेश ता उल्लंघन कितोरो ओरकिन कड़ी सजा हियाना ओसो बोरु इदिन पालन कींतोर ओरकिन सही तरीका ते सम्मान कियाना। केवल इद्रम कितेकेने मूँड जन-सिद्धांत कुन बस्केनाई व्यवहार ते लागू कियमूङ्गायर ओसो प्रतिरोध युद्ध लोप्पा जीत हासिल कियाना नींव वाटा परमूङ्गायर।

इदु मावा दसवी मांग आंदू। मावा इव सब्बे मांग किन मंजूर ओसो अमल कियाना  
इंजी मीवगडल मांग किया मंतोम।

इव दस सुझाव कुराष्ट्र किन बचे कियाला ओसो जापान ता प्रतिरोध कियाला  
काजे अनिवार्य तरीकांग आंदुंग। नेंडु दुश्मन चीन ता खिलाफ तम्मा आक्रमण किन  
बेरस्सी किसोर मत्तेकाई, गद्वार वांग चिंग-वेइ नालुंग बगिल तिंची तोडफोड किसोर  
मत्तेकाई, माटु केमेक बद्रम हूडसोर मंदा परितोम। मीटु मावा इव सुझाव किन मंजूर  
ओसो अमल कित्तेके, प्रतिरोध-युद्ध ओसो चीनी राष्ट्र ता मुक्ति-कार्य किन फायदा  
आयार। माटु इव विचारकुन मीवा मुन्ने तास्तोम बारांकु इत्तेके माटु इविन वेल्ले फौरी  
महत्व मंता इंजी आलिसंतोम, ओसो माटु मीवा जवाब केंजला काजे हर्री हूडसोर  
मंतोम।

## नोट

1. समा चाओ, वेइ राज्य (220-265 ई.) लोप्पा प्रधानमंत्री मत्तोरा ओरु षड्यंत्र पंडसी राजगद्दी हासिल कियाला आल्सतोर, मति ओना इद्रम कियाना षड्यंत्र एक्सपोज आता। अनि सप्राट इद समस्या किन हल कियाला काजे तम्मा वफादार ऑफिसर लोर किन आदेश हीसोरे “समा चाओ ना चाल किन सब्बेतोर पुत्तोरा!” पेरके इद पोल्लो किन आम रूप ते बोना षड्यंत्र एक्सपोज आयनदो ओना काजे इस्तेमाल कियानोरा।
2. चओ शिंग ओसो लाई च्युन-छन, थांग राजवंश ता साप्राज्य ऊ त्से-थ्येन मा शासन-काल लोप्पा (ईसा ता सातवी शताब्दी ता आखरी ते) इरवुर वेल्ले क्रूर ऑफिसर लोर मत्तोरा। ओरु तम्मा इन्कार्मर लोर किन फैले कीसितोर ओसो बोरु ओरकिन विचार कीवोरो ओरकिन तम्मा विचार वाता लेकका झूटी केस वाटसी गिरफ्तार कियानोर अनि रक-रकम ता अत्याचार कीसि ओरकिन हौकीसियानोरा।
3. ल्यू चिन, मिंग राजवंश ता सप्राट ऊ चुंग ना शासन (ईसा ता 16वी शताब्दी) ता वरोर कस्सी मानेय मत्तोर, वेई चुंग-श्येन, मिंग राजवंश ता सप्राट शी चुंग ना शासन ते (ईसा ता 17वी शताब्दी) ता कस्सी मानेय मत्तोरा ओरु “छांग वेइ” (रक्षक कोर) पोर्णेल ता उंदी वेल्ले बेहरा इन्कार्मर संगटन ता इस्तेमाल कीसि पूरा सत्ता हासिल कीसि मत्तोर ओसो जनता ना विचारकु ओसो कामकाज किन नियंत्रण किसितोरा। ओना विरोध कियानोरा पोर्णे दमन कियानोर ओसो ओरकिन क्रूर रूप ते अत्याचार कीसि हौकीसियानोरा।
4. अद कालम ते शीआन लोप्पा तैनात मत्ता क्वोमिंगतांग ता प्रतिक्रियावादी फौजी गवर्नर च्यांग चिंग-विन ना बगिल इशारा कित्ताद मंता।

## “चीनी मजदूर” पत्रिका ता परिचय

7 फरवरी 1940

“चीनी मजदूर” पत्रिका<sup>1</sup> ता प्रकाशन जरूरी मंता। चीन ता मजदूर वर्ग तम्मा राजनीतिक पार्टी - चीनी कम्युनिस्ट पार्टी ता नेतृत्व ते, हत्ता बीस साल तिंची वीरतापूर्वक संघर्ष कित्तोर ओसो इदु वर्ग जनता ना लोप्पाटल सबसे ज्यादा जाणूत आता हिस्सा आंदू ओसो चीनी क्रांति ता अगुआ बनेमात्ताद मंता। साम्राज्यवाद ओसो सामंतवाद ता खिलाफ किसान लोर ओसो सब्बे क्रांतिकारी जनता किन उंदीकट्ठ कीसोरे उंदी नव-जनवादी चीन ता स्थापना कियाना, जापानी साम्राज्यवाद किन बाहर पूँडला काजे संघर्ष किता, इदिना लोप्पा मजदूर वर्ग ता उंदी विशिष्ट योगदान मंता। मति इंजे वेने चीनी क्रांति किन जीत हासिल आत्ताद हिल्लो। खुद मजदूर वर्ग किन एकताबद्ध कियाला काजे ओसो किसान, निम्न-पूँजीपति वर्ग ता अलग-अलग तबकांग, बुद्धिजीवी ओसो बाकी सब्बे क्रांतिकारी जनता किन एकताबद्ध कियाला काजे इंजे वेल्ले कोशिश कियाना जरूरत मंता। इदु उंदी जबरदस्त राजनीतिक ओसो संगठनात्मक कार्य आंदू इद कार्य किन पूरा कियाना जिम्मेदारी चीनी कम्युनिस्ट पार्टी, प्रगतिशील मजदूर ओसो पूरा मजदूर वर्ग पोर्ण मंता। मजदूर वर्ग ओसो पूरा जनता ना मुक्ति केवल समाजवाद लोप्पाने दोरकी कियमूळांता, ओसो चीनी मजदूर वर्ग किन इदे आखरी लक्ष्य किन हासिल कियाला काजे संघर्ष कियाना जरूरत मंता। मति समाजवाद ता मंजिल लोप्पा नेंगना तुकू मुने साम्राज्यवाद-विरोधी ओसो सामंतवाद विरोधी जनवादी क्रांति ता मंजिल किन पार कियाना जरूरी मंता। अदिन काजे चीन ता मजदूर वर्ग ता फौरी कार्य खुद मजदूर वर्ग किन एकताबद्ध कियाना ओसो जनता किन एकताबद्ध कियान, साम्राज्यवाद, सामंतवाद ता विरोध कियाना ओसो उंदी पूना चीन, उंदी नवजवादी चीन काजे संघर्ष कियानदु मंता। इदे कार्य किन ध्यान ते तासिसी “चीनी मजदूर” पत्रिका ता प्रकाशन कियमूळाया मंता।

“चीनी मजदूर” पत्रिका सरल भाषा ते मजदूर लोरा बचोनो मुद्दांग किन बद्रम ओसो बारांकु समझे कियार, प्रतिरोध युद्ध लोप्पा मजदूर-वर्ग ता संघर्ष ता निज्जम ता रिपोर्ट कियार ओसो दोरकता अनुभव किन सारांश लोप्पा रेहयर, इद्रमे इदु काम किन पूरा कियाना कोशिश कियार।

“चीनी मजदूर” पत्रिका मजदूर लोरकिन शिक्षित कियाना ओसो ओरा नड़मा तैयार आयना कार्यकर्तालोर किन ट्रेनिंग हियाला काजे उंदी स्कूल लेक्का बनेमायना, ओसो पढेमायनोर अदिना विद्यार्थीर मंदानोरा। शिक्षित किसोरे मजदूर लोरा नड़मा तल वेल्ले कार्यकर्तालोर किन तैयार कियाना वेल्ले जरूरी मंता पुंजी मत्ता, योग्य मत्ता ओसो सिर्फ प्रसिद्ध (खुद ता पोर्नोल वायला आल्सानोर) आयना लालच हिल्वोर, ईमानदारी ते काम कियाला तैयार मंदाना कैडर लोर किन शिक्षित कियाना वेल्ले जरूरी मंता। इद्रम ता कैडर लोरा बेहरा संख्या हिल्वेके मजदूर वर्ग काजे मुक्ति दोरकी कियाना संभावना हिल्ले।

मजदूर वर्ग क्रांतिकारी बुद्धिजीवीरा मदद एतला काजे बस्केने पेरके मंदानायो, मुने वासी ओरु कियाना मदद ता स्वागत कियाना। बारांकु इतेके ओरा मदद हिल्वा मजदूर वर्ग खुद मुने दाया परवो आंता ओसो वीरा मदद हिल्वा क्रांति वेने सफल आया परवो।

पत्रिका ता संपादन काम बेस ताकियार इंजी आशा किया मंताना। इदु पत्रिका वेल्ले बेहरा संख्या ते महत्वपूर्ण लेख कुन प्रकाशित कियार ओसो अंगडम ता या पाडना आता, या जीवा हिल्वा लेखकुन छापे कियाना तुकू बचेमायरा।

पत्रिका ता प्रकाशन शुरू आता पेरके पत्रिका किन सही तरीका ते ओसो ईमानदारी ते ताकी कियाना। इदु पढेमायानोरा संगे-संगे कर्मचारिरा वेने जिम्मेदारी आंदू। पत्रिका किन सफल बने कियाला काजे पढेमायानोरा सुझावकु लोहना ओसो ओरकिन बाताल विचार वांता, बाताल विचार वायो इंदानदु वेहचोरे संक्षिप्त चिट्ठिंग ओसो लेखकु रासनदु वेल्ले महत्वपूर्ण मंदिंता।

पोर्ट वेहता पोल्लोंग संगे नना नावा आशा व्यक्त किया मंतान, अविन  
चीनी मजदूर पत्रिका ता परिचय ता रूप ते समझेमायमूटा

### नोट

- “चीनी मजदूर” पत्रिका उंदी मासिक पत्रिका मत्ता। इदिना प्रकाशन फरवरी 1940 लोणा येनान ते  
शुरू आसी मत्ता। इदिन कम्युनिस्ट पार्टी ता केंद्रीय कमेटी ता ट्रेड यूनियन कमीशन बगिल तिंची  
प्रकाशित कियमूळायनदू।

## माटु एकता ओसो प्रगति पोर्रे जोर हियाना<sup>18</sup>

10 फरवरी 1940

प्रतिरोध, एकता ओसो प्रगति - इव मूँडु उसूल किन कम्युनिस्ट पार्टी हत्ता साल 7 जुलाई ते प्रतिरोध-युद्ध ता दूसरी जयंती ता मौका ते पेश कित्ताद मत्ता। इव मूँडासी उंदिनकु उंदी संगे जुडेमासी मंतांग, इविना लोप्पाडल उंदी किन वेने विडसा परमूळायो। एकता ओसो प्रगति किन विडसतेके प्रतिरोध सुदृढ आया परवो ओसो दीर्घकालिन ताका वेने परवो। एकता ओसो प्रगति ता प्रोग्राम लेवा कित्ता प्रतिरोध बस्केनाई आत्मसमर्पण लोप्पा बदलेमासिंता ओसो हार ता सामना किया लागिंता। माटु कम्युनिस्ट लोर इव मूँडासी उसूल कुन उंदी दूसरा संगे काल्पिसियाला आलिसंतोमा प्रतिरोध काजे आत्मसमर्पण ता खिलाफ, जापान संगे वांग चिंग-वेइ ना देशद्रोहपूर्ण समझौता ता खिलाफ, वांग चिंग-वेइ ना कठपुतली सरकार ता खिलाफ ओसो जापान-विरोधी संघर्ष लोप्पा मत्ता सब्बे गद्दार ओसो आत्मसमर्पणवादिरा खिलाफ संघर्ष कियाना जारूरी मंता। एकता काजे वाटना लेक्काटा कार्वाईंग ओसो अंदरूनी टकराव ता विरोध कियाना, जापान-विरोधी संघर्ष पेरकेटल आठवी राह सेना ओसो पूना चौथी सेना, बाकी सब्बे प्रगतिशील ताकतकुना विश्वासघात कियाना ता विरोध कियाना, दुश्मन इलाका ते मंदाना जापान-विरोधी आधार इलाकांग लोप्पा ओसो आठवी राह सेना ता इलाका शेनशी-कानसू-निंगश्या सीमा इलाका लोप्पा तोडफोड कियाना ता विरोध कियाना, कम्युनिस्ट पार्टी ता गैर-कानूनी कियाना ता, “दुश्मन पार्टिंग ना कार्वाईंग किन रोमी कियाला” काजे तैयार कित्ता दस्तावेज बने कियाना ता विरोध कियाना जरूरी मंता। प्रगति काजे प्रतिगमन ता ओसो मूँड जन-सिद्धांतकु ओसो “सशस्त्र प्रतिरोध, राष्ट्रीय पुनर्निर्माण ता कार्यक्रम” किन लागू कियवा लेवा लेट किसोर दायना ता विरोध कियाना, डा. सुन यात-सेन तन्ना वसीयतनामा लोप्पा हीता आदेश-“व्यापक जन-समुदाय किन जागृत कियाना” किन ठुकरे कियाना ता विरोध कियाना, प्रगतिशील

नौजवान लोकुर किन नजरबंद कैम्प कुना लोप्पा वाटना ता विरोध कियाना, प्रतिरोध-युद्ध ता शुरूआत ते वडकना ओसो प्रकाशन कियाना ता<sup>19</sup> विरोध कियाना, कानूनी सरकार ता स्थापना ता आंदोलन किन मुट्ठमेंड नौकरशाहीरा निजी बने कियाना स्कीम ता विरोध कियाना, शानशी लोप्पा पूना सेना पोर्रो हमला कियाना ओसो आत्म-बलिदान संघ किन दबे कियाना ओसो प्रगतिशील लोकुर किन हौकना<sup>1</sup> ता विरोध कियाना, श्येनयांग-च्वीलिन राजमार्ग ओसो लुंगहाए रेलवे पोर्रो मूँड जन-सिद्धांत नौजवान संघ ता लोका अपहरण कियाना<sup>2</sup> ता विरोध कियाना, नौ रखैल ओसो राष्ट्रीय संकट ता फायदा एतसी दस करोड़ व्याना ता सम्पत्ति पंडना लेक्काटा कार्रवाईंग कुना विरोध कियाना, भ्रष्टाचारी अफसर ओसो स्थानीय निरंकुश तत्व, बुरे शरीफजादा लोरा खुल्लमखुल्ला कियाना अत्याचार कुना विरोध कियाना जरूरी मंता। इविना विरोध कियवा लेवा ओसो एकता, प्रगति लेवा प्रतिरोध ता चर्चा वेने किया परवोम, जीत हासलि कियाला इत्तेके आल्सा वेने परवोम। “नव चीन समाचार” ता प्रकाशन ता दूसरा साल अदिना राजनीतिक दिशा बातल मंदिंता? अदु एकता ओसो प्रगति पोर्रो जोर हियाना ओसो प्रतिरोध-युद्ध काजे नुकसान कियाना सब्बे दुष्टापूर्ण कार्रवाईंग ना विरोध कियाना, जापान ता प्रतिरोध कियाना मना काम लोप्पा ओसो वेल्ले सफलता दोरकी कियानादु मंदिंता।

---

<sup>19</sup> इद लेख कामरेड माओ त्सेतुंग येनान ता “नव चीन समाचार” काजे अदिना पहली वर्षगांठ ता मौका ते रास्तद मत्ता।

## नोट

- “आत्म-बलिदान संघ” ‘शानशी प्रांत लोप्पा राष्ट्रीय पुनरुद्धार काजे आत्म-बलिदान संघ” ता संक्षिप्त पोर्टेल मत्ता, इदु 1936 तिंची जापानी-आक्रमण-विरोधी युद्ध ता शुरुआती काल एवनल ता समय लोप्पा शानशी प्रांत लोप्पा बने कित्ता जापान-विरोधी स्थानीय जन-संगटन मत्ता। इदु संगटन कम्युनिस्ट पार्टी ता सहयोग कित्ता ओसो अगा जापान-विरोधी लड़ाईंग लोप्पा महत्वपूर्ण भूमिका निभे कित्ता। दिसम्बर 1939 लोप्पा येन शी-शान शानशी प्रांत ता पश्चिमी हिस्सा लोप्पा इद संघ ता खुल्लमखुल्ला दमन शुरु कित्ता ओसो कम्युनिस्ट, इगा मत्ता संगटन ता कार्यकर्ता लोर ओसो दूसरा बाकी प्रगतिशील लोकुर किन वेल्ले बेहरा संख्या ते हैकतोरा।
- 1939 लोप्पा क्वोमिंगतांग श्येनयांग-य्वीलिन राजमार्ग ओसो लुंगहाए रेलवे पोर्टे तन्ना मोहरा मूँड जन-सद्धांत नौजवान संघ ता “होस्टल कुना” रूप ते बचोनो चेकिंग-नाका बने कीसि नाकेबंदी कित्ता। इव “होस्टल” कुना लोप्पा चुने कित्ता गुप्त एजेन्ट क्वोमिंगतांग फौजकु ना संगे कलियसी शेनशी-कानसू-निंगश्या सीमा इलाका लोप्पा दायना-वायना प्रगतिशीनल नौजवान ओसो बुद्धिजीवीर किन गिरफ्तार कियानोर ओसो ओरकिन नजरबंदी कैम्प कुना लोप्पा वाटितोर, ओरा अत्याचार कीसि हैकानोर लेवेके ओरकिन जबरदस्ती मुखबिर बने कियानोर।

## नवजनवादी कानूनी सरकार<sup>19</sup>

20 फरवरी 1940

नेंडु येनान ता अलग-अलग व्यवसाय कुना जनता ना प्रतिनिधिरा सभा संवैधानिक सरकार प्रोत्साहन संघ ता उद्घाटन काजे आया मंता ओसो संवैधानिकता लोप्पा हर मानेय इंट्रेस्ट तोहा मंतोर इद पोल्लो वेल्ले महत्वपूर्ण मंता। मावा इद संगटन ता उद्देश्य बातल मंता? इदिना उद्देश्य जनता ना विचार किन पूर्ण रूप ते तोहना, जापान किन हारे कियाना ओसो पूना चीन ता निर्माण कियाना।

माटु सब्बे तोरोम समर्थन कियाना, जापान ता खिलाफ सशस्त्र प्रतिरोध ताका मंता। ताना पोर्रो गटिंग नितसी मंदा परितोमा परवोम इंदाना पोर्रो सवाल मंता। मति जनवाद इंदाना उंदी चीज मंता इदिना पोर्रो अमल आसोर हिल्लो। नेटा चीन काजे इव रेंडासीना वेल्ले महत्व मंता। चीन लोप्पा बचोनो पोल्लोंग ना कमी मंता, मति स्वाधीनता ओसो जनवाद सबसे प्रमुख मंता। इविना लोप्पाटल बदे वेने हिल्वेके चीन लोप्पा सही तरीका ते ताका परवो आंता। इव रेंडासी पोल्लोंग ना कमी मंदानगा, रेंडु फालतू ता पोल्लोंग वेने मंदिंतांग। अवु बवु? अवु साप्राज्यवादी उत्पीड़न ओसो समान्तवादी उत्पीड़न आंदुंगा। इव रेंडासी फालतू पोल्लोंग ना कारण ते चीन औपनिवेशिक, अर्ध-औपनिवेशिक ओसो अर्ध-सामंती देश बनेमात्ता। नेंडु राष्ट्र ता प्रमुख मांगकु स्वाधीनता ओसो जनवाद मंता, बारांकु इत्तेके मनाकिन साप्राज्यवाद ओसो सामंतवाद ता विनाश कियाना जरूरत मंता। इविना दृढ़तापूर्वक, संपूर्ण रूप ते ओसो निर्मम विनाश किसियाना। उचुन मुल केवल निर्माण ताए जरूरत मंता, विनाश कियाना जरूरत हिल्ले इंजी इंतोरा।

माटु इद्रम इंदानोरकिन पूछेमाया मंतोम, वांग चिंग-वेइ ना विनाश आयना<sup>20</sup> या आयो या? जापानी साम्राज्यवाद ता विनाश आयाना या आयोया? सामंती व्यवस्था ता विनाश आयाना या आयोया? बस्के एवनल इव गलतिंग खत्म आयो, अस्के एवनल निर्माण ता सबाल वेने तेदो आंता। इविन विनाश कीसिए चीन किन बचे किया परमूडांता ओसो निर्माण ता शुरुआत किया परमूडांता, लेवेके इव सब्बे अंगड़म ता सपना लेक्का आयरा पाड़ना ओसो कडियता-पुडियता व्यवस्था किन खत्म कीसि माटु पूना ओसो टिकाऊ व्यवस्था ता निर्माण किया परितोम। स्वाधीनता ओसो जनवाद किन काल्पिसीतेके इदु जनवाद पोरो आधार आसी प्रतिरोध या प्रतिरोध ता सेवा कियाना जनवाद आयरा जनवाद लेवा प्रतिरोध असफल आयरा जनवाद लेवा जारी वेने मंदा परवो। प्रतिरोध काजे 8-10 साल लागतेकाई, जनवाद मत्तेकेने माटु जीड़ा परितोम।

कानूनी सरकार बातल आंदू? इदु उंदी जनवादी सरकार आंदू इंजे-इंजे मना मुयतोर कामरेड ऊ<sup>1</sup> इत्ता पोल्लोंग ना समर्थन कींतान। नेंदु मनाकिन बद रकम ता जनवादी सरकार ता जरूरत मंता? नवजनवादी सरकार, नवजनवादी कानूनी सरकार। इदु पाड़ना यूरोपीय-अमेरिकी रकम ता जनवादी सरकार इदिना पूंजीपति वर्ग ता नेतृत्व ता ताका मंता, मति इदु इंजे सोवियत संघ ता लेक्काने जनवादी सरकार आंदू इदिना नेतृत्व सर्वहारा वर्ग कींता।

दूसरा देशकुना लोप्पा अमल आयना पाड़ना रकम ता जनवाद तुकू वेल्ले समय आता ओसो अदु प्रतिक्रियावादी बनेमात्ता। बदे वेने परिस्थिति ते माटु इद्रम ता प्रतिक्रियावादी चीज किन स्वीकार कियानायो। चीनी कट्टरपंथीर बद रकम ता कानूनी सरकार ता पोल्लोंग किया मंतोरो अवु विदेश ते दोरकना पाड़ना रकम ता पूंजीपति वर्ग ता जनवादी सरकारे आंदू। मति ओरु इद्रम ता पोल्लोंग जनता किन धोखा

<sup>20</sup> इदु कामरेड माओ त्सेतुग ना येनान कानूनी सरकार ग्रोत्साहन सभा मुने हींता भाषण आंदू। च्यांग काई-शेक ना धोखा हियाना लेक्काटा प्रचार ता भ्रम ते वासी बच्चों पार्टी-कामरेड्स क्वोमिंगतांग निज्जमे कानूनी सरकार ता स्थापना कींता बहे इंजी आल्सनोरा इ भाषण लोप्पा कामरेड माओ त्सेतुग च्यांग काई-शेक ना विश्वासघात ता पदाफाश कितोर ओसो “कानूनी सरकार” ता प्रचार-शक्ति किन ओना कैदल ऊदसी च्यांग किन जनवादी ओसो आजादी ता मांग कियाला काजे जनता किन आंदोलन कियी कियाना हथियार बने किसितोरा अद्रमासी च्यांग काई-शेक प्रतिरोध युद्ध ताकनास्के दोबारा “कानूनी सरकार” ता प्रचार कियाना हिम्मत किवोर आतोर।

हियाला काजे कींतोर। असल इत्तेके लोकुर उदे पार्टी ता तानाशाही मंदाना इंजी आलिसंतोर। दूसरा बगिल चीन ता राष्ट्रीय पूँजीपति वर्ग जरूर इदे रकम ता कानूनी सरकार बने कियाला आलिसंता ओसो अदु चीन लोप्पा पूँजीपति वर्ग ता नेतृत्व ते स्थापना कियाला आलिसंता, मति अदु बस्केने सफल आया परवो। बारांकु इत्तेके चीन ता जनता इद्रम ता सरकार बने कियाला आल्सो, अदु पूँजीपति वर्ग ताकी कियाना एक वर्गीय तानाशाही ता स्वागत कीवो आयारा। चीन ता परिस्थिति ता निर्णय चीनी जनता ना बेहरा संख्या ता मंदाना, पूँजीपति वर्ग ता सरकार किन बिल्कुले खारिज किसियाना। मति समाजवादी जनवाद बद्रम ता मंदिता? बदे डावुट हिल्वा, इदु वेल्ले बेस मंता ओसो आखरी ते पूरा दुनिया लोप्पा इदिना प्रभाव अरियर। मति नेंडु चीन लोप्पा इंजे वेने इद्रम ता जनवाद व्यवहारिक हिल्ले, अदिन काजे माटु इदिना लेवाए काम किया लागियर। वायना कालम ते विशिष्ट परिस्थिति वातास्केने लागू कियाना आयारा। नेंडु मना किन बद रकम ता जनवादी सरकार ता जरूरत मंतायो, अदु पाड़ना रकम ता जनवादी आयो ओसो इंजे समाजवादी जनवाद वेने आयो, मना किन जरूरत मत्तादु नवजनवादे आंदू, नेंडु चीन ता परिस्थिति ता अनुकूल मंता। नवजनवादी कानूनी सरकार ता स्थापना ता काम किने प्रोत्साहन हियाना।

नवजनवादी कानूनी सरकार बातल आंदू? इदु चीनी गद्दार ओसो प्रतिक्रियावादिरा विरुद्ध बचोनो क्रांतिकारी वर्ग कुना उंदी संयुक्त नेतृत्व मंता। उंदी बेरा बोरो “तिंदाला मत्तेके सब्बेतोर तूसिसी तिंदाना।” इंजी इत्तोरा नावा हिसाब ते इदु पोल्लो नवजनवाद काजे उदाहरण बनेमाया परिता। बद हिसाब ते तिंदाना लोप्पा सब्बे तोर शामिल आयना, अद्रमे राजसत्ता पोर्झे वेन बदे उंदी पार्टी, ग्रुप या वर्ग ता अधिकार मंदानायो। डॉक्टर सुन यात-सेन “क्वोमिंगतांग ता पहली राष्ट्रीय कांग्रेस ता घोषणापत्र” लोप्पा इद प्रचार किन वेल्ले बेस कित्ताद मत्ता:

आधुनिक राज्य कुना जनवादी व्यवस्था पोर्झे सामान्य रूप ते पूँजीपति वर्ग ता एकाधिकार मंता ओसो केवल आम लाकुर किने उत्पीडित कियाना साधन बनेमाता। इदिना उल्टा क्वोमिंगतांग ता जनवाद ता सिद्धांत इत्तेके जनवाद आंदू इदिना लोप्पा सब्बे आम लोकुरा हिस्सा मंदाना, सिर्फ उचुन लोकुरा कैदे मंदानायो।

कामरेड्स, कानूनी सरकार ता अध्ययन कियाला काजे माटु बचोनो पुस्तकिंग पढ़ेमायना, मति सबसे ज्यादा माटु इद घोषणा किन पढ़ेमायना ओसो ताना लोप्पा मत्ता पोल्लोंग किन मिठू लेकका रटे कियाना। ‘इदिना लोप्पा सब्बे आम लोकुरा मंदाना ओसो इदिना लोप्पा मुट्टामेंड लोकुराए अधिकार मंदानायो’- इदु आदिना सार आंदू, इदिने माटु नवजनवादी कानूनी सरकार इंतोरम, इत्तेके माटु चीनी गद्वार ओसो प्रतिक्रियवादिगा विरुद्ध बचोनो क्रांतिकारी वर्ग कुना संयुक्त नेतृत्व इंतोम, नेंडु मनाकिन इद्रमताए कानूनी सरकार ता जरूरत मंता। ओसो जापान-विरोधी संयुक्त मोर्चा ता कानूनी सरकार ता इद्रमताए रूप मंदाना।

नेटा इद सभा ता उद्देश्य कानूनी सरकार ता स्थापना काजे प्रोत्साहित या प्रेरित कियाना मंता। माकिन बारांकु “प्रेरणा” हिया लागिंता? सब्बेतोर मुन्ने वासी मत्तेके बोनकिनाई प्रेरित कियाना जरूरत मन्नो आंता। माटु नेंडु इद सभा कियाला बारांकु किया मंतोम? बारांकु इत्तेके उचुन मुल मुन्ने वायनादु विड्चसी गूडसी मंतोर ओसो हिके-हक्के मेलियाला काजे इनकार किया मंतोरा। ओरु मुन्ने हनवा लेवा पेरेके दायला आल्सा मंतोरा। ओरकिन मुन्ने वायला वेहतेके ओरु डोलतेके वेने मुन्ने वायोर आयनू। इद्रमतोर कट्टरपंथिर आंदूरा इद्रमतोर किने “प्रेरणा” हियाला काजे मना किन इद सभा कियाला लागा मंता। इद “प्रेरणा” शब्द बगाडल वांता? सबसे मुन्ने इदिन बोर लागू कित्तोर? माटु कित्ताद हिल्ले, इदिन डा. सुन यात-सेन कितोर, “हत्ता चालीस साल तल नन्ना राष्ट्रीय क्रांति लोप्पा काम किया मंतान” इंजी इत्तोरा। ओना वसीयतनामा पढ़ेमायमूट ओसो ताना लोप्पा मीकिन दोड़ रास्ता शब्दकु दोरकानुंग - “इंजेटा परिस्थिति लोप्पा नन्ना राष्ट्रीय असेम्बली केयना आदेश हीताद मंता, विशेष रूप ते परताचोन जल्दी केयला काजे प्रेरित कियाना। मीवा मुन्ने तास्ता नावा हार्दिक आदेश आंदू।” कामरेड्स! इदु बदे साधारण “आदेश” आयो, इदु नावा “हार्दिक आदेश” आंदू उंदी “हार्दिक आदेश” मामूली आदेश मन्नो आंता, अदिन काजे इदिन हल्को आल्सनायो। ओसो उंदी बेरा “संभव आताचोन सबसे कम समय”; पहला, सबसे लम्बा समय आयो, दूसरा अपेक्षाकृत लंबा समय आयो, ओसो तीसरा, केवल उंदी सुडला समय आयवा “संभव आताचोन सबसे कम समय”। इद राष्ट्रीय सभा किन माटू सबसे कम समय ते अस्तित्व ते तत्ताला आल्सा मंतोम इत्तेके मनम इदिन “आग्रह” किया लागियरा डा. सुन यात-सेन किन शहीद आसी 15 साल आता, मति इंजे एवनल वेने ओरु हीता सुझाव इत्तेके राष्ट्रीय सभा केयना सुझाव, केयताद हिल्ले। हर दिय्या राजनीतिक संरक्षण संगे खिलवाड़ कीसोरे

उचुन मुल “संभव आताचोन सबसे कम समय” किन सबसे लंबा समय ते बदले कीसि, समय किन बकवल बने कित्तोर, इद्रम कित्तेके वेने ओरु डॉ. सुन यात-सेन ना पोर्रेल ता आह्वान किया मंतोरा इद्रम ता लोकुर पोर्रे डॉ. सुन यात-सेन ना आत्मा बचोनो रांगसोर मंदियरा इदु “प्रेरणा” हिल्वा प्रगति हिल्ले इंदाना पोल्लो स्पष्ट मंता। “प्रेरणा” बारांकु हियाना जरूरी मंता इतेके बचोनो लोकुर पेरके दायला आल्सा मंतोर ओसो दूसरा बचोनो लोकुर इंजे वेने हुस्कड तेने मंतोरा।

उचुन मुल मुन्ने हंजोर हिल्लेर, अदिन काजे ओरकिन प्रेरित किया लागिंता। ओसो दूसरा लोकुरा गति वेल्ले स्लो मंता अदिन काजे माटु ओरकिन प्रेरित किया लागिंता। अदिन काजे माटु बचोनो प्रोत्साहन संघ बने कित्ताद मंता। नौजजवान लोर कानूनी सरकार प्रोत्साहन संघ ता स्थापना कित्तोर, ओसो अद्रमे महिला, मजदूर, स्कूल, सरकारी संस्थांग ओसो फौजी यूनिटकू वेने बने कित्ताद मंता। नेंडु माटु इद महासंघ वेने माटु सब्बे तोर उंदी आसी कानूनी सरकार ता तुरंत स्थापना कियाना ओसो डॉक्टर सुन यात-सेन हीता शिक्षा पोर्रो फौरी अमल कियाला काजे कार्यवहिंग कियाना प्रेरणा हिया परना उद्देश्य तेने बने कित्ताद मंता।

उचुन मुल “मीटु येना ते मंतिर ओसो ओरु अलग-अलग जागाने मंतोरा। ओरा लोप्पाटल बोरे वेने ध्यान हीवेके, ओरकिन प्रेरित कीसि बाता फायदा आयर?” इंगो, इद्रम कियाना लोप्पा फायदा मंता। बारांकु इतेके परिस्थिति बदले माया मंता ओसो ओरकिन मजबूर आसी ध्यान हिया लागिरा। माटु ज्यादा से ज्यादा सभांग कित्तेके ओसो परताचोन लेखकु रास्तेके, परताचोन भाषण हीतेके ओसो ज्यादा से ज्यादा चिठ्ठिंग लोहतेके, ओरु ध्यान हियाला जरूर मजबूर आयनूरा। नावा हिसाब ते येनान लोप्पा बचोनो प्रोत्साहन संघ कुना डबल लक्ष्य मंता। पहला समस्या ता अध्ययन कियाना ओसो दूसरा लोकुर किन मुन्ने तुरस्ना। माटू अध्ययन बारांकू कियाना? बारांकु इतेके ओरु मुन्ने हनवेके ओसो मीटू ओरकिन प्रेरित कींतीर ओसो ओरु मीकिन बारांकू तुरसा मंतिर इंजी पूछेमांतोर, अस्के मीकिन जवाब हिया लागियरा। इद्रम कियाला काजे मनाकिन कानूनी सरकार ता सब्बे समस्यांग कुना गंभीरतापूर्वक अध्ययन किया लागियरा। मना मुयतोर कामरेड ऊ इदिना बारे ते वेहा मंतोरा। सब्बे स्कूलकु, सरकारी संस्थांग ओसो फौजी यूनिटकु ओसो जनता ना सब्बे समूह किन तम्मा मुन्ने मत्ता कानूनी सरकार ता समस्या किन अध्ययन कियाना जरूरत मंता।

इदिना अध्ययन कित्तेकेने लोकुर किन माटू मुन्ने ओया परिंतोम। ओरकिन मुन्ने ओयना इतेके ओरकिन “प्रेरित कियाना” आंदू, ओसो बद्रम-बद्रम माटु हर इलाका

लोप्पा मुन्ने ओंतोम अद्रम-अद्रम सब्बे चीजकु कदम-ब-कदम मुन्ने दांतांग। बचोनो सुडला-सुडला हिल्कांग कलियसी डोड्डा बनेमांता ओसो सब्बे कडियता-पुडियता गंदगी किन पोंगी कीसि ओयार, इद्रमे नवजनवादी कानूनी सरकार ता उदय आयार। इद्रम लोकुर किन मुन्ने तुरसोर ओयनादु वेल्ले प्रभावित कींता। माटु येनान लोप्पा बाताल कियाकोम, अदिना प्रभाव परा देश लोप्पा जरूर अरियर।

कामेरेड्स! मीटू सभांग कित्तेके, चिंगुंग लोहतेके कट्टरपंथीर समझेमायनूर् ओसो मुन्ने दायना शुरू कियानोर ओसो मावा आदेश कुना पालन कियानूर् इंजी आलिसंतीरा? हिल्ले, ओरु आज्ञाकारीर बिल्कुले हिल्लेर। ओरा लोप्पाटल वेल्ले लोकुर कट्टरपंथिरा काजे स्थापना कित्ता विशिष्ट प्रशिक्षण स्कूल कुना लोप्पा ट्रेनिंग एतसी मंतोरा नेंडु ओरु कट्टरपंथिर आंदूर ओसो नाडी वेने कट्टरपंथिरे मंदिंतोर ओसो मन्ने दिय्या वेने कट्टरपंथिरे मंदिंतोरा। कट्टरपंथी इत्तेके बाताल? “कट्टर” इत्तेके गैर-लचीली ओसो “पंथी” इत्तेके पथ (हर्री) ते ताकानोर, प्रगति ता विरुद्ध हर्दे ताकानोर, नेंडु वेने नाडी वे ओसो मन्ने दिय्या वेने। माटु इद्रमता लोकुर किन कट्टरपंथी इंतोम। ओरकिन मना माटांग केंजानोरा लेकका बने कियाना बदे हल्को काम हिल्ले।

दूनिया लोप्पा इंजे एवनल ता कानूनी सरकार कुना संबंध ब्रिटिश, फ्रांस ओसो संयुक्त राज्य अमेरिका संगे मत्तेकाई या सोवियत संघ संगे मत्तेकाई अबु सब्बेना स्थापना क्रांति सफल आता पेरेकेने जनवाद ता वास्तविक स्थान किन मान्यता हियाला काजे उंदी बुनियादी कानून इत्तेके संविधान किन जारी कित्ताद मंता। मति चीन ता परिस्थिति अलग मंता। चीनी लोप्पा क्रांति इंजे सफल आत्ताद हिल्ले ओसो मावा सीमा इलाका किन विडचिसी दूसरा बेगाने जनवादी सरकार हिल्लो। असल इत्तेके नेटा चीन अर्ध-औपनिवेशिक ओसो अर्ध-सामंती प्रशासन लोप्पा मंता, ओसो उंदी बेसता संविधान जारी कीतेकाई सामंती ताकतकु ओसो कट्टरपंथीर जरूर बाधा वाटानूर, अदिन काजे इदिना पोर्रे सुचारू रूप ते अमल कियाना असंभव मंता। अद्रमे, कानूनी सरकार काजे ताकना वर्तमान आंदोलन किन उंदी जनवाद दोरकी कियाला कोशिश किया मंतोम, जनवाद ता वास्तविक स्थापना किन हियाला आयो। इदु उंदी वेल्ले बेहरा संघर्ष आंदू, ओसो जरूर इदु हल्कोए हल आयना समस्या आयो।

बोरु हमेशा कानूनी सरकार ता विरोध कित्तोर,<sup>2</sup> ओरु नेंडु अदिना पक्ष ते बेहरा-बेहरा पोल्लो किया मंतोर। बारांकू? बारांकू इत्तेके ओरा पोर्रे जापान संगे लड़ेमायना जनता ना दबाव मंता। इदे आयवा ओरु वेल्ले जोर-जोर ते “माटु हमेशा ए

कानूनी सरकार बनेमायना ता पक्ष एता मंतोम!” कोलार पोया मंतोरा बचोनो सालकुनल माटु “कानूनी सरकार” ता पोल्लोंग केंजा मंतोम मंति माटु अदिना निशान इंजे हूडताद हिल्लो। इद्रमतोर वडकिंतोर उंदी कींतोर उंदी, कानूनी सरकार ता बारे ते ओरा रेंडु रकम ता मोक्कम मत्ता। “हमेशाए पक्ष एता मंतोर”-इंदाना ओरा पोल्लो धोखा हियाना ता सबूत आंदू नेटा कट्टुरपंथीर इद्रमताए रेंडु रकम ता चेहरा वाले लोकुरे मंतोरा। ओरा कानूनी सरकार उंदी धोखाए आंदू वेल्ले जेक ता भविष्य तेने मीकिन उंदी संविधान ओसो इदिन संगे वरोर राष्ट्रपति सौदेबाजी संगे दोरका परितोर। मति जनवाद ओसो आजादी बस्के दोरकियर इंदानदु बोरे पुन्नोरा। चीन लोप्पा उंदी संविधान मत्ता। छाओ खुन उंदू संविधान जारी कीवोरा?<sup>3</sup> मति जनवाद ओसो आजादी बेगा मत्ता? राष्ट्रपतिरा सवाल हूडतेके ओरु बचोनो बनेमातोर। मुन्नेटा राष्ट्रपति सुन यात-सेन मत्तोर, ओरु बेस्तोरे मत्तोर मति य्वान श-खाए ओनकिन अलग कीसितोर। दूसरा, य्वान श-खाए, तीसर ली य्वान-हुंग,<sup>4</sup> चौथा फंग कवो-चांग<sup>5</sup> ओसो पाँचवाँ श्वी श-छांग<sup>6</sup>; इद्रम ता राष्ट्रपतिर इतेके निज्जमे वेल्लेटोर बनेमातोर, मति ओरा लोप्पाटल बोरे वेने निरंकुश राजानगडल अलग हिल्वा मत्तोर? इद्रम ता संविधान ओसो राष्ट्रपतिर इखुरासी नकली मत्तोरा ब्रिटिश, फ्रांस ओसो संयुक्त राज्य अमेरिका ता इंजेटा कानूनी ओसो जनवादी सरकार असल इतेके माने तिदिना सरकारकु आंदुंग। इदे पोल्लो मध्य ओसो दक्षिण अमेरिका लोप्पा वेने दिसिंतांग, बचोनो देशकु गणराज्य ता साइनबोर्ड वेडिहची तासतांग, मति इद्रम ता देशकुना लोप्पा असल इतेके जनवाद ता हीर न मूळ वेने हिल्लो। चीन ता वर्तमान कट्टुरपंथीर वेने इद्रमे मंतोरा। कानूनी सरकार ता पोल्लोंग केवल “हेर्रे ता तल्ला वेहिची नैदा हव्विंग वम्मना” लेकका मंता। ओरु कानूनी सरकार ता पोर्रेल ते हेर्रे ता तल्ला तोहिंतोर ओसो उंदे पार्टी ता तानाशाही ता पोर्रेल ते नैदा हव्विंग वम्मिंतोरा। नन्ना ओरा पोर्रे बदे सबूत हिल्वा हमला कीवोन, नावा पोल्लो ता पक्का सबूत मंता, बागांकु इतेके ओरु कानूनी सरकार ता पोल्लोंग कींतोर, जनता किन उचुन आजादी हीवोरा।

कामेरेड्स! असली कानूनी सरकार हल्कोए दोरका परवो, अदु कठीन संघर्ष कितेकेने दोरका परिता। अदिन काजे मीटू मना सभांग ओसो चिंडिंग, लेखकु रास्तेके तुरंत कानूनी सरकार बनेमायार इंजी आशा कियमाटू। ओसो मीटू जन राजनीतिक परिषद<sup>7</sup> लोप्पा प्रस्ताव पास कितेके, राष्ट्रीय असेम्बली<sup>8</sup> केयतेके, संविधान जारी कितेके ओसो वरोर राष्ट्रपति चुने कितेके सब्बे समस्यांग हल आयनूंग ओसो दुनिया

लोप्पा बेसता परिस्थिति वायार इंजी वेने आशा कियमाटू इदु असंभव मंता, अदिन काजे मीटू इद्रम आयर इंदाना भ्रम ते मनमाटू ओसो आम जनता किन वेने भ्रम ते मंदानायो इंदाना पोल्लो किन समझे कियाना जरूरत मंता। समस्या बस्के वेने हल्को मन्नो आयार।

अद्रम इतेके माटु इदु काम लोप्पा विफल आतोमा? विफल आतोम इंजी तल्ला पोर्गे कै वाटसी आल्साङ्ग ते उदना या? इदु वेल्ले कठीन दिसिंता। मति उचुन वेने आशा हिल्वा लेकका बाताले हिल्ले, कानूनी सरकार काजे इंजे वेने आशा मंता, ओसो चीन जरूर उंदी नवजनवादी राज्य बनेमायार इंदानादु सबसे ज्यादा आशा मंता। बारांकु? मुश्किलकु कट्टरपंथिरा गडबडकुना कारण ते वांतांग मति ओरू हमेशाए कट्टरपंथीर मन्नोर आंतोर अदिना काज माटु इंजे वेने वेल्ले आशा किया मंतोमा दुनिया ता कट्टरपंथीर नेंदु कट्टरपंथिर मंदा परिंतोर, नाडी ओसो मन्ने वेने कट्टरपंथिर मंदा परिंतोर, मति हमेशा काजे आयो, अस्केनाई ओरकिन बदलेमायलाए लागियर। उदाहरण तुकू, वांग चिंग-वेइ वेल्ले समय एवनल कट्टरपंथी मत्तोर, मति जापान-विरोधी लाईन ते ओरू कट्टरपंथी ता नाटक जारी तासा परवोर आत्तोर ओसो जापानीरा समर्थन कित्तोर। दूसरा उदाहरण चांग क्वो-थाओ ना मंता, ओर वेने वेल्ले समय एवनल कट्टरपंथी मत्तोर, मति माटु ओना विरुद्ध बचोनो सभांग कित्तोम ओसो बार-बार संघर्ष कीतांकु ओर वेने वित्तोरा। असल इतेके कट्टरपंथी कट्टर मत्तोकाई ओरू डोल्लनाजोम कट्टरपंथी बनेमासी मंदा परवोर ओसो आखरी ते बदले जरूर मांतोर - इतेके नैर्पींग लेकका गंदा चीज लेकका बदलेमांतोर। उचुन मुल बदलेमासी सुधेरेमांतोर ओसो मावा संघर्ष संगे लगातार ओरा विरोध वेने आंता - ओरू तम्मा गलतिंग किन मानेमांतोर वेने ओसो सुधेर वेने मांतोर। ओरेगा हमेशा बचोनो योजनांग मंदिता, दूसरों पोर्टल ते फायदा एतना ओसो रेंदु चेहरांग तोहना लेककाट्वु। मति अविना रिजल्ट हमेशा उल्टाए मंदिता। ओरू जरूर शुरूआत दूसरोर किन नुकसान कीसि किंतोर, मति आखरी ते ओरू खुद नुकसान आंतोर। उंदी बेरा माटु चेम्बरलेन “बदे बेहरा बंडा तेहची खुद ता काल उरहानूर” इंजी मत्तोम, इदु पोल्लो इंजे निज्जम आता। चेम्बरलेन सोवियत जनता ना काल उरहला काजे हिटलर ना रूप ते बेहरा बंडा इस्तेमाल कियाला आल्सतोर, मति हत्ता सितम्बर महीना ते उंदी पक्ष ते जर्मनी ओसो दूसरा पक्ष ते ब्रिटिश ओसो फ्रांस नडमा युद्ध शुरू आतास्के ओना कैदा बंडा ओनाए काल पोर्गे अरता। अस्केडल नेंदु एवनल ओरू अदिन दुख भोगेमाया मंतोर चीन लोप्पा इद्रम ता बचोनो उदाहरणकु मंतांग। य्वान श-खाए आम जनता ना काल

उरहला आलिससी मत्तोर, मति ओरु खुद किने घायल कीसि सम्राट बनेमायना तुकू उचुने महिनांग पेरके डोलतोरा<sup>9</sup> त्वान छी-रुइ, श्वी श-छांग, छाओ खुन, ऊ फेइ-फू लेक्काटोर जनता ना पोर्च दमन कियाला आलिसंतोर, मति जनता ओरकिने तेहकीसि वाटिंता। बोराई दूसरोरा फायदा एतला कोशिश कींतोर ओरु वेल्ले दुक्कम ते खत्म आंतोर।

नावा विचार नेटा कम्युनिस्ट-विरोधी कट्टरपंथीर मुन्ने वायवेके ओरा पोर्च वेने इदे नियम लागू आयरा एकीकरण ता खूबसूरत बहाना संगे ओरु प्रगतिशील शेमशी-कानसू-निंगश्या सीमा इलाका, प्रगतिशील आठवी राह सेना ओसो पूना चौथी सेना, प्रगतिशील कम्युनिस्ट पार्टी ओसो जन संगठकुन खत्म कियाना योजना बने किया मंतोर। ओरगा इद्रम ता बचोनो योजनांग मंतांग। मति नावा हिसाब ते कट्टरपंथीर इद्रम ता योजनांग संगे प्रगतिवाद किन खत्म कियाला आलिसंतोर मति ओरु प्रगतिवाद ता आयवा तम्मा कट्टरपंथीपन किने खत्म किसिंतोरा खुद बचेमायला काजे ओरकिन मुन्ने दायलाए लागियर, इदिन विडचसी दूसरा बदे हर्ही हिल्ले आयारा अदिन काजे माटू हमेशा ओरकिन आठवी राह सेना, कम्युनिस्ट पार्टी ओसो सीमा इलाक पोर्च आक्रमण कियानायो इंजी सुझाव होतोमा ओरु आक्रमण कियाला आल्सतेके ओर उंदी प्रस्ताव पास कियाना ओसो अदिना शुरुआत इगा रास्ता लेक्का आयना, “माटू कट्टरपंथीर खुद खत्म आयला काजे ओसो कम्युनिस्ट लोर किन विकास ता मौका हियाला काजे दृढ़तापूर्वक क्रिया कीसि, कम्युनिस्ट पार्टी ओसो सीमा इलाका पोरे आक्रमण कियाना ता जिम्मेदारी एता मंतोमा!” कट्टरपंथिरा लोण्ठा “कम्युनिस्ट लोरा पोर्च दमन” कियाना अनुभव वेल्ले मंता, ओरु ओसो उंदी बेरा इद अनुभव किन इस्तेमाल कियाला आलिसंतोर इतेके ओरु इस्तेमाल किया परिंतोर। पोट्टमेंड तिंदना ओसो बेसता हुस्कड हुंजता पेरके, ओरु उचुन “दमन” कियाला आल्सतिंतोर, इतेके ओरा मर्जी लेवेके ओरकिन पोर्च हीता प्रस्ताव किन अमल कियाला काजे तैयार मंदालागियर, बारांकु इतेके इद प्रस्ताव बद्रम मंतायो अद्रमे मंदियर इदिना लोण्ठा बदे बदलाव आयो। हत्ता दस साल लोण्ठा “कम्युनिस्ट लोरा दमन” अनिवार्य रूप ते इदे प्रस्ताव पोर्च आधार आसी मंता। मुन्ने वेने बदे “दमन” इदिना अनुसारे मंदियारा। अदिन काजे नन्ना ओरु “दमन” हर्दे ताकनायो इंजी सलाह हियाकान, बारांकु इतेके पूरा राष्ट्र प्रतिरोध, एकता ओसो प्रगति ता जरूरत मंता इंता, “कम्युनिस्ट लोरा दमन” आयो। अदिन काजे बोरे वेने “कम्युनिस्ट लोरा पोर्च दमन” कियाला कोशिश कियानोर ओरु गुमिया तेने अर्णनूरा।

संक्षेप ते, प्रतिगमन पोरों अमल कियाला आल्सनोरा पोरों इदिना उल्टा असर आंता। इद नियम कुना अपवाद आधुनिक काल या प्रचीन काल ते हिल्ले, चीन ओसो दूसरा बेगाने वेने हिल्लो।

नेंदु कानूनी सरकार ता बारे ते वेने इदे पोल्लो निज्जम मत्ता। कट्टरपंथीर इदिना विरोध कीसोर मंतोर, इत्तेके जरूर इदिना उल्टा असर आयार। कानूनी सरकार काजे आंदोलन कट्टरपथिरा हिसाब ते बस्केने ताको, उल्टा ओरा लक्ष्य कुना खिलाफ ताकियार, अदिन काजे इदु अनिवार्य रूप ते लोकुरा तय कित्ता हर्देने ताकियरा जरूर इद्रमे आयार, बारांकु इत्तेके पूरा देश ता जनता ना मांग इदे मंता ओसो चीन ता ऐतिहासिक विकास ता धारा पूरा दुनिया ता रुझान वेने इदिना बगिले मंता। इदिना प्रतिरोध बोर किया परितोर? इतिहास ता चक्का किन उल्टा तिरहा परमङ्गलयो। मति, बद काम ता जिम्मेदारी माटू एतसी मंतोम, अदिन लापरवाही ते कियानायो, ताना काजे वेल्ले बेहरा जन-समुदाय किन गोलबंद कियाना जरूरत मंता, अदिन केवल मुड्डामेंड लोकुरे प्रभावी तरीका ते पूरा किया परवोर आंतोरा माटू नेंदु इगा इदु सभा किया मंतोम इदु वेल्ले बेसता पोल्लो आंदूः मना सभा पेरके माटु लेख रासकोम ओसो चट्ठी लोहकोम ओसो माटू इद्रमताए सभांग ऊथाए मेड्हांग, थाएहांग मेड्हांग, उत्तरी चीन, मध्य चीन ओसो देश ता दूसरा हिस्सांग लोप्पा कियाकोम। माटु इद काम उचुन साल एवनल किसोरे मत्तोम, अद्रमासी सब्बे बेसे आयारा। माटु इदिन वेल्ले बेस कियाना, माटु जनवाद ओसो आजादी किन जरूर हासिल कियाना, माटु नवजनवादी कानूनी सरकार ता स्थापना जरूर कियाना। इद्रम कीविके ओसो कट्टरपथिरा राज ताकला हीतेके, राष्ट्र गुलाम बनेमायारा। राष्ट्रीय गुलामी तिंची बचेमायना तरीका इदे मंता। इद उद्देश्य किन हासिल कियाला काजे सब्बेतोर किन कोशिश कियाना। माटु इद्रम कित्तेके मावा काम सफल आयना संभावना मंता। माटु कट्टरपथिर अल्पसंख्या तेने मंतोर इंजी वेने समझेमायना, वेल्ले संख्या कट्टरपथिरा आयवा मुन्ने दाया परना लेक्काटोरा मंता। अल्पसंख्या ता खिलाफ बहुसंख्या ओसो अदिना संगे जुडेमासी मत्ता मना कोशिश कुनगडल आशा कियानदु बेरसिंता। अदिन काजे नन्ना, काम वेल्ले कठीन मंता, इद्रम मत्तेकाई अदिना पूरा आयना वेल्ले ज्यादा आशा मंता इंजी इंतान।

## नोट

1. मुयतोर कामरेड ऊ, कामरेड ऊ य्वी-चांग आंदुर, येनान कानूनी सरकार प्रोत्साहन संघ ता अध्यक्ष मत्तोरा।
2. क्वोमिंगता प्रतिक्रियावादी गुट ता निशाना ते मत्ता “लोकुरा” नेताल च्यांग काई-शेक मत्तोरा।
3. 1923 ते छाओ खुन, वरोर उत्तरी युद्ध-सरदार मत्तोर, संसद लोप्पा पांच हजार चांदी ता मुद्रा ता हिसाब ते 590 सांसद लोरकिन रिश्वत हीसी ओसो खुद किन गणतंत्र ता राष्ट्रपति बने किसितोरा। मति ओरु उंदी संविधान ता घोषणा कित्तोर, अदिन “त्साओ कुन संविधान” या “रिश्वतखोरी संविधान” ता रूप ते मानेमायमूळाता।
4. ली य्वान-हुंग मुने राजवंश ता सशस्त्र सेना ता ब्रिगेड कमांडर मत्तोरा। 1911 ता ऊचांग विद्रोह ताकनास्के अदिना अनुसरा अफसर ओसो सैनिक लोर ओनकिन क्रांति ता पक्ष एतला काजे जबरदस्ती कित्तोर, ओनकिन हुपे इलाका ता फौजी गवर्नर बने किसितोरा। उत्तरी युद्ध-सरदार लोरा गुट ता शासन-काल लोप्पा ओरु मुने वाइस-प्रेसिडेन्ट ओसो पेरके प्रेसिडेन्ट बनेमातोरा।
5. फंग क्वो-चांग, य्वा शा-खाए ता अफसर मत्तोरा। य्वान श-खाए डोलता पेरके ओरु उत्तरी युद्ध-सरदार लोरा गुट ता चली (हुपे इलाका) ग्रुप ता नेताल मत्तोरा। 1917 लोप्पा ओरु ली य्वान-हुंग किन पूँडतोर ओसो खुद पेरिंग सरकार ता राष्ट्रपति बनेमातोरा।
6. श्वी श-चांग उत्तरी युद्ध-सरदार लोरा गुट ता सेवा कियाना राजनीतिकार मत्तोरा। 1918 लोप्पा ओरु त्वान छी-रुइ नियंत्रिच कीती संसद राष्ट्रपति चुने कित्ता।
7. जापानी-आक्रमण-विरोधी युद्ध शुरू आता पेरके क्वोमिंगतांग सरकार विचार हिल्वा “जन राजनीतिक परिषद” बने कित्ता, इदु केवल उंदी सलाहकारी संस्था मत्ता। इदिना सब्बे सदस्य लोरकिन क्वोमिंगतांग सरकार “केयसी” मत्ता। पोर्टल तुकू ताना लोप्पा सब्बे जापान-विरोधी राजनीतिक पार्टिंग ओसो ग्रुप कुना प्रतिनिधिर शामिल मत्तोर, मति अदिना पोर्टो कब्जा सिर्फ क्वोमिंगतांग ता बहुमत ताए मत्ता। अगा क्वोमिंगतांग सरकार लागू कियाना नीतिंग या तरीकांग किन प्रभावित कियाना बदे ताकत हिल्वा मत्ता। च्यांग काई-शेक ओसो क्वोमिंगतांग

बद्रम-बद्रम प्रतिक्रियावादिर बनेमासोर हत्तोर, अद्रम-अद्रम परिषद लोप्पा क्वोमिंगतांग ओसो दूसरा प्रतिक्रियावादिरा संख्या बेरसोर हत्ता, ओसो जनवादी लोकुरा संख्या कम आसोर हत्ता, ओसो ओरा भाषण-स्वतंत्रता ओसो वेने कम आता। इद्रम इदु परिषद दिया दिया ते केवल क्वोमिंगतांग प्रतिक्रियावादिरा कैदा कठपुतली बनेमासोर हत्ता। 1941 ता दक्षिणी आनहेड घटना पेरके परिषद ता कम्युनिस्ट सदस्य लोर क्वोमिंगतांग लागू कित्ता प्रतिक्रियावादी तरीकांग ना विरोध कियाला काजे बचोनो बेरा इदिना मीटिंग कुना बहिष्कार कित्ता।

8. कम्युनिस्ट लोर ओसो दूसरा पार्टिंग, ग्रुपकु ना जनवादी लोकुरा सुझाव ते सितम्बर 1939 लोप्पा जन राजनीतिक परिषद ता चौथी मीटिंग लोप्पा उंदी प्रस्ताव पास कीसि मत्तोर ताना लोप्पा क्वोमिंगतांग सरकार तिंची सही समय ते राष्ट्रीय असेम्बली केयना ओसो कानूनी सरकार ता स्थापना कियाना इंजी मांग कित्ताद मत्ता। नवम्बर 1939 ते क्वोमिंगतांग ता केंद्रीय कार्यकारिणी कमेटी त छठवी पूर्ण अधिवेशन लोप्पा घोषणा कित्ताद मत्ता। 12 नवम्बर 1940 ते राष्ट्रीय असेम्बली ता अधिवेशन केयना इंजी। मति जनता किन धोखा हियाला काजे इदिन वेल्ले प्रचार कित्ता मत्ता, मति पेरके इदिन अमल कित्ताद हिल्लो।
9. य्वान श-खाए 12 दिसम्बर 1915 ते खुद किन सप्राट घोषित कित्तोर, मति 22 मार्च 1916 ते मजबूर आसी इद पद किन विड्सा लागता।

## जापान-विरोधी आधार इलाकांग ता राजनीति सत्ता ना सवाल बारे ते<sup>20</sup>

6 मार्च 1940

इदु कालम लोप्पा क्वोमिंगतांग लोप्पा मंदना कम्युनिस्ट-विरोधी कट्टरतावादीर, उत्तरी चीन, मध्य चीन लोप्पा ओसो दूसरा जागा ने माटू निल्पी कीसोरे मंतोम जापान-विरोधी जनवादी राजनीति सत्ता ता कडा विरोध कीसोरे मंतोरा। मति माटु अदिन जरूर निल्पी कियाना ओसो मुख्य जापान-विरोधी आधार-इलाकांग लोप्पा इद्रम कियानादु मना काजे संभव मंता। राजनीतिक सत्ता ता सवाल बारे ते माटु कम्युनिस्ट-विरोधी कट्टरतावादिरा खिलाफ उत्तरी, मध्य ओसो उत्तर-पश्चिमी चीन लोप्पा संघर्ष ताकी किया मंतोम, अद्रमासी पूरा देश लोप्पा संयुक्त मोर्चा ता राजनीतिक सत्ता ता संगटन कुना स्थापना कियाना काम किन मुने ओयला मदद दोरकिंता, ओसो पूरा राष्ट्र ता नजर इदिना पोर्रोने मंता। इद सवाल किन सावधानी ते हल कियाना।

प्रतिरोध-युद्ध ताकनास्के बद राजनीतिक सत्ता ता स्थापना माटु किया मंतोम अदिना स्वरूप राष्ट्रीय संयुक्त मोर्चा ता स्वरूप आंदू इदु प्रतिरोध ओसो जनवाद रेंडासी ना समर्थन कियाना लोकुरा राजनीतिक सत्ता आंदू इदु गदार ओसो प्रतिक्रियावादिरा पोर्रो बचोनो क्रांतिकारी वर्ग कुना संयुक्त जनवादी कब्जा मंता। इदु जर्मीदार वर्ग ओसो पूंजीपति वर्ग ता प्रतिक्रांतिकारी तानाशाह तुकू अलग मंदियार ओसो भूमि-क्रांति काल ता मजदूर-किसान लोरा जनवादी तानाशाह तुकू वेने अलग मंता। इद राजनीतिक सत्ता ता स्वरूप किन स्पष्ट रूप ते समझेमायना ओसो इदिन गंभीरतापूर्वक लागू कितेके पूरा देश लोप्पा जनवादीकरण ता काम किन मुने ओयला वेल्ले मदद दोरकियरा बदे वेने रकम ता भटकाव वात्तेके, “वामपंथी” आई दक्षिणपंथी, पूरा देशता जनता पोर्रो वेल्ले गलत प्रभाव अरियरा।

हेपे प्रांतीय असेम्बली ता अधिवेशन केयना ओसो हेपे प्रशासनिक परिषद ता चुनाव कियाना तैयारिंग इंजे शुरूए आतांगा इविना वेल्ले महत्व मंता। अद्रमे उत्तर-पश्चिमी शानशी, शानतुंग, छाए डोड्डा ता उत्तर बगिल मत्ता इलाकांग, स्वेइते, फूश्येन<sup>21</sup> काउन्टिंग ओसो पूर्वी कानसू लोप्पा राजनीतिक सत्ता काजे पूना संगटन ता स्थापना ता महत्व वेल्ले मंता। माटु संयुक्त मोर्चा ता राजनीतिक सत्ता ता उसूल ता अनुसार ताकना ओसो हर रकम ता “वामपंथी” ओसो दक्षिणपंथी भटकावकुनगडल बचेमायना कोशिश पूरा कियाना। इंजे मध्यम पूंजीपति वर्ग ओसो जागृत शरीफजादा लोरा पक्ष ते कियाना काम किन नजरअंदाज कियाना “वामपंथी” भटकाव ज्यादा खतरा बनेमात्ता।

जापान-विरोधी राष्ट्रीय संयुक्त मोर्चा ता राजनीतिक सत्ता ता उसूल कुना अनुसार, एक-तिहाई जागा कम्युनिस्ट लोर किन, एक-तिहाई जागा मना पार्टी तुकू बाहर ता वामपंथी प्रगतिशील लोकुर किन ओसो एक-तिहाई जागा वामपंथी ओसो दक्षिणपंथी हिल्वा मध्यवर्ती लोकुरा काजे तासना।

राजनीतिक सत्ता ता संगटन लोप्पा कम्युनिस्ट नेतृत्वकारी भूमिका निभे कियाना पोल्लो ता गारंटी एतना। अदिन काजे एक-तिहाई जागा किन ग्रहण कियाना पार्टी-सदस्यलोर राजनीतिक रूप ते वेल्ले योग्य मानेय मंदाना। इदु शर्त पूरा आतेके वेल्ला प्रतिनिधित्व लेवाए पार्टी ता नेतृत्व ता गारंटी एता परमङ्गांता। नेतृत्व इतेके इदिन नारा समझेमासी नरकुम तिंची नुल्पे, नरका एवनल जोर-जोर ते केयना या दूसरोर किन मना आदेशकुना पालन कियाला काजे रोब वाटना आयवा पार्टी ता सही नीतिंग ओसो मना खुद ता आदर्श कार्य कुना संगे पार्टी तुकू बाहर ता लोकुर मना प्रस्ताव कुन तम्मा मर्जी ते मानेमायना लेकका लोकुर किन समझे कियाना ओसो ओरकिन शिक्षित कियाना आंता।

मना पार्टी तुकू बाहर ता प्रगतिशील लोकुर किन एक-तिहाई जागा हियाना बागांकु इतेके ओरा संबंध निम्न-पूंजीपति वर्ग ता व्यापक जन-समुदाय संगे मंता। निम्न-पूंजीपति वर्ग ता व्यापक जन-समुदाय किन मना पक्ष ते कियाला काजे इद्रम कियाना ता महत्व वेल्ले मंता।

एक-तिहाई जागा मध्यवर्ती लोरकिन हियाना पेरकेटा मना लक्ष्य मध्यम पूंजीपति वर्ग ओसो जागृत शरीफजादा लोर किन मना पक्ष ते कियाना मंता।

<sup>21</sup> इदु आंतरिक पार्टी ता निर्देश कामरेड माओ त्सेतुंग चीनी कम्युनिस्ट पार्टी ता केंद्रीय कमेटी बगिल तिंची रास्ताद मत्ता।

कट्टरतावादिर किन अलगाव ते वाटला काजे इव समूह किन मना पक्ष ते कियाना उंदी महत्वपूर्ण कदम आंदू इंजे माटु इव हिस्सांग कुना ताकत किन नजरअंदाज कियानायो ओसो ओरा संगे व्यवहार कियाना लोप्पा सतर्क मंदाना।

कम्युनिस्ट पार्टी तुकू बाहर ता लोकुरा बारे ते इत्तेके ओरा संबंध बदे वेने पार्टी संगे मत्तेकाई ओसो हिल्वेकाई ओसो बदे वेने पार्टी ता सदस्य मत्तेकाई मना व्यवहार सहयोगपूर्ण मंदाना। मति ओरू जापान ता प्रतिरोध ओसो कम्युनिस्ट पार्टी संगे सहयोग कियाला तैयार मंदाना लेकका मानेय मंदाना।

जागा ता वितरण ता बारे ते पोर्चे वेहता पोल्लो पार्टी ता असली नीति आंदू ओसो इद समस्या लोप्पा बदे वेने परिस्थिति ते विचार हिल्वा लेकका काम कियानायो। इस नीति किन लागू कियाला काजे माटु राजनीतिक सत्ता ता संगटन कुना लोप्पा काम कियाना पार्टी-सदस्य लोर किन शिक्षित कियाना, पार्टी तुकू बाहर ता लोकुरा संगे सहयोग कियाना लोप्पा ओरू तोहना संकीर्णता किन (विचार हिल्वा लेकका, पेरकेमुने आयाना रूप ते दिसिंता) दूर कियाना ओसो जनवादी कार्यशैली लागू कियाना किन प्रोत्साहन कियाना, इत्तेके बदे वेने कार्रवाई कियाना तुकू मुन्ने पार्टी तुकू बाहर ता लोकुरा संगे सलाह-सुझाव कियाना ओसो बहुमत ता मंजूरी एतना। संगेने माटु पार्टी ता बाहर ते लोकुरा किन विभिन्न समस्यांग पोर्चे तम्मा राय हियाला काजे प्रोत्साहित कियाना ओसो ओरा राय किन ध्यान ते केंजना। माटु मनगा सेना ओसो राजनीतिक सत्ता मत्ता कारण ते बिना शर्त मना फैसलांग कुना अनुसारे ताकियर इंजी बिल्कुले आल्सनायो, ओसो अदिन काजे ने माटू गैर-पार्टी लोकुर किन मना पक्ष ते कियाला काजे ओरकिन समझे कियाना कोशिश कियाना पोल्लो ता अवहेलना कीवके लोकुर मना विचार किन खुशी-खुशी ओसो जीवा कीसि लागू कियानोरा।

जागा ता वितरण कियाला काजे पोर्चे हीता आंकडांग ठोस रूप ते निर्धारित कोटा आंदू इविन यांत्रिक रूप ते निहचियाना आयो। इदु उंदी अनुपात आंदू इदिन हर इलाका किन तन्ना ठोस परिस्थिति ता अनुसार लागू कियाना। राजनीतिक सत्ता ता सबसे दोड ता स्तर ता संगटन कुना लोप्पा इद अनुपात लोप्पा उचुन बदलाव किया परतेके जर्मांदार ओसो बुरे शारीफजादा लोर किन मौका हूडसी राजनीतिक सत्ता ता संगटन कुना लोप्पा नेंगला हियानायो। इद्रम ता संगटन वेल्ले कालम एवनल ताकतांग, शानशी-छाहाड-हपे सीमा इलाका, मध्य हपे इलाका, थाए-हांग मेड्वा इलाका ओसो दक्षिण हपे इलाका लेककाटा इलाकांग इद उसूल ता रोशनी ते मना

नीति ता ओसो उंदी बेरा जांच-पड़ताल कियाना। ओसो बस्केनाई राजनीतिक सत्ता ता बदे पूना संगटन बने कितेके इदे उसूल किन अमल कियाना।

मताधिकार ता बारे ते जापान-विरोधी संयुक्त मोर्चा ता नीति जापान ता प्रतिरोध ओसो जनवाद ता पक्ष एतना, 18 साल उप्र एवनल हर चीनी किन वर्ग, राष्ट्रीयता, लिंग, पंथ, पार्टी संबंध या शिक्षण हिल्वेकाई चुनाव ओसो चुनेमायना अधिकार मंदाना। जापान-विरोधी संयुक्त मोर्चा ता राजनीतिक सत्ता ता संगटन कुना चुनाव जनता कियाना। ओरा संगठनात्मक रूप ते जनवादी केंद्रीयता पोर्णे आधार आसी मंदाना।

जापान-विरोधी संयुक्त मोर्चा ता राजनीतिक सत्ता ता संगटनकुना लोप्पा नीति संबंधित सब्बे प्रमुख तरीकांग ना बुनियादी प्रस्थान-बिंदू मंदाना, जापानी साम्राज्यवाद ता विरोध, जापान ता प्रतिरोध, जनता ना रक्षा, सब्बे जापान-विरोधी सामाजिक तबकांग कुना हित ते सही आयोजन, मजदूर-किसान लोरा पिस्वाल सुधरेमायना ओसो गद्दार, प्रतिक्रियावादिरा पोर्ण दमन कियाना।

मना राजनीतिक सत्ता ता संगटन लोप्पा काम कियानोरा अगडल इतेके पार्टी तुकू बाहर ता लोकुरगडल कम्युनिस्ट लोरा लेककाने मंदाना, वडकना ओसो काम कियाना इंजी मांग कियानायो, हिल्वेके ओरा लोप्पा असंतोष लेवेके मंदा परवा लेकका भावना पुढिंता।

केंद्रीय कमेटी ता सब्बे प्रदेशिक ओसो उप-प्रादेशिक ब्यूरोंग, सब्बे क्षेत्रीय पार्टी-कमेटिंग ओसो फौजी यूनिटकुना सब्बे प्रधान लोरकिन पार्टी-सदस्य लोरा मुन्ने इद निर्देश किन स्पष्ट रूप ते वेहाना ओसो मना राजनीतिक सत्ता ता संगटन कुना कार्य लोप्पा पूरा अमल आयार इंजी गारंटी एतला आदेश हियमूँडांता।

# जापान-विरोधी संयुक्त मोर्चा लोप्पा कार्यनीति संबंधित वर्तमान समस्यांग<sup>21</sup>

11 मार्च 1940

१. वर्तमान राजनीतिक परिस्थिति दोड़ वेहता लेकका मंता।

क) चीन ता प्रतिरोध-युद्ध जापानी साप्राज्यवाद पोर्टे बेहरा देब्बा वाटता, इंजे जापानी साप्राज्यवाद बदे वेने बेहरा स्तर ता फौजी हमला शुरू कियाला परवा लेकका आता। अद्रमासी दुश्मन ता ओसो मना तुलनात्मक ताकत इंजे रणनीतिक ठहराव ता मंजिल लोप्पा एवता। मति दुश्मन इंजे वेने चीन किन तन्ना कब्जा ते कियाना बुनियादी नीति पोर्टे डटे मासी मंता। इद नीति किन दुश्मन तोर मना जापान-विरोधी संयुक्त मोर्चा किन कमजोर कियाला, पृथभागीय इलाकांग लोप्पा तम्मा “सफाया” अभियान किन बेरसी किसोर दायना ओसो तम्मा आर्थिक हमला किन तेज कियाना लेककाटा तरीकांग संगे अमल किया मंतोरा।

ख) ब्रिटिश ओसो फ्रांस योरोप लोप्पाटा युद्ध तुकू पूर्व बगिल मना परिस्थिति कमजोर मंता, ओसो संयुक्त राज्य अमेरिका “मेट्रा पोर्टे उदसी डुब्बल कुना वहचाड़ हूडना” नीति पोर्टे आधार आसी मंता अदिन काजे पूर्व ता म्यूनिख सम्मेलन केयना संभावना हिल्ले।

ग) सोवियत संघ तन्ना विदेशी नीति लोप्पा पूना सफलतांग दोरकी कित्ता। चीन ता प्रतिरोध-युद्ध ता सक्रियता ते समर्थन कियाना नीति पोर्टे डटेमासी मंतोरा।

घ) बेहरा पूंजीपति रा वर्ग ता जापान-परस्त भाग जापान मुन्ने पूरा आत्मसमर्पण कित्तोर ओसो इंजे अदु कठपुतली ता भूमिका निभे कियाला वेने तैयार मंतोरा। बेहरा पूंजीपति वर्ग ता योरोप-परस्त ओसो अमेरिका-परस्त हिस्सा जापान ता प्रतिरोध कियाना जारी तासा पर्तितोर, मति ओना ध्यान सुलह-समझौता बगिल इंजे वेने गंभीर रूप ते मंता। ओरु रेंडु मोक्कम ता नीति लागू कीतोर, उंदी बगिल जापान संगे

लड़ेमायना लोप्पा अलग-अलग गैर-क्वोमिंगतांग ताकत कुना संगे एकता आयना कोशिश किंतोर ओसो दूसरा बगिल इव ताकतकुनू खासकर कम्युनिस्ट पार्टी ओसो<sup>22</sup> दूसरा प्रगतिशील ताकत किन खत्म कियाला काजे हर संभव कोशिश कींतोर इद्रम तोर जापान-विरोधी संयुक्त मोर्चा ता कटृतावादी हिस्सा आंदू।

ड) मध्यवर्ती ताकत कुना लोप्पा मध्यम पूंजीपति वर्ग, जागृत शरीफजादा ओसो क्षेत्रीय प्रभुत्वशाली गुट आंदुंग, इव प्रगतिशील ताकतकु ओसो कटृतावादी ताकत कुना नड़मा ता मध्यवर्ती रुझान लागू कींतोर, बारांकु इत्तेके ओरा अन्तरविरोध उंदी बगिल बड़े जमिंदार वर्ग ओसो बेहरा पूंजीपति वर्ग ता मुख्य शासक ताकत संगे मंता ओसो दूसरा बगिल मजदूर वर्ग, किसान वर्ग संगे वेने मंता। वीरु जापान-विरोधी संयुक्त मोर्चा ता मध्यवर्ती हिस्सा आंदू।

च) इगा इंजेने कम्युनिस्ट पार्टी ता नेतृत्व ते सर्वहारा वर्ग, किसान समुदाय ओसो शहरी निम्न-पूंजीपति वर्ग ता प्रगतिशील ताकतकु मुनेटुकू वेल्ले बेरसता ओसो बुनियादी रूप ते जापान-विरोधी जनवादी राजनीतिक सत्ता मंदाना आधार-इलाकांग ना स्थापना कियाना लोप्पा सफलता दोरकी कित्ताद मंता। देशमेंड हर जागा ता मजदूर, किसान ओसो शहरी निम्न-पूंजीपति वर्ग पोर्झे ओरा प्रभाव वेल्ले अरता ओसो मध्यवर्ती ताकतकुना पोर्झे वेने वेल्ले प्रभावित मंता। जापान-प्रतिरोध ता रणभूमि लोप्पा कम्युनिस्ट लगभग क्वोमिंगतांग इचोने बेहरा जापानी सेना संगे लड़ेमाया मंतोरा ओरु जापान-विरोधी संयुक्त मोर्चा ता प्रगतिशील हिस्सा आंदू।

चीन ता वर्तमान राजनीतिक परिस्थिति इद्रमे मंता। इद परिस्थिति लोप्पा परिस्थिति बिंगड़ेमायला हियवा लेवा अदिन सुधेरे कियाना संभावना इंजे वेने मंता। केंद्रीय कमेटी बगिल तल। फरवरी ते कित्ता प्रस्ताव बिलकुले सही मंता।

२. प्रतिरोध-युद्ध लोप्पा जीत ता बुनियादी शर्त जापान-विरोधी संयुक्त मोर्चा ता विस्तार कियाना ओसो अदिन सुदृढ़ बने कियानादु मंता। इद उद्देश्य किन पूरा कियाला काजे जरूरत मत्ता कार्यनीति - प्रगतिशील ताकत कुना विकास कियाना, मध्यवर्ती ताकत कुन अपना पक्ष ते कियाना ओसो कटृतावादी ताकत किना विरोध कियाना कार्यनीति आंदू। इव मूँडासी उंदी दूसरा संगे जुड़ेमासी मत्ता अलग आया परवा लेक्काटा साकरिंग आंदुंग, सब्बे जापान-विरोधी ताकत कुना संगे एकता आयला काजे इस्तेमाल कियाना साधन संघर्ष आंदु। जापान-विरोधी संयुक्त मोर्चा

<sup>22</sup> काम्पेड माओ त्सेतुंग इदिन येनान लोप्पा कित्ता पार्टी ता वरिष्ठ कार्यकर्ता लोरा मीटिंग लोप्पा पेश कित्ता रिपोर्ट काजे तैयार कीसि मनोरा

कालम ते संघर्ष एकता ता साधन मंता ओसो एकता संघर्ष ता लक्ष्य आंदू संघर्ष संगे एकता ता दोरकि कितेके, अदु जिंदा मंदिता ओसो रियायत संगे एकता ता दोरकि कितेके अदु डोलियंता। इद सच्चाई किन पार्टी कामरेड्स तीरम-तीरम समझेमाया मंतोरा। मति इंजे वेने उचुन कामरेड्स इदिन समझेमासोर हिल्लेरा। उचुन मुल संघर्ष संगे संयुक्त मोर्चा लोप्पा फूट अरियर या संघर्ष किन असीमित रूप ते प्रयोग किया परमूङ्गांता इंज आलिसंतोर, ओसो उचुन मुल दूसरोरा मध्यवर्ती ताकत कुना बारे ते गलत कार्यनीति लागू कींतोर लेवेके कटूरतावादी ताकत कुना बारे ते ओरा विचारा गलत मंता। सब्बे पूना गलतिंग किन सुधेरे कियाना।

३. प्रगतिशील ताकत कुना विकास इतेके सर्वहारा वर्ग, किसान वर्ग ओसो शहरी निम्न-पूँजीपति वर्ग ता ताकत कुना विकास कियाना, आठवी राह सेना ओसो पूना चौथी सेना ता साहस संगे विस्तार कियाना, व्यापक स्तर ते बचोनो जापान-विरोधी जनवादी आधार-इलाकांग ना स्थापना कियाना, देशमेंड हर जागा कम्युनिस्ट पार्टी ता संगटनकुना निर्माण कियाना, मजदूर, किसान, नौजवान, महिला ओसो पिल्ला-पेकोरा राष्ट्रीय जन-आंदोलन कुना विकास कियाना, देश ता सब्बे हिस्सा ना बुद्धिजीविर किन मना पक्ष ते कियाना, ओसो व्यापक जन-समुदाय नडमा कानूनी सरकार ता मांग ता आंदोलन किन जनवाद दोरकी कियाना संघर्ष ता रूप ते विस्तार कियाना आंदू। केवल प्रगतिशील ताकत कुना लगातार विकासे परिस्थिति किन बिंगडेमायना तुकू बचे कियाना, आत्मसमर्पण ओसो फूट किन रोमी किया परना ओसो प्रतिरोध-युद्ध ता जीत काजे उंदी पक्का ओसो फैलादी नींव वाटा परमूङ्गांता। मति प्रगतिशील ताकत कुना विकास कियाना, संघर्ष ता उंदी गंभीर प्रक्रिया आंदू। इदिन केवल जापानी साप्राज्यवादी ओसो गद्दार लोरा खिलाफे आयवा कटूरतावादिरा खिलाफ वेने निर्मता रूप ते शुरू कियाना। कटूरतावादी प्रगतिशील ताकतकुना विकास ता विरोध किंतोर ओसो मध्यवर्ती ताकतकु इदिना विकास पोरों डावुट कींतांग। कटूरतावादिरा खिलाफ गट्टिक मंजी संघर्ष कियवा लेवा ओसो अदिन संघर्ष लोप्पा ठोस सफलता दोरकी कियवा लेवा माटु कटूरतावादिरा दबाव किन बेअसर कियाना ओसो मध्यवर्ती ताकतकुना डावुट किन किलयर कियाना लोप्पा सफलता दोरको आंता। इद्रम ता मतेके प्रगतिशील ताकत कुना विकास बिल्कुले आया परवो आंता।

४. मध्यवर्ती ताकत कुन मना पक्ष ते कियाना इतेके मध्यम पूँजीपति वर्ग, जागृत शरीफजादा लोर ओसो क्षेत्रीय प्रभुत्वशाली गुट कुन अपना बगिल कियाना

आंदू। इव मूँडासी अलग-अलग श्रेणिंगने मंतांग, मति इद परिस्थिति लोप्पा इव मूँडासीए मध्यवर्ती ताकत कुना लोप्पा शामिल मंतांग। मध्यम पूँजीपति वर्ग राष्ट्रीय पूँजीपति वर्ग किन दलाल वर्ग तिंची अलग किसिंता, बेहरा पूँजीपति वर्ग तिंची अलग किसिंता। मति इदिना मजदूर लोरा संगे वर्ग अन्तरविरोध मंता, मजदूर वर्ग ता स्वतंत्रता किन स्वीकार कीवो आंता। इद्रम कीवेकाई इदु जापान ता विरोध कियाला आलिसंता। इदे आयवा खुद काजे राजनीतिक सत्ता पोर्रे कब्जा कियाला आलिसंता बारांकु इत्तेके इदु साप्राज्यवादिरा उत्पीडित वर्ग आंदू क्वोमिंगतांग इलाकांग लोप्पा बडे जर्मीदार ओसो बेहरा पूँजीपति वर्ग इद मजदूर वर्ग किन सीमित कीसि तासिंता। जापान ता प्रतिरोध कियाना लोप्पा इद वर्ग संयुक्त प्रतिरोध ता पक्ष ते मंदिता ओसो राजनीतिक सत्ता दोरकी कियाना लोप्पा कानूनी सरकार आंदोलन ता पक्ष एतिंता। तन्ना स्वार्थ काजे प्रगतिशील लोकुर ओसो कट्टरतावादिरा नडमा त अन्तरविरोध ता फायदा एतना कोशिश कींता। इद वर्ग किन माटू मना पक्ष ते किया लागियरा जागृत शरीफजादा जर्मीदार वर्ग ता वामपक्ष आंदू इत्तेके इद वर्ग पोर्रे पूँजीपति वर्ग ता प्रभाव ज्यादा मंता ओसो ओरा राजनीतिक रुझान ठोसे रूप ते मध्यम पूँजीपति वर्ग संगे कलियंता। किसान समुदाय संगे तन्ना वर्ग अन्तरविरोध संगेने बडे जर्मीदार वर्ग ओसो बेहरा पूँजीपति वर्ग संगे वेने अदिना अंतरविरोध मंता। कट्टरतावादिरा समर्थन किवोर, मना ओसो कट्टरतावादिरा नडमा ता अन्तरविरोध कुना फायदा एतसी ओरु वेने तम्मा राजनीतिक लक्ष्य हासिल कियाला आलिसंतोरा वीरकिन वेने माटू बिल्कुले नजरअंदाज कियानायो ओसो ओर किन मना पक्ष ते कियाना नीति लागू कियाना। क्षेत्रीय प्रभुत्वशाली गुट कुना लोप्पा रेंडु रकम ता ताकतकु शामिल मंतांग - उंदी उचुक इलाकांग किन खुद ता कब्जा ते तासिंता ओसो दूसरा “अलग-अलग रकम ता सेनांग” मंतांग अविना कब्जा ते बदे वेने इलाका हिल्लो। मति प्रगतिशील ताकतकुना संगे इव गुटकुना अन्तरविरोध मंता, मति इदिना अन्तरविरोध क्वोमिंगतांग ता केद्रीय सरकार संगे वेने मंता बारांकु इत्तेके इंजे वीरा हितकुन नुकसान कियाना स्वार्थी नीति ताका मंता। इव गुटकु वेने तम्मा राजनीतिक लक्ष्य दोरकी कियाला काजे मावा ओसो कट्टरतावादिरा नडमा ता अन्तरविरोध कुना फायदा एतला कोशिश कींतोरा क्षेत्रीय प्रभुत्वशाली गुट कुना ज्यादातर नेता लोर बडे जर्मीदार वर्ग ओसो बेहरा पूँजीपति वर्ग तोर मंतोर अदिन काजे प्रतिरोध-युद्ध ताकनास्के बस्के-बस्केने प्रगतिशील दिसिंतोर मति वीरु जल्दिए प्रतिक्रियावादी बनेमांतोरा इद्रम आतेकाई क्वोमिंगतांग ता केंद्रीय अधिकारीरा संगे तम्मा

अंतरविरोध मत्ता कारण ते कटूरतावादिरा खिलाफ ओरु मावा संघर्ष लोप्पा वायना संभावना मंता, अदिन काजे माटु सब्बेतोर नीति अनुसार ताकना। पोर्हो चर्चा कित्ता मध्यवर्ती लोकरा मँडु श्रेणिंग किन मना पक्ष ते कियाना नीति मंता। मति इदु नीति किसान ओसो शहरी निम्न-पूँजीपति वर्ग किन मना पक्ष ते कियाना नीति तुकू अलग मंता। इदे आयवा मध्यवर्ती ताकत कुना हर श्रेणी काजे इद नीति अलग-अलग रकम ता मंता। किसान ओसो शहरी निम्न-पूँजीपति वर्ग किन माटु मना बुनियादी संश्रयकारी (दोस्त वर्ग) ता रूप ते मना पक्ष ते ओसो मध्यवर्ती ताकत किन केवल साप्राज्यवाद-विरोधी दोस्त वर्ग ता रूप ते मना पक्ष ते कियाना। मध्यवर्ती ताकत कुना लोप्पा मध्यम पूँजीपति वर्ग ओसो जागृत शरीफजादा लोरा काजे जापान ता खिलाफ आम लडाई लोप्पा ओसो जापानी विरोधी जनवादी राजनीतिक सत्ता ता स्थापना कियाना लोप्पा वेने शामिल आयना संभावना मंता, मति भूमि-क्रांति तुकू वेरियंतोरा कटूरतापंथिरा खिलाफ संघर्ष लोप्पा सीमित रूप तेने शामिल आया परितोर, ओसो उचुन मुल बेकेने शामिल आयवा मंदिंतोर, बाकी तीसरा रकम ता लोकुर इंजे वेने मंतोर ओरु विचार हिल्वाए बेगाने शामिल आयवा मंदा परितोर। मति युद्ध लोप्पा मना संगे शामिल आयवा लेवा क्षेत्रीय ताकतकु कटूरपंथिरा खिलाफ मावा संघर्ष लोप्पा हमेशा काजे आयवा उचुने कालम काजे शामिल आयवा मंदानोरा ओरु जनवादी राजनीतिक सत्ता ता स्थापना कियाना लोप्पा मना संगे शामिल आयला तैयार हिल्वा मंतोर, बारांकु इत्तेके ओरु खुद बडे जर्मींदार वर्ग ओसो बेहरा पूँजीपति वर्ग तिंची मंदिंतोरा। मध्यवर्ती ताकतकुना रुझान दुलमुलपन ता मंदिंता अद्रमासी एकता आयवा बिखरेमासीए मंदिंतोर, माटु ओरा दुलमुल रुझान किन सुरता तासिसी सही तरीका ते ओरकिन समझे कियाना ओसो ओरा आलोचना कियाना।

जापान-विरोधी संयुक्त मोर्चा कालम ते मध्यवर्ती ताकतकुन मना पक्ष ते कियाना मना काजे वेल्ले महत्वपूर्ण काम आंदू मति इदिन सिर्फ उचुक शर्तकुना संगेने पूरा किया परमूळांता। अवु1) मना ताकत भरपूर मंदाना, 2) माटु ओरा हितकुन सुरता तासना 3) कटूरतावादिरा खिलाफ मना संघर्ष लोप्पा अटल मंदाना ओसो बराबर जीत दोरकी कियाना। इव शर्तकु पूरा आयवेके मध्यवर्ती ताकतकु दुलमुलपन रुझान लागू कियानुंग लेवेके मना पोर्हो हमला कियाना कटूरतावादिरा संगे एकता वेने आया परितोर, बारांकु इत्तेके मना लोप्पा फूट वाटला काजे कटूरतावादीर वेने मध्यवर्ती ताकत किन तम्मा बगिल कियाला काजे परताचोन कोशिश किया मंतोरा।

चीन लोप्पा मध्यवर्ती ताकतकु वेल्ले मजबूत मंतांग ओसो कट्टरतावादिरा विरुद्ध मावा संघर्ष लोप्पा अबु हमेशा वेल्ले महत्वपूर्ण हिस्सा मंदितांग। अदिन काजे इव ताकतकुना संगे व्यवहार कियानास्के माटु वेल्ले होशियारी ते काम कियाना।

५. इंजे कट्टरतावादी ताकतकु बडे जर्मांदार वर्ग ओसो बेहरा पूंजीपति वर्ग ता रूप तेने मंतांग। इव वर्गकु इंजे रेंडु ग्रुपना रूप ते मंतांग, उंदी ग्रुप जापान ता प्रतिरोध कियाला समर्थन कींता, तीरम-तीरम इव वर्गकुना अन्तर ओसो ज्यादा बेरसिंता, बेहरा पूंजीपति वर्ग लोप्पा इंजे जापान ता प्रतिरोध कियाला समर्थन कियाना ग्रुप आत्मसमर्पणवादी ग्रुप तुकू अलग मंता। इद ग्रुप रेंडु नीतिंग पोर्रे ताकिंता। जापान-विरोधी एकता ता समर्थन इंजे वेने कींता, मति संगेने वायना कालम ते आत्मसमर्पण कियाला तैयारी ते मंदाना प्रगतिशील ताकतकुन खत्म कियाना प्रतिक्रियावादी नीति वेने लागू कींतोरा इदु इंजे वेने जापान-विरोधी एकता ता समर्थन कींतोर, अदिन काजे माटु इदिन जापान विरोधी संयुक्त मोर्चा लोप्पाए तासना कोशिश कियाना, ओसो परताचोन कालम काजे बचे कीसि तासा परतेके बेस आयरा। इद ग्रुप किन मना पक्ष ते कियाना ओसो इदिना संगे मना सहयोग नीति किन नजरअंदाज कियाना ओसो इद ग्रुप असल इतेके आत्मसमर्पण कित्ता ओसो इंजे कम्युनिस्ट-विरोधी युद्ध शुरूए आयर इंजी आल्सना गलता आयरा। मति संगे माटु इदिना प्रतिक्रियावादी नीति ता खिलाफ संघर्ष कियाना कार्यनीति वेने लागू कियाना ओसो इदिना खिलाफ अटल विचारधारात्मक, राजनीतिक ओसो फौजी संघर्ष कियाना, बारांकु इतेके देश लोप्पा बेगाने वेने इद ग्रुप प्रगतिशील ताकत किन खत्म किया प्रतिक्रियावादी नीति पोर्रे ताकना, बारांकु इतेके क्रांतिकारी मृंड जन-सिद्धांत कुना कार्यक्रम पोर्रे अमल कियवा लेवा इद ग्रुप मना कोशिश कुना कड़ा विरोध कींता, बारांकु इतेके मावा काजे इदु उंदी हंदी बने कीसि तासता अदिन वेंडेतेके माकिन रोमी कियाला काजे अदु परताचोन कोशिश कींता। इतेके माकिन वेने अद खुद अमल कियाना निष्क्रिय प्रतिरोध ता हंदी लोप्पा तासला आलिसंता। इदिनकु वेने मुने हंजी माकिन तन्ना पक्ष ते कियाला कोशिश कींता ओसो विफल आतास्के मना पोर्रे विचाराधारात्मक, राजनीतिक ओसो सैनिक दबाव वाटिता। अद्रमे कट्टरतावादीरा दोहरी नीति ता विरोध कियाला काजे मना क्रांतिकारी दोहरी नीति ओसो संघर्ष संगे एकता बने कियाना नीति इद्रमें मंता। माटु विचाराधारात्मक रूप ते सही क्रांतिकारी सिद्धांत पेश कित्ता परतेके ओसो इद ग्रुप ता प्रतिक्रांतिकारी सिद्धांत पोर्रे गोडेल दब्बा वाटा परतेके, मनम राजनीतिक रूप ते परिस्थिति ता अनुकूल कार्यनीति लोगू कीसि इद

ग्रुप ता कम्युनिस्ट-विरोधी ओसो प्रगतिवादी-विरोधी नीतिंग पोर्रो गोडेल देब्बा वाटतेके, माटु सैनिक हमलांग ना मुहोड़ जवाब हिया परतेके माटु इदिना प्रतिक्रियावादी नीति ता कारगर सीमा सीमित कियाना लोप्पा सफल आया परितोम, प्रगतिशील ताकतकुना रूप ते स्वीकार कियाला काजे इद ग्रुप किन मजबूर कियाना लोप्पा सफल आंतोम ओसो प्रगतिशील ताकत कुन विकास कियाना, मध्यवर्ती ताकत किन मना पक्षा ते कियाना लोप्पा ओसो कट्टरतावादी ताकत कुन अलगाव ते वाटा परितोम। संगेने इंजे वेने जापान ता प्रतिरोध कियाला तैयार मत्ता कट्टरतावादीर किन जापान विरोधी संयुक्त मोर्चा लोप्पा ओसो वेल्ले कालम एवनल तासना लोप्पा वेने सफल आंतोम ओसो इद्रम ता काम बेहरा स्तर ता गृहयुद्ध किन वेने रोमी किया परितोम। जापान विरोधी संयुक्त मोर्चा ता कालम ते कट्टरतावादिरा हमलांग किन रोमी कियानाए आयवा जापान खिलाफ कट्टरतावादिरा प्रतिरोध किन वेने ज्यादा से ज्यादा समय एवनल टिके कीसि तासना ओसो बेहरा स्तर ता गृहयुद्ध ताकना तुकू वेने रोमी कियाला काजे वेने मनम सहयोग किया परितोम। संघर्ष लेवा इद प्रगतिशील ताकतकुन कट्टरतावादी ताकतकु खत्म किसियानुंग, संयुक्त मोर्चा ता अस्तित्व खत्म आयार, दुश्मन मुने कट्टरतावादीरा आत्मसर्पमण हल्कोए सम्पन्न आयार ओसो गृहयुद्ध शुरू आयार। अदिन काजे सब्बे जापान विरोधी ताकत कुन उंदी कियाना, परिस्थिति बने कीसि अदिन मना अनुकूल बने कियाना बेहरा स्तर ता गृहयुद्ध किन रोमी कियाला काजे अनिवार्य साधन कट्टरतावादीरा खिलाफ संघर्ष कियालाए लागियर। मावा पूरा अनुभव इद सच्चाई ता सबूत हींता।

इद्रम आतेकाई जापान विरोधी संयुक्त मोर्चा ता मौका ते कट्टरतावादिरा खिलाफ मना संघर्ष लोप्पा माटु बचोनो उसूल कुना पोर्रो ध्यान हिया लागियर। अविना लोप्पाटल पहला, आत्मरक्षा ता उसूल। बस्के एवनल मना पोर्रो हमला आयो, अस्के एवनल माटु हमला कियानायो, मावा पोर्रो हमला कितेके माटु जरूर जवाबी हमला कियकोम। इतेके उक्से कीवा लेवा माटु दूसरोग पोर्रो बस्के वेने हमला कियानायो, मति मावा पोर्रो हमला आता इतेके माटु जवाबी हमला कियवा लेवा बिल्कुले विड्सनायो। मावा संघर्ष ता रक्षात्मक स्वरूप इदे पोल्लो पोर्रो आधार आसी मंता। कट्टरतावादिरा सैनिक हमलांग किन दृढ़ता ते, समग्र रूप ते ओसो संपूर्ण रूप ते गुंडा-गुंडा किसियाना। दूसरा, जीत ता उसूल। जीत पूरा गारंटी हिल्वेके माटु बिल्कुले लडेमायनायो, योजना लेवा, तैयारी लेवा ओसो सफलता ता गारंटी हिल्वा बस्के वेने लडेमायनायो। माटु कट्टरतावादिरा संगे उंदे बेरा लडेमायना कोशिश।

कियवा लेवा सबसे मुन्ने ओरा लोप्पाटल केवल सबसे ज्यादा प्रतिक्रियावादी मंदानोरा पोर्रो हमला कियाना। मना संघर्ष ता सीमित स्वरूप इदे पोल्लो पोर्रो आधार आसी मंता। तीसरा, युद्ध-विराम ता उसूला कट्टरतावादिरा हमलांग पूराए तेहकसी वाटता पेरके, ओरांग पूनांग हमलांग कियाना मुन्ने माटु बेगा रोमना ओसो बस्के अद खास लडाई किन रोमी कियाना इंदानदु पुंजी मंदाना। इद्रम कियानास्के रेंडासी पक्ष कुना नड़मा युद्ध-विराम कियाना। युद्ध-विराम ता रूप ते माटु कट्टरतावादिरा संगे एकता कियाना लोप्पा पहल कियाना ओसो ओरा तैयार आतेके ओरा संगे शांति-समझौता कियाना। दीर्घकालीन लडाई जारी तासना या सफलता दोरकी कियाला काजे बेके वडिय वांता हककेने दायना गलती बिल्कुले कियानायो। हर संघर्ष ता अस्थाई स्वरूप इदे पोल्लो पोर्रो आधार आसी मंता। कट्टरतावादिरा बगिल तल बदे पूना हमला आतेके माटु बदे पूना संघर्ष शुरू कीसि माटु अद हमला ता जवाब हियाना। इव मूँडासी उसूलकुन दूसरा पोल्लो ते “न्याय पोर्रो आधार आसी”, “फायदा हूडसी” ओसो “संयुक्त रूप ते” लडेमासोर मंदाना, इंदा परिंतोम। न्याय पोर्रो आधार आसी, फायदा हूडसी, ओसो संयुक्त रूप ते कियाना इद्रम ता संघर्ष कुना लोप्पा डेटेमासी माटु प्रगतिशील ताकत कुना विकास किया परिंतोम, मध्यवर्ती ताकतकुन मना पक्ष ते किया परिंतोम, कट्टरतावादी ताकत कुना लोप्पा फूट वाटा परिंतोम ओसो कट्टरतावादी ताकत कुन मना पोर्रो हमला कियाना या दुश्मन संगे समझौता कियाना या बेहरा स्तर ते गृहयुद्ध कियाना मुन्ने बार-बार आल्सना लेकका किया परिंतोम। परिस्थिति किन इद्रम बने कीसि मना अनुकूल बने कियाना संभव आया परिता।

६. क्वोमिंगिता पार्टी लोप्पा कट्टरतावादीर, मध्यवर्ती ओसो प्रगतिशील लोकुर वेने शामिल मंतोर कुल मिलेकीसि अदिन कट्टरतावादी पार्टी मुन्ने तासना सही मंता। उचुन मुल क्वोमिंगितांग किन केवल कट्टरतावादीरे कट्टरतावादी पार्टी इंजी अल्सिंतोर बागांकु इतेके अदिन केब्रीय कार्यकारिणी कमेटी “दुश्मन पार्टिंग ना कार्रवाईंग किन रोमी कियाना तरीकांग” प्रतिक्रांतिकारी टकराव पुढ़ी कियाना आदेश जारी कित्तोर ओसो देश लोप्प हर जागा विचारधारात्मक, राजनीतिक ओसो सैनिक समस्यांग लोप्पा प्रतिक्रांतिकारी टकराव पुढ़ी कियाना लोप्पाए तन्ना ताकत बेरसि कित्ता। मति इद्रम मानेमायना गलत आंता। क्वोमिंगितांग लोप्पा कट्टरतावादीर इंजे वेने अद पार्टी ता नीतिंग किन आदेश अनुसार ताकी कियाना परिस्थिति लोप्पा मंतोर, मति ओरू अल्पसंख्या ते मंतोरा ओरा बहुसंख्य सदस्य लोर अनिवार्य रूप ते क्वोमिंगितांग पार्टी

ताए सदस्यलोर मंतोर, कट्टरतावादी आयो। क्वोमिंगतांग लोप्पा वर्तमान अन्तरविरोध कुना फायदा एतना अदिन अलग-अलग हिस्सांग लोप्पा अन्तर कुन जांच कीसि ताकना नीति लागू कियाना ओसो परताचो ओरा मध्यवर्ती ओसो प्रगतिशील हिस्सांग संगे एकता कियाना काजे माटु स्पष्ट रूप ते समझे मायाना जरूरी मंता।

८. जापान विरोधी आधार इलाकांग ना राजनीतिक सत्ता ता सवाल बारे ते माटु राजनीतिक सत्तांग ना स्थापना आसी मत्ता इलाकांग ओसो जापान विरोधी राष्ट्रीय संयुक्त मोर्चा ता इलाकांग कुना गारंटी कियाना। क्वोमिंगतांग शासन मत्ता इलाकांग लोप्पा इंजे बदे वेने राजनीतिक सत्ता हिल्ले। इद्रम ता राजनीतिक सत्ता जापान-विरोधी ओसो जनवाद रेंडासी ना समर्थन कियाना सब्बे लोकुरा राजनीतिक सत्ता आंदू, इत्तेके गद्दार ओसो प्रतिक्रियावादीरा पोर्हो बचोनो क्रांतिकारी वर्ग कुना संयुक्त जनवादी नेतृत्वे मंता। इद्रम ता राजनीतिक सत्ता जर्मीदार वर्ग ओसो पूँजीपति वर्ग ता नेतृत्व तुकू अलग मंता ओसो सही तरीका ते मजदूर-किसान लोरा जनवादी नेतृत्व तुकू वेने अलग मंता। राजनीतिक सत्ता ता संगटन लोप्पा जागा ता बंटवारा मुने रास्ता लेकका आयना - एक-तिहाई जागा सर्वहारा वर्ग ओसो गरीब किसान लोरा काजे लडेमायना कम्युनिस्ट लोरा काजे, एक-तिहाई जागा निम्न-पूँजीपति वर्ग काजे लडेमायना वामपंथी प्रगतिशील लोकुरा काजे ओसो बाकी ता एक-तिहाई जागा मध्यम पूँजीपति वर्ग ओसो जागृत शरीफजादा लोरा काजे लडेमायना मध्यवर्ती ओसो बाकी तत्व कुना काजे दोरकना। राजनीतिक सत्ता ता इव संगटन कुना लोप्पा शामिल आयला काजे गद्दार ओसो कम्युनिस्ट-विरोधी लोकुर पोर्हो प्रतिबंद मंता। जागाना बंटवारा ता सामान्य नियम जरूरी मंता, इद हिलवेके जापान-विरोधी राष्ट्रीय संयुक्त मोर्चा ता राजनीतिक सत्ता ता उसूल किन बचे कियाना संभव हिल्ले। जागाना बंटवारा कियाना नीति मना पार्टी ता असली नीति आंदू ओसो इदिन गंभीरतापूर्वक लागू कियाना। इदिन किन बदे वेने परिस्थिति ते विचार हिल्वा लेकका लागू कियानायो। इदु उंदी सामान्य नियम आंदू ओसो इदिन विशेष परिस्थिंग ना अनुसारे लागू कियाना, सब्बे हिस्सांग ना कोटा केवल यांत्रिक रूप तेने निहनायो। जर्मीदार ओसो बुरे शरीफजादा लोरा वर्चस्व पोर्हो रोक वोटला काजे, राजनीतिक सत्ता ता सबसे दोड ता संगटन कुना लोप्पा बस्के-बस्के इदिन हेरफेर कियालागिंता, मति इद नीति ता मूल भावना ता उल्लंघन कियानायो। माटु इद राजनीतिक सत्ता ता संगटन कुना लोप्पा चुने कित्ता गैर-कम्युनिस्ट लोरा बदे पार्टी संगे संबंध मंता या

हिल्ले ओसो संबंध मंता इतेके बदु पार्टी संगे इंदाना लेककाटा सवाल कुना पोर्हे ज्यादा मेहनत कियानायो। जापान-विरोधी संयुक्त मोर्चा ता राजनीतिक सत्ता वाले इलाकांग लोप्पा इतेके अवु क्वोमिंगतांग ता आईलेवेके बदे दूसरा मत्तेकाई, या अवु कम्युनिस्ट पार्टी ता विरोध या सहयोग किसोर मत्तेकाकाई, सब्बे राजनीतिक पार्टींग किन कानूनी अधिकार हियाना। मताधिकार ता सवाल पोर्हे संयुक्त मोर्चा ता राजनीतिक सत्ता ता नीति जापान प्रतिरोध ओसो जनवाद ता समर्थन कियाना हर चीनी किन ओसो अठारह साल उप्र आतास्के हर जाति, पार्टी-संबंध, लिंग, धार्मिक विश्वास ओसो शिक्षा-स्तर ता अनुसार भेदभाव आयवाए चुने कियाना ओसो चुनेमायना अधिकार मंदाना। जापान विरोधी संयुक्त मोर्चा ता राजनीतिक सत्ता ता संगटन कुना चुनाव जनता कियाना ओसो चुनाव पेरके कनफर्म कियाला काजे राष्ट्रीय सरकार किन आवेदन कियाना। ओरा संगठनात्मक रूप जनवादी केंद्रीयता पोर्हे आधारासी मंदाना। जापान विरोधी संयुक्त मोर्चा ता राजनीतिक सत्ता ता संगटन कुना लोप्पा नीति संबंधित सब्बे प्रमुख तरीकांग ना बुनियादी प्रस्थान-बिंदु जापान साप्राज्यवाद ता विरोध कियाना, गद्दार लोर ओसो प्रतिक्रियावादीर विरोध कियाना, जापान ता प्रतिरोध कियाना जनता ना रक्षा कियाना, सब्बे जापान विरोधी सामाजिक समूह कुना अधिकार कुना सही तरीका ते समायोजित कियाना ओसो मजदूर, किसान लोरा पिस्वल लोप्पा सुधार कियानादु मंदाना। जापान विरोधी संयुक्त मोर्चा ता इद राजनीतिक सत्ता ता स्थापना पूरा देश पोर्हे वेल्ले महत्वपूर्ण प्रभाव वाटियर ओसो राष्ट्रीय स्तर ते जापान विरोधी संयुक्त मोर्चा ता राजनीतिक सत्ता काजे उदाहरण लेका काम वायर, अदिन काजे सब्बे पार्टी कामरेड्स इद नीति किन गहराई ते समझेमायना ओसो दृढ़ता ते लागू कियाना।

प्रगतिशील ताकत कुना विकास कियाना, मध्यवर्ती ताकत कुन मना पक्ष ते कियाना लोप्पा ओसो कट्टरतावादी ताकत कुना लोप्पा फूट वाटना, कट्टरतावादिर तम्मा पक्ष ते कियाला काजे परताचोन कोशिश किसोर मत्ता बुद्धिजीवीर ओसो मना संघर्ष लोप्पा मत्ता ओरा भूमिका किन बस्केने नजरअंदाज कियानायो। अदिन सब्बे प्रगतिशील बुद्धिजीविर किन कम्युनिस्ट पार्टी ता प्रभाव ते तत्त्वा काजे कोशिश कियाना नीति वेल्लेय महत्वपूर्ण ओसो जरूरी मंता।

९. मना प्रचार-कार्य लोप्पा माटु दोड़ रास्ता कार्यक्रम कुना पोर्हे जोर हियाना:

- 1) जापान ता संयुक्त रूप ते प्रतिरोध कियाला काजे व्यापक जन-समुदाय किन जागृत कीसि डा. सुन यात-सेन ना वसीयतनामा किन लागू कियाना
- 2) जापानी साम्राज्यवाद ता दृढ़ता ते प्रतिरोध कीसि, पूर्ण रूप ते राष्ट्रीय मुक्ति ओसो चीन ता सब्बे जातिंग कुना समानता काजे पूरा कोशिश कीसि राष्ट्रवाद ता सिद्धांत किन लागू कियाना
- 3) जापान ता प्रतिरोध कियाला ओसो राष्ट्र किन बचे कियाना आजादी जनता किन हीसी सब्बे स्तर कुने सरकार चुने किया परना लेक्का ओरकिन तैयार कीसि, जापान विरोधी राष्ट्रीय संयुक्त मोर्चा ता क्रांतिकारी जनवादी राजनीतिक सत्ता स्थापना कीसि जनवादी सिद्धांत कि लागू कियाना
- 4) ज्यादा कर ओसो रक-रकम ता लेवी वसूली किन खत्म कीसि, लगान ओसो सूद कम कीसि, उंदी दिय्या ते आठ घंटांग किन लागू कीसि, कृषि, उद्योग ओसो व्यापार ता विकास कीसि जनता ना पिस्वल लोप्पा सुधार कीसि जन-जीविका सिद्धांत किन लागू कियाना।
- 5) “जवान-मुयतोर आई, उत्तर-दक्षिणाई हर मानेय किन, जापान ता प्रतिरोध कियाना ओसो ओसो मावा यायोभूमि ता रक्षा कियाना जिम्मेदारी एतना।” इंदाना च्यांग काई-शेक ना घोषणा किन लागू कियाना।

इव सब्बे मुद्दांग क्वोमिंगतांग प्रकाशित कित्ता कार्यक्रम लोप्पा मंतांग, इदु क्वोमिंगतांग ओसो कम्युनिस्ट पार्टी ता कार्यक्रम आंदू मति जापान-प्रतिरोध किन विडचसी कार्यक्रम लोप्पा मत्ता बदे वेने हिस्सा किन क्वोमिंगतांग लागू कित्ताद हिल्लो। इदिन केवल कम्युनिस्ट पार्टी ओसो प्रगतिशील ताकतके लागू किया परिंतांग। इद उंदी सबसे सरल कार्यक्रम आंदू ओसो व्यापार जन-समुदाय ना कार्यक्रम आंदू, मति वेल्ले कम्युनिस्ट जन-समुदाय कुन उंदीकड्हु कियाना ओसो कट्टरतावादिर कि अलगाव ते वाटला काजे इदिन मना हथियार ता रूप ते इस्तेमाल कियाना लोप्पा विफल आंतोमा। इंजे माटु इद कार्यक्रम ता पांच मुद्दांग पोर्ने बराबरा ध्यान हिया लागियर ओसो सार्वजनिक-समाचारकु, घोषणापत्र, पर्चांग, लेख, भाषणकु, स्टेटमेंटकुना संगे इविन प्रचार कियाना लागिरा क्वोमिंगतांग मत्ता इलाकांग

लोप्पा इद कार्यक्रम इंजे वेने केवल प्रचार ताए कार्यक्रम लेकका आता, मति अद इलाका लोप्पो आठवी राह सेना ओसो पूना चौथी सेना एवता अविना लोप्पा इद कार्यक्रम बुनियादी रूप ते मना कार्यक्रम लेककाने मंता, मति क्वोमिंगतांग ता विचारधारा कम्युनिस्ट पार्टी ता विचारधारा तुकू बिल्कुले अलग मंता। जनवादी क्रांति ता इदे कार्यक्रम किन माटु अमल कियाना, मति माटू बदे वेने परिस्थिति ते क्वोमिंगतांग विचारधारा किन लागू कियानायो।

# जापान-विरोधी ताकत कुना वेल्ले विकास कीमुट ओसो कम्युनिस्ट-विरोधी कटूरतावादिरा हमलांग ना प्रतिरोध कीमुट<sup>22</sup>

## 4 मई 1940

1. दुश्मन ता पृष्ठभाग ता सब्बे इलाकांग लोप्पा ओसो सब्बे युद्ध-क्षेत्र कुना लोप्पा समानता पोर्रो जोर हियाना, विशिष्टता पोर्रो आयो, इदिना उल्टा व्यवहार कियाना वेल्ले बेहरा गलती आयारा हर इलाका ता तन्ना खुद ता विशिष्टता मंता, मति सब्बे इलाकांग लोप्पा दुश्मन ता सामना किया लागिंता ओसो सब्बे इलाकांग लोप्पा प्रतिरोध-युद्ध लोप्पा मत्तांग, अवु उत्तर, मध्य ओसो दक्षिण चीन लोप्पा मत्तेकाई या यांगत्सी डोड्डा ता उत्तर बगिल या दक्षिण बगिल मत्तेकाई, लेवेके मैदान, मेड्वा या झील ता इलाकांग लोप्पा ओसो अगा मत्ता सैनांग आठवीं राह सेना ओसो पूना चौथी सेना मत्तेकाई ओसो दक्षिण चीन छापामार दस्ता<sup>1</sup> मत्तेकाई उचुन समानतांग मंतांग। इव सब्बे इलाकांग लोप्पा माटु विस्तार किया परिंतोर ओसो माटु विस्तार कियाना।<sup>23</sup> इद विस्तार कियाना नीति किन केंद्रीय कमेटी बार-बार मीकिन

---

<sup>22</sup> पार्टी ता दक्षिण-पूर्वी ब्यूरो ता पोरेल ते इद निर्देश कामरेड माओ त्सेतुंग चीनी कम्युनिस्ट पार्टी ता केंद्रीय कमेटी बगिल तिंची रास्तद मत्ता। इद निर्देश रासनास्के पार्टी ता केंद्रीय कमेटी ता सदस्य ओसो दक्षिण-पूर्वी ब्यूरो त सचिव कामरेड श्यांग इंग गंभीर दक्षिणपथी दृष्टिकोण लागू कितोय ओरु केंद्रीय कमेटी ता नीति किन दृढ़ता ते लागू कीवोय। ओरु जन-समूदाय किन पूर्ण रूप ते जागून कियाना, जापान ता कब्जा ते मत्ता इलाकांग लोप्पा मुक्त इलाकांग ना विस्तार कियाना ओसो जन-सेना किन बेरसी कियाना साहस किताद हिल्ले, क्वोमिंगतांग ता संभव मत्ता प्रतिक्रियावादी हमलांग ना गंभीरता किन परताचोन समझेमातद हिल्वा मत्तोर अदिन काजे मानसिक रूप ते ओसो संगठनात्मक रूप ते उंदी ओना तैयारी हिल्वा मत्ता। इद निर्देश दक्षिण-पूर्वी ब्यूरो ते एवतास्के कामरेड छन इं ब्यूरो ता सदस्य ओसो पूना चौथी सेना ता पहली सेवशन ता कमांडर मत्तोर, ओरु इदिन तुरंत इद निर्देश किन लागू कितोर, मति कामरेड श्यांग इंग अस्के बेने इदिन लागू कियाला तैयार हिल्वा मत्तोर। ओरु क्वोमिंगतांग ता प्रतिक्रियावादी हमलांग ना मुकाबला कियाना तैयारी बिल्कुले किताद हिल्ले, अदिना कारण ते ओना कैदे मत्ता फौज कुन अद समय ते बिल्कुले कमजोर मत्ता, अस्के जनवरी 1941 लोप्पा च्यांग काई-शेक दक्षिणी आहवेइ घटना कितोर। दक्षिणी आनडेइ लोप्पा माटु नौ हजार सैनिक लोरकिन नुकसान आता ओसो कामरेड श्यांग इंग बेने प्रतिक्रियावादिग ते बिल्कुलोतार।

वेहताद मंता। विस्तार कियाना इतेके दुश्मन कब्जा कित्ता सब्बे इलाकांग लोप्पा एवना ओसो क्वोमिंगतांग पार्टी वाटा प्रतिबंध किन मानेमायवा लेवा अविन वेंडसी दायाना। दूसरोर सरकारी नियुक्तिंग कियानोर इंजी आशा कियवा लेवा, वित्तीय सहायता काजे उच्च-अधिकारिर पोर्रो निर्भर आयवा लेवा, स्वतंत्र रूप ते ओसो जोरशोर ते विस्तार कियाना, पेरके-मुन्ने आयवा लेवा आधार-लाकांग ना स्थापना कियाना ओसो आधार-इलाकांग लोप्पा जन-समुदाय किन स्वतंत्र रूप ते जागृत कियाना ओसो कम्युनिस्ट पार्टी ता नेतृत्व ते काम कियाना जापान-विरोधी संयुक्त मोर्चा ता राजनीतिक सत्ता ता संगटन कुना स्थापना कियाना। उदाहरण काजे च्यांगसू इलाका लोप्पा कू चू-थुंग, लंग शिन ओसो हान त-छिन<sup>2</sup> लेककाट कम्युनिस्ट-विरोधी लोर कियाना हमलांग, नियंत्रण ओसो उत्पीड़न मतेकाई माटू पश्चिम लोप्पा नानकिंग तिंची पूर्व ता समुद्र ओदा एवनल ओसो दक्षिण लोप्पा हांगचओ तिंची उत्तर ता श्वीचओ एवनल सब्बे इलाकांग ना परताचोन जलदी ओसो योजनाबद्ध तरीका ते अधिकार किन कैदे पोयना ओसो माटू सशस्त्र सेनांग किन स्वतंत्र रूप ते विचार कियाना, राजनीतिक सत्ता ता संगटन कुना स्थापना कियाना, जापान ता प्रतिरोध कियाला काजे टैक्स वाटना लक्ष्य ते वित्तीय कार्यालय कुना स्थापना कियाना ओसो कृषि, उद्योग, वाणिज्य किन उन्नत कियाला काजे आर्थिक एजेन्सिंग ना स्थापना कियाना, ओसो बेहरा संख्या ता कार्यकर्ता लोर किन प्रशिक्षित कियाला काजे अलग-अलग स्कूलकु खोले कियाना। केंद्रीय कमेटी मुन्नेने मीटू इद साल लोप्पा च्यांगसू ओसो चच्यांग इलाकांग लोप्पा दुश्मन ता पृष्ठभाग लोपा जापान-विरोध सशस्त्र ताकतकुना सैनिक लोगा, हथियार कुना संख्या 1,00,000 एवनल बेरसी कियाना ओसो तुरंत राजनीतिक सत्ता ता संगटन कुना निल्पी कियाना इंजी आदेश हीता। इदिना लोप्पा मीटु बाता-बाता ठोस काम कीतिरो बोर पुत्तोर? मुन्ने वेने इद्रम ता मौकांग कैदल दायला हीताद मंता, ओसो इंजे ओसो उंदी बेरा अद्रमे आयला हीतेके परिस्थिति वेल्ले बिगड़ेमायरा।

2. इदु परिस्थिति क्वोमिंगतांग ता कम्युनिस्ट-विरोधी कद्वरतावादी, कम्युनिस्ट पार्टींग किन रोमी कियाना, ओसो अदिना पोर्रो नियंत्रण वाटना ओसो अदिना विरोध कियाना नीति पोर्रो वेल्ले मजबूती ते नितसी मंता ओसो जापान मुन्ने आत्मसमर्पण कियाना तैयारी किया मंतोर, इद्रम आयनास्के माटू संघर्ष पोर्रो जोर वाटना, एकता पोर्रो आयो, इदिनकुना उल्टा व्यवहार कियाना गलत आयारा। अदिन काजे सैद्धांतिक, राजनीतिक ओसो सैनिक रूप ते माटू कम्युनिस्ट-विरोधी

कट्टरतावादिरा सब्बे कानूनी, आदेशकु, प्रचार-कार्य ओसो मौखिक हमलांग, अविना लक्ष्य कम्युनिस्ट पार्टी पोर्हो रोकथान कियाना, अदिना पोर्हो नियंत्रण कियाना ओसो अदिना विरोध कियाना मंता, नियमानुसार दृढ़ता ते प्रतिरोध कियाना ओसो ओरा खिलाफ दृढ़ता ते संघर्ष कियाना रुझान लागू कियाना। इद संघर्ष किन न्याय पोर्हो आधार आसी, फायद हूँडसी ओसो संयुक्त रूप ते लडेमायना उसूल कुना पोर्हो आधार आयना, इत्तेके आत्मरक्षा, जीत ओसो युद्ध-विराम ता उसूल कुना पोर्हो आधार आसी मंदाना, इत्तेके हर वर्तमान ठोस संघर्ष ता स्वरूप रक्षात्मक, सीमित ओसो अस्थाई मंता। कम्युनिस्ट-विरोधी कट्टरतावादिरा सब्बे प्रतिक्रियावादी कानून, आदेशकु, प्रचार-काम ओसो मौखिक हमलांग ना खिलाफ कार्रवाईंग कियाना ओसो अवना खिलाफ दृढ़ता ते संघर्ष कियाना। उदाहरण काजे, ओरु मना चौथी कॉलम ओसो पांचवी कॉलम<sup>3</sup> किन दक्षिण बगिल लोहना इंजी मांग कीतके माटु इदिना जवाब माटु बदे वेने परिस्थिति ते इद्रम कीतोम इंदाना पोल्लो पोर्हो अडेमासी मंदाना। ओरु फेइ ओसो चांग युन-ई<sup>4</sup> ना कब्जा ते मत्ता यूनिटों किन दक्षिण बगिल लोहना इंजी मांग कित्तेके माटु इव यूनिट कुना उचुक हिस्सांग किन उत्तर बगिल लोहना अनुमति हियाना इंजी मांग कीतोम। ओरु माटू फौजी भर्ती ता व्यवस्था ता उल्लंघन कित्तोम इंजी आरोप कित्तेके माटु ओरु पूना चौथी सेना काजे फौजी भर्ती ता इलाकांग बेरसी कियाना कियाना इंजी मांग कियाना। ओरु माटू गलत प्रचार कियामंतोम इंजी मांग कित्तेके माटु मना सब्बे कम्युनिस्ट-विरोधी प्रचार बंद कियाना इंजी मांग कियाना ओसो टकराव पैदा कियाना सब्बे आदेश कुन रद्द कियाना इंजी मांग कियाना। बस्केनाई मावा पोर्हो फौजी हमला कित्तेके माटू अदिना जवाब हमला संगेने हीसी ओरकिन गुंडा किसियाना। इद नीति किन अमल कियाला काजे माटु न्याय पोर्हो आधार आसी मंतोम। हर मुद्दा लोप्पा माटू सही मंतोम इंदानास्के केवल मना पार्टी ता केंद्रीय कमेटीए आयवा मना सेना ता हर इकाई कार्रवाई कियाना। चांग युन-ई, ली फिन-श्येन संगे ओसो ली श्येन-न्येन, ली चुंग-रन ना संगे कित्ता लेकका ओरु दोडता स्तर किन पोर्होटा स्तर ता दृढ़ता ते विरोध कियाना लेक्काट बेसता उदाहरणकु मंतांग।<sup>5</sup> कट्टरतावादीरा पोर्हो इद्रम ता सख्त नियम लागू कियाना ओसो ओरा खिलाफ कानूनी रूप ते अपना फायदा हूँडसोर ओसो संयुक्त रूप ते संघर्ष कियाना नीति पोर्हो ताकसीए कट्टरतावादिरा लोप्पा वेरी पुट्टी कियमूँडायरा। इद्रम कित्तेकेने ओरु मावा पोर्हो हमला कियाला वरियानूर ओसो कम्युनिस्ट पार्टी ता पोर्हो प्रतिबंध वाटना, नियंत्रण कियाना ओसो ओरा विरोध कियाना कट्टरतावादी

कार्वाईंग किन कम कियमूळाया परितोम, ओरकिन मावा कानूनी दर्जा किन मानेमायला मजबूर किया परितोम ओसो ओरा लोप्पा फूट वाटा परितोमा इद्रम कितेके ओरु बार-बार आल्सला काजे मजबूर आयनोरा अदिन काजे संघर्ष आत्मसमर्पण ता खतरा किन रोमी कियाला, परिस्थिति किन सुधरे कियाला, क्वोमिंगतांग-कम्युनिस्ट एकता किन मजबूत कियाना सबसे महत्वपूर्ण साधन आंदू कट्टरतावादिरा खिलाफ संघर्ष लोप्पा डटेमासी मत्तेकेने माटु मना पार्टी ओसो सेना लोप्पा जुझारु विचार किन प्रोत्साहित किया परितोम, मना साहस ता पूर्ण विकास किया परितोम, मना कार्यकर्ता लोरा नडमा एकता बेरसी किया परितोम, मना सेना ओसो पार्टी किन सुदृढ़ बने किया परितोम। नडमा ता हरी चुने कियानोरा संगे मना संबंध तासना इतेके, कट्टरतावादिरा खिलाफ संघर्ष लोप्पा डटेमासी मंदानाए दुलमुलपन ओसो मना समर्थक लोरा समर्थन दोरकी कियाना उंदे तरीका मंता - इदिन विडचसी दूसरा बदे हरी हिल्लो। अद्रमे संघर्ष ता नीतिए पूरा पार्टी ओसो पूरा सेना राष्ट्रीय स्तर ता संकट ता विरुद्ध मानसिक रूप ते सतर्क मंदाना ओसो काम कियाना तैयारिंग कियाना ता गारंटी एता परिता। लेवेके 1927 ता गलती<sup>6</sup> दोबारा आयारा।

3. वर्तमान परिस्थिति ता मूल्यांकन कियानास्के माटु बेगा आत्मसमर्पण ता खतरा बेरसतायो अगा इदिन कम कियाना संभावना इंजे वेने मंता इंदाना पोल्लो किन स्पष्ट रूप ते समझेमायाना। वर्तमान फौजी मुठभेड़ इंजे वने स्थानीय मंता, राष्ट्रव्यापी हिल्लो। इदु मना विपक्ष लोरा<sup>7</sup> रणनीतिक रेक्की ताए कार्वाईंग आंदुंग, तुरंत बेहरा स्तर ते “कम्युनिस्ट लोरा विनाश” कियाना कार्वाईंग आयोंग, इवु तुरंता आत्मसमर्पण ता चरण आयवा आत्मसमर्पण ता शुरुआती चरण आंदुंग। मना कर्तव्य केंद्रीय कमेटी निर्धारित कित्ता तिहरी नीति इतेके ‘‘प्रगतिशील ताकत कुना विकास कियाना’’, ‘‘मध्यवर्ती ताकत कुन मना पक्ष ते कियाना’’ ओसो ‘‘कट्टरतावादी ताकत कुन अलगाव ता परिस्थिति ते वाटना’’ नीति किन अटल रूप ते लागू कियाना पूरा कोशिश कियाना। अस्केने आत्मसमर्पण ता खतरा पोर्रो काबू किया परमूळायर ओसो परिस्थिति किन मुन्ने तुकू बेस बने किया परमूळायरा परिस्थिति ता मूल्यांकन कियाना ओसो मना काम ता गारंटी एताना लोप्पा बदे वेने रकम ता ‘‘वामपंथी’’ या दक्षिणपंथी भटकाव कुना बगिल इंगित कियवा मंदाना ओसो अविन सुधरे कियवा मंदाना वेल्ले खतरनाक आयारा।

4. चौथी ओसो पांचवी कॉलम किन पूर्वी आनहेड़ लोप्पा हान त-  
छिन ओसो ली चुंग-रन ना हमलांग खिलाफ कित्ता आत्मरक्षात्मक लडाईंग ओसो  
ली श्येन-न्येन ना सेक्षन मध्य ओसो पूर्व हप्पे लोप्पा कट्टरतावादिर हमलांग  
खिलाफ कित्ता आत्मरक्षात्मक लडाईंग, ह्वाए डोड्डा ता उत्तर बगिल फंग श्वे-फंग  
ना सेक्षन ता अटल संघर्ष, यांगत्सी डोड्डा ता उत्तर बगिल फेइ ना सेना ता विस्तार,  
ओसो आठवी राह सेना ता 20,000 तुकू ज्यादा सैनिक लोर दक्षिण बगिल ह्वाए  
डोड्डा ता उत्तर बगिल मत्ता इलाकांग लोप्पा ओसो पूर्वी आनहेड़, उत्तर च्यांगसू  
लोप्पा अभियान कियाना<sup>8</sup>. इव सब्बे वेल्ले जरुरी ओसो एकदम सही कार्रवाईंग  
आयवा दक्षिणी आनहेड़ ओसो दक्षिणी च्यांगसू लोप्पा मीवा पोर्ँे हमला कियाना  
तुकू मुने कू चू-थंग किन बार-बार आल्सला काजे मजबूर कियाला काजे वेने  
अनिवार्य कदम मत्तांग। इत्तेके माटु यांगत्सी डोड्डा ता उत्तर बगिल बचोन ज्यादा  
जीत होसिल कींतोमो अचोने ज्यादा विस्तार किसोर दांतोम, अचोने ज्यादा कूचू-  
थंग वेने यांगत्सी डोड्डा ता दक्षिण बगिल तन्ना मनमानी तरीका ते कार्रवाईंग  
कियाला वेरियानोर ओसो मीवा काजे दक्षिण आनहेड़ ओसो दक्षिण च्यांगसू लोप्पा  
भूमिका निभे कियाला हल्को आयार। अद्रमे आठवी राह सेना, पूना चौथी सेना  
ओसो दक्षिणी चीन छापामार दस्ता बचोन ज्यादा उत्तर-पश्चिम, उत्तर, मध्य ओसो  
दक्षिण चीन लोप्पा विस्तार किंता ओसो कम्युनिस्ट पार्टी ता पूरा देश लोप्पा बचोन  
विकासा आयार, आत्मसमर्पण ता खतरा पोर्ँे काबू कियाना परिस्थिति किन सुधरे  
कियाना संभावना अचोने ज्यादा बेरसियार। मना पार्टी काजे पूरा देश ता हिस्सांग  
लोप्पा तन्ना भूमिका निभे कियाना वेने हल्को आयार। उल्टा मूल्यांकन कियाना  
ओसो उल्टा कार्यनीतिकंग लागू कियाना, इत्तेके मना ताकत बचोन विस्तार आयार  
आचोने ज्यादा कट्टरतावादिर आत्मसमर्पण कियानोर, कट्टरतावादिर किन माटु  
बचोन ज्यादा रियायत हियाकोम अचोने ज्यादा ओरु जापान ता विरोध कियानोर  
इंजी आल्सना, लेवेके पूरा देश आपसते लडेमाया मंता ओसो क्वोमिंगतांग-  
कम्युनिस्ट एकता इंजे संभव हिल्ले आल्सना बिल्कुले गलत आयरा।

5. जापानी आक्रमण विरोधी युद्ध ताकनसाके पूरा देश काजे मना  
नीति जापान विरोधी राष्ट्रीय संयुक्त मोर्चा ता नीति आंदू। इदु दुश्मन ता इलाका  
लोप्पा जापान-विरोधी जनवादी आधार इलाका ना स्थापना कियाना जापान विरोधी  
संयुक्त मोर्चा ता नीति पोर्ँे आधार आसी मंता। राजनीतिक सत्ता ता सवाल बारे ते  
मीटु केंद्रीय कमेटी ता फैसलांग किन दृढ़ता ते पालन कियाना।

6. क्वोमिंगतांग ता इलाकांग लोप्पा मना नीति ओसो युद्ध ताकना  
इलाकांग लोप्पा ओसो दुश्मन इलाका लोप्पा लागू कित्ता नीति तुकू अलग मंता।  
क्वोमिंगतांग इलाका लोप्पा मना नीति मेन-मेन कार्यकर्ता, संगटन किन लम्बा समय  
काजे गुप्त काम कियाला काजे वाटिता, ताकत बेरसी कियाना ओसो बेस्ता मौका  
परहकना, ओसो जल्दबाजी कियवा लेवा खुद किन बचे कियाना। इद मना संघर्ष ता  
सच्चाई पोर्हे आधार आसी मंता, फायदा हूड़सी संयुक्त रूप ते ताकी कियाना,  
कटृतावादिरा मुकाबला कियाना लोप्पा मना कार्यनीति - माटु क्वोमिंगतांग ता सब्बे  
कानून इस्तेमाल किया परना लेक्काटा आदेशकु ओसो सब्बे सामाजिक रिति-  
रिवाजकुना अनुमति हियाना चीज किन इस्तेमाल कीसि पक्का संघर्ष ताकी कियाना  
ओसो मना ताकत बेरसी कियाना उसूलकुना अनुसार ताकना। मना पार्टी ता बोराई  
सदस्य किन क्वोमिंगतांग लोप्पा शामिल आयला मजबूर कित्तेके ओरु शामिल  
आयना, मना पार्टी सदस्य लोर सब्बे जागा “पाओ च्या” प्रशासनिक संगटन कुना  
लोप्पा ओसो शैक्षणिक, आर्थिक ओसो सैनिक संगटनकुना लोप्पा नेंगना, ओरकिन  
केंद्रीय सेना ओसो “अलग-अलग रकम ता सेनांग”<sup>9</sup> लोप्पा संयुक्त मोर्चा ता काम  
इत्तेके दोस्ती बने कियाना काम ता व्यापक रूप ते विकास कियाना। अद्रमे सब्बे  
क्वोमिंगतांग इलाकांग लोप्पा पार्टी ता बुनियादी नीति प्रगतिशील ताकत कुना  
(पार्टी-संगटनकु ओसो जन-आंदोलनकु) ना विकास कियाना, मध्यवर्ती ताकतकु  
(इविना कुल मिलेकीसि 7 श्रेणिंग मंतांग, इत्तेके राष्ट्रीय पूंजीपति वर्ग, जागृत  
शरीफजादा लोर, “अलग-अलग रकम ता सेनांग”, क्वोमिंगतांग लोप्पा मत्ता  
मध्यवर्ती लोकु<sup>10</sup>, केंद्रीय सेना ता मध्यवर्ती, <sup>11</sup> निम्न-पूंजीपति वर्ग ता उच्च श्रेणी,  
सुडला-सुडला राजनीतिक पार्टिंग ओसो ग्रुपकु) किन मना पक्ष ते कियाना ओसो  
कटृतावादिरा ताकत लोप्पा फूट वायना परिस्थिति ते वाटसियाना, अस्केने  
आत्मसमर्पण ता खतरा पोर्हे काबू किया परमूळायर ओसो परिस्थिति किन मुनेटकू  
ज्यादा बेस बने किया परमूळायर। सगोने माटु स्थानीय या राष्ट्रीय स्तर ते परताचोन  
संकट कुना मुकाबला कियाला काजे पूरा तैयार मंदाना। क्वोमिंगतांग इलाका लोप्पा  
मना पार्टी-संगटन कुन पूराए गुप्त तासना। दक्षिण-पूर्वी ब्यूरो<sup>12</sup> लोप्पा ओसो सब्बे  
प्रांतीय, विशेष, काउन्टी ओसो जिला कमेटिंग लोप्पा काम कियाना सब्बेतोर किन  
(पार्टी-सचिव तल पोयसी किचन कियानोर एक्वल) उंदी-उंदी कड़ी ओसो बारीक  
ते जांच कियाना, ओसो बोनाई पोर्हे डावुट मत्तेके, नेतृत्वकारी संस्थांग लोप्पा  
बिल्कुले मंदाला हियानायो। मना कार्यकर्ता लोरा रक्षा कियाला काजे वेल्ले

होशियार मंदाना, खुला ओसो उचुन गुप्त रूप ते कार्रवाईंग कियाना बोरे वेने कार्यकर्ता लोरा मुने क्वोमिंगतांग गिरफ्तार कितेकाई या ओरकिन पोयसी हौकना खतरा मतेके, ओनकिन दूसरा इलाका ते लोहचियाना ओसो गुप्त कामकाज हियाना लेवेके ओनकिन फौज लोप्पा बदली किसियाना। जापान ता कब्जा ते मत्ता इलाकांग (शांघाई, नानकिंग, ऊहू, ऊशी लेवेके बदे दूसरा बेहरा, मंझला ओसो सुडला शहर लेवेके देहाती इलाका) लोप्पा वेने मना नीति बुनियादी रूप ते क्वोमिंगतांग इलाकांग लोप्पा लागू कियानादे मंदिता।

7. पोर्णे वेहता कार्यनीति आदेश ता फैसला केंद्रीय कमेटी ता राजनीतिक ब्यूरो ता इंजेटाए मीटिंग लोप्पा किताद मंता। दक्षिण-पूर्व ब्यूरो ओसो फौजी उप-कमीशन ता कामरेड्स लोरकिन तीना पोर्णे आल्सना इंजी निवेदन किया मंता, इदिन पार्टी-संगठनकु ओसो सेना ता सब्बे कार्यकर्ता लोरा नडमा प्रचार कियाना, ओसो दृढ़ता ते लागू कियाना इंजी निवेदन कींता।

8. कामरेड श्यांग इंग किन इद निर्देश किन दक्षिणी आनंद्वेद लोप्पा प्रचार कियाना आदेश हिया मंता, ओसो कामरेड छन ई किन दक्षिण च्यांगसू लोप्पा प्रचार कियाना इंजी आदेश हिया मंता। आल्सना ओसो प्रचार कियाना काम इद चिढ़ी दोरकता पेरके उंदी महीना लोप्पा पूरा आयना। कामरेड श्यांग इंग पूरा इलाका लोप्पा केंद्रीय कमेटी ता नीति अनुसार पार्टी ओसो सेना ता काम कियाना ओसो जिम्मेदारी एतना, ओसो इदिना रिपोर्ट केंद्रीय कमेटी किन लोहना।

## नोट

- 1) दक्षिण चीन छापामार दस्ता, दक्षिण चीन लोप्पा चीनी कम्युनिस्ट पार्टी ता नेतृत्व ते कार्यावाहिंग कियाना बचोनो जापानर-विरोधी छापामार यूनिटकुना पोर्टेल आम मत्ता।
- 2) कू चू-चुंग , लंग शिन ओसो हान त-छिन प्रतिक्रियावादी जनरल मत्तोरा अस्के क्वोमिंगतांग सरकार च्यांगसू, च्यांग, दक्षिणी आनह्वेइ, च्यांगशी ओसो बाकी जागा ने तैनात कीसि मत्ता।
- 3) अद समय ते पूना चौथी सेना ता चौथी ओसो पांचवी कॉलम च्यांगसू-आनह्वेइ सीमा ते ढ्वाए डोड्डा ता घाटी ते उंदी जापान-विरोधी आधार-इलाका ता निर्माण किसोर मत्ता।
- 4) मार्च ओसो अप्रैल 1940 ते आनह्वेइ प्रांत ता क्वोमिंगतांग गवर्नर ली फिन-श्येन ओसो पांचवी युद्ध-इलाका ता क्वोमिंगतांग कमांडर ली चुंग-रन, वीरु इरवुरासी क्वांगशी ग्रुप ता युद्ध-सरदार लोर मत्तोर, आनह्वेइ-हुपे सीमा इलाका लोप्पा मत्ता पूना चौथी सेना ता यूनिटकुना पोर्टे बेहरा स्तर ते हमला कित्तोरा जापान प्रतिरोध लोप्प तोडफोड कियाना ओरा गुनाह किन यांगत्सी डोड्डा ता उत्तर बगिल मत्ता पूना चौथी सेना ता यूनिटकुना कमांडर चांग युन-ई ओसो हुपे-हनान लोप्पा काम कियाना कॉलम ता कमांडर ली श्येन-न्येन कडा विरोध कित्तोर ओसो ओरा हमला किन पेरेके अरहतोरा।
- 5) 1927 ता गलती इत्तेके इगा छन तू-श्यू ना दक्षिणपंथी अवसरवाद मत्तादु आंदू।
- 6) इगा क्वोमिंगतांग ता कट्टरतावादिरा सरगना कियाना च्यांग काई-शेक ना बारे ते वेहत्ताद मत्ता।
- 7) जनवरी 1940 ते चीनी कम्युनिस्ट पार्टी ता केंद्रीय कमेटी ढ्वाए डोड्डा ता उत्तर बगिल ओसो पूर्वी आनह्वेइ, उत्तरी च्यांगसू लोप्पा पूना चौथी सेना ता जापान-विरोधी संघर्ष लोप्पा मदद कियाला काजे आठवी राह सेना ता 20,000 तुकु ज्यादा सैनिक लोहता।
- 8) क्वोमिंगतांग लोप्पा च्यांग काई-शेक गुट खुद ता सशस्त्र सेना किन “केंद्रीय सेना” ता पोर्टेल हीता ओसो बाकी गुट कुना सेनांग किन

“अलग-अलग रकम ता सेनांग” इंजी पोर्टेल तास्ता। इद गुट “अलग-अलग रकम ता सेनांग” संगे भेदभाव कियानदु ओसो ओरा संगे “केंद्रीय सेना” ता लेकका व्यवहार कीवो आयानदु।

- 9) “क्वोमिंगतांग ता मध्यवर्ती” लोरा संगे इगा क्वोमिंगतांग लोप्पा मत्ता उंदी निश्चित कालम ते कम्युनिस्ट-विरोधी कार्वाईंग लोप्पा शामिल आयवा मत्ता या बेकेने शामिल आयवा मत्ता ग्रुपकु ओसो लोकुरा बारे ते वेहताद मंता।
- 10) क्वोमिंगतांग ता “केंद्रीय सेना” च्यांग काई-शेक ना सेना मत्ता, मति ताना लोप्पा उचुन आफिसर ओसो उंदी-रेंडु सेक्षन वेने मत्ता, इदु जापान आक्रमण विरोधी युद्ध ताकनास्के कम्युनिस्ट विरोधी कार्वाईंग लोप्पा ज्यदा शामिल आयवा मत्ता या बेकेने शामिल आयवा मत्ता। “केंद्रीय सेना ता मध्यवर्ती” इत्तेके वीराए बारेते वेहा मंतोम।
- 11) दक्षिण-पूर्वी ब्यूरो चीनी कम्युनिस्ट पार्टी ता केंद्रीय कमेटी बगिल तिंची 1938-41 तास्के दक्षिण-पूर्वी चीन (तीनी लोप्पा च्यांगसू, चच्यांग, आनह्वेइ, च्यांगशी, हुपे ओसो हुनान शामिल मत्ता) लोप्पटा काम ता नेतृत्व कियनोरा

## आखरी एवनल एकता बने कीसि मंदाना

जुलाई 1940

जापानी आक्रमण विरोधी युद्ध ता तीसरी जयंती ओसो चीनी कम्युनिस्ट पार्टी ता स्थापना ता उन्नीसवी जयंती लगभग उंदे बेरा वांता। प्रतिरोध युद्ध ता जयंती मानेमायनास्के नेंडु माटु कम्युनिस्टलोर किन मना जिम्मेदारी ओसो वेने ज्यादा मत्ता लेक्का आया मंता। चीनी राष्ट्र किन बचे कियान जिम्मेदारी सब्बे जापान विरोधी राजनीतिक पार्टिंग ओसो ग्रुपकु अनि पूरा जनता ना हड्डा पोर्हे मंता, मति माटु कम्युनिस्ट लोरा विचार ते मना पोर्हे इदिना जिम्मेदारी ज्यादा मंता। मना पार्टी ता केंद्रीय कमेटी वर्तमान परिस्थिति ता बारे ते उंदी घोषणा जारी कित्ता, अदिना लोप्पा आखरी एवनल प्रतिरोध युद्ध जारी तासना ओसो आखरी एवनल एकता आसी मंदाना इंजी आह्वान कित्ता। माटु इद घोषणा किन दोस्त-पार्टिंग ओसो दोस्त-सेनांग अनि पूरा जनता ना समर्थन दोरकियर इंजी आशा किया मंतोम, खासकर सब्बे कम्युनिस्ट लोर तीना लोप्पा निर्धारित कित्ता कार्यदिशा किन लागू कियाना।

सब्बे कम्युनिस्ट लोर आखरी एवनल प्रतिरोध युद्ध जारी तासना ओसो आखरी एवनल एकता आसी मंदाना ओसो आखरी एवनल एकता आसी मत्तेकेने आखरी एवनल प्रतिरोध युद्ध जारी तासा परमूळांता। अदिन काजे कम्युनिस्ट लोर प्रतिरोध ओसो एकता रेंडासी ना लोप्पा उंदी उदाहरण बने कियाना। मना विरोध ता निशाना केवल दुश्मन ओसो कट्टर आत्मसमर्पणवादीर ओसो कम्युनिस्ट विरोधीलोरे मंतोर बाकी सब्बे लोकुरा संगे माटु एकता कियाना। हर जागा कट्टर आत्मसमर्पणवादीर ओसो कम्युनिस्ट विरोधीर अल्पसंख्या तेने मंतोरा नन्ना उंदी स्थानीय सरकार ता जांच-पडताल कित्तान ताना लोप्पा कुलमिले कीसि 1300 स्टाफ लोप्पाडल 40-50 लोकुर इतेके 4 प्रतिशत तुकू वेने कम लोकुरे कट्टर कम्युनिस्ट-विरोध मंतोर, बाकी सब्बे तोर एकता ओसो प्रतिरोध कियाला तैयार मंतोरा बदे डावुट हिल्वा कट्टर आत्मसमर्पणवादीर ओसो कम्युनिस्ट-विरोधीर किन

माटु हूँडा परखोम इतेके ओरकिन प्रतिरोध-युद्ध लोप्पा फीट वाटना ओसो एकता किन तहस-नहस कियाना अनुमति हीता लेकका आंता माटु आत्मसमर्पणवादिरा दृढ़ता ते विरोध कियाना ओसो मना रक्षा काजे कम्युनिस्ट विरोधी हमलांग ना दृढ़ता ते जवाब हीयाना। इद्रम कीवेके दक्षिणपंथी अवसरवाद लेकका आंता ओसो एकता अनि प्रतिरोध युद्ध किन नुक्सान आंता। मति आत्मसमर्पण ओसो कम्युनिस्ट-विरोधी नीति लागू कियाला अडेमासी मनवा मत्ता सब्बेतोरा पोर्रे एकता नीति लागू कियाना या। बारांकु इतेके ओरा लोप्पा उचुन मुल ता मोक्कम रेंडु रंगिना मंता, उचुन मुल मजबूरी ते इद्रम किया मंतोर ओसो उचुन मुल उचुन कालम काजे भटकेमासी मंतोर एकता कीसि तासना ओसो प्रतिरोध युद्ध जारी तास ला काजे माटु वीर सब्बेतोर किन मना पक्ष ते कियाना। इद्रम कीवके “वामपंथी” अवसरवाद आयार ओसो इदिनगडल वेने एकता ओसो प्रतिरोध युद्ध किन नुक्सान आयार। सब्बे कम्युनिस्ट लोर इदिना पोर्रे डेमासी मंदाना इंदाना पोल्लो किन समझेमायना। नेंडु राष्ट्रीय संकट गंभीर आया मंता ओसो दुनिया ता परिस्थिति लोप्पा वेने वेल्ले बदलाव आया मंता, माटू चीनी राष्ट्र किन बचे कियाना वेल्ले बेहरा जिम्मेदारी किन मना हड्डा पोर्रे तेहाना। माटु जापानी साम्राज्यवादिर किन जरूर हारे कियाना ओसो चीन किन जरूर उंदी आजाद, स्वतंत्र ओसो जनवादी गणराज्य बने कियाना इद लक्ष्य किन पूरा कियाला काजे माटु परताचोर लोकुरा संगे एकता कियाना, ओरू बदे पार्टी, ग्रुप ता सदस्य मत्तेकाई ओसो हिल्वेकाई। कम्युनिस्ट लोर सिद्धांतहीन संयुक्त मोर्चा बने कियानायो, कम्युनिस्ट पार्टी किन नुक्सान कियाना, अदिना पोर्रे नियंत्रण वाटना, ओसो दमन कियाना सब्बे स्कीम कुना विरोध कियाना, ओसो पार्टी लोप्पा मत्ता दक्षिणपंथी अवसरवाद ता विरोध कियाना। मति तीना संगे-संगे कम्युनिस्ट लोर तम्मा पार्टी ता संयुक्त मोर्चा ता नीति ता सम्मान कियाना लोप्पा वेने गलती कियानायो ओसो अदिन काजे प्रतिरोध उसूल पोर्रे आधार आसी इंजे वेने जापान ता प्रतिरोध कियाला आल्सना सब्बे लोकुरा संगे एकता कियाना ओसो ओरकिन पार्टी लोप्पा “वामपंथी” अवसरवाद ता विरोध कियाना।

अद्रमे राजनीतिक सत्ता ता बारे ते हूँडतेके माटु संयुक्त मोर्चा ता राजनीतिक सत्ता पक्ष एतिंतोम, माटु उंदे पार्टी ता नेतृत्व ता इतेके बदे वेने दूसरा पार्टी ता नेतृत्व मत्तेकाई या कम्युनिस्ट पार्टी ता मत्तेकाई पक्षपोषण कीवोम आंतोम, मति माटु सब्बे राजनीतिक पार्टिंग, ग्रुपकु, सब्बे समूह कुना जनता ओसो सब्बे सशस्त्र सेनांग ना संयुक्त नेतृत्व, इतेके संयुक्त मोर्चा ता राजनीतिक सत्ता ता पक्षपोषण कींतोमा। बस्के

वेने माटु दुश्मन ता इलाका लोप्पा दुश्मन ता कठपुतली-शासन किन नष्ट कींतोम इतेके, अद समय ते माटु मना पार्टी ता केंद्रीय कमेटी ता निर्धारिध “तीन-तिहाई व्यवस्था” पोर्णे अमल कियाना, अस्केने सब्बे सरकारी ओसो जन-प्रतिनिधिरा संगटन कुना लोप्पा कम्युनिस्ट लोरकिन एक-तिहाई जागा दोरकिंता ओसो बाकी दो-तिहाई प्रतिरोध ओसो जनवाद ता पक्षपोषण कियाना बदे वेने पार्टी या ग्रुप ता सदस्य मंदानोराई लेवेके हिल्वोर किनाई दोरकिंता। जापान-विरोधी राजनीतिक सत्ता लोप्पा हर राजनीतिक पार्टी, ग्रुप किन बस्के एवनल इवु आत्समसमर्पणवादी ओसो कम्युनिस्ट-विरोधी बनेमायो आंता अस्के एवनल इविन तन्ना अस्तित्व बचे कीसि तासना ओसो तन्ना गतिविधिंग जारी तासना अधिकार मंदिंता।

सशस्त्र सेनांग बारे ते मना पार्टी ता घोषणा लोप्पा माटु “मना पार्टी-संगटनकु बदे वेने दोस्त-सेना लोप्पा फैले कियानायो” इंदाना फैसला किन अमल कियाना। स्थानीय पार्टी-संगटनकु इद फैसला ता सख्त अमल किवेके अविनकिन तुरंत तन्ना गलती सुधरे कियाना। अब सब्बे सशस्त्र सेनांग, आठवी राह सेना ओसो पूना चौथी सेना संगे फौजी टकराव कीवा मंदानाविना संगे दोस्तपूर्ण रुझान लागू कियाना। टकराव पैदा कित्ता या इद्रम कियाना बंद कित्ता सेनांग संगे वेने दोबारा दोस्तीपूर्ण संबंध बने कियाना। सशस्त्र सेनांग काजे मना संयुक्त मोर्चा ता नीति इदे मंता।

बाकी वित्तीय, आर्थिक, सांस्कृतिक, शैक्षणिक मुद्दांग ओसो जासूसी-विरोधी समस्यांग, प्रतिरोध कियाला काजे मनम अलग-अलग वर्ग कुना हितकुन ध्यान ते तासीसी संयुक्त मोर्चा नीति ता पालन कियाना ओसो दक्षिणपंथी-वामपंथी रेंडासी रकम ता अवसरवाद ता विरोध कियाना।

वर्तमान अंतर्राष्ट्रीय परिस्थिति लोप्पा साप्राज्यवादी युद्ध पूरा दुनिया लोप्पा फैलेमाया मंता अद्रमासी वेल्ले गंभीर राजनीतिक, आर्थिक संकट अनिवार्य रूप ते बचोनो देशकुना लोप्पा क्रांति किन जन्म हियानुंगा। माटु युद्धकु ओसो क्रांतिंग ना उंदी पूना युग लोप्पा मंतोम। सोवियत संघ, साप्राज्यवादी युद्ध ता उरा वेडिय लोप्पा हिरकताद हिल्ले, अद्रमासी दुनिया ता सब्बे उत्पीडित जनता ओसो सब्बे उत्पीडित राष्ट्र कुना मदद आयारा इवु चीन ता प्रतिरोध-युद्ध काजे अनुकूल मंतांगा मति संगे आत्मसमर्पण ता खतरा मुन्ने तुकू ज्यादा बेरसता, बारांकु इतेके जापानी साप्राज्यवाद-दक्षिणी-पूर्वी एशिया पोर्णे आक्रमण ता तैयारी ते चीन पोर्णे तन्ना हमलांग किन तेज किया मंता, इद्रमे अदु चीन ता उचुन ढुलमुल तत्व कुना आत्मसमर्पण काजे लालच तोहियरा प्रतिरोध-युद्ध ता चौथा साल उंदी वेल्ले कठीन

साल मंदिंयरा मना काम सब्बे जापान-विरोधी ताकत किन एकता कियाना, आत्मसमर्पणवादिरा विरोध कियाना, सब्बे कठिन परिस्थितिंग पोर्रों जीत हासिल कियाना ओसो राष्ट्रव्यापी प्रतिरोध पोर्रों डेमासी मंदाना मंता। इद काम किन पूरा कियाला काजे सब्बे कम्युनिस्ट लोर दोस्त-पार्टिंग ओसो दोस्त सेनांग संगे एकता कियाना। माकिन मना पार्टी ता सब्बे सदस्य लोर, दोस्त पार्टिंग ओसो दोस्त सेनांग संगे एकता कियाना इंजी विश्वास मंता। माकिन मना पार्टी सदस्यलोर, दोस्त पार्टिंग ओस दोस्त सेनांग अनि पूरा जनता ना कोशिश कुना संगे माटु आत्मसमर्पण किन रोमी कियाना, मुश्किल परिस्थितिंग पोर्रों जीत हासिल कियाना, जापानी आक्रमणकारीर किन बाहर पूँडना ओसो मना कैद हत्ता इलाकांग किन वापस पोयना लोप्पा जरूर सफलता दोरकी कियाकोम इंजी विश्वास मंता। मना प्रतिरोध-युद्ध ता वायना कालम वेल्ले बेसता मंता।

## नीति ता बारे ते<sup>23</sup>

25 दिसम्बर 1940

भीषण कम्युनिस्ट-विरोधी हमलांग लोप्पा मना लागू कियाना नीति ता निर्णयिक महत्व मंता। मति मना वेल्लेय कार्यकर्ता लोर पार्टी ता वर्तमान नीति ओसो भूमि-क्रांति ताकनास्के पार्टी लागू कित्ता नीति नडमा वेल्ले अंतर मंदाना इंजी समझेमायो आंतोरा। पूरा जापानी-आक्रमण-विरोधी युद्ध लोप्पा मना पार्टी जापान-विरोधी राष्ट्रीय संयुक्त मोर्चा ता नीति किन बदे वेने परिस्थिति ते बदलेमायो ओसो भूमि-क्रांति ता दस साल कुना लोप्पा लागू कित्ता बचोनो नीतिंक किन नेंडु वेने मुनेटा लेककाने लोगू कियानायो इंजी समझेमायना। खासकर भूमि-क्रांति ता आखरी कालम ते लागू कित्ता उग्रवामपंथी नीतिंग किन, नेटा जापानी-आक्रमण विरोधी युद्ध कालम ते बिल्कुले लागू किया परमूडायो ओसो इविन मुन्ने वेने लागू कियाना सही हिल्वा मत्ता। अब इव चीनी क्रांति उंदी अर्ध-औपनिवेशिक देश ता पूंजीवादी-जनवादी क्रांति आंदू ओसो इदु उंदी दीर्घकालीन क्रांति आंदू इंदाना बुनियादी विशेषतांग किन समझेमायवा कारण तेने पैदा आतांग। उग्रवामपंथी नीतिंग ना इचुक उदाहरण - क्वोमिंगतांग ता पांचवी “घेराव कियाना ओसो विनाश कियाना” अभियान ओसो अदिना विरोध ते मना जवाबी अभियान किन प्रतिक्रांति ओसो क्रांति नडमा निर्णयिक लड़ाई मानेयमाना सिद्धांत। (उग्रवामपंथी श्रम ओसो कर नीतिंग) लागू कर पूंजीपति वर्ग ओसो (बंजर भूमि हीसि) धनी किसान लोरा आर्थिक रूप ते उन्मूलन कियाना, (उंदि टुकड़ा जमीन वेने हिवा लेवा) जर्मीदार लोरकिन शारीरिक रूप ते उन्मूलन, बुद्धिजीविरा पोरो हमला, प्रतिक्रांतिकारिरा दमन कित्तास्के “वामपंथी” भटकाव, राजनीतिक सत्ता ता संगटनकुना पोरो कम्युनिस्ट लोरा एकाधिकार, आम शिक्षा लोप्पा केंद्रीय लक्ष्य ता रूप ते कम्युनिज्म किन पेश कियाना, अति-वामपंथी सैन्य नीति (बेहरा शहरकु ना पोरो हमला कियाना ओसो गुरिल्ला युद्ध ता भूमिका निभे कियाला इनकार कियाना); श्वेत इलाकांग लोप्पा काम

कियाना ता बारे ते लागू कित्ता अभियानवाद ता नीति, अनुशासन-संबंधित तरीकांग ना दुरुपयोग कीसि कामरेड्स ना पोर्रे हमला कियाना पार्टी लोप्पा<sup>24</sup> लागू कित्ता नीति - इव सब्बे उग्रवामपंथी नीति प्रथम महान क्रांति ता अंतिम कालम लोप्पा छन-तू-श्यु लागि कित्ता दक्षिणपंथी अवसरवाद ता बिल्कुल उलट "वामपंथी" अवसरवाद का गलत अभिव्यक्ति मत्ता। प्रथम महान क्रांति ता आखिरी कालम ते केवल एकता कियाना संघर्ष कियानाओ ता नीति अपना कीस मत्तोम, मति भूमि क्रांति ता अंतिम काल लोप्पा केवल संघर्ष कियाना ओसो उचुन वेने एकता (सिरफ किसान लोरा बुनियादी तबकाकुन विडिसी) कियानाओ इंजी नीति लागू किस मत्तोम - इव रेंडू आसि अलग-अलग उग्रवादी नीतिंग कुना करंट उदाहरण आंदुंगा। इव रेंडासी उग्रवादी नीतिंग पार्टी ओसो क्रांति किन वेल्ले नुक्सान कीतांग।

जापान-विरोधी राष्ट्रीय संयुक्त मोर्चा ता बारे ते नेंदु मना नीति केवल एकता कियाना ओसो बिल्कुल संघर्ष किवा मंदाना ता नीति आयो। लेवेके केवल संघर्ष कियाना ओसो संघर्ष इनपडे कियवा मंदाना नीति वेने आयो। इदु एकता संगे-संगे संघर्ष कियाना नीति आंदू ठोस रूप ते अदु दोड़ रास्ता लेकका मंता।

- 1) जापान-प्रतिरोध ता पक्षपोषण कियाना सब्बे लोकुर किन (सब्बे जापान-विरोधी मजदूर, किसान, सैनिक, विद्यार्थी, बुद्धिजीविर ओसो व्यापारिरा) जापान-विरोधी राष्ट्रीय संयुक्त मोर्चा लोप्पा एकताबद्ध कियाना।
- 2) संयुक्त मोर्चा लोप्पा मना नीति स्वतंत्रता ओसो पहलकदमी ता नीति मंदाना, इत्के एकता ओसो स्वतंत्रता रेंडासीए जरूरी मंतांग।
- 3) फौजी रणनीति लोप्पा मना नीति उंदी एकीकृत रणनीति लोप्पा स्वतंत्र रूप ते ओसो पहलकदमी कैदे तासीसि छापामार युद्ध कियाना मंदिंता। मनम चलायमान लडाई ताकी कियाना बदे वेने मौका दायाला हियानायो।
- 4) कम्युनिस्ट-विरोधी कट्टरतावादिरा विरुद्ध संघर्ष कियानास्के मना नीति अन्तरविरोध ता फायदा एतना, बहसंख्यक लोकुरकिन मना पक्ष ते कियाना, मुट्ठामेंड लोकुरा विरोध कियाना, मना दुश्मन किन उंदी-उंदी कीसि खत्म कियाना मंता। ओसो कानून पोर्रे आधार आसी, अलग फायदा हूडसी संयुक्त रूप ते संघर्ष किसोर मंदाना मंता।

<sup>24</sup> इद पार्टी लोप्पाटा निर्देश कामरेड माझे त्सेतुंग चीनी कम्युनिस्ट पार्टी ता केंद्रीय कमेटी बगिल तिंची रास्ता लेख आंदू

- 5) दुश्मन ता कब्जा ओसो क्वोमिंगतांग शासन मत्ता इलाकांग लोप्पा मना नीति उंदी बगिल संयुक्त मोर्चा किन परताचोन बेहरा स्तर ते विकसित कियाना ओसो दूसरा बगिल मेन-मेन कार्यकर्ता ओसो संगटन किन गुप्त काम कियाना जिम्मेदारी हियानादु मंता। संगटन ओसो संघर्ष कुना स्वरूप ते बारे ते मना नीति मेन-मेन कार्यकर्ता ओसो संगटन कुन लम्बा समय काजे गुप्त काम लोप्पा वाटना, ताकत बेरसी कियाना ओसो वेल्ले बेसका मौका परहकना।
- 6) देश लोप्पा विभिन्न वर्ग कुना नडमा ता संबंध ता बारे ते मना नीति बुनियादी नीति प्रगतिशील ताकत ता विकास कियाना, मध्यवर्ती ताकत कुन मना पक्ष ते कियाना ओसो कम्युनिस्ट-विरोधी कट्टरतावादिर किन अलगाव ता परिस्थिति ते वाटनादु मंता।
- 7) कम्युनिस्ट विरोधी कट्टरतावादिरा बारे ते मना नीति, ओरु बस्के एवनल जापान ता प्रतिरोध कियाना पक्ष ते मंतोर, अस्के एवनल ओरा संगे एकता कियाना, ओसो ओरु बस्के एवनल कम्युनिस्ट पार्टी ता विरोध कियाला काजे संकल्प एतसी मंतोर अस्को एवनल ओरकिन अलगाव ता परिस्थिते वाटसियाना, उंदी क्रांतिकारी दोहरी नीति मंदिता। जापान ता प्रतिरोध कियाना बारे ते हूडतेके, वीर कट्टरतावादिरा वेने रेंडु रंगिना चेहरा मंता, अद्रमासी ओरु बस्के एवनल जापान ता प्रतिरोध कियाना पक्ष एतिंतोर अस्के एवनल मना नीति ओरा संगे एकता कियाना मंता ओसो ओरु बस्के एवनल डुलमुलपन ता रुझान लागू कींतोर अस्के एवनल (उदाहरण तुकू गुप्त रूप ते जापानी आक्रमणकारीरा संगे सांठगांठ कींतोर ओसो वांग चिंग-वेइ अनि बाकी गद्दार लोरा विरोध कियवा मंदितोर) मना नीति ओरा विरुद्ध संघर्ष कियाना ओसो ओरकिन अलगाव ते वाटना परिस्थिति पुट्ठी कियाना मंता। कम्युनिस्ट पार्टी ता विरोध कियाना ता बारे ते कट्टरतावादिरा स्वरूप वेने रेंडु रंगिना मंता, अदिन काजे ओरा बारे ते मना नीति ता स्वरूप वेने रेंडु रंगिनाए मंदाना: बस्के एवनल ओरु क्वोमिंगतांग-कम्युनिस्ट एकता किन खत्म कियाला तैयार आयोर, अस्के एवनल मना नीति ओरा संगे एकता कियाना मंता, मति ओरु मना पार्टी ओसो जनता ता खिलाफ दमनकारी नीति लागू कींतोर ओसो सशस्त्र हमला कींतोर, अस्के मना नीति ओरा विरुद्ध संघर्ष कियाना ओसो ओरकिन अलगाव वाटनादु

मंदिता। इद्रमे रेंडु रंगिना चेहरा ता लोकुर ओसो गद्वार अनि जापान-विरोधी  
तत्व कुना नडमा अंतर किया परिंतो।

- 8) गद्वार ओसो जापान-परस्त लोकुरा नडमा वेने रेंडु रंगिना चेहरा वाले लोकुर  
मंतोर ओरा बारे ते वेने उंदी क्रांतिकारी दोहरी नीति लागू कियाना। ओरू  
बस्के एवनल जापान-परस्त मंतोर अस्के एवनल मना नीति ओरा पोर्णे  
हमला कियाना ओसो ओरकिन अलगाव ते वाटना मंदिता, मति बस्के  
एवनल ओरू डुलमुल आंतोर अस्के मना नीति ओरकिन मना बगिल  
कियाना मंदिता। माटु इद्रमे रेंडु रकमता चरित्र वाले लोकुर ओसो वांग  
चिंग-वेङ्ग, वांग ई-थांग<sup>1</sup> ओसो श यओ-सान<sup>2</sup> लेककाटा गद्वार लोरा नडमा  
फर्क किया परिंतोम।
- 9) माटु उंदी बगिल जापान-परस्त बडे जर्मीदार, बेहरा पूँजीपतिर (प्रतिरोध ता  
विरोध कियानोर), ओसो दूसरा बगिल ब्रिटिश-परस्त ओसो अमेरिका-  
परस्त बडे जर्मीदार, बेहरा पूँजीपतिरा (प्रतिरोध ता पक्ष एतानोर) नडमा  
फर्क कियाना इद्रमे माटु रेंडु रकम चरित्र वाले बडे जर्मीदार, बेहरा  
पूँजीपतिर (जापान ता प्रतिरोध कियाना पक्ष ते मंतोर, मति डुलमुल आया  
मंतोर ओसो एकता कियाना पक्ष ते मंतोर मति कम्युनिस्ट-विरोधी वेने  
मंतोर), ओसो दूसरा बगिल राष्ट्रीय पूँजीपति, मध्यम, निम्न जर्मीदार  
ओसो जागृत शरीफजादालोर (वीरा लोप्पा रेंडु रकम ता चरित्र कम  
मंदिता) लोरा नडमा फर्क कायना। इव फर्क कु ध्यान ते तासीसि माटु मना  
नीति किन निर्धारित कींतोम। पोर्णे वेहत्ता अलग-अलग नीतिंग वर्ग-संबंध  
कुना लोप्पा मत्ता इव फर्क कुना पोर्णे आधार आसी मंतांग।
- 10) माटु साप्राज्यवाद संगे वेने इदे तरीका ते निपटे कींतोम। कम्युनिस्ट पार्टी  
सब्बे रकम ता साप्राज्यवाद ता विरोध कींता, मति माटु उंदी बगिल चीन  
पोर्णे आक्रमण कियाना जापानी साप्राज्यवाद, दूसरा बगिल हमला  
कियवा लेवा कुस्के मत्ता बाकी ता साप्राज्यवादी ताकत कुना नडमा फर्क  
कींतोम, माटु उंदी बगिल जापान संगे एकता कियाना ओसो “मचूक्चो”  
स्वीकार कीसोर मत्ता जर्मन ओसो इटली साप्राज्यवाद, ओसो दूसरा  
बगिल जापान ता विरोध कियाना ब्रिटिश ओसो अमेरिका साप्राज्यवाद  
नडमा फर्क कींतोम, माटु निने म्यूनिख-नीति किन लागू कियानादु ओसो  
जापानी आक्रमण ता विरुद्ध कियाला काजे चीन कियाना प्रतिरोध ता

मोदोल कोयना ब्रिटेन ओसो अमेरिका ओसो नेंडु तन्ना इद नीति किन विड़चसी चीन कियाना प्रतिरोध ता पक्ष ते वायना ब्रिटेन ओसो अमेरिका नड़मा वेने फर्क कींतोमा। मना कार्यनीतिक नियम वेने इदे मंता। अन्तरविरोध ता फायदा एतना, बहुसंख्यक लोकुरकिन मना पक्ष ते कियाना ओसो मुद्वामेंड लोकुरा विरोध कियाना ओसो मना दुश्मन किन उंदी-उंदी कीसि खत्म कियाना। मना विदेशी नीति क्वोमिंगतांग ता विदेश नीति तुकू अलग मंता। क्वोमिंगतांग “दुश्मन केवल उंदे मंता बाकी सब्बे दोस्तलोर” इंजी इंता। अदु पोर्णे-पोर्णे जापान किन विड़चसी बाकी सब्बे देशकुना संगे उंदी लेकका व्यवहार कींता, मति असल ते अदु ब्रिटिश-परस्त ओसो अमेरिका-परस्त मंदिंता। मनम मना बगिल तिंची फर्क कियाना मुन्ने, मनम सोवियत संघ ओसो पूंजीवादी देशकुना नड़मा फर्क कियाना, दूसरा, मनम उंदी बगिल ब्रिटिश-अमेरिका ओसो दूसरा बगिल जर्मनी-इटली नड़मा फर्क कियाना। तीसरा, मनम ब्रिटेन-अमेरिका ता जनता ओसो इव देशकुना साम्राज्यवादी सरकारकुना नड़मा फर्क कियाना। चौथा, ब्रिटेन-अमेरिका म्यूनिख कालम ते लागू कित्ता नीति ओसो ओरा वर्तमान नीति नड़मा फर्क कियाना। इव अंतर कुन ध्यान ते तासीसिए मादु मना नीति पंडा परिंतोमा। क्वोमिंगतांग ता एकदम उल्टा मना बुनियादी नीति युद्ध ता स्वतंत्र रूप ते संचालन कियाना ओसो स्वावलम्बी बने कियाना नियम पोर्णे नितसी विदेशी सहायता किन परताचोन इस्तेमाल कियाना मंता। क्वोमिंगतांग कित्ता लेकका विदेशी सहायता पोर्णे पूरा ए निर्भर आसी मंदाना या बदे आई साम्राज्यवादी गुट संगे टुंडसी मत्ता लेकका मंजी इद नियम किन परित्याग कियानायो।

कार्यनीतिक ता सवाल पोर्णे बचोनो पार्टी-कार्यकर्तालोरा उंदी एकतरफा विचार कु ओसो इदिना कारण ते “वामपंथी” ओसो दक्षिणपंथी नड़मा ता डुलमुलपन किन सुधरे कियाला काजे पार्टी ता हत्ता कालम ओसो वर्तमान कालम ता नीतिंग लोप्पा आयना बदलावकु, घटना-क्रम कुना बारे ते नालुंग बगिल तिंची सही समझदारी हासिल कियाना लोप्पा मदद कियाना। अति-वामपंथी दृष्टिकोण ते पार्टी लोप्पा गडबड किया मंता ओसो इंजे वेने पार्टी काजे मुख्य खतरा बनेमासी मंता। क्वोमिंगतांग शासन कियाना इलाकांग लोप्पा बचोनो मेन-मेन कार्यकर्ता लोर ओसो संगटनकु वेल्ले कालम काजे गुप्त काम लोप्पा मंतोर,

ताकत बरेसी कियाना ओसो बेसता मौका दोरकी कियाना नीति किन बेस लागू किया परसोर हिल्लेर, बारांकु इतेके ओरू क्वोमिंगतांग ता कम्युनिस्ट-विरोधी नीति ता गंभीरता किन वास्तविकता तुकू कम आलिसंतोर। इदिना संगे, बाकी संयुक्त मोर्चा ता प्रचार कियाना नीति किन लागू किया परवोर, बारांकु इतेके ओरू समस्यांग किन वेल्ले हल्को आलिसंतोर अद्रमासी पूरा क्वोमिंगतांग किन बिल्कुले बेकार आलिसंतोर अदिन काजे ओरू बाता कियाना इंजी समझेमाया परवोर आंतोर। इद्रम ता परिस्थिति वेने जापान कब्जा ते मत्ता इलाकांग लोप्पा मंता।

क्वोमिंगतांग शामन ताकना इलाकांग ओसो जापान-विरोधी आधार-इलाकांग लोप्पा दक्षिणपंथी विचार कुना पोर्हो इंजे बुनियादी रूप ते काबू कित्ताद मंता। इव विचार कुन मानेमायनोर संघर्ष किन विड्चसी एकता कियाना पोर्होए जोर हींतोर ओसो जापान ता प्रतिरोध कियाना ता बारे ते क्वोमिंगतांग ता रुझान किन बडे-चडे कीसि हूँडितोर अदिन काजे ओरू क्वोमिंगतांग ओसो कम्युनिस्ट पार्टी नडमा मत्ता उसूली अंतर कुन कमजोर कीसितोर, संयुक्त मोर्चा लोपा स्वतंत्रता, पहलकदमी ता नीति किन ठुकरे कित्तोर, बडे जर्मिंदार वर्ग, बेहरा पूँजीपति वर्ग ता ओसो क्वोमिंगतांग किन खुश किसितोर। जापान विरोधी क्रांतिकारी ताकत कुना साहसपूर्वक विस्तार कियाना ओसो कम्युनिस्ट पार्टी ता विरोध कियाना या प्रतिरोध कियाना क्वोमिंगतांग ता नीति खिलाफ संघर्ष कियाना विड्चसी कै पोर्हो कै वाटसी उदतोरा मति क्वोमिंगतांग ता कम्युनिस्ट-विरोधी “टकराव” ओसो अदिना खिलाफ मना रक्षात्मक संघर्ष कुना कारण ते 1939 ते बचोनो जागा ने उंदी अति-वामपंथी रुझान पैदा आता। इद रुझान किन उचुन समय काजे जेक कित्ताद मत्ता मति इंजे वेने पूराए खत्म आत्ताद हिल्ले ओस बचोनो जागा ने ठोस नीतिंग लोप्पा इदिना प्रभाव इंजे वेने मंता। अदिन काजे मना ठोस नीतिंग किन जांच कियान ओसो निर्धारित कियाना मना काजे वेल्ले जरूरी आंता।

ठोस नीतिंग ना बारे ते सिलसिलेवार निर्देश मना केंद्रीय कमेटी मुन्नेने जारी कित्ता, अदिन काजे इंजे इगा उचुके पोल्लोंग किन सारांश ता रूप ते पेश किया मंतोमा।

**राजनीतिक सत्ता ता संगठन:** “तीन-तिहाई व्यवस्था”, इदिना लोप्पा राजनीतिक सत्ता ता संगटनकुना लोप्पा केवल एक-तिहाई जागा कम्युनिस्ट लोरकिन दोरकिंता ओसो बाकी गैर-कम्युनिस्ट लोरकिन वेने ताना लोप्पा शामिल कियाना

आंता, दृढ़तपूर्वक लागू कियाना। उत्तरी च्यांगसू लेक्काट इलाकांग लोप्पा इतेके जापान-विरोधी जनवादी राजनीतिक सत्ता ता स्थापना कियाना शुरू कित्ता लेक्काटा इलाकांग लोप्पा कम्युनिस्ट लोरा अनुपात एक-तिहाई तुकू वेने कमी कियमूडांता। निम्न-पूंजीपति वर्ग, राष्ट्रीय पूंजीपति वर्ग ओसो कम्युनिस्ट पार्टी ता सक्रिय रूप ते विरोध कियवा मंदाना जागृत शरीफजादा लोरा प्रतिनिधि लोरकिन वेने सरकार ओसो जन-प्रतिनिधि संस्थांग लोप्पा शामिल कियाना ओसो क्वोमिंगतांग लोप्पा मंजी कम्युनिस्ट पार्टी ता विरोध कियवा मंदानोर वेने इविना लोप्पा शामिल आयना अनुमति हियाना। कम संख्या ते दक्षिणपंथिर किन वेने जन-प्रतिनिधि संस्थांग लोप्पा शामिल आयना अनुमति हिया परमूडांता। मना पार्टी ता हर पोल्लो एकाधिकार बिल्कुले मंदानायो। माटु केवल बडे दलाल-पूंजीपति वर्ग ओसो बडे जर्मांदार वर्ग ता एकाधिकार किने आयवा अदिन जागा पोरों कम्युनिस्ट पार्टी ता एकदलीय अधिकार वेने निल्पी कियाना।

**श्रम नीति:-** प्रतिरोध युद्ध लोप्पा मजदूर लोर जोश किन बेरसी कियाला काजे ओरा पिस्वल लोप्पा सुधार कियाना। मति संगेने इद्रम कियानास्के माटु अतिवामपंथी लेक्का बनेमायनायो इंजी वेने गंभीर रूप ते सर्तक मंदाना। तनखा ज्यादा हियाना या काम ता घंटांग कम कियानायो। वर्तमान परिस्थिति ते आठ घंटांग दिया तुकू काम कियानादु पूरा चीन लोप्पा लागू किया परमूडायो ओस उत्पादन ता इलाकांग लोप्पा इंजे वेन दस घंटांग दिया तुकू काम कियानाए अनुमति हियाना। उत्पादन ता बाकी ता इलाकांग लोप्पा काम ता घंटांग अगाटा परिस्थिति अनुसार जरूर लागू कियाना। श्रम ओसो पूंजी नडमा ता कंट्राक्ट उंदी बेरा खत्म आतेके मजदूर लोर किन श्रम-अनुशासन ता पालन कियाना ओसो पूंजीपतिर किन मुनाफा हासिल कियाला हियानायो। लेवेके कारखाना बंद आयर ओसो अदिनगडल प्रतिरोध-युद्ध काजे फायदा आयो आयर ओसो मजदूर लोरा किन वेने नुकसान आयरा विशेष रूप ते देहाती इलाकांग लोप्पाटा पिस्वल ओसो तनखा ता स्तर किन वेल्ले पोरों तेहनायो लेवेके किसान लोर होंग आयनोर, मजदूर लोरा नडमा बेरोजगारी पैदा आयर ओसो उत्पादन कम आयार।

**भूमि नीति:-** पार्टी-सदस्य लोर ओसो किसान लोरकिन भूमि-क्रांति कियाना समय आयो ओसो भूमि-क्रांति ताकानास्के लागू कित्ता बचोनो सिलेसिलेवार तरीकांग किन नेटा परिस्थिति ते लागू किया परमूडायो इंजी समझे किसियाना। उंदी बगिल मना वर्तमान नीति लोप्पा जर्मांदार लगान ओसो सूद लोप्पा कटौती कियानोर,

मति इद्रम कित्तेके जापान ता प्रतिरोध कियाला काजे बुनियादी किसान समुदाय ता सक्रियता किन जागृत कियाला काजे मदद आंता, मति इदु कटौती वेल्ले ज्यादा मंदानायो इंजा मंदाना आम रूप ते भूमि लगान लोप्पा 25 प्रतिशत ता कटौती कियाना, ओसो किसान समुदाय इदिनकु ज्यादा कटौती कियाना मांग कित्तेके किसान लोरकिन तम्मा उत्पादन ता 60 या 70 प्रतिशत हिस्सा तम्मगा तासना अनुमति हीसियाना, मति इदिनकु ज्यादा ता अनुमति हियानायो। कर्ज काजे हियाना सूद लोप्पा कर्ज लेन-देन कियाना संभव आया परवा लेकका कटौती कियानायो। दूसरा बगिल मना नीति लोप्पा किसान लगान ओसो सूद निहाना ओसो जर्मीदार भूमि ओसो बाकी सम्पत्ति पोर्रे तन्ना अधिकार तासना इंजी मंदाना। व्याज दर वेल्ले कम वेने मंदानायो, बारांकु इत्तेके किसान लोर किन कर्जा एतना मुश्किल आयार ओसो पाड़ना कर्जा ता हल वेने गिरवी तासता जमीन किन मुफ्त ते वापिस पोयना लेकका वेने मंदानायो।

**कर नीति:-** कर आमदनी ता अनुसार मंदाना। वेल्ले गरीब लोकुर किन कर लोप्पा छूट हियाना, आमदनी वाले बाकी सब्बे लोकुर राज्य किन कर हियाना, इत्तेके कुल संख्या ता 8.0 प्रतिशत तुकू ज्यादा लोकुर (तीना लोप्पा मजदूर किसान वेने शामिल मंतोर) इद जिम्मेदारी एतना, पूरा बोजा जर्मीदार ओसो पूंजीपतिरा हड्डा पोर्रे ने वायनायो। सेना काजे धन जमा कियाना साधन ता रूप ते लोकुर किन गिरफ्तर कीसि जुर्माना वाटना प्रथा पोर्रे पाबंदी वाटना। बस्के एवनल माटु उंदी पूना ओसो बेसता कर-व्यवस्था बने किवोम, अस्के एवनल माटु क्वोमिंगतांग ता वर्तमान कर-व्यवस्था किनए सही तरीका ते संशोधन कीसि इस्तेमाल कियाना।

**जासूसी-विरोधी नीति:-** कट्टर गद्दार ओसो कम्युनिस्ट-विरोधी लोरा पोर्रे माटु दृढ़ता ते दमन कियाना, लेवेके माटु जापान-विरोधी क्रांतिकारी ताकत कुना रक्षा कियाना लोप्पा विफल आंतोमा। मति वेल्ले ज्यादा मारपीट कियानायो ओसो बोराई बेगुनाह मानेय किन अपराधी बने कियानायो। प्रतिक्रियावादीरा नड़मा डुलमुल मंदानोर विचार हिल्वा लेकका काम कियानोरा सगे माटु नरम व्यवहार कियाना। अपराधिरा पोर्रे मुकदमा ताकी कियानास्के ओरकिन हियाना शारीरिक दंड किन दृढ़ता ते समाप्त कियाना। मुकदमा लोप्पा पेश कित्ता सबूत कुना पोर्रे आधार आसी न्याय कियाना। युद्ध लोप्पा मना बंदी बने कित्ता जापानी सैनिक, कठपुतली सैनिक या कम्युनिस्ट-विरोधी सैनिक लोरा बारे ते मना नीति, जनता ना होंग बोना पोर्रे ज्यादा मंतायो ओरकिन, ओसो बोनकिन पोर्रे कमेटी तिंची हौकना आदेश वाता

ओरकिने हौकसियाना, बाकी सब्बे तोरकिन रिहा कियाना। युद्ध बंदी लोरा नड़मा प्रतिक्रियावादी सेना लोप्पा मजबूरी ते शामिल आत्तोर, मति क्रांति ता उचुन-उचुन समर्थन कियानेरा संख्या ज्यादा मंता, इद्रम तोरकिन मना सेना ते सेवा कियाला काजे मना पक्ष ते कियाना, बाकी सब्बेतोर किन रिहा कियाना, ओरु मना खिलाफ लड़ाई लोप्पा दोबारा बंदी बनेमातेके वेने ओरकिन रिहा कियाना। माटु ओरकिन अपमान कियानायो, ओरा व्यक्तिगत सामान पोयनायो यो ओरकिन विचार बदले कियाला मजबूर कियवा लेवा स्पष्ट ओसो नरम व्यवहार कियाना। ओरु बचोन प्रतिक्रियावादी मत्तेकाई, मना नीति इदे मंदाना। प्रतिक्रियावादी ग्रुप किन अलगाव ता परिस्थिति ते वाटाला काजे इद वेल्ले कारगर मंता। गद्दार लोरा लोप्पाटल कट्टर अपराधी लोर किन विड्चसी बाकित्तोर तम्मा कम्युनिस्ट-विरोधी गतिविधिंग किन विड्चतेके ओरकिन सुधरेमायाना मौका हियाना: ओसो ओरु वापस हंजी क्रांति ता पांत लोप्पा शामिल आयला इंतोर अस्को ओरकिन दोबारा शामिल आयना अनुमति हियाना आंता, मति ओरकिन दोबारा पार्टी लोप्पा शामिल आयना अनुमति हियानायो। क्वोमिंगतांग ता आम खुफिया एजेंट लोर ओसो जापानी जासूस, चीनी गद्दार लोर किन उंदे नजर ते हूड़ानायो। वीर इरवुरासीरा स्वरूप लोप्पा फर्क कियाना, ओसो अदिना अनुसारे ओरा संगे व्यवहार कियाना। बदे वेने सरकारी या गैर-सरकारी संगटन गिरफ्तार किया परना परिस्थिति किन खत्म किसियाना। प्रतिरोध-युद्ध ता हित ते क्रांतिकारी व्यवस्था ता स्थापना कियाला काजे गिरफ्तारिंग कियाना अधिकार, युद्ध ता कार्रवाईंग लोप्पा सेना ता इकाईंग कुना अपवाद सेग केवल सरकारी न्यायिक या सार्वजनिक सुरक्षा एजेंसिंग किन गिरफ्तार कियाना अधिकार इंजी निर्धारित किसियाना।

**जनता ना अधिकार:-** जापानी आक्रमण विरोधी युद्ध ता खिलाफ हिल्वा सब्बे जर्मांदार ओसो पूंजीपतिर किन व्यक्तिगत अधिकार, सम्पत्ति संबंधित अधिकार ओसो मतदान ता अधिकार मंदिता ओसो मजदूर-किसान लोरा लेक्का भाषण, सभा, संगटन, राजनीतिक ओसो धार्मिक विश्वास ता आजादी मंदियर इंजी स्पष्ट किसियाना। सरकार केवल मना आधार इलाकांग लोप्पा तोड़फोड़ कियाना ओसो दंगा कियानोरा खिलाफ कार्रवाईंग कियार ओसो बाकी सब्बेतोरा रक्षा कियार ओरकिन परेशान किवो आयारा।

**आर्थिक नीति:-** माटु सक्रिय रूप ते उद्योग ओसो कृषि ता विकास कियाना ओसो वस्तु कुना वितरण किन प्रोत्साहन कियाना। पूंजीपतिर मना जापान-विरोधी

आधार इलाकांग लोप्पा वासी तम्मा कारोबार शुरू कियाला आल्सतेके ओरकिन प्रोत्साहित कियाना। निजी कारोबार किन प्रोत्साहन हियाना ओसो राजनीतिक कारोबार किन मना अर्थव्यवस्था ता केवल उंदी हिस्सा समझेमायना। इव सब्बे कियाना ता पेरके मत्ता मना लक्ष्य आत्मनिर्भरता दोरकी कियाना मंता। इदिन सतर्कता ते कियाना बदे वेने उपयोगी कारोबार किन नुकसान कियवा लेवा मना चुंगी नीति ओसो मुद्रा नीति किन कृषि, उद्योग ओसो व्यापार ता विकास कियाना मना बुनियादी नीति अनुसार मंदाना अदिना उल्टा बिल्कुले मंदानायो। आधार इलाकांग किन बचे कियाला काजे ईमानदारी ओसो सतर्कता संगे अर्थव्यवस्था ता संगटन कीसिए आत्मनिर्भरता हासिल किया परितोम, लापरवाही ते आयो।

**सांस्कृतिक ओस सैक्षणिक नीति:-** इद नीति विशाल जन-समुदाय नड़मा, प्रतिरोध-युद्ध काजे जरूरी ज्ञान ओसो कोशल ओसो राष्ट्रीय स्वाभिमान ता भावना किन बेरसी कियाना ओसो प्रचार कियाना काम पोर्ँे केंद्रित आसी मंदाना। पूजीवादी-उदारवादी शिक्षक, सांस्कृतिक दुनिया ता लोकुर, पत्रकार, विद्वान, ओसो तकनीकी विशेषज्ञ लोर किन मना आधार इलाकांग लोपा वायना ओसो स्कूल, समाचार पत्र ताकी कियाना ओसो बाकी काम लोप्पा मना संगे सहयोग कियाना अनुमति हियाना। जापान ता प्रतिरोध काम काजे उचुन-उचुन गिर्दा मंदाना सब्बे बुद्धिजीविग्रा ओसो विद्यार्थिकिन माटु मना विद्यालयकुना लोप्पा दाखिल कियाना, ओरकिन कम समय ते पूरा आयना ट्रेनिंग हिता पेरके सेना, सरकार या जन-संगटन कुना लोप्पा काम कियला काजे ओरकिन चुने कियाना मनम साहस संगे ओरकिन मना बगिल काल्पना, ओरकिन काम सौंपै कियाना ओसो ओरा स्तर बेरसी कियाना। प्रतिक्रियावादिरा लेकका मौक हूड़सी नड़मा नेंगना खतरा ता बारे ते माटु जरूरता तुकू ज्यादाए सतर्क ओसो वेरियसी मंदानायो। अनिवार्य रूप ते इद्रम ता उचुन मुल मना लोप्पा नेंगनूर, मति अध्ययन ओसो काम ताकानास्के ओरकिन तेंडसी बाहर कियाना मौका माकिन दोरकिंता। हर आधार इलाका लोप्पा माटू प्रैस स्थापित कियाना, पुस्तक ओसो अखबार कुना प्रकाशन कियाना अविना वितरण कियाना ओसो अविन पडेमायनोरगा एवनल एवसी कियाना व्यवस्था कियाना। संभव आताचोन हर आधार इलाका लोप्पा कार्यकर्ता लोरा ट्रेनिंग काजे बेहरा-बेहरा स्कूल खोले कियाना, इव स्कूल कु बचोन बेहरा मत्तेके अचोन बेस आंता।

**सैन्य नीति:-** आठवी राह सेना ओसो पूना चौथी सेना ता ज्यादा प्रचार कियाना, बारांकु इत्तेके इदु जापानी-आक्रमण विरोधी युद्ध किन ताकी कियाना चीनी

जनता ना सबसे विश्वासनीय सशस्त्र सेना आंदू बस्के एवनल क्वोमिंगतांग फौजकु मावा पोरो हमला कींवोंग अस्के एवनल ओरा पोरो हमला कियवा मंदाना मना नीति किन माटु जारी तासना, ओरकिन मना दोस्त बने कियाना पूरा कोशिश कियाना। मना सेना ता निर्माण लोप्पा सहायता कियाला काजे, मना समर्थन कियाना अफसर लोर किन (ओरु क्वोमिंगतांग ता सदस्य मत्तेकाई, बदे दूसरा ग्रुप ता सदस्य मत्तेकाई) आठवी राह सेना ओसो पूना चौथी सेना लोप्पा शामिल कियाना पूरा कोशिश कियाना। मना सेनांग लोप्पा हर जागा बेहरा संख्या मंदना कारण ते हर चीज पोरो कम्युनिस्ट लोर दखल मंदिता, इद परिस्थिति किन बदले कियाला काजे जरूर बातलाई कियाना। मना मुख्य सेनांग लोप्पा “तीन-तिहाई व्यवस्था” लागू कियानायो मति मति बस्के एवनल सेना ता नेतृत्व मना पार्टी ता कैदे मंता (इदु उंदी अनिवार्य रूप लागू कियाना जरूरी मंता) अस्के एवनल मना सेना ता सेना ओसो तकनीकी विभाग कुना निर्माण कियाना काम ते वेने वेल्ले संख्या ते समर्थक लोर शामिल आयना तुकू वेरियना जरूरत हिल्ले। नेंदु मना पार्टी ओसो मना सेना ता विचारधारात्मक ओसो संगठनात्मक बुनियादी मजबूत आत्ताद मंता, मना कैडर लोप्पा समर्थक लोरकिन (तोडफोड कियानोर किन आयो) बेहरा संख्या ते शामिल कीतांकु बदे खतरा हिल्ले, इदु निज्जमे उंदी अनिवार्य नीति आंदू बारंकु इत्तेके इद्रम कीवेके पूरा देश ता समर्थन हासिल कियाना ओसो मना क्रांतिकारी ताकत कुना प्रचार कियाना मुश्किल आयारा।

संयुक्त मोर्चा ता कार्यनीति ता इव सब्बे उसूल कु ओसो इविना अनुसार निर्धारिक कित्ता ठोस नीतिंग किन पूरा पार्टी दृढ़ता ते लागू कियाना। नेंदु जापानी आक्रमणकारी चीन ता विरुद्ध तम्मा आक्रमण किन ओसो ज्यादा तेज कीसोर मत्तेकाई बडे जर्मांदार वर्ग ओसो बेहरा पूंजीपति वर्ग ता कम्युनिस्ट पार्टी ओसो जनता ना पोरो दमनकारी नीतिंग लागू कीसोर मत्तेकाई ओरा पोरो सशस्त्र हमलांग कीसोर मत्तेकाई जापानी आक्रमण विरोधी युद्ध किन जारी तासना संयुक्त मोर्चा ता विस्तार कियाना, पूरा जनता ना समर्थन हासिल कियाना ओसो वर्तमान परिस्थिति किन सुधरे कियाना तरीकाए स्पष्ट रूप ते पोरो वेहता कार्यनीति ता उसूलकुन ओसो ठोस नीतिंग कुन लागू कियाना मंता। मति गलतिंग किन सुधरे कियानास्के माटु कदम-ब-कदम ताकना, कार्यकर्ता लोरा लोप्पा होंग बेरसना लेकका, जनता ना लोप्पा अविश्वास पुटना लेकका, जर्मांदार लोरा जवाबी हमलांग शुरू आयना लेकका जलदीबाजी कियानायो।

## नोट

- 1) वांग ई-थांग उत्तरी युद्ध-सरदार लोरा कालम ता बेहरा नौकरशाह ओस जापान-परस्त गद्दार मत्तोर। 1935 ते उत्तरी चीन घटनातास्के च्यांग काई-शेक क्वोमिंगतांग सरकार ता नौकरी कियाला काजे ओनकिन वापिस केयताद मत्ता। 1938 ते ओरु उत्तरी चीन लोण्या उंदी जापानी कठपुतली ता रूप ते काम कित्तोर ओसो ओनकि बोगस “उत्तरी चीन राजनीतिक परिषद” ता अध्यक्ष बने कित्ताद मत्ता।
- 2) शयओ-सान वरोर क्वोमिंगतांग युद्ध सरदार मत्तोर, वीरु हमेशा रंग बदले किसोर मंदानोरा जापानी आक्रमण विरोधी युद्ध शुरू आता पेरके ओरु क्वोमिंगतांग ता दसवा सेना ग्रुप ता प्रधान सेनापति मत्तोरः हपे प्रांत ता दक्षिण लोण्या जापानी सशस्त्र सेनांग संगे सांठगांट कीसि आठवी राह सेना पोरो हमला कियाना, जापान विरोधी जनवादी राजनीतिक सत्ता ता संगटन कुना विनाश कियाना ओसो कम्युनिस्ट लोरो ओसो प्रगतिशील लोकुर किन हौकना विडचसी दूसरा बदे काम कीवोर।

# दक्षिण आनंद्रेइ घटना ता बारे ते आदेश ओसो स्टेटमेंट

जनवरी 1941

चीनी कम्युनिस्ट पार्टी ता केंद्रीय कमेटी ता क्रांतिकारी फौजी  
कमीशन ता आदेश  
येनान, 20 जनवरी 1941

राष्ट्रीय क्रांतिकारी सेना ता पूना चौथी सेना प्रतिरोध-युद्ध लोप्पा तन्ना विशिष्ट सेवा संगे देश-विदेश लोप्पा समर्थन हासिल कित्ता। कमांडर ये थिंग दुश्मन ता खिलाफ सेना ता नेतृत्व कियाना लोप्पा उंदी उत्कृष्ट रिकॉर्ड बने कित्तोरा। मति इंजेने इद सेना आदेश ता पालन किसोरे उत्तर बगिल हंजोर मत्तास्के जापान-परस्त गुट विश्वासघात कीसि सेना पोर्हे अचानक हमला कित्ता ओसो लड़ेमासोरे घायल आता, दोगसी मत्ता कमांडर ये थिंग किन जेल ते वाटतोरा इद सेना ता पहली टुकड़ी ता कमांडर छन ई ओसो सेना ता चीफ ऑफ स्टाफ चांग युन-ई लोहता चिढ़ी ना संगे दक्षिण आनंद्रेइ घटना ता पूरा जानकारी दोरकी कित्ता पेरके, कमीशन इद घटना पोर्हे होंग ओसो मना कामरेड्स ना पोर्हे गहराई ते दुःख व्यक्त कित्ता। जापान-परस्त गुट ता प्रतिरोध-युद्ध किन तहस-नहस कियाना, जनता ना सशस्त्र सेनांग पोर्हे हमला कियाना ओसो गृहयुद्ध शुरू कियाना कुन रोमी कियाला काजे लागू कियाना तरीकांग विड्चसी कमीशन छन ई किन राष्ट्रीय क्रांतिकारी सेना ता पूना चौथी सेना ता कार्यवाहक कमांडर लेकका वेने चुनेमातोर, चांग युन-ई किन डिप्टी कमांडर, लाइ छ्वान-चू किन ची ऑफ स्टाफ ओसो तंग चि-हेइ किन राजनीतिक विभाग ता निर्देशक बने कित्तोरा। कार्यवाहक कमांडर छन ई ओसो ओना सहयोगी लोर तम्मा कोशिश सेना किन मजबूत कियाना ओसो पांत कुना एकता किन सुदृढ़ बने कियाना, जनता संगे बेसता व्यवहार कियाना, मूँड जन-सिद्धांत कुन अमल कियाना, डा. सुन यात-सेन ना वसीयतनामा पोर्हे नितसी मंदाना, जापान विरोधी राष्ट्रीय संयुक्त मोर्चा किन सुदृढ़ ओसो विस्तृत कियाना काम लोप्पा वाटना, जनता ओसो देश ता रक्षा कियाना, प्रतिरोध युद्ध आखरी एवनल ताकी कियाना ओसो जापान-परस्त गुट ता हमलांगनगडल मनाकिन बचे कियाना कोशिश कियाना।

# चीनी कम्युनिस्ट पार्टी ता केंद्रीय कमेटी ता क्रांतिकारी फौजी कमीशन ता प्रवक्ताल शिनह्वा समाचार एजेन्सी ता संवाददाता किन हीता स्टेटमेंट

22 जनवरी 1941

Fo

इंजे आता कम्युनिस्ट-विरोधी दक्षिणी आनहेइ घटना ता तैयारी वेल्ले समय तिंची ताकसोर मत्ता। वर्तमान घटनाक्रम ता विकास उंदी राष्ट्रव्यापी संकट-काल ता शुरुआती कालम आत्ता लेकका मंता। बस्केटल जापानी आक्रमणकारिर जर्मन ओसो इटली संगे तम्मा त्रिपक्षीय एकता<sup>1</sup> कित्तोर, अस्केटल चीन-जापान युद्ध ता निर्णय जल्दी एतना इंजी ओरु चीन लोप्पा बदलाव कियाना तम्मा कोशिश किन बेरसी कित्तोर। ओरा लक्ष्य जापान-विरोधी आंदोलन किन खत्म कियाला काजे चीन ता इस्तेमाल कियाना मत्ता ओसो जापान ता दक्षिण बगिल दायला काजे अदिना इलाका किन मजबूत कियाना मत्ता, इद्रम कित्तेके ब्रिटिश ता खिलाफ हिटलर ना आक्रमणात्मक कार्रवाई संगे तालमेल कियाला काजे दक्षिण बगिल दायना आजादी दोरकिंता। जापान-परस्त गुट ता वेल्ले लोकुर क्वोमिंगतांग ता पार्टी, सरकार ओसो सेना ता संगटनकुना लोप्पा वेल्ले समय तिंची मंतोर, वीरा गतिविधिंग नरका-पियल ताका मंतांग। ओरा षड्यंत्र कुना तैयारिंग हत्ता साल ता आखरी एवनल पूरा आसी मंतांग। दक्षिणी आनहेइ लोप्पा पूना चौथी सेना ता यूनिटकुना पोर्टे हमला ओसो 17 जनवरी ता प्रतिक्रियावादी आदेश जारी कियाना इद षड्यंत्र ता पहली निशाना आंदु। इंजे उंदी पेरके उंदी वेल्ले गंभीर घटनांग आयनुंगा। जापानी आक्रमणकारिंग ओसो जापान-परस्त गुट ता षड्यंत्र ता विस्तृत विवरण दोड़ रास्ता लेकका मंता।-

1. हो इंग-छिन ओसो पाए छुंग-शी बगिल तल चू तेह, फंग त-ह्वाए, ये थिंग ओसो श्यांग इंग पोर्टेल 19 अक्तूबर ओसो 8 दिसम्बर ते लोहता रेंडु चिट्ठिंग<sup>2</sup> ते प्रकाशित कियाना, इद्रम कित्तेके लोकुरा समर्थन दोरकिंता।
2. गृहयुद्ध शुरू कियाना तैयारिंग काजे समाचारपत्र लोप्पा फौजी अनुशासन ओसो फौजी आदेश कुना पालन कियाना महत्व ता प्रचार कियाना।
3. दक्षिण आनहेइ लोप्पा मत्ता पूना चौथी सेना ता यूनिटकुन खत्म कियाना।

- पूना चौथी सेना “बगावत” कित्ता, अदिना सरकारी पोर्टल खत्म कियाना इंजी ऐलान कियाना। इव नालुंग कदम तेहा परिंतोमा।
- थांग अन-पी, ली फिन-श्येन, वांग चुंग-ल्येन ओसो हान त-छिन किन मध्य चीन ता “कम्युनिस्ट दमनकारी” अलग-अलग राह सेनांग ना कमांडर लोरा रूप ते नियुक्त कियाना, ली चुंग-रन किन सर्वोच्च सेनापति ना रूप ते नियुक्त कियाना, जापानी फौजकुना घनिष्ठ सहयोग संगे फंग श्वे-फंग, चांग युन-ई ओसो ली श्येन-न्येन ना कैदे मत्ता पूना चौथी सेना ता यूनिट कुना पोरों हमला किया परमूङ्ठांता, इद्रम किया परवेके मुन्ने हंजी आठवी राह सेना ओसो पूना चौथी सेना ता शानतुंग ओसो उत्तरी च्यांगसू ते मत्ता यूनिटकुना पोरों हमला कियाना मुश्किल आयारा।
- आठवी राह सेना “बगावत” कित्ता इंजी, अदिना सरकारी पोर्टल खत्म कियाना ओसो चू तेह अनि फंग त-ह्वाए ना गिरफ्तारी ता आदेश जारी कियाना इंजी ऐलान कियाला काजे बहाना पहरकना।
- चाउ एन-लाई, ये चिएनयिंग, तुंग पी-वू ओसो टेंग यिंग-चाओ किन गिरफ्तार कियाला काजे छुंगकिंग, शीआन ओसो क्वेइलिन लोप्पा आठवी राह सेना ता संपर्क मत्ता कार्यालय कुन बंद किसियाना। इदु काम क्वेइलिन लोप्पा संपर्क मत्ता कार्यालय कुना बंद कियाना कार्खाई संगे शुरू आता।

इदु काम क्वेइलिन लोप्पा संपर्क कार्यालय बंद कियाना कार्खाई संगे शुरू

आता

- “नव चीन दैनिक” किन बंद कियाना।
- शेनशी-कानसू-निंगश्य सीमा इलाका पोरों आक्रमण कियाना ओसो येनान पोरों कब्जा कियाना।
- छुंगकिंग ओसो विभिन्न प्रान्त लोप्पा जापान ता प्रतिरोध कियाना पक्षपोषण कियाना लोकुर किन वेल्ले बेहरा संख्या ते गिरफ्तार कियाना ओसो जापान-विरोधी आंदोलन किन खत्म कियाना।
- सब्बे इलाकांग लोप्पा कम्युनिस्ट पार्टी ता संगटन कि तहस-नहस कियाना ओसो बेहरा संख्या लोप्पा कम्युनिस्ट लोर किन धर-पकड़ कियाना।

12. मध्य ओसो दक्षिणी चीन संगे जापानी फौजकु पेरके गुचतास्के, क्वोमिंगतांग सरकार ता “पोहता प्रदेश कुन दोबारा हासिल कियाना” ऐलान कियाना संगेने “सम्मानपूर्ण शांति” ता स्थापना जरूरत मंता इंजी प्रचार कियाना।
13. जापान तन्ना फौज कुन मध्य ओसो दक्षिणी चीन ता मदद काजे उत्तरी चीन लोप्पा हंजी आठवी राह सेना पोर्रो वेल्ले बेहरा हमला कियाना ओसो क्वोमिंगतांग फौज कुना संगे एकत कीसि पूरा आठवी राह सेना ओसो पूना चौथी सेना किन खत्म कियाना।
14. आठवी राह सेना ओसो पूना चौथी सेना पोर्रो लगातार आक्रमण जारी तासना संगे-संगे क्वोमिंगतांग फौज ओसो जापानी फौज कुना नडमा सब्बे मोर्चांग पोर्रो हत्ता साल ता लडाई-बंदी ता परिस्थिति जारी तासना अस्केने अदिन उंदी आम युद्ध-विराम ओसो शांतिपूर्ण समझौ-वार्ता ता परिस्थिति ते बदले कियाना आंता।
15. क्वोमिंगतांग सरकार ता जापान संगे उंदी शांति समझौता पोर्रो हस्ताक्षर कियाना ओसो त्रिपक्षीय एकता लोप्पा अदिन शामिल आयना।  
इदविन पूरा कियाला काजे इस्सल सक्रियता ते तैयारिंग ताका मंतांग।  
जापान ओसो जापान-परस्त गुट ता षड्यंत्र ता सामान्य रूप रेखा इद्रमे मंता। चीनी कम्युनिस्ट पार्टी ता केंद्रीय कमेटी 7 जुलाई 1939 ता घोषणा पत्र लोप्पा वेहता: “वर्तमान परिस्थिति लोप्पा आत्मसमर्पणवाद सबसे बेहरा खतरा मंता, ओसो कम्युनिज्म-विरोधी आत्मसमर्पण ता तैयारी काजे तेहाना कदमा” 7 जुलाई 1940 ता घोषणापत्र ते इत्तोर - “आत्मसमर्पण ता खतरा मुन्ने बस्केने इचोन गंभीर रूप ते पैदा आयवा मत्ता, ओसो प्रतिरोध-युद्ध ता मुश्किलकु वेने मुन्ने बस्केने इचोन ज्यादा हिल्वा मत्तांग।” चू तेह, फंग त-ह्वाए, ये थिंग ओसो श्यांग इंग हत्ता साल ते 9 नवम्बर ता चिढ़ी<sup>2</sup> लोप्पा इव पोल्लोंग ओसो ज्यादा ठोस रूप ते पेश कीसि मत्तोर -

देश लोप्पा उचुन मुल आत्मसमर्पण काजे सत्ता साफ कियाना कोशिश ते उंदी कम्युनिस्ट-विरोधी हमला ता साजिश किया मंतोरा ओरु चीन ओसो जापान ता “कम्युनिस्ट लोरा दमन कियाना” ता संयुक्त कोशिश कुना संगे प्रतिरोध-युद्ध किन खत्म कियाला आलिसंतोरा ओरु प्रतिरोध-युद्ध ता जागा ते गृहयुद्ध किन हियाला आलिसंतोर, स्वाधीनता ता जागा आत्मसमर्पण किन हियाला आलिसंतोर, एकता

ता जागा फूट वाटला आलिसंतोर ओसो वेहच ता जागा ते हीकट हियाला आलिसंतोरा ओरा गतिविधिंग वेरी वेस्सना लेक्का मंतांग ओसो ओरा तरीकांग नुक्सानदायक मंतांग। लोकुर वरोर-दुसरोर किन खबर किया मंतोर ओसो वेरियासोर मंतोर। बद डावुट हिल्वा, परिस्थिति इचोन नाजुक मुन्ने बस्केने आत्ताद हिल्लो।

इद्रमे आनहेड घटना ओसो छुंगछिंग लोप्पा मत्ता फौजी परिषद ता 17 जनवरी ता आदेश सिलसिलेवार घटनांग ना केवल उंदी शुरूआत आंदा खासकर 17 जनवरी ता आदेश ता गंभीर राजनीतिक आदेश मत्ता। व्यापक रूप ते निंदा आयना ता खतरा ओसो खुल्लम-खुल्ला इद प्रतिक्रियातिकारी आदेश किन जारी कियानोर किन हूडतेके वीरु फूट वाटना ओसो आत्मसमर्पण कियाना प्लान कित्ता लेक्का दिसिंता। बारांकु इत्तेके चीन लोप्पा बडे जर्मांदार ओसो बेहरा पूंजीपतिर कमजोर वर्ग कुना राजनीतिक प्रतिनिधिर तम्मा मालिक लोरकिन विडचसी उचुन वेने मेलियोर आंतोर, इद्रमतोर दुनिया किन सांगी कियाना लेक्काटाचोन बेहरा जिम्मेदारी बिल्कुले तेहा परवोरा वर्तमान परिस्थिति लोप्पा, आदेश जारी कियानोर किन तम्मा विचार बदले कियाना वेल्ले मुश्किल आंता ओसो पूरा देश ता आपातकालीन कार्बवाई ओसो विदेश तुकू ज्यादा मजबूत राजनीतिक दबाव लेवा इद्रम कियाना संभव आयवा लेक्का मंता। अदिन काजे पूरा राष्ट्र मुन्ने फौरी कार्य परिस्थिति-विकास पोरो वेल्ले सतर्कता ते ध्यान हियाना ओसो प्रतिक्रियावादीर पैदा कियाना बदे वेने संकटकालीन परिस्थिति ता सामना कियला तैयार किया मंतोर तीना लोप्पा उचुन वेने लापरवाही कियानायो। चीन ता वायना कालम ता बारे ते हूडतेके, जापानी आक्रमणकारी ओसो जापान-परस्त गुट तन्ना षड्यंत्र लोप्पा सफल आतेकाई माटू चीनी कम्युनिस्ट ओसो चीनी जनता ओरकिन तम्मा अत्याचारी शासन किन अनिश्चित काल एवनल जारी तासना अनुमति हीवोर आयनूर इंदाना पोल्लो स्पष्ट मंता। माटु परिस्थिति किन काबू कियाला काजे केवल माटे मुन्ने वायवा, इद्रम कियाना मना क्षमता पोरो वेने माकिन पूरा विश्वास मंदाना। परिस्थिति बचोन हीकट पोयसी मतेकाई, बचोन मुश्किल हरीं मतेकाई ओसो बचोनो कुर्बानी हिया लागतेकाई (पूना चौथी सेना ता यूनिटकुना दक्षिणी आनहेड लोप्पा आता नुक्सान इद कुर्बानी ता हिस्सा मत्ता), जापानी आक्रमणकारी ओसो जापान-परस्त गुट ता विनाश जरूर आयारा इदिना कारण दोड रास्ता लेक्का मंता।

1. चीनी कम्युनिस्ट पार्टी किन इंजे हल्कोए धोखा हिया परमूळायो ओसो खत्म वेने किया परमूळायो, 1927 ते आता लेकका। इंजे इगा उंदी तन्ना काल पोर्हो मजबूती ते नितसी मंदाना प्रमुख पार्टी बनेमात्ताद मत्ता।
2. दूसरा पार्टी, ग्रुपकु (इविना लोप्पा क्वोमिंगतांग वेने शामिल मंता) ना वेल्ले सदस्य लोर (वीरु राष्ट्रीय गुलामी ता वेल्ले चिंता कियानोर) जरूर आत्मसमर्पण ओसो गृहयुद्ध कियाला आल्सोर आंतोर।
3. इद्रमे फौज कुना बारे ते वेने इद्रम ता पोल्लोंग कियाना परितोमा अदिना लोप्पा ज्यादातर मजबूर आसी कम्युनिस्ट पार्टी ना विरोध कियाना लेक्काटा सेनांग वेने मंतांग।
4. चीनी जनता ना विशाल बहुसंख्यक विदेशी राष्ट्र ता गुलाम बनेमायला बिल्कुले आल्सो।
5. साप्राज्यवादी युद्ध उंदी महान बदलाव ता गर्ए एवता। साप्राज्यवाद पोर्हो निर्भर आयना ओडेंग ना बचोन प्रचार मत्तेकाई जल्दिए ओरा मालिक लोर विश्वास कियाना लेक्काटो हिल्लेर इंजी समझेमायनूरा। मर्हा अरियर ओसो मूस्कु बिखरे मायनुंग अस्के पूरा परिस्थिति बदले मायरा।
6. बचोनो देशकुना क्रांति शुरू आयाना केवल समय ता सवाल आंदू ओसो निश्चित जीत काजे कियाना संघर्ष ताकनास्के इव क्रांतिंग ओसो चीनी क्रांति उंदी दूसरा ता समर्थन कींता।
7. सोवियत संघ दुनिया ता सबसे शक्तिशाली ताकत आंदू अदुप्रतिरोध-युद्ध किन आखरी एवनल ताकी कियाना लोप्पा चीन किन निश्चित रूप ते सहायता कियारा।

इव सब्बे कारण कुना कारण ते माटु किस्स संगे करसानोर घंडी हिल्ला मंदानोर इंजी आशा कींतोमा इंजे माटु व्यवहारिक रूप ते ओरकिन चेतावनी हिया मंतोम, सतर्क आयमूटा इद किस्सु बदे करसना चीज आयो। मीटू मीवा तोला किन बचे कियमुटू! मीटू दिमाग शांत तासिसी इदिना आल्सतेके, मीटू तुरंत गंभीरता ते दोढ रास्ता पोल्लोंग किन लागू किया लागियर:

1. सर्वनाश ता लाईन ते नितसी मत्ता घोडा ता लगाम पिडंगाटी ओसो भडके कियाना बंद कीमुटा।

2. 17 जनवरी ता प्रतिक्रियावादी आदेश वापस पोयटु ओसो खुल्लम-खुल्ला मीवा गलती कबूल कीमुटा।
3. दक्षिणी आनहेड घटना ता मुख्य अपराधीर हो इंग-छिन, कूचू-थुंग ओसो शांगक्वान युन-श्यांग किन सजा हीमुटा।
4. ये थिंग किन रिहा कीमुट ओसो ओनकिन पूना चौथी सेना ता कमांडर ता पद वापिस हीमुटा।
5. दक्षिणी आनहेड लोप्पा बंदी बने किता सब्बे सैनिक ओसो जब्त किता हथियार कुन पूना चौथी सेना किन वापिस हियाना।
6. दक्षिणी आनहेड लोप्पा धायाल आता पूना चौथी सेना ता सब्बे अफसर, सैनिक लोर ओसो शाहीद आता सब्बे अफसर, सैनिक लोर किन हर्जना हीमुटा।
7. मध्य चीन तल “कम्युनिस्ट दमनकारी” फौज कुन वापस पोयटी।
8. उत्तर-पश्चिम ता नाकेबंदी-लाईन<sup>3</sup> किन खत्म कीमुटा।
9. सब्बे देशभक्त राजनीतिक बंदिर किन रिहा कीमुटा।
10. उंदे पार्टी ता तानाशाही किन खत्म कियाना ओसो जनवादी सरकार बने कियाना।
11. मंड जन-सिद्धांत कुन अमल कियाना ओसो डा. सुन यात-सेन ता वसीयतनामा ता पालन कियाना।
12. जापान-परस्त गुट ता लोकुर किन गिरफ्तार कियाना ओसो देश ता कानून ता अनुसार ओरो पोर्रे मुकदमा ताकी कियाना।

तीना लोप्पा बदे डावुट हिल्ले, इव 12 पोल्लोंग किन अमल कित्तेके परिस्थिति ओसो उंदी बेरा आम दिय्यांग लेकका ओयार ओसो माटु कम्युनिस्ट, पूरा जनता निश्चित रूप ते समस्यांग किन वेल्ले ज्यादा बेरसला हियानायो। लेवेके “ची सुन ना मुश्किलकु च्वानख्वी तिंची शुरू आयवा लोता लोप्पाने पुट्टानुंग, इंजी वेर्री वेस्सा मंता”<sup>4</sup>; दूसरा पोल्लोने प्रतिक्रियावादीर बंडा पोर्रे तल्ला कोहकना लेकका आयर, अस्के माटु वेने बदे सहायता किया परवोम आंतोमा माटु सहयोग किन महत्व हींतोम, मति ओरकिन वेने सहयोग ता महत्व किन समझेमाया लागियरा स्पष्ट रूप ते मनम हियाना विशेष सुविधांग ना वेने उंदी सीमा मंता। इंजे मनन हियाना छूटकुना परिस्थिति मारता। ओरु पहली देब्बा हीतोर, इदु वेल्ले बेहरा देब्बा आंदू। ओरु तम्मा

वायना कालम काजे उचुन वेने चिंता किया मंतोर इत्तेके ओर खुद मुन्ने वासी इलाज कियाना। “उचुक बेड़ांग मायता पेरके वेने कोटाड किन सुधरे कियाला वेल्ले लेट इंजी समझेमायनयो”(इद उंदी चीनी कहावत आंदू) ओरा काजे इद उंदी हायना-पिस्सना ता सवाल आंदू, ओसो माटू ओरकिन इद सलाह हियाना इंजी महसूस कींतोमा मति ओरा लोप्पा बदे फर्क वायो आंता, ओरु ओरा गलत कार्वाईंग जारी तासिंतोर, अस्के चीन ता जनता ओरकिन हूडा परवो आंता, अद्रमासी ओरकिन पेहकिसि वाटसिंता, इद्रम कित्ता पेरके पछतेमातेके बाताले फायदा हिल्ले। इंगो पूना चौथी सेना चीनी कम्युनिस्ट पार्टी ता केंद्रीय कमेटी ता क्रांतिकारी फौजी कमीशन 20 जनवरी ते उंदी आदेश जारी कीसि छन ई किन कार्यवाहक कमांडर, चांग युन-ई किन डिप्टी कमांडर, लाइ छवान-चू किन चीफ ऑफ स्टाफ ओसो तंग चि-ह्वैइ किन राजनीतिक विभाग ता निर्देशक चुने कित्ताद मत्ता। पूना चौथी सेना ता 90,000 तुकू ज्यादा सैनिक इंजे वेने मध्य चीन ओसो च्यांगसू ता दक्षिणी हिस्सा ते मंता, अदु जापानी आक्रमणकारिर ओसो कम्युनिस्ट-विरोधी फौज कुना रेंडु बगिल तल फ्लांक हमलांग (pincer attack) आतेकाई सब्बे मुश्किल कुना सामना किसोरे लडेमासोर मंदिंता ओसो तन्ना राष्ट्र ता ईमानदारी ते सेवा कियाना बस्केने विड्सो आयरा। इद्रम रेंडु बगिल तिंच फ्लांक हमला ना शिकार आयानास्के इदिना दोस्त सेना ता यूनिटकु, आठवी राह सेना ता यूनिटकु कै पोर्रोर कै वाटसी उदसी मनवा लेवा अदिना सहायता कियाला काजे जरूर कोशिश कियानुंग-इंजी नन्ना पकका वेहा परिंतान। छुंगकिन ता फौजी परिषद ता प्रवक्ताल हीता बयान ता बारे ते वडकना इत्तेके, ताना लोप्पा केवल आपसी-विरोधी पोल्लोंग कित्ताद मंता। उंदी बगिल छुंगकिंग ता फौजी परिषद तन्ना आदेश लोप्पा पूना चौथी सेना “बगावत” कित्ता इंजी मत्ता, ओसो दूसरा बगिल प्रवक्ताल पूना चौथी सेना ता लक्ष्य नानकिंग-शांघाई-हांगचओ त्रिकोण इलाका लोप्पा उंदी आधार इलाका बने कियाला काजे दायाना इंजी इत्तोरा। इंजे माटु ओना पोल्लो मानेमातेकाई, नानकिंग-शांघाई-हांगचओ त्रिकोण इलाकांग लोप्पा नेंगनादिन “बगावत” इंदाना आंता या? छुंगकिंग ता प्रवक्ताल अद इलाका लोप्पा पूना चौथी सेना हंजी बोना खिलाफ बगावत कियर? इंजी वेने आल्सोरा। इद इलाका जापानी लोरा कब्जा ते हिल्लेया? अस्के मीटू पूना चौथी सेना किन अद इलाका लोप्पा दायाना तुकू बारांकु रोमी कियाना ओसो दक्षिणी आनह्वैल लोप्पाने अदिन खत्म कियाला बारांकु आल्सा मंतिर? इंगो बदे डावुट हिल्ले! जापानी साम्राज्यवाद ता ईमानदार सेवक लोर इद्रमे कियानूरा। अदिन काजे सफाया-अभियान लोप्पा ओरु

सात डिविजनकु जमा कियाना योजना बनेकित्तोर, अदिन काजे ओरु 17 जनवरी ता आदेश जारी कित्तोर ओसो अदिन काजेए ओरु ये थिंग पोर्हे मुकदमा ताकी कित्तोरा इद्रम कीतेकाई नन्ना इंजे वेने छुंगकिंग ता प्रवक्ताल बिल्कुले बकवल मंतोर इंजी इंतान, बारांकु इतेके ओरु बदे दबाव हिल्वा साप्राज्यवादी योजनांग किन पूरा लोकुरा एक्सपोज किसितोरा।

## नोट

1. त्रिपक्षीय एकता इतेके जर्मनी, इटली ओसो जापान नडमा 27 सितम्बर 1940 ते बरलिन लोप्पा आता त्रिपक्षीय फौजी समझौता।
2. इव रेंडासी बदनाम चिट्ठिंग 1940 ता इंगम कालम ते च्यांग काई-शेक दूसरा कम्युनिस्ट-विरोधी हमला शुरु आतास्के लोहची मत्तोर, इविना पोर्हे क्वोमिंगतांग सरकार ता फौजी परिषद ता चीफ ओसो डिप्टी चीफ जनरल स्टाफ हो इंग-छिन ओसो पाए छुंग-शी ना हस्ताक्षर मत्ता। 19 अक्तूबर ता चिट्ठी लोप्पा दुश्मन कब्जा ते मत्ता इलाकांग लोप्पा दृढ़तापूर्वक लडेमासोर मत्ता आठवी राह सेना ओसो पूना चौथी सेना पोर्हे लज्जा हिल्वा लेकका आरोप वाटतोर, ओसो ओरा पीली डोड्डा ता दक्षिण लोप्पा दुश्मन कब्जा ते मत्ता इलाकांग लोप्पा जापानी लोरा खिलाफ लडेमासोर मत्ता फौजी यूनिटकुन उंदी निश्चित तारीख एवनल पीली डोड्डा ता उत्तर बगिल दायना इंजी जबरदस्ती आदेश हीतोरा। सशस्त्र प्रतिरोध कियाला काजे एकता ता हित ते कामरेड चू तेह, कामरेड फंग त-ह्वाए, कामरेड ये थिंग ओसो कामरेड श्यांग इंग 9 नवम्बर ते हाँ इंग-छिन ओसो पाए छुंग-शी ना पोर्हेल ते लोहता तन्ना जवाब लोप्पा ओरु दक्षिणी आनहेइ लोप्पा मत्ता तम्मा फौजकु उत्तर बगिल गुची किंतोर, मति संगे ने ओरा पोर्हे वाटता आरोप ता वेने मुहतोड़ जवाब हीतोर इंजी मानेमातोर। 8 दिसम्बर ता चिट्ठी, इदिना पोर्हे हो इंग-छिन स पाए छुंग-शी ना हस्ताक्षर मत्ता ओसो 9 नवम्बर ता चिट्ठी ता जवाब मत्ता, कम्युनिस्ट-विरोधी लोकमत तैयार कियाना दूसरा कोशिश मत्तोरा।
3. उत्तर-पश्चिम ते नाकेबंदी-लाईन किन क्वोमिंगतांग प्रतिक्रियावादिर शेन्सी-कान्सू-निंगश्या सीमा इलाका ता आसपास बने कीसि मत्तोरा।

1939 पेरकेटल ओरु स्थानीय लोकुर किन रोजगार कियाल वाटतोर ओसो किलेबंदी, बंडा ना दीवार ओसो गुमियांग कित्तोरा। इद नाकेबंदी-लाईन पश्चिम लोप्पा निंगश्या तल शुरू आसी दक्षिण ता चिंगश्वेइ डोड्डा ता संगे-संगे पूर्व ते पीली डोड्डा एकनल बचोनो इलाकांग लोप्पा बने कित्ताद मत्ता। दक्षिणी आनहेइ घटना ता तुकू मुने इद सीमा इलाका ता घेरेबंदी काजे तैनात मत्ता क्वोमिंगतांग फौजकुना संख्या बेरसिसी 2,00,000 तुकू ज्यादा आता।

4. इदु उदाहरण “कनफ्यूशियस ना सूक्ति-संग्रह” पोर्ऱेल ता लेख तिंची पोयताद मंता। कनफ्यूशियस इद पोल्लो लू राज्य ता मंत्री ची सुन, उंदी सुडला पड़ोसी राज्य चुआन्यू पोर्ऱो हमला कियाना मत्ता।

## दूसरा कम्युनिस्ट-विरोधी हमला किन हारे कित्ता पेरकेटा परिस्थिति<sup>24</sup>

18 मार्च 1941

1. दूसरा कम्युनिस्ट-विरोधी हमला<sup>1</sup>, इदु हो इंग-छिन ओसो पाए छुंग-शी ना चिढ़ी (हत्ता 19 अक्कूबर ता चिढ़ी) तिंची शुरू आता, दक्षिणी आनड्हेइ घटना ओसो च्यांग काई-शेक ना 17 जनवरी ता आदेश<sup>2</sup> संगे तन्ना चरम-बिंदू ते एवता, च्यांग काई-शेक ना 6 मार्च ता कम्युनिस्ट-विरोधी भाषण ओसो जन राजनीतिक परिषद ता कम्युनिस्ट-विरोधी प्रस्ताव<sup>3</sup> अदिना पृष्ठरक्षक-कार्रवाईंग आंदुंगा। इंजेटल परिस्थिति ते उचुन अस्थाई रूप ते सुधेरेमायना लेक्का मंता। इदु परिस्थिति दुनिया ता रेंडु मुख्य साप्राज्यवादी गुट कुना नडमा उंदी निर्णयिक संघर्ष शुरू आया मंता, चीन ता बेहरा पूँजीपति वर्ग ता ब्रिटिश-परस्त ओसो अमेरिका-परस्त ओसो इंजे वेने जापानी आक्रमणकारी विरोध कींता, इंजे क्वोमिंगतांग ओसो कम्युनिस्ट पार्टी ता वर्तमान संबंधकुना लोप्पा अस्थाई रूप ते उचुन सुधार कियाना जरूरी मंता इंजी समझेमायना। इदे आयवा क्वोमिंगतांग, खुद तन्ना लोप्पा मत्ता परिस्थिति ता कारण (अदिना केंद्रीय ओसो स्थानीय सत्ता अधिकारिरा नडमा, सीसी गुट ओसो राजनीति-विज्ञान ग्रुप नडमा, सीसी गुट ओसो फू शिंग सोसायटी नडमा, कट्टरतावादिर ओसो मध्यवर्ती लोकुरा नडमा अन्तरविरोध मंता ओसो सीसी गुट ओसो फू शिंग सोसायटी लोप्पा वेने अन्तरविरोध मंता), स्थानीय परिस्थिति ना कारण (व्यापक जन-समुदाय क्वोमिंगतांग ता अत्याचारी शासन ता विरोध कींता ओसो कम्युनिस्ट पार्टी ता समर्थन कींता), ओसो मना पार्टी ता नीति ता कारण (विरोधी जन-आंदोलन जारी तासना नीति ता कारण), इव संबंध कुना मुश्किल हत्ता पांच महिनांग लेक्का चरम-बिंदू पोर्ने नितसी मंदाना परवो आंता। ओसो इंजे च्यांग काई-शेक किन अस्थाई रूप ते मुश्किल कुन उचुन कम कियाना जरूरत मंता।

2. उचुक दिव्यांग मुनेटा संघर्ष लोप्पाटल क्वोमिंगतांग ता परिस्थिति उचुन खराब आता ओसो कम्युनिस्ट पार्टी ता परिस्थिति लोप्पा उचुन सुधार आता लेक्का दिसिंता, ओसो इव रेंडासी पार्टींग ना तुलनात्मक ताकत लोप्पा आता बदलाव कुना मुख्य तत्व मंता। इव सब्बे पोल्लोंग<sup>25</sup> च्यांग काईशेक किन तन्ना परिस्थिति ओसो तन्ना रुझान पोर्हे दोबारा आल्सला काजे मजबूर कित्तांग। राष्ट्रीय रक्षा पोर्हे जोर हिसोरे ओसो पार्टी ता राजनीति पाड़ना आता, इदु उंदी स्थानीय अंतरविरोधकुनक पोर्हे मंता, वर्ग ओसो पार्टी ता बारे ते निष्पक्षता ढोंग कियाना “राष्ट्रीय नेता” ना रूप ते पेश किया मंतोर, असल इत्तेके ओरु बडे जमीदार वर्ग, बेहरा पूंजीपति वर्ग ओसो क्वोमिंगतांग ता शासन ता रक्षा कियाना तन्ना लक्ष्य किन पूरा कियाला आल्सा मंतोर। मति ओना इद कोशिश केवल धोखा साबित आतेके ओना लक्ष्य नीति संबंधित बदे वेने असली बदलावा आयवेके इदिना लोप्पा बिल्कुले सफलता दोरको आंता।

3. इस्सल ता कम्युनिस्ट-विरोधी हमला ता शुरूआत ते मना पार्टी आम लोकुरा हितकुन सुरता तासिसी समझौता कियाना ओसो छूट हियाना नीति लागू (हत्ता साल 9 नवम्बर ता चेडी लोप्पा वेहत्ता लेक्का) कित्ताद मत्ता अदिन व्यापक जनता ना समर्थ दोरकसी मत्ता, ओसो दक्षिणी आनहेइ घटना पेरके माटु जोरदार जवाबी हमला शुरू कित्ताद (मनम पेश कित्ता 12 मांग कुना रेंडु सेटकु<sup>1</sup>, जन राजनीतिक परिषद लोप्पा शामिल आतेके मनम अस्वीकार कियाना ओसो देशव्यापी विरोध-आंदोलन लोप्पाटल दिस्सना लेक्का) मंता, अविन ओसो उंदी बेरा पूरा जनता ना समर्थन दोरकता। कानून पोर्हे आधार आसी, मना फायदा हूडसी संयुक्त रूप ते संघर्ष कियाना मना नीति पूना कम्युनिस्ट-विरोधी हमला किन हारे कियाला काजे वेल्ले जरूरी मत्ता, अनि इदिना फायदा वेने आता। बस्के एवनल क्वोमिंगतांग ओसो कम्युनिस्ट पार्टी नडमा ता मुख्य मतभेद कुना असली हल दोरको आंता, अस्के एवनल क्वोमिंगतांग ता जापान-परस्त ओसो कम्युनिस्ट-विरोधी गुट कुना दक्षिणी आनहेइ घटना ता खिलाफ ओसो अविना सब्बे रकम ता राजनीतिक, सैनिक उत्पीडन ता खिलाफ सख्त विरोध कियाना आंदोलन जारी तासला काजे ओसो मना मुनेटा मना 12 मांग कुना काजे प्रचार-काम बेरसी कियाना लोप्पा बदे रकम छूट हियानायो।

<sup>25</sup> इद अंदरूनी पार्टी निर्देश कामेरेड माओ त्सेतुंग चीनी कम्युनिकट पार्टी ता केंद्रीय कमेटी बगिल तिंची रासिस मत्तोरा

4. तना शासन ते मत्ता इलाकांग लोप्पा क्वोमिंगतांग मना पार्टी ता ओसो बाकी प्रगतिशील लोकुरा उत्पीड़न कियाना तना नीति लोप्पा ओसो तना कम्युनिस्ट-विरोधी प्रचार लोप्पा बिलकुले ढील वायला हिताद हिल्ले, ओसो मना पार्टी तना सतर्कता बेरसी कियाना। ह्वाए डोड्डा ता उत्तर बगिल मत्ता इलाकांग लोप्पा, पूर्वी आनंदेह लोप्पा ओसो मध्य हुपे लोप्पा क्वोमिंगतांग तना हमलांग जारी तसिंता, मना सशस्त्र सेनांग दृढ़ता ते अदिन हारे कियाना। सब्बे आधार इलाकांग केंद्रीय कमेटी ता हत्ता साल 25 दिसम्बर ता निर्देश<sup>१</sup> ता सख्ती ते पालन कियाना, पार्टी लोप्पा कार्यनीति संबंधित शिक्षा ता कार्य लोप्पा जोर हियाना ओसो उग्रवामपंथी विचार कुन सुधेरे कियाना, अस्केने माटु जापान-विरोधी जनवादी आधार इलाकांग किन वेल्ले जोम टिके कीसि तासा परम्भूङांता। पूरा देश लोप्पाटा सब्बे आधार इलाकांग लोप्पा क्वोमिंगतांग ओसो कम्युनिस्ट पार्टी नडमा आखरी फूट अरता लेवके जल्दीए फूट अरना लेक्का मंता इंदाना गलत मूल्यांकन तिंची पैदा आता बचोनो गलत विचार कुना विरोध कियाना।

## नोट

1. दूसरा कम्युनिस्ट-विरोधी हमला ता विस्तृत विवरण काजे हूडाटूः “क्वोमिंगतांग ता केंद्रीय कार्यकारिणी कमेटी ता ग्यारहवा पूर्ण अधिवेशन ओसो तीसरी जन राजनीतिक परिषद ता दूसरा अधिवेशन ता बारे ते उंदी पोल्लो” (“माओ त्सेतुंग ना संकलित रचनांग”, ग्रन्थ<sup>३</sup>)।
2. इद 17 जनवरी 1941 ते च्यांग काई-शेक राष्ट्रीय सरकार ता फौजी परिषद बगिल तिंची कित्ता प्रतिक्रियावादी आदेश मत्ता, इदु पूना चौथी सेना किन भंग कियाला काजे हीताद मत्ता। विस्तृत विवरण काजे इदे ग्रन्थ लोप्पा “दक्षिणी आनंदेह घटना ता बारे ते आदेश ओसो स्टेटमेंट” पोर्टल ता रचना लोप्पा “स्टेटमेंट” वाले हिस्सा हूडाटू।
3. 6 मार्च 1941 ते च्यांग काई-शेक जन राजनीतिक परिषद ता उंदी मीटिंग लोप्पा उंदी कम्युनिस्ट-विरोधी भाषण हीसी मत्तोरा। तना अदे पाइना पाटा पारसोरे इत्तेके “पूरा राजनीतिक, सैनिक मुद्दांग ना निर्देशन” “एकीकृत” रूप ते कियाना इंदाना लेक्काटवु। ओरु दुश्मन ता पृष्ठभाग

लोप्पा जापान-विरोधी जनवादी राजनीतिक सत्ता ता संगटन कुन भंग कियाना ओसो चीनी कम्युनिस्ट पार्टी ता नेतृत्व ते ताकना जनता ना सशक्त सेनांग किन, अदिना “आदेशकु ओसो योजनांग” ना अनुसार “निर्दिष्ट इलाकांग लोप्पा केंद्रित कियाना” इंजी ऐलान किसितोरा। अदे दिया क्वोमिंगतांग प्रतिक्रियावादिर कब्जा मत्ता “जन राजनीतिक परिषद” उंदी प्रस्ताव पारित कित्ता, ताना लोप्पा च्यांग काई-शेक ना कम्युनिस्ट-विरोधी ओसो जन-विरोधी अपराध कुना बारे ते वेहत्ताद मत्ता ओसो दक्षिणी आनहेड्हे घटना ता खिलाफ तम्मा विरोध प्रकट कियाला काजे परिषद ता मीटिंग लोप्पा शामिल आयना तुकू इनकार कित्ता जन राजनीतिक परिषद ता कम्युनिस्ट सदस्य लोरा पोर्रो भीषण हमला कित्ता।

4. “12 मांग” कुना पहला सेट लोप्पा जन राजनीतिक परिषद ता कम्युनिस्ट सदस्य लोर 15 फरवरी 1941 ते परिषद ता अधिवेशन लोप्पा पेश कित्ताद मत्ता, 12 मांग कुना लेक्काने ‘दक्षिणी आनहेड्हे घटना ता बारे ते आदेश ओसो स्टेटमेंट’ लोप्पा लिस्ट बने कित्ताद मत्ता। दूसरा सेट 2 मार्च 1941 ते जन राजनीतिक परिषद ता कम्युनिस्ट सदस्य लोर च्यांग काई-शेक मुन्ने, परिषद ता अधिवेशन लोप्पा शामिल आयना शर्त ता रूप ते पेश कीसि मत्तोर, ओसो ताना लोप्पा पेश कित्ता मांगकु दोड रास्ता लेक्का मत्तांग।

1. पूरा देश लोप्पा कम्युनिस्ट विरोधी फौजी हमलांग किन तुरंत बंद कियाना।
2. पूरा देश लोप्पा चीनी कम्युनिस्ट पार्टी ओसो सब्बे जनवादी पार्टी-ग्रुपकुना पोर्रो राजनीतिक अत्याचार बंद कियाना, अविन कानूनी मान्यता हियाना ओसो शीआन, छुंगकिंग, क्वेइयांग ओसो बाकी थानांग लोप्पा गिरफ्तार कित्ता सब्बे सदस्य लोरकिन रिहा कियाना।
3. बचोनो जागाने बंद कित्ता पुस्तक कुना दुकान कुना पोर्रोटल प्रतिबंद गुची कियाना ओसो पोस्ट आफिस कुना लोप्पा जापानी विरोध पुस्तक ओसो अखबार कुन जब्त कियाना आदेश कुन रद्द कियाना।

4. “नव चीन दैनिक” पोर्टो वाटता सब्बे प्रतिबंद किन गुची कियाना।
  5. शेनशी-कानसू-निंगश्या सीमा इलाका किन कानूनी मान्यता हियाना।
  6. दुश्मन ता पृष्ठभाग लोप्पा जापान-विरोधी जनवादी राजनीतिक सत्ता ता संगटन कु मान्यता हियाना।
  7. मध्य, उत्तरी ओसो उत्तर-पश्चिमी चीन ता गैरिजन इलाकांग ना विभाजन लोप्पाटा परिस्थिति किन मुन्ने मत्ता लेककाने तासना।
  8. कम्युनिस्ट पार्टी ता नेतृत्व लोप्पा ताकना सशस्त्र सेनांग किन अठरावी ग्रुप-सेना किन विडचसी उंदी दूसरा ग्रुप-सेना ता निर्माण कियाना रेंडु ओसो इद्रम ता कुल 6 फौजी कोर बने कियाना।
  9. दक्षिणी आनहेइ घटना आयनास्के गिरफ्तार कित्ता सब्बे कार्यकर्ता लोर किन रिहा कियाना ओसो इद घटना लोप्पा शहीद आयनोरा परिवार कुना सहायता काजे धन हियाना।
  10. दक्षिणी आनहेइ घटनातास्के गिरफ्तार कित्ता सब्बे सिपाही लोर किन रिहा कियाना ओसो ओरा सब्बे हथियार वापिस कियाना।
  11. सब्बे पार्टिंग-ग्रुप कुना उंदी संयुक्त कमेटी बने कियाना, ताना पेरके हर पार्टी, ग्रुप ता उंदी प्रतिनिधि मंदाना, ओसो क्वोमिंगतांग, ओसो कम्युनिस्ट पार्टी ता प्रतिनिधिर किन इद कमेटी ता क्रमशः अध्यक्ष ओसो उपाध्यक्ष नियुक्त कियाना।
  12. जन राजनीतिक परिषद ता अध्यक्ष-मंडल लोप्पा कम्युनिस्ट प्रतिनिधिर किन शामिल कियाना।<sup>5</sup>
5. 25 दिसम्बर ता निर्देश “नीति ता बारे ते” हेडिंग वाले लेख ता रूप ते इदे ग्रन्थ लोप्पा शामिल कित्ताद मंता।

## दूसरा कम्युनिस्ट-विरोधी हमलांग किन विफल कियाना ता बारे ते निष्कर्ष<sup>25</sup>

8 मई 1941

केंद्रीय कमेटी ता 18 मार्च ता निर्देश लोप्पा वेहता लेकका, दूसरा कम्युनिस्ट-विरोधी हमला खत्म आत्ता। ताना पेरके देश-विदेश ता पूना परिस्थितिंग लोप्पा जापानी-आक्रमण-विरोधी युद्ध जारी तासना परिस्थिति वात्ता। इव पूना परिस्थितिंग लोप्पा इव पूना तत्व जुड़े मातांग - साप्राज्यवादी युद्ध ता विस्तार, अंतर्राष्ट्रीय क्रांतिकारी आंदोलन ता उभार, सोवियत संघ ओसो जापान नड़मा ता बदे बगिल हनवा मंदाना ता समझौता<sup>1</sup>, क्वोमिंगतांग ता राजनीतिक रूप ते कमजोर आयना ओसो कम्युनिस्ट पार्टी ता राजनीतिक रूप ते विकास, ओसो इदे आयवा चीन ता खिलाफ उंदी पूना व्यापक स्तर ता आक्रमण काजे जापान ता इंजेटा तैयारिंग मंतांग। मना काजे इदु मना जापानी-आक्रमण-विरोधी युद्ध ता गढ़िक मंजी जारी तासना लोप्पा देशमेटा जनता किन एकता कियाला काजे ओसो बड़े जर्मांदार वर्ग, बेहरा पूंजीपति वर्ग आत्मसमर्पण ता खतरा पोर्रो ओसो ओरा कम्युनिस्ट-विरोधी ता कमजोर आयना पोर्रो काबू कियाला काजे, इंजेटा कम्युनिस्ट-विरोधी हमला ना खिलाफ मना पार्टी ता वीरतापूर्ण, जीत हासिल कियाना लेक्काटा संघर्ष लोप्पा हासिल कित्ता सबकुना अध्ययन कियाना ओसो अविनगडल करियाना वेल्ले जरूरी मंता।

1. चीन ता रेंडु मुख्य अन्तरविरोध लोप्पाटल चीन ओसो जापान ता नड़मा ता राष्ट्रीय अन्तरविरोध इंजे वेने बुनियादी अन्तरविरोध बनेमात्ता ओसो चीन ता अन्दरूनी वर्ग-अन्तरविरोध इंजे वेने अधीन मत्ता अन्तरविरोध बनेमात्तादु मंता। इदु उंदी राष्ट्रीय दुश्मन मना देश लोप्पा वेल्ले जेक एवनल नेंगता, मना हर चीन लोप्पा निर्णयिक भूमिका निभे कित्ता। बस्के एवनल चीन ओसो जापान नड़मा ता अन्तरविरोध तीव्र मंदियर, अस्के एवनल बड़े जर्मांदार वर्ग, बेहरा पूंजीपति वर्ग (ओरु पूराए गद्वार या आत्मसमर्पण कीसि मत्तेकाई) 1927 ता 12 अप्रैल ता घटना<sup>2</sup>

ओसो 21 मई ता घटना<sup>3</sup> ता पुनरावृत्ति कीसि 1927 लेककाटा परिस्थिति बिल्कुले पैदा किया परमङ्गायो। उचुन कामरेड्स लोर<sup>26</sup> पहला कम्युनिस्ट-विरोधी हमला<sup>4</sup> 21 मई ता घटना ता पुनरावृत्ति आंदू ओसो दूसरा कम्युनिस्ट-विरोधी हमला वेने 12 अप्रैल ता घटना ओसो 21 मई ता घटना ताए पुनरावृत्ति आंदू इंदाना मूल्यांकन किन गलत साबित किसितोरा। वीर कामरेड्स राष्ट्रीय अन्तरविरोध बुनियादी अन्तरविरोध आंदू इंजी मरंगतोर अद्रमासी वीरगडल इद गलती आता।

2. इद्रम ता परिस्थिति लोप्पा क्वोमिंगतांग सरकार ता सब्बे नीतिंग ना निर्देशन कियाना, ब्रिटिश-परस्त, अमेरिका-परस्त बडे जर्मांदार वर्ग बेहरा पूँजीपति वर्ग इंजे वेने रेंडु रंगिना चरित्र वाले वर्ग लेककाने मंता। उंदी बगिल अबु जापान ता विरुद्ध नितसी मंतांग ओसो दूसरा बगिल अबु कम्युनिस्ट पार्टी ओसो कम्युनिस्ट पार्टी प्रतिनिधित्व कियाना व्यापक जनता ना विरोध कींतोरा। ओरा जापान-प्रतिरोध ओसो कम्युनिज्म-विरोध ता वेने तम्मा-तम्मा रेंडु रंगिना चरित्र मंता। ओरा जापान-प्रतिरोध कियाला काजे जापान ता विरुद्ध नितसी मंतोर मति ओरा खिलाफ युद्ध किन सक्रिय रूप ते विरोध कीवोर, वांग चिंग-वेइ ओसो बाकी गदार लोरा सक्रियता ते विरोध कीवोर ओसो बस्के-बस्के ओरु जापान ता शांति दूत लोरा संगे सांठगांठ वेने कींतोरा। ओरा कम्युनिस्ट विरोध ता संबंध ते ओरु कम्युनिस्ट पार्टी ता विरोध कियाना संगे मंता, तानकु वेने मुन्ने हंजी ओरु दक्षिणी आनद्वैद घटना वेने कित्तोर, 17 जनवरी ता आदेश वेने जारी कित्तोर, मति ताना संगे ने ओरु कम्युनिस्ट पार्टी संगे फूट वाटला वेने आल्सोर ओसो इंजे वेने ओरा बारे ते उंदी बगिल हौकना ओसो दूसरा बगिल गाजर ओसो छडी ता नीति लागू कींतोरा। इस्सल ता कम्युनिस्ट-विरोधी हमला ओसो उंदी बेरा इव विचार किन सही साबित कित्ता, चीन ता राजनीति वेल्ले मुश्किल मत्ता कारण ते मना कामरेड्स इदिना पोर्रे वेल्ले गहराई ते ध्यान हियाना वेल्ले जरूरी मंता। बारांकु इतेके ब्रिटिश-परस्त, अमेरिका-परस्त बडे जर्मांदार वर्ग, बेहरा पूँजीपति वर्ग इंजे वेने जापान ता प्रतिरोध किया मंतोर ओसो उंदी बगिल इंजे वेने मना पार्टी किन खत्म कियाना ओसो दूसरा बगिल गाजर ओसो छडी (मिंगता-मिंगता वेहना, कायिता-कायिता तिहना अनु.) वाले नीति लागू कींतोर, अदिन काजे मना पार्टी ता नीति “ओरु मना संगे व्यवहार कित्ता लेककाने, माटु वेने ओरा अद्रमे व्यवहार कियाना”<sup>5</sup>, इतेके माटु डोलतेके, माटु वेने हौकना ओसो ओरु गाजर-छडी

<sup>26</sup> इदु पार्टी निर्देश कामरेड माओ त्सेतुंग चीनी कम्युनिस्ट पार्टी ता केंद्रीय कमेटी काजे रासिस मत्तोरा।

ता नीति लागू कित्तेके, माटु वेने इदे नीति किन लागू कींतोमा इदे क्रांतिकारी दोहरी नीति आंदू बस्के एवनल बड़े जर्मांदार वर्ग ओसो बड़े जर्मांदार वर्ग पूराए गद्दार बनेमायेर, अस्के एवनल इद नीति बदलेमायो।

3. क्वोमिंगतांग ता कम्युनिस्ट-विरोधी नीति ता सामना कियाला काजे कार्यनीतिंग ना उंदी संपूर्ण समूह ता जरूरत मंता ओसो सावधानी या लापरवाही व्यवहार बिल्कुले कियानायो। च्यांग काई-शेक प्रतिनिधित्व कियाना बड़े जर्मांदार वर्ग, बेहरा पूंजीपति वर्ग जनता ना क्रांतिकारी ताकत कुना पोरो दुश्मनी ओसो क्रूरता ता व्यवहार कींतांग, केवल दस साल ता कम्युनिस्ट-विरोधी युद्ध लोप्पाटल साबित आयवा जापानी-आक्रमण-विरोधी युद्ध ताकनास्के आता रेंडु कम्युनिस्ट-विरोधी हमलांग लोप्पाटल खासकर दूसरा कम्युनिस्ट-विरोधी हमला आतास्के आता दक्षिणी आनहेइ घटन तल पूराए साबित आता। जनता ना बदे वेने क्रांतिकारी ताकत च्यांग काई-शेक ना प्रतिक्रांतिकारी नीतिंग ना खिलाफ संघर्ष कियाना विड्चसी दूसरा बदे हरी हिल्ले। इस्सल ता कम्युनिस्ट-विरोधी हमलांग ताकनास्के कामरेड श्या-विरोधी इ-विरोधी अवसरवाद<sup>6</sup> ता कारण ते हारेमातांकु पूरा पार्टी किन गंभीर सबक एतना। मति संघर्ष किन कानूनी रूप ते फायदा हूडसोरे संयुक्त रूप ते ताकी कियाना इव मूंड पोल्लोंग लोप्पाटल बदे वेने उंदी पोल्लो ते कमी मत्तेके, माकिन नुकसान आयार।

4. क्वोमिंगतांग कझरतावादिरा खिलाफ संघर्ष लोप्पा बड़े दलाल-पूंजीपति वर्ग किन, राष्ट्रीय पूंजीपति वर्ग (दलालपन रुझान कम या बिल्कुले हिल्वा मंदाना) तिंची अलग किसियाना, ओसो सबसे क्रूर प्रतिक्रियावादी बड़े जर्मांदार लोरा लोप्पाटल जागृत शरीफजादा लोर ओसो ओसो मामूली जर्मांदार लोरा नडमा फर्के कियाना। इदु मना पार्टी ता मध्यवर्ती वर्ग कुन मना पक्ष ते कियाना ओसो “तीन-तिहाई व्यवस्था” पोरो आधार आसी राजनीतिक सत्ता ता संगटनकुना स्थापना कियाना कोशिश कुना सैद्धांतिक आधार आंदू इंजी केंद्रीय कमेटी ता हत्ता साल मार्च तिंची बार-बार जोर वाटा मंता। इस्सल आता कम्युनिस्ट-विरोधी हमलांग ताकनास्के इदिना सच्चाई साबित आता। दक्षिणी आनहेइ घटना तुकु मुने माटु मना 9 नवम्बर ता चिढ़ी<sup>6</sup> लोप्पा वेहाता रुझान लागू कित्ताद मत्ता, घटना पेरके राजनीतिक जवाबी हमला लोप्पा मना बदलाव काजे वेल्ले जरूरी मत्ता लेवेके माटु मध्यवर्ती वर्ग कुन मना पक्ष ते किया परखोम आसी मनेम, बारांकु इत्तेके ओरु बार-बार हासिल कित्ता अनुभवकुनगडल सबक एतवेके, बस्के एवनल मना पार्टी क्वोमिंगतांग ता

कट्टरपंतिरा खिलाफ दृढ़ संघर्ष बारांकु कियाना इंजी समझेमायोर, अस्के एवनल संघर्ष कीसिए एकता बारांकु हासिल आंता ओसो संघर्ष लेवा एकता बारांकु हासिल आया परवो इंदाना पोल्लो समझेमाया परवोरा क्षेत्रीय सत्ता समूह लोप्पा मत्ता प्रमुख तत्व बड़े जर्मीदार वर्ग ओसो बेहरा पूंजीपति वर्ग संबंध तासिंतांग, आम रूप ते ओरकिन मध्यवर्ती वर्ग ता रूप ते वेने मानेमायना, बारांकु इत्तेके ओरा ओसो बड़े जर्मीदार ओसो केंद्र सरकार किन नियंत्रित कियाना बड़े बुर्जुआ नडमा अन्तरविरोध मंता। पहली कम्युनिस्ट विरोधी हमला लोप्पा सबसे ज्यादा सक्रिय मत्ता येन शी-शान दूसरा घटना लोप्पा उंदी मध्यवर्ती रुझान लागू कित्तोर, मति पहली घटना लोप्पा मध्यवर्ती रुझान लागू कित्ता क्वांग गुट दूसरा घटना लोप्पा कम्युनिस्ट विरोधी पक्ष ते वात्तोर, इदिना अन्तरविरोध इंजे वेने च्यांग काई-शेक गुट संगे मंता, मति इव रेंडासी गुट किन उंदे लेकका समझेमायनायो। इदु बाकी क्षेत्रीय प्रभुत्वशाली समूह कुना पोरो वेल्ले ज्यादा लागू आंता। मति मना कामरेड्स इंजे वेने अलग-अलग जर्मीदार ओसो बुर्जुआ वर्ग कुन उंदे लेकका हूँडितोर, पूरा जर्मीदार वर्ग ओसो पूंजीपति वर्ग दक्षिणी आनहेइ घटना पेरके देशद्रोही बनेमात्ता लेकका। इद चीन ता मुशिकल राजनीति किन सरल समझेमायना आंदू। माटु इद दृष्टिकोण किन लागू कित्तेके ओसो पूरा जर्मीदार वर्ग ओसो पूरा पूंजीपति वर्ग किन क्वोमिंगतांग कट्टरतावादिरा लेककाने समझेमासी मत्तेके माटु खुद किने अलगाव ता परिस्थिति ते वाटसी मनेरोमा। चीनी समाज नडमा तिंची 4 बेहरा ओसो रेंडु बगिल तिंची सुडला मंता इंजी आल्सना ओसो कम्युनिस्ट पार्टी चीन ता समस्यांग किन बस्के एवनल मध्यवर्ती वर्ग ता जनता किन तन्ना पक्ष ते किवो ओसो बस्के एवनल ओरा परिस्थितिंग अनुसार सही भूमिका निभे कियाना लेकका बने कीवो अस्के एवनल चीन ता समस्यांग किन हल किया परवो।

5. चीन ओसो जापान ता नडमा ता अंतरविरोध बुनियादी अन्तरविरोध मंता इंजी परेशान आत्तोर अदिन काजे ओरु चीन लोप्पा वर्ग संबंध कुना गलत मूल्यांकन कित्तोर, अदिन काजे बस्के-बस्के पार्टी ता नीति ता बारे ते वेने परेशान आंतोरा तम्मा दक्षिणी आनहेइ घटना 12 अप्रैल ओसो 21 मई ता घटनांग ना पुनरावृत्ति आंदू इंदाना मूल्यांकन पोरो आधार आसी वीरू हत्ता साल 25 दिसम्बर ते केंद्रीय कमेटी जारी कित्ता नीति-निर्देश इंजे लागू आता हिल्ले इंजी या बिल्कुले लागू आत्ताद हिल्ले इंजी आल्सना लेकका दिसिंतोरा इंजे सब्बे प्रतिरोध ओसो जनवाद काजे नितसी मत्तोर शामिल मंदाना राज्य सत्ता ता जरूरत हिल्ले इंजी आल्सिंतोर, अदिन काजे मजदूर, किसान ओसो शहरी निम्न पूंजीपतिरा राज्य सत्ता ता जरूरत हिल्ले।

ओरु इंजे प्रतिरोध-युद्ध ओसो जनवाद ता पक्षपोषण कियानोरा राजसत्ता ता जरूरत हिल्ले, केवल मजदूर, किसान ओसो शहरी निम्न-पूंजीपति वर्ग ता राजसत्ता ताए जरूरत मंता इंजी आलिसंतोरा। ओरु मनाकाजे इंजे जापानी-आक्रमण-विरोधी युद्ध ताकानास्केटा संयुक्त मोर्चा ता नीति ता वेने जरूरत हिल्वा, दस साल ता गृहयुद्ध ताकनास्के मत्ता भूमि-क्रांति नीति ता जरूरत मंता इंजी आलिसंतोरा। वीर कामरेड्स ना दिमाग ते पार्टी ता सही नीति कम से कम अस्थाई रूप ते अस्पष्ट आता।

6. वीर कामरेड्स किन पार्टी ता केंद्रीय कमेटी क्वोमिंगतांग वाटना फूटकुना खिलाफ तैयार मंदाना इंजी आदेश हीताद मत्ता, इत्तेके सबसे खराब संभव आता घटना-विकास कुना खिलाफ ओरु बाकी संभावनांग किन मरंगतोरा। ओरु बेगा सबसे खराब संभावना काजे तैयारी कियाना वेल्ले जरूरी मंता, इत्तेके अनुकूल संभावनांग किन नजरअंदाज कियानायो इंजी समझेमायोर, इदिना उल्टा, सबसे खराब संभावना काजे तैयार आयनाए अनुकूल संभावनांग पैदा कियाना ओसो अविन वास्तविकता ते बदले कियाना शर्त आंदू। इंजे, माटू क्वोमिंगतांग वाटना फूटकुना सामना कियाला काजे पूराए तैयार मत्तद मंता, अदिन काजे क्वोमिंगतांग हल्कोए फूट वाटा परवो आता।

7. इदिनकु वेने ज्यादा संख्या राष्ट्रीय संयुक्त मोर्चा ओसो वर्ग-संघर्ष ता एकता किन समझेमायवा मंदाना ओसो, संयुक्त मोर्चा संबंधित नीति ओसो वर्ग-नीति किन समझेमाया परवा कामरेड्स लोरा मंता, अदिन काजे संयुक्त मोर्चा संबंधित शिक्षा ओसो वर्ग-शिक्षा ता एकता किन समझेमाया परवोर आंतोरा ओरु दक्षिणी आनहेड़े घटना पेरके, संयुक्त मोर्चा संबंधित शिक्षा तुकु अलग वर्ग-शिक्षा पोर्हे खास जोर हियाना इंजी आलिसंतोरा। ओरु इंजे वेने जापानी-आक्रमण-विरोधी युद्ध ताकनास्के देश ता उच्च, मध्यम वर्ग कुना सब्बे लोकुर, इंजे वेने जापान ता मुकाबला किया मंतोर, (तीन लोप्पा बडे जर्मीदार वर्ग, बेहरा पूंजीपति वर्ग लोप्पा मत्तेकाई, मध्यवर्ती वर्ग लोप्पा मत्तेकाई पार्टी ता संपूर्ण नीति इदे मंदिता- इत्तेके राष्ट्रीय संयुक्त मोर्चा ता नीति (उंदी दोहरी नीति) इदु एकता ओसो संघर्ष किन एकीकृत कींता। इद दोहरी नीति कठपुतली सैनिक, देशद्रोहीर ओसो जापानी समर्थक लोरा पोर्हे वेने लागू आयना (तम्मा गलतिंग मानेमावया मंदानोर किन विडचसी, बारांकु इत्तेके वीरकुन माटु पूराए खत्म किसींतोम)। मना पार्टी तना सदस्य ओसो आम जनता नडमा हियाना शिक्षा लोप्पा वेने इव रेंडासी पहलुंग कुन शामिल कित्ताद मंता, इत्तेके सर्वहारा वर्ग ओसो किसान वर्ग ओसो निम्न-पूंजीपति वर्ग ता बाकी सब्बे समूह किन अलग-

अलग तरीका ने ओसो अलग-अलग स्तर ते एकजुट आयना इंजी करिहिंता। जापान ता प्रतिरोध कियाला काजे पूँजीपति वर्ग ओसो जर्मांदार वर्ग संगे-संगे ओरा खिलाफ अदे स्तर ता संघर्ष बद्रम कियाना ओसो अदे स्तर ता समझौता बद्रम कियाना इंजी पेरके मुन्ने आंतोर ओसो कम्युनिस्ट लोरा विरोध किंतोरा संयुक्त मोर्चा संबंधित नीति असल ते वर्ग-नीतिए आंदू इव रेंडासी जुडेमासी मत्ता नीतिंग आंदुंग। इद पोल्लो किन स्पष्ट रूप ते समझेमायवोरु बाकी समस्यांग किन वेने स्पष्ट रूप ते समझेमाया परवोरा

8. उचुन कामरेड्स शेनशी-कानसू-निगंश्या सीमा ता इलाका ओसो उत्तरी, मध्य चीन लोप्पा मत्ता जापान-विरोधी आधार-इलाकांग ना सामाजिक चरित्र नव-जनवादी बनेमात्ता इंजी समझेमायवा कामरेड्स वेने मंतोरा बदे वने इलाका ता सामाजिक स्वरूप नव-जनवादी मंता या हिल्ले इंजी जांच कियाला काजे मुख्य रूप ते अगाटा राजनीतिक सत्ता ता नेतृत्व कम्युनिस्ट पार्टी ता कैदे मंताया हिल्ले इंजी हूङ्गाना। अदिन काजे कम्युनिस्ट पार्टी ता नेतृत्व ते ताकना संयुक्त मोर्चा ता राजनीतिक सत्ताए नवजनवादी समाज ता मुख्य निशानी आंदू उचुन लोकुरा विचार नवजनवाद किन केवल दस साल ता गृहयुद्ध ताकनास्केटा भूमि क्रांति ताकी कितेकने लागू कित्ता लेकका आलिसंतोरा। मति इदु विचार गलत मंता। इंजे आधार इलाकांग ना राजनीतिक व्यवस्था पूरा जनता ना संयुक्त मोर्चा ता राजनीतिक व्यवस्था आंदु इदु जापान-प्रतिरोध ओसो जनवाद ता समर्थन कींता, ओरा अर्थव्यवस्था उंदी अर्ध-औपनिवेशिक, अर्ध-सामंती व्यवस्था किन बुनियादी रूप ते खत्म कित्ता ओसो अदिन संस्कृति व्यापक जन-समुदाय ता साम्राज्यवाद-विरोधी, सामंतवाद-विरोधी संस्कृति मत्ता अर्थव्यवस्था आंदू। अदिन काजे राजनीतिक दृष्टिकोण ते लेवेके अर्थव्यवस्था या सांस्कृतिक दृष्टि ते ओरु जापान-विरोधी आधार इलाकांग लोप्पा केवल लगान, सूद कम कियाना नीतिए अमल कितोर ओसो शेनशी-कानसू-निगंश्या सीमा इलाका लोप्पा भूमि-क्रांति बेसे पूरा आता, इव रेंडासी ना स्वरूप नवजनवादी मंता। जापान-विरोधी आधार इलाकांग ना उदाहरण किन देशमेंड लागू कित्तास्के पूरा चीन उंदी नवजनवादी गणराज्य बनेमायारा।

## नोट

1. इगा 13 अप्रैल 1941 ते सोवियत संघ ओसो जापान ता नडमा आता बदे बगिल शामिल आयवा मंदाना ता समझौता ता बारे ते वेहतद मंता। इदिना संगे सोवियत संघ ता पूर्वी सीमा पोर्टे शांति किन सुदृढ़ किताद मत्ता ओसो इद्रमे सोवियत संघ पोर्टे हमला कियाना

जर्मनी, इटली ओसो जापान ता षड्यंत्र किन विफल कित्ताद मत्ता। इदु सोवियत संघ ता शांतिपूर्ण विदेशी नीति ता उंद बेहरा जीत साबित आता।

2. 12 अप्रैल ता घटना, 12 अप्रैल 1927 ते शांघाई लोण्ठा च्यांग काई-शेक कित्ता प्रतिक्रांतिकारी तखापलट मत्ता, इद्रम कियानास्के बेहरा संख्या ते कम्युनिस्ट ओसो क्रांतिकारी मजदूर, किसान ओसो छात्र-बुद्धिजीवीरा नरसंहार कित्ताद मत्ता। हूऱ्डाटू “हूनान ता किसान आंदोलन ता जांच-पडताल रिपोर्ट” हेडिंग मत्ता रचना ता नोट 6 (“माओ त्सेतुंग ना संकलित रचनांग”, ग्रन्थ 1)।
3. हूऱ्डाटू: “चिंगकांगशान मेड्वांग ने संघर्ष” हेडिंग मत्ता रचना ता नोट 17 (“माओ त्सेतुंग ना संकलित रचनांग”, ग्रन्थ 1)।
4. पहला कम्युनिस्ट-विरोधी हमला च्यांग काई-शेक ना 1939 ता इरंगम कालम तल 1940 ता वसंत एवनल ताकी कित्ताद मत्ता। हूऱ्डाटू - “सब्बे जापान-विरोधी ताकत कुन एकताबद्ध कीमुट ओसो कम्युनिस्ट-विरोधी कटूरतावादिरा खिलाफ संघर्ष कीमुट” हेडिंग मत्ता रचना ता नोट 10।
5. “कनफ्यूशियस ना मध्यस्थता ता सिद्धांत” पोर्टेल ता पुस्तक ता 13 वीं अध्याय ते संग वंश ता दार्शनिक चूशी (1130-1200 ईस्वी) ता टीका लोण्ठा हूऱ्डाटी।
6. हूऱ्डाटू - “जापान-विरोधी ताकत कुना वेल्ले विकास कियाना ओसो कम्युनिस्ट-विरोधा कटूरतावादिरा हमलांग ना प्रतिरोध कियाना” पोर्टेल ता रचना ता हेडिंग वाले नोट।
7. इद चिढ्ठी 9 नवम्बर ता 18वीं ग्रुप-सेना (आठवीं राह सेना-अनु.) ता कमांडर इन-चीफ चू तेह ओसो डिप्टी कमांडर इन-चीफ फंग त-ह्वाए ओसो पूना चौथी सेना ता कमांडर ये थिंग ओसो उप-कमांडर श्यांग इंग क्वोमिंगतांग ता हो इंग-छिन ओसो पाए छुंग-शी ना 19 अक्टूबर 1940 ता चिढ्ठी ता जवाब ते लोहताद मत्ता। कम्युनिस्ट पार्टी पोर्टे हमला कियाना जापान मुन्ने आत्मसमर्पण कियाना क्वोमिंगतांग प्रतिक्रियावादिरा षड्यंत्र कुना पर्दाफाश किसोरे तम्मा चिढ्ठी लोण्ठा हो इंग-छिन ओसो पाए छुंग-शी ना अंगडन ता प्रस्ताव ता खंडन

कित्तोर ताना लोप्पा पूना चौथी सेना ओसो आठवी राह सेना किन  
पीली डोड्डा ता दक्षिण तिंची पीली डोड्डा ता उत्तर बागिल दायला  
वेहताद मत्ता। मति संपूर्ण परिस्थिति किन सुरता तासिसी जापान ता  
खिलाफ एकता कियाला काजे समझौता कियाना लक्ष्य ते ओरु  
यांगत्सी डोड्डा ता दक्षिण ते मत्ता पूना चौथी सेना किन यांगत्सी ता  
उत्तर बगिल लोहना मंजूर कित्तोर ओसो इदिना संगेने क्वोमिंगतांग  
ओसो कम्युनिस्ट पार्टी नड़ा मत्ता बचोनो महत्वपूर्ण सवाल किन  
हल कियाना मांग कित्ताद मत्ता। इद चिढ्ठी मध्यवर्ती वर्ग ता समर्थन  
दोरकना ओसो च्यांग काई-शेक किन अलगाव ता परिस्थिति ते  
वाटतद मत्ता।

8. चीनी समाज ता बारे ते, क्रांति ता नेतृत्व कित्ता चीनी औद्योगिक  
सर्वहारा वर्ग, वेने प्रतिक्रियावादी बडे जर्मांदार वर्ग ओसो बेहरा  
पूंजीपति वर्ग लेककाने चीन ता आबादी ता केवल उंदी अल्पसंख्याए  
मत्ता। हूडाटू: “शेनशी-कानसू-निगंश्या सीमा इलाका ता प्रतिनिधि-  
सभा लोप्पा भाषण” (“माओ त्सेतुंग ना संकलित रचनांग”,  
ग्रन्थ3)।





**SELECTED WORKS OF  
MAO Tse Tung  
VOL. II**

**GONDI**  
Translation by  
**JANI**

**2021**

**Jangom** press

